


四庫禁燬書叢刊編纂委員會

北京出版社

四庫禁燬書叢刊



集部第一五八冊目次

國朝詩的六十卷(三)

〔清〕陶燴 張瓌輯
清康熙六十一年刻本

..... 一

國朝詩別裁集三十二卷

〔清〕沈德潛輯評
清乾隆二十五年教忠堂刻本

..... 一二九

國朝詩的六十卷(三)

〔清〕陶煊 張璣輯

清康熙六十一年刻本

中國社會科學院文學研

究所圖書館藏

國朝詩的目錄廣東

卷之一

程可則十一首 屈大均十八首 岑徵一首

張穆一首 王邦畿四首 陳子升一首

陶葉一首 陳恭尹三十首 梁佩蘭十四首

祁文友一首 姚子莊一首 廖文英三首

何栻二首 方殿元三首 王隼三首

劉世重三首 廖燕四首 林鳳岡四首

李恕二首 歐白一首 莫玉文四首

王文潛二首 黎遂球十八首 鄭露五首

國朝詩的目錄
卷之一
廣東

國朝詩的卷之一

長沙陶 煊奉長選

同里張 璨豈石同輯

廣東

程可則 周量石 雁南海人

送陳其年遊梁

遙遙汴京雲莽莽夷門道侯嬴不再來信陵亦荒草天
地方悠悠川原漫漫浩浩君行幸努力修名以為寶毋為
長相思相思令人老

送戴務旃遊西嶽四首

國朝詩的目錄
卷之一
廣東

我家羅浮下夙昔阻登涉前年岱宗頂烟霞暫怡悅常
恐塵土姿邈與名山絕安能從君遊醉踏蒼龍月

贈計甫草

門巷何蕭索惟君步履頻青雲幾故舊白首尚風塵身
受才名悞文從患難真耦耕知未遂相顧倍傷神
聽說經年况凄然淚不禁歲荒生事儉世難客愁深孝
友安時命文章損道心五侯空好士歎息眇知音

劉公猷至彈琴

閉門理幽獨日落空齋陰客子此時至青天鳴素琴松
風生萬壑人語靜空林不復知燕市悠然山水心

送一靈上人歸羅浮山即翁山

羅浮仙窟宅四百玉芙蓉
吾子今歸去棲遲第幾峰
雲霞天半落鸞鶴夜深逢
何日攜邛友同看萬壑松

遙題尹瀾柱東湖

憶爾東山卧東湖
激澗開一家臨水鏡
終日對樓臺
風暖桃花發天清鴻鴈來
時應采菱去明月櫂歌回

送唐白生歸桂林

已近重陽節驪歌萬里聽
黃花中路酒衰柳斷腸亭
砧杵淒吳苑烟波下洞庭
疎麻如可折爲我寄芳馨

送張念瞿僉事之夔州

國朝詩印 卷之一 一 夔州

會吟杜老詩千首自下夔門逸興多
三峽倒流開灩澦大江春色帶岷峨
天教草閣詞人住地仗名藩使者過
此去憑君弔陳跡灩西風景近如何

送魏子存之成都同若文西樵貽上

誰說蠶桑不易行
春風三月馬蹄輕
銅梁舊枕泰山險
玉壘新連楚塞平
芳草綠齊過漢口
杜鵑紅盡到綿城
知君篋底多詞賦
論蜀文應似長卿

夜泊九思灘却寄韶州諸子

作客蒼江兩浹旬
青山日與故人親
雄州一去難聲急
無數青山不見人

屈大均翁山番禺人

哭畢姜三首 選二

西北多佳人平生性所慕
馳俠至秦中荷卿愛詞賦
朝共恒華遊暮指瀟湘路
並馬榆關行同車梅嶺度
妝罷弄圖書酒酣射雉免
歡娛及閒暇嫵婉憂遲暮
我情日以柔汝姿日以婢
竭力媚閨房不爲荒淫故
寧知忘憂花一旦摧朝露
積思成疰疾尋子向丘墓

相如還成都衣裘盡賁酒自刺
美人賦消渴恐不壽臉際芙蓉花
誰知先速朽幽歡惜永絕盛顏難
復取筆牀銷翡翠雜佩捐瓊玖服玩
盡棺中箱簾無所有同穴尚

國朝詩印 卷之一 一 夔州

無期我留爲慈母殉爾一鳴琴暫作黃泉友

烈皇帝御琴歌

嗚呼蒼天不可識
炎精久被虹蜺食
共工怒觸天壽崩
百神驚走慘無色
先皇龍戰血玄黃
雲中徒跣歸文昌
臣尋弓劍煤山旁
淚枯參天雙海棠
宮門進退故常侍
曾見先皇諸寶器
烏鵲久已殉銀泉
龜書無復藏金匱
惟餘一琴賊不傷
與人手澤猶光膩
花紋細作飛龍形
玉管親題翔鳳字
濟南李卿懷孤忠
千金購茲太冥桐
拂拭神蛾絲五色
沐浴珠徽光的皜
月明知見朝鬼神
天陰時聞轟霹靂
我從李卿請琴觀
楚囚相對泣南冠

湘妃錦瑟秋風咽山鬼蘿衣夜雨寒欲排閭闔叩天鼓
忠信翻爲虎豹侮乾崩地拆帝無聞日擁投壺諸玉女
蒲阪南薰操不成崑丘黃竹歌空苦宵衣旰食十餘秋
有官無商淚自流大絃既急小絃絕誰爲君王獨百憂
其時坐有楊太常曾承天語稱師襄玉熙宮中久供奉
琴聲高奏脩羽觴岐伯饒歌揚武德延年樂府擅鴻章
鳴咽率予新遺事咬春燕九陪遊戲琵琶水殿彈嬌娥
龍舟爭采夜舒荷唐山新製房中樂黃鵠交飛太液波
疊疊水信金傀儡紛紛過錦玉婆娑月照龍顏含喜色
千秋萬歲樂寧多天昏莫埽虫尤霧河決誰憐瓠子歌

國朝詩的 卷之一 黃東

四

吹角難令玄女降舞干其奈有苗何甲申三月燕京亂
此琴七絃忽盡斷玉殿橫飛鐵騎聲天威先示空桑變
從此中華禮樂崩八音遏密因懷陵小臣亦似嶧陽幹
半生半死難鶩騰伏波馬革裹未遂軒轅龍髯攀不能
感君珍重此琴歸九廟神靈實憑依鼓之舞之元氣馳
帝出乎震是今時殷薦上天以崇德此琴將爲聖人師
太常於焉再稽首爲取賜琴揮玉手童子金爐添御香
至人朝服當西牖落日陰連海岱雲平沙遠映青徐柳
初撥官絃鐘呂鳴縹緲簫韶吟紫清春風吹滿蓬萊闕
和鑾正繞千花行移商未成忽變徵劍戟相摩雨不止

中原羣盜俄蠶起至尊嘆息呼赤子更調角羽風嘈嘈
中見黃巾爭舞刀殺人無聲如刈蒿茫茫白草兒女號
又聞投鞭渡臨洮九龍池水流人膏百官披髮衝波濤
君王淚沾火藻袍笳聲夜奏單于小獵火秋懸太白高
堂堂天朝事遂去可憐萬里無臣庶往日霓裳宴太平
開元子弟俱何處杯土誰封金粟堆杜鵑自掛蒼梧樹
驚風如刀頻割絃欲續斷絃雙手酸餘音遠梁何纏綿
滿堂賓從皆涕漣請君罷彈莫終曲恐令南北諸陵哭

綠綺琴歌

琴爲武宗毅皇帝內府之器其名綠綺向藏於中書

國朝詩的 卷之一 黃東

五

舍人鄺露家庚寅冬舍人殉難朔方健兒得之以鬻
於市金吾葉卿見而嘆曰噫嘻是御琴也解百金贖
歸暇日泛舟豐湖命客一彈再鼓大均聞而流涕乃
作歌曰

羅浮四月春泉浹流出千溪萬溪雪豐湖浩渺連空天
鴛鴦灘鴻紛明滅主人漢代執金吾歸築樓臺半在湖
桂棹湖南邀宋玉銀箏湖北奏羅敷顧謂雙鬟陳綠綺
一時賓客皆傾耳言是中書鄺子琴珠徽如月寒光起
梅花千片斷龍鱗沉香一節燒鸞尾製自唐朝武德年
隱隱金書玉璽連毅皇親向宮中選賜與劉卿世世傳

中書乃自劉家得似捧鳥號淚沾臙珍重君王手澤餘
大絃小絃日拂拭時飛纖指理南風髣髴重華兄顏色
自從朔騎圍三城中書奉使歸籌兵日與元戎親矢石
時將彩筆作戈旌雙闕恨屯回紇馬六龍愁在亞夫營
城陷中書義不辱抱琴西向蒼梧哭嵇康既絕太平引
伯喈亦斷清溪曲一縷腸繁寡女絲三年血變鐘山玉
可憐此琴遂流落龍唇鳳唳歸沙漠蔡女胡笳相慘淒
王昭琵琶共蕭索嘆君高義贖茲琴黃金如山難比心
我友忠魂今有託先朝法物不同沉我昔山東見翔鳳
翔鳳乃成宗
皇帝御琴念是威皇手所弄復從太嘗見賜琴一爲

國朝詩的

卷之一 賈東

六

開元舊供奉楊太常正經有二賜琴一
爲唐開元年供奉樂器背有崇禎玉璽留
五聲亡角悲民流楊太嘗嘗奉勅審定五音暨郊廟太
諸樂嘆曰五聲乃亡角民流至耳太
嘗爲我一揮手呼天搶地愁復愁君是當年侍從者出
入嘗陪八駿馬十三官拜羽林郎二十戰酣涿鹿野一
自龍髯不及攀豐湖一曲送棲閑樂器不同微子抱淋
鈴難見上皇還此琴寶惜宜加厚列朝恩在宮商間安
得翔鳳入君手更召太嘗至臙牖一奏當令白鶴翔再
彈會見神龍吼

具區山中作

我愛鴟夷子風流在五湖美人留一鏡終古照三吳白

鳥烟來去青風雪有無梅花千萬樹不覺一春孤

題怒吳樓

辛苦與王業春秋義最深三分先帝淚六出武侯心漢
月光猶昨江濤怒至今樓高橫采石戰氣日陰森

觀五老峰背三疊泉

面面峰巒絕橫天鐵壁青飛泉若烟霧白晝走雷霆激
石成三疊驅雲到四溟無人知此勝來往水精靈

琪林晚望

鳥道盤天外誰攀太乙林雲連金闕暗花積玉壇深北
渚空春草銜陽正夕陰雲中君未降淒斷鳳簫音

國朝詩的

卷之一 賈東

七

黍珠菴晚眺

松子落紛紛樵歌隔水聞秋花藏磴道石竇出風雲葛
令龍蔥笛麻姑蛺蝶裙相逢歡未盡日暮鐵橋分

攝山秋夕宿天開巖下

秋林無靜樹葉落鳥頻驚一夜疑風雨不知山月生松
門開積翠潭水入空明漸覺天鷄曉披衣念遠征

鴈門秋望

白草黃羊外時聽繁策哀淒涼蘇武廟慘淡李陵臺風
助群鷹擊雲隨萬馬來關前無數柳一夜落龍堆

言從浮嶠直抵榆將訪剎大師不果賦懷

朔風吹大漠，驂馬媚其曹。落月隨孤影，飛霜滿敝袍。天連金海澗，山擁玉門高。一望慈雲遠，行行中鬱陶。

長沙

熊繹開南楚，長沙應小星。城臨湘水碧，苑接嶽山青。帝子留笙鶴，娥皇隔洞庭。裴回秋月夜，玉殿見流螢。

荆門

巴水吞三峽，荆門控百蠻。山連夔子國，天作虎牙關。白帝朝雲散，明妃夜月還。行人憐古柳，春向楚宮攀。

宣府

往日多游幸，雲州自帝家。離宮臨鴈塞，御氣繞龍沙。青國朝詩的

卷之一

廣東

八

接明妃草香傳，蕭后花羽林。軍散後，淒切任吹笳。

采石題太白祠

才人自古蛟龍得，太白三閔兩水仙。辭賦已同雙日月，精靈還作一山川。江間絕壁丹青出，木末飛樓俎豆懸。千載人稱詩聖好，風流長在少陵前。

朱紫陽嘗謂太白聖於詩，祠上有亭。

常翠螺山頂亭
因題曰詩聖亭

綠牡丹

絕代名葩，誰下無香分。螺黛十眉圖，花中不辨來。么鳳葉底多疑是綠珠，羅袖淺將苔色染。玉盤寒愛露華濡，姚黃莫卽愁裏青。帝恩光此獨殊。

漢關

黃雲不逐錦車還，絕望天南有漢關。青塚易成蘭麝土，紫臺難作芋蘿山。空將春色歸龍塞，豈有長城在玉顏。才似少卿人更恨，相逢無計與刀環。

岑

徵金紀南海人

贈孔樵嵐送友之關外戍所

遊子色慘澹，疋馬聲蕭蕭。征衣拜堂上，阿母殊陶陶。兒去兒能還，沙漠安辭勞。良友承嚴譴，六月遠度遼。良友亦有母，母子雙寬銷。送之以萬里佩，之以瓊瑤富貴與。患難珍重兩不撓，我歎有母賢乃知有子豪。萬里走遠

國朝詩的

卷之一

廣東

九

道誰識金石交

張穆

穆之南海人

元夜過魏和公旅邸明發有瓊海之別

眷言同意氣，離合便相關。良夜不重得，遊人難久閒。明燈寒共影，濁酒煖開顏。此地能長聚，菰蒲別世間。

王邦畿

誠齋說作番禺人

姑蘇

歌舞聲高霸業空，闔閭城畔太湖東。清風伍相孤祠裡，明月三吳一沼中。鹿性已忘臺草綠，魚腸猶蝕土花紅。春秋事在書生夢，立馬哀吟恨不同。

燕臺

地入幽州白日沉寒雲莽莽水陰陰亦知七首無成事
只重荆卿一片心老馬過宮頻內顧高臺游客獨長吟
朱書玉簡先朝物流落人間直至今

楚宮

五千里路昔稱雄餘烈猶存霸國風雒水一窺周室鼎
秦庭拾得楚人弓宮中顏色誇腰細澤畔文章怨命窮
頭上有天難問處江陵樹色月朦朧

金陵

王氣升沉想象中早潮雲白暮潮紅樓臺六代歸荒草
國朝詩的 卷之一 廣東 十

禮樂先皇出故宮未信長淮終不返有時明月自當空
行人南向諸陵近潦水那堪薦晚風

陳子升

喬生中洲南海人

清遠峽

軒轅二帝子弄笛聞禺陽江岸扁舟客聞鐘到上方仙
靈今聞寂雲水空青蒼欲遣愁心去歸猿聲正長

陶葉

苦子南海人

聞孔樵嵐營北海書院東之

北海遺墓側聞君闢講堂先賢但有跡未可使淪亡况
君爲其後安得不遑遑尊滿直細事所期聖學昌從來

創始難此舉非尋常倘遂肯構志負笈從維揚

陳恭尹

元孝番禺人

湘上寄梁器圃

湘臯氣候暖風物猶近粵雪在野際青春遲柳間葉出
郊踐芳草怨與王孫別河橋一揮手六滿汀洲月靡月
不相思矧伊艷陽節想見山阿人行歌散玄髮衡陽有
歸鴈遯矣嵇生札

新苗

高田易爲瘠下田易爲肥高田苗欲密下田苗欲稀春
陽三二月陰雨來霏霏無論高與下青青同一時疎如
國朝詩的 卷之一 廣東 十一

鴈行列密若羊毛披清風颯然至蕩漾生漣漪迴旋合
萬舞荏弱不自持遙遙極天碧望望深人懷先王制四
民士首農次之非時尙不役矧乃鞭與笞一夫不播種
世有受其飢須知元元命繫此青青絲賤子爲老農敢
以告有司

木棉花歌

粵江二月三月來千樹萬樹朱華開有如堯時十日出
滄海又似魏宮萬炬環高臺覆之如鈴仰如爵赤瓣熊
熊星有角濃鬚大面好英雄壯氣高冠何落落後出棠
榴枉有名同時桃杏慙輕薄祝融炎帝司南土此花無

乃羣芳主巢鳥須生丹鳳雛落英擬化珊瑚樹歲年年五嶺間北人無路望朱顏願爲飛絮衣天下不道邊風朔雪寒

日本刀歌

白日所出金鐵流鐵之性剛金性柔鑄爲寶刀能屈伸屈以防身伸殺人星流電激光離合日華四射瞳瞳溼陰風夜半刮面來百萬啼魂鞘中泣中原歲歲飛白羽世人見刀皆不顧爲恩爲怨知是誰寶刀何罪逢君怒爲君畫盛威與儀爲君夜伏魍與魍水中有蛟貫其頤山中有虎抉其皮以殺止殺天下仁寶刀所願從聖人國朝詩句 卷之一 黃東 三

送雪公歸耕蒼梧歌

蒼鷹六翮不上天化爲春鳩啄人田壯士有力不搏虎兩角肥牛耕瘠土毛摧羽落君莫歎龍屈蛇伸自終古送君耕耕何所有蒼梧之溪山下有牂牁之長浦浦下山田田上野荷鍾來歸日當午曲枕右肱樹左股萬事不理望膏雨

張穆之畫鷹馬歌

張公捉筆初無意亂點離離墨光漬袖手方迴慘淡思滿堂忽作飛騰勢尤工畫鷹與畫馬豈有鬼神立其臂是何意態奇且傑歷落高深見胸次蓋聞夫子俠者流

少年唾手燕然地縱橫青史一千年顛倒文韜三萬字破膽親持與衆嘗許身不惜爲人碎老來伏櫪有餘悲紙上鷹揚猶負氣叩心自昔飛炎霜白虹乃爲荆軻至况君精誠委筆墨僧繇破壁將無是我有填胸萬古愁百神不語群仙醉請君放筆作雙鸞夜半騎之問天帝

送屈翁山之金陵

地何必生山川天何必有日月一升一沉使我老南北東西令人別洪河之水孤蓬根不知似我還似君神州蕭條寰宇黑英雄失路歸何門文章亦是千秋事興則爲雲降爲雨雄劍高飛雌劍留夜上金陵望牛女

國朝詩句 卷之一 黃東

三

題鮑子韶獨醉圖

古之飲酒人陶公與阮公一觴一咏安足道高天萬里嗟冥鴻方其未醉時五岳橫心胸酒杯瀉作大海水白日倒落滄溟東鮑生能飲不數斗醺然顏色如花紅開口忼慨天下事走馬來自燕昭宮與予論交有世好披圖使我題其中吁嗟乎天地變化閉塞將復開如君磊落跼蹐真奇才把酒獨醉胡爲哉急理健翮排九垓燕領書生空願酒泉郡青蓮居士但築糟丘臺君不見沛公王業基四百壯士鴻門酒一杯

以端溪水岩小硯寄戴觀察怡濤系之以歌

昔人只重端溪紫今之水巖勝于始始猶所採皮肉間
山骨琢盡茲其髓一陽生後天益寒牂牁江落風林乾
崖枯峽淺洞門出中有積水蛟龍蟠良工斤斧重泉下
石室無光朝亦夜千枝列炬照人行萬指懸壺向江瀉
金錢之費日不貲冬春之際能幾時取瑜况復不相掩
非具大力安能爲崇禎之中能開府通者名藩亦時取
後先疏鑿分東西文采精華並千古往時蕉白稱極佳
今人指點等青花以茲相石亦未盡必有生氣如雲霞
拊不留手柔無骨墨質愈堅磨愈發宋坑宣德雖尙存
粗則傷毫細則滑伯樂一顧冀馬空世間所患無追風
國朝詩約 卷之一 廣東 十四

雨夜懷屈翁山

風雨懷人坐無燈亦到明流螢分夜色疎竹聚秋聲別
酒尙餘醉春花今不榮終知吾與子白髮路傍生

病柳

黃落亦復好青青將若何受人憐不久當路折偏多艷

節成虛往嚴霜幸未過金城舊栽處流涕怨蹉跎

宿羅克生

衡山三十里穉子識君家山路杉松雨君門桃李花乍
逢如宿昔未老亦烟霞歎息青燈夜春衣冷欲加

贈洪藥倩虞部

各有千秋志俱行萬里廻論交爲後輩相見慰從來託
向杯前滿心當燭下灰十年滄海變老盡濟川才

出門

未有出門意篙師候水涯故人書適至江上夕初佳白
鷺飛閒世青天入曠懷還如張翰去不復俟同儕

國朝詩約 卷之一 廣東 十五

春泉

石上水初解田間綠已陰無窮資地力不息自天心暗
谷藏聲淺平池見底深但令嘗潤下何用更爲霖

獄中雜紀

圓扉今半月佳節報重陽粵俗人登墓秋風稼在場天
遙唯見鴈地苦已飛霜書札詢兒輩溪花幾處黃

一旬雙諱日近接我生初淚滴重泉下身從九死餘爲
禽填苦海作蠹飽塵書已比先人老千秋愧不如

送鴈

數聲嘹唳起汀沙亂點晴空暮影斜六翮欲衝遼海雪

一行先別嶺南花但令處處無飛嫩莫恨年年不到家
荇葉蘆芽春漸遍無窮烟水在天涯

寄喻賢三

春來頻客素馨田想見高吟百卉前瓊海罷官唯白髮
蜀門歸路在青天埋名後代還誰賞廉吏今時不謂賢
同是舊人君更老相思遙寄夢熊篇

蜀中懷古

子規啼罷客天涯蜀道如天古所嗟諸葛威靈存八陣
漢朝終始在三巴通牛峽路連雲棧如馬瞿塘走浪花
擬醉昔賢魚水地海棠開徧酒人家

國朝詩約卷之一 廣東

十六

鄴中懷古

山河百戰鼎終分歎息漳南日暮雲亂世姦雄空復爾
一家辭賦最憐君銅臺未散吹笙伎石馬先傳出水文
七十二墳秋草徧更無人表漢將軍

寄陸雄州孝山

曲江祠下俯無涯鎖鑰關門倚妙才薄俸散歸名下士
新詩多似嶺頭梅北樓天淨吟爭出南浦橋高船競開
昨日人來頻見說郡齋寒葉落成堆

寄青原藥地禪師

駱駝峰外寶鐘撞十八灘聲湧法幢曠代才名流下界

半天人卧在高廳新疏瀑水虹千尺迥立寒階鶴一雙
猶有爲霖舊時望雨花空自滿西江

同梁器圃宿羅潛峰石湖

一湖烟景在登樓足耐閒人十日留隔岸山光橫枕上
遠天帆影落牆頭溪多暗響響驚雨竹有寒聲不待秋
况是溪翁共疎放玉尊開酒夜傳籌

將發漢口毛子霞在武昌不得更別舟中夜坐作

詩寄之

滄波芳草暮生烟東望離心倍黯然短棹擬過黃鵠渡
輕裝催上白門船遙從江漢分流地坐到星河欲曉天

國朝詩約卷之一 廣東

十七

明日五更應已遠故人殘月正高眠

夜起西山草堂口占別吳又札梁顒若梁亮圃

無成三十老漁蓑舊國溪漸此屢過生計未知何事好
詩篇唯覺別人多高城曉角收涼月岐路西風長白波
猶幸交親不相棄夜燒銀燭爲悲歌

立秋日送雪標和尚開法曹溪

濟上家風得大機白雲高坐見人稀絕無言處千花繞
欲有行時一葉飛溪水生香迎桂棹嶺猿隨衆候山扉
宮中賜出袈裟在禮向西來舊祖衣

雨後馮再來中丞招同王長文姜坤侯何漣若陳

繼袁諸子泛舟謁南海神祠登浴日亭望海是日晴霽詰朝復雨卽事賦謝

南人誰不頌芄苗百里行春路未遙鴈翅城開雲尚積
虎頭山出雨初消元戎小隊移輕舸大海微風入短簫
天爲中丞晴一日江花林月好相招

千秋吏部文章在三月中丞節鉞來廟壓平潮諸島沒
天橫峯影海門開布衣未敢辭高宴赤舄無嫌踏野苔
南國禹功元不到安流須仗濟川才

李蒼水司訓長樂以羅浮蝶蘭數雙及繭布見寄

云布卽蝶蘭所成翼日蝶出繭中五色紛披翫

國朝詩的 卷之一 廣東

六

對之間因成一律寄謝其意

仙遺衣化羅浮蝶蝶化山盤復作衣栩栩未離莊叟夢
絲絲還上玉人機質無綺麗宜於隱生有文章不愧飛
多謝良朋遠相寄東方蟬蛻亦依稀

梁佩蘭 藥亭南海人

寄懷屈翁山客鴈門

春日鳴倉庚北鴈整歸翮故人在關外三載猶作客平
生論王霸中具膽與識遡地多苦寒欲以鍊筋骨側聞
聘秦女篋篋列圭璧好色而不淫國風重有德所慮柔
媚腸恩愛漸相易一旦時勢來功業不得力天南隔萬

里久矣無消息老親望門閭幼妹事締綰願言稅歸鞅
省親聊促膝和風暖萱草皎月理琴瑟

送胡紹先歸豫章

尊酒置高臺嘉魚作珍膳送我同心人踟躕出郊甸東
風二月來晦朔連雨霰泥塗滿積水牛馬行不辨春江
厲風濤百丈不可牽如何據舟楫緬邈流竹箭南帆望
北首指點州與縣脉脉岐路旁中情增繾綣僕本行役
者轉盼重會面

將軍夜宴歌 微李賀體

大紅氍毹蹙金帳將軍夜宴轅門上鷹臂材官部落排

國朝詩的 卷之一 廣東

一九

虎牙戍士勾陳向華筵侍宴多樂工篳篥吹起無絲桐
竊窬碧磴入風裏揭起八枝旗畫龍葡萄美酒一千斛
香氣溫烘壓金粟巨羅滿酌恣鯨吞滴落珍珠撒銀燭
酒酣喝天墮酒星白月盡黑雲盡停不肯信天能晦明
重欲上天拔玉繩解事美人慧鶚鵲座中起作胡旋舞
上壽千年與萬年莫使英雄入黃土

登李白酒樓

我登李白樓欲飲李白酒不但見李白飲酒亦無友古
今世界如酒槽不是、粕便成糟古來聖賢盡酒帝不
是大醒必大醉上呼李白白不聞縹緲八極凌烟雲此

時想醉在天上投壺玉女笑相向有唐之代無兩人氣
豪識曠風雅新布衣名姓動天子金鑾殿前賜學士葡
萄酒酌頗梨杯妃子攀進胡爲來夜耶一日向西去天
不關雷地冥雨當年權勢攻飲狂小鳥群笑孤鳳凰白
也沉涵非無意醒來看人欲羞死孔巢父元丹丘與爾
飲酒在此樓任城令作東道主任城萬家盡酒戶至今
酒樓高崔嵬遺像重覺玉山頽才人落魄好瀟灑痛飲
卽是痛哭者我欲渡河恨無梁我欲升天恨無梯請起
李白在千古相與對飲成醉泥摘取天上日月星宿當
酒錢撐取地下江淮河漢當酒船更叱滄溟化酒泉神
國朝詩的大卷之一 廣東 王

龍吸海鯨吸川飲酒之外何有焉飲酒之外何有焉

奇題殿麗木漬山館

尋常居止外無事可言機澗僻窺涼飲天晴教鶴飛閒
雲投竹杖寒瀑濺秋衣聞說新行徑尋僧失翠微

漂母祠

一飯尋常事千年廟貌存母能生大將天不死王孫渾
渺長淮水悠悠行路言翻憐漢高帝不及婦人恩

夜宿廖南暉客舍兼訂歸里

相逢憐此夜一別十年來漸覺兒童長真令老大催斗
牛天半落瓊瑤月中開猶爲陳瓜果溪潭未擬回

有約還鄉國先期在隔秋鴈看邊塞渡帆台楚江流日
月浮皎室雲霞結歷樓滄浪如可詠吾道復何求
北原丘隴在松柏久成園廢道牛羊上空山鳥雀飛積
來黃土恨贏得白頭歸知爾霜露凄然淚滿衣
無田爲士苦相勸學躬耕仲夏荔枝熟深秋禾黍成茅
茨高樹出蟋蟀下床鳴未必終貧賤文章似長卿

秋懷

南漢臺高控杏冥滄浪人對楚山青欲將玉尺量天地
未信銀河倒日星深夜老猿啼到曉隔江寒鴈落前汀
誰能更聽湘君曲一路懷沙過洞庭

國朝詩的大卷之一 廣東 王

贈葉猶龍金吾

漢時都尉聲名重家世勲勞國史稱賜劍幾年藏北斗
種瓜終日學東陵天中絲管長留客屋裏湖山欲贈僧
相過黃塘坐明月羅浮峰影落層層

吳中雜詠

遠浦蒹葭望不窮楚帆明滅夕陽中
逐鳥鷹圍曠野風無數樓船排日脚半天砧杵亂秋空
吳中景色原來好留得行人看葉紅

贈王兵憲

栢臺枝葉長丹柯東拂扶桑蔭海波兩世旌幢誰得似

百發碑碣總難磨神羊正奪奸回氣朱鷺新傳部曲誦
京國故人來遠信下交猶爲達巖阿

祁文友 蘭尚璠洲東莞人

過廢寺

何年廢寺却將崩望入山門半絡藤遺土金銷猶有像
殘蕪碑斷已無憑清風疑送檐前鐸明月空懸壁上燈
古迹龍蛇蚪蚪穴不知誰是六朝僧

姚子莊 六康歸善人

閩夏陵陽署齋分賦

半載山城吏拋書廢閣中雲溪千澗雨松動一溪風上
國朝詩的 卷之一 廣東 三

容留高詠新醪馮碧筒不嫌投轄意歡會更何窮

廖文英 昆湖連州人

江州雪東左寧南

許大河山玉砌成靈光天寶守神京投籤兩夜批黃冷
擊鼓城頭帶甲鳴仙鶴叫寒雲萬里白龍戰苦月三更
書生料敵曾何濟長劍星星氣不平

舟次寄胡沂菴漢口

駛風移泊白沙頭飛霞颯來撼鐵牛一夜江聲搖客夢
兩城更漏數離愁鷄寒叫落峨眉月漁罷吟孤剡小舟
寄我龍蛇千丈壁爲他風雨上潭州

別高哲涓刺史

如水心盟狎白鷗相逢是夢未應愁幾宵寒雨芙蓉謝
一局殘棋桑落收菊種分來彭澤傲酒缸移向洞庭秋
有魚不食空彈鋏漫向侯門定去留

何 栻 太倉香山

五日泛虎涌晚出石岐作

仲夏溪潮滿沿洄野興偏鳥聲烟際樹山色雨中船哀
些酬芳節菰蒲近晚筵大江還鼓柁沙渚夕陽邊

東林呈卽公

一入東林喜地偏此心非昨冷如泉卧看列岫皆成畫
國朝詩的 卷之一 廣東 三

行愛真僧不語禪朱橘亂垂青澗草翠禽閒立凍梅煙
自嗟幾日蘭舟別海上幽期又隔年

方殿元 蒙章番禺人

擬東門行

驅車出東門雨雪何霏霏寄語毋霏霏客子寒無衣車
遲遲顧徘徊我身瘦無力不能耕荷犁採薪養母日暮
薄炊母聞兒啼分半粥糜不爲吏不能已將出門泣者
誰貌累累室中妻君欲爲吏吏不可爲今時重利而輕
非君薄錢刀徒見嘗聞有疑心中悲一母不能養何以
爲男兒人生各有命龜勉且及時行行且思憂母腹饑

母樂腹饑悲兒不歸

巫山高

巫山巫山飛鳥度十二峯頭杳無路終朝無雲暮無雨
茫茫神女歸何處襄王不來宋玉去落日猿啼滿山樹

和女子張潮題壁原韻

東風吹恨數行西古驛荒牆舊燕泥蔡琰拍成秋慘慘
王嬌曲半草萋萋天生薄命供狼狽春斷芳紅逐馬蹄
爲拾愁心歸故國粵王臺上夜烏啼

王隼 蒲衣番禺人

青苔

國朝詩的 卷之一 廣東

苔

杖屨不到處幽人一片心平生依水石多是伴蟲吟雨
細連塔積秋空覆葉溪柴門無客掩寂寞到而今

憶山

三載還家客行吟古渡頭共看新葉落獨憶故山秋有
鶴雲依樹無人月占樓一從辭杖笠辜負蓼花洲

同梁藥亭先生暨社中諸子集具茨山堂遲陳元

孝金吾不至

虛堂亭樹一層層踏蘚吳輶想共登傍水鶴連看竹客
遠峯雲伴住山僧芙蓉畫破池邊月蟋蟀吟枯篋裏燈
知爾小樓閒臥足八分書寫鵲文綾

劉世重 仰山香山人

漁磯晚望

網下重湍水有紋環橋簑笠候斜曛投閒豈必黃花徑
得趣翻憐白鷺羣石窟泉生孤瀑雨松岬晴結擁邨雲
不知何處西風起老鵲呼寒落葉紛

鶴影松濤向水翻江千秋思在黃昏青袍着雨涼生腋
翠篠號風折到根山半路懸紅葉寺溪邊人度綠楊村
謾嗟浮世忙如蟻且泛湖亭酒一尊

上巳日余殿綸何也晏自博野至都門客舍作

國朝詩的 卷之一 廣東

美

遊客頻年滯北河他鄉相遇喜同過才華不數唐書記
鴈詠還追晉永和屋角古松吟細雨墻頭纖月挂新蘿
故人把酒談歸計盡醉燈前幾嘯歌

廖 燕 柴丹韶州人

過葉金吾豐湖別墅

山行景多幽湖行景多爽墅行有餘思綠陰竹成巷深
來氣蕭森中自分陰朗造物豈先設卜築隨俯仰轉入
勢將盡橋通忽軒廠曲徑望猶疑艷花錯相長檻虛雲
氣侵日映湖光蕩但覺心目紛四顧多懔恍恬澹樂幽
棲嶽崎寄遐想悠然起長懷得句還自賞書之青篠竿
風吹發奇響

聞鷓鴣

不省鷓鴣意偏來傍客船啼醒芳草夢飛破碧溪煙入
曲聲猶媚成詩句獨傳謾言行不得長路更加鞭

題碧落洞煉丹古跡

山中忘歲月煉就百花丹餌罷歸何處風吹舊石壇

春日山行

薰風吹客袂不覺去程遙芳草春同路隨人緣過橋

林鳳岡 桐叔羅浮人

顯微鏡

昔我伸手弄混沌一丸爍躍隨風墮回呼盤古忽轉盼

國朝詩的 卷之一 廣東

三

日月山河大千我南池鳥背遮雲出幾片羽毛天地失

蚤時人見北溟來龜蝦蟇蛤同嘈唧世間物變無常處

巨細當前安足據聖人卽顯以窮微智者因微亦知著

請君移眸出訓詁一物鑑今猶鑑古桃蟲漸近爲飛鳥

蠢蚋將前化豺虎琴瑟更張欲改調崔嵬怕動如山柱

對此令人生嘆嗟孤心早已向煙霞發我菖蒲節如斗

啖我火棗形如瓜騎我蝴蝶大如車翻身飛上太清家

郴江

鬱積扶輿地郴江在翠岑雲巒爭結構水氣互昏陰是
雪方無畔何人汎獨深載聞燕雁語一一到霑襟

三峽

直到洪荒上纔同三峽間有天皆帶石無地始分山易
觸風雷出難逢日月還客途驚落弄四顧失朱顏

送拙菴和尚歸田盤山

人間方許一相逢又躡田疇舊隱踪石路半遭雲氣塞

山門全被杏花封天隨盤處青三折日到臺邊白五峰

有上中下三臺及五臺峰怪我此心同片月隨師直挂碧芙蓉 有挂

李 恕 相如四會人

對雨

白髮不解意敝袍如有緣愁添新雨後人老落花前酒

國朝詩的 卷之一 廣東

三

最欺雙屐詩難換一錢亂雲深似海何處問青天

江州海天樓對琴有作

憶得扁舟楚澤迷烽煙南北路東西青嶺滿地連班馬

野哭空原斷曉雞有病阻風維夏口無錢沽酒到蘭谿

推篷欲操烏栖曲誰料寒烏繞樹啼

歐 白 淡生南海人

有感

憂時良獨苦風鶴每驚魂厚祿歸庸輩艱虞遺至尊來

潮無緩擢帶月有奔轅草野空留憾西山老逸民

莫玉文 文中二樵東莞人

都門送周震夫之楚

不堪分手暮秋天楚水燕山望黯然經過阿瞞橫架地
東風還爲問花鈿

漢南柳色故依依此日江潭愴已非最是離情愁絕處
疎林黃葉滿漁磯

蒼梧雲樹接烟蘿南浦傷心送綠波珍重新詩須寄與
美人香草託巖阿

送周侶樵之彭城

臨岐握手涕難禁忍話蘭亭散後心放鶴臺荒天欲老
鼓琴人去月初沉差池羽翮飛何急迢遞雲山望更深

國朝詩印

卷之一 廣東

天

記取扁舟江上泊寒山片石好孤尋

王文潛

孔昭清淮番禺人

那元長進士秋夜共話和韻

一聲驚雁落寒雲坐起挑燈細語君可畏人情惟此日
最招物忌是斯文風多庭樹秋交亂露重星河曉欲分
莫恨楊雄官不達魯儒四十尙無聞

其二

孤懷難遣俗情知宋玉秋聲萬里悲一局殘棋人靜後
半窓斜月雁來時樽前且覆陶潛酒身外空傳謝朓詩
江北江南多少恨不堪重倡鷓鴣詞

黎遂球 美周番禺人

擬古少年從軍四首 選二

左手欽垂髮右手拍長劍行行已萬里馬力直於箭追
得負心人挾骨獨畱面攜將報所知當夜重開宴衆客
輕後生酒至坐疲厭不語疾馳出復向沙場戰

夜宿河上沙日飲河流水河黃不照面心熱酒發耳男
兒漸有鬚安能悅女子不如老邊庭夢我長晷美

古俠士磨劍歌

十年磨一劍緇血看成字字似仇人名難堪醉時視舊
譬劍邊鬼新仇眼中淚倚嘯復悲歌嚙斷長虹氣不得

國朝詩印

卷之一 廣東

光

語公孫阿世斯其志

寄懷徐巨源

可憐少壯色我輩如佳人傷春苦相念慰藉惟保身自
從過子門相留坐明月得句如折花簪花爲梳髮猶恐
外人看不似初離別離別幾何時春風吹柳枝新月照
客牀不作蘓臺期前日有客來言子涉江水敢望不敢
信吹簫待吳市昨夜有客還送子酒一石寄酒不寄書
結言在疇昔碧水自悠悠照花花不流還來與子期作
賦同悲秋

荆卿行

寒風蕭蕭浩無主長虬曉射咸陽柱馬角生成烏白頭
遂令祖龍環柱舞端門兩兩蠶夷人九楹錯紆排九賓
將軍有頭不得語開函怒目猶如噴殿上呼王王負劍
夫人七首何曾驗荆卿大笑藥囊前虹影猶侵血花艷
虹欲關龍龍未死龍死扶藜作天子天意亡秦必在胡
飽蘇龍腥此時是

送僧還匡廬

我昨掛席彭湖東箕踞望見匡廬峯匡廬瀑布吹不斷
搖曳更益生天風風吹片席過湖去夢中怨不匡廬住
今日還家復送師依稀對月知其處

國朝詩的

卷之一

廣東

三

蕉雨

石牀蕉葉下看雨日科頭小歇纔宜夢頻添亦似秋烟
生微作態紅墮不關愁誰道春居厭懷人悶聽鳩

金陵陳都督席上遇溫覺斯將歸五半賦贈

金陵多上客玉帳坐同君晚翠入青靄大江流白雲歸
心愁并引醉眼望曾殷不飲將軍酒逢迎空復勤

人日曉渡濠梁

道傍停馬獨依依誰問觀魚樂與非日照大濠城影亂
雪殘衰草路沙飛篙師向曉齊迎渡客子衝寒自看衣
回首故園歌舞節風塵相逐愧輕肥

借讀虎丘仰菴樓

一回郵舍一僧寮更望雙林喜待邀爲有石樓臨瀾影
便移書舫上山橋烟中樹色層城塔月下江風半榻蕭
却識故人來望裏玉壺歌板送蘭橈

臘月十八日登泰山絕頂

玉冊金函識古初丹霄黃道永峩峩吹噓日月搖東海
吐納崑崙接大河青帝駕臨佳氣動素王居近甬雲多
憐予正在吳門至試望還誰足練過

還過章江徐巨源邀住榆溪草堂

綠滿前湖散作灣書堂秋色淡濃間牆頭倒影疎搖水

國朝詩的

卷之一

廣東

三

屋角如圖待補山橋斷隔墩成古洞枝橫深樹儼重關
鄰家共識經旬客散髮扶筇任往還

滕王閣夜畱別巨源

宋玉悲秋正黯然登臨送遠賦情牽半簾明月生高樹
一縷微雲界澹天落水泛波舟趁葉浮燈接漢草如烟
愁來我暫因風去高閣畱君對昔賢

客婁東刺史劉瞻甫年兄抱謙舍國賦似瞻甫

名園文酒地七子弟兄遺此日一相對千秋餘所思斷
橋呼艇渡臥石枕流欹樹影尙樓閣花香半竹枝向從
圖畫見今喜友生期蕭管入門動干旄轉徑遲歌人當

席舞候吏隔林窺燭冷秋屏曲螢沾雨慢吹羽觴在盡
夜香案政閒時古道爾能作風流子所師難盟初志在
龍性兩心知不愧昔賢達長歌同視斯

馬詩

世人知買骨遺恨不同時何不鹽車下呼前問所知

古別離曲

淚珠若可穿串成千萬尺繫足送郎行縛郎回與妾

楊柳枝詞

連綿千樹儼遊龍不是眠烟便舞風底笑落殘飛絮後

滿江秋葉罨芙蓉

國朝詩的 卷之一 廣東

圭

少年行

年少傳聞十二州報人警盡轉多警經行不用變名姓

醉卧胡姬賣酒樓

鄺露 漢若番禺人

長歌行

雕離階下蘭糾糾發中棘女夷司天飭春風宕羣植常
恐芳意移百勞鳴鷄鳴白日落崦嵫長繩繫不得少壯
不力田老大昧菽麥

寄朱叔子

二禺有放士相思不相識愚公徙太行精衛填碣石縱

浪大化中讀書與好色彈鋏歸庫祿傲岸論所癖所癖
亮有規規于更努力

遼州

王孫去不返馬足共車輪萬里連天色終年出塞人幾
經金海雪不見玉關春歎夜寒塘夢相思愁白蘋

君山七夕

銀浦無聲碧落遙洞庭蘊色倩誰消湘娥鼓瑟聽龍駕
靈匹停梭勝鵲橋秦樹影斜天接水楚雲飛盡暮還朝
何時擬約騎黃鶴倚醉高樓赤玉簫

燕臺送王李二舍人出貶衡巫

國朝詩的 卷之一 廣東

圭

燕臺送客柳紛紛御苑鶯聲過漏聞花重錦官啼望帝
月明瑤瑟吊湘君巴童歌落荆門雪楚客飄低劍閣雲
聖主受釐思遠謫又隨阿鳬鳳皇羣

黃彪 漢人南海人

故人以梅花見寄詩以答之

隴頭千里路猶寄一枝春芳潔何曾改相看卽故人龍
蛇催日月風雪滯江津忍負歲寒約冰心自著塵

李柔 澤水南海人

齊蘭冬放偶感成詩

盤上薌蘭冬盛放弱苗翻與歲寒宜蕭齋有意成幽谷

芳草無心感後時未肯色香從採佩似勞霜雪更添姿
倚倚莫便援琴歎向晚孤榮只自怡

莊 嚴 夢園南漸人

聽鐘

忽聽鐘聲起愁心未易降驚殘他國夢敲散老楓江日
暮僧歸寺寒催月到窓有懷誰與語搔首對銀缸

陶 葉 再見

寄梁藥亭太史

伏波雙銅鼓一升復一沉升者南濱廟高殿百重陰俎
豆歷千祀考伐時相尋一鼓川嶽動再鼓百神歆鑄象
國朝詩的 卷之一 廣東 三

盡山海潛走及飛禽班碧交陸離苔蘚歲時深奇光四

面射旭日初照臨精瑩誰不羨摩拂垂古今沉者九淵
下風雨作龍吟顯晦雖異路酬唱靡殊音世人那得見
聊自托同心

送徐子卿

初秋天氣涼微霜振林薄梧桐多悲聲天風吹更落感
物懷百憂况乃送行客鳳凰既不翔孤心將何托羈離
助哀鳴雷雨從擊搏世無琴摯工良材委廣澤願持半
死根相依後凋柏

送高兆雲客

策杖時獨行訪舊遵城闕微雨過層軒清颺洗煩熱高
言豁曠懷隔坐凝冰雪昔過葉初殘未面心空撼茫茫
端溪雲寒暑成睽別今來荔子紅離離日中烈朱實非
不榮素心期暮節紛紛桃李枝搖落先鳴鳩蕪穢雖滿
前孤芳幸可擷

寄酬魏和公兼訂翠微之約

客晨叩門貽我翠微札相戒蜀路塵水深泥復滑泥
滑易同汚水深難自拔世人慕近榮助長新苗堰何如
欽本根稿落春仍茁高瀑無停流幾先貴明決携手賦
同車天心方肅殺

國朝詩的 卷之一 廣東 三

答人

孤懷抱冲素默然寡所交讀書僧舍幽頗覺塵事遙枉
駕敦宿好清言沃煩焦道合情自親意適慮已消移榻
坐北牖散步晞清颺嘉章重見投鏗鏘綴瓊瑤勉酬致
繾綣長歌睇雲霄一尊今日同欲毋忘久要

擬古

青樓多妖女有美青樓側灼灼桃李時翩翩映羅幕重
門寂不啓車馬何繇識舊笑感陽城新妝損顏色徒抱
匪石心良人樂南北被服爲誰容高機夜中織
繫馬登楚城東南望吳國天水浩茫茫人間殊踳蹢貴

者多憂虞賤者長戚戚百歲何時聞安心始爲得脂我
雙車輪言從萬里役荒途日已杳傷哉獨行客

日本刀歌

寶刀八尺輕於紙欲探龍潭取龍子霜花夜拂星月沉
秋郊鬼哭旋風起相傳刀鑄日本國五色金成價無比
英雄心血眼中淚練得此刀光如水面平鋪海氣枯
殺人砍馬如吹輪血漬藏刀不見鐵英雄心事爲誰發
往年海上飛白羽寶刀不得尺寸土我聞用武在乘時
寶刀雖利徒何爲

芒鞋

國朝詩的 卷之一 廣東

三

山澤經營久因人遂遠遊躡高能見底行雪欲藏頭細
草微通徑閒雲不待秋年年諸嶽頂塵世未曾留

春寒

我本住山叟山春寒尙高細花添石髮大雪減松毛斂
屨行多澁臨崖坐不牢夜來生浪喜風出海門濤

冬草

三徑經年掩飄零對汝時未克君子珮徒結美人思世
態看蓬轉孤心感鬢絲平生抱微尙不與衆芳期
莫傍關門道年年散馬啼帶沙飛白晝和雪踏汗泥露
重光猶滿風歸響未齊故山衰歇盡春思倍淒淒

山行至上塘經宋帝屯兵處

宋主遺宮見野檀經過霜色馬蹄殘千年王業消流水
萬疊雲岩憶從官幕井遍臨秋澗滿陣圖留布石衛寒
路旁拍點仍垂涕廢壘依稀上將壇

秋望

數聲離雁下寒汀世事相看散野萍向水苦匏思共濟
望秋蒲柳感先零憂心滿似將圓月旅鬢疎同避曉星
獨潔精糧候槎影美人空自隔滄溟

送楊敏叔何不偕歸廣州兼寄獨漉

仙舟李郭遠相存遽別傷心未忍言海月有弦終有望
國朝詩的 卷之一 廣東

三

山雲無住亦無痕已拌生計同遠宦盡把離憂付楚猿
歸遇故人勞寄問悲秋曾否擬招魂

初結百峯草堂激澗藝園松風入懷悠然有賦

鷓鴣未合一枝巢選石尋幽此結茆荷葉自裁成野服
松毛多采助山庖低徊塵事看朝菌寥落秋心感繫匏
已幸託身來廣漠守玄應任世人嘲

山行

石塘秋淺不通槎竹枝常來只當家深洞放雲長作雨
遠山藏日欲成霞溪聲似語醒眠鶴瀑勢如飛散落花
身世久知難定計漫從田父問生涯

寄懷梁藥亭芙蓉村舍

高天疎雨雁行斜，惆悵伊人在水涯。
出樹乳雛初教翼，過霜寒菊已成花。
牀依蟋蟀長經月，溪愛芙蓉盡寄家。
薄暮歌聲遍窮巷，小園秋熟故侯瓜。

送何不偕之潮州兼寄陳鞏寧

年來誰敢擬安居，歎汝窮秋策敗驢。
看菊不同籬下酒，出關須報嶺頭書。
潮生鯉渚山光滿，月上韓江樹影疎。
到日故人勞寄問，荊州髀肉近何如。

宿靈洲山寺同魏和公何不偕梁藥亭器圃陳元

孝因東王說作震生

關朝詩的

卷之一 廣東

三六

題詩再上靈峯寺，寺影當空接水雲。
半夜客聲隨浪至，兩山秋色到江分。
出汀漁火參差見，入定僧鐘次第聞。
心憶故人難共賞，幽期空負月紛紛。

包孝肅祠

孝肅荒祠花正濃，披衣瞻拜月朦朧。
相傳正氣留今日，長見閒雲護舊封。
片石有情終引領，諸江無水不朝宗。
發羊峽下厓山近，風雨年年起怒龍。

國朝詩的廣西目錄

卷之一

嚴肇鼎 二首

袁景星 十一首

歐延珽 一首

歐延珂 二首

程容 二首

程寬 一首

程良籌 一首

謝良琦 六首

唐納牖 八首

謝鼎鎮 四首

鄧增桐 三首

謝日升 二首

謝良琦 二首

謝良瑾 一首

謝允復 三首

趙祺映 一首

張昌胤 一首

戴蕃嵩 一首

蔣綱 十四首

余心濡 一首

李星巖 一首

文秉濂 一首

呂象恒 一首

吳軫 一首

國朝詩的

卷之一 廣西

國朝詩的卷之一

長沙陶 煊奉長選

同里張 璫豈石同輯

廣西

嚴肇鼎 桂林人

展王父文靖公墓

來拜空餘此一塋歲時祭祀值清明
鴉曉細雨生前淚
碑臥蒼苔死後名
山色難銷新瘴癘
溪濤猶帶舊風聲
沼毛欲薦無從採
往事填膺倍愴情

弔貞女林氏

國朝詩的 卷之一 廣西

何須憑弔涕縱橫
從一方全百世貞
天奪青年非不幸
地埋紅粉卻多情
泉臺相對真夫婦
華表同歸一死生
最是炎荒皆感慨
好憑太史紀芳名

袁景星 番山林菴平樂人

羅浮道中用子瞻先生羅浮道院韻

籃輿渡羅陽清淺後
先揭岸石何壘壘
洲沙殊細細涉
歷遊山人滔滔今古逝
道傍多舊村
頽屋仍荒砌
北風陣陣寒拂面
掀衣袂
牛逸滿山原
縮項擁深甍
徑微荆棘蒙牽挽
我裘敝行經
黃牛陘塞墜
敝改歲仲冬
一陽還橘牧挺出
荔嚴寒欸冬開
鮮香等蘭蕙
漫言學長生

幽僻堪避世諸溪清可鑑洗被陋修禊我爲世外遊僧
道皆兄弟擔穀者何之冲虛納租稅冲虛觀常住租四千石爲人乾沒土
太守子千委小吏徵收供
香燈瞻道士餘留修造

江樓

春江一夜雨樓前生新漲漲高灘水平灘平江浩淺岸
澗失芳洲行舡何況宕沿岸置大罾漁艇紛相向森森
望難窮兼天湧波浪危樓盪胸臆飄然忘得喪
我樓何所向新種兩株桂培植未週年枝幹起塔坳託
根在高山易得叅天勢秋花香滿樓不必十年計

城上古松歌

國朝詩的 卷之一 廣西

城上青松何代植踞嶺摩天一百尺霜皮老幹盡龍鱗
虬枝結蓋雲凝碧無風細細響鳴濤狂飈怒觸如霆霹
猶憶我爲童子時城松密密如列戟白衣蒼狗五十年
悠悠塵市已非昔只今不過十數枝陰陽浩蕩相凋易
北城歲歲耐霜寒東嶺朝朝承日赤順天常使數松存
維持保護如珍璧君不見天台橋畔第三株千古高風
今奕奕又不見泰岳山中五大夫榮名相被今何益

遊粉巖

石磴扳窮處憑空豁洞天鶴飛人去遠客到蝠迎前搗
藥餘瓊粉烹茶剉玉泉烟霞余卽王何必更求仙

沙田

村小依喬木雙溪匯大河柴門時吠犬屋下稻畦多
修竹抱東村鳥聲啼續斷籬邊菜有花黃蝶飛無算

夏日郭都閭懷寧招飲得月亭同陸太守節菴孫

司馬敬涵傳別駕開易感賦二律并序

得月亭者辛未夏吳中丞典祚來遊命名其亭

則勝國唐先生世堯逸我山莊之塘亭也先生

名進士官司李內擢銓部主政所在有賢聲早

歲致仕築精舍於城北曰逸我其意蓋甚優也

屢經兵燹止餘荒址康熙己酉前守揚公榮脩

國朝詩的 卷之一 廣西

爲太夫人延壽求佛地遷勝得此知爲故紳業

又知寒家與唐氏世交屬余往求再四始允其

始末載一點空禪林記不意因循至今竟成官

物而唐氏反有錢糧之累是余昔日奉命承教

之過也因賦詩而序及之以志余過

雅好投壺士招携及草萊勝遊城北郭高會水中臺政

事龔黃最文章屈賈才主人情未盡落日照擎杯

感應泉懷鄒忠公浩

城北仙宮麓靈源徹底清年深石甃滑汲少水痕平人
以忠貞重泉因感應名儒教時代革千載自澄泓

自端州轉廣州

端州十日住又復五羊行風日有餘意烟波無限情遠汀看鷺起近岸聽蟲鳴老去猶爲客悠悠百歲生

休菴落成

幾月經營始落成窓櫺洞啓納虛明新移花柳三春意舊積圖書萬古情開戶近環千嶂碧飛泉逕落一痕明老夫倦起閒無賴簷下隨行聽鳥音

馬蹄井

何處鷄聲唱午天土墻茅屋上炊烟一村以後皆爲石村外青青盡稻田

園朝詩的

卷之一 廣西

四

橋頭村

萬樹陰濃晝欲昏小橋竹盡見人村農忙男婦在家少客到惟餘犬吠門

歐延珽

平樂人

登鳳凰山

鳳嶺昂昂地脉悠鬱盤佳氣蔭昭州烟迷城郭千家暮雨暗江山萬井浮鐘鼓忽來驚睡鶴波濤常見送孤舟圖開疑對瀟湘藹彷彿蓬萊第一洲

歐延珂

平樂人

秋日登印山亭

間居何必賦離騷載酒登高破寂寥二水合流塵不到孤亭獨峙俗全消枝枝黃菊和雲冷片片丹楓帶雨飄莫道秋聲無覓處試看修竹舞江皋

遊天妃巖

石樓高處隱仙宮黛色嵐光自不同野草閒花偏競秀喬松古柏各爭雄江涵淺碧清秋月巖滿新涼白晝風此日登臨期伐木山僧遙指翠微東

程容

平樂人

弔林貞女

今古人同寄此身常留天地在歸仁羨他未嫁操貞女

園朝詩的

卷之一 廣西

五

慚殺貪榮事二臣矢志一生維婦道回頭雙柳並香塵題詩共欲扶名教載籍千秋翰墨新

程寬

平樂人

弔林貞女

林娃端不愧生身生死無慚有至仁志詠栢舟仍室女職供救水卽人臣衾綢未展甘同穴節概能存拚化塵聊紀芳徽供綵管何妨辭藻未清新

程良籌

平樂人

登釣鰲磯

卽印山水面有釣鰲磯石碣

持綸曾有意今上釣鰲磯天水成空濶人烟自細微征

帆隨岸曲野鷺傍沙飛愛此凌清曠輕風襲葛衣

謝良琦

仲韓獻卷全州人

猛虎吟

虎欲噬人不避豪賢我謂虎且息爪距聽我之所言我
昔與虎趨舍不同我不入山林虎不入市朝虎今入市
朝保蟲安能去虎逃青山嶽嶽澗水清清虎今入市朝
我還入山林山以南山以北願求虎所居不可得虎今
市朝已千百

五人墓

聞之五人賤士耳慷慨一時輕天子姦人當路吾道窮

國朝詩的

卷之一 廣西

六

緹騎不死五人死死葬名山骨逾清松楸蕭颯多悲聲
黃雲白日照丘壠至今俠氣都如生忠義沉冤眾所怒
猶有芳名足千古君不見當年獻媚毛中丞白骨寒山
化爲土

贈王馬二較書

彼美經年隔兼之倍寂寥梅花湘渚月春水廣陵潮舊
曲翻金縷新愁冷玉蕭離魂應有夢人病正今宵

雜懷

娥眉能復幾時憐不忿琵琶誤少年秋水芙蓉江上月
灞橋楊柳望中烟愁癡白髮新無夢香褪紅綃舊有絲

說與後堂諸姊妹三春花柳漫留連

送張蹇菴同年還山

廿載都門汗漫遊天涯何處共登樓間關風雨蘇卿老
故國松楸望帝愁白髮歸吟茅屋月黃冠醉卧菊花秋
他時遲我盤山下萬頃滄溟一釣舟

寄懷李研齋

買山消息近何如孤劔空餘萬卷書幾日飢寒吾道在
廿年踪跡世情疎芙蓉城上青霜落楊柳津頭好夢初
百遍相邀延瀨月相思空對夜窓虛

唐納牖

全州人

國朝詩的

卷之一 廣西

七

二月八日布金樓禮佛

勝事芳春節幡幢集梵宮寶籠珠散彩金鼎燭搖紅劫
轉瓶盂舊經傳色相空湘山壽無量稽首萬人同

登塔

聳身霄漢裏縱目俯羣峯綠漲三江合雲歸雙峽封嵐
烟籠短堞崖壑響疎鐘咫尺天難問何人達九重

君子閣

傑閣懸崖出森然對此君龍孫穿斷壁鳳尾拂層雲高
節當窓見盤根觸石分禪關風暗度幽響靜中聞

避暑湘刹步入天台院

息心消永日緩步叩山僧何處三生石空留萬歲藤推

枰知劫轉捫增看誰登最上天台院雲深第幾層

徑曲疑無路峯迴別有天繽紛花次第迢迢近水潺湲緣

沼遊鱗出蒼崖野狖懸鐘聲雲外度頓覺息諸緣

湘山秋望同曹扶上進士智鉢融虛二開士

一指參來岐路通遙看八景有無中雲歸野岫禪心寂

秋滿疎林慧照空落帽人同嘲短鬢尋詩客自倚長松

十年夢裏湘山約蓮社於今識遠公

柳山佛舍

講堂遺址俯層巒翠擁黃華圖畫看松徑濤聲隨杖履

國朝詩的 卷之一 廣西

八

秋空鴈影過關千半鈎新月湘流靜一勺清泉虎踞寒

無復絃歌仙吏隱微微鐘磬出雲端

漁家洲有園丘廢址次友人韻

寂寂荒臺兩岸秋寒烟衰柳鎖園丘鶴歸緱嶺仙何在

龍去湘江水自流樵徑幾經迴御輦蓼汀誰復繫蘭舟

祇今憑吊傷心處依舊斜陽古渡頭

謝鼎鎮 全州人

湘山寺

梵宇依丹壑松門挂碧蘿烟籠山色古雲破月明多鴈

塔凌青漢龍池泛綠波寒暝景幽絕延賞發高歌

尋芳時倚杖選勝更捫蘿山色雲中靜泉聲雨後多晴

花開弄影遠水寂無波長淡情過勝長懷付短歌

曙色寒龍藏春陰暗薦蘿梵天諸品淨初地五雲多雨

霽山猶潤風輕水不波斜陽芳草碧野意入樵歌

散步披雲靄塵心化薜蘿春回湘水澗天入楚山多寶

樹飛紅雨珠林渙白波夕陽歸路暝清梵雜行歌

鄧增桐 全州人

湘山寺

壘壑初晴日烟蘿欲暮時六塵空半偈五老愜幽期雲

微寒山道風鳴月樹枝更誰開白社浮玉滿金池

國朝詩的 卷之一 廣西

九

朝來登鴈塔薄暮未言歸夜月窺僧定春風動客衣五

天清梵遠十地法雲微開士棲真處皈依敢暫違

世外真如地棲遲何處歸香雲凝法界蘿月上僧衣禪

寂聲聞斷緣空辨覺微却慚名利客塵念尙紛飛

謝日升 全州人

仲秋禮佛

七寶莊嚴法像開振衣千仞謁如來香分貝葉諸緣寂

花散珠林五色迴淨土月明金作地梵天霜冷玉爲臺

夜深鶴唳秋空碧一點禪心烟上台

來去寧憑幻化身攝持萬法總歸真天花落處都成雨

月桂香時別有春十地法雲開出岫一泓墨水寂無塵
圓明自清如如性長與乾坤作主人

謝良琦 桂林人

湘山春望

枯桑海水共颺颺日瘦天荒氣似秋城裏樓臺非舊主
山中花鳥失同遊流亡不盡丹青淚蕭瑟空生禾黍愁
今夜原頭共凝望陰風吹火滿汀洲

亂離今有幾家存破帽單衫見淚痕長劍沉吟歌往日
空山風雨誦招魂征求到骨無鷄犬戎馬何心問子孫
莫上春原高處望白楊草易黃昏

國朝詩的 卷之一 西

謝良瑾 桂林人

擬許渾寓居開元精舍酬薛秀才見貽

一病經年嘆陸沉支離聊且臥東林雲連水氣香臺靜
谷應山鳴梵宇深半夜涼風驚客夢四天孤月照禪心
慇懃知已頻垂問尺鯉緘飛白雪吟

謝允復 桂林人

閱楊中丞公芳碑題步韻

分得牟尼牛座奇碧湘金湧錫飛時西來石觸三生悟
東望山開九面疑鈴鐸迎風鳴梵唄鉢盂浮月弄清漪
光明無量誰描得惟有龍驤影塔詩

盤石寒泉

蒼壁橫江月窟懸玉龍絡石瀉明蠲捲烟梵放音相和
瀑布霏飛翠欲連酣對暗侵看劍眼酌嘗高聲作詩肩
品題若早經鴻漸天下應推第一泉

彭禹峯石允叔蕭於野陳叔翼重遊

節使重來楊未移蓉城齋供玉爲芝題輿人是官家瑞
驚坐風高海內師斷碣苔封閒自剔虛廊鳥語靜相隨
名賢在昔多乘暇勝擁江山唱獨奇

趙祺映 桂林人

孟夏文在公陳捷臣二年兄全寓湘刹伽藍殿榴

國朝詩的 卷之一 西

花盛開限韻各賦

芳菲初歇蕊方開無數胭脂點翠苔紅借西施唇上色
艷分司馬賦中才金枝露重珠璀璨火樹煙含錦綬徊
何幸有緣同一翫歸來覓句且啣杯

張昌胤 全州人

白雲洞天紀遊

碧樹陰中遶一灣柴關時啓畫常開天門石窟無多處
佛殿僧房各半間足履歸雲圍路徑杖頭落日掛西山
依稀會得如來意貝葉蓮花仔細看

戴蕃嵩 扶高馬平人

奉送劉損齋遊西山

豁然人間世笑彼醯鷄濁摩翮振八荒
仰舉潑潑鬱葱衡岳瀟湘幽洞庭浩氣蕩七洲中有偉人具倜儻胸
羅今古載遨遊透得三關縱慧業悲憫博碩多犧牛志
窮星海扶桑外三萬六千日未休今年覽勝到京華萬
里冥鴻視一家眉高髯健腰難折才分八斗過劉又興
來曳袖出西城信步尋芳刻施肩下下高高渾不見攀
崖踏磴如飛騰羣峯衆壑作猱猱爭一卷山靈驚愁
足巉峴最高頂俯矚宇宙渺無聲我更生來山水癖廣
成下拜巢由揖行吟空谷和清音有時愛戴溪邊笠西
園朝詩的卷之一 廣西 三

勝招子石邊眠
蔣綱 玉齋全州人

勵志

終古此天地何年始荒老日月真擲梭春秋如電掃黃
鶴鳴清宵繁霜凝百草人非松栢姿安得不自好所貴
愛春華努力致遠抱庶幾芳塵流萬古無枯槁

雨後看月

雷雨垂未了明月隨其後乍見山色朦漸覺天光透忽
然乘長風一掃空蒼狗地濕白於霜草樹青且秀安得

駕此輪凌虛覽宇宙

湘江夜興

江水何曾綠衡山未見高乾坤原有憾身世敢云勞野
色平空碧秋聲失怒濤扁舟共明月惆悵此滔滔

秋思

西風秋水碧落日遠山明一片連天草相將萬里情破
烟歸鳥疾叫月暮蟬清那更寒江畔蕭蕭古木聲

暮春

章水無情甚風光苦滯人可憐江上柳頻送客中春把
酒聽黃鳥看花作綠蘋孤懷天際遠慵試葛衣新

國朝詩的卷之一 廣西 三

湘江夜泊後復泛別渚採蘭蕙得遙字

爲有尋芳癖難辭別渚遙帆移湘浦月鴈趣洞庭蕙
思飄金管蘭心倚玉簫臨風吟不就瘦盡沈郎腰

艮巖龍隱

已知坎是澤卻羨艮爲山古洞珠難摘空門水作關秋
聲龍卧穩春到雨驚還試看高飛去長吟碧海灣

南嶽春望

衡嶽中天立將春下杳冥到來千樹碧小卻萬山青爛
熳欺三島孤高覽八溟遙遙雲海畔有客欲揚舲

春江雜韻

江頭江尾樹啼鴉處處輕飄楊柳花一片風來青雀舫
千層浪壓白鷗沙山川無賴傷春目樽酒多情駐物華
最是清猿聽不得九疑雲氣正迴遮

秋夜懷人

有客懷人不自持海棠花下獨吟詩舊分險韻敲難穩
新得奚囊寄若遲星斗夜寒雲自去關山秋老鴈無知
何當攜上天台去永共烟霞不別離

舟行風雨得江字

獨客孤舟小小江迷離風雨水淙淙每因愛石思垂釣
正好看山又閉窓作客鴈鴻飛個個近人鴈鷺語雙雙

國朝詩自

卷之一 廣西

十四

今宵何處沽村酒茅屋汀洲吠小舡

春郊雜咏

桃李參差綠柳中多情愛白復憐紅誰家蝶採繁華盡
何處蜂攢脂粉空看罷好花人去住踏殘芳草路西東
春光一點斜陽外遙在幽山桂樹叢

芳草萋萋行路難春風陌上冶遊盤枝頭小鳥千聲巧
馬足香泥幾處乾留客咲歌村酒賤愁人紅綠異鄉看
桃源路遠無津問只是於今道里漫

何事風塵轉惜陰韶華別去邈難尋綠楊枝上春朝暮
杜宇聲中世古今悔別溪山遊遠客怕彈碁局不平心

夕陽烟草多傷目興至聊爲長短吟

余心孺 孝菴龍水人

婆婦吟

朝昏暮雨西隣哭風灑長林風棘棘語不成聲咽喉
但怨無生味寒促生來不覩兩親顏伯姊諸孤一無祿
有弟不解人間愁形影相依外氏鞠歲歷三紀作天魂
滿眼不是親骨肉偏多病苦憊孤形笄笄十五歸寒族
與郎同是出仳伶郎共無能空碌碌壁立即儲擔石空
顛連舉止憂餽粥哀多精耗怨精神既字雖生鮮見育
惟餘綫脉女兒軀抱負流離避兵黷郎年未壯殞沙場
國朝詩的 卷之一 廣西

十五

霜骨燐燐果誰雛幼女如今初嫁人井臼殷勤家載飯
生孫在抱血未乾母殤兒孤誰爲蓄一身將老作何歸
豈假舍飴弄懷旬聞此中心不勝摧願高千丈林西陲
風來遂使哀聲剝免增予愁霜鬢白

李星巖 桂林人

送伊翁菴巡撫滇中

西南千嶂倚天開 帝遣元臣薤草萊六詔何難城武
下七擒自昔孔明推蘆花渺渺連湘水木葉蕭蕭落楚
臺一唱驪歌還倚望舞千還令宰衡來

文秉濂 清也全州人

江行

大江今復濟流水識勞人山汝冷欲笑竹吾鄰可親小
村依枉渚叢篠暗通津雲鳥豈無意出還皆有因

呂象恒貞一桂林人

赤城上崖贈僧

石壁疎櫺照古燈山如野雀雀如僧汝從丹谷尋初地
我到丹霞第一層

吳軫星子容縣人

詠懷

盛年去已半快意安可必攜瑟上高堂門巷復云夕枉

園朝詩的卷之一 廣西

上六

渚棲鴻鷺空床聞蟋蟀有思未敢言道遠不可卽

國朝詩的貴州目錄

卷之一

周起渭二十七首 越其杰 一首 程珣 二首

殷國相 一首 楊煊 一首 蔡嶺 一首

程春翔 一首 章節 一首 何文魁 一首

江闓 七首 章節 二首 梅廷楨 六首

國朝詩的卷之一

長沙陶 煊奉長選

同里張 璩豈石同輯

貴州

周起渭 漁璜貴陽人

九日陪大司農李維饒先生城南登高得露字

駕言陪高車選勝城南路迴迴水上波鬱鬱天邊樹秋

葉紅染霜夕花黃有露昔日登高人臨流去無數後來

復視今風烟通朝暮明德可千年迢迢結心素

雲雁遠隨陽砌蟲深感露羈客念鄉關離心當歲暮我

國朝詩的 卷之一 貴州

公齊物志萬古歸情素將身冠鵷鷺將心狎鸛鷺去青

孰非新來者孰非故來去兩忘言從公澹塵慮

水車 一名龍骨車

何年蒼角龍脫骨河之淚不簫高空雲但捲溝渠水孤

身百咽喉樹駭重牙齒密節含奧竅機捷在尻尾一夫

動關鍵千吐沍清泚翩翩膏乳溢泛泛跳珠駛六月農

事勞驕陽盛如燬此物一施功翠浪羊綿起論勲比雷

電豈屑倚耒耜今年吳楚越赤地一萬里江湖水枯涸

魚爛老蛟死真龍亦束手而汝何足恃買骨五百金隄

言乃妄爾

阻風鄱陽湖泊雞山下三日湖中又一小山名蜈

蚣山皆俗人以形似呼之舟中悶甚戲作此詩

祝雞老翁能養雞長距利嘴矜鳴嘶好事格關聞青齊
擊劍扛鼎來市兒開元教坊爭鼓旗賈昌十歲羣兒師
戴冠郎君口如錐悍目漲頭雄纓綬胡爲來此彭湖湄
側腦顧望空盱眙白頭浪高蛟龍怒鼓翅獨向滄波啼
傳聞彭郎就娛嬉蠱腦蜈蚣搏土爲欲吞巨艦爬沙遲
跂跂脉脉如蛇醫小姑玉貌紅綃挂擲來空中彩翼披
脂腴一聲雲下垂蜈蚣縮首徒躩踞神人作戲真恢奇
大笑狡獪樊山姬唾懶乃噬盤中鮪

國朝詩的 卷之一 貴州

李蒼存後圃種菜圖

春深垂柳陰交加小桃破萼蒸紅霞薇蕨舒拳菱露角
竹根漸暖思萌芽早葵晚菘事已過牆陰老薺生白花
隔年蒿苳不留葉但結根蒂如甘瓜此時高人抱甕坐
呼童日併園蔬課蜀薑生子芥生孫豆棚瓜架交籬門
風吹菜葉低昂動滿園芳氣如蘭蓀桔槔慣汲井花木
亭午轆轤聲未已幾日陳根雨後肥一夜春苗露中起
芹香韭白克盤盂且佐先生傾一壺座客俄驚鴨變鵝
臙神不訴羊躑蔬先生自鼓便腹曾吐好詩不茹肉
庾郎二十七軫鮭開筵更笑何家俗吁嗟乎閭閻菜色

人枯槁腹負惟聞達官飽當門拔薤豈無人種菜英雄
今已老

放鷹

秋空慘澹秋雲高悲風獵獵吹黃蒿城西古墓斑狐嘯
噉巖怪穴啼山魃鬼車晝行烏墮巢夔魑象罔紛遊遨
此時蒼鷹在韉上聳身側腦看青霄翅未及舉神自超
氣甚閒暇心鬱陶柘黃衫兒開錦絳六翩振奮隨清颺
殺氣橫空山震搖風毛雨血霑蘄臯人間有驚斯有梟
逐殘去惡冤氛銷兩鷹俊厲良可褒在山猛獸蓋寬饒
我思其人誰爲招

國朝詩的 卷之一 貴州

風氏園古松歌

城南五畝之園一畝之宮冬春黛色常葱蘢中有長松
如臥龍爪甲奮迅身掣空根如積鐵柯奇銅流蘇翠葆
紛蒙茸其下可蔭十步九步盤枝偃蓋清陰重其上可
容五人六人箕踞狂歌竟日同烟光被林樾音韻酣笙
鐘初日曠曉葉自雨萬籟閒寂枝能風我來踏青二月
中草芽未綠花未紅娛客賴此蒼髯翁此翁與世相磨
礱不憂歲月如驚鴻拳曲其身以避用匠石雖逢如不
逢偃蹇其刑以寄傲秦時當封竟不封意思若卑讓左
揖右拱殊雍容精神特聳拔烟姿霧骨高龍從乃却屈

抑無妨近塵土正勁終必蟠蒼穹吁嗟乎斤斧日加於
梗楠兮階庭忽刈其蘭蕝既當門以爲罪亦構厦而無
功皆投身於有用致天年之不終誠不如此松兮屈伸
有道閱百千萬祀以全吾躬

送馬河宗令巴陵

一舸湖南去官閒事事幽山川麋子國烟雨岳陽樓橘
社龍宮近江花帝女遊鼉鼉春浪濶牕外看漁舟

余自山陰還杭州將有豫章之行重泛西湖留別

四首

熟梅雨足漲晴波柔櫓聲來碎芰荷出浴峯巒當鏡好
國朝詩約卷之一 貢州 四

起眠楊柳愛風多青山處處餘魂夢別眼昏昏醉荷羅
暈碧裁紅詩力退自慚無奈晚烟何

連日船隨風雨聲雷峯一見眼光明花當橋畔偏勾蝶
柳入堤邊最佳鶯萬頃波濤沉碧嶽峯翠靄反層城
晴雲暖日湖光好不礙林間宿霧橫

綠白參青簇化工探金碎碧點空濛明朝一別芰荷雨
世上應無楊柳風草綠裙腰波染翠山脚日脚樹爭紅
再來坡白堪腸斷黑髮他年兩鬢蓬

烟光林際捲樓臺粉汗橋邊浸綠苔芳草亦能教蝶醉
嬌花不解背人開吳姬好共湖光住詞客還隨春水來

莫笑情凝桑下戀世間何處有蓬萊

滕王閣二首

高閣沉江最上頭吳雲楚雨共汀洲烟開梅嶺三層出
天入尋陽九派流偶寄鄉心來載酒因尋往事重維舟
晚風吹蝶空圖畫腸斷當年帝子遊

賓館消沉舞榭荒自依山水擅文章落霞片片常留客
修竹泠泠那待王萬井烟多樓堞暗千帆影沒樹雲蒼
題詩不盡西山色兩雨飛鴻破夕陽

春日懷歸二首

扶筇日日上高臺愁鎖烟雲鬱不開歸燕北堂鳴雪在
國朝詩約卷之一 貢州 五

賓鴻南國帶春來梅花落後頭增白香篆銷時念已灰
一夢故園風物好繁紅如雨翠成堆

東風吹客到天涯每對東風便憶家久宦但虧張仲產
無才欲老邵平瓜刺天柳直無姿態出地蘆鉞領歲華
膏壤化爲塵十丈情知不發故園花

和汪東川學士詠懷之作

橐筆年年侍玉除俸錢雖忝腹常虛危炊怕浙矛頭米
病骨時探肘後書終歲典衣爲活計空庭時藥當儲胥
貧居本不通還往莫怪羣公記憶疎

湖海元龍氣漸除客來祇見下牀虛腐儒挫折休言命

浮世功名不在書南服請纓誅梗化

去年辰州征苗

東方轉粟

救淪胥兩途事業吾難効碌碌謀生計已疎

餘習紛紛欲懺除百年常恐此生虛濟時無分且中隱

傳世未能且讀書出處遺踪思曼倩恩讐覆轍感靈胥

遊鱗祇愛江湖好深願漁人結網疎

年來妄念已蠲除常把三彭問契虛下士頽齡思學道

前人妙訣豈留書愁看歲月催羊脚夢入江鄉啜蟹胥

他日歸田一屨足丹壚還陰樹扶疎

次韻和王令詒給諫移居二首

分無長物與劉叉空有圖書載後車賃屋十千兼賃樹

國朝詩句

卷之一 貴州

六

移居五畝旋移花竹風正滿王猷舍山色仍歸謝朓家

重喜詩人作鄰里往來騎馬似乘槎

余舊寓與令詒密邇及余遷居去令詒

亦近

疲馬相逢潯水邊

余詒點中作令詒假歸一晤

而今擁褐對栖蟬一

官雞樹貧如洗七尺蝸廬低可憐避漏偶隨移穴蟻伴

吟薪換別枝蟬

方于詩蟬曳枝聲過別枝

朝來客又尋詩到滿地槐

花落暮烟

雨夜獨酌

蛩鳴虛堂深夜幽紙牕雨濕風颼颼此時綠酒對紅燭

可惜青春今白頭度索尋樟路巉嶮拔劍砍地心煩憂

江村翠竹性所愛萬事不如歸故丘

郊遊卽事

曉起山光綠向西出城幽鳥傍人啼闌珊杏葉紅千片

淺澹梨花白一蹊林際有風烟漠漠路旁無草麥萋萋

遊人點綴春如畫醉後垂鞭上柳堤

虎丘

東風幾日送春還綠遍姑蘇城外山烟火萬家雲樹裡

香燈一榻翠微間霸圖歇後池空灩古佛歸時石又頑

竟日繁華歌舞地更誰寂寞扣禪關

讀有學集秦淮詩感賦

國朝詩句

卷之一 貴州

七

空濶長江作帶圍六朝如水去無歸秦淮漲賦春波滑

舊院凝香藥草肥玉樹商歌人已遠金蓮款步事全非

而今故壘空王謝一任東風燕子飛

讀家東山方伯詩題卷後二絕句

千載空悲顧曲人邇來風雅更誰親自從禹跡河聲斷

詩到吾髯又絕倫

豪似昌黎仍矯妮峭如東野不酸寒人間不識丹山鳳

可愛凌空振羽翰

越其杰

卓凡平越人

得家書

題處垂雙淚，攜來歷萬峯。人從今日至，書是去年封。

程珣 東公貴陽人

黃龍寺有感

黃龍古寺禁城旁，肇造何年闢混茫。李唐植基三百載，
傳言仙釋期且翔。機祖本儒棄軒冕，江西卓錫山之巒。
紫葢浮雲纓絡間，白雲縹緲初衣編。禪堂結構傍山側，
宗風入座曇花翻。網緼瑞靄繞祥光，法雨繽紛灑十方。
機圓湛寂澄秋水，高觀嶺頭山巋巋。招來仙侶劍鋒寒，
一撥之下幾刻剎。三十六宮春頗足，日月斬開新簇簇。
菩提無樹鏡非臺，胸眼儘看梅子熟。相期相逢真曠絕，
國朝詩的 卷之一 貴州 八

三丈日高眠未起

癸巳秋遊武昌寓黃龍寺和禹老元韻

荆南才子邁時流，冰鏡澄空一色秋。方向風塵思駿骨，
豈知枕宇接岑樓。黔山夢繞三更月，楚水烟寒一葉舟。

聞道青蓮會，欄筆出來白。雪有誰酬

殷國相 公銜貴陽人

寓武昌黃龍寺和友人韻

山色遙看翠欲流，黃龍譙集楚城秋。談禪喜共三生石，
意氣難降百尺樓。湖上洪波將撼岳，望中詞客慣攔舟。
來遊未敢嫌寥落，可以蘇公在惠州。

楊烜 文國貴陽人

登黃鶴樓

百尺危樓疊架梯，眼高三楚與雲齊。帆飛路遠吳江北，
日落烟凝蜀道西。爲憶青蓮空抱恨，更憐黃鶴獨歸遲。
國朝詩的 卷之一 貴州 九

蔡嶺 奇也貴陽人

黃鶴樓遠眺

波搖小漾疊微風，縐縠輕羅分外工。幾葉漁舟秋浦遠，
數聲鴻雁楚天空。

程春翔 貴筑人

贈棗香卜者

聞君家住棗香樹，棗熟香清日閉門。綦履惟餘高士跡，
胸懷嬾向俗人論。春深野墅花三徑，月滿閒庭酒一樽。
共擬君平簾下肆，時來車馬問亨屯。

章節

貴陽人

寓武昌黃龍寺和友人韻

韶光撚指火西流，潯暑空驚物序秋。
過客莫題鸚鵡賦，歸心先寄仲宣樓。
紅翻遠浦跨城廊，綠繞回汀挾釣舟。
笑殺湘妃空竹淚，不將司馬易江州。

何文魁

次元貴陽人

寓黃龍寺和友人韻

如君文雅信風流，偶讀新詩快素秋。
月擁疎櫺開絳帳，雲移澹影落瓊樓。
瀟湘浪破窺滄海，彭澤帆飛起晚舟。
自識韓公聲價重，一經題品冠南州。

國朝詩的

卷之一 貴州

十一

江

閩 辰六貴陽人

戰城南

戰城南，死郭北，白骨纍纍誰辨識。
爺娘兒女隔鄉山，何堪剪紙招魂寃。
消息身不顧，生唯報國時不利。
今戰不克，丈夫生不封侯，死廟食，判向疆場馬革裹屍死，亦得安能苟全首領，醒醒街羞學腐儒，如此偷生之人有若無。

題陸天濤水晶扇墜

徑寸之寶胡爲逢，將無購自于塗中。
黃花魚腹誰爲封，擎來穆穆搖清風。
何年追琢成鐘鏞，無多精瑩偏玲瓏。

寒潭藻荇饒菁葱，纖細若髮千百重。
縱橫向背羞雷同，蔚然生趣無秋冬。
亦如江上波溶溶，沙汀飛躍多禽蟲。
一拳突兀銜空濛，應是西湖第幾峰。
小儒安知此化工。

述懷

無限風塵淚難將，對蔡倫驚心荷芰早。
著眼石榴新錯鑄，三秋夢鷄栖萬里人也知。
簑笠好生事悞儒巾。

病馬

渥洼偃臥影蕭蕭，却被秋風力較銷。
瘦盡許誰分骨相，勞多只自惜丰標。
但聞獵鼓心猶喜，肯見征旗氣不驕。
此日倘教逢伯樂，長驅萬里敢辭遙。

國朝詩的

卷之一

貴州

十二

蕪城覽古

寒江殘照合平野，暮烟昏却悼文樓。
廢壘傳武庫存堤，斜睄苑囿軸轉失。
崑崙寶釧埋荒隴，閒花瑣墓門雷塘餘翠藹。
月觀走雞豚，欲訪名臣宅，難招帝子魂。
賦成慙鮑照，登眺莫深論。

春帆雨夜

一枕春山畫不如，夜深燈火到村居。
布帆十日皆風雨，翻得餘閒讀漢書。

曉禽

昨聞織婦罷新蠶，物候驚心客未堪。
傍曉復添淒絕淚。

數聲的的似江南

一枝應不羨雕籠消盡晴霞共曉風翻怕休文愁入夢
驀然喚醒五更中

章節再見

吳湘起邀遊紅橋

縱洗炎敲便爾涼遊山雖未興偏長荷殘尚有餘花放
客醉猶然帶酒狂過雨夕陽成返照隔船倒影弄微光
偷閒勝友同行樂欲理歸裝媿我忙

蕪城城外柳森森碧水游航渡綠陰簫管人皆爭聽曲

金蘭我獨得知心鶯初出谷喬遷近鶴欲翔雲翻養深

國朝詩的卷之一

貴州

三

今日勝遊真過愛交情久已廢登臨

梅廷楨行宸習安人

送鄧太初旋家

溽暑君將去清風我再留茶瓜遲綺簾冰雹落紋楸舊
楊牽徐孺餘樽當石尤明朝天色好一櫂上輕舟

山間人有市混跡在魚鹽日蕩蕩芳路風飄賣酒帘桑

麻環綠野雞犬雜茅檐士女形追影嬉遊興自添

偶興

賦得霜葉紅於二月花限韻二章

榮華向數曲江新誰道風流讓小春葉上盈盈凝白露
林間片片點朱唇海棠睡態先羞倒仙杏嬌容竟失真

十里馬蹄歸去後醉鄉更羨御溝人

散步秋郊景更新枝頭片片染成春赤城鮮映欺紅拂
錦障橫鋪掩絳脣自古金丹顏可駐從來脂粉色無真
杏園一朶情先淡醉擁朱霞不讓人

賦得潮平兩岸濶

錢塘曾弄海門潮千里分流勢不驕蕩蕩雪吹移地遠
洋洋銀汞接天遙悉填谿谷沙無岸虛見虹霓水有橋
剛值飽帆風又好舟行盡日總閒橈

潮來到處水增平鳬渚鷗汀了不分一派汪洋侵野樹

羣流混合通江城高浮波面驚峯矮近沒磯頭覺艦輕

國朝詩的卷之一

貴州

十三

此日舟中人得意順風千里不知行

國朝詩的雲南目錄

卷之一

趙士麟 九首

蕭繼昌 六首

朱潮遠 一首

趙邦俊 一首

尹愉 一首

劉之彥 五首

越珮 一首

何負圖 一首

田祖 一首

張紫泥 三首

蕭琯 一首

李德成 一首

張紫文 六首

徐翔鵬 十四首

張惠可 二首

劉櫟 一首

金灝 一首

柴國柱 一首

段樹綸 四首

張琮 十首

楊復元 一首

國朝詩的

卷之一

雲南
目錄

國朝詩的卷之一

長沙陶 煊奉長選

同里張 璨豈石同輯

雲南

趙士麟 玉峯河陽人

吳山眺詠

芳華盛三春照耀有輝光才雄矜五都意氣何飄颻此
邦多生聚簷甍鱗次張衢巷飛冠蓋屋市炫琳琅亦有
貧窶子日夕謀稻粱勞勞不可得欲饜無糟糠闔閭且
如此况乃窮遠鄉訟獄未哀息盜賊有行藏屬目生百

國朝詩的 卷之一 雲南

感念茲每傍徨

湖心亭

四面淨無塵一亭何時築波光變陰晴遊人忘寒燠雨
急篙師亂風起浪花感獨立愛此亭宛並雙峯矗至人
歎逝川孺子滄浪曲千古盡如斯萬象生觸目俯仰悅
魚鳥喧聒厭絲竹山水多清音令人勞往復

冷泉亭

幽絕靈隱寺奇矣飛來峯巘嶧截連嶂突兀難爲工林
高窮烟靄峭蒨間青葱亭虛爲少憩氣象得從容炎暉
不可到秋陰不易窮山溜何泠泠一泓瑩心胸澗曲流

珠瀉石漱纖鱗空尋勝非吾事茲賞亦偶逢

送友人之江南

把袂旗亭畔春深小苑花自攜新卷帙共醉昔烟霞二月鶯聲濕孤舟帆影斜東南吾道在講易與偏賒

西岩龍泉

小橋崎曲水重重遶樹春流出岸涖賤子迂疎同野鷺多才賡唱盡雕龍酣來罵座非關酒興到登山不借筇

璚骨珊珊時一浴碧潭未許白雲封屏却盤輿徑度蹊奔龍不似紫駟蹄偕來童冠分蘭濯到處壺觴信手提野樹周遭藏倦鳥微波蕩漾動靈犀

國朝詩的卷之一 雲南

二

西山鉅錡人爭樂一路花茵踏作泥

天竺

松陰深處嵌崇岡乘暇探奇到上方洞外高樓連海氣牕前古桂落天香欲尋牧豎三生石更坐幽人七葉堂悵望不知身是客蕭然天際任徜徉

西湖十景 選二

平湖秋月

置身明鏡中水月光同白船頭楓葉飄奈此秋風夕

南屏曉鐘

星稀鶴夢長月落蒲牢吼樹色鬱蒼蒼天地一樵叟

蕭繼昌 湖若滇南人

遊丹霞贈樂說方丈

滄歸闕丹霞造物既雨粟非大慧力人曷敢踵芳躅吾師幸西來琳宮生霽蕭簪之平陽相不撓節侯獄相攜陟螺岩拔磴舌為縮絕頂果與區羣鷺紛起伏日觀凌蓬萊星泉濺珠玉流雲松脚寒過雨石髮沐韶江繞斜指衡陽盪遠目重華不可還似聞靈均哭我名任馬牛我姓已麋鹿自飽青精飯深眷維摩宿矧感百年還不殊一日速會當畢尚平結茅制龍毒師德懋諸天師教揚九服願分琉璃光鼠肝滌塵俗

國朝詩的卷之一 雲南

三

別傳寺

別有傳燈旨孤勞布金不因滄海力誰見白雲心花雨天中落松風林外深要知無限淚長聽梵王音

長老峯

不涉滄桑恨幽然此息機蘿盤千丈髮苔繡六銖衣侍嶺兒孫似看人歲月非錢篋空欲問無語對斜暉

紫玉堂

臺豈西來者乾坤信手移虬松蟠古幹鳳果結奇枝帆小林中見鐘高峽外知更憐立清曉烟渾雪迷離

海螺岩

蠻獨皆爭地烟霞獨峙天海妃朝擁節山鬼夜參禪虛
洞圍如削平臺曠復旋周遭覽蒼翠造物駭茫然

虹橋

石髮開雲幙松鬚護月闌高僧天是竺隱士谷多盤遊
倦鳥聲寂坐深人影寒廣陵元夕步只向幻中看

朱湖遠

卓月曲靖人

贈一足上人

元龍湖海蓼西人千尺雄根斷未真未向講筵施法律
但從佛國辯君臣十年不易三公志五嶽空餘百戰身
回首黃梅何處是烏藤導我證來因

國朝詩的

卷之一 雲南

四

趙邦俊

定遠人

送王漢儒明府擢濱州刺史

數載相逢快共舟今朝送別上濱州如鈞初掛東山月
似柳新牽南國愁截鏡未能留五馬寄書常欲待三秋
文章好擬重論日笑折花枝記酒籌

尹愉

滇南人

遊龍泉洞

佳景真天造空山鎖碧雲丹霞人外鏡錢篋洞中聞竅
自蘿雷闢光從絕頂分蓬萊清淺處頓覺遠塵氛

劉之彥

爾後滇南人

野望

積林數日後初霽夕陽天山出斷帆外江橫秋水前被
雲如敗絮孤雁叫荒烟意裏難爲託桐蕉有別絃

村雪

同雲不斷萬山鳴積素無垠一夜生疑坐海光秋月濶
勝凌嶽曙曉烟平照深松色難爲綠映到梅花別有情
雪裏題詩詩亦雪篋中時作歲寒聲

春雨

危峯天上抱雲低綠影溟溟萬樹迷風力怒如吹石破
潮聲高欲濺林齊數絲啼鳥招搖柳一線藏鶯窈窕深
國朝詩的

卷之一 雲南

五

聽盡雨先生返照曉橋東畔揀青寬

偶句

春塘肥雨濕朝霞已惜看花到落花白燕一雙穿竹屋
錯疑簾箔謝莊家

杏子紅燒樹樹霞采芳人踏綠莎沙東皇一夜乘鸞去
喫盡西林木筆花

越

山公新貴人

舟泊蕪陰重登識舟亭

又乘春色到江城屈指勞勞三載程近遠風光仍識面
去來人物不同情沙迎暮氣村邊合帆掛斜陽樹杪行

沿竹與君過野肆梅花舊路幾枝橫

何負圖 祖文貴陽人

子買山與越山公鄰賦寄

誰爲陶謝作佳鄰幸買青山得傍君有伴且栖三畝宅
安閒但養數峯雲棘侵蘭蕙呼童刈地接烟嵐與客分
非是高鶩能出谷自來好鳥亦知羣

田祖 小農安化人

再至建德訪孔正四姑丈并姑母遺像感賦

往事同秋色淒涼入畫工昔期千里會今向一圖逢每
愛詩書好愁瞻馬鬣崇夢回猶子意泣送五更風

國朝詩的 卷之一 雲南

張紫泥 視草昆明人

車鶴儕草堂新構

我愛車夫子幽齋適意爲名山圖欲徧修竹種休遲三
徑陶君宅千篇杜老詩更於高臥暇課讀且含飴

月潭大師至昆明賦贈

千里臺山再去難吾師猶肯到人間卷舒何礙雲無迹
指點當機石不頑海內名流爭識面愁中賤子雙開顏
紅塵正好勞青眼莫便攜筇雪裡還

寄懷劉忠嗣

知己君應第一人十年言別百愁生貧留邊徼行將老

遊近中原易得名六詔故交勞八夢三湘新詠好誰賡
明珠掌上知多少婚媾還能續舊盟

蕭瑄 五雲建水人

登岳陽樓

積雨兼昏曉我來弔汨羅深烟迷宿雁澹月舞靈鼉岸
濶疑無水雲飛盡作波維舟時一眺縹緲欲如何

李德成 定遠人

送王崑谷明府擢濱州州牧

知君自是出風塵幾載髣陽已徧春豈意二天今竟遠
那堪萬里意何申啣卮綠酒催人去當路青山送客行

國朝詩的 卷之一 雲南

莫謂濱州道更遠好憑魚信寄頻頻

張紫文 集廷昆明人

浩歌

天體雖廣大不外渾器間地形雖博厚撮之不盈篇人
身有元化陰陽方寸蟠其理則真宰其氣則暑寒安能

魚作服却收蜺爲丸舍本而競末吾道終不然
疾風不終朝卿雲不須臾陰陽之相乘呼吸無停機告
以治亂間所伏良微微激禍半正人養變融時委之人
無權挽之天無私箕頤有高蹈憂患或在茲陽德苟不

升已已將焉辭

古松

偃僵憑丹壑冰霜歷大冬連枝時蔭鶴破石欲飛龍黛
向千年淡根無尺土封凌朝清望久雲氣儼相從

獵姬

錦衣窄帽露弓靴玉貌朝暎映麗華見雁轉眸停碧水
呼鷹掣騎簇明霞燒開大澤圍初合舞動旌門士不譁
千古汾陽專國色只今重數令公家

野鶴篇呈許觀察

野鶴從來欲拂雲軒墀雖貴性難任將雛遙繫青田夢
得食難違碧海心鍛翮幾年憂七獲長鳴一旦遇知音
國朝詩的 卷之一 雲南

報恩別有明珠在肯使歸飛惹故林

昆明池

西南一鑑向天開水勢遙從蜀嶺迴千折朝宗終到海
四時掀浪動成雷分符漢將開邊費仗節梁王剌幼灰
魚鳥不知凌谷變明朝猶待釣舟來

徐翔鵬 雲客昆明人

款莊山中溫泉

春鳩報曉晴乘興踏前路渡水過溪頭隨樵轉山角倒
樹作危橋樹欹步難托一路疊層巒千林噪鳥鵲應接
頗不暇幽趣互領畧劃然一江開兩岬山如削鬼怪關

神工真是五丁鑿垂簾掛老猿殘雪留陰壑素禽向人
啼閒花背巖落江畔見溫泉波文漾綽約解衣濯塵氛
氤氲爽脉絡浴罷山更幽襟懷生寥廓安得御長風逍
遙同羽鶴

過二忠祠

明洪武遣吳侍郎偉王學士旦至滇招梁王被
害葬於昆明城東之地藏寺右後建祠祀焉

落日照長河涼風生夕浪徘徊過招提中心何漾漾念
彼二君子當仁不肯讓生同萬里行死各一丘葬孤塚
寄南荒丹心猶北望至今三百年誰能紀其狀俎豆缺
國朝詩的 卷之一 雲南

春秋風雨推碑壙撫墓動流連含悲發惻悵生平慕忠
孝高山常景仰殺身固可傷大節賴未喪宇宙無斯人
綱常何所望再拜聲欲吞寒淚沾衣上

過武城訪編修程公遺跡不得

公諱濟滇志載公侍建文帝至獅山結庵以居
相從諸臣十八人或去或來或早亡者獨公委
曲翼衛歷四十年無間至宣德時奉帝入京乃
歎曰今日方終臣職還滇焚庵而去

讓帝出奔日天下無立錫君臣十八人身如壘卵危間
關脫虎穴萬里到滇陞獨公能終始與帝作網維輔翼

四十年心更無時際豈獨全大義小節亦無虧帝入臣
職絕高踪不可追悵望復悵望名與天地垂

黑龍潭弔薛爾望先生詩

北山之下黑龍潭潭水深深不可探先生隱居來住此
中心蚤與斯水參徃歲之冬事更易日月羣嗟失倫次
北風捲地作黃沙鬼泣神潛不敢視雨驟雲奔勢莫當
舉家相對不徬徨同來序上魚樓上男整冠兮女整裳
先生從容問妻子大義汝等久知矣妻曰子日矢靡他
媳曰婢日誓同死磨墨伸毫寫壁中大書疾書氣慨雄
數行姓字宛然在一點一畫生悲風倏忽詩成色自喜
國朝詩約 卷之一 雲南

除夕憶內弟司若陶

我貧難自計汝去別投人感慨同茲昔饑寒共此身夜
殘驚歲改燈炯照愁新明日蒼山望春風燕語頻

除夕懷從弟德操

今夕正除夕汝將何處歸一身燕趙遠萬里信音違去
國心猶苦謀家計豈非此時應有淚妻絕向慈幃

山村曉發

茅簷支一榻隔樹聽溪聲落月窺殘夢寒雞促短更巖
幽猿獨嘯山曉鳥爭鳴莫謂吾行早樵歌遠近生

再過升菴楊太史祠

議禮當年溷是非先生持論與人違犯顏北闕生何壯
垂老南天死不歸廟貌幾番開勝地登臨兩地悵殘暉
坐來欲擬招魂賦亭樹蕭蕭葉亂飛

再過小關索嶺諸葛丞相祠

立馬峯頭十月寒武侯祠宇得重看庭堦不改松杉舊
氣象猶存俎豆殘千載君臣三顧少孤軍征伐七擒難

出師二表今猶在把讀無人不淚彈

國朝詩約 卷之一 雲南

清水關弔尚書嚴公震

永樂八年公奉命至滇探建文帝一日過帝於
清水關道中相持而哭帝曰何以處我公曰上
請自行臣計之熟矣是夕赴郵亭自縊

西風瑟瑟夕陽邊立馬踟躕弔昔賢熱血一腔酬舊主

忠魂千載寄荒烟郵亭寂寞悲秋色古道蒼涼咽暮煙

永樂江山安在也先生姓字至今傳

關索嶺

羊腸萬疊出層雲一廟荒涼傍夕曛社稷幾經更姓氏

山川猶自祀將軍空堵老樹棲鴉滿古砌殘苔落葉紛
惆悵當年諸葛事秋風蕭瑟不堪聞

普定道中

暮色蕭條歲欲闌長途猶自赴征鞍橫穿峻嶺三千丈
直下危峯數十盤古樹夕陽鴉影瘦亂山殘雪馬蹄寒
千戈滿眼愁無奈始歎當年蜀道難

亂後登郡城東樓

荒城日暮動悲笳眼底彫殘十萬家白骨腥風生馬蹏
黃昏鬼火出官衙山餘戰壘連雲黑水剩盤江繞閣斜
四顧荒涼看不得樓頭幾處噪烏鴉

國朝詩約

卷之一 雲南

三

張惠可

滇南人

題王嶺谷明府照

廣陵江上一扁舟放浪蘆花三十秋識得海鷗容易狎
不須有意着輕裘

脫帽高歌意自狂翩翩風度水雲鄉江濤山色情如許
一枕篷牕醉不妨

劉

撫月御昆明人

登君山

曳杖來尋郭外山扶吾未健強躋板豐碑近識春申壘
岸戍遙連北固關江海一天吞吐外秦楊幾點蕩搖間

故鄉亦有滇池水釣石無人半艇閑

金

顯仲遠昆明人

立秋日程阜山明府招同柴晉山先生王蓮洲明

府劉伊源廣文譚集文樓卽席分賦

帆到襄陽却暫收登臨文選舊高樓相逢阮籍猶青眼
歎息潘安已白頭烟雨任添天外影棋樽且趁客中遊
吟思常在清涼處正是金梧一葉秋

柴國柱

定遠人

送王嶺谷明府之濱州任

金風摧木落天氣適當秋山接朝雲合水連夜雨愁離

國朝詩約

卷之一 雲南

三

懷渤海路暫酌定鄉樓此去江都近紅橋好放船
公時寄寓

段樹綸 崔州昆明人

月下美人

閒堦立過夜沉沉一片寒光冷艷尋皎映芳神雲欲舞
清憐弱態竹移陰不妨缺處隨孤影但願圓時繫遠心
今夕叮嚀人絕代素娥情重莫西岑

鏡中美人

幾番自顧冠諸宮面而風流信爾通四點星光齊上下
一雙國色立西東他偏不妬迎歡內我見猶憐帶恨中

濃淡都工橫意態可憐心事落青銅

水中美人

疎簾烏倦看兼葭好趁新粧步若耶下映芙蓉霞避影
輕撈明月玉生花波中香動呼同伴岸上紅多指妾家
莫道魚沉因倚檻眉峯倒掛翠雲睂

燈下美人

喚到筵前半露身琉璃蕩漾足秋神一牕艷逼添香手
合坐光搖送酒人繡出鴛鴦花吐焰畫成仙子影移真
嬌多不厭深更語小束雲鬟別樣春

張琮浣村河陽人

國朝詩的卷之一 雲南

十四

亦樂園天韻

爲愛名園好方塘十里堤柳翻鶯語滑歌咽聲低對
酒杯浮玉敲詩月滿溪饒多借樂興春色幾回迷
爲愛名園好構樽踏曲堤塵因冰鑑浣笑指彩雲低簾
粉香千畝楊花影一溪幾番追勝事曾記武陵迷

船上

買棹出城東寒潮八月通岸鳴蕉葉雨帆送荻花風獨
寤添秋思他鄉感客衷廿年歸未得執手話漁翁

金雞巖

華峯頂上彩雲生傳道金雞獨擅名洞鎖晴霞猶突兀

樹連仙海自崢嶸無聲似薄諛臣唱有象空勞過客鳴
多少遊人攜釀至憑高作賦不勝情

曾溪柳堤

青青一帶掛斜暉約伴相攜步翠微隔岸曉風驚客夢
傍枝殘月怨春歸似眉幾筆無勞畫如舞千條只故飛
寄語章臺今在否向時情態是耶非

秋日登松花閣

何須作賦強悲秋竟日招攜擬勝遊明月有情先紫閣
寒烟無意鎖青流笑吟山色塵心滌閒背松陰爽氣稠
開裡不知誰是客超然物外且遲留

國朝詩的卷之一 雲南

十五

金風颯颯送初秋開下平原十日遊拔起千山依檻立
飛來一水漲江流禪宮寂歷塵心遠石塔玲瓏城影稠
記得依稀何處似岳陽烟景白雲留

凌虛寶閣幾經秋渺渺烟光縱目遊龍嶺遙從金闕峙
鈴江斜抱石城流人間迥絕雲泥隔佛殿清涼洞壑稠
遮莫愁絲時一洗敢將名姓自題留

遊白塔寺

策杖臨佳勝塵紛總不侵山光宜嬾性塔影證閒心粥
鼓忙饑鼠經臺狎乳禽醉當斜照處洒落任胸襟

晚晴卽事

夾道垂楊日影斜與君聯轡興偏賒凌雲斷續看歸鳥
映水縈紆掛落霞江上片帆收釣艇壠頭雙穗報年華
從來樂事尋阡陌半部歌吹又聽蛙

署齋卽事

拄笏西山日在門環城簫鼓鬧村村樹依屋角號風力
浪捲潮頭帶雨痕入饌魚兒名各異垂香荔子性偏溫
最難解是侏僂語絕類齊諧欲斷魂

楊復元

貞一滇南人

段園看芍藥

愁壘堅深酒力單花開差可借盤桓果然香艷超凡卉

國朝詩的

一法南

二天

不規丰姿繼壯丹日夜魂銷誰是主風晨陽斷半由官
知卿亦復傷離別直欲停杯不忍看

國朝詩的目錄方外

卷之一

釋弘儲	入首	釋圓悟	二首	釋大健	三首
釋行悅	一首	釋弘濟	二首	釋行謙	二首
釋智豁	二首	釋序樞	一首	釋行如	一首
釋大雲	二首	釋元志	一首	釋海祿	一首
釋超際	一首	釋弘仁	三首	釋戒顯	三首
釋行深	一首	釋祖琴	二首	釋通門	二首
釋大寧	入首	釋超淵	六首	釋今釋	五首
釋圓信	二首	釋正崇	二首	釋南潛	二首
國朝詩的目錄方外					
釋淨挺	四首	釋常岫	二首	釋通復	一首
釋行聖	二首	釋超凡	四首	釋超鐸	一首
釋行弘	一首	釋寂杲	一首	釋本月	一首
釋銘超	一首	釋本體	一首	釋寂燈	一首
釋智朴	一首	釋明建	一首	釋明宣	一首
釋海	二首	釋智	四首	釋定列	三首
釋雲嶽	一首	釋大成	二首	釋本晝	二首
釋正興	一首	釋琛大	二首	釋空是	一首
釋照正	二首	釋殘	四首	釋明暹	二首
釋實正	二首	釋慈鋒	二首	釋法融	二首

釋海岳 十首 釋元智 二首 釋德溥 一首

釋繼舜 一首 釋佛慧 二首 釋智易 三首

釋天定 八首 釋興卉 三首 釋慈最 三首

釋成禧 一首 釋廣蓮 六首 釋雲岫 二首

釋曉堂 一首 釋佛府 一首

國朝詩的目錄方外

國朝詩的卷之一 方外

長沙陶 煊奉長選

同里張 璨豈石同輯

方外

釋弘儲 退翁通州人

張雪鷗持先萬峯和尚書墨乞和依韻贈之

硯山留篆筆埜外薦溪毛石踏千崕浪松聽五月濤
參江雁影快敵綠波篙金石由來貴文成風水遭

贈包亦溥居士

天與琳瑯器人傳黼黻材筆垂花正吐簫引鳳初來詩

國朝詩的 卷之一 方外

禮敦儒素鳶魚證道媒和鳴風日麗剛值小春回

顧復伯居士六十

宜爭蝸角與蠅頭落落神標獲自絲世路烟雲消一噓

法門金石托千秋苔花香印登山屐楓葉丹搖載鶴舟
耆舊傳中誰得似悠然想見晉風流

退老落木菴書懷

喜踏晴霜翠一叢高鴻縹緲曉天空挽回恣苑馮秋氣
管領烟雲讓老翁笠澤風高吟肅外洞庭思冷畫岡中
可知擲地金聲出黃葉飄飄意不窮

寄王屋山琛魯南

王屋雲林片段青磨崖思刻舊山銘携藤恰似秋松瘦
敲起寒泉數點星

鄧田同坐鏡清樓

齊州九點鏡中看白髮山樓共倚欄三十年來苦心事
輪梭月轉研池寒

贈周子暉居士

跌宕千峯百嶂中壯懷激發一枝筇誰言翠竇蕭寒甚
看盡江霞聽盡松

東澗遺老輓詞

花郵紅豆淚初殘詩疊黃梅句倍酸觸目烟林轉悽苦

國朝詩的 卷之一 方外

江南五月雨聲寒

釋圓悟 密雲直興人

天童寺有感

自入天童後鋤荒類野樵青山開舊業白棒起新條七
埵雲烟繞雙池日月標客來問玄要門徑草蕭蕭

登金山

波中卓出始昂頭裂破長江兩道流隔岸紅塵飛不到
三三兩兩渡人舟

釋大健 蒲菴江寧人

歲寒吟

散雪亦何繁侵陵弱山麓露入谿雲遙遙散林木崎
嶇行路難荆扉恒自足樵採既無聲鳥獸各棲宿草閣
晝長妍山光夜逾肅佳花綻紅鮮高枝映巖谷婉孌姑
射姿粲然媚幽獨乃知天地心凜冽有芳馥

花笑軒和茶村居士

時倚檐前樹相思定幾重窻含千里月客夢五更鐘絕
壑陰垂壁懸崖青刺松數聲吹笛過清絕隔江峯

見遠山殘雪

已覺寒威去猶瞻雪在清深通竹路虛白映松關片
石能相偶孤雲無此閒好將寥落意指點到人間

國朝詩

卷之一 方外

三

釋行悅 梅谷太倉人

重登八境臺

爲愛坡仙句似仙孤臺再到轉悽然江雲欲作重陽雨
木葉猶鳴薄暮蟬倦客隨方追往昔他鄉易感是秋天
長安與日渾難辨四顧愁生瘴嶺烟

釋弘濟 益然吳山歙縣人

問來使

爾從何處來使我豁心目山中酒定釀不遠籬有菊松
長任礙人春來松花馥巾車好歸山山將棗栗熟

擬古

寂寂幽谷蘭搖搖北印柳天地朽速壞草木安長久抗
懷揖古人義農是我友安得一起之相與一杯酒春來
柳自青同心蘭不負謝彼殺我者此意良深厚匡人貌
陽虎彈琴復何有

釋行謙 劍門昭陽人

賦得古寺梅花放和林耐菴

古寺梅花放幽香只在山更無蝴蝶夢且共白雲閒竹
月深相映江天冷不關獨憐林處士指點爲誰攀

次韻和筓在辛侍御麻姑山詩

仙郎直指向江干神女峯頭獨往還辟穀夢將塵世遠

國朝詩

卷之一 方外

四

賦詩雲與繡衣閒風高鶴唳增幽興月引松花照玉顏
會得紫芝深意否幾時重訪石城山

釋智裕 弘鑑句容人

出焦山

何代一拳石流落大江濱朱夏蔚林木頗能避炎蒸天
地忘英華賢者丁其屯憑陵吼風雨遂與蛟龍爭蛟龍
雖云遷陵谷爲之崩振衣起長嘯余亦將還征

歸江門望金焦有感

岑巖北固俯金焦興廢何須問六朝兩岸漁樵空夜月
二時鐘磬度寒潮傷心白鷺依橫浦極目青莎老斷橋

事只今惟獨嘯扁舟歸去聽吹簫

釋序樞 立勝如皋人

至靈隱寺

雲帆直泊武陵秋紅樹溪山古剎幽輦道尙餘花雨暗
連峯長歷冷泉流江湖影裏容僧臥寺梵聲中罷客愁
休問滄桑前後事一瓢明月上層樓

釋行如 雪菴合肥人

棲賢道上

遠近山程興不違此遊况乃起晴暉雲銜峯髻疑天接
泉濺苔衣似雨飛怪石猶堪延我坐鶴庚何故喚人歸

國朝詩的 卷之一 方外

五

偶逢靜者能留飯春暖林香笋正肥

釋大雲 石門建甯人

贈張南邨

頻過曾不厭共住亦關情掃徑鐘方歇炊泉月乍生貧
堪傳姓字冷不絕逢迎每坐危樓上雄譚徹幾更

訪衡陽愚谷和尚

北山一望晚烟興步入衡陽賴短藤草色有情心早碧
竹風無夢月初澄到門霜鳥低呼雨隔嶺寒鐘暗上燈
話盡齊梁當日勝白雲長護五更僧

釋元志 碩揆鹽城人

山齋遣興

棋局茅亭幽澗濱竹寒江靜遠無人邨梅尙歛風前笑
沙草初偷雪後春鵬鵬喻中消日月滄浪歌裏放心神
生平自有烟霞志久欲拋身狎隱淪

釋海祿 定夫敬修上人

贈韓聖秋

龍潭相映日高昇滿座荷香靜可凭閒看先生如畫裏
我來添個畫中僧

釋超際 衍燈月舫通州人

馬鞍山過寒巖大師

國朝詩的 卷之一 方外

携筇獨入翠微間老樹青山媿此顏倚檻靜看花落去
聽泉常趁月明還鶴歸峯頂松濤寂磬出孤雲石洞閒
欲訪遠公成夜宿寂寥清夢繞禪關

釋弘仁 無智漸江歙縣人

畫偈

病中旅况峭干冰倦起還開一幅藤瀑布樓邊時自煮
三更分得佛前燈

有時負甕及潺湲道是身如水鳥閒樹蔭依稀三月暮

焙茶香氣滿空山

欲雪林巒畫積昏澗流澁澁咽冰痕呼風鳥雀亂飛下

竹塢人家早開門

釋戒顯 願雲晦山太倉人

天池寺

寺出重雲衆象攢峯峯拱揖檻前看巖巒宿霧三冬暝
臺殿天風萬古寒龍起池中朝吼電仙迴洞口夜驂鸞
置身直上青霄上歷落星河眼界寬

五老峯坐夏

五峯絕頂縛枯禪靜夏何人叩榻前忽地霧來山盡縞
半空泉落屋如船朱曦氣散松杉國白日寒生洞壑天
縹緲萬層塵望斷邨知僧定萬松巔

國朝詩印 卷之一 方外

七

登雙峯絕頂

靈峯奇秀鬱黃梅醫祖當年鐵杖開簇翠中藏龍象窟
盡天雙湧妙高臺一枝石筍撐雲出萬里江光破浪來
此日曠觀真到頂虛空背上嘯如雷

釋行潑 遠峯長洲人

喜徐松之居士過建隆寺話舊

忽聞徐孺叩禪關踏破蒼苔滿徑斑廿載相思烟水濶
一朝話舊茗杯閒征衣似帶江南雨古蹟偏思江上山
猶憶法門嘗聚首錦囊佳句徧林間

昔余在吳江報恩
老人位下同門十
人松之皆
有詩相贈

釋祖琴 古音安東人

過支公講寺

曳杖下山去逢山却又登雲溪難辨寺佛冷不然燈講
殿閒棲鳥幽廊滿覆藤窠來前代事一問路旁僧

過披雲室贈孚公

半畝松筠半畝溪茅菴背結板橋西聽鐘夜坐山前月
引水時澆屋後畦野客不來雲轉靜秋花競發路還迷
石屏一曲和烟綠還撥蒼雲覓舊題

釋通門 收雲常熟人

蚤春尋梅過一葉菴

國朝詩印 卷之一 方外

八

幽芳何處遠看餘不在林中定水涯菴喜如舟呼一葉
梅看任益發千花小橋客過村流碧曲岸風來野竹斜
只恐春深重到此數家漁網柳陰遮

懷州隱

落花寂寂鳥雙雙新竹成陰綠滿牕夢聽潮聲來枕上
幾年不得到婁江

釋大寧 石湖龍眠人

山中雜詩

竹門藤花開岑寂自幽適孤倚松上雲羣奔澗中石著
我出世書刈我隴西麥悠然獨往情流泉亂阡陌落日

生涼風天香拂枕席

一塢桃花紅花裏亂泉舞只見山無人豈識花無主桃花但自開不必傷今古

偶吟

携杖入深山拜汝山中石古寺開石傍相傳未有額著個放閒人清苦同冰蘖一榻堆殘書隔之以茅簾空窓何所宜開閉自朝夕雲散千峰青雲起千峰白盤旋幽靄中返照上蘿薜

送安士之湖上

一湖春水綠隨意作浮家僧住岸邊寺鷗眠烟際沙小

蜀朝詩的

卷之一 方外

九

舟依柳葉深磬出桃花殊慰孤征者恣然對落霞

雪夜示勞雲

天涯風雪裏共爾坐寒更白髮竟何事青山只此生峰頭誰獨上雲外我孤行半壁梅花影霜毫畫不成

浮山

浮山直似少陵詩平裏含奇未易知衆壑翠從留路撥九華寺許隔江窺淺深巖洞僧棲穩高下烟雲客到疑雷雨連朝春水足峰根白處卽湖湄

雜韻

一自入深山不復知朝莫瞑目坐藤枝細想來時路

初交情似濃交久情似薄薄不待交久交初濃卽薄

釋超淵 心壁滇南人

春日過靈巖元墓看梅和牧仲先生韻

連朝春色好結侶共幽探片牒浮晴碧千峯潑曉藍園林花處處村店柳參參十里橫塘路迴船歌吹酣近愛靈巖勝青鞵蹋碧岑一筇搗絕頂孤墪出疎林井廢僧還汲春來鳥自吟淒涼歌舞地幽磬夕陽沈屐隨飛鳥下簾傍夕陽拖放船辭木瀆鼓棹泛金波燈火前村市管絃靜夜歌虎山橋一望月下影婆娑起坐聽鐘歇山游促曉裝遥岑出烟靄高樹照初陽一

蜀朝詩的

卷之一 方外

逕鳥聲裏三家村路長情知花處近不斷送清香

逶迤三十里高下總梅花寺恍衆香國村疑處士家浮烟渾漠漠近水故斜斜惜別頻回首空山明夕霞

信宿春遊客湖天日暮還看花無好句對面媿青山笠澤蒼茫外莫釐杳靄開明朝江上去鷗鷺伴僧閑

予將還匡廬

釋今釋 滄歸仁和人

和無師韶陽歸舟詩

偶然爲此役行止笑難期入夜依沙際長吟出峽時嶂溪猿狖壯名在水雲疑我亦從茲悟寒江酌一卮

人日龔芝麓鄧孝威張登午垂訪海幢寺奉和

勝流坐對卽空山未礙梅花笑往還風雨雜陳今昔夢
松筠長護死生關珠川定寫何年淚玉竹猶分一樣斑
此去相思無近遠曹溪原不隔人間

過韶州江口遙禮曹溪

七年前一禮曹溪太息迷塵事事非龍洞荒碑深沒蘚
貫城殘血舊沾衣焚香曾記瞻遺蛻指月終煩被上機
歷亂風旛原不定法堂草滿幸知歸

江舟風雨

疎雨層層逼曉寒絮雲如冑壓岡巒旌幢自欲臨危棧

南朝詩的 卷之一 方外

鏘錫何由避急湍怪石拒人猶睥睨孤舟效我只蹒跚
狂風不爲輕相阻萬法從來逆用難

南雄陸孝山同沈融谷來遊丹霞余以仲冬二十

日自湘江放舟而行二十二日到寺卽周海螺

巖一匝而下二十三日從錦石登舟至窩塘言

別

是誰信手畫乾坤江楚風烟勢欲吞猶喜將軍銷劍戟
尙憐長老護兒孫當關有虎惟高臥半夜歸猿只斷魂
締構也應支劫盡與君剪燭共評論

將軍石名
長老峯名

釋圓信 雪嶠浙西人

望江亭晚步

薄暮萬山紫行行踏草忙村烟翻樹色寒翠滴衣裳孤
月未成照長天若可翔雲中寶所塔隱隱在前塘

沈園別李不器

衰柳無烟鳥不驚橫擔竹杖問歸程雲開嶂色鞋根潤
葉落空亭山骨清別子河橋秋已暮尋詩花徑雨初晴
他年忽憶燈前句拂塵重論去住情

釋正昂 歸堂餘杭人

湖心亭同諸子晚眺

夜氣始闢如鴻濛孤亭獨立湖之中纖雲絕點泰清裏

南朝詩的 卷之一 方外

片月忽來滄海東偶一長嘯衆山響白雙老眼萬古空
兩峰西去青不盡總屬藕花垂釣翁

寒日登君山有感

廿年悵望一登臨風捲塵霾浦溆深萬里江聲來浩歎
九秋木葉動悲吟橫張海口吞天地偈立峯頭睨古今
何幸相逢焚爨後蒼松猶保歲寒陰

釋南潛 月二兩鳥程人

將至靈巖作

芒鞋踏葉寺重投去看晴雲繞塢流響屨仍飛吳苑月
洞庭先結夢鄉秋有童負笈未孤往無事出門纔壯遊

只唱漁詞記歸日楓林細雨轉船頭

感懷

鷓鴣十載閱風霜難向當年結客場
妄想延齡穀白木傷心厄閨撫黃楊
幾時合社聽蓮漏若箇分賞構草堂
南史床頭堆一角六朝如夢雨茫茫

釋淨挺 偃亭錢塘人

採薪行

西山日苦貧竹木摧爲薪採薪猶自可
村里虛無人彌望春郊絕青草渾無樹
枝托飛鳥斲養小兒大如天紛拏路人
捶路邊路人抱頭仰空泣囊中攬去官
稅錢船

國朝詩的 卷之一 方外

三

子望之舍船走行船那敢出渡口東村
老媪伏斷垣少婦含涕都不言貿貿遠
來誰氏子白金深裹衣帶裡徒卒奪之不
肯與奮刃一擊路傍死蕭條百里罕人烟
舉目川原倍可憐黃昏陰黯鬼火照青宵
但聞猿狖叫

錢塘懷古

青丘西郭水連天慶忌孤墳落照偏
夜夜海潮飛白馬年年江月渡烏鳶
越王臺榭愁荒草吳苑笙歌泣斷烟
七十二峯零亂後只今依舊采蓮船

白馬南巡競物華金明池畔舊皇家
宮門寶輦承朝旭江上流蘇被落霞
石鼓夜殘仙樂動玉笙春倦舞衣斜

可憐五國城邊柳望斷江淮天一涯

東浦橫連第一橋御園烟鎖晚風飄
櫻桃露重浮金碗楊柳春深度玉簫
波湧兩湖漁火亂沙明十里馬蹄驕
傷心華月高樓近郊外青旗久寂寥

釋常岫 蒼林黃巖人

木巖廢寺

山僧何日去殿角卧殘碑煤盡雲根
斷泉枯地脉移寒禽聲自咽老木葉
空垂只恐秋風至行人過更悲

晚望

蕭寺頻驚落葉秋憑高眺望樹中樓
山從北嶽來京國

國朝詩的 卷之一 方外

一百

水自西湖入御溝會見漢陵荒草沒
時移梁殿海雲浮斜陽暮雨天猶暗
坐泛華亭一釣舟

釋通復 文可嘉興人

和荅蔣佩聞二韻兼懷少典子誕

谿回白苧晚悠悠背郭柴門老一丘
春盡懷人無過鴈日斜隨我數歸鷗
雙懸戶外千峯履獨上江千萬里舟
風雨別來花信促酒旗飛處落紅稠

釋行聖 萬因幻隱永嘉人

山居

乳峯高聳處絕勝小蓬萊竹徑沿溪
入松門旁石開斷

雲封遠岫斜月照寒梅兀坐茅簷下泉聲隔塢來

春朝東李都諫拙予

深巖寒重喜春回香入空庭漸放梅雨浴亂峰殘雪淨
日烝高樹凍雲開坐消鑪篆禪方定洗盡塵襟句忽來
記得石梁觀瀑處到今應自長新苔

釋超凡 雪堂鐸夫金華人

同曹浚源吳梅谷東巖真州東園分韻得郎字

衰柳鳴蟬引夕陽高堤宿葦鎖秋光風飄叢桂香偏澹
露濕蒼梧葉漸黃竹榻論文推二妙浚源東巖草堂分韻讓
中郎梅谷天涯難得與兼杖勝賞園林興更長

國朝詩的 卷之一 方外

迷樓懷古

君王臺榭結層陰竹樹迷離傷客心只有寒鴉啼廢塚
絕無螢火照空林二分明月留天地一派烟波自古今
六代繁華空極目杖藜從此罷登臨

舟晚二首

昏鴉圍野樹茅屋薄炊烟隱隱江臯寺疎鐘落照邊
河面半灣月城頭數點烟放關人影亂爭認晚歸船
釋超鐸 魯菴永嘉人

坐月

誰破蒼苔跡尚存滿階春色靜堪言乍收簷馬風無力

獨坐亭陰花有魂雁斷銀河聲萬里月移霄漢影千門
美人此夜情難已教罷鸞笙濕露痕

夜雨

破屋三兩間春作留雲洞昨夜雨滂沱一派巫山夢
釋行弘 正法烏程人

寄懷振林師

繞屋蓬蒿一徑通惟餘竹榻對疎桐既然有夢到天姥
豈得無詩懷畫公揮塵玄風虛講席携筇白月滿琳宮
茅齋日日常飯石上遲師薦晚菘

釋寂果 隱禪徽州人

國朝詩的 卷之一 方外

八月十五夜翠微菴作

霽月當圓夜清光上翠微孤城笳自發遠樹葉初稀詩
賦愁腸盡乾坤淚眼揮一枝賴有託歎息咏南飛
釋本月 旅菴寧波人

次答瞿菴大師見寄

特旨宜留駐帝京舊交自爾隔孤城門連省掖車塵影
地遠空山夜雨聲鳴鶴幾聞增別怨驛梅初寄慰離情
幽期倘遂林泉請共賦歸來白雪盟

椒園懷兀菴冰心兩和尚

御苑招蓮社禁林成梵宮何如松竹下輸與雪谿翁

釋銘超 聖庵嘉興人

九月飛來峯登高限韻

驚嶺曾探古石橋今尊惠遠到山椒無端共集蒼龍洞
何處輕傳碧玉簫百尺樓頭驚客氣四圍雲麓壓江潮
潺潺幽澗還相識耆舊中原未寂寥

釋本儂 遠菴楚人

秋日旅懷

風葉聯翩下蟬聲斷續鳴已多搖落感况復亂離行訪
舊悲雲散登臺嘯月明故山良久別風雨夢中生

釋寂燈 天放楚後岳陽人

國朝詩句 卷之一 方外

揚州竹枝詞

齊純蜀錦團芳裁紅粉當爐照玉杯明月箏聲關不住
城門十二五更開

葛洪洞

山色搖光入袖涼松根風細茯苓香局殘柯爛人何在
深洞寒雲鎖夕陽

釋智朴 拙老新城人

題盤山圖寄王阮亭居士

柳栗橫肩未有期年來短髮已成絲王堂人憶巖栖者
黃葉秋風無盡時

釋明建 惟謙雪坡南昌人

聞周侶樵居士北上未果詩以寄之

蓬轉風塵各遠期長吟聊挹紫芝眉憶當冰雪兩分手
未遂鶯花一賦詩白下結茅粗有地長安挾策竟何時
遙聞 聖主徵賢急好待金門莫教遲

釋明宣 憩陰麻城人

登嶽麓講經臺

昔日談經處依然山幾重臺蕪黃葉積磴曲紫苔封片
石疑禪觀孤雲想化踪夜燈無續火秋院有鳴蛩漫倚
題詩竹誰裁出世松夕陽無限思忽聽隔林鐘

國朝詩句 卷之一 方外

釋海 龍山人

結茅 自述建岳

結茅南嶽下幽意慙漁樵曲徑通來往禪房倚次寥寥
綠敲磬斷心為種花焦又是重陽雨披簑過石橋

入廣迎梅拉丈六佛贈都統孟居士

海上移軍賊壘空將門端的見英雄桃花馬蹋龍堆月
柳葉衣含虎帳風得句每題初祖壁偷閒頻到梵王宮
當筵正說登臨好老樹參差智炤中

釋智 與峯楚寧人

在盤山寄楊木繩

山中聊著數椽屋日夕清泉鳴綠玉飯石肝腸自卷舒
餘閒且枕虛玄谷黃猿啼斷主人眠夢眼豁開汲汲浴
一瞬四維難覓人知音想在蒼山曲

東陳介如

新柳連珠拂小堤牽人愁緒及心知剡溪友在難移棹
水部才高且寄詩梅綻玉堂春尚淺火然金鼎智方岐
惟君曾立庭前雪別得清機未笑時

別知十磨一二道友

愛君意氣好如春暖我行行世外身竹徑有花香自染
松房無劍月常新青山宿雨能留客流水移雲欲送人

國朝詩句卷之一 方外

一九

去路一筇相識少徘徊澄思苦傷神

喜鄒尔如入山

卜築峯頭九度秋常招仙子馭風遊探奇搔首詢明月
得句傾心坐小樓菊老尚能留客醉僧狂且喜脫凡愁
相逢惜取前來路滿袖涼生石澗秋

釋定冽 古梅 鄒陽人

蒞峯

芙蓉簇簇倚天推齒齒含真似未開千葉自從千疊繞
一華端有一如來

御香尖

几度天香下鳳樓山光直透九重幽彤雲彩霧呈朝夕
長有皇恩在上頭

南軒亭

張夫子曾遊芙蓉有詩

大宋斯文未喪君潮湘日浴浪中所監真到處成蹤跡
一個蘭亭在白雲

釋雲巖

秀峰 湘鄉人

優盜泉

懸巖寂歷鎖寒烟真見銀河落九天梧老正添秋後雨
花開更散盜羅泉比諸戲玉尤奇絕誰遇轟雷有道緣
不到此間親覲面廣長溪舌只訛傳

國朝詩句卷之一 方外

三

釋大成

三菴 醴陵人

古意雜詩

人生本無定胡爲論行止出門三步寬良驥徒千里得
意成金石失意成泥滓君看古英雄畢竟爲誰死興廢
雖有時無言問桃李鄙哉黃口兒毀譽從人起

山居

一株兩株老松青松下結個小茅亭三日五日來一次
肩荷柳樛手持經讀經讀到山月出聽松聽罷天落星
適然拋卷松間臥夢與松根乞茯苓

釋本畫

天嶽牧石翁 羅田人

山禽

山禽之尾似剪刀
臨溪剪水心不勞
吳宮樹冷王孫驕
不求其身求羽毛

留別潘美含

相逢末路有清流
南浦何煩理舊愁
楓葉未黃僧暫過
菊花無信客難留
陶家秫秫君兼種
賀監湖山我獨遊
何日衍波賤半幅
好憑魚雁寄悲秋

釋正興
雪山靖州人

放舟

搖曳扁舟下篙聲
答曉鐘客心隨浪逐
燕子逐雲封不

國朝詩的
卷之一 方外

三

辨楓千樹翻疑天
幾重回看烟渚外
山勢走蒼龍

釋琛大
芥菴湘潭人

山居

極目楚天濶
羣峯當戶幽
猿啼終日雨
樹老隔年秋
賢達皆陳跡
繁華盡古丘
白應遺世客
獨立望滄洲

金粟山樓臥病

南樓長夏日如年
伏枕寥寥空萬緣
九十九峯知寂寞
開窓箇箇到牀前

釋空昆
劍叟蘄水人

與錢牧齋宗伯話舊

燕市秦淮話渺茫
空餘殘淚灑衣裳
好尋一片清涼地
破衲芒屨度夕陽

釋照正
天目攸縣人

宿司空山

虛齋閒寂寂
數杵暮鐘聲
遠樹烟中沒
香荷月底生
秋蟲答客語
竹露上簾明
共惜今宵興
豪吟世外情

病中寄三達大師

廿年心跡許誰知
往復情親獨遠師
夢裏貪書慚大晚
病中偷懶起常遲
事當靜極機全化
人到交深語不疑
自笑邇來無可似
朽株頑石尙嫌痴

國朝詩的
卷之一 方外

三

釋僧殘
和菴重住楚人

折脚鐺

托山不深托世苦
枉廟器亦瓦礫靈
龜安所養我聞海
上三神山欲往浮
桴悵修廣流泉逝
今胡浸浸爾知何
處山最深

怨歌

春風吹綠草
草綠傷人心
落花落便落
瑣碎霑衣襟
寒食清明前
閉門不敢覷
雖然桃李花
正是傷心處

重寓松濤菴

荻花裊裊隔村烟
秋水柴門半暮天
何意我來重話舊

葉舟橫渡鴈聲前

釋明暹 若時西岡新州人

過方正學先生祠

南國江山舊先生廟貌新一言存正氣擲筆見孤臣冠冕到今日死生寧負人寥寥明月下憑弔恐傷神

送歸源省親

豈欲成歸去其如慰老親青山無改日黃鳥亂行人一往關山極此情天地真高懷何耿耿無處不芳鄰

釋實正 浮雪楚南人

毘盧峯

國朝詩的 卷之一 方外

奇峯突兀矗穹蒼占斷南天副衆望珍御時披雲細綠垢衣權掛草偏香當頭着意旋獅子靦面羣瞻顧象王爲語時流須辨主諸山環繞水茫茫 珍御垢衣爲景也獅子象王峯名

象王峯

懶向朝端論戰功多情惟愛憩芳叢不從小乘論擔荷只憇千鈞較大雄方奮發時春草綠纔回頭處雨花紅猱雖讓毘盧峙鼻孔撩天頌莫窮

釋慧鋒 藏菴桃源人

陪岳麓益齋兄遊周遇雨限韻

凝露瀟瀟鎖碧天寂寥何以欸高賢相將踞虎觀銀瀑

故乃穿雲探玉鼎澗激石雷鳴足底瀆拖巖翠繞眉邊玄穹恐負斯遊勝一洗楓林照晚烟

九日同止澗分得秋字

峯高銀澗日清秋不羨龍山據勝遊瀾出樹中登且泛句隨楓落唱還酬野籬正自宜黃菊此地誰知狎白鷗靖節豈徒能曠達橫身天外更悠悠

釋法融 蓮溪人

山居

萬峯疊疊鎖茆堂獨我端居在上方世遠全無塵事擾山深一任白雲忙啣花野鳥溪頭至抱子寒猿谷口行

國朝詩的 卷之一 方外

詩

盡日閒眠清夢穩松風蘿月到禪床

獨任寒巖絕世羈塵緣不繫任施爲偶然策杖凌青嶂忽爾忘機對綠漪倦去掃雲開舊卷閒來捉筆寫新詩山深路僻行人少怪石低頭聽法時

釋海岳 中洲鎮江人

古詩八首 選二

我有綠綺琴其材出空桑金徽映玉軫音響何琳瑯上絃感薰風下絃來鳳凰世耳不欲聞子期今則亡願持獻重華路阻川無梁

結束遠行遊驅馳北燕路九月天氣寒河水堅可渡朝

上黃金臺夕過望諸墓其人安在哉其地宛如故我欲一弔之風烟亂中素

九日携諸子城西范文靖園遊覽

覽遊何處好亭午出城郭手携二三子隨步訪籬落黃花間秋草顏色猶灼灼雖非陶令居點綴亦不惡他往復延佇景物欣有託霜林日影斜長風吹寥廓悠然溪上雲來去了無着薄暮願言歸餘興眷桑柘入門暝色開明月上高閣

溪上晚眺

何處堪遊眺東西溪水頭數羣鷗浴日一陣雁橫秋野

國朝詩的

卷之一 方外

草牛羊路斜陽蘆荻洲長歌獨歸去生事羨漁舟

訪友不值

尋君復不見寂寞出林間落葉溪邊路浮雲海外山午烟桑柘隱秋色戶庭閒愛爾幽棲好歸來亦閉關

秋懷

萬壑千峯秋氣饒乾坤從此日蕭條江流舊向東溟注木葉初從北郭飄候雁共誰聽夜夜懷人獨自坐朝朝栖遲歲月渾無賴細雨斜風客路遙

詠史

關門方此彙羣英童子安能解請纓人對帝知匡國者

過關吏指棄繻生大言未必都成事烈士何妨爲殉名七十伏波思馬革裹屍無恨趙佗城

間朝同是自烏桓出將旌旗又一般韜畧他能隨口對山川汝要展圖看曾聞雀化終宜水豈見蕭榮可作蘭從此霍家門外望只因春恨草漫漫

香殘薰葉火焚膏慘痛人臣見兩朝非草何能黏琥珀從雷到底是芭蕉年齊呂尙生爲天粟絕周王節未凋老父語言君解否秋風新莽命如茗

孤村

斷橋磧路水流沙沙上孤村一兩家門掩綠陰秋滿地

國朝詩的

卷之一 方外

阿翁携幼掃槐花

釋元智 曉章六安人

登高遇雨

秋色如春色楓林似錦裁人烟過浦失風雨壓山來叢菊荒籬落茱萸泛酒杯登臨佳興阻袖手望高臺

來青閣

閣古巖邊石池青堤畔松山花開四面坐對兩三峯

釋德溥 百泉淮北人

金陵道中

雨過春山碧草香石頭城外東歸裝勞勞遠客還初過

歷歷孤鴻返舊鄉古道馳驅驢背倦寒烟點綴樹頭蒼
隔林遙望江村近幾處漁舟趁夕陽

釋繼舜 雨周半堂鎮江人

咏圍棋

紙上縱橫路路通等閑黑白圖英雄衝關奪角爭先得
打結填官最後功硬接只須開兩眼失機徒自布多戎
漫言虎口長開好國手拈來一子攻

釋佛慧 慈嚴集縣人

秋郊晚步

好友同乘興秋郊策短筇山幽林鳥囀洞古暮雲封踞
國朝詩約 卷之一 方外

石翻黃卷聽清倚翠松留連不忍去明月掛高峰好友
謂

兩兄

秋興

青松能不改霜葉下長空孤雁白雲外千山翠靄中閒
心秋水靜詩句客囊充散步溪橋畔披襟對好風

釋智易 勵米發源人

白雲精舍

松枝結蓋覆簷低小徑紆迴路不迷圓月池中雙鏡照
橫雲崖畔數峯齊飛來白鶴閒相對別去玄猿空白啼
一帶人家還遠隔天然付與古幽棲

舟中

片片波光映月澄虛舟泛處白雲凝夜來更作山居夢
却在山居第幾層

常山道上

梅子初黃麥正秋半肩行李過山頭白雲鎖斷溪邊屋
日暮安禪何處投

釋天定 雙谿秋圃武昌人

漫興

涼雨朝來足青陰午更多點頭花解咲弄舌鳥能歌食
漸嘗籬莖衣纔製水荷偶然高興發日暮喚隣過

國朝詩約 卷之一 方外

夫

水漲

雨急溪流漲橋平江勢連纔看沒洲渚忽已及圍田農
欲更漁業吾將買釣船濯纓與濯足唱入蓼花眠

涵師峨嵋遊歸因贈

峨嵋西去似登天見說親行到日還古木千年都化石
衲衣六月總裝綿陰風晝灑巖端雪急雨宵聞洞口泉
袖得圖歸誇示我芒屨踏破意忻然

竺師匡廬遊歸因贈

擔囊冬去及春還看盡匡廬而面山佳處正須十日卧
浮生能博幾場閒語聆泉石都成趣杖帶烟霞總是斑

携得名茶煨活火竹爐風動響潺湲

春日遊九峯四首

去去山中半日程一童一杖伴閒行溪橋路過春如許
柳愛風柔麥愛晴

雲外亭亭寶蓋峯中古寺綠陰濃高僧不慣逢迎事
一任松風送午鐘

一到山中事事幽茶烟竹榻任淹留夜分剪燭重題句
又紀今春一度遊

雨中

簷花不向雨中開屐齒無人破綠苔贏得一池春水碧

國朝詩的

卷之一 方外

元

倚門閒看白鷗來

釋興弁 蘭苑楚寧人

野興

重九前三日作

小徑結蘿門羣峰自排列誰是住山人晨夕知怡悅碧
澗散清音黃花留晚節秋聲在樹間鼓舞吹高槩相顧
意欣然有言不在舌

盛夏野望

薄暮望原野羣花色更鮮空山無盛暑古木帶涼烟露
滴青苔潤風飄綠草芊道人看不厭峯頂枕雲眠

秋夜草堂懷友

獨坐茅廬春忽秋閒看嶺上白雲浮乾坤浩蕩聲光靜
我亦閒閒海上鷗

釋慧最 嶽門南楚人

同諸先生遊水簾洞

混沌自初分天地有造設山靈大展奇萬古常破裂仙
源何處來瀉落光皎潔拉伴坐孤亭與世相迥別兩眼
倦生花歷亂成飄瞥認是浙江潮信非峨嵋雪四時寒
氣多六月何曾熱幽境百靈居下有老龍穴不少雨去
來况多雲起滅一片冰霜心卻愛玉壺徹長嘯逐飛濤
轟轟響不輟秋高景倍清遊興何能竭俯仰甚曠然輸
國朝詩的 卷之一 方外

三

我胸臆悅

九龍坪留宿得晤友人共話

登臨處處路欹斜選勝殊林興更加潭起老龍秋水護
松還羣鶴暮烟遮一筇暫放僧留榻千里重逢客煮茶
卻笑世情空碌碌幽閒須讓住山家

上雲梯石

過盡平田過盡溪振衣千仞躡雲梯逢人但問天門路
咲指高峯去不迷

釋成禧 厂翁楚人

送陶葉亭先生之白門

萬里烟波杖底生送君今又白門行芙蓉帶露秋江冷
塞鴈衝寒夜月鳴知已自應前路盛詩思常共酒杯傾
莫因春色江南好漢水衡雲有舊盟

釋廣蓮

根潔歙縣人

送懶餘大師還江右

桂漿辭邇水鄱湖千里情莫愁鄉路遠且喜布帆輕秋
老蟬聲壯天清雁影橫君家餘負郭此去好躬耕

登清江浦海神廟

百尺朱樓迥登臨逸興高窓開微見海風靜遠聞濤綠
散隄邊柳紅飛隴上挑黃河流不息日暮更滔滔

圖朝詩的

卷之一 方外

破寺

不知何代寺豐草臥殘碑屋破蛛牽網僧稀犬護籬野
厨泉汲晚深樹月來遲吾道逢秋壑吁嗟良可悲

除夕書懷

獨坐寒林過歲除天涯何處是吾廬一瓢有路千峯隔
萬里無親百感虛好與梅花均冷淡閒拈栢葉正蕭疎
地爐漫撥殘宵火城郭荒鷄唱曉初

謁冒白和尚

路轉溪斜定幾灣芒鞋今日叩禪關鳥聞齋磬投僧飯
人對龕燈學佛閒好月漸移修竹裏流泉細落古松間

紅塵那到雲深處瓢笠依依自往還

與方惟時外甥

蕭然何事入空門禪板香爐興復存對雨不能談往事
杖藜歸去月黃昏

釋雲岫

巴陵人

登岳陽樓

細遊須趁客邊閒歸後重來兩可閒石上有痕深見水
波中無樹遠知山祈神船各焚錢過載酒誰同得句還
盡是不聞風鶴久孤城欲暮未曾關

圖朝詩的

卷之一 方外

詩寫門前事却難連夜海濤龍自吼排空雲陣雁回灘
蒼茫何處尋知已隔岸君山有懶殘

釋

曉堂廬山人

獨坐

晚情佳景不思量永壽橋頭搗藥香月起浪花燒酒焰
雨存荷葉水銀光壓肩月到十三省跣足僧歸第幾房
吾自有生隨處樂况於山在海中央

釋佛睿

中平應城人

南海

閒雲覆日織虛撐歷盡崎嶇路轉平海客槎乘秋色老

野庵門閉午潮生洞邊拜石無賓主沙面題詩有姓名
如此好山留不住明朝難敵上船情

國朝詩的目錄方外

卷之二

釋道忞 四首	釋燈溥 四首	釋機質 三首
釋超暹 三首	釋寂定 三首	釋祖琳 二首
釋深仁 四首	釋寂訓 三首	釋行昱 五首
釋二日 五首	釋祖璉 一首	釋曉青 六首
釋自安 三首	釋牧 二首	釋微緒 三首
釋超瑋 三首	釋因文 二首	釋成緒 二首
釋童珍 一首	釋德峻 一首	釋德山 一首
釋真誥 二首	釋來嚴 一首	釋續燈 二首
釋大汕 三首	釋智閑 三首	釋元志 二首
釋文惺 一首	周大炳 羽客附 四首	榮漣 羽客附 一首
釋妙復 一首	釋元濟 一首	釋超節 二首
釋然修 二首	釋紋岷 二首	釋自彥 一首
釋成磊 三首	釋法藏 一首	釋淨溥 三首
釋智樵 二首	釋與道 一首	釋本晝 二首 再見
釋真珏 一首	釋悟乾 一首	釋恒慎 二首
釋元立 二首	釋寂解 一首	釋宗璞 一首
釋素交 一首	釋徹源 一首	洪燾 羽客附 一首
釋全賢 二首	釋體源 二首	釋義果 五首

國朝詩的

卷之二

方外

一

二

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

四十七

四十八

四十九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

一百

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

國朝詩的卷之二

長沙陶 煊奉長選

同里張 璨登石同輯

方外

釋道忞 山翁茶陽人

平陽多苦竹夏至後籜龍環戶喜贈以詩

雪拉衷恒赤霜凋葉不黃姓依於越著名託少陵香廣

土輸清渭強宗壓楚湘休嫌風味苦至性出天常

干霄非不足狷介一生餘淨洗英皇淚長辭永素書火

傳甘作樸釜泣守爲魚苦諦常宣說貪夫嗜亦除

國朝詩的 卷之二 方外

南熏方解籜萬木綠陰舍蓬賤嘲何惜悔清興豈加西

連多水曲飄泊亦山涯寂莫同僧侶遺容不慕華

贈文園范居士

大范文章小范禪廣行施濟補堯天解人紛似家同闕

排衆難如命共船起父昔曾祈死代殉兄今豈覆巢憐

千秋義俠爲君譜聶政荆軻也悵然

釋鋌溥 指薪鐵壑肝吟人

上方寺初秋諸子過訪同賦

單瓢已放下癩去不操方未死耽丘壑全生洗肺腸峯

寒高士氣樹老衲僧香客至難爲供秋新芋子嘗

寒巖能抱道不斷絕交書風氣日流薄市朝誰復切雙

毛白已亂兩眼青何如養拙存真氣雲間力荷鋤

荒荒千載住老寺且頽然破竈燒新綠繩牀卧曉烟士

貧詩入畫僧苦飯無田世外雷佳話笑談蜀嶺邊

禪外吟難廢荒唐句未賒紫藤秋掛樹白豆冷開花泉

活流香水山癡醉晚霞風高人共集幽聚白雲家

釋機質 季彬南昌人

和於子雲菴竹林消夏韻

溽暑消殘碧玉間清幽幸賴此身閒偶來箕踞長林外

不是看花便看山

國朝詩的 卷之二 方外

與卓爾禪人

朝來何事動狂風吹落梅花枝欲空春色直教無覓處

飄飄江上水流東

懷八大山人

昔年萍聚話林丘幾度同登凝翠樓聞道比來醒蝶夢

遙天引領憶無休

釋超暹 際南孟津人

暮登金山留雲亭

投閒登絕頂倚石坐空亭雨洗江臯碧烟橫島嶼青潮

聲連夕梵漁火亂疎星不盡滄洲意山高自可憑

焦山

山自何年有于今尙字焦江聲來白下樹色接青霄層
氣含朝雨漁歌納晚潮東南饒勝地到此意全消

山居

砂鑄細煮南山月竹杖橫拖北麓雲是佛是魔都不管
一聲長嘯海天分

釋寂定 雪劍南康人

聞雁

秋信來天地空中漫有書目窮千里外腸斷一聲初字
列橫斜響朋從風雨疎雲邊雙足遠不寄數行餘

國朝詩的 卷之二 方外

長干埵

翠碧凌空起盤迴石磴斜光輝浴日月文彩散烟霞六
代憐秋草孤城薄暮笳登臨供指點長嘯倚天涯

冬夜卽事

嘹唳鴻聲遠清幽鐘韻長塔高初上月城靜迥含霜品
畫移屏燭敲詩理藥囊萬般灰白首何有問蒼蒼

釋祖琳 語山歙縣人

答盛孝廉兼簡王大令

山樓野色日頻依不盡湖帆捲落暉扶老幸存筇竹杖
禦寒旋整芰荷衣葉紅樹晚霜初拭露白江清雁獨飛

越水吳山隨去路一爲吟望好同歸

羅浮仙客夢長依粉置湘簾捲素暉紅燭讀殘秋夜賦
青衫濕透老儒衣雲停野水天虛入雪掛高峯鳥不飛
誰爲遠遊瓢笠倦身閒何處不堪歸

釋深仁 問山江寧人

石城晚眺

草滿空城上登臨細路分江聲誼落日山影動歸雲黃
葉秋千里西風雁一羣可憐潮暗打深夜不堪聞

玄武湖

雲起鍾峯落碧湍湖光一片夕陽寒黑龍已去空餘水
國朝詩的 卷之二 方外

版籍全無尙有灘鷗鷺月明閒蕩漾菱荷秋老自凋殘
漁人不管興亡事只向西風把釣竿

莫愁湖

湖水空明碧自流天光雲影晚悠悠客來消却愁千丈
山遠應憐月一鉤楊柳受風翻紫燕菱荷迎雨狎輕鷗
年年醉倒橫塘路孫楚空教有酒樓

春草

縣縣碧色滿山園不讓高峯直到天放眼春風愁萬里
王孫何日是歸年

釋寂訓 石樓貴池人

白塔寺

在昔燕臺仰帝京，憑高放眼一縱橫。
山形直接居庸塞，地勢雄連上谷城。
象魏通天殊氣色，觚稜礙日見崢嶸。
瞻雲望闕非吾事，垂老纔驚壯麗情。

瀛臺

萬頃澄波開禁苑，蓬瀛信是帝王宮。
黃埃野馬清虛外，碧藻文魚浩蕩中。
露湛芰荷香不斷，風生殿閣暑難通。
忘機却羨閒鷗鷺，飲啄容與各一叢。

對月懷友人

一天好月却團圓，獨忤遊人可耐看。
明較故鄉全不似，

國朝詩的

卷之二 方外

五

白來今夜總無端，地當極北寒應蚤。
節未深秋露已薄，萬派松濤拂銀漢。
更誰翹首念長安，

釋行昱

麗臬京江人

平山雜咏

村落含幽藹，平林野翠鋪。
殘霞兼鳥落，遠岫仗雲扶。
隋苑歌聲歇，雷塘月影孤。
茗香烹石鼎，涓滴潤潛夫。
處處乘黃領，家家放絳桃。
庚申應自守，甲子不須逃。
選勝思前哲，題詩屬我曹。
琴尊心甚愜，何用聽邦濤。
白晝了無事，名園處處探。
山林容笑傲，天地放癡癡。
曉色雲三徑，秋空月一龕。
不期知已到，話舊且停驂。

遊十八澗

游覽烟霞逸興饒，窅然幽徑獨逍遙。
陰陰翠擁千尋樹，曲曲溪通九帶橋。
雨後泉鳴流石髓，松間閣在俯江潮。
行吟且任菴邊步，星斗參差望碧霄。

牛山有且
任菴故云

雪霽同人曉集冷泉亭

泉亭曉步雪將融，鷺嶺奇觀擅浙東。
凍靄欲飛諸念冷，宿烟初散萬緣空。
岩間有洞猿眠穩，樹下無人鳥道通。
天地卽今渾素縞，朗吟不復畏西風。

釋二日 東白漢陽人

山寺有懷

先老人塔黃梅山中

國朝詩的

卷之二 方外

六

山寺帶流水，雲幢揭暮燈。
野花村店酒，溪月度橋僧。
吾道垂秋晚，羈栖老病僧。
黃梅思大滿，清淚泣南能。

春日雜詩十二首

選二

雨去竹樓靜，晴牕四望開。
東風著意處，芳草過山來。
鶴唳青松頂，雲翻碧澗隈。
偶因尋釣叟，途遇早春梅。
晏起看雲去，杖藜入翠微。
城烏分霽靄，江燕語春暉。
牧豎橫眠草，邨家靜掩扉。
皇華舊使者，頭白不思歸。

秋江雜興

綠水青山無盡頭，晴川峙閣對江州。
風吹日脚寒原暮，霜淨雲根古木秋。
漫有人傳蓮社信，幾何客過虎溪遊。

奚囊從此寬如許蕭瑟情多好自收

江風江雨卧汀沙遷得村居近酒家菊圃三秋須竹葉
漁竿幾歲謝蘆花雲開山竇晴看鹿水落魚梁晚集鴉
何處孤飛霜鴈去哀鳴不見樹重遮

釋祖璉 石舸叙縣人

燈前菊影

晦跡東籬下移踪幸不孤幽齋懸壁立清態倩燈扶色
本空諸有香能藉衆敷當年陶靖節沽酒對君無

釋曉青 確菴人

瞌睡餘

國朝詩的 卷之二 方外

絕壑一茆菴中有高人在枯坐夜沉沉月滿桐陰外
虎跡印苔痕品華亂窻影小劫過恒沙坐忘同食頃
藤樹相簣緣遠作凌雲勢日久葉蒙葺喚藤不喚樹
銅榔匪堅牢楸棺亦虛脆因思百歲癡猶勝千年醉
破衲苔花染紅塵不妄行眠食隨分過贏得道人名
夜枕時有聲乘月披衣起江空寂不喧芙蓉滴秋水

釋自安 浮村人

望海

朝曦射蓬萊炫爛海光紫喧寂難端倪遙青雲瀾瀾百
川浩無涯坤乾如芥子萬派此歸宿東徙無恒軌所貴

窮源難浮花與浪蕊腐儒罕根極性命測圭旨豈知滄
海中澎湃原非水三歎有何言吾將跨赤鯉

攝山雜詩

朝光不可掬清籟生虛岑冥心契象外至理何遙潏潏
陽既以秋天地皆積陰達人保幾光落落惟長吟空庭
自翔步虎嘯聞荒林惟有息關者宵冥無機心

燕城秋望

城南一望解愁顏萬木蕭森指顧間潮落暮江歸遠棹
風吹殘角亂秋山尺書天際音難到短褐寒聲夢亦閒
莫謂浮名藏不早須知丘壑在人寰

國朝詩的 卷之二 方外

釋 牧 鶴林人

感懷

花間柳下走兒童不合時宜咲乃公匏繫中林多歲月
萍浮遠水忽西東衣冠卽席賢如昔杖拂陞堂語亦工
最是嵩山風雪夜安心斷臂幾人同

烏焉成馬祖庭秋古道而今莫可求細味法門真嚼蠟
閒看歲序又鳴鳩歌筵歇後多人散棋局殘來一着收
五嶽雖遙名勝在好磨崖壁寫吾憂

釋微緒 亦諸西冷人

寄軒待寒村先生遊雪竇不至同東門用王右丞

待儲光義不至韻

軒車曾有約杖履未聞聲日暮不復至出門空自迎朔風吹暝樹寒雨灑孤城無那看山興偏同夢裏情

雪竇寺

君王曾應夢雪竇古禪關過嶺方知路到門不見山雲深林杳雪僧老貌疎頑客欲明宗旨潺湲水一灣

寄軒閒坐同東門韞山用放翁蝸廬韻

得住應知此卽家不愁行脚路欹斜朝來已整山中屐此去將尋海上槎月自連宵看碧影水從今日見冰花天公似我多寒色那敢因人更品茶時諸公因余不飲茶相請

國朝詩的 卷之二 方外

釋超瑋 集鐵武義人

瑞巖贈友人

海日晴岳谷途通碧嶂回殘碑封舊跡古地喜新開池鎖中天月雲依上磻梅幽林多落莫春色自東來

次徐天桂孝廉芝城春雨韻

春氣蒸霄漢人間烟雨齊山連疑樹密雲暗覺天低草色偏臨岸風聲各遠溪花紅留客醉香滿建城西

秋曉過閱新修禁城舊隱

多年學懶已成真近日隨波理釣綸鐘發燈殘趨市客馬嘶風冷上朝人樹紅霜葉疑留珮庭碧烟苔似展祠

生計盡從清早得安身何處不精神

釋因文 觀方根鄉人

晚秋

讀罷殘經卷孤城漏未闌碧天秋似水老樹寂如禪夢短憐衾薄霜空見月寒幽懷何處託倚遍石欄杆

清涼臺懷古

清涼臺與白雲齊振袂孤峯四望低樹色遙連淮水北江聲直逼冶城西兩家後主悲殘碣六代離宮剩野藜風景易增千載恨關情惟有鷓鴣啼

釋成緒 吼堂關中人

國朝詩的 卷之二 方外

春日過杏園訪浮邨和尚

春色杏園裏繁花帶露濃清風搖細竹明月冷孤松碧嶂延歸鳥紅橋度遠鐘閒情城郭外訪勝一支筇

秋日楚地別友

臨臯分手去亭名蘇公所建歸棹破江烟野寺疎鐘迥荒郊落照懸蟬聲紅葉外鴈影白雲邊蕭湘棹相逢聽杜鵑

鵲

釋童珍 山谷孝感人

重遊九峯

曾題黃葉向三秋又向名山一度遊景物總非金盞日

吾生何用百年憂落花滿院春無主野鳥迎人語自幽
謾道韶光難可挽岩松新長綠陰稠

釋德峻 天音 人

初秋懷翹楚兄

記得千華結伴遊懷君此日又逢秋黃花初綻平崗外
鴻雁方過翠嶺頭對月江城遙獨憶題詩竹檻欲相投
何時玄茗松風下好與論文坐石樓

釋德山 恒岳 人

送野顛上人歸楚

縱喜盤桓日匆匆去楚城片帆秋水濶一杖白雲輕萬

國朝詩助 卷之二 方外

壑楓初赤千峯月正明歸時應有句正望寄柴荆

釋直誥 麗雅仙源人

黃山雜詠

桃源未有蹊負路聽鶯啼響雪空亭北澄潭曲水西虹
飛雙洞合雲起衆峯齊不遣花流出漁人只自迷

好景名難似時時破寂寥登峯雪捧足高嘯月齊腰石

怪幻禽鳥山靈動海潮朗然極天外不必藉扶搖

釋來嚴 與三江都人

秋日錢塘江送客

客心江水兩悠悠一片孤帆帶晚秋今夕思君何處宿

釣臺明月照蘆洲

釋續燈 彌嵩孝感人

採藤花

傍樹採藤花樹高藤反側花開葉盡垂鮮香美可食欲
採且躊躇上下殊勞力卑枝無全英高枝豈易得造物
不吾期仰攀非所直曳杖獨歸來長吟倚空碧

同取叔過大錯和尚墓

紫雲峯下讀神碑落日空山叫子規井底蕉書成故事

公著有庵前梅樹見風儀銅駝有恨泉臺遠鐵甕無家

獄杖遲墓草一時芟不盡歸來還續大招詩 公有大招集一卷吊

國朝詩助 卷之二 方外

明人

釋大汕 石濂九江人

對月

中天不是月一片廣寒心萬古光同照孤懷感獨深銅
駝出秋水玉樹下庭陰誰道盈虛裏居然變古今

田家

四圍皆草野茅屋幾家隣竹徑惟聞鳥桃花不見人風
流秦代叟寂寞葛天民跨犢青溪上悠悠莫問津

王孝揚將軍同吳園次諸公過集離六堂分賦

細路輕烟草色迷石軍乘輿過招提雙鳩隔樹啼紅雨

亂竹連雲繞碧谿俯仰盡從花上下行吟各適水東西
山僧漸作蓮池主賴有樊川酒自携

釋智閑 言如揚州人

村居

一自深村任身閒喜獨遊遠山看戶外孤杖倚溪頭月
上荒原靜雲圍野竹幽柴門猶未掩斜日下林丘

且問大師自廬山來見過草堂

撥雲携短杖帶雪下匡廬爲掃先人塔來尋我舊居松
隣多古意梅喜放香初竟日同君話相將勝讀書

喜王名友先生見過

國朝詩句 卷之二 方外

地僻人閒小徑荒先生策杖到茅堂梅花也解留賓意

放放南枝細細香

釋元志 寓谷澤草人

宿迴龍庵與聲菴禪師夜話

郭外招提古堂前鐘梵清十年纔一過明日又孤行雲
起村無路湖迴地有聲挑燈論往事寒月上巖城

送自修住通玄

罷釣滄波上長歌入亂峯古音聞澗水餘響答霜鐘匡
石存知已烟霞托遠踪通玄雲頂寺孤壓萬芙蓉

釋文暉 阿諾衡陽人

書所懷

嫩綠晴光霽回風燕子斜花開猶在客春老未還家粥
味知縷絡歌聲聽採茶東南消息斷啼殺村頭鴉

附羽客

周大炳 漁山天台人

梅花詩二十首 選四

歷盡風霜最苦辛問天何日是陽春多情白雀忙留客
無語青山冷看人花好只愁僧父妬歲寒惟向老夫親
荆榛擾攘應須避珍重幽姿遠俗塵

性靈骨秀本天然絕壑窮岩祇自憐不向熱中謀進步

國朝詩句 卷之二 方外

四

偏從冷處着先鞭山空月皎開生面夜靜霜寒聳瘦石
涉世怕沾塵俗垢千秋高枕白雲眠

孤標峻節不尋常卓立高峯別有香瘦似枯柴神獨健

靜如老衲意俱忘誰爭桃李三春色已占乾坤萬古芳

一種遠懷惟自適羣花安敢論低昂

黃勁飄零紅葉殘芙蓉蕭瑟老江干一枝瘦挺霜添白

半榻香凝月弄寒谷口樹生班似鹿山腰花放色如鸞

不須有雪方高卧及至披衣日幾竿

榮連 洞泉無錫人

題九峯三逸圖

拂衣歸巖隈爲問逃世者逃世是何人城南杜五也松
龕諸素心風期各飄灑余本一黃冠相次九峯下九峯
山氣清鉛華遠林野超然三笑外一圖自傳寫

釋妙復 天鈞無錫人

題九峯三逸圖

投簪遂蕭散讀書卧秋林相攜鶴背翁就我山窗吟拙
訥謝文藻敢希泉石音庶幾愜平生一片閒雲心

釋元濟 石灣苦瓜廣東人

水仙花和韻

紅爐暖閣歲寒天梅雪爭輝爾放先玉質自成繞砌錦
國朝詩的 卷之二 方外

五

冰姿何用副筭鉤吟逢除夕思偏苦勝貼宜春色正鮮

多少繁華零落盡一枝點綴獨稱仙

釋超節 竹懶市田人

賦得一枝紅杏出牆來

園林二月浴花風金谷芳菲布錦叢隔岸牧童遙指顧
一枝春色出牆東

陌上清明幽樹春牆頭花比舊時新柔枝橫出晴烟外
空惹遊人笑太真

釋然修 桐阜長洲人

金山

蒼茫落日下藤蘿身在荆關畫裏過飛去斷雲雙白鳥
浴殘寒浪一青螺斬王有廟疎烟冷郭璞無墳亂石多
千古寂寥俱莫問且聽江月送漁歌

焦山

江天樓閣畫難成一入焦巖路轉清樹密總隨山曲折
僧高不爲客逢迎縱無孤塔撐雲影却有雙峯抱月明
更羨不波亭子外松濤和浪落秋聲

釋紱吧 詩堂蘄州人

暫別李山王暨馮黃范諸君子

千里動行色一帆開孟冬故鄉嗟遠別朔雪愴離情
國朝詩的 卷之二 方外

三

社人重約青蓮米舊供共知情意在歸棹敢從容

早春寄李山王來譽萬咸伯仲

推移時序一番新勝事懸知十倍人庭砌幽蘭榮向日
池塘詩草暖生春仙舟未得從元禮清話還宜就許詢
況是山中爲別久芒鞋竹杖敢因循

釋自彥 容明建德人

咏雞冠花

亦自誇纓絡寧同法會雞紫霞名自受赤玉色同題層
疊如高幘軒昂豈類筭森然多麗藻肯爲雨中低

釋成磊 三石嶺縣人

通石頭禪院共毅齋居士話

石頭真隱地方外徧門生人似黃花瘦詩同秋水清老
來雙鬢短直後一身輕每過聞高論應知道在衡

酬同磨和尚見贈元韻

召對師翁乃弘覺 舊有名相沿法派孰能輕匡廬一面

管存意化鹿同根更繫情出世雲瓢真足羨度人心事
欲全傾門庭幾許濃陰樹蓋地撐天各自橫

釋法藏 漢月無錫人

大風

西來朔吹有餘哀一夜驚聞木葉催虎嘯龍吟都不似

國朝詩 卷之二 方外

却疑屋上海潮來

釋真炯 晦庵古燈吳縣人

首春漫興

日暖山池魚乍出春臨竹塢鳥先知徘徊數遍寒梅樹

開到南軒第幾枝

釋淨溥 博山瀛思海鹽人

和答錢可大

遁跡吳村一草廬蕭閒無事度三餘幾行逸少籠鵝帖

一叅莊生化蝶書林下松醪常罵座江干楓葉正愁余
得來佳句真無敵白雪陽春恐不如

送春和錢秋陽韻

江南春盡最關情沽酒離亭一送行風雨黯然孤客路
落花枝上杜鵑聲

題畫

日落江頭去釣魚江花江草遠霏微一雙鷗鳥痴於我
也傍絲綸不肯飛

釋智樵 嵩隱墨熊海鹽人

春日二首

郭外青山花外溪舍南舍北草萋萋吳歌楚曲多時樣
不及嬌鶯樹上啼

國朝詩 卷之二 方外

落日平湖燕影斜綠烟遙鎖萬人家江南三月渾如錦

嫩白嬌紅桃李花

釋與道 柏子海鹽人

石門夜泊

到縣黃昏後停橈細雨中故園回首處漁火一灘紅

釋本晝 再見

冬夜讀辨香菴詩

知君原不是今人往復之間日

七有詩名心若水

高無時樣語如春隱居罕得真

志全非浪效顰

雪夜孤舟搖不動只慳乘興到門

咫尺逢人猶未盡
瓣香况帶大湖湄
桑麻地上衣齊好
晴雨窓前鳥並枝
盃酒不知浮世事
道心只了未生時
何爭遲速當年早
但得論交晚亦宜

過瓣香菴訪宜山居士

重三佳日詩筒便寄巴
謳佐綠尊懶懸知
藏舊爨面於當爲補
新痕偶乘燃火紅
榴綻復阻翻盆白
雨昏老作狂言應
素諒不堪一切漫
敲門

釋真珏 雨峰嘉興人

和平陽老人過瓣香菴韻

蕭然佛屋傍松根
滿把松花貯瓦尊
砌下竹翻苔面影
國朝詩的 卷之二 方外

壁間書亂漏邊痕
微吟何碍通禪悟
堅坐還期到月昏
已識此心安處好
白雲終日閉閒門

釋悟乾 天樹秀水人

送素公習靜鄧尉山雪香精舍

支公卓錫梅花海
好句還宜對月裁
可許結鄰招入社
同來踏雪禮香臺

釋恒愼 素昂嘉興人

將遊鄧尉留別城南諸公

幽棲未遂却成愁
欲向吳山放浪遊
只有瓣香知此意
詩來催上泛湖舟

底處能安鶴瘦身
雨瓢烟笠雪香春
梅花定是多情物
伴我山中憶故人

釋元立 鐵夫借山平湖人

將返平陽奉別鴛湖諸子

雅集蕭齋不掩扉
座中有客盡元暉
我身真是空山葉
偏逐秋風秋雨歸

湯言計日返江城
江上扁舟葉樣輕
載得離愁何處寫
半床霜月一樓明

釋寂解 密眉嘉興人

和沈恪亭太史過瓣香菴原韻

國朝詩的 卷之二 方外

玉皇香案吏也喜
過僧菴登閑恣幽賞
留題作美談
世昔馳鹿鹿誰復契
三三佛法傷秋晚
綱宗賴有擔

釋宗璞 石侶嘉興人

和友人過瓣香菴韻

有意探幽勝乘槎
到此菴竹深多鳥語
僧朴少鷄談
遠閣波光一當窓
塔影三歸裝行檢
點麗藻一囊擔

釋交素 友雲秀水人

乙未仲夏清嘯諸公避暑荒齋限韻

客到茅廬覓勝遊
錦囊不惜句相投
最邊苔綠濃初破
盃面霞紅淡欲秋
滿院風回暑氣薄
一林花影日光浮

笑談詩思松窓晚坐對清溪看月流

釋徹源 香泉秀水人

奉和清嘯諸公津梁菴避暑原韻

若個能尋僻地遊
籜冠藤杖正相投
日扶花影立亭午
風遞鐘聲涼過秋
虛隔外臨頭石坐
小籬上接野雲浮
幽懷况托清吟遠
喜有同心盡俊流

洪 焘 振三嘉興人

種瑤草歌

野人住山閒無事
屋前後樊隙地鋤
烟耒月耕雲霞不
種青松不種花分
得王母池邊草輪
囷四吐碧瑤瑤
國朝詩的 卷之二 方

九莖迎得白雲漿
服之令人顏不老
何須采藥蓬萊島

釋全賢 巨章逸類黃州人

和世芳大師冬吟原韻

凍雲迷古寺夕照
晚空晴月落千松
影風迴萬壑聲林
深秋鳥悅江濶暮
雲生歸去眠難穩
霜鐘正五更

蜀葵

綠陰深處隱紅霞
昨夜微風又綻花
巫峽巫山歸去好
那堪常住老僧家

釋體源 浮山海鹽人

嵯縣

烟居一半除
岩阿過午先驚日
欲無亂石灘流環
閭衆峯雲起壓城
孤竹簞人並張魚
網草店橋連青溪
向晚聞鐘投宿處
山坳紅寺出浮圖

自斑竹至會墅嶺

足兩芒鞋手一筇
日斜徐度嶺雲重
路穿複澗雷飛沫
山轉層圪起別峯
煙舍青浮村隔塢
寺樓紅露掩遮松
空潭薄暮安禪處
滿目寒濤出梵鐘

釋義果 巨清酒州人

望嶽

東望無如岱嶽尊
峻嶒萬丈矗天門
青霞自護神仙闕
國朝詩的 卷之二 方

碧嶺長封碑板痕
松杉鶴飛猶半路
雲中大吠更成村
明年直踏諸峯頂
坐看雙丸互吐吞

焦山

羣山迴抱海門東
螺髻青青水國中
一葉舟航平鱗浪
時鐘鼓警蛟宮
誅茅有客曾食雪
飛渡何人敢駕虹
我亦此間衣薜荔
臨流欲洗萬緣空

春日同人西湖選勝

近岸祇園任溯洄
殘霞幾縷翳林隈
潭深應有蛟龍護
日暮欣無車馬催
萬井縱橫煙靄合
兩峯南北畫圖開
晦明氣象多更變
載得春光一棹回

秋日登金陵北極閣

幕府凌虛到上頭
黃花白雁正高秋
江山王氣銷龍虎
象緯荒臺剩女牛
木葉晚風生遠壑
水雲斜日起深愁
松林竹徑歸途景
藤杖相將興未休

焦山別峯菴書壁

浮玉中流一點青
別峯精舍戶常扃
三秋客少來明月
四壁塵消擁翠屏
雲氣窓前分北固
濤聲枕上接東溟
道人幽獨渾閒事
日誦楞伽半卷經

釋戒顯

再見

金陵懷古

國朝詩的

卷之二

方

石頭城下水淙淙
西望江關合抱龍
六代蕭條黃葉寺
五更風雨白門鐘
鳳凰已去臺邊樹
燕子仍飛磯上峯
抔土當年誰敢盜
一朝伐盡孝陵松

金山懷古

無事閒過九里村
三山遙見一江尊
勢從鐵甕分瓜渚
力爲金陵控海門
貔虎樓船橫上郡
蕭梁宮殿冷中原
道人重借蓮花榻
二十年來感慨存

題武昌黃鶴樓

誰知劫火憑陵後
猶得重登黃鶴樓
晴樹已隨人事盡
長江依舊大荒流
楚王宮闕銅鈿暮
仙客乾坤鐵笛秋

極目蒼茫悲慨遠一瓢歸挂亂雲頭

釋石藏
衡州人

偶成

最得便宜此結茅
我來神亦久相交
路平免著東山屐
詩興聊兼惠遠看
野鳥不銜花自落
世人難覓樹重包
窓前坐久無多語
啄木聲聲葉裏敲

釋慧泓
止瀾邵陽人

除夕憶山中梅花

溪邊茅屋梅初放
今夜誰知我不還
徑滿蒼苔詞客冷
案飛白雪膽瓶閒
芳心儘可成仙骨
貧病全非是舊顏

國朝詩的

卷之二

方

何日買舟還舊隱
與君高臥萬重山

釋海明
破山西蜀人

太白崖

太白危崖路臨風
獨杖藜家芳樹住
處處竹烟迷雲
懶歸秋瑟風高落
晚溪騷壇詩骨在
付與夜鳥啼

崖在四川
縣

呈天童密老和尚

閒來抱膝此長吟
不覺疎慵病日深
慚愧坐消檀信食
躊躇辜負行人心
草鞋脚底龍蛇遶
拄杖頭邊佛祖沉
一萬四千功德聚
竟無一法報叢林

寄炎雪神友

嶺畔桃花相映紅恍然如醉薛蘿中
通身長出叅天棘
刺殺山頭瞋睡翁

釋超立 蒼石楚人

友人過草堂荷詢經論旨趣用徐方伯鍾山公韵

見贈仍次韵荅之

聊將短錫挂松間好友來分半日閒
豈是種蓮貪吐白
祇期洗竹不生斑
門開一水虛明映目送孤雲淡蕩還
我欲勿言君勿問性天高闊若爲攀

陶甄夫移居高冠山喜賦二首

選一

陶甄夫

宋之二方外

三

曠古賢達人悠然發天趣俗輩那能知
樂豈果在技琴
寫風泉音筆吐山川氣念爾柴桑翁
詩酒平生事

釋上歷

廣西人

九日尋天繪亭故址

萬天迴合處虛敞一臺平怪此前賢迹
徒存天繪名草
深容更隱石險礙人行
恰值登高會空餘把菊情

釋興源

楚雲長沙人

夜投萬聖菴遇雨

郭謫王如墓

浮雲籠月黑深夜叩松關野鶴依庭宿
疎燈照戶閒
亭臺盈碧草泉石冷紅顏
一雨驅殘暑谿聲枕畔還

遊九疊谷

鳥道蟠天際紆迴不易尋
泉聲隨樹轉石壁傍雲深
野洞藏幽跡僊禽送好音
巖前詢老衲遙指最高岑

釋興球 子林闍人

行脚吟

平山古木帶江天乞食孤村稱小船
彼此岸頭都是客
一聲啼鳥破空烟

釋淨宗 休菴閬縣人

梅仙山次韻

參差臺榭碧空懸欲覓仙源思渺然
石磬敲殘千嶂月

國朝詩的

卷之三

方外

三

金風吹破五更天忠魂未必灰
丹竈國恨何須托杜鰲
饒我此時濃睡罷恐教人事變當年

仙家門對建溪流風送濤聲入夢幽
不倩漁郎等夜笛

還從羽客狎沙鷗半林落葉飄三徑
萬里閒雲變九秋

回首梨山天欲晚依稀寒色上霜裘

釋大依

南菴蒲州人

寄懷呆翁和尚

信宿六朝烟外鐘白頭兄弟又經冬
度人還止城邊寺
游食難隨花下筇江岸幾時隨折柳
山門是處懶栽松
年來無限深居意夢入青青第幾重

喜天華和尚書至

炎炎衰髮恐蹉跎且向青山看逝波樹影人來幽徑少
潮聲日落暖風多一江遠似他鄉隔幾字親如好友過
獨怪旛幢爭擁戴難隨花雨問漁簑

釋上旨 衍宗長汀人

飛來峯

驚嶺何年震旦來璽瓏石佛繡蒼苔月中桂子隨風落
天半蓮花帶雪開碧水巖栖珠樹鶴金沙地湧玉樓臺
名山勝蹟親登眺走筆題詩愧辨才

靈巖懷古

國朝詩約 卷之二 方外

陵谷滄桑今古同館娃勝事總成空山川破碎裙釵散
殿閣參差麋鹿通石井蛟龍飛法雨琴臺松桂起香風
春秋多少傷心事半在姑蘇落照中

釋性枝 微陽侯官人

永興靜室

通宵原有路構剎不妨深草色堪清供松濤足賞音風
飄香入几雲帶鶴歸林物我渾如此悠然古佛心

花月吟

花枝拂月欲依依石砌花多贈月輝簾外月來花有約
窻前花動月知幾澆花帶月擔泉去採月兼花破月歸

骨瘦不嫌花月富繁花嫩蕊月中肥

能得幾回花又月叢花湧出月珊珊臨流浣月花侵袖
坐月題花玉滿闌月照花鬚明不二花迎月面正初圓
賞心樂事花邊月連夜催花帶月看

釋函星 天然番禺人

晚步松嶺

歲寒猶見一叢青高託層厓覆石屏夜月不侵無草地
曉風長護有椽亭陰垂千仞連雲漢響答長江入海濱
倚杖聞猿却回首下方誰夢到林垌

釋今無 阿字南海人

國朝詩約 卷之二 方外

和澹歸江行詩

長吟曲岸送歸舟片葉投江影欲浮水落新痕依獨鶴
日斜枯木過鳴鳩心田有路難尋見鬢雪無聲只暗流
縱使雲擎石獅子錯令人笑強擡頭

釋函可 剡人祖心南海人

古意二首

作花莫作菊東籬成荒叢作木莫作松孤高孰與同何
如蕭與艾雨露亦丰茸節序暗易換只恐是秋風
作鳥莫作鳳舉世無梧桐作獸莫作麟唐虞不再逢何
如鷄與鶩飲啄亦從容鼎俎久相候安能長自雄

爲某氏諸孤托鉢

見說遺經那可憑，敝簾殘帙恨層層。
修文獨取多愁客，乞食還餘未死僧。
衆口共餐朋友淚，遊魂孤照法王燈。
亦知一粒須彌重，卧看饑號自不能。

弼臣病阻白門寄書並詩次答

驚傳一紙到遼陽，舊國樓臺種白楊。
我友盡亡惟汝在，而師更苦復予傷。
孤舟卧老長干月，破衲披殘大漠霜。
共是異鄉生死隔，西風吹淚不成行。

甦築新齋成

天邊仍舊一經傳，南郭新看結數椽。
剩有白雲來席上，

國朝詩句

卷之三

方外

三

隨他綠草到窓前，詩篇不數開。
元後茶椀還書，嘉靖年但使主人能愛客，何妨竟日共留連。

不離城郭亦孤村，白板青袍道自尊。
半掃泥床延水月，別從竹簡得朝昏。
初心未遂天難問，孤骨誰憐我共存。
策杖相過剛咫尺，對君豈直爲盤飧。

釋僧弘

人能天台人

山居

遺菴許獨住，不費買山錢。
舊闢門依樹，新移厨近泉。
從今看竹日，盡是著書年。
猿鳥相馴慣，時來伴我眠。

山居

幽居何必世知名，薄有林泉豁野情。
蹊入綠陰溪似洞，

山圍翠嶂匝如城。
石田穿澗耕方熟，斗室依巖構已成。
獨坐小窓探法海，前身疑是習台衡。

釋興機

震巖太原人

辭雲門梵林禪師徵詩入選和原韻

孤蹤只合孤峯老，縱遇花時不去探。
孤首死惟甘向北，鴈聲悲是悔來南。
已將名共頭毛削，肯把詩同里巷談。
多感殷勤編入選，寧知選義少人耽。

釋讀微

蒼雪雲南人

送友之敬亭

國朝詩句

卷之三

方外

三

君讀書我拍歌留，君不住奈君何。
閒者孤雲飛者鳥，我山我水何曾少。
獨憐知己是敬亭，開門終日雙眼青。
安得秦王驅山鞭芙蓉，一片當我前君亦不須去。
山亦不須住，竹月松風對床語。

送朗壠入匡山

獨向匡廬去，安禪第幾重。
九江黃葉寺，五老白雲峯。
落日眠蒼兕，飛泉下玉龍。
到時應爲我，致意虎谿松。

中峯喜逢白公夜集法公方丈

久別幾于消息斷，重逢猶記道途間。
兩心相憶秋同老，一夜剛隨雨到山。
故舊何人堪共話，林巒有主暫投閒。

亂流落葉聲兼下聽盡寒巖水激開

自雲棲過湖上謀咏八絕 選二

看到湖山第幾重晚來猶倚最高峯鐘聲斷送湖南寺
秀色飛來天目松

春水平湖綠映堤六橋芳草正萋萋東風不爲遊人待
催盡桃花觀馬蹄

釋慈盼 多居不菴惟田人

湘雲館供徐元歎遺影鍾退谷譚寒河配享紀以
詩

春正廿七日鬱氣猶未起吳下老詩人遠懷遂云已隻

國朝詩的 卷之二 方外

三

影遺松邊逝者悲流水吾師閔念真勤勤護於此伏臘
幾推還尚記皈心始叅隨龍象中幅巾稱弟子跡固邈
無方交寧異生死山寺當此辰圖展寒雲裏古碗薦茶
蔬微言示所以退谷與寒河在昔君知己七箸偕殷誠
後先一居止有如形外交勿復分遐邇眎也獲觀瞻感
歎動靈凡風雅方寥寥後焉誰接趾呵凍向晴窗孤吟
聊一紀

曉立山頭看遠近雲氣

入望邈難跡蒼茫欲濕衣清能通水觀動自足天機觸
石不歸岫隨風或到扉曉寒消未得晴雨辨依稀

長夏感興四首 選一

一縷爐烟數杵鐘窗臨叢竹綠陰封詩編舊雨兼今雨
夢踏千峯與萬峰櫛笠偶從樵舍乞荷衣新學水田縫
人間誰復支離似心在石梁橋畔松

釋智一 雪嶺江寧人

雞山懷古八首 選三

香水海 一名鐵井欄欄係鐵鑄
向被銷去泉亦隨竭

香海泉流去荒山管井存僧雖尋石竇山鬼塞泉門計
出銷金拙眼隨履轍皆所關非獨寺蟠踞正堪論

憑虛閣

國朝詩的 卷之二 方外

三

翻掌卽成雨憑何聽得真 憑虛聽雨爲金
陵四十景之一舞空畱燕子
歌但遇樵人黃葉寺無路紅雲僧有鄰草枯餘舊址小
構憶重新

望湖亭 爲遊觀燕集
之所今廢

湖水仍翻浪亭空見畫圖明燈依佛在彩棟逐波無劫
外畱閑地樽前狎野鳬急流如可信迴首問跼跼

梅花十首 選一

當前一樹自清安此外孤僧不解看苦茗澆來才是淡
空山遜去豈云寒巡簷剪就水統潔濡筆吟成凍墨乾
畱我雙林燒敗葉蒙頭十日倚頽欄

雲棲寺

江干拄杖到雲栖一飯香飄竹樹西
禮罷師翁輪白入晚山烟火照湖溪

釋傳悟雪莊淮安人

題帶雨遊山圖

辛未夏六月偶携杖帶雨遊獅子峯因作此圖并系以詩

避俗久披髮遊山偶戴冠
晴明夏月少興趣野人寬峰面雲開潔松梢雨過寒徐行笑清侶莫作散仙看

雲舫

藏拙深山過此生蓋頭今喜把茅成
白雲鋪海居如舫一葉波中自命名

國朝詩的

卷之二 方外

三

光明頂下羣峰秀怪石奇松章法成
取得樹皮新構屋問人大半不知名

釋道盛

覺浪菴田人

餘杭鄒復齋明府延予主徑山賦此謝之

天下風波何處安生平有仗足盤桓
禹城喜種春花滿雙徑驚懸古鑑寒
論易至窮能變化洗心於密解倪端
推斯格致成經濟始信乾坤可挽搏

賦得雪中因憶少林

一朝光徹意誰深
遍界紛飛未可尋
因怪孤寒能峭坐
乃憐痛斷得輸心
皮毛假借空相賺
骨肉親承實所欽

老我幸存雙眼碧
凜傳千古視於今

雪中再過梅熟菴和雪大師韻示公衡禪人

五峰影外光分月
雪徑幽通別是奇
雨度扶筇誰索巧
一宵感興自成詩
隱深作者曾尋核
題表遺風可仰思
種性天然如有在
機緣彼此應知時

釋行鑑

孤雲鳥程人

和寒山詩百首之二

天台何奇秀而在海之濱
萬樹總開花一路不見人
我欲負之去樹下好棲身
盍來就此住無以辨冬春

鵬以雲爲家一飛六月息
鷄之棲於埭水飲粟可食安

國朝詩的

卷之二 方外

三

飽無壯圖遠行多悲惻
我有一片心天下誰相識

釋靈藏

愚山海寧人

穹窿訪亮生施煉師不值得還字

蓬山不可卽台嶺寧易攀
無如此中便聊以散幽閒
初入旣暢情稍深更怡顏
松杪舞黃鶴泉上鳴白鸞
徜徉登靈宇恍惚造玄關
仙翁杳莫覲仙童倚檐間
雲衣色皎皎玉珮聲珊珊
舉手挹余入容止麗且閑
因就而與語理旨頗不慳
不用問無極悠然竟忘還

月

堦除白不了光又上疎櫺
漸小中霄月無多四面星樓

臺秋水照蟋蟀旅人聽隣火穿籬急柴扉破自扃

釋妙光 谷回金谿人

鑑湖夜泛

小航乘夜色冷月漸明西舊識山陰道將尋若耶溪遠
村疎樹隔荒岸斷雲低客夢隨潮散殘眠聽曉鷄

雨中舟泊閭門

計程幾日別長干已覺驅馳行路難八月雲山千樹碧
半天風雨一江寒閭門夜泊舟航小野客秋携襆被殘
鞅掌幸無王事繫遠懷多慰寸心安

展方正學先生墓

國朝詩角 卷之二 方外

三五

秋花秋草氣氤氳藉此登臨展墓雲舉世盡皆高節義
何人敢不重斯文長干塔迥當華表木末亭閒聚鶴群
十族共哀泉下路貧無祭具把詩焚

王來庭 貴霞湖州人

小遊仙詩

三生石上覓因緣行過清涼別有天白榜朱題標洞府
蘭宮桂殿隱真仙娑羅蔭遠曾超劫菡萏香深不計年
細問入來山下路碧桃流水尚依然

瑤島歸來禮玉虛兩行金翠擁華輿閒招五嶽無生客
靜讀三天未見書萬里遨遊非憚遠千年酬酢不嫌疎

故人別後難期約逢會蟠桃問起居

黃越青城一日遊新詩題遍萬峯頭更無少暇停王屋
尚有餘情訪趙州放浪形骸天地小留連踪跡洞巖幽
星娥月姊尋常見不羨乘槎犯斗牛

沈一誠 端陽華亭人

將遊秦楚留別吳門同社諸君子

爲訪蓑衣舊法壇 院爲蓑衣何人修煉處 閒雲一片繫江干聽鸛
春巷千花落放崔秋山萬樹丹每想噫歌春無寂空餘
霸業劍池寒風流不盡湖山勝添得新詩篋裏看

金閨車馬暗飛塵揮手河梁倍愴神江上鷓鴣啼入夜

國朝詩的 卷之二 方外

三六

天涯芳草恨生春雲山萬疊勞殘夢風雨三更憶故人
鐵笛休吹離別曲消魂歲歲柳條新

釋德玉 白池陽人

四十初度哭親四首

底事心中轉不安重陽佳節若爲懽冥鴻淚落含愁聽
籬菊花開帶淚看漫道風高游子怯卻驚霜日夜臺寒
山前木葉蕭蕭下盡是孤兒淚染丹

釋超震

過麓芝和尚園居

閑居真古朴道行在諸方雲水一瓢月乾坤兩鬢霜花

飛春欲老山靜晝偏長相對忘機坐爐烟結草堂

金陵送別

匹馬風塵外飄然出帝京白雲堆晚色黃葉隨秋聲萬里他鄉路三年故國情勸君投宿處莫聽夜猿鳴

白門春游答崑崙大師

渡日穿雲出烏藤手自携人家春水濶野舛板橋低翠管調鶯舌殘紅襯馬蹄園林無限好欲借一枝棲

草堂秋夜

落落孤懷寄此中堦前入夜叫秋蟲草堂夢破三更月竹閣涼生一榻風抱病只誇他日健吟詩猶較隔年工

國朝詩約

卷之二

方外

毛

故人別後無消息不向長天問雁鴻

登北固山寄懷

玉樹無聲霸業空蕭梁轉眼付鴻濛雲霞明滅看殘照瀚海蒼茫指斷虹霜老鴈歸霄漢外秋高人在畫圖中徐揚尚有前朝水依舊安流遶釣筒

過翠巖寺

肩輿侵曉叩禪關山色溪光冷照顏風靜鳥啼深樹裏寺高鐘打白雲間逢僧漫說千秋事看竹平分半日閒飽臥不知身在客悠然無夢落人寰

釋文惺 再見

入嶽

一路松花儘可餐徐隨曲筇興盤晴開蓮黛千峰出曉入蒼冥四月寒勸老石田連白足隨寒丹火弔黃冠從來勝地因人著到者方知氣象寬

重陽日同清鑾九老聯劉仕懿陸甘公鄧懷禹諸

于陪貴陽周撫臺太史登峯頌

九日清光映白沙蕭蕭荻葉舞浮槎愛蓮有說逢周子吹帽無風憶孟嘉秋老岬楓丹染葉客狂尋菊酒澆花捫碑更上孤峰頂策馬蒼筤落照斜

易月寺

元

方

國朝詩的目錄開秀

卷之一

徐德音 三十首 吳永和 十七首 林以寧 十七首

朱中楷 十七首 陳院永 十一首 錢鳳綸 十四首

李國梅 三首 易慕昭 二首 王正 三首

秦曇 三首 張瑛 一首 程瑜秀 三首

郭砢 一首 許飛雲 一首 盛鏡鸞 二首

程雲 一首 沈雅 一首 柴靜儀 一首

朱柔則 十五首 韓張 二首 胡惟寧 三首

黃媛介 一首 陳氏 二首 周姓 一首

國朝詩的目錄開秀

黃淑媛 一首 黃淑貞 二首 吳氏 一首

王鳳嫻 一首 楊李 一首 李季嫻 二首

彭氏 五首 吳綠蘭 三首 周貞媛 一首

李妍 一首 汪夢燕 三首 劉淑秀 二首

侯懷鳳 三首 柳因 五首 吳坤元 一首

白氏 二首 方琬 二首 俞氏 一首

王淑卿 二首 湯萊 四首

國朝詩的卷之一 閨秀

長沙陶 煊奉長選

同里張 璫豈石同輯

閨秀

徐德音 淑則西冷人

過女貞觀

笥輿出城郭邨居盡桑麻山中泉作響山下藤生花紆
回徑百折仙宮臨水涯裴回蔭嘉樹時有春禽譁女冠
出延客予言亦復佳房櫳極窈窕篆香裊碧紗飽我松
花飯啜我春礪茶頓使心神曠愛此土風嘉髣髴桃源

國朝詩的目錄開秀

內尚有秦人家憩坐只片晷不知日已斜清風吹林暮
歸路披雲霞

曝書歎

纖雲淨掃天宇空震方杲杲驕陽紅火龍騰躍沸海水
大地如在洪鑪中朱光纔射軒窗裏綠淨主人攬衣起
急喚青鬟試曉妝料理牙籤曝經史須臾甲乙如星羅
卅乘五車奚足多剔除蠹粉積成雪秋蛇春蚓半消磨
百番撫摩長太息惘然如碎千金璧細研芸末貯縑囊
較辨魚魯更編緝青鬟畏熱頻揮汗諫我語言殊妄誕
何須慘澹費經營吐鳳雕龍總堪歎區區董偃賣珠兒

玉盤和水拂堦輝金張許史不識丁煌煌七葉門第馨
金多賈客紆青紫俳優傳飽欲死王楊盧駱文章好
抱璞終身沒荒草爛醉江濤李謫仙飢食牛炙杜陵老
驚代奇文不送窮振衣彈冠徒乞巧古來才人皆自苦
著述等身何足數九關虎豹叫不聞願主勿與若輩伍
感汝此言夷然失欲賦大招還自惜何時補却福慧天
肅叩媯皇煉神石

蘇隄行和墨莊集韻

寒鶯弄舌啼春曉垂柳垂楊烟嫋嫋兩峯霽色絢紅霞
繡塔瓊瓏峙雲表一片湖光漾晴綠三月桃花春漲足

國朝詩的 卷之一 閨秀

香草叢蘭紛似束蒲芽短短抽蒼玉錦塘縹緲臥虹梁
落英輾襯瑯輪香傾城士女爭遊冶跌蕩鴟鴞柱傍
斑駁柘彈休相逐水邊拍拍飛鴛央銀毫染翰多詞客
蘇白風流感陳迹我來倚櫂瞰明湖積雨初晴叫鷓鴣
從君乞畫佳山水贈作幽齋輓障圖

新柳

人言寒食近江畔綠垂垂雖未成濃蔭而能繫遠思飄
颺初得展攀折欲何爲待得花飛後行看雪滿枝

雨中月

醉月還聽雨虛堂夜景清樹分千澗響雲漏一輪明縹

緲嵐光溼微茫斗柄橫誰將摩詰畫澹墨繪前楹

放艇

放艇尋春去春光曉氣中鶯簧催柳綠燕觜啄花紅深
谷間樵斧澄潭響釣筒興酣聊藉卉莫放酒卮空

雨夕

積雨多行潦陰雲障遠天可憐花黯淡最憶月嬋娟撥
悶惟杯竿游心在簡編衣裳霑溼盡銀燭沈煙

山行襍咏

茅店雞三唱驅車破曉風憤眠殘雪下樹出亂雲中曲
澗蒹葭綠層巒日射紅縱觀塵慮靜遠意託飛鴻

國朝詩的 卷之一 閨秀

沂州書感

長路嗟搖落崦嵫日半昏遠山拖雨脚曲澗浸雲根忽
忽歲云莫悠悠誰與論轉愁淮市近爭侮舊王孫

過聽花書屋

森森湖光望眼賒草堂渾似野人家微霜染就丹楓葉
涼雨催開白豆花三徑已荒還窈窕修篁半折任欹斜
鄰姬不識山林趣辜負朝煙與晚霞

鸚鵡

照影偏憐淥水池自矜標格太珍奇分將翡翠爲毛羽
擊碎珊瑚作口脂學語漸能持佛號畏人頻喚畫蛾眉

無端密受朱門寵猶有雲山萬里思

探梅和荔生韻

年年花發繫相思雪壓幽巖見幾枝
驢背尋來人入畫江邊歸去雨催詩
香疎不使遊蜂覺徑僻惟應獨雀知
慙媿春園桃李伴那能共結歲寒期

次邳州

春風拂轡入邳州憑弔悠悠對剗緘
進履能甘元武楚藏弓高蹈鄙封畱
圯橋不見平坡冷淮水遙聽古渡流
千載如君誠大勇從今制勝濟剛柔

曉起獵微草堂書所見

國朝詩例卷之一 閑秀

四

朝來平楚翠烟籠拍徧闌干特地逢
花事淒涼偏帶雨柳絲纖弱不禁風
黛眉歛怨分遙綠玉頰含羞暈斷紅
料得羅敷自有堦漫勞惆悵望牆東

感事贈荔生

維持風教有常經三歎芸牕廢脊令
玩世但須浮綠蟻感懷直欲按青萍
漫勞時刻畫搜東壁未得扶搖奮北溟
莫向君平重問卜陰符在篋豈飄零

讀書綠淨軒作時子夜立秋

夜靜攤書倦復休絺衣涼透暑全收
三更漏斷月初上一葉飛來天已秋
蘭芷風淒危綠怨芙蓉露冷亂紅愁

堪嗟坎壈流光換銀硯難穿蚤白頭

中元節哭兩大人

靈筵長慟爾清樽風雨淒淒白日昏
天上應知憐坎壈人間無路問寒溫
半生空灑松楸泪沒齒難調怙恃恩
水面蘭鐙徒熠燿忠貞浩氣照乾坤

再瞰桂醕薦蘭茗遺挂空瞻望轉遙
慘綠蚤彫隋苑柳嗁紅欲溢浙江潮
騎箕昔歲鸞歸漢峙表何年鵲返餐
天上三咸如可問哀冤馮仗一相招

秋懷

小葺茆堂似瀟東小秦淮水望連空

紅橋一名秦淮 伴人愁

國朝詩例卷之一 閑秀

五

坐三更月和我微吟一葉風墜露却
能警野雀張羅猶自弋高鴻謾言性
癖耽奇服翠袞閒凭修竹中

秋陽嘒嘒照堦除蠹粉盈箱白曝書
牕北一峰青嶼嶼門前五桺碧蕭疎
文園壯志思題柱楚澤牢愁賦卜居
賸有珊瑚竿在手蓼花深處釣鱸魚

銀河射角玉繩低一卷縹緗手自攜
秋水涵空沈鴈字疎林脫葉歎烏棲
握瑜七澤猶懷楚抱瑟三年桂樹齊
終古每多招悵事寒螢徹夜助悲啼

夜合

晉苑移根向葯園綠陰合處夕陽西
膏添蟬鬢香恒繞

酒釀冰漿品不低
冉冉微芳生角枕
杜羔妻趙氏常取
夜合花著枕中

玉簪花

漢製猶聞蘭澤侵
曙風披拂小窗陰
麝試較香多少
蟾蜍何分色淺深
遠在飛來遺雪羽
瑤姬仙去落瓊簪
生憎荆玉翻新曲
孫荆玉善舞能反
腹荷地上玉簪 衝破檀黃四出心

秋葵

一叢點綴好秋光
欲闢康成帶草長
密葉幾層深剪綠
嬌痕半額盡塗黃
蓬麻比性差能直
蘭菊同時只讓香
未必天工憐小卉
傾心也自向朝陽

國朝詩的 卷之一 閨秀

六

漫興

文繡幾牛莫浪誇
其如冷性癖煙霞
關茶時淪中冷水
得酒閒澆小苑花
芝服豈希三品綬
鹿轅不羨七香車
盛衰一悟浮生理
隨意栽松更種瓜

詠雪下天竹

帶雪垂朱實交柯
罩碧蕪雙禽時格磔
啄落紫珊瑚

早秋聞雁

天氣新涼枕簟清
秋風吹雁到蕪城
月明酒醒三更後
嘹唳初聞第一聲

出塞

六奇枉說漢謀臣
此日和戎是婦人
若使邊庭無牧馬
蛾眉也合畫麒麟

明妃

莫爲丹青殺畫師
君王原不識蛾眉
可知沙塞淒清日
只似長門冷落時

春閨寄外

疆試明妝倚翠樓
天涯何處繫驂驪
紅箋小疊 離恨
難寫眉峰兩段愁

惜春無計挽韶華
又見牆東日影衰
幾許幽情誰會得
閒庭小立數歸鴉

國朝詩的 卷之一 閨秀

七

曲徑苔封盡日閑
離愁重疊壓眉尖
生憎雙燕呢喃語
不許青鬟卷繡簾

強凭侍女步花陰
萬種幽愁一寸心
雙頰霞銷鬟畧削
海棠開後到如今

行次趙北口

征衣冒絮怯嚴霜
土飯塵羹亦飽嘗
斫得銀絲鮮鯽膾
愛他風味似家鄉

臥水池

兩載哀吟陟屺詩
不堪重過臥水池
可憐千點皐魚淚
灑向長林作雨絲

吳永和 文璧武進人

題山中舊居

舊宅空山裏蕭閒白板扉路侵松葉暗徑長藥苗肥曉鏡湖光入春衫花氣微鄰姬逢穀雨時見採茶歸

感懷

萬恨縈心曲憑誰寄夜臺操家無善策教子乏長才愁病如春草身心竟死灰何時泉穴近許放兩眉

與筠上弟話方觚舊事愴然賦此

西州堪慟哭華屋倍蒼涼剩有簾垂地空餘樹倚牆螺殘畫眉黛麝冷熨衣香三尺歸何處秋風滿白楊

國朝詩印 卷之一 閨秀

八

悼大姑莊太夫人

痛失深閨侶呼天愴不聞憂勞婚嫁畢倉卒死生分昔日君憐我今朝我哭君幾多腸斷處雙淚濕羅裙

雨後

隱隱輕雷夕照中薰風送暖入簾櫳芭蕉著雨抽新綠芳草和煙觀落紅小榻夢回消茗椀虛窗人靜檢詩筒殘鶯漸老添雛燕却訝年光似轉蓬

奉贈澹菴舅氏赴召

十年林下足清狂又被徵書赴上方玉勒曉街村店月貂裘擁客途霜鳳池重沐恩波闊鸞掖還聞禁漏長

共此一樽千里別渭陽何日再持觴

來鶴莊觀荷

門前一水綠于雲遶閣芙蓉照眼新翠蓋倚風香未散紅粧對鏡粉初勻當花小燕能畱客咬葉紋魚巧避人百遍相過應不厭此中真足寄閒身

語外子玉蒼

他年偕隱卜幽居流水空山一草廬風外鳥啼晚竹雨中客至蕩春蔬疎窗茗椀隨棋局小榻爐香讀道書安竟此心貧亦好眼前漂泊欲何如

落花

國朝詩印 卷之一 閨秀

九

花落吟窗雪作堆春光減盡蝶還來儂人軟語一雙燕剩我愁心幾點苔風妒餘香仍料峭月憐殘影亦徘徊生憎狼籍添惆悵怕向明年又見開

夢過舊居寄弟妹

片時攜手過西堂弟妹相逢話更長漫說詩通緣夢積却嘆酒債典衣償草深風暖蜻蜓立花落泥融燕子忙忽省此身何處是夢回殘月半開房

感懷

嫩寒春半未全消香地薰篝懶更燒忽憶賭茶爭覓句曾喚輸酒強吹簫空梁月落人何在深樹烏啼夢寂寥

地下若知紫別恨也應愁度可憐宵

病起

風雨連朝掩綺紗夢回簾外夕陽斜中庭無復喧鶯燕
惟有青苔觀落花

誦楞嚴

無心索笑懶巡檐閒却雙鉤不捲簾何計破除諸障礙
焚香枯坐誦楞嚴

年來愁病苦相攻讀罷楞嚴萬慮空始信禪機實消息
鏡花水月有無中

爲外子玉蒼埽墓

國朝詩句

卷之一 閨秀

梅花零落杏花開寒食輕舟繫水隈不識此時泉下客
可知親送紙錢來

楊柳拖青麥葉齊橫塘春草綠萋萋欺人最是枝頭鳥
盡日雙棲故故啼

苔廳夜坐

紙窓斜向竹邊開月影娟娟下翠苔何處斷魂聽不得
亂蛩聲裏送秋來

林以寧 亞清杭州人

已未送夫子遊河東

憶昔與君別執手重踟躕君不得意仗劍遠馳驅甘

旨懼有缺負米登長途一曲陽關道愁雲壓庭除懷中

稚子哭老親淚沾裾空閨不敢怨將隨供庖廚強言各

勸勉努力惜居諸嗟哉歲月更人事一以殊老姑忽見

背嬌兒與之俱君子遠行役賤妾獨離居四顧無一親

子然守空廬我存復何濟我往將焉如秋霖與別淚終

夜無時無西上太華山南涉彭蠡湖躡景隨所欲應慰

夢重孤

窮愁

良人遠行役家政日以墮田園久荒廢春蠶不成絲伏
臘無烝嘗何以供歲時旦起理流黃夜半猶鳴機乘時

國朝詩句

卷之一 閨秀

上

思射利不服事蛾眉官糧見催迫吳綃輸稅資辛苦貧
家婦膏血盡于茲自憐筋力衰持門非所宜

獨夜吟

蕉心未展桐花老春社纔臨燕聲小屋角陰雲天色

雨脚斜侵砌草織暮寒壓夢夢不成耳邊哀角鳥鳴

幽房鬼逼蘭缸凝牀頭玉盞敲紅冰斫桂燒雲老不死

夜烏啼殺曉鳥起獨繭抽絲結繡襦儂心未卜郎心似

開簾蠟樹烟依微海燕賓鴻相背飛孤吟起坐各無賴

昨夜鄰家夫婿歸

曉行晉城道中望嶽

來往長安道春風驛路賒
蘼蕪封玉井煙霧鎖蓮華
遠樹含朝旭寒山浸曉霞
莫言吳地近猶是隔天涯

重遊願園

幽窗飛鶴自閒閒
梅繞清溪玉一灣
日凍未消春嶂雪
花稀遙補翠煙鬟
隣姬隔水窺青舫
童子依林放白鵝
莫上層樓最高處
天風吹汝入雲間

憶外二首

小立閒庭看暮雲
飛飛蛺蝶繞湘裙
摘來紅藥和根種
乞得蘭芽待雨分
欲覓雙魚傳近信
愁無梅萼致殷勤
歸心當與花爭發
莫待花開尚憶君

國朝詩的 卷之一 閨秀

三

獨倚紅闌百感生
不堪回首月華明
寒鴻潛度疑雲影
野竹初茭任度行
千點飛花都是淚
一聲啼鴂最關情
思從夢裏攀清話
却又無眠到五更

春望

長隄殘雨濕平蕪
掠水銜泥燕哺雛
碧條一叢藏睡鴨
桃花新漲浴雙鳬
暖催榭葉爭先放
雲重春山看欲無
薄暮却歸香閣內
莫教清露濕羅襦

初夏

越羅初試汗光融
熠熠流螢碧篠中
破夢半簾桐葉雨
迎涼一榻棟花風
瓦燈明滅綠飢鼠
紙帳淒其打暗蟲

偶爾不眠成小咏
敢言得句有神功

得夫子書

經年別思多得書
纔尺幅爲愛意纏綿
挑燈百回讀

落花

雨濺春泥葬碧桃
晚烟愁鎖斷魂勞
黃鸝對對枝頭立
罵殺東風似剪刀

寂寞春林覆碧塘
杜鵑啼徹月昏黃
長門有淚由誰
化作飛紅入未央

初春

百和名香手自焚
雪晴天際尚停雲
寒梅才被東風拆

國朝詩的 卷之一 閨秀

三

釀得春愁已十分

辛未春夫子魁薦感賦

黃紙除書淡墨妍
平明有旨聽宣傳
行囊羞澀嘗彈鋏
那得營爲燒尾錢

帽襯宮花綠綬垂
當筵拜舞有威儀
生憎整肅櫻桃宴
不似黃柑可見貽

捧檄趨庭與願違
傷心風木思依依
夢中倘覩親顏色
脫却朝衣換綠衣

雀屏深處教牽絲
老父知君總角時
君始登庸親已逝
斷腸誰更說門楣

朱中楷 遠山南昌人

擬古遊仙詩

洪井尚留丹食霞堪續席盈盈若輕舉攬之不可得宛
擬至瓊宮立仙班側倏從江海遊故人捧珠出燦爛
起層霄輝煌炯遙壁或理鳳皇琴或窺麟虎跡或誦步
虛吟或促清談膝香霏度韶音旖旎停雲澤恍忽在天
涯徘徊問只尺忽覩避秦人忽覩偷桃客劈藕、如紅
分脯還煮石控雀欲凌空懸崖深莫測窈窕復冥蒼
奈何鬱鬱園露染新紅方壺縹緲碧月腦晦還圓星眸
炫猶逸珍重廣成言飛鳧酣數息勝境可能尋山河咸

國朝詩

卷之一 閨秀

一四

歷歷六著恍然明乾坤任所適

寄輓嘉禾三烈

為張蓮林司馬

我聞虎丘涵劍光遊人千古弔貞孃又聞錢塘蘇小小
客過唏噓憐春草如茲二婦何足奇不朽曾不、
何況雲黯燕臺月折王埋香悼三烈三生石上舊因緣
矢志長齋繡佛前千迴萬劫祇一死共視微軀薄如紙
爲子死孝臣死忠三心皎皎將毋同絕命詞成不返顧
倏然遂隔泉壤路廣柳蕭蕭易水寒胥濤日夜撼江干
楚有蘭兮湘有竹疑化鴛湖映谿綠而今行道指豐碑
風雨酸辛猿鳥悲試看遼海歸來鶴惜哉九原不可作

和梅君閱中州集見有春愁曲情詞興遠因走筆

和其韻作秋雨吟

時甲午中秋前一日也

漫圖梧蒲金釧冷暝烟猶綴秋千縷一聲新雁動離思
叫徹雲根透纖影翠鈿寒生秋已仲檐敲碎玉驚殘夢
急雨初收問落花清商暗度楸梧鳳素娥青女意颺颺
何事深閨恨夜長燕去燕還還復去閒鷗依舊點橫塘

舟行

四年三往返俱值麥初黃不爲當時熱寧甘此際涼出
山原草草歸路任蒼蒼得遂鷗盟約松遊問子房

夏日雨餘

國朝詩

卷之一 閨秀

七五

避暑嘗移榻風生枕簟清溼雲歸遠岫返照下層城雨
濯鶯聲潤霞飛柳外晴應知荷芡發碧水正盈盈

聞鳩和梅君

急問南來雁家書曾到無地寒花尚少天迴月孤雨
歇啼鳩婦潮回散蟹奴故鄉千里外相對幾躊躇

泊武城

遠岫初升月孤城靜閉門助涼風動樹續漏水鳴村堞
碎宵烟補星殘曉曙吞家山纔入夢画鼓又頻喧

季春送總憲趙洞門張夫人歸廣陵

齊眉人共羨攜手暫同歸花落山容斂烟深岸草肥承

歡聞鼓柁對酒可忘機帝簡知仍在重來願不違

仲春熊蓼菴姑姆招集東湖侶鷗閣

極目江城一望收望中烟樹接天浮草堂正喜新築
朱郎還同識舊遊雨過春亭三島月雲連蘇圃兩湖秋
山光掩映名花發會聽調聲徹画樓

暮春

閒花落盡淡烟垂庭院深淡小倦時無數蜂衙
幾行蛛網掛浮絲教兒漸習家鄉語喚婢重箋旅邸詩
漫聽梁間新燕子榆錢聊借買春資

暮春初霽

催花雨歇淡芳辰小院晴生燕語頻翠柳垂垂侵曉黛
遊絲細細逐香塵淫雲歸盡烟初裊醉蝶紛飛草正勻
試看落紅春漸老畱春人是送春人

舟行贈梅君

清風送我出官衙露白橙黃可到家醉後彈棋頻喚酒
詩成闌筆幾烹茶濕雲帶雨歸殘岫野鷺擎魚逐浪花
是處客帆依暮落凭窗無事聽鳴蛙

試燈日寒甚

榆火新傳起暮煙驚看玉箸掛簷前征鴻依侶堂堂去
凍月欺人故故圓嬌柳漸舒愁并展寒灰撥盡意俱然

春城紫陌銀花燦也檢陳燈簇嫩年

宮詞

窓外無人竹影移隔林惟見鳥翻枝芙蓉空憶秋江老
寶鴨香銷獨坐時

贈徐年姪女南歸小引

徐映薇年兄女王公子小韓之配也兵亂入都
熊雪堂少宰解驂贖之育余邸舍數月韓使
迎歸姪女依依不忍別走筆四章以當折柳
選三

每話家園淚雨潛前門秋老雁初還驚魂自逐瀟湘水
國朝詩的卷之一 閨秀 七

忍見溢城山外山

時憊愁容強作懽漫傷親串半凋殘珠簾裏雨西江月
盡付離人馬上彈

露雪冷瑯苦自持誰憐弱息委燕支青青柳色一如舊
寄與韓郎知不知

陳曉永 倫光海寧人

海棠歌

立竹堂前花散綺紛紛佳麗矜紅紫主人惜花惜分陰
日日凭闌看不已開時欣賞落時悲詠歎有詩哀有詠
所嗟榮瘁時息間妖艷濃香何足恃梨花雨裏杏花風

簾景低垂窗掩紙花少愁多且晏眠朝來又被驚呼起
海棠一株更奇絕昨夜春風折芳蕊亭亭獨立庭西偏
賦質清妍無塵滓桃李無顏蘭蕙愁芳華易失其美
珍重名花故後開天與春工相礪砥傾國姿容本絕倫
神僊標格誰能比朱唇鮮綻點胭脂粉面微霞補頰
淡烟籠景更幽閒清露滿身嬌欲倚纖弱紅絲裊垂
玲瓏翠葉層層庇不肯有香供褻翫雖然絕艷一
晴暉照耀自爲容夜雨飄零死知己淵才有恨亦癡絕
杜陵無詩未嘗是華清宮裏何如人春睡嬌酣敢輕儗
石家欲貯金屋中誠哉肉食言可鄙昔人唐突非一端

國朝詩的

卷之一 閨秀

末

詩成爲君雪前恥酌酒與花花莫愁千秋幸有吾知爾
好對樽前聽我歌雖愧無文質不似含情無語意若何
玉暈微紅半喚喜

秋日湖上

雅集喜招遊愁心易識秋山明微雨過波動亂雲流徑
曲遙通寺林疏不掩樓無端歸櫂急幾欲爲花畱

老境

老去行藏拙年來廢嘯歌病憐雙頰減愁覺一身多薄
命還如許餘生竟若何怕看衰鬢短青鏡不須磨

大祥感懷二律

腸斷魂消兩度春浮雲變態幾番新有兒可教猶爲幸
無米成炊不似貧敢惜辛勤達薄命勉供甘旨慰尊人
鏡中贏得霜侵鬢不死真非愛此身
病劇愁深感憤新天傾能補是何人常揮有恨英雄淚
不效無端兒女瞋欲守艱難初創業且畱孱弱未亡身
器逢盤錯方知利綿力甘心任百鈞

蘆花被

半牀幽夢卷清芬應笑梨花落莫雲輕暖不須裘再覆
芳香何必麝重熏潔如晴雪鋪綿白軟似春波皺紋
一夜西風沙渚冷秋光恰與雁平分

國朝詩的

卷之一 閨秀

元

仲春朔日久雨新霽

冰釋方塘動縠紋困煙弱柳翠絲芬頗憂廿七雨騎月
只望初三日破雲鳩鳥有情重喚婦梅花無奈已離羣
曉粧初竟開簾幕點檢春光賸幾分

閏七夕限七虞韻

又向明星望澤敷敢將狡獪學麻姑期知天上重逢否
巧許人間再乞無重聽瑤笙畱駐鶴復陳綈錦赴飛鳥
鵲因惆悵同精衛兩度難填銀漢枯

庚辰春王正月旬有三日

大人奉 詔分修高

堰隄工予遣長男守文隨侍修溫清也

誰爲柱石砥中流歎息年來總繆悠疏鑿尚煩

明主慮經營還藉老臣謀日勞畚鍤民堪閱歲費金錢
國可憂寄語兒曹須識此元非捷徑易封侯

謁于忠肅公墓四首 選一

孤注惟論復辟功全梓竟不念孤忠一宵僥倖重迎帝
七載安危獨繫公繡雨碑苔凝碧血染霜墓木表丹衷
邯鄲夢破雲陽後指示愚蒙一枕中

侍疾悲吟二十四首 選四

悄悄憂心膏火煎中宵氣結不能眠慈懷恐婦添愁緒
切戒雙鬟莫浪傳

國朝詩的 卷之一 國秀

主

病深人恰怕秋淡無奈西風釀積陰試擲義文幾憂絕
偏無吉象慰愁心

形影相依臥榻前殷殷慈愛倍當年溫言屢勸加餐飯
坐久頻催蚤去眠

未曉雙眸淚滴珠一絲微喘語模糊幾回側耳端詳聽
尚問黔陽有信無

賣花吟二首

曉妝樓上盡嫋娟買得春嬌滿鏡妍輪與貧家惟髻女
手栽紅紫不須錢

收拾春光上鬢鴉金錢不惜鬪驕奢雙鬟小妹偏高致

自折牆頭紅杏花

錢鳳綸 雲儀西冷人

哭伯兄

皇天降喪亂唯恐若不力孔融昔見收不暇知肉炙我
父厄陽元我兄日匍匐吉粉書再上聖明不與直徒以
老母存勉強復視息常持孺子顏菽水供朝夕雖無悲
歎聲淚痕在枕席生理既已盡肝腸日憂迫速化固其
宜鬼伯何足責

在昔皇天傾覆卵無完理不卽殉九京感奮良有以摩
娑雙七首一夕再三起千鈞重一發恐復憂天只在再

國朝詩的 卷之一 國秀

主

歲月開遂終深井里恩怨久未分徒爲口舌耳尸牀目
不瞑不繼非人子尚有娥親在李壽汝莫喜

美人梳頭歌

新沐一聲啼綠鳥三十六宮春欲曉牀上轆轤香素綰
秋水溶溶鏡光冷漸看紅日捲珠簾雙彎却月眉纖纖
玉鳳斜飛彈金蟬環環搖曳湘煙下階獨自摘芳蕊
櫻桃笑儂不結子

仲夏偶成二首

梅雨晚初歇斷虹當檻飛庭花殘更發砌草薶偏肥境
寂得新益心閒契宿機呼童采薇蕨負擔月明歸

負郭無南畝臨湍有敝廬彈琴送歸鳥洗硯數游魚返
照入蓬戶微風動素裾更憐小兒女坐膝指蟾蜍

秋日雜感

水田數畝傍漁磯三徑苔封馬跡稀苦月乍明嫌素影
涼颺長拂薜蘿衣雲間幾點雁初下江上一行鷗自飛
靜掩柴門閒有待晚烟橫笛飯牛歸

江水朝朝東復東懷愁咄咄日書空寒汀短笛秋雲外
孤嶼輕舸夕照中十里西湖宜市隱百城南面佐詩窮
才高孝綽何能繼一曲陽春醉晚風

仲弟石臣以春雨憶梅花四詩見示依韻奉答兼

國朝詩

之一 國秀

三

憶弟婦林亞清秦中

曾記羅浮夢裏緣嘈嘈翠羽弄輕烟寒苞泣露香猶淺
弱骨欹風態自妍忽聽春濤催夜雨已換新綠漲平田
文園多病添惆悵便擬西溪放酒船

小樓獨坐俯平隄一望烟光遠樹迷帶雨漁舸衝浪急
破寒梅萼壓簷低茅齋數縷濕雲合斷岸一聲幽鳥啼
試問東君春幾許忍教花落澱香泥

竹枝詞

鷗鷺雙雙宿淺沙白雲封處野人家無端棹入芙蓉裏
誤聽前溪喚採花

曉起新妝出花塢羅袂遙連落花舞歸來學得吳儂曲
潛向窗前教鸚鵡

偷得花枝比玉容果然妾貌似芙蓉郎心不是輕相許
欲看芙蓉還看儂

採蓮曲

芙蓉灼灼闌紅妝雙槳中流蕩夕陽頻囑小姑輕笑語
莫教驚起宿鴛鴦

盡日輕風泛畫船波搖翠袖舞翩跹何緣花裏忘歸路
貪看湖心並蒂蓮

李國梅 韻菴興化人

國朝詩

之一 國秀

三

瓶梅

不須勞驛使折向膽瓶開素艷明書室清芬傍鏡臺敲
碁殘雪落展卷暗香來剪燭深宵玩虛窓瘦影回

水中作

已潰高梁澗旋傾洪澤湖陽侯方肆虐風伯更狂呼萬
卷隨波去千間逐浪無常憂魚腹葬仰首羨飛鳥

玉皇閣有先文定公所施珠燈近聞散失感賦

寶閣琳宮遠市廛華燈歲歲照諸天玲瓏巧製瀛洲景

璀璨真從相府傳一自中原消劫火幾多舊物化蒼烟

顏垣尚有當時月歷遍興衰止獨圓

易幕昭 淑班江都人

除夕

強將華燭延殘臘喜得承歡聚膝前
欲望兒成欣改歲却愁姑老怕添年
梅花已報三春信爆竹全消五夜眠
韻事何妨閨閣效也將卮酒祭詩篇

窓外早梅

萬木凋零暖未回春光先漏近窓梅
嬌羞不解迎人笑冷艷何曾畏雪推
最愛素妝臨月下好移疎影上簾來
天公自是憐清潔故遣瓊枝歲首開

王正 端人江都人

國朝詩的 卷之一 閨秀

三

采蓮曲

朝在水暮在水不染污泥池水裏風簾月榭雨初晴翠
袖紅翹堪自喜採之刺礙吳娃指返照回船歌緩起

梅花

古幹疎枝月影斜寒烟漠漠似籠紗
須知香信春來早不比東園滿樹花

繡毬花

花開不亞千團雪香散真愁一夜風
簾外月明斜弄影冰壺倒濯玉玲瓏

秦曇 曇筠無錫人

苔痕

燕子歸來春晝長院門深鎖碧苔香
應憐不及王孫草印卻霜蹄日逐郎

麥浪

掠面風寒麥秀天浪花滾滾蹴平田
只疑真有滄桑事欲向烟波買釣船

蟠桃

果熟三千未足誇仙枝曄曄映丹霞
從師得授長生訣看遍蓬萊頃刻花

張英 玉英泰州人

國朝詩的 卷之一 閨秀

三

午日弔屈原

汨羅千古恨深深此日靈均何處尋
角黍徒充饞鬼腹蒲觴不醉怨臣心
海濱風雨慘怛愁雲變古今澤畔行吟
人不見離騷讀罷淚沾襟

中秋

早滂何堪兩事并縱當好節亦愁生
花經暴雨如相妒月避寒家不肯明
穀核自成荒歲景酒漿猶費老人情
莫嫌此夕無佳譔尚有飢民乏菜羹

程瑜秀 歙縣人

雨中看白蓮花

冰肌玉骨影婆娑清艷堪邀帝子過爲愛淨根宜淨水
最同諸女唱蓮歌

清姿自合伴清湘不耐尋常紅粉妝雨過池塘新出浴
臨風何處不生香

桃花雪

嫣然微笑太真妃如惹寒花六出飛可是東皇裝點巧
水晶屏外絳綃衣

郭 玠 依雲江都人

瓶中碧桃

數枝迎面屬知音謝絕遊蜂細雨侵不向東風怨零落

國朝詩的 卷之一 閨秀

素

幽窗明月伴閒吟

許飛雲 天衣蘇州人

瓶中丹桂

西風蕭瑟透芸窗金粟凝香吐嫩黃祇恐秋光易凋絕

膽瓶深護一枝芳

盛鏡鸞 影娘揚州人

芙蓉花下送秋

明日冬來螢苑空一番清瘦畫樓紅芙蓉是面愁含雨

楊柳爲腰怯帶風疊疊長年黃雅子清霜流水白頭翁
浮雲竟與秋相若安得淹留少障中

詠十稟齋冬蘭花

動琴九畹味幽然十月荷蘭分外妍好夢無妨深夜裏
妙香還喜小春前曲江金鰲花叢遠寒谷風來蝶翅偏
自是時光生較晚相看霜雪不辜緣

程 雲 岑度歙縣人

池上賞荷 次外韻

池水碧參差池花紅爛熳綠葉何亭亭臨風吹不亂客
語打鴨兒莫打鴛鴦散

沈 雅 倚扶華亭人

題鄭破水先生梅花書屋

國朝詩的 卷之一 閨秀

主

閑凭鳥几耽幽僻想見高人靜坐情窓外梅花窗內月
與君心事一般清

柴靜儀 孀錢塘人

雪裏紅梅

曉妝初罷倚簾櫳笑指疎梅雪裏紅細細香風吹不煖
始知春在有無中

朱柔則 道珠錢塘人

荷花

紅白各成粧凌波冉冉長莖斜風弄影瓣落水浮香倚
棹愁湖濶更衣怕晚涼摘花不摘葉畱著覆鴛鴦

寄遠曲十首 選三

恨少垂楊柳，殷勤繫玉鞍。夕陽鴉背煖，春雪馬蹄寒。
入世逢迎拙，依人去住難。癡兒啼向我，昨夜夢長安。
獵獵風初勁，沉沉雨未闌。因憐兒被薄，轉憶客衣單。
楫燕將雛苦，征鴻失侶寒。居家與行路，同是一艱難。
聞說燕臺路，生涯亦可憐。空彈馮媛劍，誰乞廣文錢。
久客非長策，歸耕有薄田。一棺痛慈母，急爲卜牛眠。

和外失題

上雲成雨下成泥，口向東頭月向西。無路可尋邀笛步，
有時還過浣紗溪。蓮蓬心盡終難死，楊柳絲濃半欲迷。
國朝詩的 卷之一 閨秀 天

春遊曲三首

流鶯相喚燕相親，相逐香車到水濱。惟有桃花最輕薄，
笑人扶病出遊春。
三面雲山翠作圍，兩湖煙水蕩晴暉。更添十座紅亭子，
招取春光不放歸。
蝶粉花香細作塵，雲裾翠細不勝春。清明且喜無風雨，
忙殺當壚賣酒人。

河渚觀梅約顧春山

相期河渚玩春華，一棹迎風路未賒。樓外有梅三百樹，

美人不到不開花

方舟廬先姑墓感賦

寢苦枕塊空山裏，却望松楸淚泣然。縱使慈烏能反哺，
可憐飛不到重泉。

寓王宗伯園林遍遊金陵諸名勝誌之八首 選五

微波四面繞層樓，獨倚危闌萬木稠。莫更鉤簾望陵寢，
紫金山色向人秋。

衰草寒雲入望迷，當年三閭與雲齊。春蒐化作收香鳥，
猶向臙脂井上栖。

玄武湖千秋草長當時輦道已全荒，雞籠山上雞鳴寺。

國朝詩的 卷之一 閨秀 三

空有鐘聲送夕陽

舞盡靈和柳萬條，漫天飛絮雪難消。六朝春色無人惜，
一任鶯銜出內橋。

香泥銜罷又銜花，小燕迎風故故斜。借問雙楫何處好，
舊時王謝已無家。

韓 張 蕩 蕩 揚州人

和書升宮甥城南觀桃

春雨濛濛水半篙，流霞終日醉仙桃。東皇解道清才詠，
粧點紅衫映錦袍。

飲眼韶光錦繡中，沿溪不辨淺深紅。鶯聲似共花枝語，

莫信輕埃促曉風

胡惟寧 一軒江都人

對梅二首

問春庭下日遲遲始見林端綴數枝莫笑孤芳開太晚
江南風雪不同時

林逋當日種湖干倚檻高吟興不闌我亦心期冰雪老
世人多就牡丹看

月下同舍妹惟貞看菊

每到秋來對菊叢東籬尚想晉時風數枝清艷經霜後
連袂相看月影中

國朝詩的 卷之一 閨秀

黃媛介 皆令嘉禾人

咏凌霄花

虛牖風清暗綠侵數枝高影出連林紅粧盡變春時色
絳蕊偏開夏日陰白水分烟村遠近碧空吹夢鳥浮沉
此中亦覺人關事雲物應憐霄漢心

陳氏 章安人

看菊偶賦二種

粉西施

一入吳宮秋復春
芳蘿嬌艷妒花神而今籬菊猶疑粉
莫笑當時盡效顰

荷花紅

紅落殘荷細細香若邪愁殺蕩舟郎西風吹向陶家去
又染東籬菊上芳

周姓 蓮裔順天人

戲詠虞美人

盈盈態欲飛含笑逗春暉清露勻嬌面輕風試舞衣羣
葩不敢嬌艷質復何依惆悵韶華暮楚宮冤不歸

黃淑媛 雙妹休寧人

咏蘭

落落原香祖亭亭本秀英朱門休誤入幽谷足全生

國朝詩的 卷之一 閨秀

黃淑貞 三尾子人

曉窓咏燕

海燕雙雙繞畫梁窓前忽墜紫泥香呢喃語共黃鸝囀
來往翻同玉蝶忙似識花開歸巷口如因春煖出昭陽
爲巢不羨新庭院只到盧家舊草堂

虞美人

垓下西風鐵笛繁千年遺恨付荒村美人死後誰相見
葉葉枝枝總是魂

吳氏 茂苑人

己亥歲朝

春和雪絮到天涯，粧點池臺瑞氣加。
紅顏爭學頌椒花，東風漸轉銀瓶小。
曉色餘寒翠幙遮，人羨今朝新景好。
我憐去故獨興嗟。

王鳳翥 文如

霜降日偶成

楓林葉醉水痕收，人病黃花正暮秋。
寒雁不知愁欲絕，猶將哀怨過南樓。

楊李

七夕次鄭破水先生韻

每到秋來詩思多，雙星此夜又經過。
只知人世沉情海，不信天工總愛河。
過去韶華毋歎息，當前好景莫蹉跎。
閨中笑我何能巧，敢向高明也漫哦。

國朝詩的 卷之一 閨秀

三

李季嫺 靜娛泰興人

得天中大弟訊

憐爾關山隔書從塞北來，黃雲瀰大野。
白草遍荒臺，風動豺狼嘯。天高鴻雁哀，登樓應有賦。
何日共銜杯。

舟中聞鷄

月落星殘天欲明，村雞不異故鄉鳴。
夢迴海日知初上，漏盡寒潮覺早生。
南楚烏亭徒屬目，東吳鶴髮每關情。
扁舟幸喜乘風便，篷底青山識曉晴。

彭氏 鄧州人

嵩

直登峻極望中州，指顧江山遠塞收。
夜識石壇金壁氣，秋驂織嶺鶴鷄遊。
三臺裾曳星辰動，二室釵分日月流。
覽象徒憐嶽色黯，不須洛鼎問東周。

岱

東齊屏翰鎮天孫，嵐氣空濛海霧屯。
賣藥有人凌絕嶠，擁桮無路覓靈源。
秦松疎鬣巢蒼鼠，漢栢髡枝墜白猿。
獨怪御崖無字碣，始皇何事竟忘言。

華

國朝詩的 卷之一 閨秀

三

三峰翠嶺神青冥，高處平捫井鬼星。
池上蓮花開日月，欄邊石鼓動雷霆。
藥藍何日逢毛女，仙掌於今憶巨靈。
願駕鹿輶訪露市，丹爐石榻檢遺經。

衡

天南雄鎮壓蠻荆，湘水灣環向背明。
赤帝星光時隱見，紫霄雲氣互陰晴。
峰邊秋老征鴻翮，林裏春深鸚鵡聲。
香聚古壇鐘磬肅，過從女善話無生。

恒

玄泉神護足幽尋，輦路穹碑歲月深。
海闊蜃蛟蟠巨窟，山高虎兕據長林。
悲風四塞黃沙捲，雲日三邊黑水沉。

收得青箱嗣世留蓮巾有負暮年心

吳綠蘭 蘭芳閣東人

立春日剪綵爲花

應候天葩早先時報好春吳綾裁處煖花樹綴來新峰
抱香非麝鶯窺葉似茵應知剪花女原是散花人

窓前梨花

春風披拂颺絲輕枝上花開分外明豈有細香迷紫燕
却將絕色待黃鶯盈盈白照西施面淡淡嬌含號國情
窗下莫嫌頻倚望一年寒食幾逢晴

茉莉

國朝詩的 卷之一 閨秀

三四

晚掠雲鬟化正閒喜看香雪近妝臺凡葩亦有顏如玉
那得清芬撲鼻來

周貞媛 瑤石秦州人

刺繡

黃鳥不孤飛綠樹不亂長孤飛失所依亂長失所養觀
茲發長歎亦復豁幽想花間繡觀音針針絕妄想我亦
任所天空堦一俯仰

李妍 安信興化人

七夕

耿耿銀河靜低徊漫倚屏人間逢七夕天上會雙星風

送斬車渡雲隨鵲路停輕盈乞巧女團扇撲涼

汪夢燕 燕友敬縣人

讀史

別罷銀缸雨漸疎展函三復獨躊躇青閨柔弱情何俠
紫塞烽烟怨未舒瘦影臨池神自妙秋風吹葉事應虛
于今日誦心當細無使他時笑魯魚

寄懷方素馨同社

記得西風葉落時蛩聲唧唧響堦墀花間綠綺迎新月
指下朱絃譜妙詞秋水蒼葭人似玉春山芳草色如絲
近來閨閣文章薄寄語朱樓善構思

國朝詩的 卷之一 閨秀

三五

寄外

海國西風冷素秋一灣新月映簾鉤寒衣欲寄心如織
縹緲雲山夢亦愁

劉淑秀 慎昂江都人

憶妹

自別和顏倍黯然思維永日淚空懸猶思刺繡西窓下
尚憶分吟皓月前苦恨暫違春暮後仍期相見桂花天
愚衷有此應知否腸斷東風曉夢邊

咏眉

鏡裏春山兩點青由來不許俗愁侵每逢花落春歸後

宛轉閒聲不自禁

侯懷風 若英嘉定人

感昔

黃河流水響潺潺當日腥風戰血殷大地盡拋金鎖甲
長星亂落玉門關居延蔓草榮枯骨太液芙蓉失舊顏
成敗百年流電疾蒼梧遺恨不堪攀

舟行卽事

曉露迷離彩鷁輕棹謳徐動見新晴臨波白鷺亭亭立
夾岸青蒲漫漫生遙指小山遮塔影忽經深樹出鐘聲
晚涼不覺羅衣薄自愛澄湖片月明

國朝詩的 卷之一 閨秀

三六

少年行

章臺蹀躞紫驊驕繡轂雕鞍翡翠裘歌舞不知銀箭急
日高酣臥在青樓

柳 因 一名隱字蘼蕪更字如是生

西冷

西冷月照紫蘭叢楊柳絲多待好風小苑有香皆冉冉
新花無夢不濛濛金吹油壁朝來見玉作靈長夜半逢
一樹紅梨更惆悵分明避向畫樓中

燈昏月落更傳神馬埒隨風夜拂塵楊柳已成初雁恨
桃花猶作未鶯春青驄點點餘芳草紅淚年年屬舊人

金縷還能移鳳吹相思何異洛橋津

橫山襟作

美人遙夜佇何方應是當年踏蹬鄉自愛文園能憤鼻
那愁世路有羊腸徐看雀墜枝先墜誰惜桃僵李亦僵
只此時名皆足廢寧須萬事折腰忙

次韻奉答牧齋汎舟有贈之作

誰家樂府唱無愁望斷浮雲西北樓漢珮敢同神女贈
越歌聊載鄂君舟春前柳欲窺青眼雪裏山應想白頭
莫爲盧家怨銀漢年年河水向東流

春日我聞室作呈牧翁

國朝詩的 卷之十 閨秀

三七

裁紅暈碧淚漫漫南國春來正薄寒此去柳花如夢裏
向來烟月是愁端畫堂消息何人曉翠帳容顏獨自看
珍重君家蘭桂室東風取次一憑闌

吳坤元 無字桐城人

仲春送方壻并公之和州

湖山烟水尚悠悠豈是蕭郎愛遠遊却爲劉蕡猶下第
遂令王粲又登樓三春楊柳催行色隔岸桃花莫繫舟
屈指絳帷依暇日可知少婦亦知愁

閣下薔薇大放苦爲風雨搖晨起亟喚青衣邀

一二三親故惟恐花枝不相待耳率成口號

折竹爲籬景獨清
依檐俯樹最怡情
落紅帶露胭脂溼
細雨霑泥粉黛輕
曉日忽催西閣曙
重陰時轉北窗晴
愛花只恐花飛去
徙倚愁聽杜宇聲

白氏 語生江寧人

除夜偶成

堂前分歲拜華茵
金盃初斟酒一巡
小婢添歡爭守夜
稚兒帶醉帖宜春
漏長不作通宵夢
更盡都爲隔歲人
收拾辛盤待天白
韶光又見一年新

丘路道中

遠樹入殘霞
漁舟唱咽浦
忽過深竹林
化作杏花雨

卷一 陶秀

三六

方琬 死玉詩田人

寄從姊珮青

爲問雲中雁
新書寄若何
可憐懷袖字
已是淚痕多
永晝悲清瑟
輕寒怯素羅
一從相別後
晝閑忍重過

戊子避亂舟中寄弟

野樹鳴蟬咽未休
夢花蕢葉晚來秋
干戈滿眼驚殘夢
風雨傷心逐去舟
喪亂相依吾弟在
艱危無奈老親憂
更憐宿草青青塚
寒食新烟望裏愁

俞氏 若耶莆田人

擣衣

玉樓人去幾時還
夜夜寒砧不放閒
最是烏啼天欲曙
一聲殘月滿關山

弄笛

玉笛淒清枕簟涼
摩挲重按舊宮商
含情更莫吹楊柳
萬里關山客路長

王淑卿 仙琚通州人

春日園居

綠遍山園櫻笋生
不寒不燠近清明
閑閑密翠松三徑
熟讀離騷月一更
流水斷橋芳草嫩
白雲茅屋柳絲輕
春光療我百花癖
野綴幽禽上下聲

國朝詩的 卷之 陶秀

三

春雪

茅亭古木噪棲鴉
一徑輕風入碧紗
新雪乍香花滿樹
白雲籠屋盡梅花

湯萊 萊生丹陽人

平山堂懷古

隋苑荒臺時高樓
盡梵宮草遺螺黛
碧花隱合歡紅情
夜何人曲黃昏幾處鐘
更憐歌舞地古墓冷江楓

過維揚故居

卜宅曾畱此重門
今又開綠鋪荒徑
草紅冷小窓梅鼠
蹟盈塵案蛛絲遍
石臺相迎惟老嫗
笑問幾時來

咏牡丹

年來兵甲未全收，避地湖干得勝遊。
幸有名花堪作供，暫攜濁酒自消愁。
錦堂霞映千層麗，香閣脂凝一捻柔。
遙憶洛陽春色好，誰憐姚魏姓名留。

閏端午

喜看佳節今逢閏，賸得菖蒲泛酒卮。
綵線多情今又續，榴花有意故開遲。
中流西槩飛雙翼，別苑笙歌競一時。
爲惜孤忠魂未散，重將楚些弔湘湄。

國朝詩的目錄聞秀

卷之二

湯淑英 三首 張 潮 一首 蔣 蕙 二首

林文貞 三首 程 淑 一首 龐蕙纈 四首

彭孫靖 一首 胡介妻 二首 榮 氏 一首

朱雪英 一首 李 蒞 六首 吳 吳 五首

范滿珠 三首 范淑鍾 六首 周結媛 五首

錢令嫻 一首 錢令暉 一首 張 榮 二首

張 氏 二首 章有相 二首 吳 紉 二首

龔靜照 十二首 陳 嬰 二首 王端淑 二首

湘楊女子 二首 鄧 氏 一 宋慈湘 三首

趙雪華 二首 葉子晉 二首 徐淑秀 一首

袁九嫻 三首 朱德蓉 一首 張德蕙 一首

祁德蒞 一首 祁德瓊 一首 商景蘭 一首

卞 氏 五首 范 妹 二首 蔣 葵 四首

周 瓊 四首 吳 琪 五首 劉氏女 二首

杜小英 十首 王蘭若 一首 戴文英 四首

戴文蓮 二首 王瑤湘 九首 婁 巽 三首

吳 氏 六首 陳毓嗣 三首 吳 譚 五首

黃克巽 九首 龍 循 二首 吳 憲 六首

徐暗香 三首 錢雅真 五首 徐德音 二首

吳 山 一首 陳士更 一首 陳士安 一首

陳士興 一首 余性淳 六首 吳靄娛 十首

沈德禎 三首 陳崑璧 二首 金如式 二首

陳結璘 四首 張 昊 三首

國朝詩的卷之二

長沙陶 煊奉長選

同里張 璨豈石同輯

閨秀二

湯淑英 號素吳縣人

秋日登虎丘

淺淺此丘壑引領却深遡窮目上高層反若衆山小半壁住烟蘿奇淡在秋杪春風多笙歌幾令失幽悄

重寓湖上

重過層樓無壁陳向時楊柳幾番春意中芳草依然綠

國朝詩的卷之一 閨秀

眼底明湖只自新畫艇橋邊鶯語接晚鐘堤上馬嘶頻

鬼鷗似識當年面招我孤山就隱淪

旅思

月明人倚小欄斜苦是相思夢裏家悄立苔堦看秋色

西風瘦盡海棠花

張潮 番禺人

妾張潮番禺人也從舅官楚兵挾而北且渡河矣

弟妹誰尋鄉關何處終當一久聊賦七言

朝來東去暮雲西淚滴殘花和作泥願逐黃河流活活

何時青塚色淒淒竟隨夜雨飛羊石風亂寒笳送馬蹄

杜宇不知歸不得天津橋上向人啼

蔣蕙 玉潔泰州人

雨夜夢與冰心女兄話舊醒來拈韻

孤窓閒卧不勝愁夢逐嬌痴舊地遊繡閣牽衣欣聚首
粧臺倚膝倩梳頭驚覓夜半蕭疎雨分袂更殘寂寞樓
枕上傷心無數淚曉來寧忍一舒眸

晚眺

和風拂面倚南樓曲曲新蟾挂玉鉤景色清幽貪看久
侍兒來喚晚梳頭

林文貞 籍林莆田人

國朝詩的卷之一 閨秀

與安又成言志喜

冷落當年女較書枇杷花下竹意虛千金裘馬尋常擲
兩字相思鄭重書樓上紫簫吹宛宛江頭玉佩解徐徐
從今得穩香閨夢不羨鴛鴦逐錦渠

秦淮夏盡

十里荷花一夜秋個人獨立曲闌頭不嫌冷露侵羅襪
直送團圓月過樓

龔總憲夫人輓言

小字紅箋近碧窓寶奩繡幕日偏長祇今寂寞烏栖曲
霜柳千條掛夕陽

程淑

丹陽人

題吳益仙画

青山青如眉秀色如可掇烟靄出其中林意與之活

龐憲

紹芳小號吳江人

牡丹爲風雨所敗賦此志惜

碧樹朱欄轉眼空芳菲寂寞綠成叢山蜂無計收飛蕊
粉蝶依然繞墮紅憔悴一枝含雨露飄零數片觸簾櫳
繁華自古誰無盡花落花殘莫怨風

弱質柔姿已暗消春深風雨可憐宵摧殘已結三生恨
零落仍含半面嬌悵快愁人增怨惜多情舞蝶亦牢騷

國朝詩的

卷之二十一 閨房

三

最傷顏色經年別收取芳紅慰寂寥

中秋踏燈辭

棚山燈火滿天街露白風清景色佳城上烏啼才夜半
歸來踏綻鳳頭鞋

墮珥遺簪滿狹斜千門萬戶影交加粧成却向寒窓下

一盞琉璃誦法華

彭孫婧

變如海鹽人

臨清舟中感懷

遠道辭家已隔年俄驚歸雁繞河邊黃花白草秋將老
畫舫蘭橈客未眠默坐蓬窓看落葉閑凭几理芸篇

含情無限傷心事又聽砧聲過枕前

胡介妻

錢塘人

與翁夫人汎渚

殘日下林木輕舟汎渚中藍看兩岸白楓憶萬山紅淡
淡秋光裏冷冷曲港通蒼涼石橋畔似與去年同

寄外

深惜饑驅苦相依童僕羣開書知別久臨鏡情釵分春
酒淹歸騎梅花憶隱君長安何處是千里望寒雲

榮氏

南城人

被難馬上作

國朝詩的

卷之二十一 閨房

四

妾長未門十九春豈期今逐馬塵奔失身無補君王事
殉節誰聞夫婿恩江淨已甘沈弱質月明誰與弔孤靈
此生骨肉終難見獨向西風哭夜猿

朱雲英

古吳人

寫恨

吳地紅顏出世家自憐薄命滯天涯含羞會唱清樓曲
拭淚悲聽紫塞笳不及曹碑傳幼婦幾同章柳集寒鴉
當年閨閣今何在萬種傷心付落花

李荏

天章崑山人

和東序姪孫詠後園原韻

一徑綠花入臨溪柳色新
檻前籠翠嶂橋畔踏青人
雨餘殘紅急風裁嫩綠
勻到來幽意愜泉石自堪親

寒食掃夫子厝宮

驚心烽火徹雲霄
移厝郊原恨自饒
任再東風三月到
淒涼南陌一盃澆
花和淚落如飛雨
江帶愁深正晚潮
似有魂來招未得
啼鴉歷亂促歸橈

嫂氏初葺園亭戲咏

竹扉虛掩徑紆斜
樹色溪光映晚霞
小築亭臺如画裏
偶編籬落似山家
春迴蚤聽鶯初囀
雪後還看梅未花
會擬頻過共炊飯
新來斷酒只須茶

國朝詩的 卷之二 閨秀

五

暮春

如豆青梅葉底垂
輕寒微雨暮春時
東風不共鶯聲歇
落盡殘紅猶自吹

別長女

殘夢何迴千里情
那堪意外曉鶯聲
愁心渾似堦前草
春雨春風日日生

葉繁庭樹春方去
衣試輕綃病起時
白髮滿頭頻送遠
隔江兒女繫紅絲

吳 吳 小名敏縣人

村居

涼風吹白雲野色獨空濶
日夕掩柴關新蟾吐林末

春曉

乳燕一聲春曉天
碧窓如水綠含烟
侍兒卷幔催妝早
無數楊花到鏡前

曝書

黃梅初歇雨晴時
葉葉芸編趁日移
却笑金閨非七夕
貧來強學郝家兒

寄夫僮

柳絮輕盈拍翠鈿
春風憶別百花前
近來金剪渾閑却
爲報山陰宋百年

國朝詩的 卷之二 閨秀

六

喜得家宜人書

望盡停雲不見家
忽傳錦鯉到窓紗
開緘瞥見平安字
不負蘭缸一夜花

范滿珠 幼淑休寧人

秋興

秋動南郊暑氣消
寒砧遠近日蕭條
菊花野色畱三徑
蘆絮江風記六朝
僻地偷安還擾擾
中原消息又迢迢
遙憐幾處丹楓早
半是霜濃戰血飄

吳蠶曲

絲完蠶已死蠶死竟畱絲
辛苦知無悔畱絲爲阿誰

旅居

殘燈明滅亂臣啼展轉鄉心月漸低夢對家人纔欲語
雞聲依舊到窻西

范淑鍾 秀林休寧人

隨夫子至茗塘

避世樂丘園幽居避市喧碧蘿蒼蘚宅紅樹白雲村入
手枯藤杖傳家老瓦盆兒孫圍膝下楮枰地爐溫
登茗塘絕頂

雨過泉流白秋深葉染紅一節登嶺上千嶂落雲中琴
响竹窻月衣吹松逕風卜居慚未得環眺意何窮

國朝詩的 卷之二 閩秀

夫子有作率爾奉答

蒜押犀簾貼綉櫺金荷光閃夜冥冥花龕同拜遷
錦幄雙棲翡翠青裁綺蹙成蚕母像搓酥製就雁娘形
雁娘音 月中更把清泉汲引得銀蟾入夜餅

乘龍佳婿卽吾師香壁檀心手自持綉罷花前教舊什
吟成蕉上寫新詩箏間金雁慵移柱枰冷文犀罷賭棋
只欲冥搜佳句得粉脂叢裏占芳蕤

琅玕粧閣碧于苔搗盡玄霜夙願諧割肉縱無方朔炙
如泥還免太常齋棋裁素紙閒描局步穩青雲遠寄鞋
見說詩腸須酒飫雲鬢親扳九鸞釵

送夫子之鳩江

征鞍落葉打離披忍泪臨風餞一卮夕照漸低人漸遠
斷鴻聲裡立多時

周姑媛 室枳海陽人

春陰

判縹生深堂春陰日正長梨花猶夢雨蛺蝶半迷香
戶晴烟薄開簾晚吹涼芳菲零落盡荷葉滿池塘

夜雨

牀頭聽夜雨細數不知休洗盡千山色難教洗舊愁

夏日

國朝詩的 卷之二 閩秀

八

茶竈正飛烟棋聲驚晝眠日長無意緒傍水弄荷錢

春水

碧波新漲大江頭兩兩浮鷗傍客舟妾意亦如江上水
紅塵不染自東流

梅花

冰肌玉骨絕無瑕清韻天然妒麗華一丈粉牆遮不定
侍兒偷折比鄰花

錢令嫻 幼觀

樓居偶成

一竿晴旭上簾鈞點點寒山翠入樓多病懶裁鸚鵡賦

薄寒初御鵲鵲裴香浮竹葉杯中影吹徹梅花笛裏秋
平楚蒼茫鶯欲雪潯烟如織迴生愁

錢令暉 亞芬通州人

春日遊狼山

芳洲新綠長蘆蕪連袂山行石徑迂雲繞曲巖開畫閣
天遙絕頂挂浮屠松鳴彷彿人吹笛浪卷依稀女弄珠
閒愁幽亭舒眺望江花冉冉映紅橋

張 榮 疎影金陵人

七夕懷武林諸娣姒

烏鵲橋邊夜渡秋穿針記共上高樓那知萬里銀河水
國朝詩仍 卷之二 閨秀

九

寫入南天盡是愁

聽漱雪夫子讀古逸史

傷今懷古臥蠅壁不遇奇人見異書浮白大呼頻剪燭
少年豪氣未應除

張 氏 廣陵人

西溝道中淚筆

綉鞋脫出換宮靴女易男裝寔可嗟扶上玉鞍愁不穩
淚痕多似馬蹄沙

翠翹金雀久塵埋車騎轉驕野店來憐我故鄉生死別
花枝移向別園栽

章有湘 蘇隱居士雲間人

讀寶燈夫人詩寄贈

蒲團貝葉靜焚香忽覩新詩自葯房紅袖闌干人倚處
春風吹送漢皇芳

俊逸清新庾鮑流載來珠玉五湖舟人間敲珮難消受
莫怨蕭郎愛遠遊

吳 綰 素公冰仙茂苑人

題百泉

太行迢迢繞天足疊嶺連峯似波蹙蘇門突兀當衡源
濃翠樓空青蟲蠶十頃清光蘋藻香湧金亭下鋪寒玉
國朝詩仍 卷之二 閨秀

十

清濟徒伏流崢嶸祇濫觴古人卓刀處耿耿秋鐵光水
底圓珠吐細沫沙中疑有蛟龍藏天河清淺應似此西
走汾晉常湯湯我來二月春未濃落日和風好光景想
見當初佩玉人巧笑曾經炤清冷遠山曳輕雲近岫堆
青螺可無美酒如春波此中遺跡堪憑弔荒臺古榭空
陂陀朝歌邑號亦自好欲問迴車意若何

畫家陸文祥偶過平于題此贈之

老翁遠過平于中雪髯金骨氣如虹機雲世胄有古風
潑墨絹素誇神功樹石蕭洒插高穹荆關董巨堪爭雄
十日一山能精工高堂冬月寒曠濛白雲半束山腰斷

天外青蒼落數峯石根老幹眼未識小山叢桂秦皇松
霜鱗半脫簑衣裂卷枝擎攫真虬龍回溪窈窕濺珠沫
此間合得容梵宮烟嵐隱暎迷處所耳邊忽似聞晨鐘
老翁高逸謝塵事一生學佛悟真空偶然餘習存畫跡
下筆不與凡夫同人生遊歷自有恨惟有意匠常無窮
龔靜照 無錫人

乙丑歲底雪意感拈八律 選三

謝庭咏絮記承歡極目沈湘付一嘆去國事存翻野史
孤臣魂不返遙灘難書映讀晴光異煮茗嘗嫌水味寒
高卧不妨衾獨擁小娘驚報正霞霞

國朝詩的 卷之二 閨秀

士

凍合千峯繞玉龍手拋書卷袖雙籠些時蕭瑟資窮况
舊事蹉跎泣夢中雁帶愁聲飛遠近竹含清粉漾虛空
彤雲忽布成宵練屋角斜拖覆碧松
六出紛紛照八荒模糊多處更微茫誰輸萬頃豐年玉
暗錫千家隔歲糧握管腕冰遲點畫調琴指澁悞宮商
親知遣僮將何報世外人情紙半張

檀香筆格

雕琢人工巧旃檀具質深名應傾北海價可溢南金敢
負香中意承輸格外心慨將神物贈不與世浮沉

蘭花安息

如蘭投意氣敗絮泥餘芬倒鳳籠螢火桃笙暖繡紋丹
心灰燼後曉夢篆烟分寤寐難忘處孤偉獨掩棧

丙寅小春望夜雨聲驚枕不能成寐口占四律之

一

雜響何如苦雨淒竹梧葉落草簷低官逋告急傾殘理
租負遲還典舊綿愁極反閑如野鶴病餘耽靜怕聞鷄
却塵未了猶淹此住世何因若有稽

丁卯午日感拈

繭虎絨符又一年汨羅遺憾古今憐琴樽小設消當年
蒲艾空焚散碧烟覽鏡條驚霜點鬢濡毫先覺淚盈箋

國朝詩的 卷之二 閨秀

士

隣娘餉得葵榴供獨對閑吟忽愴然
淚血和成酒一觴招魂重賦總堪傷休將續命絲纏臂
已證無生雪作腸蔡琰虛名傳濁世黃荃末技愧專專
莫云此日天中節角黍難投到楚湘

秋暮曉雨口拈

落葉聲敲冷翠微獨眠人起懶增衣
斑姬擣素聲聲急蔡女悲笳字字非
叢菊未開離影寂寒蟬尚有砌鳴稀
祇餘一滴秋宵淚酒遍梅花十二幃

新柳

雨雨風風春半時山橋溪徑漾晴絲乍行青眼還蕭索

畧展愁眉爲別離嫩白不分穠李影淡黃遙逐亂雲
可憐三復陽關唱繫馬歸來惜舊枝

七夕大雨夢先生限筠茵韻志以十絕 選二

天也憐人負此辰雨沈河影浸雲茵雙星雨地分南北
烏鵲填橋恐未眞

匝歲離多淚已盈化爲甘雨溢花茵總生天上天猶忌
始信人間事有因

陳 契 無垢通州人

書懷

青翠入簾櫳永日駐幽閣愁縈芳草生靜覺桐花落

國朝詩的 卷之二 閩秀

一

鏡網蠟蛸庭柯巢鳥鵲夢去不關愁曉來心自惡獨坐
只書空微雨益蕭索

秋柳

弱不禁風素自憐黃昏細雨斷疎烟樓頭指冷誰吹笛
塞上身在欲寄綿一任啼鳥翻子夜直須飛雪送窮年
攀枝信墮英雄淚殘照蕭條灞水邊

王端淑 玉映山陰人

次韻答李季子

邢江磊落較書郎翰墨輕傳荀坐香瀟灑爲裁雲作珮
遨遊多半俠爲腸廣陵自鼓梅花散小閣慵修遠岫粧

提塵欲譚人事冷烏衣愧殺舊稱王

其二

十載幽棲鬢欲霜不隨戲劇暫登場新亭景物悲千古
舊事淒涼泣數行點點疎梅飄野澗飛飛紫燕憶華堂
喟然有客題風雅吾道悠悠幸不亡

湘陽女子

題新城三家店旅壁

記得當年別後粧楚天一帶水茫茫春容消盡渾閒事
怕向籬邊摘海棠

其二

國朝詩的 卷之二 閩秀

古

經年不斷佛頭香願祝夫人壽未央不敢專房稱冠寵
開箱惟取舊衣裳

鄧 氏

過華陰題壁

三峯一別不知還玉女愁容鎖玉顏妾與王嫱同命薄
學騎邊馬度陰山

宋蕙湘 金陵人

題衛源邸舍

風動空江羯鼓催降旗飄颻鳳城開將軍戰死君王繫
薄命紅顏馬上來

其二

廣陌紅塵暗，鵲北風吹面綠。鉛華可憐夜，月筵篋引
幾度關山作暮笳。

其三

盈盈十五破瓜初，已作明妃別故廬。誰散千金齊孟德，
鑲黃旂下贖文姝。

趙雪華

吳中霸婦

題沐水李家庄旗亭壁

不盡雙娥向碧紗，誰從馬上撥琵琶。驛亭空有歸家夢，
驚破啼聲是夜笳。

國朝詩句

卷之二 閨秀

十五

日日牛車道路賒，偏身塵土向天涯。不因命薄生多恨，

青塚啼腸怨漢家。

葉子眉

廣陵人

題衛輝旅壁

剪落霓裳別樣粧，青驄有分斷河梁。文章漫說誇機女，
羞見虞姬舞袖長。

風送塵飛到鬢邊，傷心從此別江天。勸君莫問宮中事，
楊柳回頭起暮烟。

徐淑秀

昭陽

淮陰道中

昭陽遺子謫人間，曾列龍樓第一班。楊柳折來風雨夜，
芙蓉分得水雲顏。不知世上無金屋，猶說臺前賜玉環。
薄命今生遙集處，傷心何地可容閒。

袁九媽

君淑通州人

春遊曲

小姑愛遊冶，日向清溪汎。前林聞馬嘶，驚避百花裏。

感夢

大道本鴻濛，神化亦叵測。恍然夢境中，千里自頃刻。初
遊化人居，宮窟洵異域。青林抱遠岫，巖竇轉溪黑。行行
倏開朗，咫尺紫霄通。仙卉鬱葳蕤，幽禽炫五色。靈妃笑

國朝詩句

卷之二 閨秀

十五

相引來往山之側，飲我沈瀟漿。噉以天厨食，投贈碧琅
書。璀璨不可識，臨別示玄秘。拳拳戒努力，妙理貴希夷。
葆真在靡慝，神氣誠不虧。紅顏生羽翼，共返上清樓。庶
幾吾念息。

送四兄君鳴侍御按三晉

鳴笳疊鼓上河梁，紫陌爭看鐵面郎。鴈去此時瞻落日，
烏啼到處有輕霜。龍門山接青驄色，白馬津搖綉斧光。
春日采風汾水上，幾人猶憶舊宮牆。

朱德蓉

趙壁

送別黃皆令

青青楊柳枝飄搖大道傍大道多悲風遊子瞻故鄉執
杯送行客淚下沾衣裳憶昔弭遠棹明月浮景光孟觴
極良宴歌舞開畫堂好鳥得其侶舉翼雙翔翔膠漆兩
不解金石安可方分袂起倉卒永夜生悲傷吳山何渺
渺越水何茫茫芙蓉憑秋波熠熠吐幽香採以奉所思
所思難可忘

張德蕙 楚媛

送別黃皆令

一曲驪駒送酒卮離亭斜日影遲遲王孫芳草歸途見
驛使梅花去後悲秦望雲深遶客棹吳江楓冷繫人思

國朝詩的 卷之二 閨秀

七

遙知月照孤帆處正是風吹懸榻時

祁德蒞 湘君

送別黃皆令

畫閣聯吟恰一年此時分袂兩凄然雲間歸鴈路何處
林裏飛花香可憐遠客青山皆別思仙舟明月已無緣
懷君日後添離夢寂寞荒村度晚烟

祁德瓊 修媽

送別黃皆令

萬山寒秋月一葦寒秋波美人理遠棹秋色低星河送
君青雀舫贈君金叵羅別路不辭遠別酒不辭多良辰

惜分袂分袂當奈何雖有千金裝何如五噫歌

商景蘭 山陰人

送別閨秀黃皆令

徵調起驪歌悲風遠座發人生百歲中強半苦離別念
君客會稽金不因人熱今唱歸去詞珮環携皎月執觴
指河梁愁腸九迴折流雲思故島倦禽厲歸翮帆檣日
以遠漆膠日以澗索居寡蘭臭誰當和白雪交深多遠
懷憂來不可絕佇立望滄波相思烟霧結

卞氏 立文江寧人

古意

國朝詩的 卷之二 閨秀

七

廣除有虬柯靈鳥爲其巢春華不爲榮冬嚴不爲凋挺
託意遠衆對之誠孤標豈無數華木枝幹出雲霄賦質
荀殊異顏隨秋風飄君子慎樹立中心常寥寥

和吳太史西冷閨咏

桐花庭院蓄鶯雛紫蘚蒼苔綉石膚金屈戌邊聽絡緯
玉雕欄畔較樗蒲題蘭墨帶瀟湘氣看竹身移烟雨圖
撲檻蘋香清可掬欲將宜酒薦仙姑

十八夜送燈雨

迎燈麗日出天然此夕燈殘別有天好月不懸常閉戶
美人歸去靜垂簾窓前雨氣寒花葉簷下泉流咽管絃

惆悵不須追昨夜韶光容易到明年

夏日雨後登閣望鐘山

陰濃嘉木鳥聲清高閣凭虛遠緒生芳草粘天迷甸陸
溼雲籠雨壓江城繁華六代蒼烟盡王氣千年暮靄平
此際山靈應獨笑興亡誰問古今情

丙申中秋

前風昨雨釀今晴明月高樓何處聲入耳新聞初鴈話
隔鄰幽撥小瓊箏淮流不斷笳音渡吳曲難和塞吹橫
得句豈堪連袂詠石城竟有玉關情

范妹

洛仙如臯人

關朝詩的

卷之二 周秀

九

和延公夫子過曠菴看菊

獨坐溪秋夜東籬美爾過菊花應不少竹葉苦無多殘
月依蒼蘚寒燈射綠蘿詩成霜露急衣薄奈君何

蟋蟀

秋聲聽不得况爾發哀吟遊子他鄉淚空閨此夜心已
愁衾枕薄還慮塞垣溪蕭瑟西風緊堪憐霜雪侵

蔣葵

冰心泰州人

雨中新柳

溪黃淺綠雨中新纔倚雕欄便損神翠色最宜侵少婦
柔條未可贈離人衣沾清淚時時濕眉染濃烟故故顰

無力舞風飛更歇由來腰細不勝春

初秋三首

蕭然一葉下梧桐初覺涼生小閣風暑氣潛消人意爽
臥看新月到簾櫳
涼夜西風枕簟清鐘聲送月傍柴荆寒蛩也識秋光到
砌下窻前處處鳴

輕烟冷露染衣寒無數流螢繞画欄睡起悄然時悵望
秋聲多在樹林端

周瓊

羽步吳江人

贈吳菴仙

關朝詩的

卷之二 周秀

十

纔驚落葉鏤花城一徑春風感落英嶺上白雲朝入画
櫺前紅燭夜談兵文人薄命非因妬俠女狂歌更種情
安得五湖同載去好尋范蠡訴平生

秋夜感懷

露濃霜重葉初稀孤客無家鴈亦歸往事易悲休記省
壯心難遂且忘機深秋小院人愁坐澹月疎林鳥亂飛
遠戍城高殘角冷砧聲處處理寒衣

春居

小榻參差竹影斜衙門芳草鎖烟霞稜錚傲骨詩爲友
淡泊禪心画作家暖日不須來燕子春風爭肯逐桃花

凭闌細雨瀟瀟夜慷慨悲歌撫鐏釵

清明感懷

久潤侵培碧草生杏花寒食半陰晴一簾細雨梁歸燕
幾日東風樹老鶯淚眼看花如有恨旅懷中酒似多情
何時十畝偕賢侶箕踞空山咲月明

吳

琪 遊僊佛君長洲人

幽居志興

戢影衡門下悠然物外身擇林知鳥異藏尾識龍神山
靜雲光活溪閒草色新廢琴兼病雀相與得天真

聞友見訪感舊

聞朝詩句

卷之二 閨秀

三

蓬門來訪碧山秋別久相逢話更悠紅葉隱燈疎雨亂
白雲堆榻晚風幽自埋書劍新篁寺誰倚琴樽舊畫樓
料得百花洲畔月年年長照水空流

邨居秋夜

戢影蓬蒿厭得名閑吟長伴草蛩聲平溪月上魚無夢
溪樹雲來鳥不驚世慮漸消秋氣爽山花欲放旅魂清
從今我欲乘風去好和緱山子晉笙

秋聲

咽柳鳴槐較恨多一聲聲送夕陽過朱樓盡是笙歌地
不解悲秋奈若何

山居

樹遠不妨帆影落溪深常見鷺鷥飛不緣好僻尋山住
祇愛白雲無是非

劉氏女 攸縣人

無題

殘風殘雨總關情一曲平沙調不成鏡有明心同色笑
鴈無人字只聞聲良宵月仗清樽貯瘦骨衣圖白紵輕
莫賦湘靈思太切一泓煙水泪千泓

徒愛名花氣不羣難將心事托行雲竟當悲後銷何極
語次歡前俗亦文薄命有誰知瘦影黃昏無計挽斜曛

聞朝詩句

卷之二 閨秀

三

選憐歲歲湖山畔故寫湖山意問君

杜小英 辰州人

死節詩

家鄉一別已經春今日含羞到塞城忽聽將軍搜索令
教人何敢惜餘生

征帆又說過雙孤眼淚聲聲怯夜烏寧葬江魚波底沒
不留青塚在單于

骨肉難離弟與兄依人千里夢長驚歸魂欲返家園路
報道雙親已不生

厭聽軍中帶笑歌幾回腸斷嶺猿多青鸞有意隨王母

空教人間設網羅

遮身猶是舊羅衣
夢斷瀟湘何日歸
遠涉風濤誰是伴
聲聲遙祝兩靈妃

生小伶仃兩閣時
詩書曾拜母兄師
濤聲夜月悲何極
猶記挑燈讀楚詞

當年綉閣惜如珍
何事寒裳逐水濱
寄語雙親休眷戀
入江猶是女兒身

生年猶是未簪笄
身入狂瀾數不齊
河伯有心憐薄命
東流直達洞庭西

照影江干不勝悲
永辭鸞鏡欲雙眉
朱門空教借秦晉
國朝詩助

卷之二 閨秀

三

死後相逢總不知

圖史當年講解親
殺身自古美成仁
簪纓雖愧奇男子
猶勝王家共事臣

王蘭若 慈利人

出谷亭

僊凡咫尺鎖樓臺
偶放孤亭出壑來
松頂鶴飛常帶雨
窟中龍吼恍聞雷
石凝鐘乳當筵墜
露濟瑤花掛壁開
坐愛水天如鏡裏
清風時至掃蒼苔

戴文英 雪林江寧人

暮春晚霽

雨過濤聲急
青山帶落霞
遠觀歸陣鳥
近聽隔林蛙
細堦前草盈盈陌上花
東山初吐月
村酒不須賒

閨鴈和辰東兄韻

皎皎雙星夜未央
孤鴻嘹唳歷迴廊
差池羽帶吳江雨
哽咽聲悲冀北霜
一榻清風驚旅夢
半窗寒月憶家鄉
有書莫違邊城客
目送天涯更斷腸

春日苦雨

連朝陰雨妬春光
閣筆當風欲斷腸
最是夜闌人靜後
聲聲偏在讀書床

秋夜

國朝詩助 卷之二 閨秀

三

一簾秋月晚風涼
砧杵聲隨玉漏長
靜裏漫題愁絕句
怕聞蟋蟀近琴床

戴文蓮 雪心江寧人

春景

聲聲啼鳥夕陽天
拂面香風送管絃
幾樹妖桃飛野火
一溪嫩草吐寒烟
紛紛蝶花間繞對對黃鸝柳外旋
最愛芳菲深鎖處
半灣流水正涓涓

秋柳

縷縷牽情傍渭河
亭前寂寞唱離歌
綠條別去芳陰少
黃葉飄來瘦影多
春怨年年愁裏斷
秋思歲歲夢中過

婁 巽

杭州人

賦得三月三日天氣新

三月三日天氣新隋隄被禊有佳人
穠桃弱柳爲寫真
十八鬟垂粉黛勻遠遊文履踏陽春
羅袿冶袖繡鳳麟
蹇裳持畫楫清歌美倩朗丹唇
採蘭擢素手隨風弄水
翫燕身飄搖可望不可親
窈窕迥出燕與秦金屈厄盈
酌縹酒銀絲縷細膾飛鱗鳴芳樹
挂酒旆花落晴川
拂釣綸短簫橫笛落香塵
遺鈿墜珥奚足珍
雲綃翠錦
凝洛神朱輪裏綠楊津
鷺鷥鸚鵡不記巡芳園處處
列錦茵玄鳥上下動藻蘋
蘭亭小榻書縑巾青裙縞袂
朝詩句
卷之二 閨秀
不可倫伊其相謹羅敷嘆

題李太君遺照

披拂生綃望儼然正襟危坐石峰前
穿墉昔佐山公宴
劉薦曾聞湛女賢
陽羨春茶浮碗碧
迦陵小鳥掠花旋
他年會返遼東鶴可識寒園草素牋

憶女

皎皎中庭月哀哀孤雁聲
憶兒渾不寐合眼話平生

吳氏

別號清華

人

悼亡女徐淦霞

朔雲結慘悽廣陵濤怒立闌中一
翬笄親知盡心盡我

蕭蕭萬卉無窮思往事堪悲怎奈何

王瑤湘 番禺人

咏懷

僻性好神仙學綰麻姑髻
麻姑挈我遊窈窕雲之際
綰絲綉裙旖旎芙蓉帶
滿把瓊瑤花吹落人間世
雙鸞舞紫霞雌雄聲嘒嘒
玉珩諧鸞鳴和以千秋歲

淩廬雜咏

滅燭罷瑤琴倚闌看月落
白露霑羅裳徘徊聽殘角
流雲盪幽草松風驚野鶴
陣陣蕙蘭香藥圃烟漠漠
寂寂伴蟲吟幽懷誰可託

國朝詩句 卷之二 閨秀

五

送別二首

孤舟暮歸去別路江南樹
烟外有鐘聲故人在何處
落日孤雁飛秋深野草稀
小樓人去後夢憶寄寒衣
板橋黎雪娘見貽玉簪紅白各一
酬以沉水香墜

并綴短章

我綰麻姑髻君貽雙玉簪
自慚君子珮珍重美人心
白玉如瓊雪紅玉如瑤霞
今朝明鏡裏不用更簪花
癖性頗好道新裁五嶽劍
劍中簪美玉正好禮仙壇
忽枉瓊瑤贈何當報木桃
雕奩無一物點檢寸心勞
匣中沉水香刻作兩鴛鴦
平生不輕贈重裹紫絲囊

眼日加昏我氣時填塞悲哀匝月餘與汝爭一息

夜深頻入夢宛然舊顏色執手娓娓言醒來猶記憶汝

夢今已完我夢何時畢一燈光熒萬感攪胸臆

年年設帳辰歛謳悅耳目今夕云何爲哀聲撼山谷修

短固有命毋乃太迫促汝聲不復來何以慰焚獨

漢亭二兄來邗話舊誌感

蓬萊小閣叩真仙性若能參命自延西嶽靈桃還未實

東溟綠水已成田雁迹午夜鄉心斷風颭秋燈隻影憐

空谷忽來雙竹杖老年歡聚話從前

心跡雙清卽澗阿諒茅不向白雲窩眼前花月勤參究

國朝詩的 卷之二 閨秀

三

腹裏陰陽費琢磨芝圃鋤成黍米熟蒲團習靜妙香冬

休教鶴羽飛蓬髮挽住春光莫放過

瓶梅

孤山分取一枝殘鐵骨離奇耐歲寒雖貯玉瓶難結實

清香留與世人看

陳毓嗣 官山長沙人

送煊兒北上應 安親王之徵

未曾離膝下送子今遠行水陸數千里舟車日夜程縱

縫針迹密裙絕淚痕盈一寸癡腸在隨兒到處縈

燕王聞下士重築黃金臺何意來驃騎先期禮郭隗日

邊花正暖梁苑客多才莫漫彈長鋏持身慎自裁

得夫子陶君五嶽報云家太史翁奉 詔出獄志

喜

破巢已分墜深淵力盡心枯君倍憐豈意八行書寄我

喜云三省意回天從來忠義非常事竟得生全豈偶然

痛定不堪思舊痛剪髮鬻絹且重圓

吳 禪 華分江南歙縣人

送姑攜長男先返長沙

故國今初返湘南道路長大姑相見喜小婦別離傷宅

第非當日情形似異鄉洞庭秋水濶旦暮慎衣裳

國朝詩的 卷之二 閨秀

天

灑淚送行舟滔滔江水流今朝離此岸明日宿他州白

髮攜孫伴青山任客投三湘風景處帆掛岳陽樓

梁溪道上和家大人聽翁韻

一片征帆速因風不肯停柳絲遮市綠山影倒河青嘉

園懷詩客名泉落酒星就船得魚美不亞五侯鯖

月下煮茗喜大兄石葉至

月上兄初至清談茗一杯影從花裏散茶自雨前來小

妹能知字深闢不用才吟成長短句多半向君裁

送夫子念昔遊金陵

此遊名勝地須認舊繁華芳草秦淮岸斜陽燕子家江

聲無銀鎖淚口有桃花多少興亡事山陵見暮鴉

黃克異

何言

提葫蘆提葫蘆無錢莫向東家沽阮生痛哭山之阿提

葫蘆泪如梭

公公掛鈎下灘布網上灘截流海毋泣兮蛟奴愁公公

掛鈎網晒船頭魚蝦絕影旁及泥鰍大者沽酒小者換

油族類盡網罟休一聲欸乃江上秋公公掛鈎

棄兒行

棄兒不得賣兒金賣兒不識棄兒心賣兒母得三日飽

棄兒詩

卷之二 閨秀

未

棄兒但望兒得生去年憐兒不忍賣今年欲賣路無人

枯樹無皮草根盡兒啼無食母亦啼昨日良人死空屋

阿翁今日填深谷早死猶得飼饑烏遲死隣家賣子肉

棄兒與君君勿辭但得兒生死亦足壽哉遭此凶年苦

皇天殺人不用斧吁嗟乎當年得兒知黃金今朝棄兒

如糞土

竹簾

舒卷由人力飄飄老此生堂深香欲燼風靜碧無聲薄

質破難合柔絲縮易成回看湘水上直節自瑤琤

瓶中白荷花

紗牕靜掩寂無譁獨對亭亭出水花翠蓋尚疑擎曉露

碧筒真擬貯流霞已辭脂粉超凡俗更脫汗泥絕點瑕

回憶橫塘最深處暗香十里晚風斜

登虎丘

平川如掌綠侵扉疊閣層樓護翠微不放山光隨樹出

却教水色入窓飛雁橫浦上秋雲薄帆轉林梢白浪肥

游罷莫尋妃子蹟閭閻塚上草萋菲

雲松有引

雲松野草也葉青花赤燦然可愛取奇者隨物

肖形蔓引無迹是日所見者爲屏風及獅虎之

雲松詩

卷之二 閨秀

未

類

當庭繡出錦屏風野艸誰栽半畝宮雖是蔓延隨物轉

喜無圭角與人同葉垂絛索浮青碧花放游絲吐紫紅

笑指柔枝能肖絕爲蛇爲虎亦爲龍

清明

濃烟着樹迷山色亂竹隨風弄雨聲一望水雲連四野

錯教人說是清明

龍循

望江人

送胞兄仙石之星沙

單車遙指水雲鄉湖畔鶯啼草正芳莫道長沙卑濕地

漢家才子亦浮湘

送夫子吳殿虎返秦淮

柳折江頭帶夕煙，千山萬水一歸人。
計程君到秦淮日，烟雨桃花尚暮春。

吳憲佩芳廣陵人

立春風雨寄夫子僊石

何事逢佳節，輕寒逼絳紗。
風將舒柳葉，雨欲洗梅花。
良宴今何在，青燈話舊家。
雷江共春酌，曾否念天涯。

落葉

隨風陣陣打欄杆，日日園林看漸殘。
逕僻積深迷舊路，

國朝詩的卷之二 閩秀

圭

山空禿盡出層巒，烟中不見千重綠。
霜後還餘幾處丹，却憶吳江正寥闊。
一泓澄練晚波寒，

客中書懷次夫子僊石原韻

愁心相對一燈燃，耳畔砧聲起四邊。
待月未來聊散步，拋書無那畧歌眠。
人歸大抵黃花候，客夢先驚白雁天。
楚水吳山空悵望，幾時纔放廣陵船。

憶家大人之姑蘇

依人無奈豈忘家，想見登樓起嘆嗟。
計到姑蘇應一月，洞庭山上望長沙。

雨中聞遂

誰吹玉笛斷柔腸，零落梅花半夜霜。
只與猿聲共悽絕，那堪風送入蘭房。

聞雁

鄉心日日淚空彈，無那秋聲入夜寒。
愁絕夢中驚覺後，蕉窓細雨一燈殘。

徐暗香 晚蘭南昌人

重陽

又是黃花節，江城樹樹秋。
雁迷雲外路，烟鎖夕陽舟。
月明雙杵高風感，散盡閨中殊寂寞。
閒理玉搔頭，江渚芙蓉老高天。
白雁飛風霜凋玉樹，南北寄衣把

國朝詩的卷之二 閩秀

圭

酒酌籬菊登高望，落暉淵明三逕好。
閒坐欲忘機，

寒食

輕寒依舊逼窓紗，清曉焚芸澈紫芽。
三月鶯花寒食近，五更風雨夢魂賒。
青烟初賜宮中火，綠柳頻栽處士家。
却恐春光歸去早，柴扉深鎖碧桃花。

錢稚英 西晚海昌人

題山莊雪霽圖

主龍戰罷堆鱗甲，茆屋蕭蕭縹緲中。
山是晚來分嶺白，日從曉上透林紅。
應知倒竹垂將起，料得飛鴻踏漸空。
寄語隔溪扶杖客，不須鵲筆禦寒風。

山意

襟懷每與世相違幽谷雲深蕨正肥
猿若聽呼堪作婢竹當可結便爲扉
飢充一鉢松花飯寒著千針荷葉衣
年去年來無曆日梅花綻玉識春歸

分竹

茆齋添得綠陰勻開徑他年亦有因
日暮倚來情似舊月明疎處影偏新
乍移幾度憐晴雨深愛暮朝作比隣
養就龍雛見高節饒涎太守忍清貧

夜讀

抽得牙籤却起更離騷繞罷又陳情
隣將杼軸爲酬和

國朝詩的 卷之二 閩秀

三

婢解丹黃亦友生冷靜倍堪尋意味
辛勤端不望功名秋聲賦裡歐陽子
一片冰心對月明

雁字

迢遞關山宿水湄乘風斜掠掃千軍
修文有路排青漢潑墨無箋借白雲
螭篆成書難竊比雅飛撲雪豈同羣
蘆花冷落秋濤裡待汝歸來寫八分

徐德音 再見

讀吳徵士家傳書後

徵士諱雲字舫翁江西安福縣人前明時以翰林徵不受

入本朝有以博學宏辭薦者復峻辭之卒以遺民終老

蹈海成奇節栖巖作隱淪河汾隋教授栗里晉遺民沒

齒辭纓帛清儀想鳳麟餘芬被方冊曠代見斯人

再書吳母王太君傳後

太君諱淑貞前家宰王莊簡公女孫歸吳徵士爲配

會安福山寇猖獗太君勞面自毀誓在必死乘間奔逸匿于山中卒與後君偕隱

憶昔逢蛾賊鄉閭盡震驚臨危甘誓死用智却完貞
偕隱成高尚都能薄世榮千秋陶翟後更見樹風聲

劉大家輓辭

大家諱繁前江西解元劉淑女孫歸吳徵士文學

才子延陵婦名家壺德賢簫樓方引鳳
箏柱竟摧絃遺響銷環珮芳情散簡編
巾箱閱歲頌感喟一泫然

吳山 岩子當塗人

襟感

國朝詩的 卷之二 閩秀

三

富貴交黃金貧賤交杯酒區區道義交
十不得九曳履出北郭披襟坐南牖
龍惟蟄乃神石以介而久持此靜者意
相將破諸有

大山不壓地大雲不蔽天所以至人心
萬物息其淵昨聞貴者賤今聞醜者妍
造化有乘除至理無謝遷悠然與靜會
身大包黃玄

陳士更 學恭天長人

五妹亡後一夕家大人夢其作詩一首
覺後命予

偕諸妹次韻

荒祠人散閉棺初 棺殯於水府祠
短燭熒熒照暗廬風旋紙錢

聞曉砌烟熏應網落殘書侍兒搵淚焚香至乳媼傷心
問疾餘最苦生前多少恨夢中猶覺語言疎

陳士安 學莊天長人

前題和韻

把袂殷勤入夢初喃喃相送出峭壁花陰忽變風鈴語
塵跡空留鳥篆書月耿斷魂猶未沒獨抱殘淚已無餘
隔窗影影聞行跡一徑陰森暗柳疎

陳士興 學純天長人

前題和韻

黃昏人靜暮寒初不見歸來入故廬月姊宵隨泉路客

國朝詩的 卷之二 閨秀

三

封枝應送夜臺書墨痕在壁臨池後線續粘衣刺繡餘
一度思君一惆悵那堪梧柳夢蕭疎

附原唱 時隨家大人宦遊秋浦故有聯規等語

江天十月作寒初千里羈魂戀故廬舊篋香餘紈扇粉
殘燈昏照綠窓書恩淡乳哺三年後夢阻鄉心四載餘
諸父永辭諸姊隔霜梧衰柳夜蕭疎

余性淳 前題三韓人

寄征夫衣

紙窗風過鳴如吼新涼清透羅衣袖踟躕忽憶征夫寒
整衣淚湧難成就幾番欲剪又尋思腰圍可得還依舊

叮嚀遠寄向是庭製袍人比黃花瘦

秋夜

燭暗蘭閣夜氣清長天遙聽雁飛鳴城頭畫角隨風至
庭外霜華襯月明葉落井梧秋有韻露滋簾箔濕無聲
沉沉寒沁梅花幙漏滴愁心夢未成

夏景

深深庭院口初長獻水芙蓉吐異香簾捲玉鈎朝雨散
簾鋪湘水午風涼竹搖清影初辭簾燕引新雛故遶梁
靜坐書窗無一事瑤琴三弄已斜陽

宮怨

國朝詩的 卷之二 閨秀

美

微微風送上陽鐘昨夜輕寒睡未濃鸚鵡不知人意懶
聲聲偏喚整花容

樓閣崔巍烟霧中顰眉寄語怨東風羊車有路皆芳艸
却在昭陽第几宮

無奈春風送夕暉侵階芳草更萋萋回看梁畔呢喃燕
故向幽庭並翼棲

吳震 次成全椒人

古風

勸君莫作絲絲成無用之慎勿更織錦織錦難成詩絲
雖顏色好經年有故時錦字多悲憤枉自蹙娥眉

江水正悠悠，江水清且流。妾思若江水，繞君萬里舟。君行如蕩子，蹀躞溝水頭。妾念君恩重，三顧復凝眸。寄語當努力，歲月不可留。

河間有兔絲，弱質零懷抱。綠葉動春蕪，枝莖亦自好。不附女蘿枝，焉得長相保。一旦寒霜至，依然萎秋草。可憐正芳時，枯彫何太早。

十五夜候月登半山樓

碧嶂開青眼，晴雲亂晚峰。微涼松上月，清冷竹邊風。雨過螢飛定，鐘鳴鳥夢空。倚樓極長嘯，天際與秋同。

桂殿懸半戶，明月下南樓。雲淨千山曉，風涼五月秋。詩

朝詩的 卷之二 閨秀

懷追白傳仙，興學丹丘臚。目天無際迢，遙見斗牛。

春日恭謁 孝陵

龍蟠山色五雲空，寢廟巍峩瞻拜中。滿砌草揪幽殿綠，傷橋桃鎖御牆紅。不階尺土功侔漢，一著戎衣日再東。

曆數千今十四世，猶餘宮監說遺風。

鸞曲曲苑，朝宗迤邐雲深一徑封。綠冷江山金殿瓦，書凋日月寶城松。路人禁踏當宮道，石馬陰嘶出護從。

秋月春烟三百載，蒼涼誰辨孝陵鐘。

奉訓余夫人雨窓感懷十首卽次元韻 選二

四十年來擲水流，江山異地鎮相留。風帆消息牽新夢，

雲樹紛披擁舊愁。月破疎櫺侵病髮，居潛僻巷少行驄。詩竟已逐家鄉外，短笛長吟盡欲勾。

永滿池塘潤綠菱，詩人風物任安排。荷能瀟灑成高志，柳亦溫柔放好懷。且讓綠絲爭計巧，莫憂鸚鵡舌向時乖。傳君城北家園勝，如此秋光肯易埋。

胭脂井

紫金山上月輪秋，猶照胭脂井內愁。玉樹不聞山笛曉，牧童吹散舊風流。

沈德禎 仁英柏鄉人

九月十三日晚閒步堦除，仰觀銀漢月色皎然感。

朝詩的 卷之二 閨秀

別而作

耿耿銀河天氣清，桂輪斜照碧窓明。風吹翠竹頻翻影，蛾滅昏燈巧弄情。落日孤雲人去意，殘更永夜雁歸聲。閑堦佇立真無那，欲寐應愁夢不成。

寄外

長河半沒雁飛時，默對南征寄所思。欲倩麝煤書一語，正當腸斷讀君詩。

又

月暗西隅漸欲收，不曾愁處也知愁。流螢似解予幽寂，却趁風吹上小樓。

陳結璘 玉君古詩人

悲梧鳳 步古韻

有祠生崇岡團團如偃蓋居然琴瑟姿已遇風雲泰鳳
時棲其上羣鳥歌且拜豈知千年根中路柯葉壞出非
不得地盤踞誠高大天道忽難憑一夜霜飈改丹鳳本
靈雛哀鳴翔乎外鵲鴉志意滿踞踞恣吞害有人或見
之佇立久嗟怪子亦聞此故悶倚無聊賴

駐馬孟津署中習射

風塵蕩蕩馬蕭蕭孟邑停車學射鵬畫角鳴時諸駿肅
丹旗捲處畫雲消軍門漸識穿楊技閑閑何妨奪錦標

國朝詩的 卷之二 對秀

願與平陽齊偉烈助君此日得三貂

金如式 德貞全叔人

偶成

一片濃陰翠欲連惜春又是夏初天其如過眼繁

無那驚心物候遷雨密暗知蕉葉長煙晴漸逼柳花旋
青雲碧海誰能判惟見諸峰似昔賢

又寄十四弟

雁字頻傳問起居文園貧病近何如垂楊亭子梧桐院
好耐春秋讀異書

田園雜興

新晴緩屐過邨西菜麥田青水柏堤放鴨船歸香雪滿
聽鶯橋斷麴塵迷滄桑任老花三徑烽火難更雨一犁
何處芳菲堪桂眼十年魂夢武陵溪

嶺外輕雷暑氣蒸前檐翁媼話年登危塍雨過難容展
狹港舡歸喚起罾虹影蘸湖雲自歛烟光鎖樹翠猶凝
休耘荷鍾橋頭立晚市爭看販早菱

秋日郊墟喜漸涼稻花阡陌散晴香爭梨鳥雀喧斜日
踏藹兒童鬧晚塘老樹在門常掃葉好山當戶故低墻
悠然獨坐南窓月早桂清芬白芋裳

國朝詩的 卷之二 對秀

四

雲重風高暮雪天冰花朵朵漸裝綿寒驢尚怯霜橋跡
羸馬偏驕紫塞鞭茶沸竹窓桃宿火香深松戶最寒烟
悠然更起山陰興欲借林逋放鶴船

張 昊 槎雲錢塘人

觀潮

風急秋江晚潮聲落照前遠疑千練白高並一山懸孝
感曹娥志忠雷伍相賢千秋遺恨在故令怒濤傳

和文漪登六和塔

古塔凌霄古鶴棲憑高俯仰萬峯低遙帆流水來何極
野樹江雲望欲迷漠漠遠天滄海合悠悠落日晚山齊

登臨此際渾忘返遙聽城頭烏夜啼

寒食

人倚雕欄竹倚衣女桑遙聽子規啼陌頭楊柳休攀折

繫住春光不許歸

國朝詩別裁集三十二卷

〔清〕沈德潛輯評

清乾隆二十五年教忠堂

刻本

北京大學圖書館藏

國朝詩別裁集序

國朝

聖聖相承皆文思

天子以故九州內外均沾德教餘事作詩人者不啻越之縛燕之函秦之廬夫人能為之也予輯

序

一

國朝詩共得九百九十六人詩三千九百五十二首較之錢牧齋列朝詩選朱竹垞明詩綜祇及十之二三於數為少及觀唐殷璠河嶽英靈集云自貞觀及開元共得二十二人詩二百三十四首高仲武中

興間氣集云自至德元年五

大歷末年作者數千選者二十六人以予所輯較之又於數為多然而不嫌其少者以牧齋竹垞所選備一代之掌故而予惟取詩品之高也不嫌其多者以殷璠高仲武

序

二

操一律以繩衆人而予唯祈合乎溫柔敦厚之旨不拘一格也自問學殖疎淺見聞狹隘中間略作小傳遠遜牧齋之詳略存詩話遠遜竹垞之雅唯殷璠所云權壓梁竇終無所取者敢竊比焉高仲武

所云苟悅權右取媚薄俗者
庶幾免焉書成凡三十二卷
付諸剞劂播諸藝林或以為
是而褒之或以為非而斥之
或以為不煩褒斥而置之
聽乎當世之辭人予不得而
知之矣

序

三

乾隆二十五年仲冬日沈德
潛自題時年八十有八

此係增減第一次本也初審刻本校對欠精
錯誤良多甚有評語移入他篇者茲既一
改正又當代名流蒐羅未廣茲復增入諸家
以補從前闕略稍加芟夷不啻予近探求
虞手風雅之旨也重付開雕質之執苑玉南
粵西江翻刻比初次刻本錯字尤多識者自
能鑒諸

德潛又識

凡例

詩之為道不外孔子教小子教伯魚數言而其立
言一歸於溫柔敦厚無古今一也自陸士衡有緣
情綺靡之語後人奉以為宗波流滔滔去而日遠
矣選中體製各殊要惟恐失溫柔敦厚之旨

本朝

御製詩如日月經天江河行地千百世當奉全集
為準繩非臣子所敢選也錢牧齋選明高帝以下
諸帝詩失尊君之體矣茲編不敢采入

三聖御詩別於牧齋選本

國朝詩別裁集

凡例

教忠堂

黃崑圃侍郎多藏北方學者詩王遴汝上舍多藏
南方學者詩余從兩處翻載而來選中所收幾有
十分之三餘皆逐漸徵取鱗次投贈積久成多以
供采擇然四方萬國其邊徼之遠不能遍收也挂
漏實繁不無遺憾

國朝選本詩或尊重名位或藉為交遊結納不專
論詩也陳檢討篋衍集較諸本為善然祇及康熙
癸丑以下闕如茲補癸丑後八十餘年詩而名位
交遊之念不擾於中此差可自信者

是選以詩存人不以人存詩蓋建豎功業者重功

業。昌明理學者重理學。詩特其餘事也。故有功業理學可傳。而兼工韻語者。急采之。否則人已不朽。不復登其緒餘矣。觀者諒之。

人必論定於身後。蓋其人已為古人。則品量與學殖俱定。否則或行或藏。或醇或駁。未能遽定也。集中采取。雖前後不同。均屬已往之人。

詩必原本性情。關乎人倫日用。及古今成敗興壞之故者。方為可存。所謂其言有物也。若一無關係。徒辦浮華。又或叫號撞搪以出之。非風人之指矣。尤有甚者。動作溫柔鄉語。如王次回疑雨集之類。

國朝詩別裁集

凡例

二

教忠堂

最足害人心術。一概不存。

詩不能離理。然貴有理趣。不貴下理語。陶淵明。汲冢。魯中叟。彌縫使其淳。聖人表章六經。二語足以盡之。杜少陵。江山如有待。花柳自無私。天地化育萬物。二語足以形之。邵康節詩。直頭說盡。有何興會。至明儒太極圖兒大先生。帽子高。真使人笑來也。選中近此類者。俱從芟薙。

唐詩蘊蓄。宋詩發露。蘊蓄則韵流言外。發露則意盡言中。愚未嘗貶斥宋詩。而趣向舊在唐詩。故所選風調音節。俱近唐賢。從所尚也。若樂府及四言。

有越唐人而竊攀六代漢魏者。所云雖不能至。心嚮往之。

前代臣工。為我

朝從龍之佐。如錢虞山。王孟津諸公。其詩一並采入。準明代劉青田。危太朴例也。前代遺老。而為石隱之流。如林茂之。杜茶村諸公。其詩概不采入。準明代倪雲林。席帽山人例也。亦有前明詞人。而易代以來。食毛踐土。既久者。詩仍采入。編詩之中。微存史意。

詩人名下。未詳生平者。祇載其表字省分郡邑。與國朝詩別裁集

凡例

三

教忠堂

夫科目官位之有無。若傳志可考。軼事可傳。詩話可引。或詳或略。輒綴評論。使讀者得其詩品。并如遇其為人。

卷中有科目者。一以科目之先後為次。無科目者。約以輩行之先後為次。

世祖十八年。俱先科目。而後詞人。

聖祖六十一年。若準此例。恐輩行之先後。太相懸矣。故三分二十年。科目詞人。相間次第之。

世宗朝及

今上二十五年以前。仍準

世祖朝之例

人之無名位者。一生無他嗜好。惟孳孳矻矻於五字七字之中。而忽焉祖謝。苟無人焉表而章之。人與詩歸無何有之鄉矣。予與同人遠近徵求。志其生平。聊存發潛聞幽之意。

閨閣詩前人諸選中。多取風雲月露之詞。故青樓失行婦女。每津津道之。非所以垂教也。選本所錄。罔非賢媛。有貞靜博洽。可上追班大家。韋逞母之遺風者。宜發言為詩。均可維名教倫常之大。而風格之高。又其餘事也。以尊詩品。以端壺範。誰曰不國朝詩別裁集

凡例

四

教忠堂

國初詩僧。有棄儒而逃入禪學者。詩自激昂頓挫。錚錚有聲。其後多習口頭禪說。以偈為詩。即有稍知向學者。亦祇奉弘秀集一類為金針。於源流升降。茫然於中也。廣為蒐羅。共得四十四人。中有能讀儒書。通禪理者。格外賞之。羽士二人。附釋子之後。

初刻中郵寄篇翰。時候不齊。有鈐板將成。陸續遠到者。科目輩行之先後。不能倒置也。因於三十二卷外。復輯補遺四卷。今俱叙入三十二卷中。並歸

正集矣。故卷數較少。而詩篇較多。

詩中有相沿誤用者。如孤負之誤辜負。

李陵答蘇武書。孤負。陵心。陵雖。

孤恩。杜詩。孤負。滄洲。願。韓詩。孤負。平生志。皆是也。辜罪也。與負不協。

疑丞之誤凝丞。左輔。右。兩。前。疑。後。丞。疑。謂。有。疑。而。問。也。疑。

蒼黃之誤倉皇。北山移文。蒼黃。反。覆。杜。詩。形。勢。及。蒼。黃。昌黎文。值。吾。南。逐。蒼。黃。分。散。柳。州。文。數。州。之。大。蒼。黃。嘆。嗟。宋。史。遷。云。身。為。閩。閩。之。臣。文。翁。傳。人。以。後。始。有。倉。皇。

閨閣之誤閨閣。史。遷。云。身。為。閩。閩。之。臣。文。翁。傳。人。以。後。始。有。倉。皇。閨。閣。之。誤。閨。閣。使。傳。教。令。出。入。閨。閣。注。謂。東。向。小。門。也。二。字。不。專。屬。之。婦。人。又。相。臣。避。尊。居。閨。故。云。

爛漫之誤爛漫。黃。閣。老。宋。後。改。為。閨。詩。中。唐。以。前。宜。閨。宋。以。後。宜。閨。爛。漫。之。誤。爛。漫。爛。漫。見。魯。靈。光。殿。賦。說。文。玉。篇。等。書。並。無。爛。漫。字。

匡襄之誤劬。匡。襄。之。誤。劬。劬。貌。楚。辭。達。世。之。助。勸。急。遽。不。牢。助。勸。將。通。語。如。何。混。為。一。誤。認。濫。觴。為。末。流。始。出。於。峽。山。其。源。始。於。濫。觴。濫。泛。也。觴。酒。杯。也。言。初。出。微。而。清。和。為。四。月。賦。仲。春。之。下。流。始。大。也。近。人。多。以。濫。為。爛。以。觴。為。傷。矣。

清和為四月。賦。仲。春。之。月。時。和。氣。清。謝。靈。運。詩。首。夏。猶。清。和。言。四。月。猶。二。月。故。下。云。芳。草。亦。未。歇。也。後。人。有。四。月。清。和。兩。字。暗。句。失。却。猶。字。義。矣。

此類不可

國朝詩別裁集

凡例

五

教忠堂

枚舉他如委靡靡聲字百揆揆聲字之類無平聲

者誤讀平聲。漕字雍字丈人行字字穴長字之

類有兩音者。惣讀平聲。衛。有。漕。邑。平。聲。運。漕。之。漕。去。聲。雍。和。辟。雍。平。聲。雍。州。之。雍。去。聲。行。列。之。行。平。聲。

朝請之請非上聲宜讀去聲。漢。律。春。秋。曰。請。寧。馨。之。寧。非。平。聲。宜。讀。去。聲。朝。曰。朝。同。親。音。寧。馨。之。寧。非。平。聲。宜。讀。去。聲。朝。曰。朝。

寧馨之寧非平聲宜讀去聲。張。謂。詩。家。無。阿。堵。物。門。有。寧。馨。兒。東。坡。詩。空。使。寧。馨。亦。不。可。枚。舉。集。中。一。一。校。正。恐。外。間。溺。於。俗。

本轉以為謠故一論列之。

是集初始於乾隆乙丑至戊寅歲告成鐫刻今歲

庚辰又復增刪鏤版共經十六寒暑矣然尠見寡

聞雖殫苦心祇抽孤緒恐無當於大雅之林也四

方學者有諒予之愚。竊啓未逮。所深望焉。

國朝詩別裁集

凡例

六

教忠堂

國朝詩別裁集卷一

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

錢謙益

字受之江南京常熟人萬歷庚戌賜進士第三人國朝官至禮部尚書著初學有學二集○尚書天資過人學殖鴻博論詩稱揚樂天東坡放翁諸公而明代如李何王李概排斥之餘如二袁鍾譚在不足比數之列一時帖耳推服百年以後流風餘韻猶足驚人也生平著述大約輕經籍而重內典秉正史而取稗官金銀銅鐵不妨合為一鑪至六十以後類然自放矣向尊之者幾謂上掩古人而近日薄之者入謂漸減唐風貶之太甚均非公論茲錄其推激氣節感慨興亡多有闢風教者餘靡曼嚙殺之音卷焉見初學有學二集中有焯然可傳者也至前為黨魁後逃禪悅讀其詩者應共悲之○牧齋詩如吾道非欺何至此臣今老矣不如人屋如韓愈詩中句身似王維畫裏人工緻有餘易開淺薄非正聲也五言平直少蘊故不錄

陸宣公墓道行

國朝詩別裁集

卷一

一

教忠堂

延英重門晝不開。白麻黃閣飛塵埃。中條山人叫閤哭。金吾老將聲如雷。蘇州宰相忠州死。天道寧論乃如此。千年遺櫬歸不歸。兩地孤墳竟誰是。人言藁葬在忠州。又云徵還返故邱。圖經聚訟故老開。爭此朽骨如天球。齊女門前六里路。薈麥茫茫少封樹。下馬猶尋董相墳。飛鳥孰辨孫王墓。青草黃茅萬死鄉。蠅頭細字寫巾箱。起草尚傳哀痛詔。閉門自驗活人方。永貞求舊空黃土。元祐青編照千古。人生忠佞看到頭。至竟延齡在何許。君不見華山山下草如熏。石闕豐碑野火焚。樵夫踞坐行。

人唾傳是崖州丁相墳。墓之附會與否不必論重其人重其墓也結語專及丁相墳者以丁謂蘇人墓在蘇州故用反面觀託前輩微引不同之說

團扇篇

合歡團扇美人作。輕雲如紈雪如素。裁成顧免舒月波。畫出乘鸞上天路。美人容華傾六宮。含羞却扇嬌且慵。自分團樂賽明月。豈知搖動生秋風。碧天一夜秋如水。炎涼盡在君懷裏。不怨秋風坐棄捐。却愁明月長相似。秋來明月正嬋娟。別殿長門是處懸。從教妾扇經秋掩。但願君心並月圓。君心如月不可擬。妾扇團圓那忍割。可憐團扇無蔽虧。

國朝詩別裁集

卷一

二

教忠堂

不比清光有盈缺。奉君清暑為君容。莫道恩情中路空。蛛絲蟲網頻垂淚。還感君恩在篋中。自注張子自注張子此名對落職後詩也卷念恩情收藏寄篋與小丈夫悽悽者真焉

題宋徽宗杏花村圖

宜春小花春風香。宣和秘殿春晝長。帝所神霄換新詔。江南花石催頭綱。至尊盤礴自遊藝。宛是前身畫師製。歲時婚嫁杏花村。桑麻雞犬桃源世。杏花村中花冥冥。紆千山崔羣飛鳴巾車挈篋去何所。無乃負簷趨青城。君不見杏花寒食錢塘路。鬼燐燈藥風雨暮。麥飯何人澆一盂。孤臣哭斷冬青。

樹

玉堂雙燕行送劉晉卿趙景之兩太史謫官

玉堂畫暖薰風香。雙雙燕尾搖倉琅。背飛並映銀花榜。託宿交棲玳瑁梁。感君恩重巢君幕。顧影呢喃前復却。何當鳴梧比丹鳳。且願銜花效黃雀。啁哳辭歸未忍歸。差池掠羽試雙飛。風迴鈴索聲猶在。日過花磚候已非。珠簾十二秋風促。蘆雪菰煙何處宿。明年社日蚤歸來。簡口銜泥補君屋。為謫官者言自

宜以銜泥補屋望之此立言體也與園翁篇用意畧同

送福清公歸里

國朝詩別裁集

卷一

三

教忠堂

甘陵南北久分岐。鶴鷺雍容彼一時。抗疏有人盈瑣闥。顧名無闕省呆愚。恩牛怨李誰家事。白馬清流異代悲。八載調羹心獨苦。臨行諄復外庭知。鶚立朝端領搢紳。飄蕭鬢髮見風神。契丹使亦知元老。回紇占應見大人。代許孤忠留一柱。帝思耆德撫三辰。吳門咫尺鄰閭闔。珍重東山五畝身。三四此以文潞公郭汾陽史事須如此用。詩作於萬曆季年。福清公葉堂山向高也。公在政府士林倚以為重。後以不能救萬燦死。又林汝翁件庵羣奄辱及於公公去而東林君子無唯類矣。詩中白馬清流其有先見乎。

戊辰七月應召赴闕車中書懷

三年嚴譴望修門。隨例趨朝又北轅。聖代故應無

棄物孤臣猶有未招魂。夕陽亭下人還過。端禮門

前石尚蹲。重向西風揮老淚。餘生何以答殊恩。寥廓高天一冥鴻。肯隨烏鳥問雌雄。紛紛豈止容卿輩。碌碌何須笑乃公。赤汗馬應空冀北。白頭豕自媿遼東。郊原無限停車思。落日披襟得遠風。

臨城驛壁見方侍御孩未題詩

驛吏逢迎舊赭衣。生還今日是耶非。綸竿喜值金雞放。華表真同白鶴歸。抱蔓摘瓜餘我在。破巢完卵似君稀。循牆歎息看題句。淅淅秋風起夕扉。言清流幾盡已獨存也。破巢完卵。言進言被禍身幸存也。

言清流幾盡已獨存也。破巢完卵。言進言被禍身幸存也。

國朝詩別裁集

卷一

四

教忠堂

召對文華殿旋奉嚴旨感恩述事

宮廷初散鼠狐羣。殷殷成雷又聚蚊。卷舌光芒仍炫耀。台階氣象向氤氲。傷心詔獄生春草。回首觚稜隔暮雲。明主定無鈎黨禁。文華休擬作同文。自注。傳

請鴻寶云。文華殿寧可作同文館耶。

破帽青衫又一回。當筵舞袖任他猜。平生自分為人役。流俗相尊作黨魁。明日孔融應便去。當年王式悔輕來。清宵吉夢還知否。萬樹青山早放梅。獵獵寒風逼歲餘。柴門剝啄到雙魚。親憎言祿催偕隱。友賤求名勸著書。薄俗休官如物故。畏塗削

籍當遷除夕陽亭下城西路歎息何人返敎廬

勸其輕名勿著書也○崇禎元年牧齋被召思陵召對文華殿欲用為相溫體仁許其主浙試時關節受賄神姦結黨齊色俱厲思陵遂罷牧齋官其實浙閩事姦人結為之也後坐杖贖不復用矣諸詠作於塗中今錄三首以存其概

潞河別劉咸仲吏部

別緒鄉心浩莫分。潞河風雨帝城雲。能容放廢惟良友。未忘京華為聖君。衰鬢數莖還去國。秋風一葉又離羣。渭城歌罷休垂淚。逐客年來實飽聞。

題淮陰侯廟

淮水城南寄食徒。真王大將在斯須。豈知隆準如長頸。終見鷹揚死雉鳩。落日井陘旗尚赤。春風鐘

國朝詩別裁集

卷一

五

教忠堂

室草先朱。東西塚墓今安在。好為英雄奠一盂。

墓在東塚。漂母墓在西塚。

己巳八月待放歸田感懷述事奉寄南都諸

君子

留都文物漢西京。虎踞龍蟠集俊英。高廟神靈嘗陟降。中朝佞倖敢縱橫。瑣闥月白鍾山曉。烏府霜寒淮水清。望盡浮雲天北極。長安應見泰階明。

奉謁少師高陽公於里第感舊述懷

忽漫振衣拜此堂。心期如夢淚千行。更聞尚說三條燭。坐久真慙數仞牆。孔思周情新著作。禹糧堯

莊舊耕桑。明燈促席親函丈。秋析沈沈夜未央。

居情

再鎮危關鎖鑰長。一歸寇盜總猖狂。心因憂國渾如醉。鬢為論兵半有霜。椽筆攜將分子姓。鞞刀留取壓文章。入郊先問躬耕地。簡較秋原幾樹桑。

為胡笳吹作雪心因烽火錄成丹意亦相同而此覺雅音

倉皇出鎮便門東。單騎橫穿萬騎中。拊手關河歸舊服。側身天地荷成功。朝家議論三遺矢。社稷安危一畝宮。聞道邊廷饒魏絳。早懸金石賞和戎。

經之而社稷安危係於開散之身蓋以挽回天下望之矣○孫文忠諱承宗高陽人牧齋座主也以宰相任邊事久屢立匡復功為敵人斗管

卷一

六

教忠堂

所阮家居七年崇禎十七年城陷不屈死詩中望其出而救時非阿好也此種詩可以証史不徒辭章對偶之工

歲暮雜懷

卒歲閒門有雀羅。流年徂謝意如何。看花伴侶青春少。種菜英雄白首多。佩劍定須懸舊隴。明珠只合換新歌。劇憐渭水垂綸叟。未應非熊鬢已皤。

夏日譙新樂小侯於燕譽堂

寶玦相逢溝水頭。長衢交語路悠悠。西京甲觀論新樂。南國丁年說故侯。春燕歸來非大厦。夜烏啼處似延秋。曾聞天樂梨園裏。忍聽吳歎不淚流。

侯也徵壯之中自饒懷悅於吳地譙之故有末語下皆有學集中詩

送吳興公遊下邳兼簡李條侯

落花飛雨攪邦溝。襍被吳囊感薄遊。寶劍千金吳季子。長城半壁漢條侯。高榆耕壘連滄海。深柳書堂枕碧流。共話老夫應失笑。春深冒絮尚蒙頭。

簡侯研德并示記原

當饗休聽暇豫歌。破巢完卵爲銅駝。國殤何意存三戶。家祭無忘告兩河。擊筑淚從天北至。吹簫聲向日南多。知君取讀王哀傳。但使生徒廢蓼莪。許其忠孝者此又翻進一層倍覺新警

東歸漫興

國朝詩別裁集

卷一

七

教忠堂

林木池魚灰燼寒。鴛湖恨水去漫漫。西華葛屐仍梁代。東市朝衣尚漢官。白鶴遄歸無石表。金雞旋放少綸竿。招魂倘有巫陽在。歷歷殘棋忍重看。自注過南

湖望句國悼延陵君而作其子貧薄故有任西華之歎。贈人句云平生花月張三影兩鬢滄桑郭四朝頗有風韻

丙戌南還贈別故侯家妓人冬哥

繡嶺灰飛金谷殘。內人紅袖淚闌干。臨歧莫悵青娥老。兩見仙人泣露盤。兩見謂甲申乙酉兩年

天樂荒涼禁苑傾。教坊淒斷舊歌聲。臨歧只合懽騰去。不忍聽他唱渭城。

後觀棋絕句

寂寞枯枰響泐寥。秦淮秋老咽寒潮。白頭鏖影涼宵裏。一局殘棋見六朝。

飛角侵邊劫正關。當場黑白尚漫漫。老夫袖手支頤看。殘局分明一着難。此牧齋自傷末路也殘局自有勝者只是人不肯尋耳

讀史記戲書

漢家爭道孝文明。左右臨朝問亦輕。絳灌但知譏賈誼。可思流汗愧陳平。與可憐夜半虛席不問蒼生問鬼神一種筆墨

故宮人

漢宮遺事剪燈論。共指青衫認淚痕。今夕驚沙滿蓬髻。始知永巷是君恩。亦是翻進一步法

國朝詩別裁集

卷一

八

教忠堂

留題秦淮丁家水閣

舞榭歌臺羅綺叢。都無人跡有春風。踏青無限傷心事。併入南朝落照中。

苑外楊花待暮潮。隔溪桃葉限紅橋。夕陽凝望春如水。丁字簾前是六朝。

村莊紅豆花詩

金尊檀板落花天。樂府新翻紅豆篇。取次江南好風景。莫教腸斷李龜年。

王

鐸字覺斯河南孟津人天啟壬戌進士國朝官至太學士諡文安

近望牛頭山

漢西郊野望牛頭滾滾寒雲萬頃流鐘磬不關興敗事藤蘿猶挂古今愁樹連山色低秦塞水帶軍聲別閬州割據雄圖憂後日夕陽無語下寒邱

詩名

甚著然每入荒幻如山響香殿微雲猛石牀平之類不可勝數此章特取其明順流利者

方拱乾

字坦菴江南桐城人崇禎戊辰進士國朝官少詹事兼翰林學士著有塞外歸國二集○官詹寢食少陵詩點社

詩分授學者謂詩必從杜入方有真性情脩飾辭華不能登大雅之堂也今讀其詩一如論詩之旨

驅雀詞

雀莫啄我蔬我蔬種已遲哀年事事鈍辛勤還後時聊取生意足寧獨療長飢甲坼纔如豆不及隣家肥肥蔬啄可飽瘦蔬啄無遺飢我不飽汝兩傷

國朝詩別裁集

卷一

九

教忠堂

亦奚為欲驅不忍擊短竿護疎籬我蔬肥有日除竿任汝飛聽汝噉噉音生事同我微

觀我觀物我皆得少陵夢州以復詩

春聲

在家愁聞砧砧聲為客衣在客愁聞春春聲為客飢春本非惡聲客耳自淒其砧聲砧者苦春聲聞者悲此地盡為客室家亦羈縻遶此八月霜稻梁同草哀稗種賤獨早皮盡乃得糜十斗春一斛家急急朝炊兩春一口資廿口將安資夜長月色苦冷澹無光輝聲聲相斷續遠近聞一時悲餘轉成喜得食諒不遲便作笙竽聽天風任爾吹

轉應為喜一層從真

性情流出意盡語竭時忽然得此絕處逢生機也

補牕

紙牕如破衲蓊添鍼線迹纖纖魚鱗光朝曦逗微隙夜來朔風狂洞然半分割寒威透旃裘况乃敝衣幘看囊久無錢紙價貴逾昔求全勢所難補鑄情轉適平生鄙彌縫於茲悟損益漸喧颺亦温安穩蓬蒿宅舊研釋冰痕畫長聊點易微雲影太空不礙虛生白

極瑣屑事發出安分樂天道理

路遇李澹生馮炳文

阜帽衝風沙晴天疑晦霧靚君行路色觸我來時

國朝詩別裁集

卷一

十

教忠堂

痛握手萬端生醒眼三年夢相贈統朝鞭前途慎珍重

募僧收枯骨

兵戈二十載枯骨尚如麻中豈無才智生原有室家啼魂昏白晝掩骼仗黃沙何處煩冤盡觀空仰法華

仁人之心仁人之事仁人之言

蚤起

長夜厭朝眠曙光到枕先家無煩老事人愛早晴天研洗和水墨爐温隔夕煙惺惺平旦氣孤坐倍冷然

第四編與人間重晚晴各有名理

掩柴門

柴門開亦靜。無事手常關。曉露花爭坼。斜陽牛自還。相看忘塞俗。久已負家山。偶憶雍陶句。開籠放白鷗。

九日

鬱鬱連朝雪。蕭蕭九日晴。異鄉誰送酒。令節但存名。目斷天無極。風高沙自驚。莫嫌人跡遠。雁亦罷南征。塞上九日詩脫

放雉

萬物愛生還。凌霄刷羽翰。自經羅網苦。益覺地天寬。文采無夸耀。飛翔得便安。故山諧伴侶。不羨女

卷一

士

教忠堂

牀鸞。寫物寓人生 枯雙管齊下

寧遠溫泉

溫與探湯異。邊城舊擅名。無心何自熱。有本得長清。調燮功誰擅。寒暄理自平。衰年苦蕭颯。一濯已春生。三四五六是用君子之德大臣之度並見二十字中

晤林茂之時年八十五矣

羣奉丈人行。相看若鼎彝。別時貧到骨。近日老能詩。結客前朝重。遺民後代知。嗟予隨杖履。鬢髮已如絲。是供士是詩老足遺民如讀林茂之傳

舊鶴自注余舊畜已亥贈吉旋今猶無恙

老鶴迎人作意鳴。三年前是一般聲。別來何物不經變。知爾於人無所爭。舊侶分飛憐獨立。故交相遇倍多情。衛廷豈少乘軒輩。誰臥長松夢玉京。多情人不

作浮薄語三四所感者大

廣寧

盤巫問是望中山。拍點殘黎慘澹間。北鎮祀誰憑。享殿南冠人尚戀。榆關光熹往事傷心久。劉杜征魂帶血還。慙愧高岡祀李靖。紀功碑斷蘚花斑。劉杜征魂帶血還

國朝詩別裁集

卷一

士

教忠堂

譯使至高麗

天荒地老更誰鄰。屬國驚聞接海濱。豺虎窟中。土客鳳凰城。是舊朝臣。泉刀重譯旃裘雪。鹽鐵歸裝塞馬春。試問為奴當日祖。流傳洪範可能陳。

張文光

字謙明河南祥符人崇禎戊辰進士國朝官按察副使著有斗齋詩副使詩得力於杜有悲壯之聲

登汴城角樓

落日下層城。蒼然遠樹平。亂雲連嶽碧。野火隔江明。狐兔盤深窟。蒹葭冷舊京。中原形勝地。畫角起邊聲。

送吳六益詩人南歸

盡此一杯酒。悠悠無限情。秋。勻。千。樹。色。日。落。大。河。
聲。天。地。留。風。雅。衣。冠。老。杜。蘅。前。途。誰。共。語。孤。劍。自。
長。鳴。秋。句。勻。字。極。鍊。日。落。大。河。聲。何。減。李。北。地。

野月

野曠烟初歇。孤輝更杳茫。長天籠遠樹。古渡泊空。
航。夜。冷。流。民。屋。春。寒。戰。骨。霜。荷。鋤。聊。自。慰。草。露。借。
餘光。

懷李龍哀

天高野戍雁聲長。月滿邊城海霧黃。別後幾時雙。
涕。淚。殊。方。經。歲。半。冰。霜。自。甘。白。髮。爲。遷。客。誰。道。青。

國朝詩別裁集

卷一

十三

教忠堂

山非故鄉。迢遞夢魂千萬里。思君一夜到龍荒。

送季天中秋日東行

千山落日淡。高旻萬里秋。風促去輪自是。聖朝。
無。闕。事。何。妨。天。未。有。孤。臣。霜。侵。列。戍。笳。聲。急。雲。捲。
平沙月影新。我亦梧桐花下客。至今魂夢愧斯人。

天中建言遺誦故以詩送之
四語一氣直下神來之筆

九月八日喜禹峰至

蘇門別後幾經霜。異地音書各渺茫。握手十年纔。
一。夕。驚。心。明。日。又。重。陽。江。湖。月。冷。魚。龍。臥。邊。塞。風。
高。雁。驚。翔。欲。問。元。龍。天。下。計。漫。言。中。散。舊。時。狂。

清淮曉發

老髯蕭條逐客程。秋風瑟瑟喚愁生。五更月照他。
鄉。影。萬。里。河。流。故。國。聲。落。拓。人。當。疑。慢。世。浮。沈。吾。
亦厭虛名。何時歸去衡門下。竹杖芒屨仿鶴行。

吳偉業

字駿公江南太倉人崇禎辛未賜進士第二人國朝官
祭酒著有梅村集。梅村七言古專倣元白世傳誦之然
時有嫩句累句五七言近體聲華格律不減唐人一時無與爲儔
故特表而出之。梅村故國之思時時流露遺闕云故人往日燭
妻子我因親在何敢死不意而今至於此又病中詞曰故人慷慨
多奇節爲當年沈吟不斷草間偷活脫屣妻孥非易事竟一錢不
值何須說讀者每哀其志若虞山
不著一辭矣此二人同異之辨

鴛湖曲

鴛鴦湖畔草黏天。二月春深好放船。柳絮亂飄千。

國朝詩別裁集

卷一

十四

教忠堂

尺雨桃花斜帶一溪烟。烟雨迷離不知處。舊隄却。
認。門。前。樹。樹。上。流。鶯。三。兩。聲。十。年。此。地。扁。舟。住。主。
人。愛。客。錦。筵。開。水。閣。風。吹。笑。語。來。畫。鼓。隊。催。桃。葉。
伎。玉。簫。聲。出。柘。枝。臺。輕。靴。窄。袖。嬌。粧。束。脆。管。繁。絃。
競。追。逐。雲。鬟。子。弟。按。霓。裳。雪。面。叅。軍。舞。鸚。鵡。酒。盡。
移。船。曲。榭。西。滿。湖。燈。火。醉。人。歸。朝。來。別。奏。新。翻。曲。
更。出。紅。粧。向。柳。隄。歡。樂。朝。朝。兼。暮。暮。七。貴。三。公。何。
足。數。十。幅。蒲。帆。幾。尺。風。吹。君。直。上。長。安。路。長。安。富。
貴。玉。驄。嬌。侍。女。薰。香。護。早。朝。分。付。南。湖。舊。花。柳。好。
留。煙。月。伴。歸。橈。那。知。轉。眼。浮。生。夢。蕭。蕭。日。影。悲。風。

動中散彈琴竟未終山公故事成何用東市朝衣
一旦休北邙坏土亦難留白楊尚作他人樹紅粉
知非舊日樓烽火名園竄狐兔西閣偷窺老兵怒
寧使當時沒縣官不堪朝市都非故我來倚棹向
湖邊煙雨臺空倍惘然芳草乍疑歌扇綠落英錯
認舞衣鮮人生苦樂皆陳迹去年來堪痛惜聞
笛休嗟石季倫銜杯且效陶彭澤君不見白浪掀
天一葉危收竿還怕轉船遲世人無限風波苦輸
與江湖釣叟知此中長時也昌時為選郎依周宜興延儒且與
之琴用意
全在收束

國朝詩別裁集

卷一

十五

教忠堂

永和宮詞

揚州明月杜陵花夾道香塵迎麗華舊宅江都飛
燕井新侯關內武安家雅步纖腰初召入鈿合金
釵定情日豐容盛鬢固無雙蹴鞠彈碁復第一上
林花鳥寫生綃禁本鍾王點素毫楊柳風微春試
馬梧桐露冷夜吹簫君王宵旰無歡思宮門夜半
傳封事玉几金牀少晏眠陳娥衛豔誰頻侍貴妃
明慧獨承恩宜笑宜愁慰至尊皓齒不呈微索問
蛾眉欲蹙又溫存本朝家法修清讌房帷久絕珍
奇薦勅使惟追陽羨茶內人數減昭陽膳維揚服

國朝詩別裁集

卷一

十六

教忠堂

製檀江南小閣鑪煙沈水含私買瓊花新樣錦自
修水遞進黃柑中宮謂得君王意銀鑲不妬溫成
貴早日艱難護大家比來歡笑同良娣奉使龍樓
賈佩蘭往還偶失兩宮歡雖云樊嬭能辭令欲得
昭儀喜怒難綠綈小字書成印瓊函自署充華進
請罪長教聖主憐含辭欲得君王愠君王內顧恤
傾城故劍還存敵體恩手詔玉人蒙詰問自來階
下拭啼痕外家官拜金吾尉平生遊俠多輕利縛
客因催博進錢當筵便殺彈箏伎班姬才調左姬
賢霍氏驕奢實氏專涕泣微聞柙殿詔笑譚豪奪
灞陵田有司奏削將軍俸貴人冷落宮車夢永巷
傳聞去玩花景和門裏誰陪從天顏不憚侍人愁
后促黃門召共遊初勸官家佯不應玉車早到殿
西頭兩王最小牽衣戲長者讀書少者弟聞道羣
臣譽定陶獨將多病憐如意豈有神君語帳中漫
云王母降離宮巫陽莫救蒼舒恨金鎖彫殘玉筋
紅從此君王慘不樂叢臺置酒風蕭索已報河南
失數州况經少子傷零落貴妃瘦損坐匡牀慵髻
啼眉掩洞房苴菹湯溫水簾冷荔支漿熟玉魚涼
病不經秋淚沾臆裴回自絕君王鄰苔沒長門有

夢歸。花飛寒食應相憶。玉匣珠襦啟便房。薤歌無異葬同昌。君王欲製哀蟬賦。誅筆詞臣有謝莊。頭白宮娥暗頻蹙。感庸知朝露。非爲福宮草。明年戰血腥。當時莫向西陵哭。窮泉相見痛倉黃。還向官家問永王。幸免玉環逢喪亂。不須銅雀怨興亡。自古豪華如轉轂。武安若在憂家族。愛子雖添北渚愁。外家已葬驪山足。夜雨淋房陰火青。杜鵑啼血濯龍門。漢家伏后知同恨。止少當年一貴人。碧殿淒涼新木拱。行人尚識昭儀塚。麥飯冬青問茂陵。斜陽暮草埋殘壠。昭邱松檟北風哀。南內春深擁夜。

國朝詩別裁集

卷一

七

教忠堂

來莫奏霓裳。天寶曲景陽宮井落秋槐。詳叙田貴妃始末凡貴妃之明此之天折一可被管絃幾欲參長慶之席矣唯長者讀書少者弟向未免釋氣而以伏后比擬周后殊覺不於其倫

雁門尚書行 并序

雁門尚書行爲大司馬白谷孫公作也。公代州人。地故雁門郡。長身伉爽。才武絕人。其用秦兵也。將憑巖關爲持久。且固將吏心。秦士大夫弗善也。累檄趣之戰。不得已始出。天淫雨乏糧。師大潰。潼關身橫刀衝賊陣以沒。從騎俱散。不能得其屍。公

國朝詩別裁集

卷一

六

教忠堂

之出也。自念必死。顧語張夫人。夫人曰。文夫報國耳。無憂我。西安破。率二女六妾沈於井。揮其八歲兒以去。兒踰垣避賊。隴民舍中有老翁者。善衣食之。二年。公長子世瑞重趼入秦。得夫人屍貌如生。老翁歸以弟相扶還。見者泣下。蓋公素有德秦人云。余門人馮君訥生。公同里人。作潼關行紀。其事余曾識公於朝。因感賦此。什公死而天下事以去。然其敗由趣戰。且大雨絕糧。此固天意。抑本廟謨未可專以責公也。公之叅佐。惟監軍道喬公。以明經奏用。能不負公。潼關之破。同日死。名元柱。定襄人。雁門尚書受專征。登壇顧盼三軍驚。身長八尺左右射。坐上咄吒風雲生。家居絕塞愛死士。一日費盡千黃金。讀書致身取將相。關西鼠子方縱橫。長安城頭揮羽扇。卧甲韜弓不忘戰。持重能收壯士心。沉機好待兇徒變。忽傳使者上都來。夜半星馳馬流汗。覆轍寧堪似往年。催軍還用松山箭。尚書得詔初沉吟。蹶起橫刀忽長歎。我今不死非英雄。古來得失誰由算。椎牛擗衆出潼關。墟落蕭條轉

餽難六月炎。蒸驪萬馬二。峭風雨斷。千山雄心憐。
慨宵飛。檄殺氣。憑陵老據鞍。掃箠謀成頻。撫劍量。
沙力盡。爲傳餐。尚書戰敗追兵急。退守巖關收潰。
卒。此地乘高足萬全。只今天險嗟何及。蟻聚蜂屯。
已入城。持矛瞋目呼狂賊。戰馬嘶鳴失主歸。橫尸。
撐距無能識。烏鳶啄肉北風寒。寡鵠孤鷺不忍看。
願逐相公忠義死。一門恨血土花斑。故園有子音。
書絕。勾注烽煙路百盤。欲走雲中穿紫塞。別尋奇。
道訪長安。長安到日添悲哽。繭足荆榛見皆井。轆。
轤繩斷野苔生。幾尺枯泉見形影。永夜曾歸風露。
國朝詩別裁集 卷一 九 教忠堂

清經秋不化冰霜冷。二女何年駕碧鸞。七姬無塚。
埋紅粉。復壁藏兒定有無。破巢窮鳥問將雛。時來。
作使千兵勢。運去流離六尺孤。傍人指點牽衣袂。
相看一慟真吾弟。訣絕難爲老母心。護持始識遺。
民意。回首潼關廢壘高。知公於此葬蓬蒿。沙沈白。
骨魂應在。雨洗金瘡恨未消。渭水無情自東去。殘。
鴉落日藍田樹。青史誰人哭辭碑。赤眉銅馬知何。
處。嗚呼材官鐵騎看如雲。不降即走徒紛紛。尚書。
養士三十載。一時同死何無人。至今唯說喬叅軍。

敘軍序中名元柱列傳名高遷互有異同。孫公先擒高迎祥後殺滅。
李自成當時可倚以平賊者惟盧忠烈公與孫公自二公爲權臣所抑。

畫中九友詩

先後死而明遂亡矣。詩中詳敘生平與本傳表裏。惟公之敗也。由於權。
幸僅戰軍無見。權又大兩七日。夜不止。此大關。係詩中再醒出幾語。尤。
能動人。○七言古如雕橋莊田家。鐵獅松山哀。
等篇。皆有關係詩。而徑路或有未清。故不概錄。

華亭尚書天人流。墨花五色風雲浮。至尊含笑黃。
金投。殘膏剩馥難林求。思太常妙蹟兼銀鈎。樂郊。
擁卷高堂秋。真宰欲訴窮雕搜。解衣盤礴堪忘憂。
煙霞收尊晏。斑剝探商周。得意換却千金裘。元檀
園著述誇前修。丹青餘事追營丘。平生書畫置兩。
舟。湖山勝處供淹留。長阿龍北固持兩矛。披圖赤。
國朝詩別裁集 卷一 二 教忠堂

辟思曹劉酒醉灑。墨橫江樓蒜山月。落空悠悠。龍
姑蘇太守今僧繇。問事不省張兩眸。振筆忽起風。
颭颭。連紙十丈神明遒。唯松圓詩律通清謳。墨莊。
自畫歸田遊。一犁黃海鳴春鳩。長笛倒騎烏犍牛。
陽花龕巨幅千峰稠。小景點出林塘幽。晚年筆力。
凌滄洲。幅巾鶴髮輕王侯。潤風流已矣吾瓜疇。一。
生迂癖爲人尤。僮僕竊罵妻孥愁。瘦如黃鵠閑如。
鷗。煙驅墨染何曾休。僧彌○用飲中八仙歌格而絕異其面目所以可貴

雪中遇獵

北風雪花大如掌。河橋路斷流澌響。愁鴟飢雀語。

啁啾健鶻奇鷹姿。颯爽將軍射獵城南隅。軟裘快
馬紅氍毹。秋翎垂頭西鼠煖。鴉青徑寸裝明珠。金
鷲箭褶袍花溼。桐酒駝羹馬前立。錦靴玉貌撥秦
箏。瑟瑟鬟多好顏色。少年家住賀蘭山。磧裏擒生
夜往還。鐵嶺草枯燒埃火。黑河水滿渡征鞍。十載
功成過高柳。閒却平生射雕手。漫唱千人勅勒歌。
只傾萬斛屠蘇酒。今朝髯髯李陵臺。將軍喜甚圍
場開。黃羊突過笑追射。鼻端出火聲如雷。回去朱
旗滿城闕。不信溝中凍死骨。猶有長征遠戍人。哀
哀萬里交河卒。笑我書生短褐溫。寒驢箬笠過前
國朝詩別裁集 卷一 三 教忠堂

詠拙政園山茶

拙政園故大弘寺基也。其地林木絕勝。有
王御史者。侵之以廣其基。後歸徐氏。最久
兵興。爲鎮將所據。已而海昌相國得之內。
有寶珠山茶幾株。交枝合抱。花時鉅麗鮮
妍。紛披照矚。爲江南僅見。相國自買此園。
在政地十年不歸。再經謫謫遼海。此花從
未寓目。余偶過太息。爲作此詩。

拙政園內山茶花一株兩株枝交加。豔如天孫織

雲錦。頰如姹女燒丹砂。百年前是空王宅。寶珠色
相生光華。歌臺舞榭從何起。當日豪家擅閭里。苦
奪精藍爲翫花。旋拋先業隨流水。兒郎縱博賭名
園。一擲輸人等糠粃。後人修築改池臺。石梁路轉
蒼苔履。曲檻奇花拂畫樓。樓上朱顏嬌莫比。鬪盡
風流富管弦。更誰瞥眼閒桃李。齊女門邊戰鼓聲。
入門便作將軍壘。荊棘從填馬矢高。斧斤勿剪鶯
簧喜。近年此地歸相公。相公勞苦承明宮。真宰陽
和暗迴輻。長安日日披薰風。花留金谷遲難落。花
到朱門分外紅。一去瀟湘歸未得。百花深鎖月明
國朝詩別裁集 卷一 三 教忠堂

中看園剩有灌花老。爲道此花吳地少。宋代經今
六百年。虬幹成圍更成抱。嘉賓開讌醉春風。火齊
堆光上穹昊。於今忽作無主花。滿地飄殘竟誰掃。
聞語還思出塞人。玉門關外無芳草。夢魂遙想故
園花。未見名花顏色好。對花不語淚沾衣。惆悵花
間燕子飛。折取一枝閒供佛。征人消息幾時歸。
雖然消魂後相
國未曾歸里

悲歌贈吳季子

人生千里與萬里。黯然消魂別而已。君獨何爲至
於此。山非山。水非水。生非生。死非死。十三學

經并學史。生在江南長紉綺。詞賦翩翩衆莫比。白
壁青蠅見排抵。一朝束縛去。上書難自理。絕塞千
山斷行李。八月龍沙雪花起。索駝垂腰馬沒耳。白
骨皚皚經戰壘。黑河無船渡者幾。前憂猛虎後蒼
兕。土穴偷生若螻蟻。大魚如山不見尾。張髻爲風
沫。爲雨日月倒行入海底。白晝相逢半人鬼。噫嘻
乎悲哉。生男聰明慎勿喜。倉頡夜哭良有以。受惠
祇從讀書始。君不見吳季子。漢槎極人世之苦。然不如此無
之正所以傳之也。詩格
從嘉州蜀葵花影化出

讀史雜感

國朝詩別裁集

卷一

二十三

教忠堂

吳越黃星見。園陵紫氣浮。六師屯鵲尾。雙闕表牛
頭。靜鎮資安石。艱危仗武侯。新開都護府。宰相領
揚州。此指史閣
部出鎮事

莫定三分計。先求五等封。國中惟拍馬。閫外盡從
龍。朝事歸諸將。軍輸仰大農。淮南數州地。幕府但
歌鐘。此言馬阮當國
四鎮跋扈事

北寺讒成獄。西園賄拜官。上書休討賊。進爵在迎
鑾。相國爭開第。將軍罷築壇。空餘蘇武節。流涕向
長安。此言鍛鍊正人上卿。錫爵置國事於
罔聞也。末二語謂遣左羅石議和事

貴戚張公子。奄人王寶孫。入陪宣室宴。出典羽林

屯。狗馬來西苑。俳優優待北門。不時中旨召著籍並
承恩。時選良家女通索
名優故詩中及之

遇舊友

已過纔追問。相看是故人。亂離何處見。消息苦難
真。拭眼驚魂定。銜杯笑語頻。移家就吾住。白首兩
遺民。起語得神與乍
見翻疑夢同妙

家園次罷官吳興有感

世路嗟誰穩。栖遲可奈何。官隨殘夢短。客比亂山
多。閉閣凝香坐。行厨載酒過。却聽漁唱響。落日有
風波。讀三四語園次之輕官愛客如
或見之今之戀官者且逐客矣

國朝詩別裁集

卷一

二十四

教忠堂

課女

漸長憐渠易。將衰覺子難。晚來燈下立。攜就月中
看。弱喜從師慧。貧疑失母寒。亦知談往事。生在
長安。

梅村

枳籬茅舍掩蒼苔。乞竹分花手自栽。不好詎人貪
客過。慣遲作荅愛書來。閒窓聽雨攤詩卷。獨樹看
雲上嘯臺。桑落酒香盧橘美。釣船斜繫草堂開。自爲
名士

風流漸入
宋格矣

過朱買臣墓

自注在嘉興東塔雷
音閣後即廣福講院

翁子窮經自不貧。會稽連守拜為真。是非難免三長史。富貴徒誇一婦人。小吏張湯看踞傲。故交莊助歎沈淪。行年五十功名晚。何似空山長負薪。三四詩

括本傳詩如此作方不落套

臺城

形勝當年百戰收。子孫容易失神州。金川事去家還在。玉樹歌殘恨未休。徐鄧功勛誰甲第。方黃骸骨總荒丘。可憐一片秦淮月。曾照降幡出石頭。此借嘉慶

詠南渡事若出義山手猶隱躍言之

功臣廟

國朝詩別裁集

卷一

二十五

教忠堂

畫壁精靈間氣豪。鄂公羽箭衛公刀。丹青賜額豐碑壯。榮戟傳家甲第高。鹿走三山爭楚漢。雞鳴十廟失蕭曹。英雄轉戰當年事。采石悲風起怒濤。

秣陵口號

車馬垂楊十字街。河橋燈火舊秦淮。放衙非復通侯第。自注中山賜宅改作公署廢圃誰知博士齋。易餅市傍王殿瓦。換魚江上孝陵柴。無端射取原頭鹿。收得長生苑

內牌梅村諫前朝事淪桑悲感俱近盛唐

恭紀 駕幸南海子遇雪大獵

君王射獵近長安。龍雀刀銀七寶鞍。立馬山川千

騎擁。賜錢父老萬人看。霜林白鹿開金彈。春酒黃羊進玉盤。不向回中逢大雪。無因知道外邊寒。中不

失歲規此惟唐人有之

送曹秋岳以少司農遷廣東左轄

秋風匹馬尉佗城。銅鼓西來正苦兵。萬里虞翻空遠宦。十年楊僕自專征。山連鳥道天應盡。日落蠻江浪未平。此去好看宣室召。漢皇前席問蒼生。

雜感

武安席上見雙鬟。血淚青娥陷賊還。本為君親來故國。豈因女子下雄關。取兵遼海哥舒翰。得婦江國朝詩別裁集

卷一

三

教忠堂

南謝阿蠻快馬健兒無限恨。天教紅粉定燕山。此國南謝阿蠻快馬健兒無限恨天教紅粉定燕山此國

縮本也原本敘事施省因取此篇

贈遼左故人

詔書切責罷三公。千里驅車向大東。曾募流移耕塞下。豈遷豪傑實關中。桑麻亭障行人斷。松杏山河戰骨空。此去累臣聞鬼哭。可無杯酒醉西風。為海

彥升相公作時相公盡室謹成故作激楚聲贈之

短轅一哭暮雲低。雪窖冰天路慘悽。青史幾年朝玉馬。白頭何日放金雞。燕支塞遠春難到。木葉山高鳥亂啼。百口總行君莫歎。免教少婦憶遼西。

路出西河望八城。保官老母淚縱橫。重圍屢困孤
身在。垂死翻悲絕。寒行盡室可憐逢。將吏生兒真
悔作公卿。蕭蕭夜半玄菟月。鶴唳歸來夢不成。此章
其太夫人作生兒真悔作公卿與潘黃門母同感○王漁洋稱陳
卧子七律沈雄瑰麗冠古之才惟梅村足以敵之固已先得我心

登縹緲峰

絕頂江湖放眼明。飄然如欲御風行。最高尚有魚
龍氣。半嶺全無鳥雀聲。芳草青蕪迷近遠。夕陽金
碧變陰晴。夫差霸業銷沈盡。楓葉蘆花釣艇橫。三語
之廣四語
狀峰之高

與友人談遺事

國朝詩別裁集

卷一

三七

教忠堂

曾侍驪山清道塵。六師講武小平津。雲髦大纛星
辰動。天策中權虎豹陳。一自羽書飛紫塞。長教鉦
鼓恨黃巾。孤臣流涕青門外。徒使田橫客笑人。

西子

霸越亡吳計已成。論功也合賞傾城。西施亦有弓
藏懼。不獨鴟夷變姓名。

龔鼎孳

字孝升江南合肥人崇禎甲戌進士國朝官至刑部尚
書謚端毅著有定山堂集○合肥聲望與錢吳相近又真
能愛才有以詩文見者必欲使其名流布于時又因其才品之高
下而次第之士之歸往者偏字內時有合錢吳為三家詩選人無
異辭惟譏飲酬酢之篇多於
登臨憑弔以應少遜一籌

蠲租行追同元次山春陵行韻

辛丑年作

皇帝將改元。制書詔所司。方春重民事。王政務急

施。水旱兼盜賊。人氣誠傷悲。萬方惟正供。悉索亦

已疲。新餉五百萬。剝肉療飢羸。國計在本根。毛附

先存皮。民困必失所。拯溺焉能遲。丞相下郡國。一

切蠲除之。先是加賦意。豈不哀窮黎。水衡算金錢。

橋陵方告期。滇閩各用兵。軍行糧輒隨。朝廷尚恭

儉。大事須藉資。病瘵上帝心。四海寧盡知。復州

邑。吏鞭撻。到予遺。御史大夫言。陛下真聖慈。元元

樂寬大。生息理可為。民貧不獨富。斯義古所持。流

離與死亡。號呼欲向誰。固知非得已。久大難權宜。

國朝詩別裁集

卷一

天

教忠堂

我皇本堯舜。天聰頃刻移。諫行膏澤下。千載明

良時。煌煌杜稷寄。輔導良不虧。君仁則臣直。拜手

陳古辭。以文為詩不加追琢和次山韻
即神似次山少陵亦有此體

歲暮行用少陵韻

天寒鼓柁生悲風。殘年白頭高浪中。地經江徼飽

焚掠。夜夜防賊彎長弓。荒村哀哀寡婦哭。山田瘦

盡無耕農。男逃女竄迫兵火。千墟萬落倉箱空。昨

夜少府下急牒。軍興無策寬蜚鴻。新糧舊稅同立

限。入不及格書鴛鴦。有司累累罪貶削。緡錢難鑄

山非銅。朝廷寬大重。生息羣公固。合哀愚蒙揭竿

扶杖盡赤子。休兵薄斂恩。須終

姑山草堂歌用少陵韻

上書不踏金華省。蒼頭瘦馬衝沙冷。拔劍不割金門肉。老寺殘僧鐺折足。姑山草堂天下重。松菊東籬閱晉宋。園宅全因賓客荒。才名未逐風塵用。嶠寄歷落誰能嗤。烟波五湖足釣絲。秦淮垂柳楚州雪。病夫吟眺恒相期。重逢酒樓下。色定還驚疑。浩蕩江海人。何意來京師。門巷疎花掩深酌。高城鼓角寒星落。總教世事屬青雲。但愛吾徒有丹壑。拂袖長辭驃騎府。脫粟安用公孫閣。虛龍葉隋邊霜。國朝詩別裁集

卷一

元

教忠堂

樟樹行用少陵韻

古樟輪囷異枯柏。植根江岸無水石。風霜盤互不計年。枝幹扶疎詎論尺。望中轉柁愁易過。道旁掉臂真可惜。其下蕭瑟楓林青。其側參差茅宇白。十年躍馬桑乾東。雙松詰曲慈仁宮。紫鴿翔舞避偃蹇。蒼龍蜿蜒回虛空。今來荒野忽有此。數畝陰雪爭天風。當時萬幕駐金甲。大樹颯沓開神功。勿言將壓頽榱棟。傲睨高原川谷重。寒翠寧因晚歲凋。

孤撐不畏狂瀾送。地近軍城耀水犀。天開阿閣巢雲鳳。自古全生貴不材。樟乎匠石憂終用。合脗時用杜韻而能任意

驅役絕無趁韻之迹所以高於衆人

飛來峽

湏水沿江曲。雙崖浪欲吞。石欹崩峽口。雲湧盪天門。地截蛟龍斷。山埋日月昏。樓船飛渡後。悵悵失空村。

癸未十月初七日以言事下獄

杜稷關元老。憂天語信狂。九重容折檻。萬死待浮湘。鹿馬人猶眩。龍蛇道已荒。賈生年少哭。終是負國朝。詩別裁集

卷一

三

教忠堂

巖廊此崇禎時下獄也亦為彈劾權貴旋赦出

吳郎南征賦別

一劍朱雲得。今看出匣鋒。飯難忘鉅鹿人。不異盧龍國士知。弓冶家聲薄。鼎鑪擊奸兼。破賊吾欲捲書從。

感事和王子雲韻

江潭搖落自行歌。威鳳驚聞有尉羅。三黜風雷天意定。百年環玦主恩多。賈生豈愛投荒去。張禹終如折檻何。去國未收憂國淚。蒼生十載望巖阿。

登晴川閣小飲

大別山前落照遲。丹梯百尺正逶迤。天連江漢迷
煙艤。人傷星。辰倒玉。卮。歲晚不消芳草夢。路遙難
約旅鴻期。寒風乍捲。濤如雪。却憶淮南八月時。
登高風物鬱蒼蒼。何處寒花發戰場。吳蜀健兒猶
裏甲。漢江游女自褰裳。中洲鸚鵡萋芳草。隔岸樓
臺受夕陽。滿眼昆明消一醉。烽烟真不上漁航。

初歸居巢感懷

失路人歸故國秋。飄零不敢弔巢由。書因入雒傳
黃耳。鳥為傷心改白頭。明月可憐銷畫角。花枝莫
遣近高樓。臺城一片歌鐘起。散入南雲萬點愁。六語
用少

國朝詩別裁集

卷一

三

教忠堂

陵意何
禁蘊藉

秦淮社集白孟新有詩紀事和韻

放船烟水色蒼然。盡謝朱門酒肉羶。落日鳳臺邀
李白。離宮花譜泣伶玄。十年蘭艾天難問。諸子膺
滂事。可憐虎豹於今儘蕭索。吞聲還似九關前。時逆
藩既

定後大好已除而正士
猶離文網故有此歎

雪航侍御還朝

青霜一夕起。駕班有客乘。驄萬里還。首宿夜肥西
極馬。葡萄秋入玉門關。盛名博望槎同遠。往事朱
游檻獨攀。長為膺滂生意氣。盈廷卿相已摧顏。

留別彥遠

自注歸自淮陰
為子傳帆五日

子夜吳趨錦瑟彈。人歸江海各風湍。誰憐縱酒嵇
中散。不異揮鋤管幼安。名重爾偏藏著述。路窮吾
轉諱飢寒。西山薇蕨東山屐。輸與時賢白眼看。

慰朱萬菴都諫以言事謫官

掖垣封事朝朝下。誰並朱雲折檻名。斷獄已無于
定國。上書空累竇游平。批鱗君肯謀妻子。引手吾
終愧友生。一斥未須悲仗馬。從來騏驥慣長鳴。愧已
不能

援引而終望其不改
直節是古人心事

萬菴都諫謫官建寧

國朝詩別裁集

卷一

三

教忠堂

乍聞鳴鳳下丹霄。捧檄重驚去路遙。當殿人誰同
慶忌。謫官天許對臯陶。風霆正足旌狂直。祿秩將
無點聖朝。到日島門烽燧息。蕉紅榕綠引輕橈。引用
古典

天然隊伍是
此老本領

工曙戒侍講謫倅瓊州

南武山川一葉舟。行看蜃氣吐危樓。無天有海原
奇境。撾鼓迴帆亦壯遊。地逼崖門春漲黑。嘯清
閣戰旗收。相逢瀧吏多嘲笑。笑汝如弦愧曲鉤。即九
庭南

荒吾不恨遠遊
奇絕冠平生意

寄彭禹峰方伯

得時鷹隼豈卑栖。行省威名播狄韞。屐折圖碁千
帳靜。檄成橫。槩萬山低。軍中轉粟青天上。使者論
功大夏西。柔遠古惟恩信重。年來象馬倦霜蹄。

生辰曲

自注時余
在獄中

琉璃爲篋貯冰霜。諫草琳琅粉澤香。哭泣牛衣兒
女態。獨將慷慨對王章。慶夫人生辰也。薤澤之中自有風
骨。後日不受一品封誥有自来矣。

上元詞和善持君韻

紫霧晴開鳳闕初。五侯絃管碧油車。芳閨此夕殘
燈火。獨照孤臣諫獵書。

贈歌者南歸

國朝詩別裁集

卷一

三三

教忠堂

長恨飄零入雒身。相看憔悴掩羅巾。後庭花落腸
應斷。也是陳宮失路人。

百嘉村見梅花

天涯疎影伴黃昏。玉笛高樓自掩門。夢醒忽驚身
是客。一船寒月到江村。脫去梅花窠
白清絕起絕

上巳將過金陵

倚檻春愁玉樹飄。空江鐵鎖野煙銷。興懷何限蘭
亭感。流水青山送六朝。自是
佳句

題絳雪吳君畫冊

賣珠補屋意高閒。萬疊烟霞擁玉顏。想像亂峰晴

雪裏自臨眉。黛寫青山。其人品高潔可知林下
之風不止閨房之秀

國朝詩別裁集卷一

國朝詩別裁集

卷一

三十四

教忠堂

國朝詩別裁集卷二

長洲沈德潛歸愚纂評 男 種松校字

江陰翁 昭霽堂 長洲周 準欽萊同輯

曹

溶 字潔躬浙江嘉興人崇禎丁丑進士 國朝官至戶部侍郎著有靜惕堂詩○芝麓長於近體秋岳長於古詩而古

詩之中五言尤勝惟著述太多不免良枯並見耳茲而錄之是在持擇者

韜光菴和高忠憲公韻

選日屆山宇意適常有餘喧寂兩無染乃得還其初古草幽更綠巢鳥鳴階除獨往泉上遊人境忽已疎簷表得微路高下隨所如肅肅清晝闌月出松林虛解帶聊宴息豈曰非我居見道語不在忠憲公下

國朝詩別裁集

卷二

一

教忠堂

答顧寧人

北鄙寡同儔中情正枯槁謬蓄四方略救溺甚援嫂束縛無所施空堂對衰草有義三吳傑險要動深討良馬碧玉鞍興到踏豐鎬燠土既經時行李濕秋潦西南徵調繁萬里賦納藁囊有本務書利病滿懷抱采掇及細流訪我平城道艱辛戈戟間匡坐說蒼昊撞鐘得洪音太樸去纖縞汲古沃其根枝葉倍姣好下視班張徒炫目但虛藻是月涼露零長邊靜杲杲百酒共話言愁緒慙如擣我性本浮游悠忽將終老外物喪本真進德未能早蒙

君下鍼砭宿疾期一掃自知良獨難人鑒庶為寶

原本少陵豈惟形似寫專林有用之學可以濟時其人在焉呼之欲出

憫荒二首

寇禍烈茲土舉目無故觀百里一空城蓬蒿鬱相蟠村墟土中出肘肉傷凋殘生長不識布石灰暖我寒匍匐向前途力盡酸肺肝苦菜萌已晚采之不能餐撤屋備朝薪露處難久安邊境既流離內地何由完宸聰聽還卑討論窮眾端減賦息長徭萬方用騰懼寇禍以後復遭奇荒一二語抵人千百言也久行至空巷日瘦氣慘悽同是一種筆墨

國朝詩別裁集

卷二

二

教忠堂

北無乃吏政苛聊欲避所逼持檄疾招來計口給汝食誠恐失初心展轉成盜賊踉蹌返前村日影正熏黑面目半已改父子不相識勸汝秉鋤犁隴上藝黍稷婦女勿嬌惰軋軋當戶織壯者習彎弓努力衛邦國人事苟脩持天道豈終極

隋驢行簡葉星期

橫山山人出無車浩興欲往鍾山隅葛衣炙日僅掩骭腹底萬卷聲牙書奇書嶽瀆鮮能載況此風雪橋邊驢雪昏石滑驟欹側前却俄頃紛趑趄中途一蹶在平地長耳狡詐奔荒墟仕路艱危靡不

有陷阱往往生巾裾萬物之靈盡如此驢也學步
師其餘山人前年宰邗邑陽侯毒囓不得舒堤成
澤國始平陸遍挽魚鼈歸耨耨豈徒民疾快完聚
車馬孔道皆安徐無錢竟觸長官怒一朝謗篋遭
駭除多才自昔召傾覆更乃傲骨邱山如瘦驢效
尤聊復尔未若此輩深而狙山人熟識倚伏理細
事那足煩嗟歎長干六月暑氣合畫橈宛轉銜清
渠三日行藥兩日卧趨健不異少壯初慎勿悔此
暫時失詩腸遠使添鬱紆隋驢一笑古有諸會看
治象開皇輿調笑長官不顧面赤而食不下也

國朝詩別裁集

卷二

三

教忠堂

李雲田以虔州懷予詩見示奉荅

避兵曾說到江東十幅春帆下北風烽火依然連
郡國文章真解誤英雄夢迴老友蓬蒿裏淚盡軍
州鼓角中歲月奔馳還話別異時搔首望征鴻

酬徐子能山人

武原狂客閉關居花外新傳尺素書重見偉長留
撰述不教元亮擅籃輿玉山暖映春風動鐵甲晴
收水國虛痛定較量流寓事皋橋遺蹟定何如子能
有款

脚病故以陶公之籃輿比之指辭尔雅

秋柳

灞陵原上百花殘堤樹無枝感萬端攀折竟隨賓
客盡蕭疎轉覺道途寒月斜樓角藏烏起霜落河
橋駐馬看正值使臣歸去日西風別淚望長安一往
風神

秋柳社中
應推高唱

觀工人琢硯

廿年裘馬半從軍羞見羊家白練裙自笑歸裝輕
似葉不妨多載嶺南雲應石事舊矣一經
驛用轉見其新

南唐官務久凋零海國重來倚玉屏不信窮途知
已在一雙鸚鵡眼常青

許承欽字欽哉湖廣漢陽
人崇禎丁丑進士

國朝詩別裁集

卷二

四

教忠堂

錢塘江觀潮

驚濤直上海門西欲捲青冥失會稽銀漢倒流烏
鵲迥雪山飛鳳凰低靈旗百萬驅雷鼓强弩三
千試水犀霸氣至今消不盡素車白馬駕虹蜺從越
山澤

在浪花中化出氣足
神完無一閑句閑字

陳之遴

字彥升浙江海鹽人崇禎丁丑賜
進士第二人國朝官至大學士

北固山

危磴侵雲策杖遙琳宮積翠擁宮堯煙開鐵甕生
殘照風起金山急暮潮飲馬幾回虛割據卧龍從
古混漁樵六朝佳麗依稀在花月春江響玉簫

周亮工

字元亮河南祥符人崇禎庚辰進士國朝官至刑部侍郎著有賴古堂集○標困愛才比於芝蘭衆望歸之詩或未能相埒矣茲錄其情真韵遠者

江行雜感

逐客江干夜寂寥無端鐵笛起中宵深秋梁苑新沙磧明月清溪舊板橋萬里夢回千嶂雨一帆風動五更潮草堂空有農書在桑柘如今盡已凋

舟中與胡元潤談秦淮盛時事次元潤韵

紅兒家近古青溪作意相尋路已迷渡口桃花新燕語門前楊柳舊烏啼畫船人過簾波動翠幃歌輕扇影低明月欲隨流水去簫聲只在板橋西秦淮盛衰

國朝詩別裁集

卷二

五

教忠堂

備著板橋雜記詩中已見其際

寒食後一日新鄉道上示許傳巖

南轅西向濁河邊嘆息時違境屢遷半綻桃花全待雨平飛柳絮欲爲煙敝車羸馬吹新火古道荒林拜杜鵑烽燧十年歸未得却愁明發渡旃然

靖公弟至

荒城兀坐對燈殘歸計先愁百八灘尔又遠來余未去高堂清淚幾時乾此詩之真者

喜蔣用敬至自閩南

海水羣飛百丈高同君城上擁弓刀戰瘢莫共燈

前看恐惹霜華上髻毛

趙進美

字韞退山東益都人崇禎庚辰進士國朝官福建按察使○趙退長於論詩王漁洋贈之以詩云風塵憔悴趙黃州書一紙說詩真欲到河源

冬日田家二首

北風夜來息茆宇覺微暖比鄰機杼鳴平疇麥葉短初日聚童穉坐卧雜雞犬屋梁懸衆耜窳冥歲事晚石寒溪流激雪霽燒痕淺疎林不隔煙冬野能見遠飛鴻顧前渚饑鳥噪空坂長嘯登東臬暮逐樵聲返冬野能見遠從刈稻空雲水想出

國朝詩別裁集

卷二

六

教忠堂

霽田家門始開籬落聞犬吠草際風未定樹杪霞猶在方見牛羊羣一一遠嶺背農夫倚杖立默念將卒歲鳥雀鳴堦前兒女笑窓內八口飽新粒未冬完官稅皎皎清溪水颯颯幽林籟板橋無屐迹靜與草舍對時有舊鄰家拂石坐相待

武昌雜感

朔風隋白日水立天晝昏江漢難分流歲暮蛟螭尊怒鱗拔巨浪勢欲無厚坤鱣鮪亦跳梁變化隨山根舟楫不可恃客意誰與論遙望耆舊里丁彼漢運屯我懷沔上翁長歌歸鹿門

太原

漠漠寒沙映戍樓。亂餘烽火未全收。天清句注連雲起。木落汾河抱郭流。白草晝明吹角晚。黃榆風冷射雕秋。亦知萬里輕行役。歲暮旌旗發旅愁。

梨花

暮烟無語更依依。清影含春望欲稀。疎近瑣窓留月照。寒垂網戶見鶯飛。共停閣外青絲騎。細舞燈前白紵衣。莫向後庭歌玉樹。故宮風雨已全非。起結最佳

語趨而韵遠此詠物體也若少陵又成一格

冬夜集梁園水堂

國朝詩別裁集

卷二

七

教忠堂

千門初月動笳聲。秉燭虛堂夜氣清。大漠風雲乘塞入。危檐星斗落尊明。交情四海誰懸榻。天意中原未戢兵。亦有一邱堪自老。故園東去虎縱橫。

南康登樓

返照臨高閣。寒煙澹澹分。空城何所有一。半是匡君。唐人風格中近祖詠終南殘雪

彭而述

字子錢河南鄧州人崇禎庚辰進士國朝官廣西布政使○禹峯初成進士時思陵校武命射九發九中後參熊文燭軍張勳忠誠窮偽降禹峯力言其偽乞即誅之以杜後患文燭意在苟安受其降獻忠旋降旋叛卒成大禍由不用禹峯謀也禹峯詩雄豪魁壘有摩盾橫槊之風

衛藩舊邸遇酒南將軍

又是悲秋日。初筵動旅情。若能為楚舞。何處得秦聲。翠羽當軒媚。紅粧耀甲明。興亡無限感。洒淚忽沾纓。酒南酒泉鄉之南也寫女將如生

別滇中寮友之官粵西

二月春風已送寒。詔書昨日下午長。安宦遊不謂邊城苦。遠別其如知己難。孝武石鯨昆水動。日南銅柱海光寒。鷓鴣亭子梅花驛。萬里征人馬上看。神完氣足

再登黃鶴樓

飛樓縹緲著江干。霜髯登臨記往年。隔岸春城浮檻外。亂帆斜日到樽前。山連秦蜀開荆甸。水下東

國朝詩別裁集

卷二

八

教忠堂

庚寅八月六日憶母

南盡楚天。回首滄桑生感慨。孫劉興廢幾茫然。遺恨行輶阻太行。難堪此日又瀟湘。安東未遂憐溫嶠。黨錮無名恥范滂。萬里依人空作客。十年遇主尚為郎。蕭騷短髻經秋日。鴈杳江城憶故鄉。懷已之不

鄂渚別趙興寧柱史之官滇南

春城煙雨酒盈卮。大別山前賦別離。黔郡猶傳秦歲月。昆明應識漢旌旗。千盤路上桺榔塢。一線天開疇甸池。他日三州來驛使。武昌雲樹足相思。

孫廷銓

字枚先山東益都人崇禎庚辰進士國朝官至大學士謚文定○文定歸田作過五十居山莊焚香靜坐日事著書新理得意忘言與世情之外

渝關道中

苑柳荒亭下殘碑古戍前秋光晴到水山色淨於天
氣變蟲音急河沉月影偏鳴雞催候吏問渡石溪船

詠史

田村歸來實后傷蕭條梁苑下微霜一時賓客多
枚馬不遺雄文悟孝王

李雯

字舒章江南華亭人崇禎壬午舉人國朝官中書舍人○雲間六子吳仲卧子外便推舒章吳日千書其詩卷後

國朝詩別裁集

卷二

九

教忠堂

云庚信文章真健筆可憐江北望江南蓋悲其遇也

橫江詞

江鳴牛渚磯浪打三山曲何處最傷心春水平帆
綠平帆遠落生暮霞東風自吹桃李花思君不見
望江閣夜夜江潮向妾家何減崔國輔小詞可以怨矣

經東阿懷曹子建

昔時曹子建封邑在東阿曠代無祠廟空山對女
蘿角弓愁勢險玉食恨才多小雅斯人志因風發
浩歌角弓十字已盡子建一生

太平寺聞子規

谿山月出滿青林杜宇千聲怨碧岑越國何年來

蜀魄離人此夜發吳吟君為花鳥羈愁主余有江
湖浩蕩心同在天涯一相遇太平鐘鼓曉沉沉

高珩

字念東山東淄川人崇禎癸未進士國朝官至吏部侍郎著有柘雲閣集○侍郎遊山陰得句云鈴杵石古松流水外蒲團懶竹鐺風閑王漁洋命畫作二圖

河上

流水向人間向水人亦尔客心何淡淡清波正齒
齒人境兩蕭然太清遊無始勞勞車馬塵誰是滄
浪子簡淡有味近高忠憲

使君怒

國朝詩別裁集

卷二

十

教忠堂

巡邏使者來何許平干太守顏如土敲扑吏吏血
滿堂多冠詬厲如彪虎卒吏附耳守拜拜事上禮
儀聊具備使者一笑迴春陽還朝薦尔真循良如聞其聲地勢使之然由來非一朝令人興嘆無已

聞舟師相語

天風爭順逆人事有參差昨我停舟處知君得意
時讀此詩可以釋人矜疎

送阮亭東歸時予亦有歸志

青山約略有前期猶聽驪歌亂客思少折都門東
去柳霜條留待我歸時

贈雪海姓郝名浴

西清重到侍垂衣。萬死人從淚水歸。正可極言天下事。莫言主聖諫書稀。雪海見吳三桂跋扈上封事策其必反三桂誣奏流徙盛京後三桂反起官巡撫

撫廣西

歸舟雜興

逐岸移舟屢轉篷。乘流自可任西東。人生末路佳方穩。何用登舟祝順風。驟得志者讀之如炎月中服清涼散

宋之繩

字其武江南溧陽人崇禎癸未賜進士第二國朝官翰林院編修著有戴石堂詩

戊子人日寄懷陳南士

人日逢人少相憐。必故人亂多天未。戢老至歲難

國朝詩別裁集

卷二

士

教忠堂

新塵霧荒村。合田廬鬼國鄰。與君生計拙。寂寞返

吾真。起連用三人字不見其促老至歲難新工於造句

隨蹕雜記

殿門嚴鼓發。萬竈撤周廬。絕壁成馳道。堅冰過屬車。後塵詢父老。初日指邗壻。共識三驅意。何勞諫獵書。終不諫之諫

車聲方隱隱。夜色已蒼蒼。山勢開天險。河流接大荒。人眠千嶂月。馬噉萬羣霜。行幄東南近。風清禁漏長。

梅花

一年蠟屐幾回看。待到花開惜到殘。漠漠凍雲連近遠。荒荒野月照清寒。於人疎落如無意。寫尔高。空正自難。記得遙山舊茅屋。破扉朽几一枝安。通體空寫

為極熱題開一生而

梁清標

字玉立直隸真定人崇禎癸未進士國朝官至大學士著有蕉林詩集

王鐵槍

王鐵槍。真男兒。人留名。豹留皮。河上血戰志不移。梁運既去一木支。問破敵期三日。讒毀既已行。大功那可必。鬪鷄小兒事業成。國恥未雪寧偷生。朝梁暮晉者誰子。段凝之輩真如蟻。嗟乎義士一死

國朝詩別裁集

卷二

士

教忠堂

重太山。礪山朱三羣盜耳。良禽栖木貴。能擇將軍之死。亦可惜。表其忠勇而惜其失身此最持平之論

送李蘅若同年之嶺右

五嶺天垂盡。曾經馬伏波。氣蒸飛鳥避。木合夜猿多。猺洞堪傳檄。樓船尚枕戈。漢家銅柱在。事業莫蹉跎。

送蕭都閩之雲中

緩帶翩翩早策勛。旌旄北逐雁鴻羣。日高涿鹿消邊雪。馬渡飛狐起朔雲。却敵吹笳劉越石。彎弓飲羽李將軍。坐看紫塞烽煙絕。盾墨先馳露布文。

送張仲若司馬開府雲中

甲帳風清畫不譴。壯君三十早登壇。每燒北關蓮
花炬。俄進西臺獬豸冠。組練千羣應變色。塞垣六
月自生寒。居庸關外山形峻。涿鹿雲開駐馬看。比曲
州白

日寒更
進一層

送李吉津出塞

生別妻孥出塞門。嚴城哀角動黃昏。文章自昔憎
時命。痛哭終當感至尊。漢吏多持廷尉法。中朝
誰舉鮑生旛。此行漸入龍庭去。不用投詩弔屈原。

送張伯珩同年按蜀

國朝詩別裁集

卷二

三

教忠堂

銜命西行白簡寒。儒臣初著惠文冠。蠶叢惟有青
嶺起。伏莽當如赤子看。按部諸侯爭負弩。洗兵三
峽見安瀾。茲行雨露沾殊俗。無復興歌蜀道難。第四
詩即

襲遂治渤海之心未言蜀
道非難尤得立言之體

包孝肅祠

孝肅祠堂劍珮閒。香花墩畔聽潺湲。巖霜落後瞻
遺像。濁水澄時見笑顏。異代姓名童語習。中宵風
雨鶴飛還。古今此地無關節。白日孤城冷蜀山。

拜張許六王祠

歸德即
古睢陽

名城喋血共安危。道左飛塵剩古祠。六矢當年知

號令千秋為厲見。旌旗江淮力障孤。軍日睥睨風
生苦。戰時每讀昌黎書。傳後傷心南八是男兒。

蕉林書屋絕句

澹煙晴日滿簾櫳。春色依依上小紅。客為看花頻
載酒。海棠開否問東風。

柳敬亭南歸白下

軍中軼事語如新。磊落寧南百戰身。為問金陵當
日客。侯門誰是報恩人。

王崇簡

字敬哉直隸宛平人崇禎癸未進士國朝官至禮部尚
書○公於國初泰明末殉難諸臣在內亮景文以下十
三人在外蔡懋德以下五人皆當卹贈議從祀謂潘美忌功不當
祀張浚三任軍政皆大敗殺曲端忌岳飛亦不當祀皆議論之正

國朝詩別裁集

卷二

十四

教忠堂

大者說詩謂論格之正變不如論格之正變清
和廣大者為正志微雅殺者為變也亦最平允

姚若侯至感贈

側身天地歲時遷。豈意重逢北斗邊。萬里風波雙
眼內。三年悲喜一燈前。獨宜縱酒聊諧俗。何處狂
歌可問天。莫向帝城懷往事。五陵松柏半荒煙。

新秋感興

憶昔誰人秉國成。甘泉烽火歲頻驚。盈庭聚訟惟
鈎黨。伏闕求官藉論兵。坐使威權歸北寺。遂令盜
賊躡西京。五陵豪貴皆塵土。日暮青燐遍野橫。常與
之與

過庭之壞宦官之毒流寇之禍
一時駢集雖欲不亡其可得乎

殉國曾聞有數公。犯顏敢諫向來同。衛宮幾見楊
文義。伏輦還逢嵇侍中。荊棘荒涼悲夜月。蟪蛄哀
怨弔秋風。至今箕尾光難滅。古木寒煙恨不窮。此表國

公

漁陽秋色照桑乾。日暮沙飛雁度難。御苑金莖迷
細草。上方銀漢挂闌干。西風欲訴明妃怨。千載空
歌易水寒。悵望高天成太息。數聲清角月中殘。

李

澄字鏡月江南興化人順治乙酉舉人著有教好堂詩鈔

望羅浮歌

我聞博羅一山拔地起。邈絕霄漢橫蒼煙。何年遂

國朝詩別裁集

卷二

五

教忠堂

萊卷石浮海至。丹梯翠棧相鈎連。自注南越志山本蓬萊一合而為一仙靈窟宅萬古在。是為朱明耀真之洞天。

其間琪花瑤草蔽崕谷。砰訇鉦鼓鳴層巔。石樓玲瓏負嶠見。鐵橋崱嶸青冥懸。五嶺迢遞不得到。梅

花村畔魂夢牽。竭來道上聞玉女。指點金支璇闕虛。無間豐隆列缺手。劈坤維水簾千丈海風倒吹。

蔥蘢見怪竹。呬啞聽碧雞。更有蛺蝶大於斗。五色

灼爛雄飛下。與三茅通洞壑。上與列宿爭光輝。吁嗟乎羅浮之勝有如此。只今相望疑尺咫。我欲移短筇。裹糧偕諸子。手弄羅浮之青霞。口餐羅浮

之石髓。伏虎巖前天樂鳴。飛雲塔外狂歌起。三更
峯頂見海日。滄溟一片浮紅紫。李白平生最好奇。
浪傳失足隨蒼耳。何似青鞵布襪萬里遊。矯首扶
桑接弱水。望羅浮情無已。羅浮本仙人宮闕寫此題自應有飛仙之氣

武昌湯興

輓轡鳴咽夜無聲。腸斷陰雲磬楚城。鉅鹿黃巾漂
戰血。壽陽白馬擁殘兵。鵲啼蜀道江濤冷。烏啄延
秋劫火明。廿載瘡痍多涕淚。故宮荒草暮雲平。

登五老峯

滿霍茗堯湯比倫。自注黃帝以滿霍二山為南岳副漢武帝以衡山退遠乃徙南岳之祭於廬山滿山

國朝詩別裁集

卷二

六

教忠堂

峯拔起壁豈崙。泉流峭壁虹蜺挂。石磴枯藤虎豹
蹲下界。鴻濛疑未闢。太空星漢欲高捫。讀書頭白
匡山後。怪尔青蒼萬古存。

楊思聖

字猶龍直隸鉅鹿人順治丙戌進士官四川布政使著有且亭集

入棧紀行

極望峯巒稠雲飛。常沒頂空翠。雲衣裳。隨作澗溪
影。花鳥亂聽聞。心眼細細領。晞陽射碧潭。石磴碎
光炯。蒙籠草成陰。樹老身戴癭。山鬼時一嘯。肅肅
毛髮冷。前行。隔後行。後嶺迷前嶺。
暮投黃牛宿。荒垣洩炊煙。樹柵防虎過。昏黑燈火

連旅食敢求餘。薪麥性所便。屋角枕巨壑。水石聲潺湲。勞生驚物役。憂心中夜煎。起坐當語誰。仗劍淚潸然。

棧雲易爲雨。朝行蒙霧露。崖樹架連橋。奔流澗石怒。攀緣爭一隙。時防馬足誤。山禽鳴翠屏。幽陰衆壑赴。始知所歷高。下見夜來路。壯懷在馳驅。湯自賦感遇。

客子悲遠道。旅途未遑安。整裝凌晨發。帶雨度柴關。灘石相春激。雲生暗峯巒。步滑屢歇仄。衣濕何時乾。強顏慰僮僕。談笑輕波瀾。中情默自傷。何能

國朝詩別裁集

卷二

七

教忠堂

駕羽翰

胎原少陵入蜀諸詩而不繫其面目

飄風行

黃雲覆天。天夢夢飄風。撼地地欲動。百丈層冰結重陰。白日無色勢。瀕洞獵獵寒風殺。氣高驚沙撲面利如刀。馬毛蝟磔雁聲苦。魚龍凍蟄狐狸嗥。燕南濟北人。感感死者含冤生者哭。摠有樂土那可移。奮飛不及驚與驚。監門入告。皇心傷。詔書十道被遐荒。可。能。遭。此。風。霜。歲。忍。待。明。年。春。麥。黃。

魏商介

字石生直隸柏鄉人順治丙戌進士官至大學士補諡文

學宗朱子著有約言錄知統錄諸書風節侃侃時稱二魏謂公及敏果公也

薤露歌

波流湯湯逝。不竭兮。出日入月。景不滅兮。人命無常。遞相閱兮。用意高於原辭

將歸操

河之水兮。波洋洋。我不濟兮。非無梁。迴車東望涕沾裳。

送宮紫玄歸廣陵

秋盡寒山出。羈人不可留。劍光衝暮雨。霜氣冷征裘。薊北黃金貴。淮南桂樹幽。送君從此去。濯足大江流。

國朝詩別裁集

卷二

六

教忠堂

魏象樞

字環極山西蔚州人順治丙戌進士官至刑部尚書謚敏果。公爲本朝直臣第一彈劾必匪人如余司仁劉顯

貴程汝璜諸人是也薦引必正人如湯文正斌陸清獻龍其二公是也任都御史時特命巡察畿輔除尤見風力歸田後書數千卷外無長物嘗笑曰尚書門第秀才家風又可想其清節矣

甲申閩賊陷寧武關周摠兵戰死

自注公諱遇吉遼東錦州衛人

賊至大戰城下死之城陷其妻某氏督婦女巷戰矢盡亦死。三月初三日作

大呼高帝出城闔。三百年來此一身。帳下投醪多戰士。軍前拔幟是孤臣。裹尸不愧真男子。擐甲曾聞有婦人。若使將軍猶未死。羣芒那敢近中宸。末二語意

流賊李自成亦言之見忠義之氣能動寇賊也同時武臣如劉澤清輩不啻蛆虫棄機矣

哭友

昔年乍去身猶健。昨夜空傷萬里魂。海上鯉魚驕
白日。庭前鵬鳥下黃昏。遺書暗灑孤臣血。垂死仍
銜故國恩。寔是聖朝容直諫。許君骸骨葬平原。

此貶官海南
疫於戌所著

趙賓

字錦帆河南陽武人順治
丙戌進士著有學易詩

海口東李芳洲

積水流天外。茫茫萬里秋。估船經島國。潮響到城
樓。浩蕩乾坤小。奔騰日月浮。蓬萊君咫尺。果否有
滄洲。

長安喜逢彭禹峯

國朝詩別裁集

卷二

九

教忠堂

湖海元龍氣未除。雄心寂寞付樵漁。鐔開北海新
桑落。膝抱南陽舊草廬。偶儻指揮天下事。才華驅
使古今書。含香朝罷門庭冷。掃逕同君賦子虛。

送孫九畹僉憲蜀中

畫省人空鳥畫啼。使君持節漢江西。驛亭席鬪驚
鄉夢。棧道蛇盤怯馬蹄。荒服舊傳鹽井遠。烽煙近
報雪山低。蠻方萬里歸王會。湯向甘泉說碧雞。
兩關地盤

十四字刻畫寫
之而一歸於穩

贈巢梅峯候調旋里

此日纔聽故國鐘。風吹石岬冷芙蓉。河魚曉進高

堂膳。蠟屐晴登少室峯。十載還鄉人老大。三春伏
枕夢從容。草堂暫卧仍須出。未許香醪醉菊松。
十載還鄉

巢之族里也三春
伏枕已之懷巢也

李

字坦園直隸高陽人順治丙
戌進士官至大學士諡文勤

舟發浦城

地形下東南。灘溜如箭疾。客行衝霧雨。扁舟僅容
膝。鄰鄰沙痕高。齒齒石鋒密。礪礪中流鉅。細狀
非一狹。逼驚濤。飛深沸。漩渦溢。舟楫巧紆避。簌盪
神先怵。篙師一失手。勢與洪流汨。汨眩眼難升。稠送
客奔崖。車駢音。豫初覽。過險怕。縷述垂流怪。浮生
國朝詩別裁集

卷二

千

教忠堂

坎止私願畢

初發都門

六年束吏舍。所向困局迫。出郊茲晨始。豁若樊籠
釋。望山懷故栖。遵途感新陌。回首魏闕高。塵沙黯
將夕。微軀隨世罟。拮据事行役。豈無四方志。悲與
親愛隔。曠野均苦樂。浮生安所擇。起滅情無端。沉
思莫能擲。
宗法選體不流入於
剽輕猶得謝公遺意

楓嶺

楓嶺與梨嶺。南北相拱揖。石脈固潛通。蟠峙各獨
立。林木互糾紛。亂峯森觚觚。其巔判閭浙。風土隔

邦邑躋嵯俯絕谷。轉道僅微級。凌空危橋滑。束澗
鳴溜急。負擔盡游估。攀緣如蟻集。傷哉營微利。走
險詎夙習。下見稻畦人。驚客舉簑笠。馳騫違所性。
遭迴增憂色。

喜晤孫星衡社丈述贈

昔判長安袂。烽煙障薊邱。窮交惟我在。遠道為君
愁。豈意三年別。同為萬里遊。晤言如夢寐。於邑豈
能酬。通軀一氣

送楊賢甫副憲祀華嶽江瀆

聖代懷柔秩典章。首嚴岳瀆奠金方。中丞暫假祠
國朝詩別裁集

卷二

王

教忠堂

官節宗伯親頒。御府香挺秀。三峯連漢時。安瀾
萬里下瞿塘。新秋莫訝無殘暑。驛路風清白簡霜。
王紫綬字表航河南祥符人順治丙戌進士官翰林出為浙江糧儲道著有知不足堂詩集

送潘世衡內陟少宗伯

從龍仗策自關東。江上頻行御史驄。錢穀暫煩蕭
相國。儀文終藉孫通。百年禮樂方開闢。一代車
書欲混同。天子垂裳問民事。入朝應奏未央宮。

哭師

生死親營一畝宮。辦香誰解為南豐。敢云狸首斑
為美。常恐牛眠卜未工。門下易名蕭穎士。帳前負

笈。馬扶風。吹臺賦罷人何往。嗚咽黃流水自東。

高枕加餐二十秋。炙雞絮酒冷松楸。憑將夫子呼

楊震。不見藐孤哭鄧攸。生死情難忘北面。往來路

易慟西州。樹頭何必千金劍。歲歲為添土一抔。而為劉文

奇汴人流寇困汴時跳城而走者裝航少受經學終身敬禮之見所作墓誌

馮溥字孔傳山東臨朐人順治丁亥進士官至大學士諡文毅○文毅力薦魏環極為名臣在閣不諂隨不矯激詩以雅

正為主不爭長於字句之間

漢文帝幸代圖

漢帝當年歌大風。歡留父老樂融融。誰知將相和
調後。更有君王賞。燕同每飯未嘗忘。鉅鹿故居猶
國朝詩別裁集

卷二

王

教忠堂

是念新豐旌旗十萬雲。中駕休擬登臺出。塞雄從高帝歌

宋琬字玉村山東萊陽人順治丁亥進士官浙江按察使著有安雅堂集○觀察天才俊上跨越衆人中歲以非辜繫獄

故時多悲憤激宕之音而泝厥持歸仍不鉅於中正此詩中之變雅也王新城稱為南旋北宋惟愚山足以儷之洵為空論

先大夫諱日

墜葉豈更榮。流波無重回。哀哀古孝子。痛哭嗟瓶
罍。喟余少薄祐。賦無凌雲才。側聞過庭訓。愛惜如
瓊瑰。弱齡把鉛槧。慈顏為之開。乾坤當百六。梁木
忽然催。譬彼玄鳥雛。巢傾雕梁災。譬彼松下草。霜
落成枯荄。自我歌鮮民。星紀凡屢談。况乃忝符節

隴山崔以巍松阡渺何處莫剪蒿與萊飄蕭生素
髮膝下無嬰孩緬想夜臺內惻惻傷其懷誓言守
遺教敢令官方垂庶以清白風稍酬罔極哀敘述生平而接
守庭訓以肅官方是能遺親以令名者知備吏印是孝子

贈蜀中李鵬海進士

昔君射策明光宮騰驤燕市驂騶空誰遣妖星逼
天闕鼎湖竟墜烏號弓小臣攀髯死未得重爾萬
里還鄉國劍閣峩我戰血腥豺狼竊據昏巴夔八
口淒涼何所歸窮途邨免寒與飢長鏡作伴拾橡
栗短褐不完歌采薇清渭灘頭釣魴鯉誅茆結屋

國朝詩別裁集

卷二

三

教忠堂

將已矣亭邊呵止故將軍驢背誰知前進士青鞵
竹笠秦川來登高懷古義皇臺酒酣拔劍鸚鵡舞
夢回巫峽秋猿哀達人自古嗟飄蕩鼓刀而屠太
公望天子宵衣問隱淪徵書旦夕磻溪上鵬海歸於蜀亂之後於其行也作詩以憐憫而慰勞之

從軍行送王王門之大梁

有客有客驂而紫左挾秦弓右吳矢自言家本關
中豪黃金散盡來江沚年來倦上仲宣樓裹糧且
訪侯羸里腰間匕首徐夫人河畔荒邱魏公子懸
知弔古有深愁慷慨登車不可止自從盜決黃河

奔大梁未有千家村烽火但增新戰壘塵沙非復
古夷門短衣聊向將軍幕長劍終酬國士恩落日
驅車臨廣武春風試馬出轅轅丈夫佩印乃恒事
安能鬱鬱老邱樊王郎顧我深嘆息一見歡喜如
舊識此行不但為封侯人生貴在抒胸臆江上楊
花白雪飛梁園芳草青袍色盾鼻猶堪試彩毫驚
聲聊為停珠勒醉後狂歌氣若雲軍中教戰容如
墨春風拂地車班班起看明月攬刀環平臺賓客
久零落至今汴水空潺湲憐子偃塞風塵際年來
聲折凋朱顏已知苦被雕蟲誤強弩欲挽不可關

卷二

雷

教忠堂

國朝詩別裁集

待尔他年分席竹相從射獵終南山

詔獄行

秋官署中有老吏能說先朝詔獄事當時國是日
紛紛太阿柄倒歸閹寺天子高居問尚公公卿標
榜排清議遂有羣凶作爪牙鱗虎蒼鷹最毛鷲長
樂宮前傳片紙金吾夜半飛緹騎衛尉將軍身姓
許提點官旂北鎮撫讞決惟增王甫歡壘囚難解
張湯怒洗垢新懸沉命法揮毫已入追魂簿甫聞
北闕殺劉陶旋見西亭尸竇武白骨交撐裏赭衣
殘骸誰敢收黃土爾曹自謂盤根株殺人狐媚誇

良圖。豈知神理有反覆。昊天明明安可誣。神姦脫
距競。道醯亦有然。臍當路衢長。安萬姓歌且舞。賣
釵鬻釧沽醢。酬海水羣飛。桑畝移俛仰。乾坤又一
時。三君八俊俱塵土。膺滂田竇無墳基。彤管堪嗟
酷吏傳。青苔半蝕黨人碑。我今何為淹此室。園扉
白日啼寒鴟。冤魂欲招不敢出。但聞陰風蕭颯中。
心悲中心悲。淚盈把。酌酒呼臯陶。臯陶竟啞。啞古
來萬事難。問天蠶室誰憐。漢司馬君不見。城上烏
啄人。曾不問賢愚。新鬼銜冤向都市。年年寒食聲
嗚嗚。北鎮撫許顯純也。洗垢新懸沈命法以下六語。謂楊左諸公畢命事也。從獄卒口中詳述往事而主意全在已之詔獄實意轉詳主意轉

國朝詩別裁集

卷二

圭

教忠堂

略極見作法之變

行路難

身不必賢良。書名不必茂。才舉便便飽五經。詎若
工三語。鄉里小兒車上儔。大字新銜謁府主。三年
前在廊下趨。白頭老儒徒踟躕。漢家公卿半刀筆。
平陽之後有丙吉。家家少牢祀。鄭侯有兒莫讀天
人策。馬銀鞍。金作魚。何足道哉。二千石。

棧道平歌為賈膠侯尚書作

君不見梁州之谷斜與褒。中有棧道干雲霄。仰手
可以捫東井。下臨長江浩汗洶波濤。大禹胼胝恐

未到。帝遣五丁開神臯。巨靈運斧地維坼。然後南
通巴蜀西羌髡。蛇盤紫紆六百里。千迴萬曲緣秋
毫。懸車束馬弗可以徑度。飛騰絕壁愁猿獠。漢家
留侯真婦女。烈火一炬嗟。徒勞噫嘻乎。三秦之人
困征戍。軍書蠡午如蝟毛。銜枚荷戈戟。轉粟窮脂
膏。估客爾何來。萬里競錐刀。須臾失足幾千仞。猛
虎蝮蛇恣貪饕。出險灑酒始相賀。燐燐鬼火聞呼
號。泰運開尚書來。恩如雨露威風雷。一呼集奮鏑
再呼伐薪柴。醇醢澆山萬夫發。坐看巉巖削盡為
平埃。噫嘻乎。益烈山澤四千歲。火攻莫救蒼生災。
國朝詩別裁集

卷二

圭

教忠堂

昔也商旅魚貫行。今也不憂狼與豺。昔也單車不
得上。今也康莊之途足以走連羣。焚童巴舞貢天
府。桃笙寶布輸叩峽。歌幽風。擊土鼓。賈父之來何
晚哉。豐功奕奕垂萬禩。經濟不數韋臯才。中朝袞
衣待公補。璿璣在手平泰階。西望劒閣高崔巍。側
身欲往空徘徊。大書深刻告來世。蛟龍岌業磨青
崖。金穿石。泐陵谷。徙我公之功。不與伏波銅柱同。
塵埋。賈中丞名漢復。平陰為夷因作歌以頌之。歌勒於觀音橋崖石上。出後人手幾成。德政歌矣。此服其筆力之大。

喜表弟董樵書至

數枉山中信。江湖問逐臣。憐子常作客。知爾尚依

人刀狙驚前夢。漁策老此身。故園風俗薄。猶有葛天民。

己酉過姜如農東萊草堂

拜杖端門下。孤臣命若絲。何堪天譴日。即是國亡時。諫草傳梅尉。扁舟混子皮。似君幽隱處。獨有白鷗知。

姜以建言廷杖譴戍宣城明社旋屋矣後終於吳葬於宣城

同時鮫給諫。不異楚靈均。破衲稱開士。殘碑記黨人。老從方外友。悟彼定中身。應據生公石。軍持話宿因。

鮫給諫名開元亦以勦周延儒被杖後隱於僧故次童達及之

寫哀

國朝詩別裁集

卷二

毛

教忠堂

執戟霑微祿。棲遲仰大官。累臣天不弔。聖主法終寬。宗祀哀羊舌。身名笑鼠肝。鬚眉真自覩。書札報任安。

馮唐墓

馮公昔未遇。執戟歎淹留。一薦雲中守。能寬漢主憂。古碑荒蘚合。高柳暮鴉秋。自笑為郎拙。蕭蕭欲白頭。

送傅介侯督餉寧夏

賀蘭西望鬱嵯峨。使者乘春攬轡過。三輔征輸何日盡。二陵風雨至今多。邊城楊柳樓中笛。羌女葡萄

荀塞下歌。君到坐傳青海箭。不妨草檄倚瑯戈。

尤近
潘冥

獄中長至呈同繫諸公

時大駕有事南郊

園扉望斷屬車塵。聞道鑾輿出禁閨。五夜斗杓初建子。孤臣霜鬢未逢辰。雉羅既說嗟何及。龍性誰言不可馴。猶有鍾儀數行淚。南冠相對共沾巾。

三四
是活對法

懷王敬哉

自注時黃河決濟充開

蕭條歲月執華子。行步徘徊靡所如。刀俎堪驚身是底。雲霄還念食無魚。但留東海栽桑地。敢作南

國朝詩別裁集

卷二

毛

教忠堂

山種豆書聞道。宣房薪未塞。欲從太史問河渠。

夏瑗公先生廿載淺土門人盛珎示卜地葬之以其夫人祔焉詩以誌美

幾年松楸缺經營。負土荒原賴友生。曾賦國殤哀翟義。竟無傭保付王成。月明大鳥來華表。劍合雙龍捲素旌。二陸冤魂應共語。雲車風馬笑相迎。

六語見夫人祔葬結但取冤魂及同為雲間人意機雲身分地位不必同也

賀曾庭聞舉孝廉

庭聞江右人易名中泰榜

誰言才子竟蹉跎。天馬西徠萬里過。名姓在秦張祿貴。文章入洛陸機多。漢廷佇奏凌雲筆。羌笛爭

傳出塞歌隴上梅花憑驛使。好將雙鯉下黃河。

同東雲雛王心古諸君登華山雲臺峰

丹梯千仞倚嵯峨。萬轉盤紆出薜蘿。少華西來朝白帝。太行東望走黃河。欲從玉女窺蓮井。須向仙人借斧柯。襍被同君星漢外。方知天上白榆多。

華嶽

遙遙青黛削芙蓉。此日登臨落雁峯。霄漢何人騎白鹿。天門有路跨蒼龍。流沙弱水真杯勺。太白終南盡附庸。却憶巨靈開闢日。神功橐籥費陶鎔。松風謖謖步虛聲。杖策高尋衛尉卿。星近祠壇光

國朝詩別裁集

卷二

五

教忠堂

欲隨月臨仙掌夜偏明。扶桑萬里天雞曙。箭括三更石馬鳴。誰信揚雄擅詞賦。不將綵筆記層城。舉頭天外

幾許落墨不愜五岳起方寸語

報唐采臣戶部時自寧夏還朝

使君書札勸加食。又報征車發賀蘭。秦地關山留庾信。漢家鹽鐵問桓寬。飛鴻夜度朱弦冷。邊馬晨嘶白草寒。逸客隴頭憔悴甚。故人傳語到長安。

登西嶽廟萬壽閣

崔嵬傑閣玉為寮。白帝離宮倚絳霄。檻外河山三輔小。崑前觴豆百靈朝。明星環佩雲來濕。仙掌芙蓉雨欲搖。會御長風凌絕巘。青鸞背上夜吹簫。

鸚鵡

雕籠萬里托征鞍。辛苦何辭行路難。幽閣恰添嬌女伴。方音猶作部民看。且分薄俸供杭稻。莫遣春風痺羽翰。流水隴頭相憶否。朔雲邊月不勝寒。

送張蔚生明府之任劔州

樓閣崔嵬涪水西。芙蓉十二與雲齊。幾年漢使迷金馬。萬里江流見石犀。講學文翁今再覩。勒銘張載有新題。相思愁殺峨眉月。山木蒼蒼杜宇啼。

九日同姜如農王西樵程穆倩諸君登慧光

國朝詩別裁集

卷二

三

教忠堂

塞鴻猶未到蕪城。載酒登樓兩乍晴。山色淺深隨夕照。江流日夜變秋聲。上方鐘磬疎林滿。十里笙歌畫舫明。空負黃花羞短髮。寒衣三澣客心驚。悲壯沉鬱

刀魚

銀花爛湯委筠筐。錦帶吳鉤摠擅長。千載專諸留俠骨。至今七箸尚飛霜。

舟中見獵犬有感

秋水蘆花一片明。難同鷹隼共功名。橋邊飽飯垂頭睡。也似英雄髀肉生。

蔣

超

字虎臣江南金壇人順治丁亥賜進士第三入官翰林院編修著有綴卷集○按卷素無官情自稱前身峨眉老僧徧遊名山後入蜀致於我眉山之伏虎寺

金陵舊院

錦繡歌殘翠黛塵樓臺已盡曲池湮荒園一種瓢
兒菜獨占秦淮舊日春極濃麗地偏寫得荒涼如許感慨係之

文殊院

紫玉屏風敞佛筵諸峯如笏上青天偶來山寺空
無主驚起白猿松際眠

王

熙

字子雍直隸宛平人順治丁亥進士官至大學士諡文靖

春日扈從南海子觀大蒐

國朝詩別裁集

卷二

主

教忠堂

上苑回春馭傳呼夜漏催六龍雲裏下八陣日邊
開細草鳴鸞地雄風買駿臺應知宸算遠不為

詰戎來

宋徵輿

字韓文江南華亭人順治丁亥進士官至副都御史○雲間詩家推陳卧子宋韓文李舒章則子蹈海後宋李並名於時未嘗有所軒輊

參軍行

檀州軍敗涕南陷鐵騎西山逼雲棧九門辛苦坐
公卿按兵不動有高監王堂義人胡不平上書北
闕苦論兵參軍新命一朝下單騎夜出長安城是
時主將盧司馬獨將西兵兵力寡不教國士死黃

沙別遣參軍向城下參軍不行司馬嗔參軍既行

軍伍陳北向拜拜謝至尊曰臣象昇死國恩鼓聲

聞闕軍出壘司馬一呼劍者起三萬邊兵夜合圍

孤軍雖勝終鬪死朝廷頗輕死事功翻疑訟疏多

雷同司馬幾受斲棺慘參軍一官成轉蓬嗚呼權

臣報復有如此疆場誰肯據孤忠此紀賈莊之敗也高監名起潛參軍楊廷麟時

樞輔楊嗣昌嫉盧忠烈正直不與援兵高起潛擁兵坐視忠烈與大軍戰重創死嗣昌詎以降又詎以通賊至斲棺廷麟力辯其冤得免忠佞顛倒如此明社所以屋也後參軍亦以守城死

下灘

孤舟瀉石灘雙槳下雲端浪湧分花落濤驚濺雪

國朝詩別裁集

卷二

主

教忠堂

寒亂山皆曲向飛渡却迴看千里無諸國天南自
鬱盤一起如觀已船出峽圖

古意

碧玉堂西紅粉樓樓中思婦憶涼州咸陽橋上三
年夢回樂峯前萬里愁秦地煙花明月夜胡天沙

草白雲秋離魂不識金微路願逐交河水北流酷似楊升

卷塞垣鵲鳴詞

林天孫自漳州來見訪天孫乃黃石齋先生

弟子時黃先生被逮

燕市霜飛五月寒投荒君子更南冠謫同賈誼官

仍奪時異靈均死亦難大滌春陰猿鶴怨武夷秋
雨薜蘿殘自注大滌武夷皆先生講學處憑君歸報金雞信重掃先生
舊講壇

冬閨夜怨

落盡飛雲暮色寒黃昏北斗照闌干可憐一片如
霜月惟有深閨獨自看

鄧

旭字元照江南壽州人順治丁亥進士官翰林院檢討著有林屋詩集

錢塘看潮

夜發富春江午纜錢塘岸不見當時射潮者天際
煙波空浩瀚須臾海門走足練白虹蜿蜒吐長綫

國朝詩別裁集

卷二

三

教忠堂

漸看鰲背負山來洶湧頃令天地變龍吹笛鼉擊
鼓馮夷天吳江上舞萬斛舳舻如敗葉怒濤一捲
送平浦伊昔惟聞東流之水無盡期沃焦須洞爲
漏卮云何已逝壑而有還源時應是伍胥文種恨
不滅無路叩天氣填咽故教雪浪排長空古今嗟
吸無時絕

贈鳳凰山咸菴禪丈菴名鳳巢

萬綠藏深壑苔龕路幾層側身同蟻進牽臂學猿
騰累重緣留髮栖幽欲妬僧半生遲引退應悔錢
春冰

季振宜

字遠華江南泰興人順治丁亥進士官御史

潼關有感

興亡非一代形勝覽層樓渭水千年濁泰山萬里
秋豺狼互吞噬盜賊化王侯郵置無餘馬皇華不
肯休

李

敬字聖一江南六合人順治丁亥進士官刑部侍郎

清明泊瓜步阻雨

愁思如芳草春程不斷生停雲連野色過兩挾江
聲瓜步新添水清明遠送行強從吳客語歸計羨
朱櫻停雲十字源洋賞之謂其不減古人

國朝詩別裁集

卷二

三

教忠堂

讀水經注懷洞庭

坐倚巴丘俯洞庭君山一十二峯青不聞修竹來
仙吹但有孤鴻送客舸欲辨水天惟北斗若當風
雨即南溟舊遊浩渺如春夢兀看酈元注水經

繆慧遠

字子長江南吳縣人順治丁亥進士官壽陽知縣○經義推巨手韻語亦復雅健雄深

雉子斑

雉子斑兮其羽煌煌雄雉朝飛阡陌相將十步一
啄載飛載藏誰爲旣樞軀負文章南山媒翳北山
羅張樊籠既入形容無光恭承嘉惠食以稻粱爾
雖小物耿介莫當局促一世生不如亡微命既釋

感恩未央。遲遲春日。膏澤徜徉。願同黃雀。銜環君旁。

友人過訪

茸城愁絕。各風煙。傾倒今朝。倍黯然。坐上清歌。聞子夜。人生行樂及丁年。三春會面。常多阻。百罰深杯。且共傳。舊事淒涼。言未盡。簷花落。久雨纖綿。

有感

湘水桃源欲問津。衣冠處處哭秋旻。寧同白馬藏朝士。肯為黃巾赦黨人。行澤楚臣應抱石。上書梁獄幾全身。驚心南國添繒繳。解網還邀聖主恩。

國朝詩別裁集

卷二

五

教忠堂

陶懷確確以詩寓之盡成激楚之音

烽煙海內尚兵塵。奮發論才得爾曹。紫塞重彈白翎雀。金門競奏鬱輪袍。蒼茫夢裏詢蕉鹿。浮拍池中把酒整長嘯。獨期千古事。詠懷何必反離騷。

憶遠左故人

生歸何地更逢君。蘭忌當門自昔云。東雒少年無賈誼。制科風漢獨劉蕡。蕃釐種徙瓊花絕。遠海魂啼杜宇聞。篋裡故人封事藁。雨窓檢點淚紛紛。

曹垂燦

字天祺江南上海人順治丁亥進士官遂安知縣

插秧詞

苗欲疏也

沈永令

字聞人江南吳江人順治戊子副榜官高陵知縣○初知韓城縣時湯文正為潼關道以循良重之其政治可知也詩亦宗仰唐人

不率竟陵習氣

再次淮上對月

國朝詩別裁集

卷二

五

教忠堂

半年沙塞月。今夜映長淮。砧杵深閨夢。關山旅客懷。遙知燈下卜。敲斷髻邊釵。何日花前影。清光共玉階。今夜鄭州月念閨中之懷遠此寫客中之念家境地相同深情宛合

咸陽寓中

老應甘棄世。壯已不如人。楚越燕秦路。東西南北身。鏡中俱是雪。塞外不知春。何日滄江返。磯頭穩釣綸。

秦中

深秋沙草馬長嘶。塞柳千條覆曲隄。水落渭河諸派合。天圍華嶽萬峯低。舊遊金谷雲煙散。故國銅

駝枳棘迷紫氣近來東望滿函關何用一丸泥顏茂倫稱

此詩沉雄瑰麗可追盛唐其氣象然也下章亦然

登華

歷歷星辰尺五懸。洮雲隴樹望相連。天高西北長空盡。勢控燕秦大地偏。煙杪一丸關。百二河流如綫路。三千此身托足知何處。仙掌擎來霄漢邊。

分水龍王廟

南為吳水北燕雲。結伴登臨喜得羣。七十二泉從此合。三千餘路恰平分。安瀾已下褰封詔。沉璧無煩草檄文。惟有仲宣行役苦。登樓久已悔從軍。引汶水合

國朝詩別裁集

卷二

三

教忠堂

七十二泉之水注於南旺平分南北以利轉漕此宋禮從白瑛之議也三四語真寫得盡

贈壁菴禪師

師為楚嘉魚。天啓乙丑進士。筮仕吳令。晉吏垣。崇禎壬癸間。建言廷杖詔獄。滄桑後遂為僧。康熙乙卯。駐錫江城。距作令時。閱五十寒暑矣。永令以昔年童子。受知門下。感賦是詩。

浮生閱盡幾滄桑。獨卧寒雲擁竹床。百鍊身猶餘鐵石。萬言字尚挾風霜。列朝文獻徵遺史。一代天龍護法王。士女爭來瞻瑞相。使君故是宰河陽。即熊

開元也以彈周延儒廷杖後為僧門下士感慨賦之如讀本傳

國朝詩別裁集

卷二

三

教忠堂

國朝詩別裁集卷二終

國朝詩別裁集卷三

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

施閏章

字尚白江南宣城人順治己丑進士官江西參議康熙已未召試博學宏辭官翰林院侍講著有愚山詩集○南

施北宋故應抗行今就兩家論之宋以雄健磊落勝施以溫柔敦厚勝又各自擅場○王漁洋云門人洪昉思問詩法於愚山愚山曰子師言詩如華嚴樓閣彈指即現又如五城十二樓縹緲俱在天際余則譬作室者假磚木石一一俱就平地築起洪曰此禪宗頓漸義也今觀兩家詩此論確不可易

警志詩

洋洋景運六轡徂流尔征尔邁不我眷留維帝齊予靡德不具既具既完逝不我顧拾穗雖利不如

國朝詩別裁集

卷三

一

教忠堂

躬耕東炬夜馳不如早行鷄爭腐鼠鳳餐竹食翔視千仞下罕雛匹懿我祖考爭道策驥腹我目我遑敢墮晉遊東魯攝衣孔庭俯仰瞻聽實通儀型匪哀匪慕泣涕如雨愴如亡子初見父母軌臻回賜文企姬秦不慙燭火持照千春墮霜警木世難厲德懷璧負途智士不惑後則穴果獺則祭魚誰為令人不勤是圖皇皇朝夕望暑心慄如岵斯崩如帟將啞冉苦抱病顏不待耆敬爾良時并宵作畫

步步實踐歸重下學不落宋人塵廡是曰詩品

升天行

丹鳳一雙乘雲上翔俯視八極中路徬徨

小臣心思太古言叩天門手擊天鼓雷雨晝迷

不得語

側貨財千億

言天闕清虛安用貨財千萬億願丐下土小民作

衣食

假赤螭遊戲十洲山無崩徙河海安流天子萬年

兵革罷小臣魯鈍但當貧賤長優游

浮萍兔絲篇

食計借題抒寫大臣心事昭然若揭矣

國朝詩別裁集

卷三

二

教忠堂

李將軍言部曲嘗掠人妻既數年携之南

征值其故夫一見慟絕問其夫已納新婦

則兵之故妻也四人皆大哭各反其妻而

去予為作浮萍兔絲篇

浮萍寄洪波飄飄東復西兔絲附喬柯裊裊復離

披兔絲斷有日浮萍合有時浮萍語兔絲離合安

可知健兒東南征馬上傾城姿輕羅作障面顧盼

生光儀故夫從旁窺拭目驚且疑長跪問健兒母

乃賤子妻賤子分已斷買婦商山陞但願一相見

永訣從此辭相見肝腸絕健兒心乍悲自言亦有

婦商山生別離。我戍十餘載。不知從阿誰。爾婦既
我鄉。便可會路岐。寧知商山婦。復向健兒啼。本執
君箕帚。棄我忽如遺。黃雀從鳥飛。比翼長參差。雄
飛占新巢。雌伏思舊枝。兩雄相顧詫。各自還其雌。
雌雄一時合。雙淚沾裳衣。狀古來未有情事。以此與體出之。
作漢人樂府讀可也。無書無筆人。

不敢道一字

過輦嶺

崇岡陟峻嶒。鳥道繞山腹。仰探白日短。俯瞰陰霞
伏。魚貫度行人。疲馬躑躅。春晴多好風。吹我巖
壑綠。農畊嶺上雲。婦飯溪中犢。羈心曠登陟。瘠土

國朝詩別裁集

卷三

三

教忠堂

見風俗。華陽靈蹟闕。杖策尋石屋。

早春三天洞至仙人巖

寒巖斂衆妙。惠風蕩疎木。洞穴無人居。璫瓏闢華
屋。春陰香乳流。谷溫瑤草綠。出戶見前峯。重雲無
斷續。乘興復杖藜。行歌散煩促。古樹含丹葩。餘雪
長靈瀑。僧扉鑿陽崖。茶臼入深竹。采真客安往。悵
望空山曲。

臨江憫旱

瘠土嗟薄獲。歲豐長忍飢。戎馬况疊跡。田園成路
蹊。荷鋤代牛力。播種良苦疲。朱火肆燎原。禾稗同

一萎。民亂如恐後。况乃驅策為徒跣。呼百神。嗚咽
致我辭。政拙未敢苛。召災今則誰。雲漢何皎潔。箕
斗正參差。心知閭閻遠。側向高天啼。明日急芻餉。
吞聲重涕洟。歲豐長忍飢。即所云樂歲終身苦也。防民亂。
懼召災。呼天而訴。如讀雲漢正月諸變雅。

悲野雀

行經沂州有餉鵲鵲者。哀其義不忍食。或
曰。州人捕雀為業。嗟乎。蕪田不耕。羅及野
雀。作詩示州人。

國朝詩別裁集

卷三

四

教忠堂

羣生持此飲啄具。充君鼎俎烹。苦慙託體微。不足
一杯羹。同類為啾啾。失侶長哀鳴。君輟筵上箸。請
聽簷外聲。讀末二語。雖老
嬰亦應動心。

新都戍

自注。新安亂後。留
戍以蒙古諸軍也。

玉屏山草盡。練江江水渾。丈人看飲馬。千騎如雲
屯。腰間橫大箭。遊戲走平原。射雁落雲中。逐兔過
田園。割鮮不須臾。腥血殷盤飧。漢兒芻秣久相馴。
通語言。此輩尚猛鷙。好惡難具論。往年賊破郡。去
年蹂榆村。驅除借厥力。到今防禦存。居人遠竄匿。
白日黃塵昏。何時罷兵戰。天河洗乾坤。即老杜詩
花門意。

祀蠶娘

華燈白粥陳樹漿田家女兒祀蠶娘。頭刺繡裙與娘着。使我紅蠶堆滿箔。他家織繡裁羅襦。妾家賣絲充官租。餘作郎衣及兒襖。家貧租重還有無。蠶時桑遠行多露。好傍門前種桑樹。比張王樂府詩。見性情之正。

牽船夫行

十八灘頭石齒齒。百丈青繩可憐子。赤脚短衣半在腰。裏飯寒吞掬江水。北來鐵騎盡乘船。灘峻船從石窟穿。雞豬牛酒不論數。連橋動索千夫牽。縣官懼罪急如火。預點民夫向江坐。拘留古廟等羈國朝詩別裁集卷三 五 教忠堂

劣前峯

危峯矗立鼓山頂。目盡閩天萬山影。磨崖上有紫陽書。光芒倒射扶桑冷。雙江會合蛟龍遊。三山滅沒人煙浮島嶼。東看入海氣空青。一髮指琉球決。

濤忽起。天地動。羲和返。駕寒雲愁吁嗟乎。白日苦短。青髻已斑。天風何冷冷。吹我骨珊珊。念欲乘風揮手去。八表萬里何當還。鸞駟鶴馭良不遠。鯨吞蟻鬪誰能閒。回首大笑。哀人間。

射鳥樓行

自注為周繇先生紀事

越王城邊烏啞啞。射鳥樓頭鳥不下。周侯破寇此城頭。到今殺氣城烏愁。先皇丙申歲七月。寇來海畔盈山邱。疾如長鯨吞巨舟。城中漏哭聲啾啾。侯方解官聽吏議。推守要害來烏樓。抗言立功須宿將。使貪使過皆保障。中有健手王老盾。陷陣摧

國朝詩別裁集

卷三

六

教忠堂

鋒氣偏壯羣。凶爭踞豹頭。山咫尺。烏樓正相向。蟻附蜂屯頃刻間。何人敢立女牆上。周侯清嘯決戎機。誓師慷慨裹鐵衣。指顧中堅發大礮。須臾萬骨黃塵飛。紫袍戎首正糜爛。一軍氣盡輿尸歸。總戎援兵適繼至。三山是日解重圍。當途方略固多有。功成乃出閒官手。烽煙既息烏樓空。烏樓壯績在人口。他年再集頭白烏。射鳥還有周侯無。記事詩不無詳盡此

覺勃勃有生氣以防亂作結處事尤為周詳

亂後和劉文伯郊行

斜日照荒野。亂山橫白雲。到家成遠客。訪舊指新

墳戰地冤魂語空村畫角聞相看皆隨淚風葉自紛紛

慈仁寺松

直欲凌風去翻從拂地看摧殘經百折偃仰鬱千盤老閱山河變陰翳日月寒支離爾何意不厭卧長安

谿漲

谿漲全無岬沙田又可哀舟航浮郡郭荇藻冒樓臺過雨重雲黑奔雷動地迴蛟龍橫得意白日向人來

國朝詩別裁集

卷三

七

教忠堂

懷侯韓振藍山

貧苦日相共宦遊天一涯有官真似水無夢不還家五嶺來山瘴孤城接塞笳別離春已暮多恐髭將華

舟中立秋

垂老畏聞秋年光逐水流陰雲沈岬草急雨亂難舟時事詩書拙軍儲嶺海愁存飢今有歲倚棹望西疇

曲江得方學士題翁先生書

自注時自塞外歸暫寄廣陵

入塞仍羈旅書來淚滿纓悲歡成隔世衰白重關

情遠竄全家在生還萬事輕幾時歸客夢安穩石頭城

村父同弟阮遲子蕪關次日予北發

小泊聚江干帆開淚未乾路長催老易家近恨歸難長大看吾弟浮沉付一官今宵渾不寐倍覺夜湯湯

家近蕪歸老於官途者知之神明杜陵乃有此種

錢塘觀潮

海色雨中開濤飛江上臺聲驅千騎疾氣捲萬山來絕岬愁傾覆輕舟故溯洄鷗夷有遺恨終古使人哀

氣捲萬山來五字千古

國朝詩別裁集

卷三

八

教忠堂

顧寧人關中書至

舊蹟滿西京高談就友生書曾搜孔壁詩已變秦聲多難餘身健新編計日成別來頭並白望遠不勝情

過湖北山家

路田臨石岬樹老出塢根野水合諸澗桃花成一村呼雞過籬柵行酒盡兒孫老矣吾將隱前峯恰對門

野水十字今穠松年亦不能盡唐人時有落花至遠隨流水香同一自然

雨後

歸田復多病寒雨送三春高柳不藏閣流鶯解就

人道心看物變時。論薄官貧無限扁舟意。澄江滿綠蘋。三四不讓劉隨州漁洋取惠山五言近體為摘句圖為學者式也

淳湖尋邢景之

四海倦遊後始知泛愛非寸心如落木逢爾復春暉移榻連蔬圃烹魚出釣磯清歡成信宿不是醉忘歸

江行雜詠

鼓枻隨漁父。乘槎老客星。鶯聲花嶼暖。龍氣雨潭腥。波綠澄湘浦。天青合洞庭。誰知漁子飯。絕勝五侯鯖。

國朝詩別裁集

卷三

九

教忠堂

望衡嶽

衡山絕頂祝融峯。獨峙天南抗岱宗。水國風雷虛岫出。炎方冰雪半巖封。斜陽欲辨煙中樹。昨夜遙聞岳麓鐘。好駐星輶看日出。卧翻雲海盪心胸。

李天中給事以直諫謫塞外追送不及

策馬送君君出門。朔風動地捲蓬根。孤臣抗疏甘身死。萬里投荒是主恩。笳吹天山遶月小。城連沙磧塞雲昏。心知去國無多淚。腸斷慈烏聲自吞。

以忠君愛國表成臣心事老杜送人往往如此

登岱

日觀晴光傍午開。茫茫東見海為杯。九州積氣峯前合。萬里浮雲杖底來。鄒魯山靈真莽蕩。吳閭練影湧徘徊。崑崙不到終遺憾。欲駕蒼龍首重回。

見宋荔裳遺詩凄然有作

自注君按察四川會漢蜀反道梗憂憤死

好客生平酒不空。高歌零落痛無窮。西川終古流殘淚。東海從今少大風。國士魂銷多難後。離人望斷九原中。張堪妻子應誰託。巢卵長拋虎豹叢。

蜀人懷其政教東海句謂山左失一雅宗也○王漁洋有久不得荔裳妻聲消息詩中云九原悲馬鬣八口寄靈巖此篇結語亦復云然猶見古交道焉○張堪卒於官無託妻孥事此約略語

蒼梧雲蓋寺訪無可上人

國朝詩別裁集

卷三

十

教忠堂

精舍蕭疎山路斜。高人解組即袈裟。滄桑痛哭知無地。江海流離不見家。雲暗蒼梧飛錫杖。夢歸秋浦泛仙槎。與君坐對成今古。嘗盡冰泉舊井茶。

密之太史

至南旺

客倦南來路。河分向北流。明朝望鄉淚。流不到江頭。過南旺分水水俱向北流滴水口中不復到江也宛似唐人聲口

送李萬安嚴官歸里

歲暮歸舟一葉輕。歌殘酒罷淚雙傾。灘聲不是無情思。嗚咽隨君為送行。

季開生

字天中江南泰興人順治己丑進士官給事中著有出關草

尚陽堡即事口號

新燒懸崖淨積沙遠隨甲騎渡柴河虎頭在客休
投筆雞肋從軍湯荷戈骨肉書傳遠塞少林泉話
入故園多邊城老將秋霜下夜半聞笳起自歌
五雲長繞舊皇畿萬里孤臣寄翠微極塞有山皆
北向重邊無水不西歸雞鳴夢訝參朝晚鳥哺心
傷進膳違寧惜熒熒沙雁影陽回未得入關飛

其言
謫如

送左大來先生葬

國朝詩別裁集

卷三

士

教忠堂

重關不禁旅魂過夢裏看君渡塞河白日總悲生
事少黃泉翻羨故人多荒臺啼鳥園松柏廢苑寒
雲鎖薜蘿未遂首丘須淺葬好留枯骨待恩波

異靈均死亦難以死為幸此云黃泉翻羨故人多以死為樂皆刻骨入髓語

董文驥

字玉虬江南武進人順治己丑進士官侍御著有微泉閣集

真定客舍對雪

窮陰滿太虛積雪凍庭除鴉點埋雲樹童依宿火
厨君恩狐白厚老病酒杯疎江國寒梅早垂垂
已待子紙上俱有寒意

復過井陘口淮陰侯廟

背水千年廟登壇百戰功至今思赤幟何處弔藏
弓春兩王孫草靈風古木叢淮陰年少子終自笑
英雄漁洋極稱五
六語自然

庚戌元日移家惠山舟中作

東風自信片帆斜百里鄉園路豈賒愛聽山泉因
煮薺並驅雞犬是移家未聞春鳥來橋燕已見寒
梅發岸花萬國朝正看北極十年拂霧馬欽沙
去年元日棄孤臣趙北燕南滯病身八口一舟遷
易散自注家
人先歸吳山楚水信難真即看妻子還疑夢高
卧江湖又早春只恐鶯花饒笑我拂衣斑駁已如
銀國朝詩別裁集

卷三

士

教忠堂

十月初六發榆中夜抵魚河驛

振野涼沙撲馬飛孟冬絕塞已風威王程中夜魚
河宿客路衝寒席節歸邊月黑時防失道胡霜白
處欲侵衣南州此夕微暄暖滅燭聽鴻坐竹扉

王廣心

字伊人江南華亭人順治己丑進士○先生經義雖鍾麟績時作駢體而韵語疎暢條達不似一律拘攣者故不可

也

送董蒼水遊楚粵

先朝直節董侍郎鋤奸拜杖投南荒百粵山川恣
吟嘯至今巖壑垂光芒康樂登臨千載絕蒼梧黯

澹灘江咽鐵城銅柱湯崔嵬木客山猿自清切侍郎之後君也才文章早眩黃金臺時無孔融不薦士天人三策空歸來丈夫壯志凌八極越水吳山傷偏仄瀟湘萬頃九疑煙我有愁心蕩空碧興來還看鬱林山八桂堂深客思閒豈翫曉風啼翠羽枕柳殘照落烏蠻其間仕宦都賢者酌酒論詩袖堪把銅鼓峯前意慨慷綠珠渡口人瀟灑勸君莫過柳侯祠少年失足良可悲勸君勿謁伏波廟七十據鞍達者謂人生何必勒良吾貴何必入中書堂淋漓翰墨飛夜郎如君侍郎名亦章采罷國朝詩別裁集

卷三

士

教忠堂

丹砂好歸隱與君谷口話農桑非狀柳州伏波勸其勿蹈進勿戀勛名也前輩立言

每不以頌而以規

大梁行送林平子

燕山四月槐雨涼酒徒擊筑官道旁驪駒欲鳴慘將發為君慷慨歌大梁大梁昔當全盛日裂土莛茅建宗室魏殿旌旗北斗翻汴宮花石城東密定王憲王皆好才樊樓窈窕東堂開誠齋舊帖龍文寫樂府新題鳳管催黃河如帶紫天關舞榭歌鐘幾時歇兔苑賓朋白雪樽鷗絃士女金梁月中原千里接神京對父勤王更勒銘雞犬顛隨淮桂老

魚龍忽歎蔡河平一朝風雨金隄決殺氣蒼茫鼓聲絕龍章十葉赤帝孫却並銅人水中沒滄桑變易八九年我來欲渡愁無船宮闕崩頽半深澤狐狸踉跳空荒煙偶逢遺老驅豚出端禮門中招共入銀樓藻井荇帶穿玉殿螭頭土花澀因言此殿西北隅飛廉九仞凌清虛濁河波浪埋不得依稀繡拱臨樹除我登蘭雪軒更倚端清閣空梁天矯隋盤龍古柏陰森少調鶴下尋石洞風翛然黃塵不到秋光先雲英既死梵燈滅誰從此地求神仙嗚呼此景當年識近日傳聞更蕭瑟華棟都輸少國朝詩別裁集

卷三

古

教忠堂

府錢碧囊盡入空王宅河山君到莫重論良嶽吹臺總不存但得晴天看少室短衣落日過夷門大梁自漢魏決河灌城後王孫俱為波臣臣民可知矣登高眺覽百感茫茫而以看少室乎侯藏作結想見作者胸次

懷友

昔日燕臺側相為踏雪歌君思移白日鄉信斷黃河蘭蕙秋偏歇風霜晚較多短衣吹感箒獨柰歲寒何

夏日招同毛子霞徐臞菴周金山趙雙白張研銘漢度董蒼水沈雪峯諸子集用雙白韻

掉臂兵戈際如君行路難江山同放逐歌哭互悲歡市跡尋梅尉鄉心夢橘官一身天地窄祇是酒鄉寬

夏日邀陳昌箕魏惟度許九日周釜山小集

依韻酬陳昌箕

偶與仙翁草閣期清尊碧簾畫榻遲才名不忝三君後人物能談萬歷時綺季行藏巖桂老少陵家國杜鵑知可堪日暮山陽笛淚落江城自詠詩

送向西崑使蜀

廿年不到西川路捧詔今看使者行亂後草堂江國朝詩別裁集

卷三

五

教忠堂

燕在春來綬閣杜鵑鳴橋邊舊蹟懷司馬山下新祠弔孔明尚有焚香諸父老相持杯酒話消兵

憑弔古人前用虛寫後用實寫不覺其犯

直方夜過憶卧子談詩

偶逢宋玉過西鄰把酒重論故國春一榻早懸陳仲舉九歌親授屈靈均衣冠白社沉秋草賓客黃初散洛塵醉裏寒星空自數天門騎尾竟何人

直方即宋

韓文見談詩之旨同而立身立名各行其志也當於言外思之

王庭

字言遠浙江嘉興人順治己丑進士官山西布政使○五言清絕如韋蘇州不欲以學問才力勝人

棧道中作

人行山上高天在山中小圓暉易沉夜初陽遲報曉馬走山樹巔飛鳥出其下雲連深洞迷石缺危橋架七盤非險途三秋足清景日夕留泉聲誰能辨喧靜

雨後

落日殘雨餘林樹半昏黑南山白雲閒澹然見秋色冷風何淒淒微微野煙息歸巢鳥更鳴當戶蟲還織惆悵獨坐時悠悠思何極

妙在淡然不着痕迹

潼關

關門高鎖處飛鳥不能過雉堞連羣嶂風煙俯大河代更千戰少勢在一夫多入夜聞刁斗軍聲壯若何

卷三

六

教忠堂

曉雨

獨鳥鳴南園曉來雨初息空庭生秋陰莓苔長寒色

只此已足

周體觀

字伯衡直隸遵化人順治己丑進士由翰林歷官參議道著有晴鶴集

秋螢和韻

振羽知無力踈狂亂客扉低空不碍暝違候亦能飛露濕流光淨宵行抱影微可憐秋色裏相映亦

暉暉

違候亦能飛五字可味

大報恩寺逢友蒼言別

正尔未能別相逢暮景斜久疎因在客多病欲辭
家夜雨洗山骨殘春落澗花祖衣休早付待我過
樓霞

人日次徐州

泗上逢人日長亭許更過春雲回白首客夢度黃
河舊俗淮南異前賢沛國多至今小兒女猶唱大
風歌

撥棹雜咏

不見當年劉克猷西風吹淚過黃州舊時江路能
國朝詩別裁集 卷三 七 教忠堂

來否落日招魂古驛樓讀此使人增
交誼之重

盧紘字元慶湖廣蘄州人順治
己丑進士著有四照堂集

望遠曲

明知人不歸日日樓頭望人尚在天涯只疑行陌
上陌上紅塵逐日飛何曾塵裏見人歸經春歷夏
無消息檢點秋風又寄衣

周茂源字宿來江南華亭人順治己丑進士官廬州知府○池北
偶談宿來以刑部郎駐節雪苑有山人得罪別駕欲加
以刑山人詭言秋部執友冀緩其責實未嘗謀面也別駕
賜周問之答曰此余好友山人得無恙一時推為長者

過張文忠故第

賜第松臺麓元臣主眷優天章懸廢閣相印沒荒

邱議奪千官氣身無十世謀立談工卷遇何似富
民侯此弔張江陵相也江陵交馮保逐新鄭是其罪鎮服九邊名實不
混是其功神廟始則尊如父師過於寵後至則籍破家又過於薄
詩中江陵之氣較神廟之回惑一一傳出末
以張禹之柔媚得君作視江陵功罪俱見矣

薊門雜詠

十年襍被老諸郎負病趨朝重慨慷懸筆未消秦
吏獄持旌難發漢家倉鄉心橘柚寒煙外旅館笑
蓉別苑旁客至元談猶小劇驚看青髻欲如霜以秋
部出

守故有三
四自訟語

萬壑秋濤碣石摧舳舨夜覆白溝隈蛟龍怒閃靈
旗出雁鴛羣爭玉粒回天道九年頻水潦人煙三

國朝詩別裁集 卷三 六 教忠堂

輔見蒿萊司農籌國應多筭民立東南亦可哀時應
河決

糧艘覆溺故望司農入告
民立用立我孫氏句意

樓船諸將日蹉跎轉戰仍聞禁旅多瀕海未收蒼
兕甲遠人偏進白狼歌誰教解縛歸雍閭莫更持
書說趙佗欲借片鴻聊問訊家園杞菊近如何此言
諸藩

雨中諸子集子機山別業

樵採閑時學苦吟身如越鳥戀平林偶然花月春
江夜共此薰葭秋水心山市酒鑪兵後少草堂詩
句雨中深沈沈鐘梵聲俱寂橫笛還吹漱楚音

許續曾

字鶴沙江南華亭人順治己丑進士官漢中按察著有寶輪堂集

遊峨眉山歌

伊昔披山經峨眉冠五嶽傑然鎮坤維蒼翠萬仞削初疑宇內無此奇今日所見更過之乃知天地靈怪不可測生平遊覽快意無如斯既躡飛龍嶺還登歌鳳臺狂客已長逝真人不復來丹爐火冷鶴駕遠譚經石榻生莓苔一步一驚詫十步一徘徊上有排空疊嶂翠欲滴下有飛泉百尺聲如雷巉巖鳥道崎嶇入天門一隙雲光白八十四盤最上頭婆娑萬樹清陰碧探帝座凌丹井白雲飛揚國朝詩別裁集卷三九教忠堂

尤爲龍幻凌空可云善學太白

睢陽行

大江之南多木客古樹深篁叢窟宅禹鼎銷沈老魅驕野火游光兆形魄謠謠出出逞神奸空梁夜嘯霜天碧年年里巷攘魚腥逡巡社公常避席有時幻作義丈夫烏帽猩袍服御都山魃按拍斑狸舞桂棹蘭橈泛五湖采蓮女兒樊素口木下三郎求配偶寶馬雲駢天際迎傾城燼笑供箕帚從此民間勤報賽燿火村村疑黻黼豪門娶婦亦危疑先奏神絃羞沉瀝楞伽廟貌更崔嵬繡幕珠簾霄國朝詩別裁集卷三九教忠堂

濤於菟出走蒼狼逃木石之怪夔罔兩猶向人間
索五牢中丞飛檄榜通衢沉其土偶廬其居故鬼
行于新鬼竄陰靈掃蕩天清虛君不見狄梁公西
門豹水沈三老焚祆廟又不見旌陽尹昌黎伯斬
蛟驅鱷服以德從來忠信孚豚魚千秋敦史銘金
石公今入朝帶劔履前席殷勤報天子璽書赫
濯神祇驚日惡中天民受祉有道之時鬼不靈當
今海內長如此叙離陽湯文正公除五通神事淋漓快言之未
以法驅之轉受擲掄得此二機接上
湯公信覺有力此文章烘襯法也

沈 荃 字貞紫江南華亭人順治壬辰賜進士第三人官至權
部侍郎諡文恪著有充齋集明宣德時雲間有二沈學
國朝詩別裁集 卷三 主 教忠堂

士大學士名度小學士名榮皆以善書得名
文恪小學士後也亦以書法見重於聖祖

送雪龕兄任保寧

竄憶閨中勝雲山到眼迷地從巴水折天入劍門
低夜月桐花豔春風杜宇啼池塘應有夢鄉思更

淒淒 折字低字
桂鍊得之

寄懷張冷石先生

谿上老人五柳門廿年高卧住江村義熙日月閑
中紀商洛衣冠亂後尊秋老漁簑吹鐵笛春迴江
岝嶺芳蓀何時再訪東軒下濁酒黃花好細論

送張簣山學士歸廬陵

襍被蕭蕭出鳳城觚稜回首重含情片言豈詎回
天力三宿仍辭去國名聖德優容逾格外臣心
忠蓋本生平曲江風度應相憶莫戀空山猿鶴盟
三四語傳出直臣去國心事此風
人之旨悻悻小丈夫未喻此也

湯 斌 字孔伯河南睢州人順治壬辰進士康熙己未召試博
學鴻詞官至工部尚書乾隆中補諡文正有潛菴集○是
集以詩存人不以人存詩故有建豎功業講明理學而詩不存者
文正為國朝第一流人而讀語能流溫溫語為德人之言

因五
登之

夏日詠懷

初夏朝氣清綠陰映竹閣好鳥時來集微風散林
薄養疴豐暇日坐卧對雲壑圖書紛几席茗椀常

國朝詩別裁集 卷三 主 教忠堂

間錯偶爾屬篇章怡情志簡略採藥支短筇尋泉
踏芒屨豈曰謝浮榮明志貴澹泊抗心懷古人蕭
然有真樂

贈李映碧先生

蚤年登朝宇端笏拜彤闈抗疏表孤忠旭日麗黃
扉維時甘陵部南北勢相違正色兩不阿嶽嶽世
所希元祐盛名賢黨論多是非玄黃未息戰國是
將安歸唯有招人在秉道還識幾石室留諫草夢
回尚依稀

魯國遺經火口傳賴伏生九十秦博士典謨賴以

明文獻歸靈光。斗杓示景行。著述藏名嶽。大義何
崢嶸。帟觀待鴻儒。丹詔下江城。老年難走趨。豈敢
抗弓旌。抽書授使者。卷軸滿巨籙。白雲封巖谷。時
聞鸞鳳聲。此微召而未出者不言東高節而云老年難走趨
即杜陵聖朝無棄物老病已成翁意須如此立言

送李子德奉 旨歸養

薊門疎雨淡秋陰。惟尔斯行重古今。賦就上林纔
賜第。表陳東掖早抽簪。闕河落照鄉山迥。驛路鳴
蟬野樹深。到日高堂應戲綵。御香未散繞衣襟。

飲張尔成少叅署中

高齋竹柏漏聲殘。促席停盃興未闌。千里風塵驚
國朝詩別裁集 卷三 圭 教忠堂

短髻十年供奉憶。同官霜深衛水雲帆壯。雪滿天
雄玉塵寒。北斗共瞻新氣象。故人幾許在長安。

贈吳湖州

仙郎起草最知名。幾載寒帷雪上行。按部雨餘香
稻晚。課農花發曉雲輕。南宮書畫添新譜。李相亭
臺續舊盟。聞道賓朋常滿座。清尊真見古人情。

程可則

字周量廣東南海人順治壬辰會試第一官兵部職方郎
中然桂林知府著有海日堂集○漣漣詩後倭騰聲光
熊熊亞於漁洋品在公職王此純翁諸公之右稱魯衛者
惟西樵乎後之選嶺南詩者祇取屈梁陳而不及程何也

送家立菴太常歸皖山

好爵洵可貴。不貪良獨難。道德五千言。止足為真

詮。漢時二疏志。千載稱大賢。豈不念蒼生。身遂名
亦全。象齒何為焚。膏明將自煎。因君振遥策。懷古
心悠然。

昔登白玉堂。文彩何郁郁。胄子承風規。諸儒稟芳
躅。出持絕域節。入奉齋宮錄。一身為千秋。此事亦
已足。浩然思故鄉。懸車返初服。浮山七十峯。依稀
作湯沐。辭達意足
五言正始

送邵橫菴之秦中

五月火雲燒幽州。大風驅之雲不流。昨夜雨來不
盈掌。山鬼叫嘯農為愁。遠聞秦中黑霜下。化作蠅

國朝詩別裁集

卷三

圭

教忠堂

蠅飛滿野。秦人瘠畏。越人視君。今西去。胡為者。道
是終南山。色佳。四時眾壑鳴風雷。蓮花百丈青到
眼。騎龍直上昇仙臺。君家昔人東陵老。種瓜却解
塵纓早。我欲隨君問故侯。何由共踏青門道。

送楊鄂州職方便安南

皇帝在位閱七載。九州四海歌太平。烏弋黃皮粟
漢朔。旅獒越雉來周京。安南君長處炎徼。北面久
已輸忠誠。前年璽書予封爵。吾宗學士曾南征。立
卷歸來陳風對宣室。為言此地無兵爭。鸚鵡魚遊浪
泊水。菴羅果熟安陽城。今年羽書忽馳至。族類不

合仇相傾。蠻王更制。略下邑都尉。強投鼠明。憑陵三郡。勢莫敵女。無繖。繖男無耕。觸蠻之闔。豈足計。祗憐蹂躪。憂蒼生。相如論蜀。有往事。詔旨特簡。才臣行。職方亭。亭起三楚。鬚眉如戟。雙瞳品昔年。執法昆弥道。近襄九伐。之崢嶸。大臣推轂。立召見。至尊御殿。親書名。天語殷勤。勞四牡。一時餞。送來公卿。雙旌翹翹。出北闕。八座赫赫。過南荆。乘秋直入交州。郡雕題。負弩遙相迎。憑君片言。論大義。調和二氏。無佳兵。功成上書報。天子不用京觀。封長鯨。伏波銅柱。邈千歲。壯哉爾與同英聲。國朝詩別裁集 卷三 壬 教忠堂

送一靈上人歸羅浮

羅浮仙窟宅。四百玉芙蓉。吾子今歸去。栖遲第幾峯。雲霞天半落。鸞鶴夜深逢。何日携筇返。同看萬壑松。

送紀載之備兵肅州

萬古焉支路。迢迢欲上天。送君持漢節。吹角去防邊。問俗清西海。題詩賚酒泉。羌戎羣下拜。不敢向居延。不必奇崛自是唐音

送家立菴學士冊封安南
自昔南交地。蠻煙萬里餘。地經和仲宅。人習素王書。柁分藩舊。且茅錫命初。須令知漢大。不必問金車。

送徐庾清錢相園歸越

良會竟難永。歲寒人盡歸。誰憐故鄉子。獨采南山薇。把酒不終夕。浩歌徒攬衣。無能挽舟楫。惻惻拜斜暉。此種風格。最近徐昌谷。不在語句之工。

登虔州城樓

鬱孤臺畔暮煙空。與客登臨起大風。馬耳羣山歸國朝。詩別裁集 卷三 壬 教忠堂
睥睨。睥頭全。郡覽崆峒。江通閩楚。三千里。地跨東南。百二雄。十載樓船。紛下瀨。兵戈今喜罷虔中。

送魏子存司李成都

誰說蠶叢不易行。春風三月馬蹄輕。銅梁舊枕秦山險。玉壘新連楚塞平。芳草綠齊過漢水。杜鵑紅盡到綿城。知君篋底多詞賦。論蜀文應似長卿。

花朝同林坦菴諸子集王蔗菴誰園餞談蓮

懷之京口次留別韻

宿雨連雲擁去舟。送君還典鷓鴣裘。酒香滿座難成醉。柳色依人欲上樓。偏與花時繁遠夢。豈知蓮

社得新愁。東風萬里憐芳草。一路題詩到潤州。佳句

贈衛醇谷

弱冠登壇已策勛。門多揖客重將軍。高秋賭射盤生馬。靜夜焚香檢篆文。一日君臣真異遇。五陵兄弟自同羣。揮毫試擬鄱陽帖。四座爭傳白練裙。

曹爾堪

字子顧。浙江嘉善人。順治壬辰進士。官侍講學士。○學士性英敏。所過山川。既寒無不指掌。形勢人與之遊。凡姓氏里居官爵。與所賦詩文。積久不忘。即虞世南之行秘書。可移贈也。詩文頃刻成。同館無與爭捷者。

金魚池歌。仿杜樂遊園體

池邊風日足留賞。曲水平隄暗菰蔣。且駐巾車卧綺疏。啟扇拂簾楸枰響。皎月樓開雲母屏。商飈簾國朝詩別裁集 卷三 壬 教忠堂

動珊瑚網。紺殿凌空青靄間。步虛聲在青雲上。飛汞煙沈道士鑪。落霞閃映仙人掌。畫明金闕翠華臨。馳道清塵畏來往。玳瑁魚班日應長。恍在江湖盪蘭樂。名園豈似金谷奢。福地真如輞川爽。喜與諸公同賦詩。讀騷痛飲良可師。今朝美酒注深爵。明日殘花辭故枝。仕宦京華得高會。追歡勝景皆恩私。別後星河望渺渺。將離贈遠遙相思。更餘千載悲秋淚。漆髮丹顴非曩時。

宿州

城破空濠在。郊寒木葉稀。數家非土著。一雁向雲飛。

飛曉月疎楊柳。清風老蕨薇。年來新戰鬼。汗血幾時歸。

送宋荔裳少容之任秦州

臘雪街亭滿。何時到鞏昌。關山樽底月。斧鉞帳前霜。閣暖調鸚鵡。花濃隱麝香。出門憐舊伴。白首尚為郎。

錢牧齋先生挽詞

入世雄心老漸灰。昔年鈎黨竟摧頽。俊厨何救東京沒。刁顧還從北渡來。天為文章留末路。人推碑版冠軍材。先朝實錄尤淹貫。多少微辭紀定哀。才推國朝詩別裁集 卷三 壬 教忠堂

重之言外可思

李天中給諫病沒於遼左賦詩弔之

櫻鱗奏草動宸居。海內爭傳痛哭書。羝乳竟虛頭白後。葵丹空照汗青餘。三春漠漠關雲黯。千里茫茫塞草疎。蛻骨龍荒何日返。祇憐化鶴到淮徐。顧大申 字震雄。江南華亭人。順治壬辰進士。官工部侍郎。著有遺集。詩存。○雲間自陳卧子後。詩格漸衰。顧景古今體氣尤神完可。以接武。

西洲曲

東風吹五兩。憶郎西洲去。門宿武昌船。帆開岳陽樹。去年下西洲。遲日獨登樓。今年桃李花。紅白浮

巴丘花開得結子。作客何窮已。春斷鶯啼中妝成。
明鏡裏。朝上望夫山。纖手得紅蘭。盛以茱萸囊。結
以翡翠盤。鏤刻刀環形。鴛鴦雙偃仰。寄懸腰間帶。
銅鞮莫輕上。

飲太白酒樓醉後走筆成篇

嗚呼太白爾何遊。應在飄飄碧落之。倒景芙蓉白。
玉之仙樓。乘雲抱氣躡箕斗。驂螭浥漢騎長蚪。世
人即之杳難求。但見朱軒繡拱環城頭。岱宗歷歷
青撲面。黃河西來淨如練。七十二君等飛電地老。
天荒出酒人。狂歌直與天爲鄰。上殿捉筆力士嘆。
國朝詩別裁集

卷三

元

教忠堂

背負鹽鼎誰相存。就中賞音賀季真。獨抱麴蘖看
浮雲。登樓日醉忘其身。西風野火衰草死。由來豪
貴盡如此。我今把盞揖君起。相與酌酒問濟水。古
今醉醒那終始。何不高步窮紫煙。摘取列星當酒
錢。斟酌海水常不乾。開襟痛飲樓之巔。醉呼黃鶴
迴青天。

後虛縹緲筆有仙氣

雪後登歌風臺示沛令

一。銀收秦。底秋風萬里心。悲歌誰掩泣。壯士已成
禽。井邑新豐舊龍蛇。大澤深殘碑埋野戍。雪後此
登臨。

咸唐氣饒雪後只於末句點出作法一變

送沈繹堂編脩遷大梁道

鼓角北風涼。雙旌入大梁。十年悲瓠子。萬馬散敖
倉。少府新沉璧。中原古戰場。君行能卧治。未許薄
淮陽。

大梁漢淮陽國即汲長孺所治也。不同。泛然比例。

故關

盡日常山道。雄關此鬱盤。萬山爭一險。絕壁鳥飛
難。馬度黃雲合。旗翻白日寒。論兵空有地。誰得更
登壇。

自注井陘縣有淮陰談兵處石碣。

出平定州

忽尔危關豁。羣然衆嶺低。山連雁門外。地出井陘。
國朝詩別裁集

卷三

手

教忠堂

西亂石淹人跡。層冰怯馬啼。相逢故鄉客。燈下手
重携。

自注壽陽縣吳泰極令君故云。

始發良鄉

上馬頻傾惜別杯。薊門西去亦悠哉。地隨督亢依
山盡。河控桑乾入塞來。老去尚能持漢節。時清應
不重過才。冰霜漸逼。君門遠。東望長安首重回。

秋雨移酌櫟園舟中

雲滿東山急雨霏。移觴對酌兩依依。荒城野戍鳴
秋柝。海嶠孤臣冷葛衣。醉後元黃燈半燼。尊前風
雨雁初飛。君看豐沛笙歌地。昔日高臺今日非。

王士禛

字子底山東新城人順治壬辰進士官吏部考功員外郎著有西樵集○西樵阮亭長兄阮亭詩學所從出也嘗以

非事下獄後遺母喪過哀殯母死請書有特職謂坊本于貢詩傳中公詩說并偽書李維正序行津逮秘書收之皆誤也詩以才情擅長運古而不見使事之述一時名家故應敏手

長平坑歌

扁狼之秦胡不仁。銳頭小兒服振振。劫灰更促括也將。一戰趙壘成埃塵。白骨嶽積四十萬。至今此地無青春。丹塢水遠發鳩鵲。指點當年趙兵血。土人往往坑旁耕。拾得殘戈或斷鏃。鏃頭長以寸。戈頭長以尺。持將磨向丹河沙。古血猶腥土花赤。省冤谷接武安臺。南來遺蹟仍崔嵬。應共髑髏山下國朝詩別裁集

卷三

主

教忠堂

月夜深同對鬼燐

哀視陶中立長平戈頭歌較有魄力

顧云美八分書歌

斯翁變體古文邈斯翁李陽水語斟酌其間八分作。中郎以還攻者稀。直數開元顧文學。於今苗裔仍東吳。短簿祠邊舊樓託。我從筆陣推波瀾。遠繩乃祖真無作。為言向來大有人。躡漢追唐歸宋郭。自注宋比妙玉郭聖僕蹟鄙人惜少見。餘子紛紛資力薄。乞君迴筆書堂顏。鵲峙龍擎腕中落。當年海內無干戈。留都文物尤峨峨。不獨槐市盛絃誦。兼復桃葉繁笙歌。入看祭酒解散髻。出醉義人金叵羅。雅負辨眼工小字。

詩成自寫無偏頗。爾時負販重風雅。人傳片楮兼

金多。仙人昨過蔡經宅。清淺茫茫不堪索。蟲刺居

然非壯夫。蕭條誰問韓陵石。儒衣僧帽顏阿瑛。老

向江湖作逋客。醉書自署頭陀茶。擲筆時時念今

昔。此書珍重感君深。歸來高揭南榮陰。臥看渴驥

奔泉勢如見。冥鴻避弋心。云美名岑吳中遺老志高節堅不獨分隸篆刻上追古人也一結如

見其人并如寫其心

詔罷高麗貢鷹歌

真人御極臨八荒。百蠻九譯皆享王。西旅之獒越裳雉。貢物各各因其方。海東俊鳥好毛質。鐵爪金

卷三

主

教忠堂

國朝詩別裁集

天家特受韓黠佐。累畢

眸猛無匹。九都作貢來。天家特受韓黠佐。累畢

瞭鷹臺上秋天高。乘時驅獸行蒐苗。羽騎驂驪

翠華至。星旂雲罕紛周遭。蒙鵬射熊未足羨。跋犀

殪兕伎遮邀。是時摘條試一縱。萬人昂首瞻青霄。

飛鳥狡兔失巢窟。委身灑血填君庖。至尊往往

動顏色。玉虬迴轡鳴蕭蕭。柔遠傳聞勤睿旨。詔

罷奇毛自今始。行葦兼存踐履慈。茁茁葭湯賦春田。

義聖神舉動殊尋常。此事悠悠古誰比。君不見虬

似勝原作

鬚天子真英雄。受諫鵲死藏懷中。推揚威德語特沉摯末二句從國雅本音節

聞友人言林茂之先生尚未能葬

多壽林那子。風塵道場尊。暮年雙眼暗。兒日一錢存。死關黔婁謚。生悲杜南魂。桐棺還地上。何處故人思。茂之嘗以一萬歷錢於衣帶間。示不忘也。又嘗自卜生塋於金陵。乃沒後尚未能葬。其慨然於心。

裁衣曲

初罷清砧響。還勞素腕舒。殘燈金粟尺。遠道玉關書。白紵縫仍濕。紅綿怨有餘。流黃明月路。何處逐輕車。可入升卷。五言律祖。

憶萊雜詩

時復尋春郭。煙光縱目寬。山姿濃大澤。潮勢汨三

國朝詩別裁集

卷三

三

教忠堂

韓小立拋藤杖。微吟側簪冠。醉歸還倒載。未厭海

風寒。或疑第四語汨字所出。汪鈍翁曰。吳楚東南。折汨字汨字。正以獨造為奇。見楚辭詩話。

晚晴

鳴雨作還止。蕭然開晚晴。雄風涼大壑。雌霓覓秋城。臺送遙山碧。窓添夕照明。長空聞雁語。悵悵故園聲。四語實字與潮聲同。三律汨字同一生造。

故明景帝陵

景皇決策仗于公。定變支危社稷功。南內已殊淵聖沒。絕溝何意魯昭同。玉魚殺禮虛幽寢。蒼鼠驚人竄敗叢。莫向空山紛感慨。十三陵樹各悲風。當日以王

種非故有玉。魚殺禮之句。

上黨

雄藩上黨古今名。形勝居然未易京。南眺河山俱在下。宵看星漢只疑平。義陽千載仍祠廟。夾寨當年劇戰爭。足底黑雲天下脊。幾朝車馬赤霄行。

程崑崙招集萬歲樓

千尋江閣引諸峯。多景登臨策短筇。參佐風流如謝朓。樓臺瀟灑似王恭。三年夢裏西津雨。半夜燈前北固鐘。明日芒屨別君去。城中遙望白雲重。

贈張簞山學士

國朝詩別裁集

卷三

三

教忠堂

銅龍曉色破層陰。羨尔批鱗意獨深。言聽便為天下福。計遠不負一生心。他時寫奕看青史。此日輝光燭翰林。我亦握蘭東省客。浮沉徒愧二毛侵。

賦得丹鳳城南秋夜長

丹鳳城南秋夜長。開河寒近落微霜。不須錦字論長恨。自有清砧教斷腸。破衲沙頭鴻欲去。拂雲堆上草初黃。傷心卻羨城邊月。猶照深閨玳瑁梁。

末麗詞

冰雪為容玉作胎。柔情合傍瑣窓隈。香從清夢迴時覺。花向美人頭上開。

金漸皋

字夢登浙江仁和人順治壬辰進士官漢陽知縣著有怡安堂集○怡安縣任劇邑大吏方以才能薦而繼乞身

其風高矣論詩謂況古而拘趨今而離
提期抒寫性情今據其集果如其言

冬日雜詠

日日愁仍攬鏡看。楚人憔悴尚南冠。力微不任施橫草。論定終當待閭棺。元亮晚途甘石隱。孔明早歲本龍蟠。救時事業須經術。莫遣蒼生笑謝安。一生行藏已見此章

邗江

畫舸南遊錦纜移。垂楊空有萬條垂。二分明月仍今夕。十里珠簾異昔時。回望鄉關迷咫尺。頻年踪

國朝詩別裁集

卷三

圭

教忠堂

跡。魂支離。可憐楊子橋邊水。只與征人照髻絲。此述兵變後之邗江故語多乘風

秦淮女郎卞雲裝。僑居半塘八九年前。曾過

一面。比來湖上見其案頭有吳梅村詩冊。

并虞山老人和章。尋覓情詞不無今昔之感。

因竊取二老意。并雲裝近事。曠括成詩。

芸帙細函繫所思。玉人鄭重遠相携。悶來只仗琵琶寫說處。仍防鸚鵡武知破鏡刀環。尋舊約。瓊枝璧

月費新詞。莫嫌大雅凋零盡。猶有春風屬掃眉。

結綺臨春恨未終。輕煙淡粉掃成空。還家江令頭

仍黑。避席崔嵬臉。自紅。遠海鶴歸無主墓。吳江楓

冷未棲鴻。都將月地雲階夢。泣向荒田野草中。

不向長安關。狹斜。竭來水國傍蕪蕪。曾探織女機。

邊石。再見玄都觀裏花。秋思潘郎驚鬢髮。夜情白

傳感京華。三千年後蓬萊路。知在瓊樓第幾家。製題雲裝

是主梅村廬山足意詩意轉注梅村廬山也
飄零聚散新故治桑言外句中百端交集

李來泰字石臺江西臨川人順治壬辰進士康熙己未召試博學鴻詞官翰林院侍講著有石臺集○先生文不肯一語行之餘者不拘一格

中山貢使入朝紀事

卻貢趨朝禮遇殊。碧墮雕結語烏烏。已聞聖主

國朝詩別裁集

卷三

圭

教忠堂

方焚玉。何用鮫人更泣珠。環海近添新郡縣。中山

已屬舊疆隅。謹將域外名王表。添入天家職貢

圖。註貢獻而重朝服立言有體

荆公故宅

十年高卧此東峯。出處無端霧已叢。洛蜀黨成疑

誤。國熙豐法。澈竟緣公爭。墩已賦三山石。記里猶

傳九曜宮。湧向春風尋舊澤。生平功過史書中。由言利而

變法由變法而結述由結述而召亂則宋家南渡荆公有以致之也臨川人每多諱言作者自存直道

覺塵余故人子也。以僧來謁書此贈之。

昔年曾訪王官谷。故苑飄零事已非。為問故人誰

白髮忽驚孺子變。緇衣江湖遠。道難通問邱壑終身不療飢。太息廿年塵土夢。鈍根未解箭鋒機。

黎士弘

字耀曾福建長汀人順治甲午舉人官寧夏副使道

至西昌知周櫟園先生無恙且得手書

他鄉驚喜君還在。痛定開函淚更流。萬死才回明

主顧孤兒猶屬故人收。衆中薄命誰能惜。意外微

生荷獨留。誤盡閩南碑下客。無端北望哭西州。

一氣赴題

少陵有此章法前代謝茂秦時亦有之

國朝詩別裁集

卷三

毛

教忠堂

國朝詩別裁集卷三終

國朝詩別裁集卷四

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

王士正

字貽上山東新城人順治乙未進士由司李入為曹郎改翰林官至刑部尚書著有帶經堂集○漁洋少歲即見重於牧齋尚書後學殖日富聲望日高字內專為詩壇圭臬突過黃初終其身無異辭身後多毛舉其失互相彈射而趙秋谷宮贊著

於牧齋尚書後學殖日富聲望日高字內專為詩壇圭臬突過黃初終其身無異辭身後多毛舉其失互相彈射而趙秋谷宮贊著多性靈反為書卷所掩故爾雅有餘而莽蒼之氣遺折之力往往不及古人老杜之悲壯沉鬱每在亂頭粗服中也應之曰是則然矣然獨不曰難堪難工愁苦易好安能使處太平之盛者強作無病呻吟乎愚未嘗隨衆譽亦非敢隨衆毀也平心以求錄其最佳者其有當衆心與否不及計焉○全集以明麗博雅勝者居多然忍牧之不盡特取其高華渾厚有法度神韻者覽漁洋面目為之改觀

定軍山諸葛公墓下作

國朝詩別裁集

卷四

一

教忠堂

高密起南陽文終從高祖暴繁本見疑數劾亦非武堂堂諸葛公魚水託心膂二表匹謨訓一德追伊呂視操但如鬼畏蜀還如虎嗟彼巾幗徒與公豈儔伍紫色復蛙聲抵隙各為主火井方三災赤伏更聲典午志士恥帝秦祭器猶存魯陰平一失險面縛忘奔苦知公抱遺憾龍卧成千古我我定軍山悠悠沔陽鬱鬱冬青林哀哀號杜宇耕餘拾遺鏃月黑聞軍鼓譙侯寧足誅激昂淚如雨起四語以

蕭何之下廷尉鄧禹之連敗歸侯印綬形武侯之一德一心未嘗挂劾也火井三災謂高祖光武昭烈也敘述忠義武烈及天命興衰後激昂憑吊如有神助此等詩典重高朗即欲使之無傳其可得乎

朝天峽

朝登嘉陵舟日出羌水赤履險僣鞍馬即次亦稱適默黥雙峽來突見巨靈趾嶄巖無寸膚青冥厲雙翮陰崖積龍蛻跳波畏鯨擲往往壓人頂駭此欲崩石洞穴峽半開兵氣尚狼藉蛇豕據成都置戍當險厄至今三十年白骨滿梓益流民近稍歸天意戢兵革會見實盧人燒畬開硝磳慷慨一扣舷浩歌感今昔風便黎州城茫茫波濤白漁洋五言善學之易開平庸之漸獨入蜀五言俱宗仰少陵發秦州後諸詩能狀山川奇險思故舍彼取此

國朝詩別裁集

卷四

二

教忠堂

龍門閣

眾山如連龍突兀上龍背鱗鬣中怒張風雨晝晦昧出木作之而神奇始何代亂水趨嘉陵波濤勢交匯萬壑爭一門雷霆走其內直跨背上行四顧氣什倍夕陽下岷峨天彭光破碎咫尺劍門關益州此絕塞子陽昔躍馬妖夢成仙儼音應區區王與孟泥首終一概李特亦雄兒僭竊竟何在王謂王建子衍降於

郭從船孟謂孟知祥子景隆於宋

五丁峽

南窮石牛道崑崙下雲棧三日招我魂足蹕目猶

眩豈知東蒼州。耳目益奇變。始過金牛驛。穆峭已
凌亂。漾水從北來。劣足泛鳬雁。舉頭瞻冢山。峨冠
倚天半。大哉神禹功。從此導江漢。漸入五丁峽。謫
詭駭聞見。斗壁何獐狎。十萬磨大劒。攢羅列交戟。
茫昧通一線。亂水殷峽中。蛟蜃喜瀾汗。仰眺絕圭
景。俯聆競雷扑。九鼎鑄神姦。到此百憂患。東方牧
犢兒。竟使蠶叢判。我行忽萬里。風土異鄉縣。身落
大荒西。終賴皇天眷。咄咄復何言。艱虞一身賤。景見峽高斷日非主景所能測也。俯聆競雷扑言俯聽海聲。如奔雷也。孫楚蜀賦云。臨千仞之驚流。今波瀾洞而雷扑。

天柱山

國朝詩別裁集

卷四

三

教忠堂

朝出元武門。雲垂雨忽凍。登登天柱山。千盤隨瀕
洞。崢嶸逾巴閬。槎牙過秦鳳。陟嶺如累棋。下谷疑
入甕。心俯尻益高。足縮目先送。敢嗟鳥獸羣。稍喜
徒旅衆。我有大羽箭。屢龜輒命中。於菟昂其首。飲
羽乃不動。道旁松合抱。巨可任梁棟。惜哉野蔓纏。
不蒙匠石用。絕頂見岷山。青城亦伯仲。一氣連諸
蕃。三州實西控。太平幸無事。左髻時入貢。念彼松
姚成。坐甲苦飢凍。俯臨陸海雄。仰視天宇空。長嘯
千仞岡。出險忽如夢。

海門歌

國朝詩別裁集

卷四

四

教忠堂

岷峨東下江水長。遠從井絡來。吳鄉奔濤萬里始
一曲。古之天塹維朱方。北界中原壯南紀。魚龍日
月相迴翔。中流一島號浮玉。登高眺遠何茫茫。長
空飛鳥去不盡。江海一氣同青蒼。山外兩峰遠奇
絕。雙闕屹立天中央。左江右海辨雲氣。如爲八裔
分紀疆。江流到此一縛束。早潮晚汐無披猖。燭龍
曉日出雲海。山光照曜連扶桑。年來海戍未停罷。
戕牂大艦來汪洋。胡豆洲前起烽火。徒兒浦上披
衲襠。古聞京口兵可用。寄奴一去天蒼涼。我願此
山障江海。七閩百粵爲隄防。作歌大醉卧巖石。起
看江月流清光。焦山東北有島並峙謂之海門。詩忌直下須中問一東江流到此一東縛二語得此境與詩俱見。關鎖矣以下皆感時吊古。

丹徒行弔宋武帝

曲阿之北京口東。寄奴王者真英雄。新州伐荻殺
龍子。大業遂建丹徒宮。桓家小兒亂天紀。投袂勤
王夜中起。擣捕百萬皆人豪。龍行虎步非凡理。從
茲大運屬彭城。中原趙魏歸經營。硤口千軍五龍
洞。藍田一戰二嶠平。南北推移幾千載。太息雄圖
竟何在。宿麥寒原少昔人。神鴉社鼓成空塞。王氣
銷殘帝宅荒。悠悠江水不勝長。忠臣徒歎袁開府。

天命還歸蕭建康從狗建及亡國言以簡勝末路匪從苦心搜索而得是曰神來

故明景帝陵懷古景陵在天壽山東麓之下

金山南臨裂帛湖荒陵十里鶴鷄呼奪門事往二
百載行人過此猶欷歔紅牆剝盡古瓦落莓苔溜
雨生銅鋪老松離立色枯槁但穴蟲蟻餘根株敢
塗龍輶禮本殺矧乃劫火經樵蘇咫尺天壽雲氣
接坏土獨葬西山隅洪宣老臣稍凋喪國成一旦
歸刑餘勃鞞之問史所貶詎有宦寺干征誅黃沙
慘澹鼓聲死萬乘一擲成累俘國有君矣社稷重
孫申謀鄭無差殊白登城南翠華返錢塘司馬功
國朝詩別裁集卷四 五 教忠堂

難誣紛紛南渡議和戰乃知計左非良圖全寅之
占信奇中朝衣東市嗟何辜劍南歸來西內閉唐
家父子輸廐奴處人骨肉事非易子臧季札令則
無功罪千秋有特筆九鼎一髮須人扶謚同泉鳩
理太酷紀年猶幸無革除裁令流水良亦足寧論
玉匣還珠襦欲落不落夕陽下弔古且復留斯須
殘碑滅沒牛礪角石覆橫卧蒼髯鬚君臣一代盡
宿草雍門太息當何如詩凡數陳其事易於率直不如引古人而鄭伯反國為據又引唐元宗始居興慶宮後為李輔國劫遷西內以証之又引子臧季札之相讓以反証之則論有本而不傷於直矣然惟多讀書者始能○金山即玉泉山也漾沙金色故名○北狩後徐理主南遷之議于譙蕭哭止之○景泰初諡曰戾泉鳩漢太子潛匿地也

戴嵩牛圖

一川莎草煙濛濛曉來雨過開牛宮三尺短筇兩
般膝午陰掉尾嬉涼風一頭摩角一頭齧寢訛有
態何其工江干笛材老煙竹橫吹髣髴穿林叢絹
素慘澹神理在是耶非耶傳戴嵩田家風物宛在
眼但有耕作無兵戎我行我下踰萬里青衣江上
平羌東翠藤紅樹亂煙雨風景略與圖中同一從
羽書急滇海甌越秦楚交傳烽益都迢遙隔天末
舊遊有夢尋巴賁旄牛微外阻王會萬蹄驕馬高
纏驤千村萬落長荆棘何時金甲銷春農童牛不
國朝詩別裁集卷四 六 教忠堂

見矣末以童牛不指意作結層層收束是何本事

秦鏡詞為袁松籬作

熒熒古鏡雙盤龍流傳本出咸陽宮秦時明月至
今在剝落泥沙露光彩當年秦并六國時後宮閉
置千雙眉守宮注臂鏡照膽三十六年君不知華
陰道上逢山鬼輜輶東來祖龍死美人鐘鼓散如
煙此鏡蒼涼閱朝市憶昔大收天下兵十二金人
初鑄成還令餘事作奩鑑太乙下視蛟龍驚劉興
羸蹶何倉卒金鑑千秋如一髮秦鏡虛懸照膽寒

不照長城多白骨。自注漢祖入咸陽宮得方鏡廣四尺九寸照見五藏見西京雜記○只末語另換一意通體便

不平

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看
四壁風颼颼蕭生何年畫此雪色壁峰巒出沒煙
嵐稠元氣淋漓真宰妬江湖瀕洞蛟龍愁吳觀越
觀上海日蒼煙九點橫齊州祝融諸峯配朱鳥瀟
湘洞庭放遠遊我着雪照巫峽水匡廬瀑下彭湖
流須臾使我行萬里譬如怒隼凌清秋我生海隅
近岱畎西遊曾上瞿塘舟昨登五老弄瀑布卻臨
國朝詩別裁集

卷四

七

教忠堂

漫興

泚泚荆襄地當年割據州營連九節度星動五諸
侯已共長江險應關上將憂郭門傳息壤不障洞
庭流九節度指都王員勒及諸將○時長沙守臣奔逃賊遂有湖南六郡旁諸蠻
嗚咽秦川水秋風入鼓輦妖星躔隴右大將出安
西陸陸將誰附蒼蒼迥不迷似聞寬大詔不忍

殺鯨鯢大將指國海也

烽火傳花馬將軍發賀蘭天心誅叛亟國法受降
寬衙帳青唐入沙場白骨寒亂臣誰貴死史筆後
人看青唐地在黃河之曲

不見離支熟閩州驛騎來大農師漸老使者節難
迴五嶺烽相照三山瘴未開冥冥炎海外目極釣
龍臺

西北和親國王姬禮數殊一朝忘甥舅萬里送頭
顱露布明駝足軍鋒落雁都六師信神武羣盜敢
枝梧時噶爾喀亦叛遣端郡王平之故云

卷四

八

教忠堂

國朝詩別裁集

海內兵塵滿乾坤正氣孤歎公明大義一死激頑
夫關塞青楓晚英靈白日徂他年看東筆得慰鬼
雄無此指守土死節如陳丹赤楊三知劉欽鄭徐諸烈士英諸臣○新城王言律俱追琢工獲此特取其蒼莽雄傑者

符離弔潁川侯傅公

躍馬千山外呼鷹百戰場自注古有戰道在宿境平蕪何莽蒼雲

氣忽飛揚寂寂通侯里沉沉大澤鄉潁川湯沐盡
空羨黔陬王自注陳涉亦州人漢高祖為置守冢○漢高於陳涉鄉置守冢况潁公之平蕪平漢為功取鉅而卒以猜忌不

免明祖之待功臣可云厚乎用意全在反襯

送張賓山學士歸廬陵

迴首觚稜別紫宸孤舟遙下富川濱誰令江外漁

樵侶爭識 先皇侍從臣。上殿似聞辛慶忌行吟。
休擬楚靈均。千秋公議存青史。應爲朝廷惜此人。
學士名貞生以建言被放尋奉旨召用

潼關

潼津直上勢嵯峨。天險初從百二過。兩戒中分蟠
太華。孤城北折走黃河。復隍幾見熊羆守。棄甲空
隅犀兕多。漢關唐陵盡禾黍。雁門司馬恨如何。
謂孫傳庭孫因天雨催戰而敗孫敗賊遂長驅入關而明亡夫故結意及之

兩度柴關嶺

棧中新漲未歸槽。百丈柴關水怒號。鳥語不聞深
國朝詩別裁集

卷四

九

教忠堂

箐黑馬蹄直上亂雲高。天垂洞壑蛟龍蟄。秋老牙
鬚虎豹豪。誰識熏香東省客。戎衣斜壓赫連刀。
沔縣謁諸葛忠武侯祠

天漢遙遙指劔關。逢人先問定軍山。惠陵草木水
霜裏。丞相祠堂檜柏間。八陣風雲通指顧。一江波
浪急潺湲。遺民衢路還私祭。不獨英雄血淚斑。

晚登夔府東城樓望八陣圖

永安宮殿莽榛蕪。炎漢存亡六尺孤。城上風雲猶
護蜀。江間波浪失吞吳。魚龍夜偃三巴路。蛇鳥秋
懸八陣圖。搔首桓公憑弔處。猿聲落日滿夔巫。
議格律

聲響無一不合在北地信陽詩中定推上乘。
八陣圖有三在夔州者六十有四爲方陣法

渡河西望有感

使者河源復卻迴。杖藜曾記到雲臺。高秋華岳三
峰出。曉日潼關四扇開。星宿海從天上落。崑崙嵯
峨自斗邊來。何時更訪茅龍去。東望滄溟水一杯。
有雲臺峰上望中原見黃河從塞外來。通體是渡河西望故皆作追憶語末思他日更往有餘情焉

寄李鄴園尚書二首

閩天烽火達錢塘。太乙靈旗指越疆。文武共推周
吉甫。勛名誰並郭汾陽。椎牛五夜千夫膳。射虎三
秋百戰場。今日羅平妖鳥盡。早聞憂國髩如霜。

國朝詩別裁集

卷四

十

教忠堂

爛柯山上陣雲低。太末城南月暈齊。飛檄直臨彭
島外。纖塵不動浙江西。戰袍血濺盤鵲鵲。雄劍霜
寒淬鶚鷄。半壁東南功不細。天書頻下武都泥。
鄴園名之芳耿達報時總督浙江開變即移鎮衢州扼仙霞關使賊不
得踰嶺竄江浙三四皆實錄也彭門島連福建與漳公檄使勿連海寇

和徐健康庵官贊喜吳漢槎入關之作

丁零絕塞鬢毛斑。雪窖招魂再入關。萬古窮荒生
馬角。幾人樂府唱刀鐮。天邊魑魅愁遷客。江上蓴
鱸話故山。太息梅村今宿草。不留老眼待君還。
徐健康

爲官贊爲納緩放還此古道交也
梅村有送吳季子出塞詩故云

皖城懷古

清水塘邊余闕祠。雲霄浩氣凜鬚眉。英姿颯爽猶橫槊。古砌荒涼只斷碑。鶴化千年非故國。鷄鳴十廟不同時。皖江便是田橫島。義士悲歌為涕洟。陳友諒不死於明。然存此忠憤之心。則化鶴歸來。未必不與十廟功臣並馨祠祀者也。辭今快議論以行方是知人論世。

趙承旨畫羊

三百羣中見兩頭。依然秃筆掃驄驎。竭來清遠吳興地。忽憶蒼茫勅勒秋。南渡銅駝猶戀洛。西歸玉馬已朝周。牧羝落盡蘇卿節。五字河梁萬古愁。命意矣。復以銅駝玉馬一聯作襯詞。則凌空意則鋒刃而更以蘇子卿之不失臣節足之趙王孫何處生活耶。人云詩中有史。則詩有春秋。

余澹心寄金陵詠懷古跡卻寄

國朝詩別裁集

卷四

士

教忠堂

千古秦淮水。東流繞舊京。江南戎馬後。愁殺庾蘭成。

國士橋

國士橋邊水。千秋恨未窮。如聞柱厲叔。死報莒敖公。公不以國士遇叔。及公被難。叔以死報之。豫讓之不死於范中行而獨死於知伯。未得為完人矣。此種詩有補名教。

石城橋示倪雁園太史

昔作秦淮客。朱樓賦洞簫。白頭故人盡。重上石城橋。不言神傷。感唐風味。

再過露筋祠

翠羽明璫尚儼然。湖雲祠樹碧於煙。行人繫纜月

初墮。門外野風開白蓮。開揚貞烈。易入於腐。故以題外著意。法行之高。卻遠近俱種白蓮。二語得陸天。

隨月曉風清。欲隨時意。

秦淮雜詩

十四首

新歌細字寫米統。小部君王帶笑看。千載秦淮嗚咽水。不應仍恨孔都官。自注弘光時阮司馬以吳綾作米統。開書燕子箋諸劇進宮中。○諸詠皆用。

不盡關係。故獨取此。

題尤展成新樂府

南苑西風御水流。殿前無復按梁州。飄零法曲人間遍。誰付當年菊部頭。自注展成樂府。顧治中曾進。即覽。

猿臂丁年出塞行。瀟陵醉尉莫相輕。旗亭被酒何

國朝詩別裁集

卷四

士

教忠堂

人識射虎將軍右。北平。

千金七首土花斑。兒女恩讎事等閒。他日與君論

劍術。要離塚畔買青山。自注題黑。白衛傳奇。

瀟橋寄內

太華終南萬里遙。西來無處不魂銷。聞中若問金

錢卜。秋雨秋風過瀟橋。

馬嵬懷古

巴山夜雨卻歸秦。金粟堆邊草不春。一種傾城好

顏色。茂陵終傍李夫人。傷其不得傍金粟堆也。以李夫人形之。便曲而有餘味。

秦中凱歌

新開麟閣賞元功。頗牧重看出禁中。此去西人須破膽。將軍昨日遼東。

天上黃河萬里來。巨靈高掌抱雲臺。遙看丞相行營去。日射潼關四扇開。

涇原西北駐王師。尺一無煩介馬馳。共道皇恩天浩蕩。不教京觀築鯨鯢。

袞衣照路有輝光。班劍威儀出尚方。大將橐韃迎道左。萬人鼓吹入平涼。

河西三將氣如虹。百戰功名次上公。詔下一時齊虎拜。漢朝爭羨寶安豐。

國朝詩別裁集 卷四 三 教忠堂

進涼州提督

三月軍鋒次渭橋。旋看飲至紮宸朝。空言韓范威名大。五路何曾制曩霄。

此為王輔臣即馬鶴子之叛秦隴震動大學士國海靖逆侯張勇奮威將軍王進寶提督孫思克討平之因作凱歌也前明徐文長沈嘉則諸凱歌非不鋒利然皆書生之習未除對此知為廟堂之作

蟬磯靈澤夫人祠

霸氣江東久寂寥。永安宮殿莽蕭蕭。都將家國無窮恨。分付潯陽上下潮。

謁文忠烈公祠

精神如破貝州時。晚節猶能動四夷。天遣不同韓富沒。姓名留重黨人碑。

碑如此作詩說許不廢議論○黨人碑以司馬光第一文彥博次之原本留冠黨

人碑擬易重字諒漢洋亦不以爲妄也

馮雲驤 字鶴生山西振武衛人順治乙未進士

雲棧

山腰萬仞露下臨。不測淵俯身窺。栖鵲舉手接飛鷲。山頭舊水雪閃閃。挂飛泉。溪中萬古石。跳珠濺潺湲。忽驚仄路絕空行。駕危椽。峰峰自迴合。藤蔓束荒煙。盤盤緣石壁。磴磴捫青天。遙看來往人。縹緲訝飛仙。更聞猛虎嘯。當我踞層巔。勞臣有定限。豈敢憚艱難。匹馬千山外。迢迢夕照前。

鳳嶺

國朝詩別裁集 卷四 古 教忠堂

鳳嶺行來欲上天。此行無異作飛仙。紅霞白日回頭近。鳥道蛇盤獨馬穿。未斷崩崖愁瀑水。半畝懸徑仗危椽。側身萬仞峰巔過。秦蜀遙看兩點煙。

盤句上句亦覺不平作詩者宜知此法

邱象升 字瞻飛江南山陽人順治乙未進士

清遠峽

委折江如綫。鋒稜勢益增。曉昏雲氣變。雷雨石痕崩。洞古空猿跡。蒼荒暗佛燈。客心愁入暮。高峽尚層層。

苦竹渡

夕陽殘影沒哀眼。翳長空。樹暗驚人語。溪寒避虎風。戒心齊擊柝。野火亂燒叢。前路津門是。星華望未通。

連上章能狀奇險之境

嚴

字子餐浙江餘杭人順治乙未進士官戶部侍郎○司農欽退撫抑鹽錢九列不殊寒素有識其詩者應時改定

遠近稱爲德人

送吳謹侯同館謫廣文還里作歌

擊筑且斟燕市酒。浮雲富貴吾何有。巖前碧樹吐朱華。天上白衣幻蒼狗。風翻易水橫素波。送別聊爲暇豫歌。松皮屈鐵老山雪。鵬翮擊浪凌溟河。龍吐鳳留華省。授經博士官偏冷。夢迴輦道記鳴

國朝詩別裁集

卷四

五

教忠堂

珂坐聽轆轤初轉井。西風冥冥吹白沙。尊前細雨開簷花。杜老乍簪青瑣筆。鄭虔本愛赤城霞。奪我鳳凰池。未妨彭澤醉。興來拄笏西山翠。自有哀吟動鬼神。長將詩卷留天地。不知辟水況金門。見說移官亦主恩。但看卧坦邊韶腹。有日槎迴博望源。

夢題輦道二語寫其玉堂天上之感未并望主恩之賜環而出以微婉不傷直致得立言之體

田凝只索畫久不得報歌以代柬

我昔平湖弄秋水。酒酣最愛羣峰青。興來落筆寫山色。泉石出沒雲冥冥。一日十紙不厭速。貴取繪意。非傳形。三春索米長安陌。馬足泥滯行跡西。

山玉河在眼前。神昏擊強真意隔。案頭細素委零亂。貴遊尺一相催迫。必逢好友情性諧。吮墨含毫始光澤。首秋暑退風簾開。踈雲細雨滋綠苔。玉盤烹茗泛香雪。十指拂拂神初來。故舒直幹筆一放。試疊層嶺煙齊迴。須臾脫手天官森。此事原堪一朝了。不嗔濡滯嗜我真。相遲霜前看雲嶠。

速則片刻遲積歲時不以日月計也作詩作文亦然然可與言者甚罕

春日湯興

吏隱淹微尚栖遲。帝里春虛名慙諫。草薄祿慰慈親。馬度垣松直。鶯啼苑柳勻。主恩殊未報。不

國朝詩別裁集

卷四

六

教忠堂

敢慕垂綸

補袞瞻天近。斑衣愛日長。生成看燕雀。戰伐剩豺狼。紙筆兒誰好。柴桑婦不忘。閉門焚草畢。歸夢五湖傍。

三語翼物各得所四語憂于戈未靖報國空懷養親餘願真覺百端交集矣

懷季天中遠左

萬里邊城問謫居。躬耕遼海意何如。龍沙更作投湘賦。鳳闕長懸諫獵書。鴨綠流澌春水下。鷺閭積雪暮寒餘。柳條漸識陽和近。未必君恩雨露踈。

汪

字若文江南長洲人順治乙未進士授戶部主事康熙已未召試博學鴻詞官翰林院編修著有堯峯詩鈔○鈔翁官卽曹後與王西樵昆弟諸人稱詩都下風格原近唐人中年後以蘇南石湖爲宗後則顏蘇降格矣雖擇其詩貴有餘者著於

卷中不使擇字面者以鈍翁為藉口也生平穿六經史議論俱有根柢雖被其齟齬者終稱許焉

泊石湖有懷

江風逗餘涼。輟棹自成賞。谷口霞已開。洲心月初上。遙聞欸乃曲。知是漁人唱。獨樹影蕭條。孤鴻色惆悵。不見故人来。時向煙中望。此章近孟山人是鈍翁中年作描摹晚景今讀者如其間

遊鄧尉山遇徐生

夙齡睠名山。抗志事遊衍。葛弱容屢捫。梁危許孤踐。風泉渺難尋。空翠紛莫辨。去美惜已遙。來奇望猶緬。餘霞互明滅。微雲忽舒卷。裊裊薜蘿衣。之子

國朝詩別裁集

卷四

七

教忠堂

來何晚。道與寂寞會。志向崇深展。倘秉偕隱心。結廬詎在遠。去美來奇二語深於尋山者領之○作者五言古過於直白二章猶有言外音

玉鉤斜

月觀淒涼罷歌舞。三千豔質蘊荒楚。寶鈿羅帳半隨身。躡作吳公臺下土。春江如故錦帆非。露葉風條積漸稀。蕭娘行雨知何處。惟見橫塘映蜨飛。

有客言黃魚事紀之

三吳五月炎蒸初。棟樹著雨花扶疎。自注吳諺云棟樹花開黃魚來此時黃魚最稱美。風味絕勝長橋鱸。憶昔東南全盛餘。海舶銜尾張網羅。公然滿載返吳市。市中雜還

謹擔夫。柳條貫鰓水貯腹。數尾僅直千青蚨。豪門膳宰善烹治。劑以醯醬芼筍蔬。芳鮮頓覺溢几案。主賓下箸爭歡嘩。自從洲島阻兵燹。鯨鯢亂逐稽天誅。詔書尺一禁航海。漁師安敢飄揚蒲。蛤蜊海母尚難致。況望此魚供客需。老饕雖患食指動。畏觸禁令生他虞。吳儂日夕歎且吁。有司束涇嚴錙銖。何當小醜就拘執。舳舻往返如通衢。趙趙風中販鱸至。此魚復得登庖厨。吾儕口腹詎足校。但願海晏波濤除。廟堂日矣羽書捷。戈船諸將令何如。此海氛未靖時作也食物之細傳出東南兵防未以羽書之捷望之纖小題覺大有關係

國朝詩別裁集

卷四

六

教忠堂

送再從姪處默

又向長安別。淒然動客愁。秋風吹遠道。落日在孤舟。雁逐江煙下。潮衝楚樹流。何時復相見。與續竹林遊。賈長江詩以古成落黃葉禁浩然離故關為上以其格高也篇中三四語亦然

計甫草至寓齋

門巷何蕭索。惟君步履頻。青雲幾故舊。白首尚風塵。身受才名誤。文從患難真。耦耕知未遂。相顧倍傷神。十字為千古文人道之

送人南遊

長路應難問。君行況及秋。不知葭菼外。何處泊孤

舟遠嶼連雲起。殘潮漾月流。可憐南去雁。并作客中愁。

寄贈吳門故人

遙羨風流顧愷之。愛翻新曲覆殘基。家臨綠水長洲苑。人在青山短簿祠。芳草漸逢歸燕後。落花已過浴蠶時。一春不得陪游賞。苦恨蹉跎滿髩絲。
云美作也。云美吳中高士。銳翁輕無位人。故不書其姓名。三四工絕秀。絕如此。何得宋詩。他如白蜨蝶飛芳草。紅蜻蛚立藕花。中柳條細似千行。纔荷葉圓於半兩錢。景畫句中。不敢同聲附和。

賦得宮人入道

翻因薄命愛長生。羽氅雲冠再拜行。曾被玉皇教國朝詩別裁集

卷四

九

教忠堂

按曲忽隨金母學吹笙。顏逢鍊液重疑艷。身爲持齋轉覺輕。從此幽栖如野鶴。萬年枝上月空明。
於雙閣

自乞天恩下玉墀。宮中女伴鎮相思。羞題紅葉傳塵世。願守丹爐事本師。垂手只携襖斗訣。點唇初習步虛詞。此生無復昭陽夢。猶爲君王夜祝釐。
忠愛合溫柔。數厚之旨。

送魏子存之成都同西樵周量貽上

鳳城垂柳爲君攀。西去高軒指散關。望帝愁魂春樹外。卧龍故壘夕陽間。天懸鳥道連三峽。地入蒼

叢控百蠻。到日不妨頻弔古。訟庭草長簿書閒。
人體

和李退翁侍郎讀水經注意洞庭之作

曾持使節遠揚舲。落木層波共杳冥。澤畔有人哀郢客。雲中何處降湘靈。雨過斑竹千叢綠。潮落芳蘭兩岸青。回首舊遊今阻絕。不堪寂寞對遺經。

阻風

獨卧孤篷底。長途此夜窮。殷勤解留客。惟有石尤風。

姑蘇楊柳枝詞

國朝詩別裁集

卷四

十

教忠堂

臘盡寒威尚未銷。淺黃輕碧影迢迢。費他煙雨知何限。只替東風染柳條。
白玉堂前發數枝。粧成每自下階墀。中庭不是無花看。獨爲清陰立少時。
全以韻勝

過石塢

主賓無語似相忘。淨掃青苔坐夕陽。乳燕飛飛蛙閣閣。楚萍謝絮滿池塘。
分甘餘話中。新城獨取此詩。豈風神氣味與之相近耶。

曹申吉

字澹餘。山東安邱人。順治乙未進士。官貴州巡撫。兄升六。長於詩。曹壽名時。爲安邱增重。○吳逆反。公陷賊中。庚申夏。曠書赴關。密陳機宜。爲賊所覺。殺之。

武昌雜詩

隔岸晴川影。帆檣觸浪奔。禹功江漢大。楚俗鬼神尊。地濕陰常盛。天低日易昏。荒洲猶寂寞。詞賦擬招魂。禹功二句已盡楚中之天

人日貴陽作

故里今年別。殊鄉昨日春。看雲遙愛日。紀歲乍逢人。澤國湘沅外。山城魑魅鄰。野梅初應候。寒雨幾經旬。赤帖千門換。雕題百帳馴。綵幡迎楚雁。銅鼓賽苗神。瘴癘崎嶇地。艱危老大身。已甘淪井鬼。無復繪麒麟。莫英重開子。椒盤屢薦辛。牂牁天更遠。屈賈弔何頻。暖律迴窮谷。浮生託大鈞。友朋偕楚國。朝詩別裁集。卷四。主。教忠堂。

楚南

偶向瀟湘聽斷猿。斑斑千載泣龍孫。楚南近日蒼生淚。不是當年帝子痕。

劉體仁

字公猷河南潁川衛人順治乙未進士官吏部考功郎著有清庵集。公猷詩出以生新每近於澀嗜好應在東野王漁洋屢稱之池北偶談載公猷友某素喜琴沒數年公猷一日挾妓過其墓停車酌酒使姬各操一曲其風致如此

送戴務旃遊華山

夜談太華奇。朝來理輕策。似子獨往意。自然生羽翼。我無濟勝具。心懸神仙宅。極壁聞蟻緣。索度或

孫擲即至玉女盆。蓮花豈堪摘。頗窮造化由。能識巨靈擘。一身出天地。笑看培塿積。歸來毛髓異。定跨茅龍脊。起十字寓探奇之勇通體刻削不肯稍入

寄阮亭司理

離居才幾日。蘭葉春風生。門外即流水。片帆東下輕。野處寡新友。良辰多遠情。思君如草色。迢遞向蕪城。

即事

西湖小閣多延月。好友同舟半是僧。寄語江南老桑苧。秋山紫巖憶行滕。顧華玉訪孫太初時湖中所見景象如是

國朝詩別裁集

卷四

三

教忠堂

秦松齡

字留仙江南無錫人順治乙未進士入翰林龍興康熙已未召試博學鴻詞官翰林。先生初入翰林賦白鶴詩應制中云高鳴常向月善舞不迎人。上重其有品

金陵司馬行

宿遷旅次。何子曰鴻述其先世遺事。請作是詩。魚送之別。

汝祖金陵小司馬。移家始傍梁溪居。不事毛錐好說劍。男兒塞上當捐軀。襄陽法曹年少日。貂璫盡屈諸司馬。唯公倔強殺其奴。脫走京師歸請室。請室朝朝復暮暮。手把陰符自箋注。百年興廢總瞭如。九邊阨塞能指數。溫旨重寬直節臣。芙蓉湖上

幾垂綸。援邊忽奉勤。王機應詔還。留報主身萬金。
散盡酌死士。死士曾無一人死。偏師纔出復回旋。
西風淅淅落桑乾。水破耗軍需。罪不宥。權奸在路天。
無畫鍛鍊誰當。楊魏先覆車。幾作熊王後。信郎龍。
飛再赦還。還家常憶玉門關。壯心未展英雄死。孫。
子飄零衣食艱。送君東行在岐路。努力功名莫返。
顧濁酒今朝贈一觴。宿遷城外瀟瀟雨。權奸在路天無
畫喜廟之時何

時耶小司馬之不死幸多詳叙生平可當
小傳詩之誅茲敢發潛德者我有取焉

上熊雪堂先生

正繁蒼生望。先生未合閒。累朝看赤馬。兩疏乞青

國朝詩別裁集

卷四

三

教忠堂

山直道安危。後深心去就。閒盈盈章貢水。為照老

潞河寒食

浮雲北望悵何依。寒食餘威未減衣。柳色獨隨行
騎沒。桃花仍見釣人歸。青煙禁燭誰家散。紫燕春
泥到處飛。自別帝城多歲月。西山朝爽尚暉暉。紫燕
官出

長安詩子心稱
連言下可思

和吳弘人見贈之作

頻年蹤跡混樵蓑。舊友還過慰索居。白首更逢多
難後。青山重憶定交初。詩篇寂寞新齋雨。懷袖蒼

涼絕塞書。自注弘人出示令
弟漢槎塞上書尊酒共君秋夜醉。滿庭清

于忠肅公墓

定策當年奠帝京。墓門遙見半湖明。傷殘松柏啼
新鬼。寂寞祠堂卧老兵。宗廟有靈存社稷。英皇無
意殺先生。古來遺恨錢塘水。又繞台山氣不平。意
墓

錢先生殺之者徐石也
天順異日之悔可見

雜感

烽火章江警急多。滕王樓閣轉嗟哦。雕鞍曉日明
珠玉。列帳秋風泣綺羅。坐算幾聞黃石畧。戰酣誰

國朝詩別裁集

卷四

五

教忠堂

奮魯陽戈。司農日夜憂財匱。擊鼓椎牛氣若何。
授鉞親賢廟算強。旌旗萬里作巖疆。周家同姓盟
為長。漢制非劉爵不王。當日酌勛原異數。至今除
患屢分防。堪嗟諸將功成後。不肯歌鐘會未央。意
墓

姓王之用
原為失策

關隴車書此日同。相公拜命領元戎。屯邊戍久推
充國。納土功寧比寶融。詔出中朝心獨厚。恩
頒西土慶何窮。聖人威德原兼用。干羽虞廷舞
未終。時三逆連結而鄭冠亦復出沒徵兵
轉餉紛紛未定故作者屢形於言

荆南春日感懷

聖主崇文雅化新天書初下訪儒臣漢廷有意尊
經術宣室何妨對鬼神喜說圖中求駿馬還看席
上得奇珍上林春色應如舊憔悴當年獻賦人

求清境
而言

把酒臨江感慨多西南天地正橫戈登樓有客依
劉表使粵何人下趙佗浪接三巴聲激壯觀名一
柱勢嗟我偶逢春晝無烽火聽得琵琶幾曲歌

時南
未平故中
懷有憂

滿目

滿目紅旗載米船西南何日罷戈鋌輸軍未盡蕭
國朝詩別裁集

卷四

圭

教忠堂

何策憂國空思卜式賢薄海徧供金革費羣公莫
濫水衡錢焦勞尚體君王意救亂無如儉德先

閔

叙字鶴雁江南江都人順治
乙未進士官廣西提學

輯廣西志略湯述

莫擬浮湘續楚歌雲山渺渺意如何三唐遷客南
中盛兩宋移官嶺外人萃英華承雨露天留碑
碣寵巖阿即今有士能耽隱猶自青山卧薜蘿
捲甲曾聞捷若風軍威久鎮百蠻中如何債帥皆
徵貨多事中涓獨總戎經術籌邊原理學權謀制
勝亦膚功呼庚誰復蒐軍實府海司倉自變通

王

揆字端士江南太倉人順
治乙未進士有芝廬集

送嬾雲道人還滇中

千戈未定欲何之萬里還家一衲隨湖海班荆無
姓氏風塵面壁有鬚眉身當持鉢飄零日魂憶投
詩慟哭時故國魚龍秋寂寞不堪憑吊向昆池

臨清阻泊

河渠放閉問官程牘吏威尊阻客行曉塔晴開蓬
外影夜濤寒上枕邊聲沙昏魚菜喧新市日暗牛
羊下舊城瓦礫不堪尋故迹愁聽父老話承平

讀山翁大師新蒲綠依韻柬寄

國朝詩別裁集

卷四

圭

教忠堂

江頭父老話興亡蒲柳春光又十霜徒有子規愁
望帝更無鸚鵡憶明皇唐陵麥飯悲寒食漢臘桑
門祝上方指示旁人盡流涕請堂鐘鼓暮雲黃

老杜哀江頭中語唐陵麥飯
惟于祭門薦之可悲就甚

偕伯氏周臣過織簾先生故居同顧伊人訪
陳確菴夜宿

草堂人去薜蘿存洒淚空招未返魂猶見康成遺
故籍忽思元亮老孤村青浮稻色秋間路白照蘆
花月裏門感舊愈難今夜別追維生死對黃昏

顧麟士也康成故籍指麟士言元亮孤村指確菴言確菴名顯兩先
生皆志節士末句追維生死謂麟士生謂確菴一語總收二人

丁

彭字飛濟浙江仁和人順治乙未進士官禮部郎中有扶荔堂詩○嚴瀨亭云祠部少有白燕樓詩漢傳吳下士女爭相采樵以書彩袖發州兵之器有句云恨無十五愛賢文數囑君家白燕樓為時傾倒如此

風霾行

今上御歷十三載三月旬日風晝晦 詔問有司

災異狀法部郎臣昧死對臣聞漢帝除肉刑醴泉

溢出芝草生秦時赭衣常塞路日蝕星移失恒度

古來祥青信有諸劉向李尋數上書丞相席藁請

避位帝曰咨尔言非虛方今陽和布大澤雌蜺晝

見飛沙赤馮夷擊鼓蚩尤爭太乙靈壇詛風伯秦

川地震三輔霜郡邑不敢追流亡宿春未給縣官

國朝詩別裁集 卷四 主 教忠堂

稅更煩徵調徒燉煌鉤考參連不知數譴責稍遲

督郵怒司空歲滿城旦書廷尉門填枿楊路商王

解網舜好生 聖朝尚德復緩刑黃麻如飛赦書

賦就欲奪雲夢田 劍擊長凌武安瓦 灌夫弟畜朱

家奴乾坤何處容腐儒豎子成名何足齒天下英

雄君與孤干戈鼎沸若飛電江南黃犢如席捲慷

慨談兵尊俎前草檄特膺公府薦片紙能勝十萬

師一身恥為三語掾登床自許捉刀人帳中莫使

孫郎見此時樓船橫楚州朝議不敢申同讎指揮

泣下袁開府信誓直折寧南侯功成不賞蹈滄海

魯連遺風至今在歲月俱因戎馬馳壯心不與滄

桑改徐庶還家為老親江湖把釣足閒身少微星

邊憂處士秋風原上動旁人 有子青藜與我厚是

國朝詩別裁集 卷四 主 教忠堂

父聲名滿人口 飲泣再拜前致辭乃公佳傳煩下

走猗嗟韓陵信陵掩秋霧烏雀啾啾白楊渡千古

之名何有哉貞珉長傍松楸樹予為此歌君莫悲

聊作阡銘表其墓

送王山長還楚南

地盡三巴接將歸南雍州天空一雁斷何處岳陽

樓橘樹侵寒雨猿聲入暮秋仲宣仍作客更切望

鄉愁 詩取 其格

慰李琳枝侍御詔獄

抗疏今何事身危直道難忽聞收北寺不敢問南

冠草莽臣無狀朝廷法屢寬
聖明知汝慙頻取
諫書看尉臣直望主恩也執政方持法明若無此心一種立言之體

初至靖安寄邱中諸舊友

萬里從戎路崎嶇正此行雁聲孤斷磧虎氣撼空城
淚盡慚兒女身危仗聖明刀鐮何日約回首
玉關情虎氣五字如見獻賊破成都後景象

東岡

信是興王地城郊古木穠鸛鳴三殿雨猿挂二陵
松疎拙違明主胼胝愧老農吾廬荒徑近時見
白雲封

國朝詩別裁集

卷四

无

教忠堂

送趙錦帆比部歸汴州

携酒青門送客多相看無奈別離何漫愁關塞疲
征馬從此乾坤有荷蓑藥鼎千年藏日月雲山一
路少風波天寒大澤行人斷獨向夷門叩角歌言錦帆歸

去後草野方有耕鑿之人推重之至也

送孫九畹備兵保寧

萬里炎方尚枕戈旌車八月下牂牁猿聲苦霧城
邊急虎迹荒原戰後多焚道生猺能漢語羌西諸
將半渝歌休言割據蠡叢遠灩澦秋高起白波

報宋荔裳觀察

風起盧龍急雁行幾年歸夢度漁陽髡鉗季布藏
車下鈞黨符融泣路旁馬怯危橋流汨汨鸛鳴橫
嶺月蒼蒼榆黃霜白驚秋晚不敢逢人問故鄉

見燕

杏葉新陰拂女牆風吹小燕過池塘相期定似逢
寒食乍見爭如說故鄉弄影不教沾柳絮銜泥何
惜點琴囊雙栖並翅真憐汝愁殺盧家春晝長一語中燕

之多情與已之多情皆見可云善作情語

度嶺見長城

嶺坂風迴樹鬱盤長城如帶霧中看隨陽雁斷天
國朝詩別裁集

卷四

三

教忠堂

疑盡背日峰高夏苦寒滄海不沉秦女石浮雲欲
動楚臣冠伊州一曲先揮淚況是親經行路難言深

自有此種眼界此種心胸奇警之語自然湧出

過長洲吳瑤如郡守招飲湯賦

悲歌燕市意何窮汝向南行我向東十九年歸蘇
屬國二千石重漢吳公他時苦憶松江鱸此夜愁
聞塞北鴻休傍姑蘇問麋鹿荒臺空鎖白楊風三語謂已

從靖安歸四語謂吳郡守也辭應詩能泯酬應之迹亦復可存

送汪舟次檢討奉使冊封琉球

孤懸鼉嶼海涯間襟帶窮荒控百蠻已奉春秋知

正朔何年南北併中山自天宸翰龍鱗動繞日珠
旃豹尾班底事皇華念將母乘風歸路指刀環本二珠

後併爲一故問之。康熙戊戌歲徐徵君太史出使琉球歸省侍母時作詩送行者必以出使省親對舉推爲合律不知出便是主意省親只是旁及珠失輕重也此詩將母於結處一點見前筆位置之妥

送徐徵君電發辟召之京

此去朝辭林屋峰布衣疏屨倍從容眼中吾老非
衰鳳足下人稱是卧龍應詔趨由丞相府封章
辟自大司農知君芸閣詩成後苦憶西堂舊植松

望天壽山

高峰突兀散流霞天外鐘聲一徑斜認道前朝功

國朝詩別裁集

卷四

主

教忠堂

德寺老僧還著舊袈裟廢典之感於言外領之只舊袈裟三字便覺蕭然

聽舊宮人彈箏

銀甲斜拋雁柱飛玉熙宮裏尚依稀不須彈到回
波曲說着先皇淚滿衣此種竟是唐人絕句於渾成中見風神愈咀吟愈有味也故亭畫壁那能遺却

塞上曲

百戰洮河西備羌合黎山外月如霜白頭老將沙
場卧尚說彎弓從武皇

王日藻

字印周江南華亭人順治乙未進士官湖南巡撫

潘山人至自遼左

匹馬南歸道路長相逢畫閣話遼陽寶家錦字詩

難寄蘇氏河梁雁幾行秋盡隴雲寒欲雨陽回邊
草白於霜漢廷亦下金雞使誰念當時折檻郎

董

字聞石江南松江人順治乙未進士官有藝文詩集

旅窗讀漢書

提兵十萬擁元戎斬帥湛船意氣雄戰聞八年能
獨霸殺降三戶竟無功秦軍已破漳河上漢社初
移渭水東諸將膝行齊稟命莫因成敗笑重瞳秦降卒

二十餘萬王漢王巴蜀漢中使漢王得以還定三秦項羽之敗微顯然矣此云莫因成敗笑重瞳作者巧於立言勿被瞞過

登穹窿謁句曲行宮

山勢崑崙欲到難玉真宮殿擁千官香飄下界青

國朝詩別裁集

卷四

主

教忠堂

冥近磬入諸天碧落寒洞口斷雲朝放鶴石根晴
樹暮栖鸞金門羽客龍泥印夜禮星辰上醮壇

彭

字子贊四川閬中人順治乙未進士

書屈陶合刻後

變風以後數靈均彭澤天然見性真對酒不忘書
甲子懷沙空自歎庚寅滋蘭九畹心偏遠采菊東
籬句有神五柳三閭異醒醉何妨千載德爲鄰分合

律細語工與鄭港若居原貫讀一章莫能甲乙

沈自南

字聖侯江南吳江人順治乙未進士官遼東知縣。雷侯居官清介自矢以恩撫民所著有藝林叢考歷代紀事考異樂府箋題等書錢牧齋稱其

書爲經籍之彙纂文章之圖田

同韓倬次雪聲遠登快風閣兼寄懷繹堂

秋來傑閣共登臨。極浦遙山入望深。吳苑弟兄欣聚首。梁園賓客最關心。薰葭拂浪渾如雪。橘柚垂烟半似金。指點江鄉盡圖畫。遲君墨妙一題襟。

春暮錢牧齋宗伯過訪

登仙曾羨李膺舟。何幸蘭橈復此留。下士昔傳東閣盛。著書終許石渠收。花飛江上泥銜燕。柳綠亭邊浪狎鷗。擬得三都待題品。當年玄晏最風流。

王澤弘

字清來湖北黃岡人順治乙未進士官至禮部尚書著有吳廬集○吳廬辭官後移家金陵既老耽吟風雅近奉為摠持者也錄稿本未鐫漸次散失故所收止此

國朝詩別裁集

卷四

三

教忠堂

感懷

千金購奇書。冥心耽誦讀。有時探真源。古人在吾目。胡為老雕蟲。中原正逐鹿。鴻飛何所逃。烏止誰之屋。孰居政事堂。覲顏竊鈞軸。牆東有老儒。呼天方痛哭。此感前代大臣之非人溫體仁巨姦後繼以周延儒魏藻德輩欲國之亡亡不可得也有君無臣儒生早已殷憂

送陳心簡之遼東

驅車獨旅向三韓。九月秋風已漸寒。纔道玉門生入。憑誰知鐵嶺放歸難。長天積雪家何處。絕塞嚴冰路幾盤。鴨綠江深終古恨。南來鴻雁報平安。

留侯祠

穀城山下草離離。追憶高風繫所思。漫道留侯如

女子。每看楚帝只嬰兒。報韓志切逢黃石。翼漢功成賴紫芝。身退拂衣還辟穀。神仙原是帝王師。

易州使院詠松

去年手植新松樹。碧葉青枝取次陰。輪長凌雲應有日。後人誰識歲寒心。果抱歲寒心後人自有識者

買花

賣花擔上露纔乾。野老移來滿藥闌。拋卻故山花事盛。翻來燕市買花看。

陸鳴珂

字次山江南華亭人順治乙未進士官學使著有使蜀詩草

國朝詩別裁集

卷四

三

教忠堂

七盤上雞頭關

北棧行將盡。雞頭勢轉雄。七盤蟻旋磨。百折馬行空。天險關山壯。人謀斧鑿工。十年轉戰地。故壘動

悲風

山川之險須得奇警一聯寫之此老杜遺法

方兆及

字子詒江南桐城人舉人官山東按察司僉事著有天文官制諸書詩稿散佚茲於龍眠風雅中采取二章等於古

光片

劉生

劉生可是高皇裔。任俠由來重漢京。六郡良家輸浩氣。五陵豪士屬荒飢。雕龍雄辯金張館。獵騎橫穿衛霍營。死難報恩如飲食。一言投合此身輕。劉生未詳

何代人辭始於梁元帝是六朝時樂府也後人相沿錄之篇中狀其任俠縱橫已云曲盡

銅雀妓

漢室金甌非改步。曹公銅雀已成臺。名姝俱匹英雄去。豔質惟邀妓女來。瑤席冷餘無霸氣。總帷空後有微哀。卻憐疑塚紛如垓。欲望何從心早灰。

也始於張正見寓其分香賣履囑今登臺望陵情事在雄末路不獨可醜亦且可憐作者不留餘蘊矣

此平調曲

國朝詩別裁集卷四

國朝詩別裁集

卷四

五

教忠堂

國朝詩別裁集卷五

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

錢陸燦 字湘靈江南常熟人順治丁酉舉人○湘靈為牧齋族子然其詩不為虞山派所縛別開獨蹊受自吳越陵學詩

者多宗之

牡丹花下集同袁穉庵唐祖命方爾止張瑤

星余淡心黃俞邵諸君子長句一首

前歲花時渡江去。去歲吳門三月暮。三度花開一

度看。今年恰在金陵住。金陵舊是帝王都。歲歲花

開如畫圖。此花又殿春風後。朱衣王謝相傳呼。一

國朝詩別裁集 卷五 一 教忠堂

筵釀費中人產。一花千人萬人眼。金盤綠籃共貽

贈。招邀名士分折柬。永和蘭亭金谷園。月落檀板

催金尊。百尺烏絲長到地。清辭艷句爭飛翻。得所

穠花易消歇。子規啼血栖宮闕。無復天彭百馱花。

王孫五勝埋香國。花殘人散可憐春。十處園林九

處塵。欲往城南訪耆舊。酒徒零落空芳辰。太史園

中花百種。紅歌綠捧花頭重。花神有意洗粧遲。要

勒詞頭固君寵。諸公同日看花來。鄧生酒甕還重

開。廿年無此好事者。無詩不醉那能回。酒醉詩成

花欲語。明歲花開待子汝。春雨春風作主人。驚飄

鳳泊同羈旅。於一花之榮落傳國步之盛衰中後跌宕淋漓有對此茫茫百端交集之感○天彭山名陸游有天府壯丹記

五勝猶金木水火土五德言迭相勝也

計 東 字甫草江南吳江人順治丁酉舉人○甫草負奇氣過鄴下見謝茂秦墓圯壞盡索中金為修墓過順德知歸震川

嘗佐郡有廳記二篇求遺址不得乃入署旁廢園中辨香拜拜至吳梅門生於黃孝子向堅人共賢之詩不苟作時露胸中抱負

宣府中元夜即事

邊月新秋夜。哀音四面齊。戰場多舊鬼。野祭有遺

黎。柝亂愁人聽。風驚倦鳥栖。遙遙天漢上。河鼓漸

垂西。

任正道中廻望西山有感 是日為新進士臨唱

不盡西山色。蒼茫遠帝都。內廷傳甲第。我舌問妻

國朝詩別裁集 卷五 二 教忠堂

孥。寂寞隆中嘯。悲涼督亢圖。昔賢知未遇。時一哭

窮途。極失意時說來却有氣骨

宣府逢立秋 是歲閏七月

秋氣吾所愛。邊城太早寒。披裘三伏慣。擁被五更

殘。風自長城落。天連大漠寬。摩霄羨鷹隼。健翮尔

飛搏。

鄴城弔謝茂秦山人

鄴中懷古正秋風。詞賦深慚謝氏工。生欲移家辭

白雪。沒隨疑塚對青楓。諸王禮數何常絕。七子交

期竟不終。自是貴游無遠識。布衣未必歎飄蓬。手推

茂秦為盟長後稱山人而點之見交遊之不久也後半大為布衣吐
氣子有論詩絕句云眇目山人足性靈詩盟棄後苦飄零後來誰希荒
墳者只有吳江計改
李改亭南草別號也

答雲間蔣駁閣

西陵原上憶經過。屈首從君學九歌。豈意邊書驚
御宿。遂令複壁老山阿。破家張儉飄零久。賃保王
成辛苦多。今夕相逢還道故。數聲鶴唳起庭柯。

吳兆騫

字漢槎。江南吳江人。順治丁酉舉人。以科場事戍塞外。後
赦歸。旋卒。著有秋笈集。漢槎傲岸。自負。嘗謂同輩遠表
淑語曰。江東無我。卿當獨秀。其不顧世眼。可也。乃無辜被累。
戍寧古塔。比於蘇武窮荒十九年矣。然錄此詩。歌悲壯。令讀者如
相逼於丁零絕塞之間。則當人世之奇窮。非正使之為傳人耶。詩
可采者多。茲取其尤冠冕者。漢槎閱歷。偏以老杜之沉鬱頓挫。
出之。必更有高一格者。此則王楊盧駁當時體。
也。然就此體中。他人未能抗行。宜為梅村首肯。

國朝詩別裁集

卷五

三

教忠堂

閏三月朔日將赴遼左留別吳中諸故人

薊門三月柳堪折。玉關遷客肝腸絕。結束征車去
舊鄉。矯首天南恨離別。憶昨胥臺事俠遊。才名卓
犖凌王侯。黃童稚擅無雙譽。溫嶠羞居第二流。相
將日向春江曲。闔閭墓前草初綠。綠鷄春風客似
雲。珠簾夜月人如玉。少年行樂恣游盤。夾道飛花
覆錦湍。按歌每挾茱萸女。駐馬頻看芍藥欄。筵前
進酒題鸚鵡。一日聲名動東府。擬從執戟奏甘泉。
恥學吾王能格五。去年謬應公車徵。駿馬高臺幾
度登。自許文章飛白鳳。豈知謠詠信蒼蠅。蒼蠅點

國朝詩別裁集

卷五

四

教忠堂

輕赴洛。一向水天逐。鴈臣東風。揮手淚沾巾。只應
一片江南月。流照飄零塞北人。比明妃遠嫁哀慘過之篇中
先叙少歲才華故鄉遊歷以
次入嶽居謫萬里投荒有不堪南望者矣與楊
升庵宿金沙江錦津舟中別友諸作同一悽惋

同陳子長夜飲即席作歌

豪氣君未除。長嘯輕遠遊。雖為遼海客。不識邊城
愁。青絲玉壺銀鑿落。中宵坐我碧油幕。海風吹天
星動搖。邊色橫煙月澄廓。倚笛頻驚出塞聲。銜杯
尚擬華年樂。黃龍東望沙茫茫。黑林樹色參天長。
此行應痛永乖別。他時相憶徒慨慷。愛君且復飲
君酒。庭樹搖搖掛珠斗。夢去難攀鶴市花。醉來聊

折龍城柳眼中萬事盡飄蓬。爾我安能日携手。故國何處五湖濱。難後逢君意轉親。誰憐玄菟城頭月。泣盡黃公壚畔人。遠海逢故人又復踪跡飛旋當離別有倍難爲情者讀結語令人同聲悲咽

同陳子長坐瓊帳中話吳門舊遊愴然作歌
遠城四月春風來。黃鸝啼樹梨花開。陳生邀我郭南去。笑騎鞍馬雙徘徊。沙場黯黯日將暮。半醉歸來解鞍卧。瓊牆誰撥鷓鴣絃。彈作商聲淚交隤。憶昨故鄉百不憂。命儔嘯侶吳趨遊。裁詩每題白團扇。縱酒惟賭青羔裘。沙棠之漿雲母舟。美人玉袖搗箜篌。金窗銀燭月未午。清歌窈窕無時休。就中國朝詩別裁集

國朝詩別裁集

卷五

五

教忠堂

少年三五輩。徐郎顧子稱風流。獨孤側帽傾士女。正平搖筆凌王侯。百年行樂竟誰在。淒涼邊地傷離愁。只今相對休悵快。人生苦樂猶迴掌。隴西將軍困醉尉。邯鄲才人辱厮養。古來憔悴多名流。吾輩何悲棄榛莽。君纔弱冠我盛年。可憐淪落俱冰天。舊遊一別已如雨。陰關萬里徒含煙。寄哀欲托庚信賦。賞音空憶鍾期絃。金尊有酒且沈醉。何須惆悵風塵前。憶昨一既以少年行樂形出只今憔悴作寬解語亦不堪也勿認作排遣看

贈吳穉恭散騎

自注故恭順侯勳衛

白頭吳叟何龍鍾。先朝曾直華清宮。十年喪亂無

人識。萬里羈孤泣路窮。憶昨西京全盛日。子侯年少承殊澤。門下金鞍慣射生。樓中銀管頻留客。油碧香輪陌上驕。佩刀日護紫宸朝。從獵別分都尉馬。奉車特賜侍中貂。山河舉目須臾異。荆棘淒涼舊東第。仙人已歎海生塵。侯家寧保山如礪。幾度天涯怨負薪。蕭條絕塞詎逢春。夢裏官雲雕輦路。愁中邊草玉關人。玉關回首傷懷抱。短衣濁酒長潦倒。雀滿門前翟氏悲。羊歸隴上蘇卿老。日暮哀笳四野聞。黃榆秋雪正紛紛。憑高欲縱鄉關目。腸斷南歸雁幾羣。此故侯之後同在遠左同不能歸因腸斷於南飛之雁也視青門種瓜人不堪並論矣

國朝詩別裁集

卷五

六

教忠堂

贈孔叟

孔叟俠者今白頭。橫戈曾事當陽侯。自注崇禎中叟以副帥事楊相國嗣昌
十年困頓螭螭塞。五月不脫羔羊裘。征南幕府久零落。猶復雄名動寥廓。絕域魂銷白雁書。沙場力盡斑絲繫。擊衣不得心自哀。置鉛無成目空瞍。自注冬欲刺李可憐喪亂識鳧毛敢道精誠生馬角萬里自成不克
蒼茫故國悲側身。天地何時歸鄉夢。已迷三楚道。蠻煙休望九疑開。此日相逢把君手。倚杖班荆撫西岳。感舊應憐髯上霜。悲歌且酌尊中酒。入關蕭永正漂零。思趙廉公已衰朽。半酣起舞何慨慷。俛

眉斂迹空摧藏。丈夫失意會如此。君今那必哀窮荒。與上一章同意而贈吳作悲涼贈孔作激壯風調各別

北風

馬上北風哀。黃雲慘不開。寒摧龍磧斷。聲捲雁沙來。驛騎衣空寄。嫖姚戰不回。何人吹筆策。淚盡落雕臺。

感懷詩呈家大人

棘寺陰沉樹色長。故園何處淚沾裳。獨憐積毀能銷骨。無那銜冤易斷腸。授簡園扉思夏勝。上書梁獄泣鄒陽。金門咫尺招賢地。不得雄文達建章。此繫獄時

國朝詩別裁集

卷五

七

教忠堂

作授經無入上書無語疾痛慘怛呼父母信然

寂坐匡床飲濁醪。臨風愁聽角聲高。謗書何事騰三篋。壯士由來泣二桃。目斷鄉關空涕泗。心傷烏鳥自悲號。可憐一片江南月。永夜蒼蒼客夢勞。漢魏西曹

雜詩自序云望慈闈於天際白髮雙悲憶少婦于樓頭紅顏獨倚讀之他人亦為哽咽

出關

邊樓回首削嶙峋。筆策喧喧驛騎塵。敢望餘生還故國。獨憐多難累親雲。陰不散黃龍雪。柳色初開紫塞春。姜女石前頻駐馬。傷關猶是漢家人。自注開前

有姜女望夫石

晚自雞頭崖至天龍屯

迢遞回岡抱塞長。暮雲歸路劇羊腸。馬嘶古磧寒沙白。鴉亂荒城夕照黃。病後關河空涕淚。戰餘身世各蒼茫。客遊不異松花水。日夜滔滔下北荒。

九月八日病起有懷宋既庭計甫草因憶亡

友侯研德宋疇三丁繡夫

歲晚霜清木葉愁。病餘蓬徑愧淹留。然臺一別悲蘇李。青草頻年哭應劉。歸夢關河長伏枕。客心天地各驚秋。明朝誰是登高侶。零落黃墟豈再遊。此繫傷時

故園亦復神傷況萬里之外乎所交與者皆懷交社中正人作者品地從此可見

國朝詩別裁集

卷五

八

教忠堂

帳夜

穹帳連山落月斜。夢回孤客尚天涯。雁飛白草年年雪。人老黃榆夜夜笳。驛路幾通南國使。風雲不斷北庭沙。春衣少婦空相寄。五月邊城未着花。寄衣舊事

也道來自新

五日阻水牛馬河

五日驅車度極邊。中宵移帳阻長川。波間不斷千峰雨。林上爭喧七澗泉。鐵騎風沙行戍日。錦帆絲管舊遊年。汨羅猶是江南地。始覺靈均未可憐。

小烏稽

連峰如黛逐人來。一到頻驚暝色催。壞道沙喧天外雨。崩崖石走地中雷。千年冰雪晴還濕。萬木雲

霧午未開。明發前林更巉絕。側身修坂倍生哀。

奉酬徐健庵見贈之作次原韻

金燈簾幙欸清關。把臂翻疑夢寐間。一去塞垣空別淚。重來京洛是衰顏。脫驂深愧胥靡贖。裂帛誰

賸健庵尚書作感微中自存身分見古道交

三月十二日河上口號

三月歸鴻滿塞天。流澌日暮尚淒然。自從身逐烏

國朝詩別裁集

卷五

九

教忠堂

龍成不識春風二十年。

孫

字赤堃江南常熟人順治丁酉舉人以科場事戍遼陽後赦歸。赤堃定多塞外詩因未見稿本無從采入

春日北行夜泊江口

泛泛桃花水。春風路幾千。月明寒食夜。人在廣陵

船。極浦迷鄉樹。孤蓬接遠天。黃昏何處笛。吹綠一

江煙。

高格渾成

還家

八首之三

歲歲還鄉夢。今朝夢始真。到家仍作客。無地可容

身。山色迎人好。湖光入眼新。廿年成底事。悔不早

投綸。

喜極還家而無家可歸此種情事服其真寫得出

弟妹何年別。盤餐此夕同。看來頭盡白。語罷淚俱紅。垂老重聞亂。還家舊業空。但能長聚首。不必問窮通。

少小離鄉縣。何堪老大歸。出門童子問。見面故人稀。道路忘南北。溪橋半是非。青青山色在。猶到舊

柴扉。

三章直捷寫情不加追琢應得力于少陵

潞河遇尤展成

遠道誰傳尺素書。十年魂夢隔賢閭。看來華髮君

相似。得隱青山我。不如異日才名齊。屈宋近時踪

跡混樵漁。鼎湖一去無消息。狗監何因薦子虛。

國朝詩別裁集

卷五

十

教忠堂

歸遇尤海庵作時海庵已罷北平司李世祖屢嘆為才子而鼎湖上升無人更為薦達故末二語及之

甲寅四月宋夢天少宰以邊才特疏薦余詩

以謝之

百粵風煙控七閩。山公故事一時新。未能馬革酬

明主。肯為猪肝累故人。瑟向齊門知不好。履穿東

郭自安貧。澄清事業須公輩。願乞餘生伴釣綸。

康熙甲寅

耿逆畔于閩中時需邊才故少宰薦之

送鄧孝威南還

誰遣徵書問鵷冠。又看蒲輅出長安。到來京雒文

章貴。歸去江湖天地寬。碣石虛聞求駿骨。邗溝無

恙把漁竿臨岐珍重加餐飯白首休歌行路難時義

漢傳不第作詩送行故有歸去江湖天地寬句

田茂遇字第淵江南華亭人順治丁酉舉人

貧交行

古人不貧才不老今人貧乃傷懷抱古人結交重青雲今人棄置同秋草今古人情何太殊我来仗劍邯鄲道邯鄲城中遊俠多邂逅相逢意氣好腰間脫劍且按歌尊中有酒復傾倒上堂拜母下揖嫂與子縫裳復剥棗君不見古來英雄不用爲傭保叩角行歌石皓皓作者負氣抱奇于此一詩見之

國朝詩別裁集

卷五

十一

教忠堂

孤兒行

孤兒啼聲何凄然問汝啼何爲長跪答言父爲南海太守居官清廉不枉取一錢鳴騶吹角大吏巡邊前導到部勢喧然晨報謁不得前夕報謁不得前急從販繒者貫縑百聯獻之幕府大不歡曰此邦舊有百斛珍珠船大吏朝去境夕拜牋守此海邦另擇名賢烏白鷺黑上下茫然父羈南海不得旋客死歸黃泉兒負嫠母跋涉山川乞食路間望見大吏鳴騶吹角仍巡邊猗嗟父骨歸何年音節全從古樂

府出乞食路間後復望見大吏巡邊痛絕在此警絕亦在此

曾

晚初名傳燈字楚田後更名晚字庭開江西寧都人順治丁酉舉人○有學集序庭開詩謂朝而燕塞夕而朱即涼州之歌曲與凝碧之管絃繁聲入破奔赴

交作今讀者回易而不能自主

麻平寺逢友人自楚至

空山留一寺下馬忽逢君蜀道無長轂征衣有棧雲秋邊鳴細雨谷口上斜曛客自瀟湘至猿聲似慣聞

雞頭關

南山忽已盡納納褒城春漢水原通蜀巴山不過秦燒荒熊出壩樹密虎窺人銘德昆吾者還應問釣綸

國朝詩別裁集

卷五

十一

教忠堂

同僧登赤嶺

看碑尋赤嶺采菊到黃州雁氣回秋渚江聲撼酒樓兵戈雙眼淚吳楚一孤舟蕭瑟匡山客應隨慧遠遊

劉垞

烏龍江欲出劉垞即聞波哀壑笙竽奏秦川鸚鵡歌天應一線落雲入九層多谿谷人民少開荒近若何言江遠而先聞波聲也一起奇拔

章在茲

字素文江南吳縣人順治丁酉副榜○我吳撫選政莫感於楊忠文公之同風素文先生繼之每一部成其序文文目老嫗僕人匿而不出坊間演劇子金始付之此吳中佳話也事載質亡集中

將出金陵

昔日秦淮渡。高歌舊酒樓。今來江上月。獨對帝城秋。壯志銷投牒。微軀賤旅遊。干將鋒盡折。真悔覓封侯。

以古詩體行律詩。新筆力。

都中雜興之一

入洛誠多事。遊梁亦已頻。半生歡結客。一刺肯依人。不過鍾期聽。何慙原憲貧。倚閭終日望。只是負慈親。

喜結客而不傍門戶其品可知一結語然仁孝

漢武

調遣天兵過月支。蒲萄新發上林枝。初聞使者巡國朝。詩別裁集

卷五

三

教忠堂

三輔又命將軍號。貳師越舊樓船通屬國。朔方烽火照征旗。羽林無數孤兒在。獨向高臺泣望思。

陳廷敬

字子端山西澤州人順治戊戌進士官至大學士諡文貞地戰四十年故其吐辭可上追蘇詩茲特取其典實朴茂者著於卷中

平滇雅三篇

岳湖逐寇也

岳湖洋洋我武洸洸。謂南有藩無敢撼我疆。岳湖滔滔我武翼翼。謂南有藩無敢闕我郊。我疆大矣我圍溢矣。芽孽其間疎棘合。蝟首我南藩化為異類。二帝如兩大以覆以載。推食以食解衣以衣。

遷之善地勿剪勿拔

三章拔音佩

彼惟狂昏狡焉生心肆

為誅首啓戎于南如蟾奮臂如蚋決首仰臆張

如豕斯驚

四惟

帝咨嗟惠威是崇薄往禽之孰

佐予功子矜下民救此一方取其殘凶是類是造

禡于臨衝

五音

我弓我矢靡旌摩壘兵

無遺鏃耕無失耜天塹茫茫限此江水既斷其趾

且斬其類

六盜

險阻距趨躍踉跄飛飢獻羽翅

以張候在太白占於天狼我涇我隴是震是驚

七

維彼閩粵波蕩海垠帝屢下顧哀此墊昏盜往

連結倚以父母乃餌乃誘乃為盜守

八帝

援天矛

國朝詩別裁集

卷五

古

教忠堂

鏃羽截麟嶺海革面蒙羞來臣禽越于威柔肌于

恩盜失厥助飛魄殞命

九老

雄野死梟雛棲棲巢

湖飲海傾搖於波爾居髡跪我步逶遲大袒高驤

十

賊焉遁逃洞庭湯湯岳陽我我載驅載馳爰拔

厥家

十一

惟帝之謨窮經窟宅是剪是

屠我武輝耀式廓鬼區百蠻萬國侯我來蘇

十二

章謂耿尚二逆助吳逆反也第九章謂三柱既死賊勢漸衰而我師以神武臨之也

湘東克衡也衡盜倚為巢克之武功將成也

師渝于江于湘之東師如雷馮震衡岳以攻一夫

為逆多方則病播虐抗有德我人斯奮卒歸厥命

章一歸命伊何衡人之災衡盜所家追奔逐北犀甲

雕戈虎旂龍節天威所加章二帝臣如虎帝師

軀武烈烈旂旌淵淵金鼓疑疑綏綏章三帝臣如虎

我敢拒章三右刈武陵左掃星沙磨崖响嶺我功孔

嘉戎馬晨服候烽夕遮剿絕惡本敢遺萌芽章四其

恃楓木其恃辰龍震之拔之自西自東陟嶺踰微

于山于川遠招邇歸囚豪解顏章五東西合師進次

于沅肇童日感怙兇忍頑左擣其虛右攻其堅載

闢載被會于中權章六既克于沅沅人嬰嬰如日之

昇如霖遇晞以肉其枯以勅其羸式歌且舞以樂

國朝詩別裁集卷五五教忠堂

我師章七南訖羅施來迎壺漿鳴鞀銅鼓洗兵盤江

彼寇輿屍晝匿宵奔滇人荒茶待我于門章八凡此

滇功惟天子乃成古者推轂相外以行今者決

勝一秉廟廷孰是遺孽而厘睿明章九師徒渾渾

漸集于滇惟天威式監官臣恪守乃獲其醜保

大定功流聲焉窮章十專為克沅言之沅克而諸

滇池盜伏于滇師受聖策平之武功成也

居北極洞視下方惟仁智勇克靖萬邦章一帝命臣

塔汝從西粵急擣其窟塔拜受命銜枚束刃環

滇其來龍駭鵬騫軍聲轟然如隊自天章二帝命臣

里汝往巴蜀橫剪側入里拜受命量沙追尋有

疾其驅無暴我邦路柵趾壘言壁其東章三帝命臣

泰汝從黔超惟此蟲賊數載曠誅汝將士用命賊

其敢逋泰拜受命于皇之訓章四我旄我旗于

苗于蠻度幕輕留弥險蔽關奪其阻隘掀其籬藩

獸窮負隅我師固以完章五帝命我師勢為犄角麾

城擄邑萬里手握維彼殼麇敢抗喬嶽維彼萌枿

敢傲霜電章六彼枿繁矣于焉蟠根雨露既濡忘

帝力之勤聖人神武施設芟夷斲彼梟驚張我

國朝詩別裁集卷五五教忠堂

熊螭章七僚鐔批亢下甲陷堅箕張翼舒合圍于原

獸窮于阱人或獸哀快彼凶醜覆卵毀胎章八帝曰

吁嗟勞我人師日費百萬大農不支滇人望拯如

鋪療飢載礪載攻天策攸宜章九孟冬月杪師薄

于城降幡夕暨逆駭縱橫林野塗腦郵驛遞顛滇

人歌舞于屋于衢章十夜半捷來天心惻楚閔憐

疾如火章十一廟于郊其儀孔熾華俎膾牲永

言昭事都人士女白叟黃童歎呀嘻笑祝我聖

躬章十二帝曰歸來予開明堂制禮興樂登賢拔良孩

養無告施厚仁。滂熙我庶績。綱舉目張。永萬斯年。
率由不忘。十三章。此篇爲遺孽既平武功告成而言。平滇雅三篇平吳連作也。康熙十二年冬吳三桂反。雲南明年耿精忠反。福建既尚之信。反廣南相繼應之時。諸將累承廟謨。以次進討。十五年耿逆降。十六年尚逆平。至二十年章泰貝子賴塔二將軍下雲南。吳世璠自劉死雲南平時三桂已前死矣。三篇爲吳逆言而連及耿尚詞氣典重。與柳子厚平淮夷雅相埒。未歸本天子好生仁武不殺猶柳雅意也事詳平定三逆方略。

贈孝感相公
十有四年春。惟三月日吉。收卜擇近臣。學士登密勿。搢紳賀於朝。處士慶於室。僉曰。帝知人。吾等夙願畢。公無得志容。庭館轉蕭瑟。公誠王者佐。生平學稷契。致君慕堯舜。自此見施設。銅扉半夜開。

國朝詩別裁集 卷五 七 教忠堂
沙隄帶月出。暮讀書百篇。朝入語移日。勞瘁咫尺地。欲使萬國活。時方事南征。戎馬久未歇。黎元尚瘡痍。原野恐騷屑。晴風卷旌旗。三農乍起甿。况我仁義師。忍此田間物。公爲民請命。聞者感心骨。數日政事堂。絲綸慰飢渴。中朝相司馬。姓字及走卒。身當畫凌煙。名其懸日月。咎時同學人。翹首望回幹。勞瘁咫尺地以下見兵戎未停瘡痍滿野而以為民請命望之相臣得古人贈言之體

施愚山見寄長歌和荅

關珊夜雨雞鳴號。關山夢回心魂勞。我所懷思渺天末。涼風一起秋蕭條。美人昔贈相逢篇。吳綃三

尺森瓊瑤。今晨曉窗坐展翫。我欲報之情鬱陶。憶昔相逢客京輦。城南華徑紛招要。酒酣惆悵秋燈紅。羨我髣髴髮漆黑。同即今倏忽別四載。頭上已有霜枯蓬。眼前諸子幾人在。浮雲溝水馳西東。萬事回頭淚沾臆。人生朝露誰能必。楚澤難招宋玉魂。緱山不返王喬舄。自注指荔裳西樵二子歌詞自絕塵聲。華爛漫。今何益。男兒七尺良可哀。生存華屋終黃埃。儒術用世行已矣。浮名寂寞何爲哉。不如放意遊八極。掃除文字栖淵默。未斷塵情憶遠人。茫茫江水分南北。康熙初公與西樵漁洋荔裳愚山顧菴等諸公時爲文酒之會號稱極盛而聚散存亡人生難免多情人不勝華

國朝詩別裁集

卷五

六

教忠堂

東山亭子放歌

東山望南山。百里隨我前。山亭橫絕浮空翠。闌干縹緲臨無地。我來氣與霜天高。風塵歸後寒蕭騷。拂衣枕石每獨往。垤蟻羣笑滄溟鰲。百事回頭如舊否。一片青山落吾手。倦客重尋岡上廬。童時舊種門前柳。盡掃西風萬古愁。且傾落日三杯酒。不見謝公高卧東山時。起爲蒼生已白首。昔時絲竹轉淒涼。美人黃土今安有。百年我亦一東山。日夕樵歌動林藪。

分流水送人北歸

分流水流濺濺行人到此寂無語別淚滴作分流水
泉我行南來幾千里多情送遠北河水北河相送
去茫茫南河相迎客路長與君相別分流處春草
春花易斷腸命意通詞如出唐人手

渡江見焦山有作懷林吉人

江流近海迎朝暎焦山蒼蒼當海門憶君焦山古
鼎篇勢凌海日傾江源金山樓觀特瑰麗撞鐘伐
鼓風濤喧我行再過焦山下海雲堂中空夢魂茲
山不到屢惆悵懷慙竟踐蘇公言惟我與君亦如
國朝詩別裁集卷五 九 教忠堂

此知禰不薦昔人恥只有思君日夜心長江湛湛
東流水結另用意而以不能薦賢為恥相思不斷如水東流猶見相臣心事

三月三日同楊松谷泛舟沁水

始得方舟穩滄波轉路迷濤聲春晝外寺影夕陽
西楊柳橫橋暗桃花夾岸齊十年江海興與尔手
同携

晉國

晉國疆天下秦關限域中兵車千乘合血氣萬方
同熬塞連天險黃河劃地雄虎狼休縱逸父老願
從戎予少時尤嗜讀官贊以午亭詩見示謂晉國一篇受其近杜後讀漁洋詩話亦謂其獨宗少陵前輩先得我心不勝自意

關樓

壁壘高林壯旌旗古鎮尊塞風春不斷邊日晝長
昏悲角關樓動孤城海氣翻往來憑弔意辭賦欲
銷魂

張東山少司寇宅觀奕

真見長安似奕碁故山回首爛柯遲古松流水幽
尋後清簾疎簾對坐時舊壘滄桑初歷亂曙天星
斗忽參差祇應萬事推枰外夜雨秋燈話後期東坡語一經錦冶無限風神

出關門百里宿沙河站

國朝詩別裁集卷五 十 教忠堂

關南滄海浮天白漠北連峰拔地青一片山河圍
郭塞幾家煙火接邊庭遼歌調苦風還斷蘆酒愁
多夜易醒却喜皇威臨絕域鎮東門山海關東門曰鎮東門

送少師衛公致政還曲沃

閣道雲山仗外峰朝回請急未從容再來父老看
司馬此去乾坤有卧龍夢繞細旂聞夜雨春回長
樂遠疎鐘知公未穩江湖興民隱還須達九重
邯鄲道上

炊熟黃梁已是遲海門歸路幾人知却憐朝市紛

紛客怕說。盧生夢醒時。盧生事其有醒時怕說殊無

鄒祗謨

字許士江南武進人順治戊戌進士有遠志齋集

中秋京邸

此夜中秋月清光十萬家。吳歌聞隔院邊調入征
笳北闕橫秋色西山隱暮霞。故園叢桂樹應發昔
年花。

清河縣

客久歸程近。鄉心益不禁。春波高泗水。暝色下淮
陰。漠漠寒林樹。蕭蕭枉渚禽。黃河流不到。禹德歎
彌深。今已淮不敵黃非復曩時清
河矣讀結二語可勝慨然

國朝詩別裁集

卷五

王

教忠堂

高

暉 字玄中山西襄陵人順治戊戌進士

目則山

削出目則山。矗起阿剌部。舍馬從步入。路仄足跡
聚。泥濕苔如鏡。石銳勢若拒。攀援斷藤行。數起而
數仆。山腳霞未明。山腰日已午。曲徑從今日。草木
自萬古。叢叢迴寒風。霏霏染翠羽。彷彿露崇岡。巖
營列山塢。廢竈留殘煙。道傍拾遺弩。冷然泉聲落
似猶雜。金鼓盤頂雲霧開。秀峰若可數。恍惚見吳
山。慰此行路苦。未敢舒驚嘯。恐驚豺虎怒。極形山之險
削而兵戎未

平意即於眺望中見之
字字峭拔不肯輕下

寄答桑楚執見懷

短髮空餘老大悲。三年一讀故人詩。竹間殘局完
公事。塞外新編是宦資。自笑子長牛馬走。誰憐杜
甫。鳳凰。饑何時。煮石青峰下。共跨黃羊侶鹿皮。

別寧州嚴靖公

碧樹初寒萬籟秋。昆明池畔動離愁。九年蘭佩分
香澤。一日征鞍賦遠遊。民力東南雙涕淚。心旌日
夜大江流。遙知別後相思夢。應到樓山最上頭。錄句
李念茲字地瞻陝西涇陽人順治戊戌進士官景陵知縣○有學
騷行安節和一唱三歎有蕙陵
白露美人一方旨意非黍聲也

李念茲

字地瞻陝西涇陽人順治戊戌進士官景陵知縣○有學
騷行安節和一唱三歎有蕙陵
白露美人一方旨意非黍聲也

國朝詩別裁集

卷五

王

教忠堂

登浮山

絕頂憑誰引。蒼藤乍可攀。偶然臨險地。不信在人
間。古洞遙通棹。江光日侵天。東南百戰後。登眺淚
潺湲。不信在人間登
高時實有此想

螢

不自慚微照。秋宵款款飛。乘陰稍騰上。化腐暫光
輝。月暗時依砌。風生亂點衣。時危妨誦讀。乾死舊
書幃。

立春夜感懷

聞道花門信。甘州今尚圍。城分猶拒戰。兵久未成

歸刁斗連邊動軍書入塞飛客懷無一可愁絕盼春輝

雲

片片浮雲去愁人正望鄉東風吹送汝幾日到咸陽懷歸之作自是唐音

徐文烜字又章江南青陽人順治戊戌進士

浙東別友人

歲晚催孤客鄉心逐小舠來隨江水遠去繞越山高寒日淡霜野陰風亂夕濤感君多意氣不必贈綈袍

國朝詩別裁集

卷五

五

教忠堂

張一鵠字友鴻江南華亭人順治戊戌進士官滇南司李

辰龍關

天地金湯險由來王氣鍾五丁開絕塞二酉抱神龍亂眼奇峰過驚心暑瘴重興亡千古在立馬倚長松

懷人

西南諸國滇為大六詔新開棘道平應憶松江蓴菜好却將老眼看昆明

李天馥

字湘北江南合肥籍河南永城人順治戊戌進士官至大學士諡文定著有容齋集○容齋以薦賢為已事已未名試鴻博所薦者為李太史天生泰太史對巖文清獻陸公獨氏邵公龍官特汲引為名臣餘舉門寒素有文行者必便之咸其民

所謂其心好之實能容之者後大臣中絕無其人

明景帝廢陵

張段走靈帝程魚奔代宗喪亂有其漸式微丁數窮摠無全盛時一日嬰愍凶異哉王閹奴挾帝出居庸土木試一擲舉國紛相從親征竟蒙塵身殉觀軍容爾時微邸王誰為奠冢中八載修戰守廟社安鐘鏞虜心絕要求塞外歸重瞳嗟嗟奪門徒甘心為首戎復辟亦天意羣小冒奇功忠良既誅鉤謚戾良非公窳窳荒山麓大禮斬樹封悠悠二百年壞道餘喬松皇仁念前朝慨焉愴宸衷

國朝詩別裁集

卷五

五

教忠堂

俠客

年少悲歌客秋原落日情快逢燕大俠羞學魯諸生問世都難合論交每不平懷中三尺鐵風雨夕常鳴

樓桑村懷古

衰草寒煙望裏孤樓桑遺跡未全蕪帝鄉恥屬黃初歷王氣猶延赤伏符國士風流曾據蜀宗臣魚

水失吞吳啼鵲舊恨益叢遠此地惟聞叫野鳥

美人曲

花氣惹陽春晴窗晃鏡塵畫眉啼徹曙愁殺畫眉人崔國輔小詩

孫一致字惟一江南鹽城人順治戊戌賜進士第二人官至侍讀學士著有世聯堂詩集

贈唐陶菴先生

蚤投簪紱遂幽襟偃卧蓬蒿足醉吟衣履尚存耆舊色鬢眉真見老成心天涯故國憂方切自注時吳冠未寧

夢裏華胥感自深聞道欲歸仍遠適雲山何路許追尋

國朝詩別裁集

卷五

主

教忠堂

錢中諧字宮聲江南吳縣人順治戊戌進士康熙已未召試博學鴻詞官翰林院編修

讀武帝內傳

漢武求仙日危樓四望開湯傳青鳥至空候白雲來玉露虛芝館金風冷桂臺茂陵終寂寞誰與望蓬萊

白雁

白雁初臨楚澤來孤飛正值葦花開影迷積雪望難極聲入曉霜清更哀開共雲煙相掩映偶逢鷗鷺不驚猜却疑玉塞辛勤久歷盡風霜毛羽摧不刻

畫而自佳

許字竹隱江南長洲人順治戊戌進士官紹興知府著有萬山樓集

折楊柳歌

柳條三尺長明日清明節江南小兒女采作流蘇結

千樹官牆柳萬朵道旁花折柳在懷手花飛到誰家

居遠四十年生兒十歲許偶聽故鄉音問爺此何語竟自齊梁問北國歌辭

天池山訪元歎門榜落木菴為寒河譚子筆

落木菴中卧老禪寒河風雅筆如椽垂來白髮耽

國朝詩別裁集

卷五

主

教忠堂

高隱散盡黃金憶少年十畝秋茶新雨後半山霜

蕨夕陽邊開元天寶詩亡後欲問人間寡和篇元人以

為詩人為老禪其初實俠士也四語為之傳神

河西關

去國何曾隔絳霄幽燕襟帶古迢迢尾箕斜結星千里恒衛中分水二條鐵笛漫驚龍塞月玉釵春

怨鳳城簫還將清嘯憑酬對南北音書任寂寥

黔中歲暮湯興

紫電飛馳盡錦袍悲風獵獵下城壕夜聞北里歌聲合曉望南雲殺氣高豈有功名如絳灌獨尊刀

筆到蕭曹長安只在青天上莫憶春明露井桃

登黃鶴樓

黃鶴仙人不少留洲名鸚鵡更堪愁三湘登眺還
吾輩千古江山獨此樓漢口夕陽銜遠岫武昌寒
郭浸春流燒痕滿地閒生感回首烽煙野戍秋

如此手筆何不可作黃鶴樓詩

携壺憑檻塞雲橫懷古荆門鎮重兵春柳久荒陶
侃壘寒潮直上呂蒙營滄桑盡付邯鄲枕煙月全
銷玉笛聲唯有芳洲春草年年還傍大江生

將發荊州招李劬庵秦對巖話別次劬庵韻

國朝詩別裁集

卷五

三

教忠堂

荆蠻忽聚四方豪睥睨城西幕府高踟躕擣蒲方
合陣竹頭木屑有分曹清商莫奏湘君曲濁酒堪
酬屈子騷南北往還誠萬里百年物役一何勞

和答錢宮聲見懷

吳閭惜別雁書稀春樹春江雨色微遊子誰憐親
漸老無家止有國堪依青萍嘯夜中原在白日流
空兩髻非還憶長安同躍馬極邊憔悴征衣

王又旦

字幼華陝西郿陽人順治戊戌進士官給事中有黃酒集
王漁洋謂切華詩每變而益上足以傳世行遠又謂遊
太華羅浮詩尤為警策惜未得全
集於選本中未取故所收止此

蒼龍嶺

削壁突斷絕微逕始躋攀長虹馳遠影飛落青冥
間迅颺兩崖起獵獵雲氣還連峰若動搖我行亦
孔艱天色撲蓮花瑤草何徧瑯陟危千萬慮曠望
忽開顏璇宮應不遠從此排天關

山觀雲海觀見之
作者先已寫出

自千尺嶂緣猢猻愁行

清晨杖輕策入谷二十里傾崖驟合沓梯棧空中
倚無翼如何度艱難方此始萬狀石磴磴紛垂繡
纏纏攀縋踏危石足頓不能起巖屋照頽陽曾岑
倒松梓養力憊煙靄乃知崎嶇美東南得高蹕路

國朝詩別裁集

卷五

三

教忠堂

隘不任趾亂映無全天坤軸忽崩圯猿於怯方啼
吾生悵何恃太息展遠眺前途尚喂囁

夜坐仰天池

窮日凌嶮嶸我行亦云疲散髮卧絕頂踈星下清
池峻絕五千仞瞻騎何可窺白雲上下飛深松羅
四垂欣無職事縶得與山靈期延佇不知反風林
露華滋高視但青蒼一氣回坤維鸞鶴如可馭終
焉謝磻淵

古鼎篇

自注鼎中一馬一鼠引呂氏春秋為據知周鼎也

夜坐金景流房櫳一南一北雲蓬蓬誰為此者驚

愚蒙戴氏之鼎來河東。子水母土木火功古色不
辨貫與崇。翡翠青間玫齊紅。饕餮怒張雜菱龍。蛇
蛭之勢何其工。中有一馬方雙瞳。其下隱約憑社
蟲。或云乾與良相從。不然子午識。夏冬紛紜衆說
胡能同。魯真齊賈空懜懜。何人博雅爲譚宗。考圖
論世自鎬豐。憶昔神廟稱時雍。斯器原出蓬萊宮。
天球河圖與大鏞。雖敦紀獻爭春容。金耶張耶椒
房雄乞而有之作清供。大梁左右興兵戎。豪門散
盡隨霜蓬。零落不復求。亡弓嗚呼治亂何匆匆。使
我感歎填心胸。大烹杳矣難繼蹤。此物合依蒲葦

國朝詩別裁集

卷五

五

教忠堂

叢主人有閣名丹楓。閣之前後花纖葦。兩耳三距
位當中。玩視聊寄疎且慵。王生作歌紀始終。慙無
長管搖白虹。焦山古此爲嚴分宜取去嚴敗仍歸焦山此從亂離
後失而復得所感尤大也前半刻畫亦見造句之奇

曉渡望鄂州

曉霧壓城頭。蒼茫古鄂州。風煙盤赤壁。波浪下黃
牛。星動連江鎖。旌高隔岸樓。由來征戰地。不忍問
東流。三四
神勇

贈梁峒樵水部

幾載常含畫省香。知君例作水曹郎。久辭請謁草
侵戶。近著河渠書滿牀。舊業六盤秦北地。臣軀九

尺。漢東方。那堪塞上烽煙暗。升斗朝朝問太倉。

送家叔季鴻先生游睢上謁后土祠

綠楊連岸曉風斜。東渡汾陰泛客查。天際兩崖馳
竹箭。春流三月湧桃花。黃雲寶鼎淪衰草。絳氣靈
壇落暮鴉。舊事於今無可問。市樓酤酒是生涯。

故陳忠愍公挽詩

福

陰風獵獵陣雲低。雪滿靈州動鼓鼙。絕塞名應傳
屬國。前軍星已落安西。五原未復精靈在。百口無
歸道路迷。蕭颯惟聞哀痛詔。城門月出夜烏啼。

太史祠隔河望孤山

國朝詩別裁集

卷五

五

教忠堂

絕巘連雲出。秋風隔水多。韓原中缺處。山翠壓黃
河。

祁文友

字蘭尚廣東東莞人順治
戊戌進士官工部主事

過王國看花

千株紅紫鬬芳妍。春到頻添酒債錢。任是打門官
吏急。公家不稅種花田。

嚴允肇

字修人浙江歸安人順治戊戌進士官壽光知縣著有石
樵詩稿○石樵以同官累去官後與同官過益厚禮之人
服其長者詩古今體兼善○嚴尚書謂其
春客大雅近代作者亦不多見益不妄許云

古風

世路真險巖。泰山起方寸。要盟矢天日。咄嗟不相

信耳餘刻頸交。既機起奪印。武安傾魏其。杯酒遂成釁。睚眦按劍怒。磨牙雪餘恨。兩虎不相下。報施理亦近。為國忘私讎。千秋思廉藺。交通之險。義為已私也。能如廉藺之為國則公而忘私矣。主意全在一結。

穆陵關

驅車長城側。稅駕大峴南。崇墉當峭壁。雉堞開晴嵐。曉日發扶桑。亭午日蔚藍。蕭梢谷風起。宮帶林光含。戰國恃形勝。縱橫尚并兼。此地為扼塞。設險如峭函。寄奴一進軍。廣固空戒嚴。生逢承平日。往來駐征驂。父老顧我悲。橫流涕漸漸。海岱古沃壤。

國朝詩別裁集

卷五

三

教忠堂

力耕人所誥。無端被災害。千里驅丁男。大東空杼軸。瀕海無魚鹽。豈惟重民困。天意殊未厭。公私日殫耗。俗敝誰能堪。翹首懷古風。願見蓋與參。見生事擾民不

如黃老無為猶可治瘠也作法與前一篇同

送宋荔裳按察四川

聽馬出薊門。駕言赴岷峨。前驅負弩矢。乘傳相經過。劍門天下險。錦江翻白波。近代厄銅馬。西川血成河。至今勞生聚。人少豺虎多。大夫秉邦憲。兢兢志靡他。外臺持風紀。霜雪變陽和。文翁寬匪弛。武侯嚴不苛。蜀道易平地。巴渝起新歌。琴臺與卜肆。

古蹟猶未磨。追從訪楊馬。道遠將如何。極亂後宜以寬嚴相濟處之文

翁武侯其前事也贈言之體如是

哀淮人

驅車適海岱。日暮行人愁。餓夫相枕藉。老弱羅道周。揮涕前致詞。淮楚是吾州。渠穿廣陵道。水納黃河流。舳艫來吳會。東北通咽喉。一朝河岸決。漫衍東南陬。百萬為魚鼈。何論田與疇。窺身來此方。苟活同蜉蝣。此方又荒旱。赤地誰鋤耰。官吏責富戶。浚削如仇讎。賦一以空。猗頓皆黔妻。兩地摠困阨。一死夫何尤。聽此腸寸結。淚下不可收。寄語當

國朝詩別裁集

卷五

三

教忠堂

路子閉糴非良謀。自注時鄰邦有閉糴之令嗷嗷累千萬。生理真可憂。昔聞富鄭公。勸民貯乾餼。所在發廩給。去住俱自由。公私雖兩困。危急庶有瘳。萬邦苦飢溺。安飽亦足羞。何時災沴息。躬耕樂行休。近來一遇天災當路救周官先重保富蓋富戶乃貧民生活之源也但為富戶者亦須勸力施仁不可擁財自豐耳若倚賴皆黔妻則同盡矣未勸官長師富鄭公之救民不知趙清獻之越州救災尤為盡善詳見曾南豐記中

洗象行

長安六月車塵颺。都人傾城觀洗象。黃門鼓吹前導行。玉河響閘流奔放。怒蹄蹴踏蒼山頽。峩臃腫難為狀。蠻童赤身跨象背。游戲波濤覺神王。須臾

史牽挽出水濱。長鼻一噴飛雪浪。吾聞此乃瑤光精。西域南荒配利兵。雄姿幾耐身毒戰。猛力可代蒼梧耕。遠人來朝貢天闕。含元仗下隨簪笏。豆芻飽食三品料。劔珮班陳百官列。黃鬚健兒不敢騎。拱立閭闔生威儀。莫言材大難爲用。馴擾聽受諳職司。開元天子奏衆伎。金羈錦纏舞玉墀。他日重逢祿山宴。努目不拜竟死之。近聞螳賊陷京室。象房踟躕鳴聲悲。渠雖雄長亦獸類。君臣大義猶能知。嗚呼君臣大義偏能知。頃刻不明也讀末二語爲之凜然
前半形容洗象人皆能之復以獸類亦知君臣大義見臣道之不可

國朝詩別裁集

卷五

三

教忠堂

述哀

母之生我日在角。絡緯鳴機夜深作。歌成黃鵠不忍聞。大孤啼飢小孤弱。亂離伏莽乞餘命。十口流離竄叢薄。朝呻夜吟不整休。骨肉幸免填溝壑。長養衆雛畢婚嫁。慈幃未省舍飴樂。當時奉檄心獨喜。今我窮悴至於此。俯仰無因供菽水。衾影之間媿人子。去官無祿不能供母氏菽水猶爲抱憾況有祿而無母可供者乎此種詩不忍作亦不忍讀

觀繩妓作

長繩罨竿高百尺。楊花雪落城南陌。美人冉冉化行雲。細縠輕紈望空擲。冶袖雙開舒錦臂。婆娑往

來若平地盤中小。試飛燕舞樓上驚看綠珠隋。迴眸顧盼無限情。空裏忽聞環珮聲。天風吹入碧雲去。始覺仙骨珊珊輕。輕軀上下無斷續。舞罷腰肢新結束。燕釵隋地悄無聲。背立當窗鬢雲綠。抱得秦箏寫春怨。歌唇宛轉吳趨曲。吳歌楚舞絕可憐。誰家笑擲珊瑚鞭。唐人此題以身輕一線中五字盡之妙于用簡此又妙于用繁

白下

白下援師聚鍾山。薄伐新三軍。隨庚亮一戰走盧循。虎旅屯江岸。鯨波靖海垠。論功諸將在。哀此亂離人。此海寇鄭成功已渡京口窺伺金陵而提督梁一戰走之使漸剪滅也時有借從賊之名修及無辜者故有落句

國朝詩別裁集

卷五

三

教忠堂

諸將雜感

建國行師自古今。千秋理亂事相尋。雲龍勢合攬槍掃。汗馬功成帶礪深。不信崩通能相背。可無孫武善攻心。山頭廷尉空凝望。星拂招搖白日陰。仙霞烽火照龍山。玉甌金庭棄草間。慷慨孤臣提漢節。指揮諸將出雄關。蒙茸壘嶂潛師度。鼓角嚴城振旅還。勞苦西平功第一。江東坐鎮羽書閑。貞之不屈四語李文襄之命將

天彭井絡望中遙。劔閣重關似建標。白帝城空王氣盡。金牛峽險霸圖銷。漢廷却悔封雍齒。巴郡終

須殄。隗。鷲。叩。焚。西南。重置。吏。不。煩。檄。使。下。星。輅。

欸。塞。諸。戎。擁。節。旄。大。開。屯。種。刈。蓬。蒿。戴。牛。佩。犢。經。營。苦。畫。井。分。疆。部。署。勞。豈。爲。流。移。增。國。稅。即。看。荒。穢。長。田。毛。戈。船。下。瀨。今。無。事。壯。士。休。論。戰。伐。高。大概爲逆

落時事言次章指耿逆三章指吳逆末章言宜屯田守禦永固疆圉也風格從杜詩中出

顧

岱

字泰瞻江南無錫人嘉定籍順治戊戌成進士官贛州府丞

奉委進江背洞駐軍赤坎招安賊三萬有奇

匹馬臨江背。前旌近賊營。由來皆赤子。何忍作長

平地險。歸畊少。民頑入法輕。撫綏誠不易。先軌是

陽明。秉心如此體天地好生之心者也彼白起阮長平卒至七十萬人項羽阮新安卒至二十餘萬人李廣殺羌亦八百餘人三人不全

國朝詩別裁集

卷五

五

教忠堂

首領天道也陽明破賊勦而無撫故引以爲先軌云

國朝詩別裁集卷五

國朝詩別裁集卷六

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

徐元文 字公肅江南崑山人順治己亥賜進士第一人官至大學士

登劣削峰

高峰直上勢崔嵬。閩越雄州一柱開。路轉千盤隨石筧。崖臨百丈聳丹臺。鳥飛天外山如鏡。人到雲中海似杯。便欲凌虛生羽翼。脩然綫馬閭風來。

春日閱武召百官詣南苑

逶迤上苑帝城東。御輦巡臨振武功。甲鎖鍊金寒

國朝詩別裁集

卷六

教忠堂

白石旗翻翠羽動。春風龍驤萬騎軍。麾轉鵠立千官拜。舞同莫以清時忘戰伐。至尊親為挽雕弓。

本朝 王業基於武功一結得安不忘危之旨

葉方鵠

字子吉江南崑山人順治己亥賜進士第三人官至禮部侍郎加本部尚書諡文敏。文敏子告家居有客陳其居鄉不法者。上命撫臣察之。撫以鄉評之實奏。上曰朕知其不如是也。以文敏之盛德為。主上所深契而讒僞不免吁可畏哉。盧雅雨云

關隴平

關嶺茫茫隴流湯湯。紆徐逶迤。崢嶸嶮巖。面蜀肘涼。輔車相將。狡焉啟疆。震驚我一方。一關嶺兀兀隴流涵涵。彼涇啟戎。乃蠢茲蠢賊。為虺為蜴。為蜺為騰。印首張臆。助逆抗有德。如蝟之集。如猥之突。

二涇原既清。羣賊大震。睢睢盱盱。延旦夕之命。

帝命臣海為隴民徙災。帝命臣勇師出自西陲。

三帝詔臣海汝速涉坂。出彼朝那為勇軍。援倚之

角之沓之蹙之。除民之愚。俾婦子恬適。尚嘉乃績。

四海涉河涇言。騰灞澹。泰山矗突。嶽崎隴坂踰邠。

越涼飛旂揚旆。扶輿倚靡。雲罕綽繚。雍部阻長敢。

憚痛瘡。式遏寇虐。以寧尔室家。五勇自河西銜枚。

疾指來從。酒泉轉戰。天水矯矯。虎臣一乃心力。摧

堅挫鋒。盪彼蠢賊。兵車百萬。洶洶雷震。橫會方州。

為行為陳。六東西合圍。賊在釜底。平其智斯竭。其

國朝詩別裁集

卷六

教忠堂

魄斯奪。勇率其麾。嗟誅谷討。曰臣思克。曰臣進寶。

赴赴奮武。為王干城。勇實帥之。桓桓于征。七于

征何所。于鞏于臨。道阻且長。蔽虧岑峯。采入其阻。

禽獮草薶。申用三驅。根株斷刈。餘賊竄蜀。游魂猶

悸。西夏以綏。賀蘭其人。八脅從蚩蚩。亦孔之哀。寬

其誅鋤。予以惠來。維海維勇。剋克柔克。勇也。帥師

為關。為板海也。救民為拯。為活北地上。郡檣額歸

命。如早望霓。海實綏之。九義威戢武。奠我西陲。剖

蜩斯蝟。人畏以懷。秦民噓呵。化為謳吟。珍煥暴悖。

克廣德心。經戰伐區。蠲除租賦。問孤帛死。起迺沉。

瘡痍我皇恩義聲先路十帝德振龍山既平

龍流既清維天子之禎龍山既伏次黔粵滇蜀

敢不警伏如翰如飛萬里來威十一維臣之力維師

之武繫縛巨憝爭刳膾脯塞神人之怒黔首喁喁

式歌且舞億萬斯年篤我皇景祐十二章○紀平王輔

馬鑑子向為流賊李自成敗後來降改今名官陝西提督三藩之變輔臣叛據平涼秦隴震怒特命大將軍圖海討之時靖逆侯張勇奮威將軍王進寶提督孫思克會討累戰皆捷惟平涼一城腹背受敵因請降檻送入京死於道關隴乃平

海氣清

巨浸稽天滔滔如何天吳蜺像倚以為家有鯨有鰐有蛟有鼉摧撞決帆血人于牙中國有聖人爾

國朝詩別裁集卷六 三 教忠堂

獨揚其波一蠡茲鼉亦雜此處曰予勝國後誕

敢繼其緒藉瑕蹈躐伺窺肘腋結連蜂蟄載逞兇

慝離間我臣僕盜據我疆場二于興于泉于汀于

漳乃揚沸湯乃噪蜩蟬我有城郭修為沮洳我有

民人修為鰣鯨忍死須臾後來其蘇三恭承帝

命建大將軍旗鼓我冠帶之國忍鱗介是伍據我

上游張我置罟與子偕作與子同仇悉率左右殲

此羣醜四暨暨藩臣一心一德討賊自贖不叩已

恤塹山堙谷馬騰舟駛親董其旅以臨濛汜五陸

下曲赦臣臣敢不效死

獲賊師如飢斯飽或拔其角或脫其距或斧其吭

或截其脅賊窮見窘無地自處六彼強者跳我攘

我逐彼黠者窮我殄我戮神基之毒鬼速其覆如

探鷄鳥如振槁木非我黷武取彼殘已足七前徒

既奔兇渠束手計無復之狼奔鼠走茫茫烟島為

逋逃數仁無必取義不盡殺屏諸窮髮無汚我王

鉞八四川士女來迎王旅君子維何玄黃在筐小

人維何饔飧在筐復為王人以耕以仕叶歌帝

之德誦王之武九帝德溥將涵負吐納百谷來王

天與地杳何人不綏何物不懷何戾不調何善不

國朝詩別裁集卷六 四 教忠堂

嘉皇仁熙熙云何不來十皇帝在位受天之籙

東西朔南無思不服其有不服自嬰顯戮獻馘于

泮獻俘于廟武功既昭文德用紹史臣奏雅來哲

是詔十一章○紀平海寇鄭氏之亂也鄭成龍子成功結連殘寇為東歸誠海氛乃清○澤州平滇三篇似抑雅此二篇似韓碑各有得力

弔鐵崖墓

先生不可見遺塚自斜暉無復攜紅袖還聞葬白

衣才銷明主忌老幸故人依鐵笛吹雲起猶疑踏

月歸明太祖召鐵崖至旋放歸有白衣宣至白衣還句用來恰好

撰西樵考功誌文畢寄阮亭戶部

恍忽相隨把袂時。幽明難間兩心期。敢云下筆不加點。差喜臨文無愧辭。比似束芻應恨薄。即同掛劍已嫌遲。自注子諾阮亭請遊歲始報友生投契猶如此。況爾連根荆樹枝。三語用補衡語意四語用蔡世語意

授職翰林學士感恩述懷

麻衣席帽滿塵埃。親荷先皇疊沐來。敢道齊賢留異日。屢稱蘇軾是奇才。自注戊戌充貢士入都先皇帝召見親試列名第八已亥春再試拔第一八月奉南宮九月臘傳日親諭朕知汝久特拔汝爲一甲進士又教對臣下稱道文學身離牛口驚還在夢挽龍髯恨不迴。今遇吾君重拂拭。孤桐果否爨餘材。如此屬對脫口而出無引用典實之痕

國朝詩別裁集

卷六

五

教忠堂

彭孫通

字駿孫浙江海鹽人順治己亥進士康熙己未召試博學鴻詞第一官至吏部侍郎○夢門詞和氣平在唐人中最近大歷十子在十子中最近文房

雨中過白芒村寄高山人儼

春雲生驟寒溪上。無人迹。石筍清相羅。烟翠紛可摘。欲持三尺絹。寫此春山碧。却憶山中人。遠在龍池宅。惆悵不同遊。白芒風雨夕。

魚梁灘下泊

暝色起何處。忽然雲水昏。春燒如新月。遠掛山一痕。寒禽呼木杪。暗蟲沸草根。遙見冥際火。知有林外村。孤舟欲棲泊。石溜濃雲奔。羈旅一無托。菀結

難自論。矯首眺天末。躑躅勞心魂。寓晚景入神

彭蠡夜泛

清淺宮亭水。濺濺百道流。殘春風送客。終夜月隨舟。野火沈葭葦。遙天掛斗牛。相依有鷗鷺。任意宿汀洲。四語在人人意中而脫口新鮮渾然無迹

登湖口縣城

一望烟波萬頃明。女垣高與石根平。湖光盡日依樓堞。山色終朝滿縣城。寒嶺無人孤鳥下。秋林欲雨數蟬鳴。何當便作移家計。終卧滄洲寄此生。領聯親其境者知其寫照之工

國朝詩別裁集

卷六

六

教忠堂

秋日登滕王閣

客路逢秋思易傷。江天烟景正蒼涼。依然極浦生秋水。終古寒潮送夕陽。高士幾回亭草綠。梅仙一去嶺雲荒。臨風不見南來雁。書札何由達豫章。

金陵懷古

杜宇啼殘百感生。西風建業舊神京。詩成狎客遺簪會。酒泛諸郎按曲聲。江外羽書空絡繹。禁中刀勅正縱橫。大官別有長生藥。不假天台刺史行。二章南渡時事遺簪按曲祕戲除官而置兵防於不問事勢至此不亡何待

萬里山陵萬古愁。南司北部總悠悠。屠沽自立宮

中市竈養爭除關內侯。肯向人間求故劍。誰從閣下問全鳩。姑谿幕府空羆虎。一夕龍車不可留。童妃王之

明事迄無定論詩人歌咏者俱以爲真

豫章城下送春有懷故園兄弟

城下煙波暮可哀。扁舟日夕更潏洄。一春又向他鄉盡。千里曾無尺素來。野鷺孤飛烟裏沒。江帆相背雨中開。故園風景今何似。池草春花夢幾回。

黃與堅

字庭表江南太倉人順治己亥進士康熙己未召試博學鴻臚官詹事府贊善有忍庵詩集○錢牧齋序忍庵詩謂長安金陵難感諸篇頗挂鉤鎖纏綿惻愴在韓致堯元裕之間

辰龍關

國朝詩別裁集

卷六

七

教忠堂

鬱盤鳥道中。忽覩巉巖削。雙聳若天門。神工斧斤鑿。攢刺劒戟橫。摩厲成鋒鏑。青冥杳無垠。怪雨從空落。一徑折霄光。絕壁盡倒却。千仞感孤危。不敢棲猿猱。攀躋坂益欹。數武困行脚。嗤彼銅馬餘。持鍛倚木閣。狼竄嶮一隅。俄就官軍縛。於今走輕車。亭午氣頽索。白日景殺虧。一步一憚惡。瞬息度層關。鬚髮恐非昨。

聞砧

萬井西風下。城高一葉飛。可憐今夜月。重擣去年衣。聽亂情交切。聲疎力漸稀。異鄉刀尺冷。多少客

思歸。悲愉之作遠客人幾不能讀

金陵雜感

勅選良家降墨封。玉車輕轡進昭容。花開並蒂鴛鴦暖。酒醉同心琥珀濃。蕭寺鼓鼙驚翡翠。蔣山風雪葬芙蓉。飄零故劍秋江上。回首長干冷暮鐘。言動家而置故妃於僂辱也特實無心肝不至於此

龍虎鍾山百戰雄。朔風吹浪下艨艟。彫戈壓陣黃沙斷。鐵鎖沉江赤燒空。鳩鵲觀消春雪裏。鳳凰臺冷暮雲中。由來帝業終荒草。銅狄何曾戀漢宮。言神兵北下而長江無備以至亡國也

國朝詩別裁集

卷六

八

教忠堂

沂州客店遇同鄉友人

江郭蕭條尚苦兵。訝君北走得班荆。地懸淮海艱消息。人歷冰霜倍老成。同話寂寥皆逆旅。兩經離亂即餘生。故園風物那堪問。但說梅花已繫情。人歷倍老成即杜老艱危氣益增意少年柔脆人應知之

鄭日奎

字次公江西貴溪人順治己亥進士

河南道中

風沙蒼莽不知程。竟日荒郊客感生。廿載兵戎經百戰。幾家烟火聚孤城。斷垣雨印狐狸迹。中澤霜淒鴻雁聲。待擬繪圖嗟未可。軍書昨復報南征。

田

變字繪雲山東德州人順治己亥進士官至戶部侍郎著有山莊詩選○山莊詩才力既高取材復富欲兼唐宋而擅

之山左詩家中另開一徑然緣此不無少難茲擇其極純粹者采之山莊有知恐亦以復生為不安也

病愈早起成詩

兩過庭翠滋一鳥發清籟披衣趁朝曦新晴滌埃
盪西軒青嶂疊縱目收罨靄曉廊取次行心神頗
融快佳客時過從絺袍迎戶外憑几理素琴焚香
誦梵貝起二語寫病起入神

晚投卧佛寺宿

峰銜新月黃雲擁山容變深谷一鐘響殺虧烟樹
斷樵人語前浦古寺隔幽澗翠滴衣衫重松黑鼯
國朝詩別裁集 卷六 九 教忠堂
鼯竄疎燈出深竹依微露紺殿井欄摘茂葵僧厨
供茗饌偶來訪支遁吟棲有餘戀夜半大壑鳴風
雨四山亂

翠微寺

詰曲歷石齒沿溪樹冥濛招提門何向陂陀無人
蹤峭崖立萬仞惆悵林路窮豈知披榛莽紆迴流
水通一僧出汲水竹庠行相從長綆下深澗剗豁
驚潭龍淅淅石湫雨泠泠葛花風前循略約去木
杪聞清鐘

山脚晚行

水樹色相映淨綠生衣裳日薄無倒影石髮有冷

光前入翠微寺已過黃花場貪行夕忘返纖月吐

東岡古髻喬松下疊疊如北邙林昏叫寒鴉風颭

響枯桑俛仰今昔人千載心傍徨作者五古每以才勝人此四章錄其清微幽遠

有遺音者

送馬謠

桑乾道滹沱野羽箭材官南送馬太僕火印何權
奇瘴鄉不產龍媒姿一行五百匹日馳百里農夫
刈草婦子汲水健兒來何方官帖十行鞭筆在手
戟髯怒張芻豆供給苦不足獵犬犇鷹飽餘肉送
國朝詩別裁集 卷六 十 教忠堂
馬者去吏索錢農夫驚牛婦子哭寫盡農家供官之苦作新樂府讀近世寒風無當寧矣

縹車辭

朝飼蠶暮飼蠶桑樹葉大蠶眠三初長如蟻今成
蠶乙乙上簇黃白滿縹車伊軋風中轉女十五當
戶織桃夭期聞消息簾幙半垂雙燕飛打疊新繅
作嫁衣

登采石磯太白樓觀蕭尺木畫壁歌

太白樓上秋風寒采石磯下波連山長康不作僧
繇死何人攬弄秋毫端力挽萬牛嘯兩虎袒衣跋

扈青冥間。四壁四山拔地起。直從十指生烟巒。峨眉匡廬兩對峙。西華東岱同躋攀。巨靈夸娥日月走。坤位乾寶神鬼盤。屋角雷雨勢飛動。牆根澗壑聲潺湲。牛渚白沙如蟻垤。天光破碎滄溟寬。藍陳蕭憚稱大手。前追董巨凌荆關。尺木老人更奇絕。身駕大海騎虬鸞。秋來放浪忘遠涉。憑陵萬里開心顏。寺徑濛濛松杉雨。蘆花漠漠龜鼈灘。顧盼無人相娛賞。高呼太白騎鯨還。可匹漁洋作一結。迴顧倍覺有力。

碧曉書院歌弔楊升庵先生

堞風茵露哀牢疆。山川瘴癘難禁當。新都公子老國朝詩別裁集

卷六

士

教忠堂

戊客孤臣萬里堪悲傷。當時世廟議大禮。撼門痛哭千夫強。仗節抗疏言矯矯。干觸蠶尾投蠻荒。程朱正論臣所執。今昔濮議誰斟量。大禮未定大獄起。批鱗折檻空激昂。逢君首事有璵璠。議論附會來豐坊。明堂秋饗復聚訟。分宜餘毒爭拍張。嗚呼先生遂不返。菁菑峒獠羣相將。木弩含沙火雲熱。天教老叟紅檳榔。吳粉傳面兩鬢髻。簪花擁伎何徜徉。都盧倒吹潑醉墨。焚兒觀者如堵牆。羈魂漂流夜郎地。何異屈子沈沅湘。海庄故墟碧雞麓。猩猩白晝啼書倉。巾杖逍遙鬚眉古。圖畫遺像生光

芒竹檜一徑夾流水。菊乾楓落寒雲黃。潮州僭耳同一轍。祠廟鼎峙摩青蒼。小子夙昔慕高節。况值奉命來黔陽。竊願升階更剪紙。招魂歸送蘇。鳬鄉高吟死去誰憐。句令我涕泗徒滂滂。張桂謙禮始猶近矣。篇中寫諸姦之附和升庵之軀軻。跌宕淋漓。滿神通氣。王應推稿中壓卷之作。

泊舟吳門寄汪茗文

渺渺大湖水。遙遙光福山。梅花一萬樹。窈窕非人間。思與堯峰叟。扁舟數往還。烟巒七十二。坐嘯聽潺湲。律體可作古風讀。

董俞

字若水。江南華亭人。順治庚子舉人。有浮湘度嶺諸稿。康熙初。江南奏銷案起。紳士同日除名者萬餘人。若水與

國朝詩別裁集

卷六

士

教忠堂

其列於是者。舉子業專心風雅。正變天欲使之為詩人也。

落花篇

東風綠徧芳洲草。春晝落花啼鵲早。片片朝紫上苑煙。參參夕覆長安道。長安美人惜落花。落花飛去誰家曉。看青鏡愁紅粉。暮掩珠樓泣絳紗。珠樓紅粉須臾變。帝里繁華君不見。一夜飄飄長信階。數枝零落昭陽殿。長信昭陽月影低。邊笳橫笛紫烟迷。渭城倡婦承歌扇。粉社遊人拂馬蹄。願為舞蝶栖芳墅。願作流鶯隱翠隄。金隄玉墅幾千里。黯黯餘香沉綠水。玳瑁筵前雪亂飛。珍珠簾外風

先起舞雪迴風可奈何春閨少女歎蹉跎此時攀
條垂玉筋此時掩袂感雙蛾別有征夫淚霑臆雁
沙龍塞無消息金谷園中不見人玉門關外長相
憶落花落花誠可憐尊前一曲筇篲絃花茵醉卧
不歸去明日重來應泣然唐初體全於纏連旋轉
處取神卷中偶一存之

贈西陵吳興公自注時僑居淮陰

江城臘月雪花白層冰峩峩照大澤北風夜捲鴻
雁號念子猶爲倦遊客君家正對天目山江濤日
夜鳴潺湲翻然仗劍遊淮泗中都舊是興王地百
戰關河骨已枯英雄割據何代無昔人事業隨流
國朝詩別裁集卷六 三 教忠堂

和王南州聽楊太常彈琴詩

雅樂淪江海先皇舊賜琴曲終嘗變徵愁絕不關
音風雨孤臣淚乾坤逐客心可憐家萬里西望白
雲深太常名沂明思陵時以琴進御者

澤畔

澤畔行吟者幽思托杳冥孤帆收夕照漁火亂春
星細雨寒潮白疎烟晚岫青殷勤懷遠客裘馬日
飄零

宋實穎

字既庭江南長洲人順治庚子舉人後召試鴻臚放歸
官揚州學博○既庭先生早得盛名入都時四方人士無
不欲望見顏色既爲慎交社宗主提唱後學士林
重之嘗作熟朱梁紀年圖學者服其議論之正

八月十八日觀潮

頭白燈明急管催高樓晴檻倚江開潮聲夜靜千
帆轉斷岸風迴萬馬來吳越山川供醉眼古今天
地獨登臺九秋蕭瑟誰堪賦滾滾詞人庾信哀七字
自高

國朝詩別裁集

卷六

古

教忠堂

曹貞吉

字升六山東安邱人順治庚子舉人官禮部員外郎著有
珂雪集○商邱宋公極推作者游黃山詩謂此山名作家
家向推虞山今被寶庵壓倒矣
惜未能多見祇存文殊院一篇

文殊院觀鋪海歌

蓬萊閣外海作山文殊院外山爲海神物由來不
易逢天爲吾徒澆塊磊白雲一片湧空濛眼底千
峰皆杳靄只疑天一生水開窮荒江漢朝宗此間
匯鼉身一抹映天黑鯨波萬里連渤海天都直可
作員嶠蓮蕊蓮花餘蓓蕾須臾長風吹散碧琉璃
洑浹茫洋竟何在仙人游戲太神奇我欲直上高
空問真宰得此起結
乃見作手

花朝得家弟過江消息

使者乘秋泛畫橈。重來不覺斗回杓。花明故國初啼鳥。人渡空江欲暮潮。萬里山川供筆札。一天風雨過金焦。孤帆摇曳垂楊裏。知在蕪城第幾橋。

登望海樓

杯勺滄溟望裏收。百年觴詠幾登樓。尊前忽覺來三島。此外猶聞更九州。斷岸雨晴天倒影。海門風急氣成秋。搖搖坤軸渾難定。曾否金鼇背尚浮。

崔華

字不雕。江南太倉人。順治庚子舉人。漁洋詩話摘其名。句云。溪水綠於前渡。日桃花紅似去年。時又有丹楓江冷。人初去。黃葉聲多。酒不辭。人目爲崔黃葉。

國朝詩別裁集

卷六

主

教忠堂

擬宋如意和歌

羽聲既凜冽。陰飈吹大荒。驅車過金臺。目已無成陽。余亦從此逝。無人燕市傍。目中無人

游墅舟中別相送諸子

溶溶月色漾河湄。曉起頻將玉笛吹。同上郵亭忘別緒。獨行驛岸解相思。白蘋江冷人初去。黃葉聲多酒不辭。此路三千今日始。薊門回首雪霜時。原本

江吟人初去。丹楓黃葉不無合。掌擬易白蘋。黃葉以爲可。否。

趙灃

字山子。江南吳江人。順治庚子舉人。著有雅言堂詩。

喜弘人聞夏南還并憶漢槎

綺里由來有二難。無端相對作南冠。輪臺詔下龍髯迴。華表歸來鶴語寒。月夜一尊歌棣萼。春風雙

騎渡桑乾。何年恩到窮荒外。還向蒸林問幼安。

馬世俊

字重民。江南溧陽人。順治辛丑。賜進士第一。人官翰林院學制義。皆有標格。何義門學士云。我朝狀元前劉後韓公居其間。品足爲三。非妄許也。詩品亦清正不凡。

吳季子掛劍處

公子歸吳去。故人知此心。死生同白日。然諾豈黃金。一劍竟何往。高臺自古今。君看碑上字。苔蘚不能侵。不須名。句風骨自高。

古意

國朝詩別裁集

卷六

主

教忠堂

鏤

陸賈

莫問尉佗裝。千金豈在眼。請看馬上公。何曾事生座。

張玉書

字素存。江南丹徒人。順治辛丑進士。官至大學士。謚文貞。文貞古今文俱以風度勝。詩品亦然。今讀若如飲醇醪。自然醉心。

醉心

謁項王廟

宿遷縣

項王祠枕長河水。拔山氣沸驚濤起。陰森白晝啼鼙鼓。蕭瑟西風黯菰米。座傍烏騅伏不鳴。餘怒猶

欲乘雲騰想像悲歌出垓下。可憐遺恨迷陰陵。英雄坎壈識天意。失路東歸亦何濟。萬戶輕身贈故人。一死何顏見義帝。往事東流逝不回。雌雄鋒鏖空塵埃。君不見下相城頭望豐沛。樓歌暮上歌風臺。項王事業不成在戲義帝於自刎時提劍之筆下有風霜之氣

息浪庵夜坐別并敦讓木諸子

短棹攜樽觸浪過。將離莫問夜如何。最憐帆遠浮天濶。始信江空得月多。隱隱鐘聲千佛唱。星星岸火一漁蓑。荒雞促曙行人去。回首雙峰護薜蘿。

寄李厚庵學士

國朝詩別裁集 卷六 七 教忠堂

幾年烽火斷江春。萬里無諸戰壘新。自蠟丸通帝座。始知嶺嶠有孤臣。山城躍馬荆榛滿。書劍臨戎涕淚頻。迢遞九天優詔下。清宵回首憶楓宸。表其進蠟丸陳破耿逆之功然蠟丸更得之友人也時文貞未以理學名故不之及

大閱恭紀

鑾輿曉出傳宮漏。萬乘春蒐控玉鞭。十二羽林雕輦後。三千犀甲幔城前。招搖色映長堤直。華蓋香凝禁樹妍。脫臂饑鷹霜距疾。嘶風設騎雪花拳。龍鱗乍晃雲霄上。虎旅同趨日月邊。襄鄂宗臣張左肅。薛岐帝胄領中權。銜枚受律連營肅。射柳分弓

七札穿威。簾聲中看隊列。鏡歌曲裏促觴傳。丁寧諸將投戈日。長憶先皇講武年。駟介踏雲還紫禁。六飛扶日下青天。威馳塞北名王墨。風靖滇南漲海煙。指顧銷兵資廟略。兩階舞罷譜虞絃。有後應制中之指南也七言長律本非正聲存之以備一格

送邱曙戒前輩之武昌

猿聲夾岸聽斜陽。江樹蒼茫接故鄉。却較長沙歸路近。行吟何事怨瀟湘。即聖主恩深漢文帝意是為溫柔敦厚之道

輓馬章民年丈

東廬舊築翠微間。望裏烟霞日夕還。幾度欲歸歸國朝詩別裁集 卷六 七 教忠堂

未得空餘遺恨滿青山。

辛苦中閨罷錦機。白頭曾未識宮衣。可憐風雨寒燈夢。猶是書堂夜讀歸。

過金陵某將軍營

六纛雙旌隱畫扉。月明霜白路人稀。燕歸不識將軍壘。猶認烏衣舊宅飛。飛入將軍壘更憐於百姓家矣如此情語真耐尋思

葉映榴。字炳霞江南上海人順治辛丑進士官湖廣參議道死夏包子難贈工部侍郎諡忠節

庚申夏至日起武威至張掖

武帝功成吏守邊。傷心天末是居延。人家板屋風聲裏。思婦寒衣淚眼前。目斷燕支愁見月。槎浮銀

漢渡經年。慚余不作征西將。藥裏書囊信一鞭。

榆次道中

路出榆關西復西。荒原白草怪禽啼。經行百里無人迹。惟有秋風送馬蹄。

孫蕙

字樹百山東淄川人順治辛丑進士官給諫著有笠陽詩草。給諫為令安宜時撫字心勞領河務上官謂苛令濬河將中以非法士民感憤不呼而至者萬餘人負畚鍤築堤堰兩月之工六晝夜成之上官無以難也士民繪圖紀其事志石中云爾據此可入循吏傳中

水口驛

危峽束急湍。怪狀擁灘路。劃然敞一門。石齒一一吐。春聲響奔崖。人語出深樹。竹屋高連雲。戶戶層

國朝詩別裁集

卷六

九

教忠堂

巔露。午峰接檐前。炊煙雜山霧。居者如穴鼠。出若翻孤鷺。作息烽火餘。星散屯野戍。郵傳今復增。力役連朝暮。雖稱闌閭民。無地謀生聚。岸側見樵蘇。十九無完袴。潛語問土居。苦役兼苦賦。海上未厭兵。天遠誰可訴。民苦賦役同於鼠鷺欲排雲叫閭閻而天遠難聞惟存此心而已

安宜行

安宜罹災亦云酷。魚龍竟奪農夫屋。千尋巨浪漫荒塍。落日西風聞野哭。水田一綫纔可耕。勘荒使者責長牧。征糧下令嚴催科。不管貧家賣黃犢。前年賣女嘆伶仃。今年賣兒更孤獨。阿妻阿母還傭

人。豈但醫瘡與剝肉。牽牛出門牛不行。空腹哀鳴何殷。鯨魚低頭語牛牛。且前官稅差完免。鞭扑我聞此語增歎吁。仰視皇天白日速。嗚呼貧家母妻子。女無還期誰能戀。此卑官祿。兒女既賣母妻傭人牽牛不行。無可奈何付之自責而已。仰視皇天向全用杜詩終不可訓。

濬河行

黃河萬里浪高舉。賈讓之謀世空許。驛馬於今不效靈。風濤簸蕩連樓櫓。憶昔漢武通車書。朝臣建議開河渠。開元以後置倉舍。平分河渭稱贏餘。汴宋營漕分四路。半作邊儲半國賦。斗門高堰築堤城。歷險踰灘計生聚。元人海運創伯顏。引汝絕濟誠哉艱。明初海運旋亦廢。會通始築河淮間。年來漕渠失故道。百萬金錢任侵冒。督河使者妄庸人。不解河防氣桀梟。鞭撻小吏嚴程期。豈知畚鍤皆瘡痍。縣令陳情不得達。自矜白簡吾能持。柳下何曾畏三黜。百姓喧呼趨事疾。一夜荒城走萬人。兩月之工六日畢。安宜水澇原苦辛。力役誰復嗟勞人。猶幸三代直道存。吾民嗚呼猶幸三代直道存。吾民。

卷六

二

教忠堂

此給諫為河員時作也兩月之工畢於六日尚成濬築耶河防之壞自昔已然當日督河使者不知誰何惜無由起而問之

秦川懷古

內史新豐不可求。長陵王氣已全收。千盤鳥道歸
隆。準百戰鴻溝。割沐猴。風雨滿天來。渭北麒麟道
塚自南邱。幾經汗馬勞。諸將紫塞黃榆起暮愁。

爲姜勉中兄弟題諫草樓

杖血曾聞灑漢廷。孤忠旅望海雲青。難回國步逃
吳市。易了家緣問敬亭。失序雁鴻天漠漠。經時薇
蕨雨冥冥。空餘十二封章在。夢繞銅駝幾涕零。

或重二字爲重以異一字
不與切也結意尤微婉可思

聞鼓山絕頂可望海外諸國欲登不果自注上
有風

海清亭朱
文公題

國朝詩別裁集

卷六

主

教忠堂

共說鼓山高出羣。半天鬱翠畫氤氳。藏諸國晴
時。見風捲洪濤。靜夜聞未得有與隨度鳥。何時蠟
屐踏層雲。晦翁亭子空相憶。絕頂松篁望不分。
三四
漁洋

于忠肅公祠

出狩天王竟北征。烽煙已逼鳳凰城。有君定國真
長策。奇貨難居始罷兵。南內邀功爭復辟。西曹枉
殺患無名。最憐一事公遺恨。不使前星羽翼成。

之失對照于公功在社稷真再造
矣詩中有史補金石聲

吳

光 字長庚浙江瑞安人順治辛丑
賜進士第三入官翰林院編修有南山堂集

泊湘口二妃廟是瀟湘二水會處

泛槎楚江曲。輟棹瀟湘涯。天水互澄廓。矧逢清秋
時。霜明沙渚淨。露寒岫草滋。芳蘅被長薄。修篁映
素漪。月華臨夜空。青山竄多姿。帝子渺何許。嬈娟
遠水湄。逶靡迴翠旌。彷彿駢文狸。蒼梧白雲去。洞
庭丹楓衰。美人期不還。日落愁參差。睠彼湘竹吟。
躊躇有餘悲。

點綴九歌自
足遠神遺韻

遊招隱山六洞

自注洞曰朝陽夕陽
白在嘉蓮南第北牖

攀陟情忘疲。洞壑洵迴遶。朝陽開霏微。夕景映澄
鮮。菡萏不可見。白雀徒空傳。窈窕北牖室。演漾南

國朝詩別裁集

卷六

主

教忠堂

華泉虛竇顯。向背隱磴潛。亘綿蔽虧欺。日月藏納
杳雲烟。削鑿太華小。澹瀨神島連。偶然二儀初。遂
奪萬古妍。寓真賞非一。尋異懷屢遷。浩蕩觀物化。
聊謝區中緣。

作者五古胎源二謝然自
能造句不徒得古人之形

遊虞山韶音洞

自注
在寧

探奇尋古嶠。嶽竇臨清瀨。空谷響易奔。萬竅咸竿
籟。苔蘚映崩壁。竹柏翳叢蒼。冬夏鳴瑟商。昏旦變
明靄。睠邈蒼梧巡。逶迤翠華邁。駢虬紛嚙噬。羽旌
森晦藹。攬袂南薰亭。天風動衣帶。月皓清湘流。雲
空九疑外。抗緬千載前。躊躇發深嘅。

登昭州城樓即事

兩江穿石壁。疊嶂倚孤城。舟向猿邊下。人於鳥上行。
巖幽谷霧暝。野曠戍煙平。薄暮樓笳發。栖栖旅客清。
千里江陵一日還。後復得此奇險之句。

晴川樓

萬古山樓對黃鶴。一身楚塞吟清秋。義娥平向窓中過。
江漢交迴檻外流。深窟竄鼉時隱見。盤渦鷗鷺靜沉浮。
欄衡李白今何處。日暮空悲芳草洲。
江漢交迴。不離上句之泛。的。是此處得此句。

王維坤字幼與直隸長垣人順治辛丑進士

國朝詩別裁集

卷六

三

教忠堂

寄慰乾一落第

當年交臂許雲龍。太息名高未易逢。我輩都非食肉相。
古人常作酒家傭。三巴二月鶯千轉。萬里雙魚淚一封。
何處相思不相見。梓江迢遞劔門重。
諸乾一松

江人時幼與在蜀中寄詩

除夕

眼底年光盡。家人真不來。西川兵火後。無復望鄉臺。

順治朝科目止於辛丑。此下皆文人才士山林野老之詩。

徐延壽

字存永福建閩縣人有尺寸集。存永與公物之子錢牧齋序其詩感稱許之。

燕子磯

馮夷吹浪齧山根。雲樹千重暗白門。故壘尚聞雙燕語。
空江曾見六龍奔。楊花暮雪行人路。杜宇春風古帝魂。
扣柁中流頻喚酒。客情難遣是黃昏。
長篇

出奔也漸漸麥秀於言中言外見之

建州符山寺別楚黃樊山甫

共借僧寮一榻眠。離家愁說兩經年。斷雲古驛過樵水。
涼雨孤舟憶楚天。千里別情芳草外。五更殘夢落花前。
城南歌舞今消歇。又見關山月上弦。

新淦縣拜周公瑾墓

國朝詩別裁集

卷六

四

教忠堂

水畔巴邱古縣開。周郎祠宇傍泉臺。霸圖當日成何事。
才士無年實可哀。荆楚干戈終古恨。小喬環珮幾時來。
天涯孤客逢寒食。特為停舟酹一杯。
不咸

褚

字蒼書江南吳洲人邑諸生。著書天爵自尊。淳礪古學。韓文結公以父執敬禮之。康熙己巳。聖祖南巡。召見於行在所。命書殿二幅。御書海鶴風姿。賜之時年已九十六矣。越歲卒。生平詩稿散佚。祇存此篇。

歸度仙霞嶺

匹馬勞勞蒼翠間。千尋古棧度重關。天南氣象開蠻府。
嶺上風雲動越山。徑走黃狐荒草合。村連紅樹夕陽殷。
生民苦憶無家別。烟火蕭條何日還。

趙士詰

字伯潛山東諸城人有觀物錄集○伯潛著不歸著
建文年間書目中有然師事之可以見其品矣

五平詠懷

陽春風初和驅車游皇州平原明朝暉層城如雲
浮高楊綠長川丹霞樓瓊樓驪駒誰家郎翩翩臨
清流雕弓飛金丸銀鞍懸吳鉤從禽平陵東還歸
倡家游燕姬顏如花琅玕爲搔頭留君調新聲哀
歌彈箏篴清宵華燈張輝煌羅衾稠人生當爲歡
誰能長憂愁嗟嗟元經儒窮年無時休創格却極自
然不入游戲

毛如瑜

字貴甫山東陽信人著有太瘦生稿○貴甫曾
挾策上書爲權倖阻抑而歸遊五嶽乃卒

登北嶽

國朝詩別裁集

卷六

五

教忠堂

恒嶽嶙峋四望開正逢春色氣佳哉風烟下瞰中
原盡形勢遙從萬里來手接星辰依座近身經虎
豹扣關迴吾廬東岱登臨舊爭長崔巍未易裁

劉獻廷

字繼莊廣陽人○繼莊於天官地理農田水利刑名錢穀
以及兵陣刀槩之類無所不能韻語其餘事也然豪氣鬱
鬱詩情雲上讀其
詩可以想見其人

懷古

古之兵皆農農富兵亦強古之士皆農農朴士亦
良兵農一以分甲冑無餘糧士農一以分耒耜無
文章分之則兩傷合之則一理請語當途人治亂
實此始經生家安能爲此言
即此可以規其抱負

泛溪

白石何粼粼清流自湜湜信舟漾前溪兩岸饒蒲
葦日落秋風生停橈弔山鬼

題暉草齋

誰將堂上春得比春日暉日入光更出親老無重
歸誰將人子心得比庭前草春風日日吹草色年
年好從東野意翻進一層
詩到此幾有闢名教

水仙操

天行海運旋宮音萬象回薄由人心移情易性琴
非琴刺舟而去留深林海永汨沒鳥哀吟余心悲

國朝詩別裁集

卷六

五

教忠堂

今無古今援琴而歌淚淫淫

贈張鐵橋先生

我生燕山下君住羅浮巔相去萬餘里蒼茫隔風
烟我年三十君七十南溟絕塞誰通連金閭忽相
遇會合非徒然龐眉拄杖指天外招我把臂談重
元我向空山抱幽獨三元厄運遭百六耳聞滄海
變桑田長安夜聽銅駝哭南來踪跡訪遺民幸遇
先生成信宿先生腰下雙青鋒閃爍跳躍如飛龍
自謂十年不曾試宵光夜冷青芙蓉延津神物有
時合爲我一舞開心胸君言當年不如願未必他

年嘗健飯。留挂丹房。鎖鬼魅。跨鶴吹笙。從此變。先

生畫馬。非凡馬。筆走房星。自天下。世間。騏驎。總虛

名。王良。只向丹。青。寫馬君所易。寫人君所難。清

高深穩。在開。極。驚駘。楚。楚。充衣冠。畫馬不盡。人畫

鳥。惟。畫。鷹。宇內。神。俊。安。妙。手。恣。飛。騰。君自粵東來。

探奇幾千里。俊物與名山。收貯奚囊裏。囊中五嶽

空嶙峋。忽逢佳士為寫真。妻東顧子稱同調。虎頭

龍性誰能馴。與君相對兩無語。雙眉不點人間塵。

肯染春風舊花鳥。位置精神向三島。我生不識顧

雲臣。依稀錯認丹霞老。自注雲臣小像。酷似丹霞。猶翁。典型落落如晨

國朝詩別裁集 卷六 壬 教忠堂

星。萬事悲涼付秋草。別君流離遷向越。眼底旌旗

互明滅。奪我金庭第九天。翻飛只憶南華蝶。西湖

重遇又經春。笈裏烟霞別有神。還期偏走齊州地。

同作天台采藥人。鐵橋名。種善堂。馬不前。贈人兩奇士。相遇必有傾吐。肝腸。芒角。流露者。篇中飛騰。變滅。如白雲。從風去。來。無迹。青蓮流。深。安。得。不。屬。此。人。

留別張鴻伯蕙懷張非文和韻

舟。檝。吾。將。老。詩。書。世。所。輕。誰。知。天。下。士。漂。泊。亦。無

成。放。眼。空。今。古。虛。懷。向。友。生。北。歸。心。已。足。不。復。悔

南征。一氣鼓盪。偉體最高。

題潛籟軒和韻

玉峰有高士。痛愛壽山隈。鐵馬夜千里。麻衣時一

來。自注崑山顧寧人先生。每至潭都。必主潛籟。自從丹旆返。不復草堂開。珍重

遺編在。沉吟日幾迴。

贈行西上人

鐵騎穿雲舊拓邊。大江歸去浪連天。五更夢醒荒

祠下。百戰人酣。繡佛前。風急雁行排遠岫。秋高鵬

影落寒烟。與君共望中原路。衰草離離倍黯然。感是

不隨於僧者。

贈楊子西

我溯三湘問楚材。與君披寫共登臺。乾坤不肯留

國朝詩別裁集 卷六 壬 教忠堂

殘。照海嶽。無從問劫灰。莫訝青萍通夜嘯。何妨白

雪滿頭來。縱橫且說當年事。尊酒淋漓亦快哉。驚駭

何計留之。茫茫劫灰何從問之。京明飲酒。課耕乃樂。天安分之常也。

卧病

風塵泉石兩蹉跎。歲月催人委逝波。萬事無成心

力少。一生有幾別離多。夢回弟妹依然失。病久交

遊誰更過。剩把新詩消永日。空床獨坐強吟哦。此言人乃有

幽居

王孫學賦小山招。意氣峻嶒耿未消。燕市酒酣聞

擊筑吳關人去。憶吹簫功名夢醒玄駒國卜築門
臨白馬潮回首故園千里外江鄉隨地老漁樵

借船居發出此
豈幽居人語耶

贈向語可

天半峨眉落照邊漢川東與蜀江連萬金散盡猶
存骨一劍長留豈學仙秋水欣逢東海若馬蹄難
遇九方歎窮途我自憐空手洒淚相看大別前

詠史

朝橫而夕縱志本在溫飽弊衰先自媿何論妻與
嫂足以及服季
子之心

國朝詩別裁集

卷六

无

教忠堂

七首西入秦生死在眉睫秦政非齊桓如何欲生

劫明人有論已暢言之此括
於二十字中尤見明快

治國與治軍卧龍豈兩事陳壽亦何知還問司馬

懿掃得痛快如此
作詩何妨議論

王昭君二首

六奇已出陳平計五餌曾聞賈誼言敢惜妾身歸

異國漢家長策在和番谷在陳平妻敬此正論也○元帝時匈奴已弱帝不欲失信非畏其強此意詩

家未曾
道及

漢主曾聞殺畫師畫師何足定妍媸宮中多少如

花女不嫁單于君不知若故為自幸之辭
不怨深於怨矣

題閨秀雪儀畫嫦娥便面

素箋摺疊塗雲母黛筆清新畫月娥莫道繡奩無
粉本朝朝鏡裏看雙螺

喻

指字非指江
西南昌人

石城晤林茂之

澤國烽煙逐狡貉秣陵人事更蕭條山頭牧馬無
春草城下東風有暮潮白髮逢君疑再世清尊為
我話前朝天涯便欲相依隱何處空巖著野樵

必求工而身分自見一氣清空亦從杜詩
中出世人學杜者但求形似得其皮毛耳

徐振芳

字大拙山
東安邱人

國朝詩別裁集

卷六

三

教忠堂

海陵寄李子倣

澹澹長河落日愁美人芳訊到滄洲猶龍久矣逃
塵世牽犢公然飲上流赤水有珠歸罔象碧天無
際泛虛舟班荆擬在雲深處一醉青蓮海岳樓

張

字南士浙
江山陰人

蒲坂道中

峻坂長驅匹馬過春風吹客奈愁何重華不返蒼
梧駕孤竹空傳采薇歌北望雲中迷紫塞西來天
上瀉黃河幽懷故國歸何處此日征衣淚更多

沈道映

字彥微江南華亭
人著有鴻跡軒稿

訊髯淵水西

幽人谷水耽高卧。江村長夏看雲坐。清夢心隨鷗
鷺慵。獨醒跡向風塵左。草閣蕭蕭六月寒。窮探學
海傾波瀾。千秋自取性情足。一編歌哭來無端。與
君成別忽已久。不向西郊頻握手。聞道驚濤沒釣
磯。爲問漁竿無恙否。

送霄客南還

聚首無多日。天涯袂忽揮。苦將遊子淚。灑向故人
衣。落日河流急。寒楓驛路稀。與君俱作客。爭奈不
同歸。遊子淚故人衣極平語耳合用之頓
傳出至情知詩人所貴點化不專求新

國朝詩別裁集

卷六

三

教忠堂

野泊

野渡夕維舟。寒潮正急流。雁聲沙際月。帆影笛邊
樓。獨客難爲夜。孤心易感秋。百年同逝水。不盡古
今愁。

登泖中潮音閣眺望有懷

峰頭雲氣畫冥冥。蠟屐憑高試一停。湖面日翻荒
岸白。海門天入亂山青。孤帆是處隨漁網。長笛何
人起鷺汀。谷水崑陰俱在眼。可憐二陸久凋零。

舟泊富林謁陳大樽先生墓

富林溪上一盤桓。墓道春陰泣漢官。未見豐祠傳

俎豆。空留皎日照衣冠。當年碧血青燐散。此地銀
濤白馬寒。回首平陵松柏路。子規啼徧朔風酸。詞章
生抵傳其精衛填海之節而學術
詞章縣從關如此立言得體處

懷家雪峰

他鄉苦憶病維摩。皂帽蓆床歲月過。春到竹林無
酒伴。悲來土室只高歌。柴桑甲子同元亮。筆塚風
流繼永和。誰共扁舟橫鐵笛。滄江開理釣魚蓑。

陸元輔

字翼王江南嘉定人。翼王爲黃陶庵先生入室弟子學
術志行不愧師門所爲詩亦復相似鍾譚習氣不能染也

送表重其歸吳門

青眼滄桑閱逝波。百年世事足悲歌。尊前故舊凋
國朝詩別裁集

卷六

三

教忠堂

零半亂後文章感慨多。鱸膾正堪淹客棹。驢駒無

奈向關河。憑君一寄昌亭淚。江左風流更幾何。自注
時聞

禁聖野

九日侯硯德病起招尋王氏南園

自注次老杜九
日藍田崔氏莊

韻

干戈天地醉鄉寬。令節招尋得暫歡。已喜高秋蘇
肺氣。還愁短髮落南冠。來賓白雁關河杳。無主黃
花霜露寒。却憶先朝王相國。東籬采菊笑顏看。自注
南園

爲王文肅公
種菊之處

送文介石學博歸滇南

真客頻年賦式微。今朝纔見理征衣。三江日月孤
臣老。六詔風煙萬里歸。山過碧雞多戍鼓。星窮朱
鳥近親闈。好音爲寄東來驛。莫道南天少雁飛。三詩
感慨之境無志微唯
殺之音可以現其所養

陸宗淮字維水江南嘉
定人翼王姪

維揚舟次遇鄉人南歸

忽聽鄉音喚阿蒙。月明橋畔此浮踪。乘君下水歸
帆便。寄我平安第一封。與復恐勿勿說不盡行人
臨發又開封同一天

余思復字不遠福建將樂縣人。不遠草書多從二王中出于京
口屢見之曾流寓於黃鶴山也聞其非力不食亦屬志士

贈別

國朝詩別裁集

卷六

五

教忠堂

江水悠悠江夢紅。江雲黯黯別離中。乾坤留眼觀
時變。湖海論心有客同。楚國誰能爲王泣。齊門何
竟羨等工。長安定有平安信。萬里無忘寄朔風。

侯方域字朝宗河南商丘人有杜悔堂集。朝宗以古文鳴詩特
其寄興識者比之皇甫持正李習之蘇明允最爲愜當

寄李舍人雯

金陵門外昔同遊。歸去衰遲有故邱。六季春城喧
野雀。三山雲氣黯江樓。嵇康辭吏非關懶。張翰思
鄉不爲秋。最是月明照顏色。平蕪煙雨使人愁。

冒襄

字辟疆江南如皋人南渡時用爲推官不就以貢士終有
樸巢詩集。辟疆與宜興陳定生商邱侯朝宗於名節持
正論品嚴執政不少寬也馬阮當國時幾罹于
禍後居水繪園以友朋文酒爲樂遠近慕之

寄吳梅村先生

鹽官留滯歎蹉跎。遺老飄零事若何。萬里烽煙橫
塞雁。五都荆棘沒銅駝。遙瞻吳苑鄉關隔。近接邗
江涕淚多。聞道子山消息在。白頭紅豆只悲歌。

贈柳敬亭

憶昔孤軍鄂渚秋。武昌城外戰雲愁。如今衰白誰
相問。獨對西風哭故侯。贈敬亭并弔寧南
可作羽聲歌之

陸元泓字秋玉江南常熟人。秋玉無家
國已像於水壘中自稱水壘中人

過河北劉騰庵先生墓

曾云歸去總天涯。三尺荒墳萬古家。若個年年弔

國朝詩別裁集

卷六

五

教忠堂

寒食半。瓢清酒滴桃花。

徐波字元歎江南吳縣人。元歎少年任俠後工詩之楚中交
竟陵鍾譚二公晚歸老落木庵以枯禪終生平詩近鍾譚
體牧齋痛貶鍾譚
而於元歎獨許之

落花

花意寒欲去。登樓送所思。將分春雨恨。似與故人
期。野水斷村路。孤烟生竹籬。吾徒從此逝。忍見艷

陽時。落花習徑以生新之筆前除之李義
山高閣客竟去一首後復見此詩

金人瑞字若采江南
吳縣人諸生

愁

江水流春不當春。江花江草故愁人。開頭挾舵汝

何往擊鼓鳴撓皆不倫。巫峽猿啼真透血。楚天朝雨最通神。老夫欲寄精誠去。憑仗高風達紫宸。

似夔州以復詩

侯 涵 字研德江南嘉定人

送別鷺賓感家朝宗往事

閨闔門邊酒共傾。依依酬勸忽分征。却愁此別成南北。誰道他時隔死生。十載黃墟豪士骨。千秋青史黨人名。白頭太傅腸猶熱。手把家書倍愴情。

宗遺札多隔世事

劉逢源 字津遠直隸曲周人

國朝詩別裁集

卷六

圭

教忠堂

郭泰

博帶雍容七尺身。遨遊郡國擅人倫。如何下士相撫倣。只愛先生折角巾。

補鍋匠

高隱昔傳磨鏡客。奇踪今見補鍋人。若將姓字留天地。縱使巢由亦外臣。

吳兆寬 字弘仁江南吳江人

寄懷小修弟

萬里江濤接郢城。上游節鉞坐論兵。風清鼓角秋開幕。月照旌旗夜勒營。海內功名多難日。天涯兄弟

弟別離情。只今漢上烽烟滿。慷慨中流憶祖生。

閱麟嗣 字賓連江南歙縣人著有臥雪詩草○賓連喜遊踪跡幾遍天下所遊皆有詩而廬山一集尤膾炙人口錄未見全集

止錄二篇

空水閣

欲窮瀑水源。峽束忽無路。上有蛟龍居。下雜古今樹。數石何漸漸。飛動令我懼。側身入空冥。盤曲審跬步。陰森鬼搏人。日月如未曙。一閣踞其巔。青蒼於此聚。山僧不常栖。終年白雲住。雙扉風爲開。倚檻時一顧。晚來山雨晴。豁見湖光露。留連空明中。恍惚若有悟。起步得此下信手。寫去無不入妙。

國朝詩別裁集

卷六

圭

教忠堂

玉淵潭

纔過三峽橋。豁壑駭聞見。吁嗟此奇觀。曲盡水之變。石忽不受水。水怒如激電。其勢必斜飛。下與蛟龍戰。淵深不敢窺。辭滑試一踐。我有悠然心。六虛任周徧。對之神益閒。瀕洞增餘眷。高歌扶杖歸。習習風吹面。

向遊天台石梁見瀑布激石勢怒轉斜飛亂下如萬斛明珠噴噴灑跳擲時有語不敢輕吐讀此詩石不受水數言恍置身石梁間也

吳嘉紀 字賓賢更字野人江南泰州布衣著有陋軒詩○野人居泰州之安豐鹽場瀕於海刻苦成詩人無知者自周樸園侍郎盛稱其詩人爭重之由是陋軒之名與諸名家相埒○漁洋詩以學問勝運用典實而胸有鐵冶故多奇語而不見痕跡隨軒詩以性情勝不須典實而胸無渣滓故語真朴而越見空靈然終以無名位人于持此論而東人不以為然然其詩具在試平

心易氣讀之近人中
有此孤懷高寄者否

送吳眷西歸長林

孟夏雨初霽。海村桑葉肥。小麥蘗蘗秀。雉來麥上飛。悵然遠遊子。顧盼思巖扉。十年困馬足。四體懸鶉衣。世態已閱歷。長策莫如歸。藥樹無甘蔭。冰壑無炎暉。暉從來高蹈士。不厭寒與飢。去去故山中。努力餐蕨薇。

長林何處所。泉潔山秀峙。曖曖人烟際。灌木四五里。枝上老鴉多。春來各生子。子幼含哺勞。子大雌雄恃。恩勤雖已極。骨肉一巢裏。此時垂白母。望遠國朝詩別裁集

卷六

壬

教忠堂

間自倚行路稍欲稀。夕陽半山紫兒今遠歸。來無米親亦喜。末語非至性人誰能道出

贈汪秋澗

秋澗九尺軀。雙腕最有力。自稱草野臣。提刀能殺賊。家破讎未報。亡命走江北。黃金買紅袖。將身委聲色。荒淫不得死。聊復弄筆墨。歐虞及顏柳。生氣盈丈尺。時賢慕絕技。他鄉且謀食。懷中一片心。到老無人識。秋澗奇人。惟此奇筆足以傳之。末語終莫定爲何等。人所以爲妙。

哀羊裘爲孫八賦

孫八壯年已白頭。十年歌哭古揚州。囊底黃金散

已盡。笥中存一羔羊裘。晨起雪霏霏。取裘覆兒女。亭午號朔風。兒持衣而翁。風聲雪片夜滿牕。殷勤自解護阿婦。裘之溫暖誠足珍。不得衆身爲一身。吁嗟乎。長安天子非故人。羊裘冷落對邗水。他年姓字齊嚴光。今日飢寒累妻子。

一錢行贈林茂之

先生春秋八十五。芒鞋重踏揚州土。故交但有邱壑存。白楊摧盡留枯根。昔遊條過五十載。江山宛然人代改。滿地干戈。杜老貧囊底徒餘一錢。在桃花李花三月天。同君扶杖上漁船。誰家酒罈可賒國朝詩別裁集

卷六

壬

教忠堂

飲一錢先與人傳看。酒人睇視皆垂涎。乃是先朝萬歷錢。桃花李花二語偏寓得與高遊治相似而結意悲傷傳出參秀漸漸之感一篇主意全在此也一裘一錢兩篇是劉格亦是絕調

朝雨下

朝雨下。田中水深沒禾稼。飢禽聒聒啼桑柘。暮下雨。富兒澆酒聚儔侶。酒厚只愁身醉死。雨不休。暑天天與富家秋。檐溜淙淙涼四座。座中輕薄已披裘。雨益大。貧家未夕關門卧。前日昨日三日。餓至今門外無人過。

我昔三首效袁景文

我昔客途逢敗兵。弦聲旆影魂俱驚。殘騎如狼散
草莽。居人雜免奔縱橫。漁船貪利夜賣渡。金多方
許載人去。暝色潛行曙則隱。口乾腸飢我能忍。

我昔攜家亟逃難。海雲漫漫晝昏晏。野空蹄響賊
馬近。我船欲速行轉慢。須臾燭燒閭里紅。風漂船
入蘆港中。蘆葉荻葉。菽男婦。引衣掩塞啼兒口。

我昔兵過獨還家。畦上髑髏多似瓜。空村無聲雞
犬盡。籬菊自放霜中花。天南伯兄天北季。驚魂棄
絕故園地。夜寒鬼語聚稍稍。細雨還聞九頭鳥。文而

體源出於杜
老全以質勝

國朝詩別裁集

卷六

五

教忠堂

勸酒歌贈喬功偕

蠟梅開花醞香發。親戚攜解造門闥。造門闥。來勸
翁。念翁邈跡楚雲東。皂帽布裘臨大海。蘆花蒲葉
多清風。清風蕭蕭塵起奈何。未若蟻浮鸚鵡螺。縣
來酒鄉可避世。請翁聽我勸酒歌。

燭花漾漾酒滿瓢。雪飛入檐見酒消。瓢與杓。引翁
嘗。念翁辛苦容貌蒼。汾河恒岳家鄉遠。吳樹淮隄
歌思長。長歌復短歌。古調清冷冷。不如濁醪注瓦
瓶。縣來醒者多。智慮勤翁一醉安。性靈

桑田變易城市改。翁家書卷年年在東壁。卷西壁

書中間惟應置酒壺。菜衣芟裳膝前侍。偉節慈明
天下無。門戶須開明月欲。來甕中又汲新熟醅。有
書有子願已足。翁不痛飲胡爲哉。三章音
節劇佳

僻壤

僻壤無春至。安知春已殘。海雲千里黑。塞雁一聲
寒。老去謀生拙。時危作客難。直西是鄉路。日日出
門看。

落葉

枝上曾幾日。夜來秋已終。又隨天地意。亂下戶庭
中。不靜月斜處。偏驚頭白翁。何須怨搖落。多事是

國朝詩別裁集

卷六

四

教忠堂

春風

小題傳出天運自然。不怨霜露而怨春風。見盛之
始已伏衰之機也。小家但工刻畫。粗得形似而已。

送周雪客遊新安

三秋尋老友。千里去新安。地主雲中候。天都馬上
看。蓬生黃帝竈。鶴唳呂公灘。登眺須扶醉。深山瀑
布寒。

輓鮑念齋

有序

念齋諱輝祖。父夢斗。乙酉客蕪城。四月兵
屠城。輝祖在宛陵。聞父訃。時方九歲。往蕪
城尋父屍。不得。笥中得父敝衣。抱歸歲時
泣祀。奉母守節。母死哀毀成疾。因卜地以

敝衣置棺中。招父魂同母。厝于南梁栽樹
左右。日夕攀樹枝。哀號洒泣。踰年死。聞者
莫不悲之。

獨遣傷心。既應為早死人。魂招衣當骨。淚盡子隨
親。孤稚遺天末。三棺客海濱。手栽原上樹。駿駿野
陰新。魂招十字
渾括全意

新僕

語少身初賤。魂傷家驟離。飢寒今已免。力役竟忘
疲。長者親難決。新名答尚疑。猶然是人子。過小莫
輕答。語從新字起意一結
仁人之言猶然動聽

國朝詩別裁集

卷六

里

教忠堂

內人生日

潦倒邱園二十秋。親炊葵藿慰余愁。絕無暇日臨
青鏡。頻過凶年到白頭。海氣荒涼門有燕。溪光搖
蕩屋如舟。不能沽酒持相祝。依舊歸來向尔謀。三四
寓清

玉勾斜

莫歎他鄉死。君王也不歸。年年野棠樹。花在路傍
飛。

國朝詩別裁集卷六

國朝詩別裁集卷七

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

沈

磐字石均江南吳縣人諸生。家石均家靈巖山下名未甚。著楊維斗先生會文二株園取冠衆人揭棠珠明寺前時。學使者適歲試亦取第一。其文爲一郡之冠。自是四方人士爭欲識石均矣。表此軼事。見前輩持衡之當。能使人引重云。七言近體如師子搏象。必用全力。不工於一。

陳靖獻公祠自注名地宜洪武時禮部尚書靖難兵入不屈磔死。

強幹謀成禍亂紆。漁陽突騎竟長驅。運籌不少黃羅漢。堅壁難逢周亞夫。司馬豈聞嫺將略。秩宗何自綰兵符。宮車赴火君臣盡。一寸丹心逐鼎湖。黃之

國朝詩別裁集

卷七

一

教忠堂

無謀而鐵尚書之外無能堅守者

分茅薊北控巖疆。鼙鼓誰教動范陽。自有長君圖社稷。不勞叔父佐成王。丹心願化千年碧。弱息難迴百鍊剛。自注子六人俱被禍。縈經何人輕慷慨。忠魂總赴白雲鄉。

六月霜飛殺氣中。收孥令下市朝空。生無面目湛三族。死念君王哭兩宮。精貫白虹隨落日。魂歸丹陛起悲風。宛溪舊接秦淮口。嗚咽流澌水不東。

采石磯望開平王戰處

咫尺江陵王氣浮。東南根本治揚州。關中早勸高

皇定河內。先從世祖求狐鼠。依山還背水。將軍破釜更沈舟。只今寂寞長干路。楊柳蘼葭滿目愁。

金陵漫興

崎嶇一馬駐江干。叔寶聊開南極天。驟見蛟龍失雲雨。已知燕薊下樓船。旌旗畫閃三山外。壁壘星沈五校前。藩鎮望風爭款附。故將鳴鏑射中堅。此見

廷之無人也。倚託四鎮。而二劉反戈。亡沒矣。張天祿從劉良佐後射黃得功中。後故有鳴鏑射中堅句。

元老宜恭帷幄籌。誰令分閫鎮揚州。廟堂決勝全無策。宰相臨戎豈自由。百戰餘生終殉國。九原遺恨在同舟。至今嗚咽邦。溝水徧遶蕪城哭未休。此事

國朝詩別裁集

卷七

二

教忠堂

關部之殉國見孤忠無助也

江表初開南國疆。衣冠不數舊貂璫。那堪增繳隨鴻鵠。豈有梧桐集鳳皇。黨錮十年虛反覆。興亡千載重淒涼。繁華泯滅烏衣巷。怨恨分明石子岡。馬阮

人之名成唐士類所謂人之云亡邦國殄瘁也

萬馬臨江擁健兒。上游諸將半橫屍。鳳城夜啓宮車出。鵲觀塵飛漢祚移。張象望旂驚鼓噪。褚淵受爵愧期頤。諸公好去乘時會。莫入南山賦紫芝。官軍

國祚凋諸公不爲表祭願爲諸淵矣。孟津不足通虞山。能母性於中乎。

蔣平階字大鴻江

南華亭人

歸心遙繫武功天。巫峽春風萬里船。錦水有桑堪
養母。叩關何地可籌邊。雲迷八陣愁魚復。路轉三
巴泣杜鵑。自歎碧雞詞賦客。十年旌節竟空懸。

禹陵

擣輦逢堯祀。垂裳拜舜年。剖圭開日月。瘞玉鎮山川。南幸遊方豫。東巡駕不還。衣冠辭岳牧。劍舄步神仙。寢廟春常閉。宮車夜自懸。千秋明德遠。萬衆寸心虔。海澗滄江外。星臨斗柄前。金莖留曉露。碧殿鎖青煙。罔兩猶留鼎。蛟龍想負船。秦碑荒草合。國朝詩別裁集

卷七

三

教忠堂

卷七

三

教忠堂

漢時白雲連蒼水書難得玄狐籙可傳按圖通百
粵淚盡九疑天鋪敘有倫不蔓不竭此長律體也陳杜沈宋素稱擅長元白滔滔百韻才有餘而律不嚴矣作者隊

仗自然淺深合度
猶可望見初唐

送李分虎之滇黔

萬里南中路。春風入五溪。地分銅柱北。山險桂林西。樹酒尊堪泛。箬船棹自攜。關梁莊蹻設。碑字武鄉題。水出滇池倒。天臨瘴嶺低。鳥言通八部。繡面接諸黎。聖武初經略。征南振鼓鼙。三軍持畢節。一戰下和泥。荒服開州郡。窮邊走寄羈。闌干紅燭入。歌舞白狼齊。漢使難重問。磨崖不可梯。烏蠻新

幕府屬國舊朱提。君聽南征曲。能令鄉思迷。山深
鸚鵡語。花老杜鵑啼。河外青蛉縣。關前白馬氏。還
將碧雞賦。遲尔到金閨。

李鄴嗣

肯一語猶人浙人
中獨開生面者

繡州孝女

女李氏。志在事親。遂終身不嫁。年四十七。

遠我父母事人父母誰無父母誰有父母解一少慕

事親十年不字。長慕事親終身不字。二解謂我女子

謂我男子。宛然孝子。宛然處子。三有父子倫。無夫

國朝詩別裁集

卷七

四

教忠堂

婦倫嬰兒子後惟此一人解四暮雨梨花年年寒食

麥粥一盂父母之側五觔○古音古節作者所制可以當古樂府讀

出烏石山後失道

習。僻。獸。平。阡。岐。道。入。榛。莽。足。不。肯。回。牽。拂。堅。初。

往稍進不見天。竹葉大踰掌。隙處迷烟雲。日脚不

落壤直躬礙枝榦漸偃安得仰兩袖競翅張冒棘

先用顙導者未識誰後趾蹴前兩人獸盡無音但

聞碎籀響三里幸出叢目光久瞠睜始見樵子行

寸心翻惚恍

得杖

既出賀險盡。瞻前乃復陡。小憇對古松。支離類此
叟。策足耻言疲。恐落僕夫後。山人指爪彊。折竹等
蒲柳。憐予進一莖。茲意感君厚。忽若當顛危。倚仗
得奇友。山魃不敢爭。空潭戲蚰蟻。翼足漸以輕。影
逐孤雲走。笑謂同行入。騰嶽等培塿。承上一首來詩
格亦從苦得甘

自大嵩上二十里至福泉精舍

舍舟上樵徑。晴眺分纖毫。循塗凡屢盤。獲奇隨所
遭。崩崖露雲根。長風勢漸襲。諸巒徐束體。始識身
已高。在輿尚苦疲。何況卑者勞。斗上復稍垂。豁然
開林坳。老松得成鱗。巖土抽春毛。梵僧構幽棲。人
國朝詩別裁集

卷七

五

教忠堂

囊雲大師山居

夫子邈然去。孤峰自開門。地容方丈潔。天護草堂
尊。風節千春見。行藏兩世論。荒荒西日下。梵磬肅
朝昏。天護草堂尊一語卓絕能
當此者字內曾有幾人

彭孫貽字仲謀浙江海鹽人拔貢生

螺川晤黃交侯共談家難感憤書懷

干戈滿地接山城。所在流亡苦甲兵。遊子那堪天
北望。孤舟應共雁南征。俱傳樂布收彭越。相對黃

公哭阮生。惆悵莫須論往事。嶺猿已過第三聲。

王猷定

字子一江西南昌人選貢生著有四照堂集○于一
遭亂居廣陵以詩古文自負書法亦在晉唐之間

螺川早發

月落秋山曉。城頭鼓角停。長江流剌夢。孤棹撥殘
星。露濕鷗衣白。天光雁字青。蒼茫回首望。海嶽一

孤亭。

大江流漢水孤艇接殘春漁洋賞此度詩
為十字千古三四篇舟行早發亦復入神

黃虞稷

字俞邵晉江人諸生○俞邵以諸生名
入脩明史食七品俸當時以為盛事

次林茂之先生八十自紀韻

八十才名遍九州。先朝遺老至今留。聽談舊事開
元載。早識詞人萬歷秋。藜杖尋詩荒徑外。松風坐

國朝詩別裁集

卷七

六

教忠堂

客小樓頭。乳山咫尺能招隱。我欲從之一遨遊。

許

字有介福建侯官人著有未友堂集○錢謙益喜其集稱
有介詩無句不妙無字不妙及讀其所收俱近淺率今錄
二章其七言一章
係詩觀中采入者

江行有餉予酒者

送酒荻花邊。今宵醉晚煙。隔燈分夜話。曲枕學枯
禪。暑氣全歸雨。潮痕半入天。蘆中人不盡。結社在
漁船。

送鄭一作客

苔繡銀刀佩古囊。雞聲勒馬著衣裳。揮杯滿目皆
朋友。亂世逢場即故鄉。斷岸孤舟千里夢。曉天殘

月。萬家霜。悲子獨自看花後。春柳深深冷草堂。

戴本孝

字務梅。江南和州人。布衣。著有前生錄。生詩稿。池北偶談。載務梅性情高曠。在京師時。夜與友人談華山之勝。晨起。即懷被往遊新城。贈詩所云。洛陽貨。無入識。五月騎驢入華山。是也。詩近平直。茲錄其集。漢魏集陶數章。

漢魏集律

感懷

良時不再至

李陵何乃太區區。萬事無窮極。九

州馬所如

曹植憂心常慘戚。蘇式養志在冲虛。願化

雙黃鵠

無悠悠去故居。阮籍

秋殘

良時忽一過。阮瑤白日半西山。王哀彼寒霜厲。馬明空

國朝詩別裁集

卷七 七 教忠堂

令蕙草殘

無微歌發皓齒。嵇康時俗薄朱顏。曹奄若

風吹燭

無名人生一世間。徐幹

送別

遠送新行客。孔融中心摧且傷。徐寒蟬鳴我側。曹孤

雁獨南翔

曹丕努力加餐飯。無隨時愛景光。蘇勉哉

修令德

植別後莫相忘。曹植

律陶

贈野人

樂與數晨夕。區區諸老翁。貧居依稼穡。繞宅自蒿蓬。懶情故無匹。箴規嚮已從。閒居三十載。鄉里習

其風

課農

所管非近務。相命肆農耕。井竈有餘處。林園無俗情。酒能祛百態。菊為制頽齡。遂令介然分。不為好爵榮。

田家

少無適俗韻

甘以辭華軒。但道桑麻長。而無車馬喧。服勤盡歲月。守拙歸園田。終曉不能靜。雞鳴桑

樹頭

集陶勝於集漢魏諸作。以陶有名句。漢魏惟在氣骨也。此章尤極自然。

黃山中田廬

國朝詩別裁集

卷七 八 教忠堂

素襟不可易。性本愛丘山。裏役不遑寐。躬耕非所歎。敝廬何必廣。虛室有餘閒。歲月相從過。吾生夢寐間。

從軍行

戴移孝 字無忝。江南和州人。布衣。無忝務耕之弟。志行相似。詩品高於乃兄。

南山射猛虎

北海斬長蛟。生平一雙手。出門隨所遭。男兒丁亂離。安忍坐蓬蒿。可憐太平人。低頭弄

錢刀

草木同腐朽。烏知賢與豪。作文夫語

喜遇方三素

伯於長干

北客南歸數千里。聞君適過長干寺。尋衣入寺歷

訊之扁舟又向吳淞水。君數貽我書。我未識君面。
腸中宛轉如車輪。長江漫漫不相見。江上水鳬入
戶啼。衰烟斷柳風淒淒。橫江破巢不忍歸。天涯誰
是心相知。正欲拏舟渡江去。聞君復就長干路。君
出南城我入城。千萬人中恰相遇。城頭戎馬驕且
嘶。與君同著婦人衣。侈言得志此何時。可憐頭髮
如青絲。酌酒壽君踞復起。鬱鬱鍾山氣還紫。莫遣
腰下青芙蓉。化作雙飛入江水。酒酣歌放不可休。
記得昇州是蔣州。來朝同買釣竿去。矯矯萬里隨
白鷗。歷敘離合情事曲折如話同著婦人衣為避亂也用李密故實

國朝詩別裁集

卷七

九

教忠堂

荅人述先君舊事

莫道吳興事。酸風刺骨寒。相知皆死別。無處問平安。
故鬼千家哭。孤城百戰難。當時衣上血。今日與誰看。
無亦父名重前朝推官死難時作絕命辭數章

訓子

已入愚公谷。甘為鄭子真。兒孫猶漢臘。晉魏有秦人。
讀易無如損。遺安一味貧。更嫌名累汝。筆硯不須親。
損先難而後易以遺安為主遺安以貧為真能遺安者也前民訓子語皆切實

牧牛

吾道已滄洲。黃冠學牧牛。有書時挂角。作畫笑籠

頭。短布逢長夜。逃名得上流。一聲何處笛。吹盡古今愁。
寧戚語無父事運化自佳

惜誓

萬古刀鏃赤手磨。休將劍術責荆軻。一門爭死無完卵。三戶偷生作楚歌。不信青蠅還賜弔。堪悲黃雀自投羅。行看滄海揚塵日。纔見西山木石多。

曾傳燦

字青黎江西寧都人著有止山集○青黎選本朝詩名過日集所選純不勝雜而人才略備余于此竊有取焉兄名有雙字之目

將立春同友郊外眺望

羣動各有息。茲遊成我閒。氣交寒煖候。春到有無間。寒石自流水。夕陽多遠山。離離林下屋。時見鳥飛還。

卷七

十

教忠堂

歲暮武陵別葉子九往京口

殘臘無佳日。况當離別年。布帆從此去。江水正茫然。貧賤愁中路。風波亂後天。好將古今淚。寄與夕陽船。

蕭

字中素江南松江人○中素隱於持人中人以工役之法役受直待以詩人則行朋友之禮古人貴養僧牛之伍也惜能多見

荅董子紹舒

南村有遺叟。寂寞居河濱。一褐常見肘。數椽聊寄

身所志在不苟食力甘苦辛閑來把魚釣終日無
纖鱗晴霞映眉宇野火光燐燐坐久發清嘯怡然
全我真於此頗有得勿謂原思貧詩即自道生平所志在不苟食力甘苦辛得陶

公語

趙

潛字雙白福建漳浦人有冷鷗堂集

許九日以詩見訪次韻

才獨寄嶽氣混茫喜君同調即同鄉荔支家國煙
蕪在鼙鼓乾坤道路荒江上偶然逢月旦笛中容

易勸山陽自注為石齋先生

何時欲發婁江櫂千樹梅花寄

八行自注問訊梅村先生

國朝詩別裁集

卷七

十一

教忠堂

呈梅村先生

婁水龍門未易親休官無過隱之貧蒼梧往事餘
雙淚白首名山只一人鷗鳥欲分高士席梅花能
伴苦吟身投閑自是千秋計落日寒江理釣緇蒼梧往事

梅村詩中時追念之不似牧齋全不提

毛會建字子霞江南武進人

回雁峰

山到衡陽盡峰回雁影稀更憐歸路遠不忍更南
飛

董以寧

字文友江南武進人。文友與陳太史其年鄉進士詩士並有才子之目生平急友朋難奮不顧身亦豪士也

行路難

君言羞與樊噲伍君言李蔡何足數豈知人生亦
有命天下賢豪賤如土况聞長安路行者亦太苦
君不見衛霍功名由女弟實由失意因杯酒一日
不得西京歡公侯將相難白首後人更憶華亭鶴
前人已歎東門狗何如五陵俠少年紅韁白馬黃
金鞭彈丸落處胡姬笑日日濫醉春風前

席上看弄丸歌

臨淄即墨天下聞闢難走狗紛如雲我來作客喜
結納唇舌不減樓君卿銀花之脯八帶魚主人邀

國朝詩別裁集

卷七

十一

教忠堂

我飲半醺當筵少年擊鼙鼓更一少年袒臂舞足
下紅錦鞵腰間五色組手持一丸摩雲端一丸未
落復一丸雙丸將落承以頂須臾重入雲中看更
出七丸在肘後兩手承蜩左復右旁有少年拍手
強大言此技安足奇摩頂至地身倒懸以足弄丸
目不施七丸上下聲相擊擊聲一依鼓為節是時
我醉不欲眠紛紛羅袖屏前列前一人弄丸已如莊生所云矣後少年以足弄丸而目不加施尤為幻中之幻詩如史公作傳老聃見韻語中不意如此神奇

渡淮

黃河經北徙千里背淮流遠樹煙中暝荒城天際

浮人歸二三月南去一孤舟何處王孫釣傷心古

渡頭讀荒城天際浮五字為淮人傷心今更提高於城矣

酬鄒眉雪山右見懷

入市吹簫一酒杯十年漂泊孝廉才蘇君說趙謀方用庾信辭梁賦轉哀家本談天開稷館心傷落日望燕臺蓮花萬仞飛鴻過何處空傳歸去來

閨怨

流蘇空繫合歡床夫婿長征妾斷腸留得當時臨別淚經年不忍浣衣裳詩人寫淚者多無獨到此者

陳子升

字希生廣東人諸生以薦舉官給事中○喬生詩麗而有骨原本義山近代中可饒揚升庵

國朝詩別裁集

卷七

三

教忠堂

昔昔鹽

鴛鴦樓外烏欲棲璚瑀梁間燕吐泥月暈圓隨漢東蟬天河傾向汝南雞萬方儀態華鏗出一笑橫陳翠帳低愁見曉鴻征塞北不知天將定遠西

何嘉延

字奕美浙江山陰人

燕子樓

極目古徐州斜陽睥睨晚愁黃河開改岸紅粉尚名樓芳草長埋恨悲風不待秋尚書遺墓在可有珮環遊地已變遷樓名長在一女子之貞亦足不朽可以風世矣

張可度

字鼎賓江寧人

廬山懷古

父居黃閣女崆峒流水桃花石室中無限炎威竟何在成仙却讓李騰空自注林甫女也李白有迷內之廬山訪女道士李騰空詩

沈欽圻

字得興江南長洲人邑諸生贈內閣學士兼禮部侍郎○後學周準填諱○國初詩沿明季餘習多宗景陵先大父往復陶杜自摠胸臆未嘗求工而自中興削陸起頑太僕謂鍾碑之風流毒天下不飲滿染沈生大是豪傑之士太僕先大父師也不輕許人當時以為為論

春日招諸生

春風來融融好花自為開好鳥林間鳴求友聲喈喈我心適無事觸物俱和諧鳥尚求其羣人豈無同儕花下設杯酒願與諸子偕中心諒有得各自

國朝詩別裁集

卷七

古

教忠堂

抒我懷元化本大公何用分形骸春風沂水無非天趣

生祠

虎邱七里塘生祠何纍纍榱棟高入雲丹雘紛陸離連牆與接牖屹然豎豐碑下承以鼎臚上蟠以龍螭華文表德行大論抒猷為某公居官日曲折行其私析利如秋秧忘却民膏脂文中頌清節飲水遵伯夷某公居官日斷獄無矜疑五刑任喜怒罔卹童與耆文中頌仁愛皋陶為士師周覽諛悅文一例慙惡辭舊有遺愛人行政介且慈行如打包僧蕭然去官時士民走相送各各涕漣漣誰為

建祠宇。惟留後人思。好官無生祠。墨吏有生祠。好官與墨吏。行人知不知。傾吐出之如白傳秦中吟辭氣風骨無一不肖

除夕書事

匆匆歲欲盡。有客過我廬。云有急難事。強梁禦諸途。一身惟赤手。何以還里閭。君能急人患。哀聲為君呼。援手實我分。焉敢辭有無。所愧生計薄。末由足君須。傾囊贈之去。餽歲無留餘。恐乖家人意。歡顏對妻孥。妻孥知我心。笑言倍怡怡。依然煨榾柮。聊復換桃符。入夜四壁清。此心真晏如。

童奴石義託身於阮懷寧府中頗用事招家

國朝詩別裁集

卷七

五

教忠堂

五弟衷赤往謂微官可得既至弟識亂徵時遊倡樓示荒嬉不可用乃放歸乍歸而留都不復守矣喜其能識時自汙以免因贈以詩

都督滿街走。職方賤如狗。自注時童語此時乾坤入醉鄉。君臣嬉戲同披猖。剪伐連枝折故劍。一網盡欲罹鸞鳳。僕隸招邀吾弟去。人頭畜鳴日相遇。寸心陡觸大厦傾。厝火積薪難久駐。自荒於色耽倡樓。是鄉足樂真溫柔。香濃魄醉不知返。一笑似欲三年留。懷寧謂是妄男子。收拾行裝子休矣。歸來三月

陪京亡。子嬰奔竄繼於枳。沙蟲猿鶴總消沈。大地旋看換塗軌。吾弟依然把耒耕。閒中常話小朝廷。從今永斷冠纓夢。抱犢眠雲無限情。

贈徐元歎

少年為俠客。萬金散盡不少惜。中歲為詩人。遠之楚澤哀靈均。歸來慕隱者。脫棄浮榮如土苴。晚歲依空門。菴名落木歸本根。我來訪君荒山裏。留客晚餐烹菊杞。夜寒襖被擁繩牀。月滿空堂疑積水。不是尋常話。箭鋒生。平披豁見心。胸卅年無限悲涼事。付與晨鐘暮鼓中。贈詩竟作元歎小傳起手八語立格甚奇一結蘊含可思

國朝詩別裁集

卷七

五

教忠堂

秦良玉遺像

纓纓銀冑垂紅綬。兩褶耀日風前披。滿月粉頰揚青眉。繡旗飄翻擁長鉞。誰人結束整隊伍。知是石砮女土司。英雄自古出巾幗。投石戰場壯顏色。當年平靖奢崇明。一騎紅裝萬人敵。手持長繩入賊陳。縛賊歸來向空擲。思宗季年紛戰爭。勤王誓師萬里行。至尊一語表英武。桃花馬上請長纓。自注思陵賜詩中後來獻賊入巴蜀。齟齬不遺橫殺戮。勤王兵殘勢窮蹙。子喪弟死一身獨。連斬六賊力已殫。拔刀自刎身不辱。忠勇義烈兼有之。女中張許誰能續。

即今遺像餘桓桓摧激人間壯士肝願將效死沙場女追配從軍古木蘭

有據皇所云所聞異辭者耶

梅

冰霜磨鍊後忽放幾枝新獨立江山暮能開天地春自然空色相誰與鬪精神野客閒相對如逢世外人

詠史

卧薪嘗膽日縱飲擘牋時但識憑江險而忘厝火危一堂爭洛蜀四鎮角熊羆此日王夷甫清言或國朝詩別裁集

卷七

七

教忠堂

君臣魚水合半壁且遊嬉殿上黃幡綽宮中郭順時還源求故劔慎勿剪連枝野老瞻烏意茫然空爾思

後詠史

江山何止割鴻溝白馬青絲尚未休貂到續餘惟狗尾侯當封處撫羊頭不容黨錮逃張倫只許煙花選莫愁况是龍蛇互相鬪元戎若箇賦同仇東周東漢竟如何消息傳來豈盡訛嬉戲無如李天下談諧合有鏡新磨摸金使者徵求遍指鹿元

臣煬敵多江畔野人空悵望恐教荆棘卧銅駝

小朝廷之亡亟矣可云詩史非止錄事之工

重陽後二日同葉聖野補登高

如此河山著此人登高觸緒摠傷神有朋共灑新亭淚無扇能遮庾亮塵白雁唳時來絕塞黃花開日過經旬傳聞消息君知否世外巢由作鳳麟

聞錢蒙叟尚書辭世

真共麻姑閱海來俄看文曜掩寒芒石城衆只哀表祭南部名曾重范滂已隕柳枝空有室

國朝詩別裁集

卷七

六

教忠堂

人咎彼蒼

送楊曰補南還

去年春盡同為客此日君歸又暮春最是客中偏送遠况堪更送故鄉人

梁

逸

把酒桃花下

茅屋水聲裏面面桃花紅深杯獨淺酌花落盈杯中今日向花醉明日枝頭空開落固有時何用嗟春風

泊舟古渡

渡頭楓葉正飄零。驛外空傳舊有亭。兩岸雲封千嶂白。五更霜落一燈青。濤聲入枕愁先覺。寒氣侵人酒易醒。莫向洞庭悲木葉。恐驚瑤瑟怨湘靈。

阮旻錫字晦生福建同安人

還家

盡室還江村。乍歸未識路。却問路旁人。為指門前樹。癡兒各長成。有弟亦同住。病妻久卧牀。淹淹迫歲暮。獨客苦思鄉。還鄉如客寓。二親掩重泉。淒清感霜露。回首望禾江。舊廬杳無處。信宿不遑安。又

國朝詩別裁集

卷七

九

教忠堂

復出門去。

向於京口見無名氏詩有萬里是鄉家是客三冬披葛夏披綿句寫盡作客情事讀此詩尤覺黯然

詠薇

微雨春舒葉。嚴霜歲植根。一拳滄海曲。千載首陽魂。歎世君臣薄。聞風草木尊。商周日已遠。採罷亦何言。

詠高節也。不脫不粘得老杜詠物體

七忠祠

遺廟淒涼落照餘。諸公抗節竟何如。可憐苦戰平都督。不及臨戎鐵尚書。風雨孤城猶黯淡。河山故國已丘墟。峨眉亭上題詩客。千載傷心論革除。

陶

徵字昭萬以生當季世更字季江南寶應人著有湖邊草堂舟車等集。陶處士詩英傳沈摯虞時傷亂之作以詩為

史直欲上溯杜陵。○蕪樵字樵某陽人與陶季皆以一字為字

當垂老別

槍雲起西陲。露鬢紛四塞。地缺氛溟漲。天傾白日蝕。中原正格鬪。東南括民力。宰相出笈兵。奔走不得息。江漢恃鎖鑰。矯矯虎而翼。尾大莫敢制。癰潰徒自感。帶甲十萬人。秦越終異域。諸藩復流虐。淮泗苦畢弋。天子日深居。優詔還示德。側聞京尹令。上奉司馬檄。大募勇健兒。踞張守陽辟。老夫年半百。鬢髮尚黎黑。沃土棄蓬蒿。諸男死鋒鏑。入為飢寒井。出為豺狼逼。不如事征戰。橫行寄胸臆。

國朝詩別裁集

卷七

干

教忠堂

官長困逼不如轉戰之難幸於萬一也與少陵之家鄉既遠遠近理亦齊同一用意。○鮑明遠有代古人題詩當猶代也

當新安吏

我生遘末造。天戒猶未央。連延三輔地。十歲九旱蝗。害氣致晦蒙。妖星為機槍。有時雨如血。痍癘見伯彊。中原復凶飢。行者心盡傷。城郭漸蕪塞。弱肉爭豺狼。邊境士易驕。脫巾呼癸庚。絲管斂且盡。國計何蒼黃。守臣繫安危。川決必有防。涓涓不能遏。汜濫日以長。蛾賊關西來。縱橫入畿疆。詔紙下六郡。大義誠激昂。我亦良家子。戴履共一王。聞詔即自誓。肯復依舊鄉。雄劍久挂壁。拂拭生輝光。持此

報恩去存歿惟沙場

當石壕吏

結帶事遠方。六親相決絕。明日疆場人。今日尊酒別。遠人語六親。此行勿啼血。丈夫急國難。草莽亦臣節。中宵聞點兵。慷慨荷長戟。落月光虧蔽。泉流水鳴咽。同行各有類。宛馬蹄踏鐵。臨敵憤欲前。賊勢頗猖獗。至尊日西顧。屈指大獻捷。嗟哉羊將狼。情事不可說。前日偵者至。顛即受羈紲。幕府為解頤。轅門盡歡悅。革面未旬日。仍復據其穴。全楚人剝屠。中州土崩裂。王孫屢嬰禍。宰相實塞拙。悔罪

國朝詩別裁集

卷七

主

教忠堂

獨雉經。誰云是明哲。我本遠戍人。顧此憤益切。進止莫敢議。吞聲駐冰雪。流寇偽降旋叛而樞臣剛復自用至全楚受屠王孫被難張獻忠所云借王以斷楊嗣昌之頭也計無復悔罪自經而國事不可為矣此種詩今讀者可以論世

當新婚別

憶昔妾未字。生小皆清門。相逢兩無忌。比舍同六親。十四年稍長。逡巡始畏人。十五值時難。風雨啼空村。十六今于歸。媒妁無一存。前日府帖下。淮南大興屯。王事不敢避。執爨行苦辛。君行在須臾。相席難久溫。君意豈獨忍。奈此覆冒恩。黃巢犯東都。大官如飄塵。至尊尚莫保。况乃惇窮身。裁縫作衲

襦密紵裘以純君情毋棄捐妾有雙淚痕

將進酒

白日黯黯容易過。春風玉顏當奈何。君能忘憂我。和歌重傾迭。酬金巨羅。騰鳳胎。劈麟脯。炊珠羹。流玉醕。憂來填膺不能食。何如交歡及尔汝。君不聞。閉關沉酒稱達生。又不聞。大呼狗寶千。載名人生。不飲空獨醒。

苦雨詞

鄱江淅淅吹雨天。五月無禾成白田。桔槔雖具下力難。可憐來日無朝餐。辛勤終歲不得息。昨夜傳聞羽書急。君不見東隣向。壁哭未休長。男輸役中男囚。

國朝詩別裁集

卷七

主

教忠堂

曹舍人寓齋聞搗衣作

廣庭月白秋漫漫。主人有酒留客歡。誰家思婦罷織素。坐調清砧當夜闌。砧聲斷續露華濕。還聞門外莎雞泣。同是天涯離索情。感時最有閨中急。力盡回房淚點多。遙憐此際感雙蛾。西風入懷奈獨何。

贈陳蔭公

往者曾讀邊令傳。云是保定陳子作。才雄法贍有

根抵菁英滿前氣。旁魄我嘗彷彿思其人。千里停雲阻河朔。今年得遇恒山陽。斗酒論文慰蕭索。憶余為客西復東。門前車轍無一同。高曾規矩久蕪沒。後人不識般倖工。君今著書已踰尺。况復身親見兵革。一嘖一笑皆有由。豈是尋常老逢掖。莫言上策不見收。長安少年多徵侯。君才如此合貧賤。且醉醇酒吟清秋。君不見江河之勢原東流。遠今米脂今遠

蠻觸行

大受也。曾發李自成祖塋。謫公作傳表之。

秋林濕盡土花碧。蝸牛延緣不踰尺。角中兩大安

國朝詩別裁集

卷七

三

教忠堂

如山胡為相。尋日相尼東。帝西帝齊與秦。當年自謂英雄人。一朝粘壁竟槁死。沛公出為漢天子。橫覽古今

何非蠻觸借齊秦以發其大凡

陳思王墓

斜日下高樹。秋風生細塵。可憐哀草地。猶是建安人。白屋更新主。青山結故隣。童童雙檜在。風雨各

千春。三四語為時所稱

題康郎湖忠臣廟壁

草昧龍爭日。風雲得武臣。乘時元赤幟。奮跡豈黃巾。羽檄綏南服。天垣動北辰。斷蛇先識楚。逐鹿後

降秦。建業王居正。洪都戰血新。旌旗迷過鳥。矢石駭潛鱗。借箸應無匹。焚舟若有神。陪危社稷重。仗節死生均。日月躔雙壁。羌戎奠九垓。君恩五等錫。士氣一朝伸。孫子圭璋在。春秋俎豆陳。白波吹浩漭。蒼瓦覆嶙峋。往事今為烈。羈人感自真。臨流獨橫涕。蕭瑟對秋旻。視李北地作較典切。兼有骨力。此種全使杜陵得來。

趙與梗

字楚材。福建龍溪人。有珠谷刺草。

九日雜詠

寒食弔之推。端陽悲郢客。如何重九日。不祀陶彭澤。

國朝詩別裁集

卷七

香

教忠堂

董

字隱僧。江南吳縣人。

歲杪送青來遊滇

遠遊當歲暮。為養反離親。貧士千秋恨。依人萬里身。丹崖盤鳥道。黑水暗龍津。嗟我猶羈旅。離筵倍

愴神

郁

字大本。號東堂。江南大倉人。諸生。東堂八歲應試。作五倫論。吳梅村祭酒見而奇之。既長。研窮古學。為王新城尚書賞識。康熙已未。以博學鴻辭薦。未應試。卒。詩體裁盛唐。不落元和以下。讀悲歌六章。可以見其生平。

烏夜啼

碧梧墜露驚秋早。羅幃輾轉愁難曉。乳烏啼斷井欄西。閨中一夜青絲老。只可閨中伴我愁。烏啼切

莫向邊州。盧龍磧裏征人在。多恐聞時也。白頭。

猛虎行

猛虎突出勢恒怒。不住深山踞當路。風高月黑聞
嘯聲。四野行人盡回步。一虎之猛尚可當。羣狐假
竊牙爪張。豈無壯士欲手搏。出門四顧心徬徨。耽
耽尔威誰養就。昔猶昏暮。今白晝。瞋目從教凡獸
驚。肥身那管飢。民瘦虎兮虎兮知懼無。灞陵亭下
秋草枯。飛將猝發金僕姑。石猶飲羽况尔乎。此高青邱作發
露幾許矣。然近日猛虎力
量更大。飛將軍亦斂手

韓侯釣臺

國朝詩別裁集

卷七

五

教忠堂

王孫昔釣長淮流。釣竿一擲重瞳愁。赤龍得水上天去。鍾室酬功付刀鋸。漢家青史兩釣臺。千秋獨
為韓侯哀。何如客星早歸釣。一別東都更不來。西約
思陳矣。作者說
來偏見其新

悲歌

男兒三十尚貧賤。土室低頭事筆硯。落魄恐遭廝
養辱。苦吟畏被妻孥見。冬日不爐夏不扇。坐穿一
榻破萬卷。西行發策獻至尊。致身不受將軍荐。由
來絳灌譏賈生。胡用若曹弄桑翰。齊門挾瑟嗟徒
工。獨立荒郊淚如霰。

我欲歸種襄陽田。背依高山面大川。婦饁男耕自
怡悅。伏龍雛鳳相周旋。不尔亦是桃源仙。桑麻雞
犬別有天。誰知此樂難再得。商羊旱魃迭弄權。東
隣輸租鬻小女。石壕夜呼橫索錢。西家老翁徒壁
立。惟忍凍餓長安眠。

旁人勸作洛陽賈。鮮衣如雲馬如虎。大兒羽林充
宿衛。小婦邯鄲善歌舞。明珠白璧家盈箱。畫樓
銚夜勾股噴噴。猗頓獨何人。却笑黔婁徒自苦。吾
曹意氣恥阿堵。揮斥黃金賤如土。安能跼蹐屠沽
伍。六章相連而下。古
人篇法起手甚健

國朝詩別裁集

卷七

五

教忠堂

脫身從軍向絕域。大食烏號懸兩腋。部中不滿五
千騎。百戰沙場盡辟易。尉佗繫組明光宮。樓蘭懸
首長安陌。凱歌入關報天子。始信書生萬人敵。一
朝坐失幕府歡。縛下都船對刀筆。衛青天幸輒有
功。李廣數奇竟何益。

流沙北去弱水東。琅玕作樹珠為宮。藐姑仙子冰
雪容。導以翠節雙青童。我欲從之問丹訣。直與天
地同。無終秦王漢武皆英雄。樓船浩蕩乘長風。猗
龍吹水作山立。三千嬌女沉淵中。驪山茂陵空白
骨。不死之藥何時逢。設想愈幻
愈幻愈妙

學仙學劍兩無成。為賈為農安足道。中心不羨黑頭公。貧賤何妨鄧禹笑。有琴恥向貴主彈。有門耻為丞相掃。流行坎止隨所如。入世那能量杓鑿。鄰侯架上皆吾師。吾將終焉從吾好。此章總收結穴在此。不步趨少陵七歌而風骨神味自合。

觀燈行

新年半月雨不歇。連巷春泥馬蹄沒。差池已過賞燈時。金尊玉管花空發。東刺吏趁新晴。特促然燈照夜明。珠箔舞殘初見月。紅窗歌轉乍聞鶯。六街九陌燈光曉。海城今夜春生早。不是官衙恣宴

國朝詩別裁集

卷七

壬

教忠堂

遊為民預祝秋成好。對景翻教憶去年。此時聽雨正高眠。華鐙却掩春宵寐。誰道秋來更可憐。九月十月風雨惡。到處田疇盡蕭索。賣男鬻舍僅供糧。那有餘錢更行樂。聞說言官特疏求。減租詔下可無愁。不辭徹夜笙歌沸。及此風光樂未休。樂事無多憂轉續。書生迂頓何時足。乞取蟠螭玉九枝。携來遍照流亡屋。點綴太平忽憶去年秋。慘淡層層叠叠。樂無端末二語可云歌以當哭。

東顧亭林先生

驚喜相看問阿翁。少年連袂各頭童。家從十五年。前別身在三千里。外同且注蟲魚潛硯北。任教車

馬過牆東。鄉關耆舊多蕭索。閱歷如公道未窮。

登州城南樓東張慶餘

高城遙對暮雲平。獨客登臨感慨生。附郭尚餘三戶在。幾家能辦十年征。霜清廢壘寒烏集。月黑孤村野燒明。寄語子山休作賦。江南風景倍傷神。

客曉

欹枕荒郊鳥亂啼。漸聞人語板橋西。愁邊覓句天難曉。夢裏還家路易迷。兩岸茭蘆千里雁。五更霜月一村雞。吳儂到此腸先斷。况復高城急鼓聲。

讀史偶感

國朝詩別裁集

卷七

天

教忠堂

兵隍邯鄲氣欲吞。時危公子下監門。滿堂珠履三千客。朱亥從來未受恩。與毛遂定縱同意勛名盡室少齊肩。翻為林房受禍偏。萬乘不能求一女。當年最有日。碑賢。霍氏功高不及金之護衛。拈出兩家為千古鑒戒。

王

梁字安節江南京寧人

題畫

湖干路僻無車馬。葭菼蒼蒼涼到天。長日接離慵不著。草堂閒對鷺鷥眠。從漁洋詩話中采入

徐

柯字實時江南吳縣人。此文靖公次子侯爵逸民弟也。始則風流跌宕。繼歸和光。同慶詩半入溫柔鄉語。與侯齊各行其是。豈所云首陽為拙柳下為工耶。存詩二章以志惓略。

早春園林感興

已典春衣盡還驚春色來百花南向拆一雁北飛
回濁酒從兒醉輕羅任婦裁平生蕭瑟意身世幾
悲哀

欲雪限韻

慘淡庭松色喧啾檐雀聲有苔封玉砌無露到金
莖已默浮雲重還看颺絮輕應知隴上者此際輟
深耕有寄小婦詩中云香能損肺意宜少露
漸沾花摘莫頻一時傳誦摘錄于此

文

點字與也江南吳縣人○與也先生為文肅公孫隱居竹塢
城市罕見其跡工寫山水不輕許人有費介多方求之已
寫就笑問其人戀官職不顧堂
上即隨手裂破其狀介如此

國朝詩別裁集

卷七

元

教忠堂

呈芸齋先生

天寶開元事已陳風塵宇內老遺民偶談先世頻
揮涕為破家園只負薪訓子八行文不滅自注忠介
公家書
訟冤一疏血猶新自注芸齋為
父訟冤血疏衣冠古朴人誰識認是
林宗整角巾芸齋即忠介公家子子佩先生也一門
忠孝於贈答中傳忠義之得立言之難

渡江

青山如故人江水似美酒今日重相逢把酒對良
友

題曹升則照

古井心情不起瀾畫圖猶著晉衣冠形容莫誚吟

詩瘦曹見銅仙盤

陳

珏字比之廣
東海陽人

冬日同友人遊南巖精舍留宿次達上上人

韻

一路霜風落葉深偶逢知己入空林雲停似欲依
禪定鶴立居然有道心古洞燈微涵冥色夕陽鐘
動出寒音十年宰相渾閒事聊與山僧和苦吟

陸

進字蓋思浙
江餘杭人

題宋高宗六字碑

自注殊書傳
忠義孝之寺

雲門野寺古禪關片石戔戔烟靄間一自翠華來
國朝詩別裁集

卷七

辛

教忠堂

勝地常留宸翰紀名山丹文不變千年色碧蘚難
侵六字斑堪笑花官稱廣孝君親當日幾時還宋
高宗

朱爾邁

字人遠浙江海寧人○此亦王新城所
賞識者雖久精警而無顧自不落小家
難數矣一結讀笑之中嚴于鉄鉞

葛洪丹井西尋唐顧逋翁讀書臺舊址

陰陰澗底花落落嶺頭柏蒼蒼雲霧重渺渺人家
隔相傳葛稚川燒丹此中宅至今丹井間紅泉漱
白石石上臺何高栖遲合騷客新藻灑芙蓉英辭
動金碧千載人讀書余也忝後席學仙仙未成知
音懷風昔獨自抱琴來慨焉終日夕

鐵陵廟

弱冠雅負奇。矢志凌雲表。匹馬佩弓刀。出自三關道。報恩功未酬。獨立傷懷抱。歸卧南山南。荒林跡如掃。更上鐵陵關。往事尤悄悄。浮雲捲大旗。落日耀空堡。嗟哉明武軍。一往亂飛鳥。戰血鬱未消。化作山頭草。枝枝帶征魂。遺恨何時了。

韓純玉

字子遠浙江歸安人著有蓬廬詩。子遠係求仲子求仲為湯霍林所累不無失身之誤子遠終身抱憾時時飲泣

題李營正風雪運糧圖

自古嘗稱蜀道難。百步九折縈巖巒。何況嚴冬深雪裏。寒氛晦靄踰千盤。前峰峯聳律蠱天。起後峰連綿勢未已。猿猴不度鳥不啼。懸崖無根谷無底。我眉劍閣雲萬重。捫參歷井摩蒼穹。蛟龍蟠拏古木偃。蟠螭宛跪飛梁通。此時何處來徒衆。運糧千里輓輸重。僕夫股慄泥沒脛。車輪欲摧馬蹄凍。誰能畫者李營正。秋毫細晰天為愁。心神自與元氣合。筆力直與造化侔。營正本屬唐宗系。邦家正值凌夷際。隆準王孫泣路隅。紇干凍雀遙飛去。天寶以降傳乾符。車駕幾度留成都。漢陰饋餉騾背負。百官始得充朝餉。蜀道之難難若此。危途數困唐天子。當時寫此非偶然。後來題者趙承旨。承旨亦是

卷七

三

教忠堂

宋天潢筆墨神妙真相當徘徊歎賞最珍惜。似因弱宋悲殘唐。唐郊宋社久荆杞。又曾再閱滄桑矣。書畫還從世上傳。乾坤舊事隨流水。此卷經今八百年。卷中陵谷猶未遷。收藏印記亦屢易。令人對此情惘然。君不見自有書契來。陳迹悠悠皆可覩。空將哀樂感興亡。憑弔環州一抔土。嗚呼。豈必王孫心獨苦。

弱宋殘唐遙遙相應。見畫與題畫者無限經營苦心。不止筆墨之工也。人君尚德不尚險。意於言外見之。

漢陽渡口作

漢陽窺鄂渚。夾岸走長虹。小艇雙飛燕。中流五兩風。一江分二郡。三國鬪群雄。多少興亡事。銷沉向國朝詩別裁集

卷七

三

教忠堂

此中。自注楚江小艇一人。掉兩槳名雙飛燕。

玄墓山遇明孝廉徐昭法即別愴然有懷

邂逅逢君淚滿襟。殷勤重話歲寒心。還元閣上秋風急。尹樹堂前暮色侵。初服不隨滄海變。高情長與白雲深。暫時把臂還成別。欲訪幽棲何處尋。

還元閣尹樹堂勿齋先生讀書處

魏際瑞

原名祥字善伯江西寧都人。此魏子長兄也。魏氏兄弟。鈞臺云曾說婦人偏隻眼空傳霸主是重瞳。贈人云。天地有時餘爾我。英雄無主笑曹劉。可以見其氣概。

諸葛公墓

定軍山下柏蒙茸。曠古精誠在此中。三尺孤墳猶

漢土一生心事畢。秋風孫曹未滅成何世。天地無知喪此公。千載傷情惟杜宇。年年啼血樹頭紅。三顧頻頻

兩朝開濟舉其在生時言此舉其既沒後言立論各有所主

金山

大江東下海門寬。萬里奔流激箭湍。不信山從水底出。却疑身在畫中看。龍窩燈火千株動。蜃氣樓臺一點寒。誰道風波不可涉。風波危處却平安。

江頭別

白石山過紫石山。鷓鴣灘下鯉魚灘。山山連接灘灘急。遊子南還何日還。竹枝遺響

國朝詩別裁集

卷七

重

教忠堂

王遵坦

字太平山東益都人隨肅王平蜀以軍功得官至四川巡撫著前學齋集

雪浪灘

午枕不可竟。醒此驚湍聲。堆雪耀昏夜。殷雷喧夏晴。譬諸磊落士。所鳴恒不平。笑彼清冷潭。泯泯含微明。

古鏡

世間銅臭久塵埋。圓璧千年出洛街。曉步相隨雙鳳珮。晚妝應照九鸞釵。微茫斑駁雲生面。錯落光明月入懷。最好瓊樓伴仙子。素娥斜捧上瑤階。手澤

胡介

字彥遠浙江錢塘人有旅堂詩集

吳梅村被徵入都

海外黃冠舊有期。難教遺老散清時。身隨杞宋留文獻。代閱商周重鼎彝。滿地江湖傷白髮。極天兵甲憶烏皮。重來簪筆承明殿。記得揮毫出每遲。

幕府徵書日夜催。官開碣石待君來。歸心更度桑乾水。伏檻重登郭隗臺。花萼春迴新侍從。風雲氣隱舊蓬萊。暮年詩賦江關重。輸却城南十里梅。梅村出

由於徵名詩中特為表白

一尊兩雪坐冥濛。人在汪洋千頃中。老驥猶傳空冀北。春鴻那得久江東。榛苓過眼成虛谷。禾黍關心拜故宮。我亦吹簫向燕市。從今敢自惜途窮。榛苓禾黍

國朝詩別裁集

卷七

重

教忠堂

動以西方彼美廉靡行遠之思

碧海黃塵事有無。此來風雪滿燕都。遺京節度新推轂。盛世朝廷倍重儒。花暗鳳池思劍珮。春深虎觀夢江湖。悲歌吾道非全泯。坐有荆高舊酒徒。余舊

詩後云蓬萊宮裏舊仙卿自別青山梅遠行擬作羽陽離別賦江南愁殺庾蘭成恰如梅村身分讀此四章尤覺用意微婉

朱徽

字遂初江西進賢人

舟行零都道中

春日既已暮。山溪水亦長。緣越殊未極。茲焉復理榜。川原霽迴鬱。觸目紛萬象。鳥啼山木暗。人語灘

石響兩外峰明滅。風前花偃仰。岫轉失來蹤。沙明得前朗。魚跳碧潭中。猿引蒼藤上。壁隙鬼神刻。石皴仙人掌。時或遇平曠。郊屋兀三兩。予本倦遊人。取次愜心賞。逢山擬便登。遇水欣長往。只此區中跡。已深霞外想。何時縱所如。悠然息塵鞅。

舒忠讜

字魯直江
西新建人

滁州遇避寇人過江

半夜頻呼起。寒風送我行。英雄消馬跡。天地感雞聲。壘破纔添戍。村空又避兵。始知班定遠。不肯作書生。

國朝詩別裁集

卷七

五

教忠堂

國朝詩別裁集卷八

長洲沈德潛歸愚纂評 男 種松校字

江陰翁 照霖堂 長洲周 準欽萊同輯

屈紹隆

字介子更名大均一字翁山廣東番禺人諸生棄為僧名今種字一靈後復為儒著有翁山詩外○參天自云詩有

但指經綸罕人筆輒典詩有庸語入屈翁山手便趨洵為定論○翁山天分絕人而又奔走塞垣交結宇內奇士致發而為詩隨所感觸自有不可一世之概欲覓一磊落怪偉之人對之藝林諸公竟空其匹○詩外中七言古以古律句互用無治氣健筆舉之少

一片清鏘金石聲也七言律高渾兀果不事雕鏤五言律如

天半朱霞雲中白鶴令人望而難即大家逸品兼擅長

贈朱士稚

神虬樂泥蟠鴻鵠安紫荊飛騰亦何難所貴忘吾

形子房久破產一身如浮萍英雄不失路何以成

國朝詩別裁集

卷八

一

教忠堂

功名高歌送君酒詞采鬱縱橫神仙尔何愚猶未

齊死生明月在滄海光華虛復盈無懷千載憂酣

放聊沉冥天地一塵垢吾心獨太清英雄不失路二語亦千古亦贈人亦

遺自

奈何帝歌

陳後主將亡國鍾山羣鳥翔鳴曰奈何帝

奈何帝

奈何帝奈何帝風流亡國亦足豪美人相抱井中

墜可惜井中水不深美人不死傷我心淚痕化作

胭脂痕千秋漠漠苔花侵苔花侵美人墓在清溪

陰不死胭脂死清溪可憐不作井中泥國亡不恨

家園示弟妹

先人好種藥遺我神農書與子理常業參苓帶兩

鋤道從多病入力是耦耕餘莫歎生涯拙韓康此

隱居

攝山秋夕作

秋林無靜樹葉落鳥頻驚一夜疑風雨不知山月

生松門開積翠潭水入空明漸覺天雞曉披衣念

遠征天機自流其關人力

國朝詩別裁集

卷八

二

教忠堂

木末亭拜方正學先生像

宗臣遺像在對越孝陵雲周禮難為國姬公竟負

君龍蛇逃曠野日月在孤墳莫問三楊事忠良道

各分重臣之迂對父之墓二語遺盡結意鮮離絕曲意嚴斧斲春秋之筆也

靈谷探梅

幾樹傍朝陽門猶承日月光白頭宮監在攀折薦

高皇上苑櫻桃盡華林首偕長春風空有意先到

獨龍岡

雲州秋望

白草黃羊外空聞威塞哀遙尋蘇武廟不上李陵

臺風助。羣鷹擊雲。隨萬馬來。關前無數柳。一夜落龍堆。風助字有力。雲隨馬來。與謝茂秦風生萬馬。同各極其勝。

魯連臺

一笑無秦帝。飄然向解東。誰能排大難。不屑計奇功。古戍三秋雁。高臺萬木風。從來天下士。只在布衣中。一起安元三四十字。成句五六篇。臺結語見自己。抱負一只字。不許他人共為天下士。也有膽有力。

自白下至橋李與諸子約遊山陰

最恨秦淮柳。長條復短條。秋風吹落葉。一夜別南朝。范蠡湖邊客。相將蕩畫桡。言尋大禹穴。直渡浙

江潮。一氣神行。太白後無繼起者。此種詩正以不著圖點為高。

國朝詩別裁集

卷八

三

教忠堂

廣昌

此地蜚狐塞。神京一線通。長城帶天末。古戍接雲中。馬踏三秋雪。鷹呼萬里風。河流聲太苦。應為客途窮。

杜曲謁杜工部祠

城南韋杜滿川濱。工部千秋廟貌新。一代悲歌成國史。二南風化在詩人。少陵原上花含日。皇子陂前鳥弄春。稷契平生空自許。誰知詞客有經綸。少陵人皆知之。原本二南作者。獨拈出也。詞客有經綸。只殺房瑄一節。朱子深許之。

人皆知之。原本二南作者。獨拈出也。詞客有經綸。只殺房瑄一節。朱子深許之。

人日衡陽舟中

人日雪霏霏。孤舟上翠微。帆隨南嶽轉。雁背碧湘飛。知己惟長劍。還家復短衣。猿聲如送客。薄暮更依依。

弔雪菴和尚

一葉離騷酒一杯。灘聲空助故臣哀。金川自逐魚衣去。玉殿誰教燕子來。一姓終懷亡國恨。三仁難得遜荒才。君臣淚滴袈裟濕。悵望臺城日幾回。

望晉恭王園

襟帶河汾玉殿長。一朝弓劍委秋霜。將軍死戰哀寧武帝子。生降恨晉陽馬首關山空落日。城中歌

國朝詩別裁集

卷八

四

教忠堂

吹動清商悲風處處吹。松柏誰到并州不斷腸。

蜀岡懷古和卓子任

玉檻珠簾揔一丘。春魂多半在迷樓。靡蕪亦愛雷塘路。十月青青不肯秋。

陳恭尹

字元孝。廣東順德人。著有獨漉堂詩。廣南三家翁山檀長五律。藥學。長七古。幾無與抗行者。元孝自遜力量不及兩家。而諸體無善七律。尤矯矯不羣。詩名昂立不虛也。向從明詩。綜入前代。中今考元孝之功。在康熙中葉。仍三家並存。

日本刀歌

白日所出金鐵流。鐵之性剛金性柔。鑄為寶刀能屈伸。屈以防守。伸殺人。星飛電激光離合。日華四射。瞳瞳濕陰風。夜半刮面來。百萬愁魂鞘中泣。中

原歲歲飛白羽。世人見刀皆不顧。為恩為怨知是誰。寶刀何罪逢君怒。為君畫威威與儀。為君夜伏。颶與颶。水中有蛟貫其頤。山中有虎挾其皮。以殺止殺天下仁。寶刀所願從聖人。與樂事作用意各別而尊崇中國指歸略同勿但賞其能作

驚人極

贈余鴻客

蜀犬不識日。羣吠聲信信。越人賤章甫。不以易文身。中原龍戰二十載。萬事反覆如朝昏。我行驚懼伏草莽。舉國大笑為愚人。何來年少金陵子。肯道相思滿人耳。三年覓我二樵間。一夕逢君五羊市。

國朝詩別裁集

卷八

五

教忠堂

傾山倒海見胸臆。白日照耀肝腸裏。羈貧無酒留君歡。對坐江樓飢不起。是時積雨江上晴。丹楓亂落寒蟬鳴。長風駕浪作邱壑。蜃樓海市相崢嶸。趙佗朽骨為黃土。陸賈詩書亦何補。朝臺空有漢家名。浩歎今人不如古。今人古人間容髮。舉足之分邀燕越。眼前得喪等雲煙。身後是非懸日月。怪君茂齡懷抱奇。嚴君風義兼能詩。曾窺一二每心折。安得天馬無龍駒。荒城氣黑落日短。強為吾子停斯須。如君意氣復何道。所願故心終不渝。

柏舟行為區母陳太君賦

柏舟兩髦猶可儀。陶嬰黃鵠曾雙飛。夫人為婦已

頭白。眼中未識君光輝。自言生長大丈夫。經史胸襟炳如炬。父母有命兒有心。縱不言承已心許。心期願頌同一林。天教殊絕同辰參。人生意氣貴一諾。妾寧負天不負心。妾父有男。妾有姊。君家大夫只一子。有妻於俗得孤立。無妻為殤終已矣。素車白馬入君門。絲來為義非為恩。身安分命甘若薺。半生衣枕無啼痕。當年十五今五十。嗣子成立皆有孫。嗚呼男兒陷胸絕脰死容易。就義從容人所畏。青閨冉冉盛年徂。寸心一矢終不渝。千金之劍贈墓樹。至今談者猶區區。何況贈以千金軀。乃知未仕報韓者。古今所以為丈夫。負天不負心天指母氏本共妻母也天只句區大夫止一子無妻不立後則後絕矣此陳太君能見大義處詩中曲曲傳出

邊草

勿論榮與悴。今古恨無窮。雪散燒痕上。青歸戰血中。天長垂大漠。地遠後東風。獨有明妃冢。年年似漢宮。青歸戰血中五字驚人

秋戍

漢皇猶自將。率土敢言勞。共命惟良馬。餘生託寶刀。侵霜秋柝冷。占氣夜天高。未見功成日。還家已

二毛

蜀中

子規啼罷客天涯。蜀道如天古所嗟。諸葛威靈存
八陣。漢朝終始在三巴。通牛峽路連雲棧。如馬瞿
塘走浪花。擬將昔賢魚水地。海棠開遍野人家。
巴蜀漢中漢於此興後主不能守蜀而漢亡矣四語可與論古

鄴中

山河百戰鼎終分。歎息漳南日暮雲。亂世奸雄空
復爾。一家詞賦最憐君。銅臺未散吹笙伎。石馬先
傳出水文。七十二墳秋草遍。更無人表漢將軍。
表揚才華

卷八

七

教忠堂

擬齊蘇軾
論最平允

隋宮

穀洛通淮日夜流。渚荷宮樹不曾秋。十年士女河
邊骨。一笑君王鏡裏頭。月下虹蜺生水殿。天中絲
管在迷樓。繁華往事邛溝外。風起楊花無那愁。

虎丘題壁

虎跡蒼茫霸業沉。古時山色尚陰陰。半樓月影千
家笛。萬里天涯一夜砧。南國干戈征士淚。西風刀
剪美人心。市中亦有吹篴客。乞食吳門秋又深。
極哀

一洗簾白
此為得之

送姜山上人遊南岳

送師西去重低徊。曾上衡山絕頂來。夏帝碑無蟲
篆徧。楚天峰斷雁行迴。燈前鬼筆穿沙出。霽後僧
門鑿雪開。正是到時三二月。上方明月下方雷。
新景

發舟寄湛用啗鍾裴仙湛天石

扶胥古渡水淒淒。雨後移舟望轉迷。數口寄居秋
草外。一身為客楚雲西。家無兄弟依朋友。地夾河
山畏鼓鼙。知已片言應不負。亂離妻女藉提携。
新景

明宛轉關生
情文並至

國朝詩別裁集

卷八

八

教忠堂

讀秦紀

謗聲易弭怨難除。秦法雖嚴亦甚疎。夜半橋邊呼
孺子。人間猶有未燒書。

董道權

字秦雄浙江興縣人。秦雄詩工於言情。層出不窮。有長袖善舞之態。

雪中答李杲堂

鄢陵孝廉重然諾。約我今秋醉桑落。先人有友官
并州。我欲從之客雁丘。高堂有母缺甘旨。負米何
辭數千里。杲堂李子憂我閉門飢。欲死告以遠行
為色喜。酌我黃金壘。贈我青銅錢。低徊不忍別。此
別須經年。袖君之錢醉我酒。城東城北頻回首。歸

來兒女。候柴門。笑指瓶中不盈斗。牽衣問我欲何之。今年豐熟仍苦飢。耶未出門共耶語。耶既出門啼向誰。示兒袖中錢。故人佐行李。移與易米薪。且以救妻子。量米數新堪。作數日食。買舟無資行不得。他日仍登李子堂。李子為我作歌聲。蒼涼曳履依然守蓬華。得酒且與傾壺觴。昨夜雪花如掌大。草閣嚴寒只僵卧。午餘日色照西窗。起把君詩讀幾過。窗前冰雪消有時。故人顏色長相思。友人贈錢為遠行資乃編

易薪米仍守蓬華負士實有此苦也仍復登友人堂賦詩飲酒絕無憂鬱猶見古人交遊

王麟友同宿客舍志感

國朝詩別裁集

卷八

九

教忠堂

廣陵城中夜擊柝。廣陵城頭啼烏鵲。爾我相逢語正繁。僮僕無情睡先著。微風忽起搖燈光。輕寒稍覺侵衣裳。鼓聲坎坎下三四。解衣滅燭眠匡床。與君展轉各無寐。細數年來不得志。為惜天涯此日身。轉憶先人舊時事。君家曾祖大司空。清名文譽聞江東。神光兩朝焚諫草。燕齊百郡銘河功。聞訃朝廷倍惆悵。特命春官子祭葬。危酒分出天府漿。墓道築就東園匠。此時萬國來車書。至尊別殿夢華胥。潼關烽火起倉卒。延秋龍闕爭欹歔。若翁司空冢孫子。自拜國恩心國恥。策馬請監丞相軍。守

城遂同丞相死。此時君作懷中兒。何處尋來馬革屍。今踰二十善詞賦。夢我開卷徒傷悲。吾翁若翁交最好。吾翁賢書年獨早。七篇屢下南宮第一裘。散盡長安道。負囊簪筆越王臺。角弓鐵騎吳山來。白眼世上誰共語。散髮江湖祇自哀。閉門著易忘暮年。把酒讀史呼蒼天。嗟我三十尚失意。山高著述何時傳。若翁遊魂歸未得。吾翁買土葬無力。相逢此地喜欲狂。相看今夜愁如織。披衣起坐聞荒雞。槐檜在天明月低。客舍相遭追述累世交誼悲怨甚百感茫茫自是意動神隨之候

任元祥

字王谷江南宜興人諸生。王谷與陳其年善時其年著聲藝林王谷親其詩有才無情以倉卒取辦為才奸何李

國朝詩別裁集

卷八

十

教忠堂

雲間而不師杜老持論如此不獨詩品之高其直諒從可知矣

善哉行

人生大難車摧馬煩。今日相對皆當盡歡。一泛舟五湖風波萬端上山采薇虎視耽耽二身受國恩披髮佯狂媿無豫讓以報趙襄三密雪閉門飢寒苦侵妻子相對難與論心四悲歌慷慨惟有友朋月落烏啼旭日方升五

寄侯朝宗

雪苑春陰度玉珂。大梁公子倚彫戈。市無朱亥經過少。客有於期恍惚多。落日千家翻白羽。桃花三

月走黃河風流江左遙相憶潦倒尊前有放歌可作

侯開國字大年江
南嘉定人

吳條聞來自婁東同泛舟錦峰飲於瞿園小

閣

乘輿同移書畫船名園步步許流連松林碍日常
疑雨鳥道穿雲欲上天山勢北來當小閣湖波南
望接平田酒闌無限滄桑感話著開元各泫然

周在浚字龍客河南祥符人著有攝山園詩○龍客系樓園
侍郎次子雖述家學惟恐不力時有蘇轍有子之目

送屈翁山返嶺南

國朝詩別裁集 卷八 十一 教忠堂

先生奇絕處直似李青蓮心愛飛仙術詩多游俠
篇千金輕一諾孤劍歷三邊歸隱羅浮頂梅花伴
醉眠如遇翁山并
如遇太白

將歸青齊先送雲巖兄返大梁

太行南接黃河岬一片帆開古汴州欲去空勞親
串望將歸翻使弟兄愁亂雲磧裏驅羸馬落日城
邊擁敝裘嘆息故園多難後洪濤又報決商邱

柳文字長在四
川遂寧人

送施又黃還吳門

親老遊何遠長安羨爾歸西風悲落葉征馬戀斜

暉詞賦無今古煙霞少是非淵明三運菊留待護
紫扉

夏熙臣字無易湖
廣孝感人

施州衛寄所親

環衛皆君長東南盡竿叩流官乘小駟蠻婦織花
寶刀劒生睡鬻衣冠列附庸不煩司馬檄尺土亦
王封

蔣注字瞿東江南吳縣人著有三徑草堂稿文
文肅序之今並散佚錄扇頭所書一篇

登岱

天門千丈立崔嵬鐵削雙峰一徑開山界魯齊盤
國朝詩別裁集 卷八 十一 教忠堂

地軸禪隆秦漢剌仙臺黃河北繞青丘出碧海東
依紫塞回欲倩盧敖九節杖晴披闔闔望蓬萊

吳炎字赤溟江南吳江人○擬明樂府一卷意
欲追述西涯而中丞舌一章尤爲矯矯

中丞舌悲辣子
寧也

成王走周公帝二三孤臣死不避願爲良臣良臣
安可爲願爲忠臣身亡赤族寧足悲臣舌尚在
能嗤臣舌雖割心難移宮中屍不可別地上書不
可滅金川玉屑留人間何繇獨割中丞舌

吳祖命字鄴衣江
南吳江人

詠史

天祿高然太乙藜。玉堂東畔石渠西。君王讀罷賢

臣。頌偏遣王褒訪。碧雞機不能用賢也。錄史詩自應以賦論行之

姚文焱字芳昭江南桐城人著有楚遊詩

赤壁

天空木落石崔嵬。懷古憑軒倦眼開。山勢欲奔吞

浪住。江光不斷抱城來。英雄氣盡三分業。詞客名

高兩賦才。只有文章傳勝地。簫聲鶴夢總塵埃。

吳綺字蘭次江南江都人由選貢生官湖州知府著有林蕙堂詩集。蘭次守湖州檣治豪猾喜賓客四方名流過從賦詩如錢夢短客比亂山多可以想其風趣矣

程益言邀飲虎邱酒樓

國朝詩別裁集 卷八 三 教忠堂

新晴春色滿漁汀。小憩黃蘗畫漿停。七里水環花

市綠。一樓山向酒人青。綺羅堆裏埋神劍。簫鼓聲

中老客星。一曲高歌情不淺。吳姬莫惜倒銀瓶。三四

山塘風景如畫

贈趙尊客

閩客浮家泖水湄。孤踪不許俗人知。春衣典盡綠

沽酒。晨窾無煙獨愛詩。晞髮未忘文信國。論心長

憶鄭當時。何來忽作思鄉曲。擷采幽香絕妙詞。

見人扇頭是友沂。絕句愴然和之

歌版當年出絳紗。綠腰紅袖盡鉛華。只今便面春

風在。曾向章臺拂柳花。

入署

平明初下紫宸班。錦署無營晝掩關。閒拂案塵思

往事。一杯涼雪祭樹山。兵部有樹山題名故祭之

友人納姬戲為催粧。姬汪姓南人也。

蛺蝶輕羅押蒜金。燈前小立倚瑤琴。桃花潭水兒

題畫

家住只問郎情深。不深。

怪石頽雲勢不平。西風捲出大江聲。漁郎醉卧蘆

花裏。笑指何人觸浪行。

國朝詩別裁集 卷八 古 教忠堂

江村春日

黃雲字仙雲江南泰州人著有悠然堂集。仙雲負氣慷慨人以俗語俗事相嘲謔罵之率目為狂生

門前芳草路春到。有誰過。曙鳥喧寒樾。條風動綠

波。性迂求世少親健。得天多。莫訝將強仕。猶然隱

澗阿

經落帆亭是癸巳春與陳澹仙先生別處

故交十載散浮萍。橋李風煙此再經。今日獨齋磨

鏡具。當時相送落帆亭。東門蟻酒春猶綠。南浦絲

楊晚更青。只有寢園生宿草。鷓鴣啼處不堪聽。

婁東修復前觀察馮留仙先生祠宇

憶昔驚心丙子年。誰將隻手獨扶天。舉朝半醉烏程酒。名士拚沉白馬淵。黨禍清時公又死。奸謀用後鼎俱遷。寧知宗社正墟日。廟食東南肅几筵。明思宗廟

烏程溫體仁當國。嚴善類小人多附比之社。所以屋也。三四為記實語。

梁谿舟宿聞吳歌

雞唱煙中亂。漿鳴夢回酒醒未天明。江南風景彫殘後。纔聽吳歌第一聲。

宗元鼎

字定九。江南揚州人。著有芙蓉集。定九愛潔不減倪高士。為詩最重風調而性情因之以出。非漫然語也。集中

七言絕句尤近中晚唐人

早秋

國朝詩別裁集

卷八

五

教忠堂

我行初出郭。新月似蛾眉。幾夕望舒圓。今復蟾兔虧。匪獨此朝夕。百歲亦如斯。懷情不能寐。徘徊向中墀。側聞草蟲鳴。仰望繁星垂。人言秋漏長。已覺衡漢移。千念未夜息。萬感與朝期。長卿恒有疾。子雲終何為。引領還躑躅。淚濕衣裳縑。

題郊居

茶竈聲清響。竹廊小亭新。構面橫塘漁。夫晚唱煙生。浦桑婦遲歸。月滿筐。一嶺山花燒杜宇。滿池春雨浴鴛鴦。籬邊犬吠何人過。不是詩僧是酒狂。

冬日過甘泉驛

記得當年來古驛。馬鞭帶雪繫樓前。雙柑香灺佳人手。半臂寒添酒客肩。忽見荒隄摧暮草。空傷衰榭沒寒煙。風塵滿目深惆悵。却望誰家寄醉眠。花得

上下半篇自成章法。雙柑一聯。渾渾洋洋。謂似才調集中語。

百尺樓

素機翩翩月一鈎。凌雲風致想高樓。江南歌舞尋常事。便遣曹彬下蔣州。連下章用意遺詞。神似玉溪絕句。

吳音曲

壁月庭花夜夜重。隋兵已斷曲阿衝。麗華膝上能多記。偏忘床前告急封。

國朝詩別裁集

卷八

六

教忠堂

留鄒訢士

新開蘭蕙正芳菲。初到鮪魚入饌肥。最好流光是三月。如何拋却渡江歸。

潘高

字孟升。江南金壇人。著有南村集。南村詩古淡生新。絕無雕飾。而自然合度。金壇詩人無出其右者。漁洋詩話謂陳其年與子書云。有潘高者。貧而工詩。久別無可言者。止此一物。奉獻潘有寒食一絕云。黃鸝數聲雨。疎疎云云。今讀其稿。格高者甚多。以此篇止風調可聽。恐非上乘。

初春有述

我生無他長。所耽惟種樹。樹中尤愛梅。為其能守素。守素有同心。相將老巖穴。花時犯清霜。坐到將殘月。家園興未足。尋梅過太湖。梅花如白雲。茫茫

路欲無入山不忍盡下山元獨宿鐘清何處寺花
隱誰家屋顚言寄吾友一枝折寒林微物何足貢
將此歲寒心能守素守此歲寒心也一篇大旨如此

送友人之中州有懷同社并陳子其年

臨觴送君發正值榴花時雨過風蕭然空江浪遲
遲行行君所經冉冉子所歷若宿伊陽村為望嵩
山月致我平生友寄我一行書相看成契濶鬢髮
復何如陳子未相識相思亦已久為我一問之知
有南村否歸雲帶雁飛清霜點客衣旦晚有題字
應報溪南扉

國朝詩別裁集

卷八

七

教忠堂

憶幼子

少年會有役辛苦何足言四十今過二向後多哀
年撥棄悠悠情當從予所便夜分偶感觸顧影心
悄悄憶我去冬時種麥來溪田小兒纔五歲叱叱
揚耕鞭隨我至溪畔背我弄溪泉日暮徐來歸持
鉏趨我前今春忽假館僻近西山偏牽衣頻送我
正傍溪田邊溪水亦活活溪麥亦芊芊自從別家
來歲月如流遷麥今已可刈兒今誰共憐我意欲
反樞遇事苦迢遞懷鄉方竚立東望惟雲煙情憂至
去陶公未遠

傳出無心學陶
去陶公未遠

晚上焦山絕頂至暮歸宿山莊

初日江荒荒曉煙不可罷稍行見青螺漸次辨蘭
若人行穿鵲巢路窄盤石罅逾時攀險絕早已驚
哀謝樹古巖就穿樓高雲許藉一盡巔崖趣旋從
別徑下落木響蕭騷寒潮勢奔瀉欲歸路非遠問
渡風稍借可憐江上月先我在茅舍酌酒勸影形
嗒然坐清夜此首又近李頎常建。本朝五言古李景堂等
首刺峭潘南村每首清真求參立者或難其人

古意

跨馬塞北地百戰封一侯釣魚江南天一竿占十
洲此事孰不知大白為我浮醉起唱銅斗此樂君
國朝詩別裁集

卷八

大

教忠堂

知不能存此樂散人
勝萬戶侯矣

留別

水落溪田出霜清下種時煙中送人早雨外到村
遲松隔誰家屋花明是處籬君今荷篠者吾亦在
東菑

寄梵川諸友

柳暗溪南路柴門第幾灣人隨春水遠鳥帶夕陽
還綠過孤村雨青浮隔縣山徘徊芳草意不盡暮
雲閒

雜感

陰山沙磧捲雲飛。戰罷秋風咽鼓鼙。曉上空歸都
護馬城南盡。羽林妻。蕭關明月悲笳動。遼海孤
煙雜部齊。遠戍議添新介冑。不知獵騎過安西。

秦淮曉渡

潮長波平岸鳥啼。月滿街一。聲孤。權響殘夢落清
金陵詩社諸名流咸在賦秦淮曉渡爭勝者多長篇累幅南村曰我年
老才竭只二十字也出示衆人皆歎手服甚有袖詩不出者金壇康東

云畢

春感

江水悠悠泛畫桡。東風何處不魂銷。春歸萬里無
消息。又過垂楊舊板橋。

國朝詩別裁集

卷八

九

教忠堂

寒食

黃鴉穀穀雨疎疎。燕麥風輕上鯉魚。記得去年寒
食節。全上家泊船初。

惲日初

字仲升江
南武進人

觀王石谷畫山水圖歌

琴川王郎年正少。放筆往往稱神妙。靈想寄與造
化通。幽襟獨寫溪山照。看君得意時。意若旁無人。
抽毫欲使羣峰奔。躊躇顧盼久不下。素練忽破青
山痕。誰剪羅浮煙。驚落華陰碧。勢偃研北松。欲隨
壁上石。冉冉嵐氣蒸。轉目無留迹。營丘洪谷不可

攀人間久矣。無青山。此時窺圖發清賞。高興半落
雲沙間。何處覓丹梯。何方種瑤草。煙霞四壁吾將
老。援琴待掃十丈綃。坐我雲邊弄仙島。

方膏茂

字敦四江
南桐城人

歸家

此身拚永別。那意得生還。征騎才門外。喧聲已戶
間。心舍他日淚。眼認去時顏。嚙臂知非夢。今朝真

入關

喧聲已戶間即少陵鄰
人滿牆頭意工於脫化

張宸

字青珊江南華亭人官部郎○汪鈍翁序青周詩謂其長
於臺閣體梅村先生推許之然官不越郎署年不及老期
甚爲惋惜今閱其稿工穩者
偏在愁苦之言故舍彼取此

國朝詩別裁集

卷八

十

教忠堂

送張翼西駙馬還京

自注時貴
主已薨

昨歲星霜共尔行。今年楊柳又啼鶯。漳河銅雀淹
新雨。燕市金臺赴曉旌。我醉但題鸚鵡賦。君歸重
惜鳳凰聲。粧樓翠幙春無數。憔悴人間孫子荆。

楚中秋思

日落長沙楓樹紅。斷猿啼處暮雲空。可知昨夜鄉
關夢。身在寒煙萬點中。

汪志道

字覺先浙江
錢塘人諸生

杜茶村留飲書齋時有故宮人在座

浣花溪上話殘春。詩句文章老更真。酒半一聲河

滿子。不堪重見孟才人。與高書贈冬哥作同一樓院而此於遺民席上見之其情更深

路鶴徵字湘舞江南華亭人

籠中鸚鵡

縱有雲霄志。其如鍛羽何。語言徒自巧。文采累人多。隴坂關河杳。雕籠歲月過。翠衿渾短盡。愁絕少陵歌。文采累人一篇主見補正平後柳柳州劉連州皆其人也故君子有取於英白

王懋忠字思罔江南婁縣人邑諸生

和宋既庭顧茂倫劉西翰沈石均滄浪亭詩

煙外吳山數點青。寒波渺渺抱空亭。國門尚奉將軍令。海徼方高處士星。豈悔鄒枚惟作賦。何妨申

國朝詩別裁集 卷八 王 教忠堂

伏且專經臨岐不作楊朱泣。漁父滄浪曲可聽。中四贈四君子而滄浪亭只於起見之另成一體。時園城今未除齊妻三門間皆此兵所故三語及此後從蘇韓公世時奏請撤之

贈柳較書

一卷新詞記轉鶯。重來曲巷共逢迎。挑燈莫唱開

元曲花落江南涕淚橫。與岐王宅裏崔九堂前之作一種風神

范 超字同封江南上海人

雪灘釣叟歌

雪灘釣叟人不識。持竿日坐灘頭石。渭水遭逢事有無。英雄老作江湖客。問爾垂綸定幾年。笑而不答鬚飄然。知君原乏求魚志。擊檝還吟秋水篇。垂

虹橋門七十二。君家恰在橋邊住。茆屋斜開白板扉。釣船橫繫枯楊樹。日落沙頭增暮寒。江天風雪正漫漫。朝來凍合無魚釣。好脫蓑衣當酒錢。此為吳江顧茂

作倫

紫紹炳字虎臣浙江仁和人。西冷十子詩選虎臣與毛稚黃爲主。撰詩教陵夷而斟酌論次以期力追淵雅也虎臣詩營構精堅時嫌過客故特取其清疎淡蕩者

酬毘陵劉慶雲湖上見贈

劉生纔把臂。獎載客錢塘。一見如相識。重遊即故鄉。春陰桑葉白。日暖柳花香。未遡湖山興。高歌那

斷腸。桑葉非白柳花無香然古語云杏花感桑葉白太白云風吹柳花滿店香詩人引用皆有所本

國朝詩別裁集 卷八 王 教忠堂

喜陸大景宣歸河渚

征途幾歲竭歸來。庾信江南重可哀。春雨草連村市沒。曉風花傍戰場開。我思賣藥仍無地。君定垂綸何處臺。憶是他鄉成浪跡。故人相見且銜盃。

沈 謙字去矜浙江仁和人著有東江集。朱竹垞云去矜少喜溫李後乃循漢魏之規模得初盛之風致其意真而不溢其聲和而不流

引聲歌

外極莽蒼。內保精粹。至人不言。四時咸備。理不出身道不在智。形體塊然。神明所寄。虛心實腹。抱道守真。大化迴薄。與仙者鄰。運幹圓象。數匝廣輪。陰

陽不害庶得平均

可參子欲無言意及老子守其環中等意

樵歌行

自注祖望自號西山樵夫嘗以漁父詞贈子故有此答

西山樵夫方壯年手持樵斧西山邊
朝向西山石上坐暮向西山雲際眠
行人過者問樵夫顏君共坐語斯須
美髯如戟好身手虎狼不顧千金軀
深林杳杳白日落請君且去住城郭
豐貂錦衣不識寒肥肉美酒供大嚼
暫時俯仰誰復嗤恐隨霜露填溝壑
樵夫不答自微吟東江漁者知我心

送人之山東

君去遊齊魯誰憐泣路隅
沙深埋馬足風利斷人國
朝詩別裁集

卷八

五

教忠堂

鬚鼓楫河流隘瞻雲嶽色孤
蘭陵多美酒愁絕更須沽

晚眺

川原望不極孤客自登臺
落日大荒遠平沙秋雨來
青門生事渺白石壯心哀
歸思西風後空憐作賦才

送友人北上

嗟君此行役把酒一沉吟
驅馬河冰滑聽雞夜雨深
鼓鼙孤客淚書札故人心
念母歸應早天涯弗帶淫

虞黃昊

字景明浙江石門人

楊柳枝辭

楊花如雪撲征衣馬上征夫苦憶歸
曾向曲中回首望而今真在路旁飛

陸

字應京浙江錢塘人漁洋詩話謂屬京晚年遠遊不歸或云在嶺南為僧名今龍而朱竹垞太史謂其入武當為道士終莫能定也

七夕有感

萬里晴雲澹素秋海天東望更生愁
黃姑鵲通斜漢明月嬋娟照戍樓
剖核誰當來阿母吹笙何路問浮丘
可憐攜手闌干淚空擬歸來尚黑頭

國朝詩別裁集

卷八

五

教忠堂

九日

哀颯秋風朔氣迴中原何地可登臺
五湖極望層波渺四野吹笳薄暮哀
江燕塞鴻紛自代紫萸黃菊已徒開
最憐此日憑高處短髮蕭蕭照酒杯

與歌者陳郎

落日橫江老白蘋同鄉倖問一相親
未嫌李尉翻新曲偏喜何戡是舊人
玉管漫吹秋月白紅牙曾按綺筵新
坐中恐有傷心客莫唱伊涼水調頻

送朱生之秣陵

華館張燈酒共斟清霜朔雪晝陰陰
上方請劍高

名著廣柳容人俠氣深醉後難忘公瑾曲愁來獨
抱琵琶秦淮渡口花爭發莫負當年桃葉吟唐杜牧詩

而為直臣者

毛先舒

字稚黃浙江仁和人東苑詩鈔○漁洋詩話余喜毛雅黃西施絕句云別有深恩酬不得對君歌舞背君啼此意

未經前人道過

孔北海融達志

炎炎當路客奕奕朱門開雄雞無三號冠蓋紛沓
來志士大所營漂漂窮無依結根在累世安能灼
餘輝歷觀古俊民功成道何微子牙尚陰謀管仲
器小哉人生履國步周道自我夷猛虎扼其項何

國朝詩別裁集

卷八

五

教忠堂

况狐與狸此身勤君父安得慕夷齊曲士矜一節
度外寧所希寧為白玉碎不為長伏雌北海目中直無曹瞞經營國難不慕夷齊其素類然也寧玉碎而不為瓦全故卒被禍擬古詩須設身處地為之

裁衣曲

剪征衣親手作君身長短何須度肥瘦定然不如
昨新衣為君裁舊淚為君落還將銅斗細熨灼莫
使衣上沾猩紅君見淚痕不肯著思路音節近接青印遠接文昌仲初

張丹

一名綱生字祖望浙江錢塘人有從野堂詩集○此西陵十子中嬌嬌者向共推其七律而五古生辣結縵終以此

體擅

白竹村

路盤白竹村崎嶇探窮谷居人八九家林杪樺破
屋下惟四柱立亭亭不附木仰視如鳥巢夕暝梯
雲宿樓動晚風吹萬竿如夏玉已防虎豹害復懼
麋鹿觸我行多彷徨不敢岐路哭從者俱飢色清
潭聊手撫吾語勿苦飢餐松毛羽足寫竹屋荒陋如見

涿州城

曉霜不在地微白生牛背遙望涿鹿城隆隆沙磧
內控縹走其下壁立皆土塊此地古范陽甲兵天
下最側耳聞啼飢傷心自我輩野狼遇人噪蒼鷹
攫雉碎生涯底如此浩歎茲行邁天下之險可使有飢民耶誰謂山壁人不留心

國朝詩別裁集

卷八

五

教忠堂

晏城

小小古晏城西對華不注昔之晉卻克逐馬匝此
處我行實已憊解鞍歇薄暮鴉集嘯其羣老鳥守
枯樹不見古人迹斷碑委樵路手摸苔蘚痕字句
讀未誤平仲之采地緬然起思慕奈何千載後無
沒如野成相望有遠山恐是齊朝附

登城西南隅次毛馳黃韻

野濶天高楓葉丹鳳凰城上倚樓看苔深玉馬秋
逾靜露澀銅駝曉未乾南浦雲屯千騎合西陵木

落萬家寒。愁來鼓角霜前動。莫聽征鴻去渺漫。

陸嘉洲

字水修浙
江海軍人

蕪城感舊

花影鶯聲句偶傳。無端真得玉人憐。劉郎前度身猶在。杜牧三生事惘然。銀燭夜闌分險韻。畫欄春半響么絃。玉鈎斜外傷魂處。落盡桃花叫杜鵑。

郭襄圖

字舉旭浙
江平湖人

贈鮑子韶即送別

看君心事欲凌雲。客裏悲歌日易曛。每笑成名皆豎子。翻因長揖重將軍。焦桐未盡留知己。白鳳時國朝詩別裁集

卷八

壬

教忠堂

吞只賣文。憶向五羊同叱石。燕臺相見又離羣。

顧萬祺

字庶其江南
吳江人諸生

鬪雞坡

紅粉宮中小隊齊。花痕凝碧草萋萋。一從孫武歸山後。不教三軍教鬪雞。

盧元昌

字文子江南華亭人諸生。○文子衡門兩版下。惟著書選定古文不脛而走。爲詩少權謀之詞。多愁苦之言。由生平遭際使然而須法常在少陵。故憂傷感憤。不知其然而然也。上海陳生龍嚴爲余述其梗概如此。

哭李在涓

汝書粘在鐸。三載字依然。薄宦嗟無祿。投荒竟各天。老魂霑旅雪。客夢叫孤鶩。誤汝真升斗。泉臺恨

肯捐。

薄宦天涯客。頻年幾箇回。挑燈搜鬼錄。把酒話泉臺。後死青山在。餘生白髮催。羊城李少府。丹旆早歸來。

第一章哭少府此章
痛逝者而行自念也

北塘晚棹

悠悠北塘棹。落日轉蓬科。留滯無安土。東南病把戈。江寒魚罷靜。月上虎蹤多。去去勿復道。蒼生可奈何。

第五語經所云
三星在胃也

沈友聖妻歸述王維夏近況

雞林今罷市。玄晏亦停披。天下書誰讀。中原戰未

卷八

壬

教忠堂

夷。干戈留短褐。貧賤養鬚眉。我有千秋業。嗶嗶杜甫知。

登吳六益藻野閣次韻

凭欄極望思蒼茫。南北關山雁幾行。萬里故人偏海角。十年兄弟一匡床。欲謀土室真成狷。便哭窮途未是狂。愛爾灌園能樂志。樓前長種百株桑。

應指漢
槎遠成

羣忠祠

徐海樓船捲土來。角聲吹落暮雲哀。將軍卧鼓空城閉。國士搴旗戰壘開。五尺汪童能破賊。三千瓦

氏浪銜枚。自注明世廟徵氏兵禦倭甚暴先朝祠宇還香火。蕭瑟寒

鴉夕景催。此死倭寇之亂者

次韻酬楚中楊長公學博伊父曾殉甲申之

難

先生本是關西子。不信而今我道窮。小草一官悲薄命。文章萬卷哭秋風。蕭蕭泳鹿雙蓬鬢。窈窕玄亭獨老翁。相對話殘嵇紹節。尊前淚滴夕陽紅。

哭箕兒

舉目伶仃欲斷魂。汝生惟此藐孤存。翻教哀祖爲嚴父。休道無兒幸有孫。白首未拋苦海累。黃昏孰問寢門溫。床頭零落殘書卷。幾度青燈屋漏痕。

國朝詩別裁集

卷八

无 教忠堂

胡渭生。字壯明浙江德清人

吳山觀潮

扶桑東極水雲昏。溟漲連天入海門。白鷺千羣沙際影。青螺數點雪中痕。石當羅剎聲偏走。風折西陵勢益奔。徙倚伍胥祠下望。鴟夷信有未招魂。白露千羣

用枚乘語意青螺句即蘇詩所云越山暉在浪花中也

吳

父。字修齡江南崑山人。修齡著正錢錄又著國鑑詩話擇斥諸家所爲詩摹倣西昆然重疊贅積纖繁而未歸自然與平日議論不相關照所謂貴人斯無難者也存其佳者二章以識大概

秦

質子妖姬貨可居。六王未畢已邱墟。鞭橋東去無靈藥。驂乘西歸有鮑魚。黃犬淚中慙廢立。白蛇醉裏報驅除。當時早爲秦非計。牧地爲封食有餘。

蜀漢

季世唐虞只此時。泗亭天壤捨人違。三交城下波聲急。五丈原頭日色微。西國無煙生火井。東鄰有女落螺磯。不關鍾鄧能緣險。黃皓譙周盡識機。落螺磯

字未

譚吉瑄。字舟石浙江嘉興人

弔戰場

國朝詩別裁集

卷八

三

教忠堂

祈連山下草。寂寞少人煙。魂魄千年後。還思渡酒泉。言故鬼猶不忘歸也前人以此構無定河邊青猶是春閨夢裏人爲善作古語此篇正復相似

朱克生

字國棟江南寶應人太學生著有秋屋集。王漁洋贈詩云海內風聲調未孤故人才筆妙殊湖即此可以想其詩品

遲陳水壑

非關長憶汝。舍汝欲誰親。天地餘殘臘。江湖剩幾人。一杯驅歲月。斗室傲冬春。自有千年在。何須歎苦辛。一氣直下千鈞筆力

送陳子壽往河南

匹馬遊梁出帝鄉。贈鞭重集酒鑪旁。那堪旅舍逢離別。正值家園作戰場。汴水月明沙雁過。薊門霜

動夜砧涼傷心去住同搖落不獨悲秋淚滿裳分爲河南

動北而末以一語
據承格律甚細

俞南史

字無殊江南吳江人諸生○無殊山人安期字羨長之子羨長以博雅勝無殊出以清空父子各擅長也

過顧茂倫邨居

境以居人重情因遇故深酌泉偏愛淡看竹共分陰草木山中歷桑麻世外心閒吟忘永夜明月照披襟

黃九河

字天濤江
南泰州人

北上於袁浦發家書

丈夫志四方不受兒女羈苟懷萬里志勞勩何足國朝詩別裁集

卷八

三

教忠堂

辭昨發海陵城今宿淮水湄附書於送徒援筆中心悲親亡兩弟弱支戶惟中閨水旱歲頻仍全家常苦飢官租宜早辦西疇勤耘耔幼弟學易荒肅恭承明師回首望螺山先壟草離離遠行戀所生貧賤無歸期苟能行直道何懼路險巇長安多親舊音驛日夜馳紙短苦意長桃燈重封題欠伸啓蓬窗月落邨鷄啼

直爲八行中語歸到戀所生行直道即所云明發不寐蠻陌可行也

王孫晉

字左公江
南寶應人

南閩

久客欲歸去翻愁行路難極天圍萬嶺平地落千

灘水立驚蛟鬪風腥哭虎殘悲歌烽火夕流落恨儒冠

韓

留

字經正直隸宛平人著有天樵子集○朱太史竹垞序云石耕終身不娶比之牧犢子五言清麗自足名家子韓取其七言以其情韻纏綿尤足動人也

夜

出門寒輝看向圓清宵白雲多在天歸人已絕四鄰靜老樹葉墮風淒然門前即是寒溪路坦步徐吟過古渡長橋立久人不知明月相隨自來去

九日登雞鳴山

聞道東籬菊已黃無因移向酒尊旁西風忽起野國朝詩別裁集

卷八

三

教忠堂

煙暮落葉亂飛山樹蒼雁帶寒聲歸渚急江涵秋水與天長浮雲遮盡登高眼不許愁人望故鄉

雨中送春

綠草踈籬映水濱清溪窈窕四無鄰一簾細雨仍飛燕幾日殘花又送春多病翻愁今夜酒傷心如別故鄉人明年寄跡知何處早向天涯慰苦辛

古之傷心
人不能道

王邦畿

字說作廣東
番禺人貢生

春郊

閉門日以久出郭尚鳴鶯爲愛清溪色春風百草

生雲低滄海。樹潮上夕陽。城何處。山中叟。猶聞伐木聲。錢列遺韻

過易水

地入幽州白日沈。寒雲莽莽水陰陰。亦知七首無成事。只重荆軻一片心。鉅術之疎中心之義盡於十四字中矣綱目書荆軻為盜未為平允

梅

字約司江南宣城人著有警山齋集

秋日

秔稻朝初熟。荷花晚更香。螢飛過竹暗。牛飯就松涼。斯世多充隱。吾徒半醒狂。愛從田父飲。雜坐亦何妨。王漁洋見田家飯牛中有所感因賦牛飯就松涼句

國朝詩別裁集

卷

三

教忠堂

錢

字適王江南常熟人。適王注牧齋詩集國博問士也詩流易有餘不求警策得故齋一題

蝶

曲廊迴處正斜曛。弄影隨風自作羣。曾恃粉衣欺艷雪。幾緣香夢惹行雲。斜穿簾幕深深見。飛過池塘故故分。送得南園花草盡。正教愁殺杜司勛。

梅村先生在駕相訪酒間商榷綬冠紀聞有

感賦此

迢然影事未能忘。鄭重停車問草堂。借箸漫言山聚米。引杯兼笑海生桑。秦關鹿走當年火。吳苑烏啼此夜霜。指點舊京愁歷歷。為公振觸恨偏長。

湘靈先生移居詩

甲子遷訖昔夢中。維桑回首又春風。吟懷平捲三分月。儒行虛留一畝宮。莫訝孟郊家具少。翻嫌徐邈酒鎗空。往時文彩吾能記。容易人間著此翁。

吳物榮

字慎庵江南吳縣人諸生著有錦峰雜稿

山居

世事山居盡。衰年嬾更加。鳥啼方夢覺。酒熟正梅花。天地容雙鬢。漁樵共一家。溪邊聊晚眺。倚杖數歸鴉。三語方字四語正字不鍊之便是為詩服

卓爾堪

字子任江南江都人。子任系靖難忠臣諱敬之後代傳清白壯歲南征聞達為右軍前鋒又嘗輯勝國遺民詩成

國朝詩別裁集

卷八

三

教忠堂

集文武並姻連近爭高其行

源口

旌旗源口出。萬馬度沙頭。山月開昏路。烽煙警素秋。前林園已破。斷壑血能流。何日銷征伐。春原看牧牛。

國朝詩別裁集卷八

國朝詩別裁集卷九

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

黃 均 字子庫山東即墨人康熙
癸卯舉人著有夕霽亭詩

短歌行

龍蟠於泥。翫其肆之虎。處於狎。爪牙安施。委巷之
犬。吠聲如豹。厥倉之鼠。口厭梁稻。太行居後。孟門
居前。僉夫之心。君子畏焉。方寸之中。乃有五嶽。磊
砢嶽。寄五丁焉。鑿精衛填海。愚公移山。為之在人。
成之在天。

國朝詩別裁集

卷九

一

教忠堂

送岷公周邑侯南歸

君從西郊來。旌旆光如電。父老遮道左。爭欲識君
面。君從西郊歸。雪壓荒邱樹。獨有春風發。送君千
里路。不另下斷語而世
感物情已盡於此

嚴我斯 字就思浙江歸安人康熙甲辰 賜進士
第一人官翰林學士著有尺五堂詩刪

十峯草堂歌為錢礎日作

九龍之山。環九峯。一峯一態。如一龍。興雲出雨。氣
磅礴。鱗甲欲動。凌蒼空。別有一峯伏而起。神奇天
矯。為龍尾。世人咫尺。不知名。古來畸士。都如此。中
有草堂繞煙蘿。峯峰迴薄青嵯峨。左圖右史安樂

窩猿啼鶴。暖山之阿。草堂主人抱龍德。或潛或見
人不識。時時掉臂弄雲霞。往往歌聲出金石。曠懷
雅好遊名山。往來齊魯盡躋攀。有時夜半登日觀。
雙騎白鹿青雲間。去年把臂歷山麓。清詩萬首酒
百斛。今年款段走長安。不使緇塵浣素服。手持尺
幅字琳琅。乞我題詩寄草堂。予本風塵落拓者。青
鞋布襪思徜徉。安得投簪尋泛宅。五湖之曲煙光
白。與君拄杖聽鳴泉。夜向松窓讀周易。一起神來以下
便一筆掃去

嘒水謠

嘒之水兮清且漣。使君堂上坐鳴絃。嘒之水兮清
且漣。使君郊外多耕犁。使君官庖食無肉。長鬚編
籬種野蕨。使君侵晨寒無衣。老婢當窓織布機。使
君寒民五袴。使君飢民含哺。升君之堂進君酒。有
酒盈卮有蔬盈豆。長老在前稚子在後。俚語歌呼
為君壽。清畏人知。子何人勿知。吁嗟今之人。子廉
吏。可為而不為。雖不明指使君為何人然前後令嘒水者非
陸清獻公不足當之也結句有慨乎其言之

國朝詩別裁集

卷九

二

教忠堂

聞砧曲

長安八月秋風起。長安門巷秋如水。閨中思婦罷
鳴箏。一夜傷心千萬里。前年蕩子去從軍。消息關
山摠不聞。黃龍塞上愁雲斷。丹鳳城邊落葉紛。平

沙獵獵吹枯草。碣石霜飛寒信早。鐵衣銀礮苦思家。紅粉空房愁遠道。烏啼啞啞風淒淒。日暮寒砧到。屢迷玉筍暗隨聲。斷續涼蟾故逐影。高低青漆樓頭雁初度。天寒夢斷金微路。龍堆戰士幾人還。馬革遊魂竟何處。城西一帶素車歸。白骨沙場半是非。昨夜深閨猶記憶。開箱還擣舊征衣。

送絮庵家少司農致政歸里

朝衣初脫拜君恩。歸去田園喜尚存。七澤雲深秋放艇。九峻花發夜開尊。母勞清夢驚魚鱗。剩有閒身到鹿門。祇恐熙時問遺老。不容瓢笠住江村。

國朝詩別裁集

卷九

三 教忠堂

周弘

字子重江南無錫人康熙甲辰賜進士第三人官侍講學士

道旁歎

三月四月麥未熟。餓夫扶携領官粟。得粟村墟起爨煙。發婦何為道旁哭。自言幼本名閨姝。父母衣我紅羅襦。十七嫁作儒家婦。足跡不出門中樞。夫亡十指難餬口。連歲凶荒斷升斗。縣帖紛紛催樂輸。大兒枵腹披枷杻。小兒呱呱懷抱中。身死奚恤愁兒從。昨聞詔書發粟賑。匍匐哀告含羞容。安得有錢買胥吏。賑籍無名長官署。踴躍中路不得歸。以此悲傷灑血淚。我聞斯語愁心神。彼司牧者

獨何人。方看發婦泣。東陌又聽悲怨來。西鄰

而然安得采風者陳之 補座

己未二月二日午門聽宣岳州大捷遇雪恭

紀

荆南奏凱達神京。曉聞天闕瑞雪明。朱鷺鏡歌翻郢曲。玉龍銀甲灑春城。貂裘尚憶軍前賜。鷺鴨曾喧夜半聲。自此江湖空戰壘。豐年有象課深耕。

語括合寓

湖南諸路大捷和寶坻杜相國韻

覆巢殘孽剩遺雛。坦腹緋衣合識符。士行高牙麋國朝詩別裁集

卷九

四

教忠堂

子國岳侯奇捷。洞庭湖烽煙一夜天兵掃。湯火頻年我后蘇。橘渚楓洲初戰定。關山片月笛中孤。

張英

字敦復江南桐城人康熙丁未進士官至大學士謚文端著有存誠堂詩集○本朝應制詩共推文端入詞館者奉為枕中秘而風格性靈不係此也特取高曠數篇以著公之風概

擬古田家詩

柴門擁溪水。溪響無朝昏。農夫荷鋤倦。獨倚秋樹根。顧我田疇好。念我桑麻繁。脉脉不能語。感茲風雨恩。風雨歲時熟。古俗今猶存。遙指煙生處。親戚滿前村。稚子驅雞犬。夜來忘閉門。何以疇清時。努力從田園。

昔愛誦幽風亦常歌小雅桑柘栖雞豚結廬在中
塋春苗方扶犁秋禾倏盈把野老樂時和高枕瓜
棚下田家老瓦盆新醪月中瀉擊鼓賽先農調瑟
娛方社何必桃花源此境足瀟灑風塵久誤人我
豈悠悠者

新晴土膏動原上春草生陂塘引澗壑活活春水
鳴桑陰悅好鳥布穀時一聲夜來飽飯牛朝來從
耦耕耦耕一畦畢澹泊心無營偶然召隣叟索取
壺觴傾高談視天壤把酒歡平生面無憂喜色胸
無寵辱情始知於陵子灌園逃公卿感風雨思忘寵辱
念尋常田父有此

國朝詩別裁集

卷九

五

教忠堂

襟抱耶題云擬古田家詩公之
寄託蓋在陶隱士一流人矣

讀漢書

壯哉霍子孟易置多英風離席按劍時發議驚羣
公走馬杜鄴間曾孫方困窮手挈天子璽授之咸
陽宮海枯石可爛孰能訾其功珠襦黃金匣甫葬
茂陵東狐鳴尚冠里妻子煙塵空稅侯殺美兒累
世亢其宗子孟庇阿顯九族罹憫凶割愛與殉私
延促霄壤同臣術惟敬慎庶幾保厥終博陸稅侯功業
懸殊而一則身

後旋殊一則賞延於世由殉私與割愛異也
指出敬慎以昭臣道事者其知所法誠焉

讀元道州賊退示官吏詩慨然有作

我愛元次山詩篇獨簡質短章如長謠仁心自洋
溢至欲委符節甘心就魚麥昔人志康濟豈云耽
暇逸置身君民間無能澹憂恤汗顏拖長紳不如
腰帶銓賢指耻曠官斯義久蕭瑟誰無湖畔山浩
歌撫遺帙次山之欲歸老江湖非耽高隱為不能救時即民不得已而甘
就魚麥也康濟之心特為表出近日同牧者尚敢聞此言

嚴陵江

千嶂桐廬道清風幾溯洄不知天子貴猶是故人
來垂釣本無意披裘亦浪猜翻嫌人好事高築子
陵臺王貞白詩後嚴陵者俱落坑壑此篇
不着議論籠罩一切可以追躡古人

贈螺浮黃門次龔合肥韻

國朝詩別裁集

卷九

六

教忠堂

十年霜雪老黃門抗疏羣知國體尊嶽鹿折來真
有膽山龍補處自無痕湯言盤錯昭臣節偏向風
塵識主恩親見閭閻凋敝甚鄭圖還與繪千村

曹禾

字頌嘉江南江陰人康熙甲辰進士已未
官至國子祭酒余識其孫全倫清門寒落矣既全倫旋沒
訪其詩不能多得為之慨然

秋夜述懷

空林葉撼撼野犬聲狺狺徬徨忽四顧中夜感古
人鴻濛詎不樂烏用施經綸才賢既當權造化辭
苦辛雷雨亦待治雲物非空陳自有濟世功千古
勞其身寧續者誰子高蹈遺斯民君子出而用世則造化
以權付之欲不勞其身

不可得也千古聖
賢心事昭然若揭

送友人還金陵

屑瑟秋風送客裝。蕭條木落更神傷。滿天欲雪尊
虛酒。昨夜初寒雁叫霜。馬足遠衝黃葉路。吟聲徐
入白鷗鄉。江南景物關情甚。煙雨秦淮夢裏長。

勞之辨

字書升浙江石門人康熙甲辰進士官至副都御史著有靜觀堂詩

眺玄武湖歌

雞鳴十廟衰草多。誌公遺塔高嵯峨。遠望大江千
里之雪浪。近俯晴湖萬頃之煙波。湖形北向稱玄
武。錦繡樓船聞歌舞。結綺臨春跡已空。惟有澄泓

國朝詩別裁集

卷九

七

教忠堂

一片無今古。聞說龍蟠王氣真。徐常偉伐圖麒麟
共球受日歸天府。戶冊登餘藏水濱。周遭沆泝中
臺榭。漫漶游魚通港汊。仁民愛物本相兼。罟於淵
者罰無赦。自注明初置黃冊於其中禁人遊玩免葵燕麥搖春風。細柳新
蒲發故叢。驚瓦已銷金。碧外漁歌時起。荻蘆中自
古盛衰如轉燭。六朝興廢同碁局。君不見鍾山陵
樹來樵牧。射生收得銀牌底。今古盛衰之感情題發出見有德易以興無德易以亡也

趙士麟

字玉峰雲南河陽人康熙甲辰進士官至吏部侍郎。雲南臨瀾萬里風詩雖采少字詩亦不多見故所收止此

過安莊至鎮寧

帶館輕裘上偃坡。樓霞尚近鬱嵯峨。名通上國由

莊嶠威鎮諸侯自。伏波溪谷至今多。瘴癘人煙到
處難。藤蘿爲欣氣候如秋杪。華蓋橋西試一過。

黔陽懷古

羅施聲教阻遐方。漢置牂牁達夜郎。天入炎荒時
苦雨。途經冷驛夜無霜。馬鞍觀側藏雲塢。銅鼓山
頭祀竹王。千古猶思丞相澤。祠堂松柏自蒼蒼。

盛符升

字珍示江南崑山人康熙甲辰進士官御史著有誠齋詩集。侍御少從夏考功蔡仲遊與雲間諸先哲相切磨既出王新城尚書門所詣益進徐司寇使廉評其詩謂原本少陵詩外別有筆在非溢分語

河上雜言

久矣悲鴻燕。誰堪問麥秋。飄零隨遠道。涕淚入孤
國朝詩別裁集

卷九

八

教忠堂

舟舛馬年年。事河淮。處處憂却憐。長算少。民命倚
陽侯。民倚波臣爲命不堪堪問矣爾時已然

同阮亭先生遙和李侍郎讀水經注憶洞庭

韻

聞說巴陵倚洞庭。君山如畫見圖經。岷峨雪盡寒
潭碧。雲夢波連湖草青。九派微茫看楚澤。數峯彷彿擁湘靈。知君回首曾遊處。遠思蕭然入杳冥。

中秋岱頂卽事

身入雲端雲下垂。風雷南去日西馳。青霓斷續斜
陽外。碧海澄鮮子夜時。天柱獨晴依上界。冰輪乍

滿半秋期。茫茫俯視皆塵霧。一片空明對玉池。

昌平山行有作

望帝何年泣草萊。湯留杯土錦山隈。恨餘亡國悲英主。禮備興朝慰夜臺。自注順治初建陵置祠有加禮雲暗蒼梧千古痛。月沈湘浦二妃哀。神歸石室傳青史。龍馭長依風雨來。自注思陵在錦屏山亦稱錦壁山或稱鳳馬山即田妃墓

置祠尤顯典也詩中表出得揚頌本朝之體

金陵懷古

重向南邦憶少年。宮門彷彿戍樓邊。長陵松逕來。樵子後苑湖陰宿釣船。故國幾堪歌玉樹。行人猶國朝詩別裁集

卷九

九

教忠堂

自怨金川却憐山色依然在。靈谷蒼涼倚斷煙。人知南渡亡於荒墟不知金川門之八國脉早傷也此更推本言之

南征

太白秋明井鬼旁。兵占早已在炎荒。養成歲月營三窟。嶺負西南擅一方。莫遣金沙留蜀漢。豈容清浪接湖湘。由來制勝資全策。銅柱依然緬水陽。連結吳運之勢頭聯處及之非尋常經生家語

洛陽懷古

風雨當年卜帝鄉。土中還倚上游強。澗瀝合處開雙闕。河洛分來會北邙。何地南宮臨逝水。誰家西苑帶斜陽。山川不共興亡異。天外高高對渺茫。

苑帶斜陽。山川不共興亡異。天外高高對渺茫。

冬日渡彭蠡過廬山下

幾經滋浦惜幽尋。重向宮亭望遠岑。雲卧石門思北澗。花開蓮社憶東林。三人一笑誰賓主。五老千秋自古今。惆悵吾衰勞夢想。幾人遊跡未銷沉。

劉梁嵩字玉少江南江都人康熙甲辰進士

天險閣

旋折初驚大壑雷。凌空復上劇崔嵬。白雲無際疑天盡。翠嶺何年倚劍開。一路水從汾曲合。千層山抱雁門迴。中原地勢經西折。眺覽重增庾信哀。

國朝詩別裁集

卷九

十

教忠堂

方殿元字蒙章廣東番禺人康熙甲辰進士官知鄒城江寧縣著有九谷集。九谷著錄書目成一子欲究天人竅真餘事乃作詩人也然高華伉儷傍一空品不在嶺南三家下

廬山玉淵

高峰入青冥。中斷忽雲樹。屏風九疊間。飛泉半空注。奔騰過萬山。至此陡欲住。憚赫倖雷霆。一旦失憑怒。有似千古憤。投入靜者慮。兩崖青翠映。空色交相寓。淡淡與天空。冥冥寓秋素。窈窕散餘波。疑作江漢雨。幽光留人心。不覺白日暮。皎月上澄潭。此身在何處。極形奔泉陡住比之填胸憤怒忽入達士靜觀古今辭人未開此口

褒斜道

褒斜道三載烽煙令人老。嗟峨雲棧四百里。其下
黑龍江中水。北走三秦南走蜀。長蛇猛虎盤深谷。
張良一燒不可測。顧盼從容得秦鹿。諸葛艱難數
出師。大星夜落三軍哭。英雄成敗且有數。況乃區
區一狐兔。黃塵湏洞入秦川。風雪關山勞遠戍。鐵
馬回頭望隴山。斷腸家過秦川路。更有子午與黃
金。十里百折傷人心。懸崖峭壁日月黑。使爾戰魂
招不得。此為痛極者言。見其雄壯難成功況。然
則其耶。耶。亂臣可補。則則之缺。

章貢舟中作歌六首

空谷號風呼雨入。四山水落千灘急。百丈逶迤不

國朝詩別裁集

卷九

十一

教忠堂

上船石角飛湍何岌岌。徒御當餐投匕箸。榜人憔悴
衣裳濕。亂世天心不可知。歸路迢迢百憂集。
風高白日沈西麓。未到常程不敢宿。殘月慘淡落
戰場。新鬼啾啾為誰哭。孤舟愴怛不得力。遠赴前
山兩三屋。五更豺虎聲欲稀。寡婦哀哀歎孤獨。
喜卻小山留我後。倏在我前若馳驟。千折百折舟
子疲。我左湏臾還我右。日色歸心不相及。坐見義
車墜巖岫。天昏月黑風怒號。猛虎長蛇兩相鬪。行
行

陡折蛇曲。幾幾幾
者亦不寒而慄

水淺瀧高圍萬嶺。五年烽火行人靜。孤舟獨宿黃

茅中。狐狸踰獨豺狼猛。四村盜賊橫剽劫。長年三
老交相警。兒曹癡小不知愁。新睡闌干呼不醒。如來
佛。睡。意。正。以。形。容。子。之。學。長。也。

江窄風移萬山石。中天無雲炎日赤。百口艱難買
兩舟。兩汗相揮不能食。南望青峯更千疊。渺渺征
途何時息。不見人家寄山窟。我獨何為歎于役。
夢裏梅關眼中血。今夜分明在秋月。峯巒憔悴兵
戈後。慘淡煙霞寫離別。去日板輿素輶返。竟子歸
來。情難說。有弟有弟亦夭折。使我肝腸橫斷絕。六章
性情不在形模之內

國朝詩別裁集

卷九

十一

教忠堂

秋夜長

淒淒者風胡不自東。不自南。不自北。吹我井上雙
梧桐。梧桐昨夜夜飄孤葉。夫婿從軍入窮髮。兩地相
思不相見。愁雲共掩關山月。飛鴻不我顧。海燕辭
巢去。空房蟋蟀鳴。長夜湯湯誰與語。絨情含淚向
天訴。蒼蒼無雲復無雨。西有臺。牛東織女。起四句本
漢樂府法

愛妾換馬

噴日嘶風紅叱撥。目似火齊汗似血。屈膝金屏出
美人。邯鄲下蔡皆稱絕。英雄有事在烽煙。紅粉生

離未足憐。願將妻織。鴛鴦錦。裁作銀鞍。滿月。離

荅城中友人見訊之作

不到春城五六年。年來生事有誰傳。兩株陶氏門前柳。一半顏生郭外田。黃鳥風邊行樂酒。桃花浪裏釣魚船。翻嫌揚子無佳興。獨坐空亭草太玄。

不加連珠

征怨

怯把金錢卜。春殘不道歸。昨宵看月。暈。振觸幾重

古意

吳元龍

字長人。江南華亭人。康熙甲辰進士。官翰林。改工部郎中。已未。召試博學鴻詞。授翰林院侍講。著有問月堂詩鈔。

國朝詩別裁集

卷九

三

教忠堂

賜緞絹恭紀

為郎冰暑客。亦得荷恩私。恐負緇衣好。慙無黃絹詞。稱身安且吉。出笥卷還披。機杼需民力。艱難二月絲。

上六語。獲順寫題。一結。乃見作手。

九日偕貴陽諸使君東山登高得初字

萬里登高日。千峯縱目初。天長迷近遠。雲合失崎嶇。邊微蠻歌起。荒城落木疎。鄉心付征雁。可許達音書。

起步似出唐人手

錢芳標

字孫翰。江南華亭人。康熙丙午舉人。官中書舍人。雲間詩派。陳黃門後。以古淡整飭為宗。舍人。歸隱而不能。駢宕。而為一變矣。

擊鮮行

吾鄉城郭滄溟畔。親故朝朝擊鮮宴。樂事濠梁未足誇。嘉名丙穴無勞羨。滄瀆灘平斥鹵多。主人結網。昧熬波。蒼茫直下。馮夷窟。烟雨常聞。欸乃歌。河豚。販後蘆芽出。春潮蹴岸。春雲熱。筐。覆。吳。趨。客。裏。冰。刀。飛。少。婦。厨。中。雪。已。道。鱖。魚。色。似。銀。况。無。石。首。爛。金。鱗。麴。米。漬。成。鱖。枕。脆。豉。羹。調。出。箬。腴。新。此。時。魚。稅。充。公。府。津。市。鳴。橈。復。撾。鼓。淺。筏。輕。刀。弄。水。兒。高。橋。巨。舶。開。洋。賈。別。有。泥。沙。困。豫。且。脂。膏。然。炬。骨。專。車。牽。臂。力。費。千。夫。蹶。曝。腊。家。分。半。載。儲。竭。來。島。

國朝詩別裁集

卷九

古

教忠堂

與。孫。盧。擾。斥。埃。傳。烽。接。三。汭。都。護。旌。旗。只。戒。嚴。漁。郎。巢。苦。空。施。巧。蕭。蕭。戍。角。滿。汀。洲。嚴。霜。寒。星。炯。不。收。無。復。釣。鰲。陳。水。牯。惟。看。驅。馬。散。沙。鷗。海。錯。經。年。不。到。眼。充。初。臨。淵。那。供。饌。一。片。才。沾。食。拍。腥。百。鏹。早。破。中。人。產。舍。人。願。領。滯。燕。臺。比。目。王。餘。賦。強。裁。張。掾。秋。風。頻。悵。望。馮。生。彈。鋏。未。歸。來。挑。燈。與。客。論。終。夕。語。罷。滄。桑。感。疇。昔。下。箸。誰。消。易。水。鐔。解。錢。且。換。灤。河。鯽。近。喜。波。臣。靜。不。揚。東。南。早。晚。撤。邊。防。盤。餐。飽。飫。故。園。味。醉。卧。溪。梅。野。竹。傍。

鯽魚篇意同。而各自成格。

長椿寺病馬行

招提二馬一馬病。腕折蹄長氣猶勁。伏櫪雖虛千里心。脫鞵翻適長林性。人言此馬初買時。射堂陳孔蹀躞馳。雙瞳夾鏡耳批竹。青絲為絡黃金羈。孟門坂峻羊腸滑。駿足踴隨一朝蹶。昔詩金埒雲滿身。今同洮水水傷骨。負鹽駕鼓力不任。秦養卻依支道林。天晴放飲井泉白。春晚卧嘶園草深。君不見長安城中千萬驛。飛塵蹴天光照地。長鞭短策無不施。齒老旋隨散。帷棄又不見。將軍鐵騎來。渥洼東行滄海西。流沙首宿雖衛不遑食。功成鵲印國朝詩別裁集 卷九 圭 教忠堂

清明偕鍾宛兄晨墓有感

歸虎牙。何如此馬。辭驂服。縱病還同塞翁福。身閒早得華山歸。害去詎勞第。野牧乃知不材造物憐。豫章見斲樗散全無用。之用世罕識達哉莊叟何其賢。此舍人自寫照也。即此木以不材全其天年。意寫來不落臼窠。按由用筆之妙。

往事蒼涼不可論。傷心絮酒拜松門。三千里外孤兒淚。二十年來國士恩。華表日斜巢鶴返。土花春繡石麟存。殷勤幸接連枝會。漂泊天涯有弟兄。

繆彤

字敬起。江南長洲人。康熙丁未。賜進士第一人。官侍講。

送醫士方際泰歸茅山

賣藥長安市。超然寄一身。摺驢偏識路。破戰不生塵。入世性情古。還鄉面目真。自慙留滯客。對尔歎勞薪。

萬族罹氛祲。顛顛待此人。戍兵屯戊巳。望雨急庚辛。湯火心徒切。君臣劑有神。能將上池水。盡與濟生民。

茅山稱最勝。結屋傍嶙峋。白鵲常為伴。黃精得養神。松雲涼夢寐。僮僕使麕麕。曾讀朱清傳。猶嫌未絕塵。聖人與聖國夾寫何等胸次。

假歸南下欲遊五臺山

國朝詩別裁集

卷九

六

教忠堂

排空歷歷五高臺。想像先教眼界開。客路風光隨馬去。家鄉樹色渡江來。探奇亦自安禪味。濟勝須誰作賦才。莫道上方鐘磬杳。此身今已出塵埃。樂得見家鄉樹色也。偏云樹色渡江來。工於著句。

渡江

涼月漾中流。金山隱隱浮。尚餘殘醉在。和夢到揚州。只清曉渡江耳。寫得渾然無跡。末五字何減唐人聲口。

東臺望海峯

層層峭石擁高臺。就裏藤蘿百道開。身在雲中天水合。更於何處見蓬萊。

張玉裁

字禮存江南丹徒人康熙丁未
賜進士第二人官翰林編修

七夕立秋

旅榻當筵卧。西風拂小欄。秋從今夕到。月向異鄉看。有巧輸人乞。因貧得夢安。曝衣問僮僕。預戒早霜寒。
結意七夕
立秋雙到

憶橘

朱實垂垂葉尚青。故山千樹未凋零。相思不隔長淮水。一夜鄉心落洞庭。

董

內字益重山東平原人康熙丁未
賜進士第三人官至江南
總督兵部尚書著有柳村集○康熙二十五年河臣靳學典
屯誤用屯田丞于宜駱龍友二人先屯湖田次及水田次及草地漸
及墳墓皆屯矣無籍之輩乃領牛種焉賄博資新屯日增民地日削

國朝詩別裁集

卷九

十七

教忠堂

何遜田荒無從詠理公總督江南奏請罷之罪于駱丞
盡還民田一時歡呼載道即此一端公之生平可知矣

興化道中

萍沆連滄海。風吹一葉輕。村從波際出。草逼浪痕生。地闊無山影。天空有雁鳴。最憐釜底處。何日奏平成。

魏磨徵

字蒼石江南溧陽人康熙丁未進士
官翰林出為邵武太守有石屋詩鈔

短歌行和杜韻

自注戲贈閩
卿泰少府

寒日影黃雲半白。天涯莽莽未歸客。邊隅何日可罷兵。幾處轉輸瘁邦伯。羽林夜發秦關道。共言河隴居民好。甲騎經過悉備餐。喜看蹴踏天山倒。

捕蝗

捕蝗捕蝗人簇簇。蝗飛蔽天引其族。揚旗擊鼓乳鼓鉦奔走如狂沸。山谷炎肌雨汗腸雷鳴。取蝗一斗當斗粟。幸不入境驅鄰封。彼亦天民。忍遭酷誰云蝗多不食苗。苗食盡到草木復。聞修德能弭災。非止蝗生宜早撲。

蠻子朝

白撰

蠻子朝澎湖內附平紅毛占城諸國盡輸貢。西洋人已聯官曹。琉璃泛海七日迅。冊使曾頒新勅印。世子就學陪臣從。賜得衣冠供饌盛。復有安南久國朝詩別裁集

卷九

大

教忠堂

臣服黎氏王封莫氏威。往年遣使與講和。分疆各守灘江曲。百蠻接踵梯航趨。奇貌詭飾累譯殊。我願殿繪。風詩不繪。唐時王會圖。
歸重修德服遠此一章
結穴處也與前一章用
意略同

送兒彪之沅江

我已無親侍。兒行又遠親。蕭疎千里外。去住一家貧。水濶風颿健。霜高候雁新。沅蘭芳可佩。極目楚江濱。
少陵舍弟成我老他時見
汝心起十字同此筆墨

于忠肅祠

當年天子已蒙塵。中外安危寄此身。肯建一言存

社稷獨鳴孤掌定。君臣丹心縱死還如鐵。碧血長埋未化燐。千載湖山留正氣。不須涕淚洒松筠。

不着這語是作家手眼

人棠驛疊韻

人到棠陰憶古溪。春煙芳草驛亭西。海濱仙客騎黃鶴。天末孤臣訪碧雞。道路但留殘碣在。自注地多德政碑風流誰許峴山齊。幾看卧轍攀轅處。半是鳩形鵠面啼。

量移曲靖疊韻

聞道滇行過五溪。炎荒萬里夜郎西。峯迴鐵鎖沉金馬。路入篁林隱竹雞。青草煙中菰米爛。黃茅瘴裏稻花齊。側身南望愁堪絕。况復猿聲萬壑啼。

國朝詩別裁集

卷九

九

教忠堂

汪懋麟

字季用江南江都人康熙丁未進士官刑部主事著有百尺梧桐閣集○比部師法韓蘇兩家故才情橫溢歸田後留心經學皮毛剝落矣因未見晚年作故仍取才華燭之篇

元夜禁中觀放煙火歌

明月如輪碾金殿。濛濛玉露垂深院。萬里高天無片雲。鳳凰城闕分明見。此時禁庭人影稀。但聽銅龍下銀箭。忽然天樂來九霄。耳邊彷彿聞簫韶。步輦從容出複道。華燈的皪明春宵。藉黃盤。龍覆柳。桐羽林排列。皆騰驍。便殿前頭竿百丈。綵繩高繫

青天上。銀花火樹齊開張。珠斗明星盡奔放。金鵝

赤鳳無不有。玉女仙人各奇狀。雲中寶塔何嵯峨。

海上蜃樓起煙浪。更有奇花次第懸。千枝隨地生

金蓮。火山吞吐走日月。急如萬弩離箭弦。爆竹聲

中作霹靂。又如鐵馬攻戰相迴旋。夜靜笙歌轉清

徹。兩傍侍臣時叫絕。一回花放樂一闕。此曲人間

豈能竊。何意書生按拍聽。果然妙舞霓裳月。羽騎

傳呼催返駕。鐘鼓樓前已三下。飄若浮雲風雨過。

萬點燈花一時謝。獨倚危欄似夢中。月影沉沉轉

臺榭。起從元夜觀入是禁中元夜觀樓鳳閣玉露金波分明如見以下詳述煙火跌蕩淋漓極才人之能事○壬申元夜潘蒙恩賜觀

國朝詩別裁集

卷九

三

教忠堂

御園煙火盡二鼓始歸目中所見恰如詩中所述明展上命廣和上元燈詞八章才力薄弱視此部大篇遠遜矣披閱長歌附記於此

玉尉觀察招陪龔大宗伯西樵阮亭諸先生

集寓園泛舟觀劇達曙作歌

白日當天春晝遙。落花如雪紛飄飄。蜜蜂蝴蝶各上下。鳴鳩乳燕何矜驕。方塘流水綠於染。細草如髮沿溪橋。宋侯好奇復好客。一舟新駕雙蘭橈。中流盪漾發絲竹。琉璃破碎波光搖。北方老不識舟楫。觀者夾岸爭譁囂。自客京師少水戲。身輕忽喜乘春潮。夕陽回柁上陂岸。畫堂官燭青煙燒。金壺美醞堆碧色。玉盤春蕪生紅臙。梨園法部奏新曲。

龜年賀老同招邀酒闌感激黨人事永康閣寺真
鳴泉元禮孟博意氣盡楷模之譽空名標衰世誅
殺撫善類法吏那得逢辜陶宋侯當日苦盡蟄悲
秋謠浪皆無聊今復秉節按蠻郡束馬秦棧車連
鑣歡樂幾時悵離別磊塊直用千栢澆羽聲慘慘
曲且止秦宮急換翻六公細撥阮咸唱明月羅衣
醉卧瓊瑜嬌誰能無情聽忘倦城頭銀箭催終宵

樂府中應演閣人寄正事故發此慨歎時觀客亦
笑臨不測機聖明曲宥之也精神團聚在此

河水決

黃河衝決淮河盪白馬湖中千尺浪淮陽城郭雲

國朝詩別裁集

卷九

王

教忠堂

氣中遠近田廬水光上人行九陌皆流水螺蚌紛
紛滿城市築岸防隄急索夫里中徭役齊追呼富
家出錢貧出力觸熱忍飢不得食十日築成五尺
土明日崩開十丈五

題顧符真畫

昭陽顧生畫樓觀絳闕瑤房生白雲如蠅宮人三

百六丰神都似李將軍

此詩漁洋詩話中實之

顏光敏

字修來山東曲阜人康熙丁未進士官吏部考功郎中著
有樂園集○時輩下稱詩有十子之目田公綸震宋公牧
仲曹公頌嘉汪公季用王公勿華謝公千仞曹公升六丁公澹汝
葉公井仲考功其一也詩品端厚正大不輕訕不概滿於十子中

音

白雲峯

三峰信靈造巍巍司冠冠磊砢不盡洩蚴蟻復北
盤結空出瑤几前對香鑪寒大道望如髮豁然見
長安我行採山蓀蔥蒨被岡巒秋色何時來萬里
霜林丹三川富陳蹟八水無停瀾玉女悵不顧目
斷雙青鸞

磊砢二字爲靈造化之奇
老杜人蜀詩中每有以此

青柯坪

我從華陰來秋懷苦悽愴一登十八盤嗒馬如盡
喪手拂岫幌開雲關峯巒變滅無停狀狸狂嘯兩
猿畫啼咫尺但愁失歸向蒼藤幕歷穿危棧高下

國朝詩別裁集

卷九

王

教忠堂

冥迷那得辨石稜澗道僅數尋渭水秦山幾迴轉
舉頭忽訝青天開垣屋鱗鱗綴晴曦長松挂壁森
蓬蘢細霧緣扉裊煙篆吁嗟青柯坪壯觀真崔巍
三峯高造天於我何有哉安得巨靈叱哮重壁裂
二十八潭傾帝臺手挽鐵船入天漢仰攀十丈蓮
花開迴頭卻笑美門子坐看東海生黃埃

雄快遂
成偉觀

關鵲行

高堂邃宇人罕過錦囊高挂珊瑚柯乍聞人響軒
勇氣空中跳躑常傚傚何來賓從皆禿袖入門豪

氣聲謹呵。服膺拳拳疑印綬。朝餐廢箸猶摩挲。三尺寶牀正中設。鄭錦齊縷金盤陀。兩鶉出囊已脫手。威怒似欲尋干戈。朱目紺趾豈得辨。疾如激水旋雙渦。注目良久三歎息。為官為私理則那。戕伐固皆尔。儔類崇朝百勝何。足多磔毛啄血供一笑。誰當與尔同瘡痍。警然一敗竟追臨。爭如朱鷺傳鏡歌。田中偃鼠飫草實。自注月今田鼠化為鴽也徐行不避虞人羅。乃知羽翼反為累。嗚呼奈此微生何。為同類戕害者。成後言田鼠無用虞人置之見變化之轉足累身也用意微矣

送宋觀察蒞棠之蜀

國朝詩別裁集

卷九

三

教忠堂

三閭昔日沉沅湘。楚臣悵悵長悲涼。蘭臺巫岫類謫諫。翻令千載譏淫荒。片言立朝豈易得。何況秉節來天闕。怪君天刑誰與解。倏為霖雨周雍梁。憶昔含香坐藤院。公然白眼輕張湯。一朝受辱處。臺檻獄吏嫫侮如驅羊。拘繫反成好遊癖。南窮漲海西河湟。今年被詔按巴蜀。龍墀乍見鬚眉蒼。巴蜀年來成鬼國。蠶叢魚鳧重關疆。頗聞中丞貢嘉穗。九莖豈得盈千箱。弊輪磨牙近城市。騶虞垂首眠通莊。神禹泣罪祗輦下。窮賤無計逃桁楊。使君冠佩望魚雅。萬人祖送紛琳瑯。子規晝啼巖谷

靜。木棉花落旌旗香。萬事夷險如轉燭。天公好生民壽康。皋陶廟裏襲長夜。淒風苦雨君無忘。自注嘉有祭皋陶廟。巴蜀錢成鬼國而中丞乃貢九莖嘉穗。弊輪磨牙騶虞垂首刑罰不平可知矣。望觀察明恕活人得古人贈言之意。

洛陽

城關蕭森望洛陽。西來瀍澗水湯湯。千山紫翠朝中嶽。萬古歌鐘對北邙。故園何人憑險阻。皇天有意閔滄桑。可憐賈傅今祠廟。吳楚蒼生幾戰場。

潼關

連山覓路絕橫斷。粉堞當空結構牢。萬里河流蒲坂動。九天秋色嶽蓮高。燕齊無計撓秦帝。關隴頻

國朝詩別裁集

卷九

三

教忠堂

聞唱董逃。設險當年隸畿輔。廟謨親見紫宸勞。

望華山

潼關西上見嵯峨。路入雲臺佳氣多。萬壑深松寒白日。三峯積雪照黃河。天雞曉徹扶桑湧。石馬宵鳴翠輦過。擬向青冥銷永夏。蓮花玉井竟如何。音

俱在北地信陽之間

京口

十里荒煙接岸青。金焦疑對兩浮萍。連山北斷江樓出。潮水東還海氣腥。機杼並愁蛟室盡。鼓鼙空

向鷺門停歸舟。擷雪蒼生淚。祗恐君王不忍聽。

昭君曲

一辭宮闕出秦關。長得丹青識舊顏。為報君王休
愛惜。漢家征戍幾人還。悲憫征人用意忠厚

送朱錫望之濟南

在撫軍署

携手河橋恨去塵。廬山遙望柳條春。訟庭尚有南
冠客。自注時亭林以詔獄在濟南莫向燕臺思故人。

喬

字石林江南寶應人康熙丁未進士已未召試博學鴻詞官翰林院侍讀○聞先生詩稿極富曾與賦筆並行茲獨得其便覽一集故所收從略

確山道中

國朝詩別裁集

卷九

重

教忠堂

中州天下腹。厥田異斥鹵。如何南汝間。千里餘曠
土。道詢九十翁。涕出語未吐。流寇昔煽亂。中原競
輦鼓。殺戮兼流亡。千百存三五。村落略有人。城市
屋可數。荒山相經亘。白日仗弓弩。余謂殊不然。汝
等逢聖主。賜租吏發粟。修文已偃武。牛種亦易
致。旱澇非所苦。休養四十年。胡不治場圃。老翁淚
縱橫。斯理公未覩。戶少徭益繁。民貧吏如虜。居者
不可留。缺者詎可補。如欲起瘡痍。嗷嗷望卓魯。聞
言三嘆息。誰其任州府。設為問答古樂府體用意乃次山春陵行之遺

過高郵

萬里渡瀟湘。洞庭一葦駕。不圖返故鄉。蒼茫與之
亞。崩奔萬雷鳴。澎湃一川瀉。浩浩無陵谷。湯湯兼
冬夏。孩穉飽他地。鵝鴨栖桑柘。舴艋婦子巢。場圃
魚龍舍。買薪須論斤。賣兒不計價。古人貴防川。蟻
穴嚴一罅。如何村落間。眾流匯其下。耕鑿計已休。
春鋤役未罷。死者長已矣。壯者不得暇。哀哉此蒼
生。誰將奇禍嫁。極形水患讀至賣兒不計價義同聲一哭夫誰司行水能辭其咎耶

過應山縣弔楊忠烈公

嗚呼有明神宗之李國晚號光宗繼之更短折。維
時先生官給事。顧命乃與大臣列。防微肩鉅定大
計。選侍移宮一朝決。再起中丞赴雙闕。大柄已被
閹人竊。乾兒義孫滿廟廊。二十四罪憤所切。赤縣
爭高官者祠。彤庭偏染中丞血。詎有焚職楊大洪
舍人寧死心。如鐵或言漢之尉顧潔其名。唐之牛
李營其穴。宋之洛蜀明東林。黨禍紛紛蹈履轍。封
疆已被門戶誤。遂讓先生太激烈。我謂此言殊不
然。藉口保身附明哲。假使當年稍媿。嬰張禹孔光
更何別。君子豈能誤國家。目為黨人正氣絕。嗚呼
正氣絕。國乃滅。婦嬰之徒每持明哲保身之說以備責直臣正氣所以喪也此等詩關係名節不小○子過忠烈公祠作詩弔之云亡邦國輝明杜沉淪等語只有一孤臣一片心地下可斬高皇帝讀喬公詩偶然節錄

卷九

美

教忠堂

下灘

湘南三月湘水生。馳波跳沫空江鳴。礚礚亂石亘江面。險如瞿塘灩澦誰能撓。我聞就下水之性。豈樂與石相排爭。清流何為輒暴怒。鼎沸勢欲蒼崖傾。其如灘石太嶮巖。橫排曲扼真難平。芭竿之船薄如紙。左旋右折中流行。和師自許識趨避。到此亦覺心魂驚。十里五里在俄頃。回頭不見丹峯橫。一灘纔過一灘至。到耳摠作奔雷聲。縱然賦命果窮薄。毋乃太視波瀾輕。

湘口

國朝詩別裁集

卷九

壬

教忠堂

雁叫猿啼不可聞。零陵風雨正紛紛。三巖明滅滿湘合。二水滌洄楚粵分。縱目好看靈嶽樹。落帆猶帶隱山雲。探幽更向愚溪去。野性偏宜鷗鷺羣。

方象瑛

字渭仁浙江遂安人康熙丁未進士已未召試博學鴻詞官翰林院編修著有健松齋詩集

龍洞背

神龍穿石飛洞壑。晝常晦人乃捷。於龍盤旋出龍背。躡衣入重雲。勢與風雨會。危崖千萬狀。不知始何代。窅兀浮圖高。縱橫屏障大。鱗鬣樹千章。泉流吐飛沫。下注不測溪。沉氣冥昧倘燃牛。渚犀百靈宛然在。羗山多靈奇。策名此為最。何必御風行。

曠然天地外

七盤關

雞頭關前七盤嶺。蚓曲蛇蟠纔見頂。氏中又復度七盤。詰屈紆迴勢相引。層崖邃谷路轉通。拾級忽見雲霞空。却怪頂觸前人趾。不知舉膝當心胸。寧心息魄詫奇絕。萬里山川風氣別。一關中斷隴蜀分。羌笛渝歌乍相接。遙望川巴萬點明。白雲紫霧還縱橫。鱗鱗彷彿峨眉雪。不知何處錦官城。北望京華南望越。懷人兩地情偏切。今朝身入大荒西。涼風古驛中秋月。昔遊平靖關開項為荊州豫州分界處曾作詩記之篇中一關中斷二語服其辭之能達是情

國朝詩別裁集

卷九

壬

教忠堂

承龍渝歌承蜀尤見脉理之細

望雪山

自注在威州距會城二百餘里曉起登樓望之九峯皆白

未是峨眉境。何來入座看。蠻中晴亦雪。徼外暑偏寒。雲散千峯白。霜凝萬壑丹。鱗鱗望不盡。指點是松潘。

陳玉璫

字亮明江南武進人康熙丁未進士官中書舍人。舍人於天文地理禮樂兵農河渠諸務無不講求。賓客雜集應酬不置。蓋寸遠近目為才人。

聞董文友已在山東

竟作十年別。何無一紙書。傳聞在東魯。早晚下南徐。客久才逾老。思深夢轉疎。靈光遺殿在。問尔賦。

何如口眉眼最近而眼不見眉即思深夢疎之謂

同友登京口避風館高閣望江題壁

衮衮登樓興披襟坐上頭。果知天地大不盡古今。
愁孤塔煙中斷。諸峯波面浮。憑欄一長嘯。明月夜橫秋。

落葉

木葉驚微脫。相看惜故枝。一秋今古夢。萬樹別離思。
入水飄無定。隨風下每遲。始知天地意。搖落總無私。
離形寫意便覺起。不然一絲所見尤大。

與濟寄懷家兄其年

國朝詩別裁集

卷九

元

教忠堂

同君擊楫大江干。共把離尊未忍乾。一自風濤愁裏聽。
真憐兄弟別。時難雲連滄海鴻。邊度月落滄沱馬上看。
尔在家鄉定回首。幾時書札到長安。

傅昂霄

字龍翰江南吳縣人康熙己酉舉人。吳中詩人無道及龍翰者然即此三篇非淺溷唐賢者不能

飲馬長城窟

君不見長城之北青海邊。平沙直上黃雲天。沙中白骨堆何年。
陰山九月風怒號。風吹戍火連雲高。雲中五原軍出幕。
左賢右賢心膽落。軍中大將聞姓霍。鼓聲如雷笳聲死。
冒圍脫走天驕子。烽煙一掃萬里秋。漢家天子恩未酬。
男兒何用言封侯。太

白蝕月旄頭沒歸來。飲馬長城窟。

涼州詞

九月霜高塞草腓。征鴻無數向南飛。深閨莫道秋砧冷。
夜夜寒光滿鐵衣。
溫柔敦厚可與唐賢並句並讀

江行

白雲明月漾微瀾。空外秋聲落遠灘。燕子磯頭中夜起。
一天星斗大江寒。

徐乾學

字原一江南崑山人康熙庚戌賜進士第三人官至刑部尚書著有憺園集。崑山顧亭林先生融貫古今學人非詩人也而其詩醇雅可傳。書為亭林外甥熟於朝章國故之大益建議禮必折衷焉及發言為詩亦復諸體兼備當藝林調鼎似信然

國朝詩別裁集

卷九

三

教忠堂

感遇

汲水辨渾濁。染絲別黑白。古人傾蓋間。流品先已擇。
寸心苟相投。薄軀非所惜。寶劍解贈君。出入耀光澤。
分手去路衢。萬里無間隔。結交不須多。嚙齒亦何益。
寧聞管鮑家。堂有珠履客。

隴山歌送許天玉之官新安

隴山高。高隴水流。隴西六月如清秋。蕭關朝那近北地。
酒泉張掖連涼州。諸葛戰爭餘故壘。陳豎宮殿成荒邱。
繡衣按部求名馬。都護行營擢錦裘。數聲羌笛落梅怨。
一曲秦箏邊月愁。許侯分符萬里

去曉發青門擁駟御。展翽成名在此時。王尊叱馭看前路。京華故人折楊柳。欲行不行日漸暮。我歌爲作隴山詞。目極輪臺鳥飛處。高岑風格步趨者罕此故在燕歌行胡笳歌之間

北征

置酒旗亭畔。風吹楊白花。愁深同汶水道。遠指京華。乍聽悲笳起。回看落照斜。庭闈千里夢。憐我滯天涯。

兩弟分南北。鴛原心事連。揮圭方夜讀。曼倩復朝飢。月向吳宮照。雲依薊坂飛。並憐梁苑客。漂泊未能歸。

國朝詩別裁集

卷九

三

教忠堂

汴水金隄險。黃沙撥暮雲。戈鋌終未息。筆策不堪聞。萬井驚狐火。千村散馬羣。夷門衰草畔。酌酒信陵墳。

金輿帝子去。朱戟故宮存。廢處穿陵寢。魚龍入殿門。連雲艮嶽迴。落日大河奔。老監曾驂乘。妻涼說舊恩。此指洹水。洹水水灌城後事也。帝子已沒。宋即空存不勝亡國之感。

行拍蕩陰澤。遙思嵇侍中。一泓水自碧。千載血猶紅。玉座春吹雨。靈旗夜走風。英英岳忠武。廟兒對城東。

程嬰存祀義。豫讓報恩心。此地昔人汲。千年灋水

深花明開驛道。苔老積碑陰。我獨何爲者。天涯寄苦吟。

漱澗金萍溢。青蔥玉樹寒。幾迴思碣石。三度向長安。入市碎琴易。依人彈劍難。異鄉逢令弟。華髮共驚看。懷古思親百端交集每章立意杜老秦川雜詩之格

懷漢槎在獄

吳郎才筆勝諸昆。多難方知獄吏尊。誰爲解驂存國士。可憐一飯困王孫。蟬吟織室秋聲靜。劍沒豐城夜氣昏。聞道龍沙方議譴。聖朝解網有新恩。第五語用駱丞在獄詩事

國朝詩別裁集

卷九

三

教忠堂

懷友人遠戍

邊城日日聽鳴笳。極目辰韓道路賒。三襲貉裘猶未煖。一生雪窖便爲家。晨看軍府飛金鑄。暮向溪山引犢車。千載管寧傳卓帽。難從遼海問生涯。已甘罪譴戍荒谿。又發家人習鼓鼙。孟博暫能隨老母。子卿猶得見生妻。鵲鴒原上聞猿嘯。雞鹿山前聽馬嘶。夢裏依稀歸故國。千重關隘眼終迷。此指程達戍子卿猶得見生妻望其生還也後果如其言

送萬李野南還

霜花醪酒送君還。邸舍相依十載閒。慣對卷編常

病眼與談忠孝。即開顏折衷三禮宗。王嘉興筆千
秋續馬班。薄笨獨驅驚歲暮。凍雲寒雪滿江關。

請告得 旨留別諸公

蕭蕭白髮滯長安。此日都亭擬挂冠。入世難虞憂
履虎。當門芳藶怕鋤蘭。一官難肋中情淡。萬卷牛
腰遠道難氣是。君恩如海岳。禁庭回首涕沍瀾。

時柄政者欲中之以法。聖主許其帶書局還山如司
馬文正公修實治通鑑之例受。遂成漢乃作是詩。

張鵬翮 字運青四川遂寧人康熙庚戌進士官至大學士極文端

旅夜書懷

分水驛連古萬州。烽煙無際黃雲愁。三軍不作刀

國朝詩別裁集 卷九

三

教忠堂

環夢一夜鉦聲繞戍樓

王 按 字藻儒江南太倉人康熙庚戌進士官至大學士著有西田集

虹友兄齋同漢槎夜話

海內爭傳季子名。相逢執手喜還驚。廿年塞外空
歸夢。一夕燈前似隔生。鐵嶺風沙銷戰骨。金河笳
鼓駐雄兵。知君具有凌雲筆。得藉陳湯返漢京。

歸後

望岱

山色周遭信馬蹄。岱宗高峙絕攀躋。龍從未許兒
孫並。崩劣渾疑星漢齊。風定天門懸日月。雨收石

角挂虹霓。他年定擬窮遊屐。秦觀峯頭倚醉題。

王士枯

字子剛山東新城人康熙庚戌進士著有古詩集。計甫
草云子剛為西樵之弟阮亭之兄才堪頡頏而西樵阮亭
早發聲望先布不
必視為詩後也

和李退翁侍郎讀水經注兼憶洞庭之作

相思何處折芳馨。望斷黃陵舊日亭。自注水經注湘水
又北徑黃陵亭西

秋水依稀聞落葉。楚天彷彿見揚靈。洲邊子成三

春綠。樓外君山一帶青。太息雲中君在否。不堪重

問道元經

渡揚子江

長江不盡來荆蜀。天塹平分控五州。地近沈舟悲

國朝詩別裁集 卷九

三

教忠堂

戰伐人從擊楫想。風流波開雲日諸峯出。浪湧魚

龍夾岸浮。況值丹楓搖落盡。三山縹緲欲忘憂。

指五嶽之概如此
方許作渡江詩

孟亮揆 字輝來江南長洲人康熙庚戌進士官翰林侍講學士

渡黃河和大司農韻

秋水輕帆憶此過。故園一卧任嵯跼。江山亂後重

為客。蒲柳新時又渡河。茅屋幾家晨爨少。桃花三

月晚潮多。十年築舍空民力。忍聽勞勞鴻雁歌。

于忠肅墓

曾從青史弔孤忠。今見荒丘岳墓東。冤血九原應

化碧陰燐千載自沉紅。有君已定還。鑒策不殺難邀復辟功。意欲殊三字。獄英雄遺恨。揔相同。

肅謂其意欲召外藩也。意欲二字與其頂有三字正復相類。一經拈出。積事頓新。

李振裕 字繼健。江西吉水人。康熙庚戌進士。官至戶部尚書。有白石山房詩稿。

祠闕里雅 有序

皇上文德武烈。震揚域外。海隅宴安。民有禮樂。誦之習。蒸蒸嚮風。廼循覽。徭俗。還過闕里。以太牢祀。孔子。禮儀致敬。賚予有加。臣躬逢大典。懼忤踴躍。不揣固陋。竊效唐臣柳宗元雅體。詠歌盛事。為祠闕里雅一篇。謹拜手稽首以獻。

國朝詩別裁集

卷九

重

教忠堂

太山巖巖遐邇具瞻。登封受命。上帝是監。鍾靈岱岳。篤生尼父。大道昭明。炳然終古。一於皇時。清繼天立極。累洽重熙。與民休息。苞孽既除。干戈永戢。偃武觀文。風行四國。二歲維甲子。歷起上元。翠華南指。旌軒八屯。秩祀東嶽。禮舉崇燔。頻臨日觀。旁矚天門。三泰山之陽。曲阜之宅。萬乘回鑾。里門是式。奕奕本支。恭迎清蹕。升堂陟降。祀典攸秩。軒縣轉矣。樂具奏矣。尊壘既陳。饗禮侑矣。俎孔碩矣。天子獻之豆。孔庶矣。天子薦之。五祝史有辭。我皇黼藻。曰萬世師。揭此顯號。華蓋

九旂。爰飾于廟。姬公孟子亦越。冀告。皇曰噫。

嘻。相子肆祀。濟濟臣工。詵詵胄子。布席橫經。披陳

奧旨。園橋肅聽。脾容有喜。陟彼泉林。厥流孔

泚。維茲檜文。厥枝孔虬。萬年不凋。聖人所樹。皇

心愉愉。爰記爰賦。帝恩優渥。零露瀼瀼。流根

潤葉。受祉無疆。匪曰賚之。孔氏之光。斯文丕顯。邦

家之慶。泗水湯湯。孔林蒼蒼。文草靈著。輦路

之旁。樵蘇有禁。舊不踰頃。今也廓之。數無常等。

奎畫有煒。垂象神宮。取彼琬琰。是琢是鑿。豐碑百

尺。崇律在東。歷年億萬。與岱比崇。維山有岱。維

國朝詩別裁集

卷九

重

教忠堂

天有漢皇。德是峻帝。文是煥。大道彰矣。治化

翔矣。日月星辰。慶重光矣。十二卷。祠聖人與泰。凱告成功。不同。故取古與此。取和平也。古與

近轉和平。近柳作者。擬得體裁。

趙申喬 字慎耕。江南武進人。康熙庚戌進士。官至戶部尚書。臨泰穀。恭親生。平清直。具見此詩。

庚辰仲冬。內召感賦呈祖道諸君

七載投閑學灌園。君恩未報滯邱樊。忽逢徵召

來南國。擬謝親朋赴北轅。老信有生遵正軌。只慙

無術。款黎元。諸公祖餞箴予闕。龍勉匡時望進言。

許孫荃 字四山。江南合肥人。康熙庚戌進士。官翰林院侍講。陝西學使。○滋昂。忠壯。多燕泰之聲。

出門

出門必春初入室必冬暮豈無兒女情終歲不暇
顧揮手從此辭夕陽渺煙樹作客若況全在
而必字形出

五丈原次大復韵

荒原淡斜日古戍黯層陰五丈空留跡三分不死
心地隨營墨沒星與陣雲沉薄暮秋風急如聞梁
甫吟

潼關

百二初經得大觀嚴關高峙碧雲端兩邊峽束黃
河去萬仞根連太華蟠天險西來凌絕巘地形壯
折鞏長安如今聖德能懷遠猶作當時要處看

國朝詩別裁集

卷九

三

教忠堂

與兩戒中分場太華城百折走黃
河與於魯衛一結得設險守國之意

武功春日謁后稷祠

當時教稼無先聖萬世黎民定阻飢詞客古今瞻
廟貌村農伏臘走軒墀邵封麥秀垂垂徧禹甸泯
歌虞虞隨文德配天真不忝獨從含哺有餘思起李
如萬

峯陞石備行散
墨家邪解辭此

萬里

萬里驅車亦壯哉西征咫尺是輪臺無邊晴雪天
山出不斷風雲北極來關到玉門中土盡槎浮博
望使星迴猶看定遠封侯道却憶嫖姚佐漢才

莊浪趨張掖

酒泉張掖近天山大漠風雲指顧間莫道行邊人
萬里最西還有玉門關

國朝詩別裁集卷九

國朝詩別裁集

卷九

三

教忠堂

國朝詩別裁集卷十

長洲沈德潛歸愚集評 男 種松枝字

江陰翁 照霖堂 長洲周 準欽萊同輯

樂 燈 字是期江南吳江人康熙庚戌進士知寶應縣著有已畦集。先生論詩一曰生一曰新一曰深凡一切庸軟陳腐浮淺語須掃而空之今觀其集中諸作意必鈞元語必獨造寧不踏俗不肯隨俗是於諸名家中能拔戟自成一隊者。先生初寓吳時吳中稱詩者多宗沈陸沈所標者沈陸之皮毛幾於千手雷同矣先生著原詩內外篇四卷力破其非吳人士始多警悟之先生沒後人轉多從其言者王新城司寇致書謂其獨立起衰風非漫許

採柳謠

去年采東鄉今年采西鄉東西兩鄉柳采之盡介

戕河隄決無時需掃如山岡高柳無遺槎柳種纔

國朝詩別裁集 卷十 教忠堂

成秧大府昨下機催督肩相望境內柳已空越境

有嚴防無已及他木槐榆楓櫟樟連材式不程李

難代桃僵百金縛一掃千夫提其綱投之滄淵中

厥聲嗷嗷沸湯河伯鼓赫怒飄如馬脫羶哀哉累膏

血一擲刻肉償何慮千百掃往往歸茫洋吾欲叩

九關好生德之常緬彼至治世大海無波揚

湖天霜

湖天湛然清盛夏飛嚴霜霜嚴結陰慘白日沈荒

涼厲鬼啾啾鳴行路聞心傷埋冤尔為何毅魄非

國殤生為蚩蚩民安分柔且良真盜失伏辜漁人

罹禍殃殺人不抵死袖手反代償有耳非不聞有

眼詎失芒一人愛功名片語進斧我邀矣三宥仁

孰察五過章一朝四百指駢首堆荒岡湖水自終

古流恨徒湯湯寄語司牧者殺人宜慎詳殺四十八人

官爵古雖吏中有此事驚乎天道好還必不使之保首領留種類也積至後半歲月中恐亦肌膚起泉

度大庾嶺

千里連峰匝紆迴出萬尋險分南服界雄見越王

心鴻雁謀何苦熊羆氣轉添高松陰夾路風過助

長吟三四語沈雄者

送王阮亭宮詹祭海還 朝

國朝詩別裁集 卷十 教忠堂

使節天邊轉韓碑讀罷還挹泉驕主眷探袖出

民難飄沒依依樹裝輕箇箇山南枝留不住高詠

過重關振袖出民難不

瘞瘳恭成事祠壇異碧鷄蠻方留雅樂玉陛返桓

圭激水從天上扶桑向使西 聖朝嚴俎豆到日

拜封題

尋山

二月花爭發尋山一逕冥峰迴常拖影雲斷半銜

青柳露沿溪屋人歸隔嶺事桑榆留晚照尚及渡

前汀

京口作

朔風動地大江鳴猶說南徐北府兵鐵鎖幾人籌
異代布衣終古悔成名江山無限漁樵計木葉頻
驚關塞情試上高樓憑四望不禁淚下媿平生

手難得龍虎卧之筆
得此以下便如破竹

嘉興陳用亶招同秋嶽先生暨諸同學集尚

友堂限微字

酒盃數去此風微賴有同心款夜扉上客獨存天
寶舊佳辰長歎永和稀一尊綠影如求友千里萼
絲不厭肥庭際殘紅將次盡碧梧翠竹轉芳菲

國朝詩別裁集

卷十

三

教忠堂

中秋後同人集用亶尚友堂憶五年前秋嶽

先生有此集限微字韻興懷愴然仍限前

韻

風雨從吾款舊扉也知荃杜采應稀敦槃衰髻驚
難再花月歡場漸欲微晚藥侵階秋得氣倦螢入
戶冷無依緣隄哀柳吾憐汝約畧年華兩並非

集年借倦舊柳以寓
蒼涼之況為之黯然

括蒼道中

蕭然倦策度重巒絕壁摩天傍斗看遊子傷心悲
九折美人遥睇隔千盤啼鵲花信他鄉到瘦馬衫

痕落照寒不斷亂雲投北去生憎回首望長干

地懷良友也瘦馬衫痕一
語寫盡孤客遠行之况

集吳天章傳清堂感舊限紅字

廿載銷沉各老翁江鄉舊館酌殘紅忽驚灰劫餘
芳砌自注堂為前輩舊居四
十年前曾隨先人集此重愴山陽拭槁桐行路真難

拚病廢閒情漸遣藉途窮深秋已過繁霜雪苦憶
茫茫衰草中

同人夜坐康貽姪齋限人字

意外相逢是故人哀顏燭影話重新花殘幾易羅
含宅燕到重沾杜甫巾無處避愁應擇地有山送

國朝詩別裁集

卷十

四

教忠堂

老不嫌貧吾家二妙欣相慰嬾向滄江再問津

平直極眼前事一
經點化頓使生新

石門郁曾發遊秦歸賦贈兼示胡圓表徐導

柏

十載驚沙積曉裝龍鍾短策倦遊梁飢來慣逐長
榆月老去重沾絕塞霜登嶽何人携謝朓入門無

女問中郎曾發歸
時喪文江波淮浪摧肝日話比秦川路更

長

去去空山學道裝難忘情處在河梁勞生歲月官
橋柳終古人琴斷坂霜自注故人
徐次琴水咽隴頭留苦調

花然巷口映諸郎自注圖表昆弟子姪二十餘人秦宮漢殿秋原上飽贈書生一枕長勞生歲月以官橋柳況之終古人琴以斷板霜凝之身世友朋之感幾於字字欲淚

與趙書年話舊追憶其尊人山子

隔世荀陳隔日情朱顏皓首兩心驚文章涕淚仍聲價冰雪關河竟死生自注癸卯冬予與山子計南草北行兩兄並物故五年矣重觀風標堪和鶴自憐衰老續鳴鶯庭梧竹影難忘夕怕見城西暮色橫自注山子故居

疊韻答學山姪

處世應師田子方馬遷貨殖計寧長東西鴻爪皆空點今古蛾眉不易防漂泊未歸元亮宅支離合國朝詩別裁集

卷十 五

教忠堂

老管寧牀生涯隴畔驅黃犢焚硯何心賦補亡

同徐方虎張步青趙湛卿登永嘉江心寺浮圖

驚宮突兀傍銀河界破青冥一雁過名士登高雙淚下故人回首萬峰多新傳蜃海銷兵甲若箇魚磯卧薜蘿尺五去天知不遠憑君才調問如何時每多身世之感無情人不知也五六錢鏐已銷薛離離卧望有情者出而用世應為同遊者言之

楊花

小蠻腰瘦不勝情斷粉飄雲帶舞裙莫使漫天飛不住樓中尚有未歸人恐其傷思婦心也視春日發粧之作更覺微婉

題平湖沈客子燕京春詠後

殘杯忽憶帝城春曾逐輕蹄十九人淮上黃蘆江上雪憑君說是賞花辰

梅花開到九分

亞枝低拂碧窗紗鏤月烘霞日日加祝汝一分留作伴可憐處士已無家從九分著意不為卒讀

客發蒼溪

客心如水水如愁容易歸帆趁疾流忽訝船窗送吳語故山月已挂船頭初歸家時實有此景比忽驚柳樹出新覺故人多更妙

國朝詩別裁集

卷十

六

教忠堂

治為文章詩中所云皆從憂動藥思中出也勿徒於對偶聲律間求之

阻風

陸行無風波偶嫌路紆折中心希所求水程較直截鼓棹正中流陡遇風威捩日行十餘里毋乃所望舫欲速適為累悔不從迂拙迎面掛席來疾行飛鳥滅帆檣非不同遲速何殊絕長年前致詞前程難預決萬事貴順天人力徒勞竭明日風勢回遲速又更迭乃知天下事安分自怡悅寄語山中人待時養明哲即阻風一事中傳出樂天安命意養時晦之學詩如此乃不徒作

寄時齋弟

百孔千瘡。雖來尚帶癡。清貧林下穩。迂拙宦途難。有淚洒荒野。無才事上官。感君相念切。聊用報平安。五六語包括任處一傳

偶感再和時齋韻

中夜捫心候。無妨對泐寥。難舒單父肘。恥學楚官腰。君並陳情李。時齋以母老求終養子慙歸去陶。鶴鶴樓未穩。豈敢慕冲霄。取學楚官腰即上一首無才事上官也

迎春

律轉鴻鈞佳氣同。肩摩鼓擊樂融融。不須迎向東郊去。春在千門萬戶中。

國朝詩別裁集

卷十

七

教忠堂

顧貞觀

字華峰。江南無錫人。康熙壬子舉人。官中書。著有積書齋集。梁汾臨沒時自選詩一卷授門人杜雲川。太史雲川付梓。人以傳不滿四十篇。皆味在酸鹹外者。前輩嗜古。不不自足如此。

雨止爐塘書舍抵暮無一人過橋上者

山淺雨亦深。煙光暮如積。甯然清池上。雙與塵土隔。倚杖玩浮漚。憑闌數歸翼。無生復奚滅。有動隨所息。磬響時一來。懷哉巖岫客。願言依此境。共對香燈夕。一塵不起語可証彈

春夜大雪念儲汜雲宿舟中詩成黯然兼寄

應雲皆人兄弟

百里非遠涉。忽嗟行路難。蓬窗半夜凍。積雪摧檣

竿。念子擁衾坐。知余撫枕歎。吳中文翰侶。公譙方極歡。暖響迷玉漏。晶輝瑩珠盤。誰持一尊酒。慰此孤舟寒。前路逢二謝。客愁應少寬。平生倦水宿。歷歷驚風湍。

開先漱玉亭

辟立雙芙蓉。正臨無底谷。誰揮修月斧。盡削銀河曲。倒瀉萬斛珠。翻飛千尋玉。有龍蟠其下。喧極眠更熟。縱橫題石字。但見莓苔綠。洗鉢注軍持。餘生此焉足。

灌園

國朝詩別裁集

卷十

八

教忠堂

不自量筋力。求為人灌園。意惟營一食。跡若避羣喧。誰遺五色芝。服之詫騰鶩。奈非塵埃種。移時安得蕃。還將理菜畦。膏澤資泉源。黽勉試操作。編籬復插援。早韭和露茁。晚菘凌霜翻。但從采掇便。未覺烹飪煩。心形誠苦疲。既飽亦軒軒。向讀神農書。近聞老圃言。罷耨未能安分謀食陶公心事如見

夜聞梵音

一燈山牖出。隔竹露光注。坐聽香臺人。法華中夜轉。清泉漱寒玉。細入吳音軟。嚼蠟況橫陳。凡襟何時遣。去左司未遠

秋曉登滄浪亭呈宋中丞

初日上東南。林亭空宿翳。草香珠露重。的皪侵衣
袂。唱杳曲池菱。吟餘小山桂。猶聞遺翰墨。但惜沉
碑碣。望古情已深。懷賢感亦係。由來滄蕩人。別作
流傳計。俞施賤原嘗。虛徐狎莊惠。誰陪飛蓋遊。屬
和高文麗。詠滄浪亭者俱倣蘇軾體此以淡弄行之春花明媚忽遇山響獨殊風格

贈吳園次太守時僑居吳門

煙月揚州不可住。金閨亭下牽船處。風流海內幾
知名。却傍江潭惜枯樹。壯心無計得消磨。千疊蠻
牋十斛螺。鴛鴦翡翠長相守。其奈纏綿舊事何。舊

國朝詩別裁集

卷十

九

教忠堂

事追趨青瑣闥。承恩獨給尚書札。玉箱珍重貯填
詞。夢裏西風生白髮。武皇仙去已多年。老伴文明
繡佛前。第一莫孤琴酒興。夜分高譙日高眠。

韓

字元少江南長洲人康熙癸丑賜進士第一入官至禮部尚書補編文懿著有懷堂集公於經義有起衰之功奉勅撰述及一切碑版之文足以潤色鴻業左右史乘數額語者不及公也而德人之言自足風雅讀其第求之詞句之間

贈江南巡撫湯潛庵先生

於皇啓運惟良應期雲出山川靈雨乃施于潛于
躍致身惟時從容講幄道以言資俾贊大政謀謨
孔嘉帝瞻四方念我民依疇若綏懷維汝子材
往奠南服往撫朕師此言公以道事君明良一德命其撫綏南服也

時惟霜月戒途惟吉別殿寵行大官賜食何以衣
之溫貂重襲何以乘之小環金厄巽命以申莫匪
民極頓首青蒲臣職是力臣學孔孟羞管商術髦
髦之思惠此南國此言陛辭龍行也學孔孟羞管商術髦髦之思惠此南國

短車一乘具少于車敬謝供張敢煩新笏我馬既
羸我僕亦痛莫或寧處將此簡書吳儂遲公自今
有家叶悄悄獨管攬轡踟躕此言公簡從輕裝敬奉簡書而吳民望之同於望歲也

螟蟲食禾披根及心飛鴉食甚懷我好音嗟尔司
牧下民是侵素絲惟染官闕誰箴其則不遠公即
砥鍼無愧生平敬影與余此望屬吏化積習縣廉潔以公為準則也

國朝詩別裁集

卷十

十

教忠堂

稽古揚州田惟下下矧我勾吳文身而裸有明戰
爭天降之禍厥賦未貞王道為頤印給四方日炙
其輶脂膏既竭下民卒瘁剝肉流血敲骨及踝千
秋我公哀此鰥寡孟繪流民孟謁靈璫公誠動天
庶幾報可此言三吳浮賦民不能堪願公之為民請命也後屢疏陳請格於部議乃止

眷彼嘉穀實生其芳爰有止水當門置韭宿猾弗
除愿民誰牖其眾可容其魁宜取如木斯拔如雛
斯乳仁者必勇公維其有此言除莠民以安愚民也止水置韭用龐參訪任光事

烹魚苦碎治民苦煩調急弦絕汲多水渾五方殊
風莫返黃軒去其太甚不在高論鈞距不設鼠雀

無喧若其性天起化之源

此言除弊去其太甚無煩苛察也若其性天即使自得之意

奕世歌思厥有文襄端毅寬靜忠介清剛我公嶽嶽爲儒者宗體立用行攸兼其長神動淵默罔不在中若嘗膏之豈惟我邦佇公報政倚公辯章吳儂敢私以福萬方

此言撫吳大臣推周文襄忱王端毅恕海忠介瑞而冀公之追步前哲也此種立言得吉甫贈

人之體詩亦穆如清風

抵里門述懷

葵藿傾太陽雜縣避鐘鼓心跡若未并宜適各有所嗟余謬朝恩慙如腹背羽憂思日以瘁哀疾沬而寐陳力敢賴寵自免幸報可江湖皆日月夢

國朝詩別裁集

卷十

十

教忠堂

寐臨君父惴惴持小心寧間出與處歸來蓬蒿荒故基餘環堵點檢舊巾箱靜便深稽古舍傍有數畦頗能學老圃名山無卜築興至擷芳杜未暇謀兒孫何處謁公府弱植恐化茅高鳥不啄腐市朝我無營焉敢累鄉土

送礪巖洗馬移家石公山次悔庵韻

乍脫朝衫賦遂初青螺一點卜幽居菜根咬得當何肉蟲篆窺來半禹書吞却五湖無帶芥聯將三益有樵漁此時風月從吟弄幸惠新詩並起予

石公山

山色山藏禹書處

挽田間先生詩

跳身黨禍出鄉關辛苦書生戎馬間已分妻孥成死別寧知喪亂復生還孱王駟駘窮年恨故土驚花鎮日間一畝荒涼乾淨地千秋恐染淚痕斑

於亂兵故有第三語

長揖諸公折角巾頭銜不屈舊詞臣三千上客曾傾坐百尺高樓好寘身自下羊曇華屋淚

自注謂嘉善師每

人自注謂健庵師

被命修一統志先師司寇公完書也感而

國朝詩別裁集

卷十

十

教忠堂

有作

澹蕩江湖玉局隨苦心作者調誰知戶庭直欲包山海義例頻煩托寓卮窮盡異書多逸事得來妙解折羣疑最憐樂善通懷處嘗許門人贊一辭青螺一點故依然草舍荒煙客可憐萬里張騫曾鑿空九州鄒衍欲談天人從生死原輕散筆到山川不易箋惟有無情芳草綠猶鋪書帶舊堂前踏紅重到碧山堂歎息音容未渺茫佳句鐸間枯落墨小松階下慄成行少孫敢附龍門末後鄭常依馬帳旁猶是舊遊風月地孤燈夜雨照淒涼

門人

續修用意繁綿悽惻
令人增師弟之重

暮春唐解元墓下作

中丞當代振詞源。千古憑將風雅論。自昔唐衢惟
解哭。祇今宋玉與招魂。人歸黃土三生石。時過清
明一酒樽。更聞桃花舊蘭若。鐘聲敲月伴黃昏。時宋商印

中丞新葺唐解元墓。故從中丞說入其實。墓在橫塘商印所葺在桃花橋乃解元讀書處也。唐衢正說宋玉借說不得以不類議之。

王鴻緒字季友江南華亭人康熙癸丑賜進士第二人官至工部尚書著有橫雲山人詩稿○不及見全稿所錄皆未貴顯時作

歸來

長缺歸來日。貂裘欲敝時。吾親憐久客。扶杖喜相持。欸欸談征路。依依問舊知。自朝還至暮。盡室慰

國朝詩別裁集

卷十

三

教忠堂

離思

吾母倚閭久。風塵望早歸。驚看遊子面。為送去時衣。巖笋經冬出。慈烏向晚飛。白華堪志養。不必羨

甘肥。縫衣送遊子也。浣衣遊子歸也。傷事翻新只轉換間耳。

贈蕭芷崖

小築幽居碧草局。雲溪淡淡水泠泠。風流雅託梓人傳。邱壑應垂處士星。巖菊有情堪獨把。江蘺無怨為誰醒。高山更入朱絃調。可許巢由洗耳聽。莊子

梓人實逸民也。司空圖詩比於泉明。正則近日卿大夫無此下士風矣。

夜

霜風瑟瑟動窗紗。故國音書旅雁賒。永夜聞砧難入夢。他鄉見月易思家。干戈且喜人無恙。蒲柳應憐髻有華。獨愧聖朝容棄物。未辭簪紱問桑麻。

善學少陵不在形似

閨思

抱得朱絲琴。臨風彈別鶴。愁如江潮生。不共江潮落。崔國輔小詩原本子夜讀曲作者近之

採蓮歌

采采江水濱。荷花照臉新。莫愁西日晚。明月解留人。

國朝詩別裁集

卷十

古

教忠堂

宮詞

霜淨金階冷。蟲吟綺閣秋。嫦娥明鏡裏。亦自伴人愁。

徐倬

倬字方虎浙江德清人康熙癸丑進士官翰林院侍讀後家遇聖祖南巡進呈全唐詩錄百卷特加卿貳且年踰大耋子列六卿真感世幸人也詩亦如彈丸脫手絕異郊島寒瘦之習

詠水碓

睦州晚放船。江流益清濶。水石相抨擊。湍雪蛟龍走。居民置風輪。隨波轉樞紐。沙石廣場圃。比櫛列杵臼。但看椎聲落。不見誰舉手。精鑿脫糠粃。安閒到子婦。搨搨抱甕勞。拙哉灌陰叟。機巧厭桔槔。斯

言誠然否。聖人前。民用神智。皆自有愚民。偶得之役。使河伯久。但苦梁鴻貧。何處覓升斗。一結換意不脫不膠

騾車謠

車鐸忙替戾岡。騾轉轂尾禿速。路崎嶇聲獨漉。嗟尔車中人。何不還家抱黃犢。

寶劍金玉裝。少年駿馬駛車中。坐老叟面皺鬢。又瞞騾子。騾子負汝何。

簸之揚之非黎甦。顛之倒之裂裳衣。騾因芻豆辛苦爲勞人。草草將安之人。與尔騾計。摠非。

鷄初喔烏。再啼北斗。闌干月沉西。滿地冰霜。騾足國朝詩別裁集 卷十 五 教忠堂

動踏破千家萬家夢。奇警句以無意得之

捶馬勿傷面。捶騾勿傷背。傷背烏啄瘡。後日難重載。八口安食。騾奔波。騾若不行。誰能那爲語。役夫愛尔騾。愛及物力仁人之言

採蓮曲

溪女盈盈朝浣紗。單衫玉腕蕩舟斜。含情含怨折荷華。折荷華遺所思。望不來。吹參差。音節聲口宛然齊梁

月

木落川原淨。霜清烏鵲寒。可憐官舍月。強作故園看。老鶴捎雲去。饑鼯走夜闌。朔風偏太苦。吹徹角。

聲殘。官舍見月。忽念家園。此云強作故園看。前人無道及者。以下推開不復粘滯。是浣花翁家數。

聞蛩

鄉國三千里。寒蛩搥一聲。遙知閨閣內。共此別離情。響入秋砧細。愁先朔雁鳴。銀燈何太苦。起坐到天明。一氣直下。感唐人此高格

舟中雜感

高秋一葉下梧桐。有客揚帆夕照中。多病百年兼恨別。依人千里自途窮。滄江白露魚龍夜。冷月黃沙草木風。老去休思空冀北。日歸終擬會牆東。計數恨人

無有不達窮者此閱歷有得之言

國朝詩別裁集 卷十 六 教忠堂

雀啄黃花滿眼蒿。雁連雲影下空濠。投人自賤隋明月。無褐空思秦復陶。碣石寒砧催玉露。廣陵秋樹接銀濤。應知雨雪前途盛。歲暮誰憐左伯桃。

項王祠

莫問鴻溝事若何。獨留祠宇枕黃河。故鄉香火情何限。三戶英雄氣已多。零落繡衣生土蘚。歌斜駿馬絡藤蘿。到今吞岸濤聲壯。嗚咽如聞垓下歌。繡衣

何等豪氣而以生土蘚絡藤蘿綴之。英靈有知。應亦啞然失笑。

健庵太史招集黑龍潭小樓限龍字

小閣憑闌眺遠峰。青天一抹露芙蓉。塵封古殿多。

棲鷁木落空潭穩卧龍玉局自今歸大雅酒鎗依舊屬吾宗斜陽宮闕參差近五色雲深閉九重

禾中贈曾庭聞

庚信飄零似轉蓬江關詞賦老逾工客程半在青山裏壯志全消白社中尚有匡床分上下曾無破屋住西東鴛鴦湖畔輕攜手孤負桃花爛湯紅句破屋句念其弟青藜無家不能如二陸之同居也

湖上贈夏鹵均

青絲一騎出長安明聖湖頭把釣竿花柳坐催名士老湖山約與酒人看好憑酬唱東西屋莫妬聲國朝詩別裁集卷十 七 教忠堂

酬章雲李寄懷之作

一夜西風朔雁號故交書札念同袍短人豪氣三條燭把尔新詩八月濤過眼浮雲隨燕雀多情明月下蓬蒿憑君宦達還須早世路由來重佩刀

李基和

字協萬江南丹徒人康熙癸丑進士著有梅崖詩集

登代郡城晚眺

西風落日聲颼颼風吹沙起邊人愁黃雲片片下谿谷雁門木葉零清秋飛狐句注老鵬窰健兒習射來山頭嗟哉紫塞古來險頗牧爲將人安憂忽

然酸風射眸子迴看戰骨多荒邱歸鴉幾點過城去夜昏鼓角鳴譙樓

過鶴汀侍讀齋觀董文敏畫

曉雨初晴煙未收江雲一帶引輕舟模糊認得南徐樹不到家山十六秋因觀畫從獨家山繞異迹然題畫

柳絮

孤負當年詠雪人沾泥糝徑摠成塵却憐一樣風吹去偏是飛花隨錦茵

戊寅中秋初度月下作

光寒於水連天接色白如霜滿地鋪誰畫雁門今國朝詩別裁集卷十 七 教忠堂

夜裏山川別樣貯冰壺

自注金魏通元中秋詩桂子知經寒暑冰壺別是一山川

徐元夢

字善長遼陽人康熙癸丑進士官至大學士諡文定

送隨義文出塞

君到居庸北應憐一雁回沙平疑地盡山豁訝天開落日重關閉秋風萬馬來勉旃從此役莫上望鄉臺

聞其勞苦勉以公處四章不脫此意風骨不肯落開寶以後

兩出居庸塞憐君當苦辛風沙隨去馬雨雪滯行人地澗軍民少天寒部落貧須知柔遠意率土盡王臣

登三屯鎮城樓寓目

維堞連山起。登臨亦壯哉。一聲南雁去。萬里北風來。苔沒前朝碣。雲寒上將臺。興亡無限意。尚想濟時才。

送友人出使塞外

許國纔年少。胡為絕塞行。一身憑漢節。匹馬出長城。月色侵裘冷。霜花拂劍明。燕然何處所。石上自題名。

成

字容若。遼陽人。康熙癸丑進士。兩辰。殿試。官侍衛。著有通志堂集。侍衛生長華閤。淡於榮利。書史友生外。無他好也。詩情飄忽。要眇。斷腸人。遠傷心。事多年之。不永。即於韻語中知之。

盧子諒時興

國朝詩別裁集

卷十

九

教忠堂

代謝感時序。迭徵歎日月。愁彼鷓鴣鳴。忍此衆芳歇。林園無鮮藥。原野飛隕葉。王孫傷歲暮。志士勵窮節。勁建轟驚飈。貞松翠霜雪。昂昂澤中雉。矯矯韜上鷹。物性不可渝。人寧不如物。努力崇明義。豈為威武屈。砥礪志節傳。出子諒心事。

送蓀友

人生何如不相識。君老江南我燕北。何如相逢不相合。更無別恨橫胸臆。留君不住我心苦。橫門驪歌淚如雨。君行四月草萋萋。柳花桃花半委泥。江流浩淼江月隋。此時君亦應思我。我今落拓何所

止一事無成已如此。平生縱有英雄血。無由一洗荆江水。荆江日落陣雲低。橫戈躍馬今何時。忽憶去年風雨夜。與君展卷論王霸。君今偃仰九龍間。吾欲從茲事耕稼。笑容湖上芙蓉花。秋風未落如朝霞。君如載酒須盡醉。醉來不復憂天涯。酣嬉淋漓。無情語也。

再送施尊師歸宮廩

紆府追隨結願深。曰歸行色乍駸駸。秋風落葉吹飛鳥。夜月橫江照鼓琴。歷劫升沈寧有意。孤雲去住亦無心。貞元朝士誰相待。桃觀重來試一尋。

國朝詩別裁集

卷十

二十

教忠堂

山海關

雄關阻塞戴靈鼇。控制盧龍勝百牢。山界萬重橫翠黛。海當三面湧銀濤。衰笳帶月傳聲切。早雁迎秋度影高。舊是六師開險處。待陪巡幸扈星旄。

柳枝詞

馬卿苦憶紅泥閣。我亦傷心碧樹村。病骨沈綿詞客死。更誰攀折與招魂。自注。綠楊天半紅泥閣。朱槿風前翠袖人。亡友馬孝廉雲。柳枝詞。

邵

瑣

字柯亭。直隸大興人。康熙乙卯舉人。官昌邑知縣。

春日雜興之一

春風不媚俗。一例到閒門。新樹移鄰圃。青衫染酒痕。世情浮宦拙。吾道布衣尊。盡日讎書卷。藜床坐覺溫。此任廣文時作

九月十五夜中庭閒步作

鐘傳人定月華明。漸覺新寒夜氣清。露重似宜添羽帔。樹疎何處著秋聲。一燈舊雨鄉園夢。殘夜西風獨客情。身世不從詹尹卜。流行坎止足吾生。

芙蓉

曾從楚客賦蘭茝。喜見風翻赤玉幢。欲采名花遺國朝詩別裁集

卷十

王

教忠堂

良友還憑遠夢落。秋江盤承雨露珠。無算並鴛鴦。帝自雙此日。仙城誰作主。凝眸遙望。凭紅窗。江韻

題畫

青山一角夕陽銜。隔斷喧囂境不凡。有客空亭閒眺遠。桃花春水送輕帆。佳景自得佳句

彭定求

字訪濂江南長洲人康熙丙辰賜進士第一人官翰林侍講著有南陽詩稿。先生遇忠義事必表以彌人心風俗故見於詩者多

故閣部史公開幕維揚城潰殉難相傳葬衣冠於梅花嶺下過而哀之

極目層城古戰場。忠魂飄蕩恨茫茫。軍中空道臨裴度。都下無由仗李綱。碧血久從衰草沒。白雲遙帶古梅香。吾來暗灑三升淚。髮鬢靈旗下大荒。開府揚州

而無權異於晉公之奉命視師統率諸軍也任馬阮而疎閣部與宋高之任汪黃斥李綱相類比例典切乃見本領

望日謁文山先生祠時于中丞方議重修用杜詩蜀相原韻

杜詩蜀相原韻

信國孤忠汗簡尋。荒祠憑吊劇蕭森。旌旗曾壯吳疆色。絲竹空埋魯壁音。自注祠為長洲舊學斜谷出師原比烈。睢陽仗節本同心。榱崩棟折勞興復。瞻拜遺容一振襟。此以忠武睢陽陽恰如分量

國朝詩別裁集

卷十

王

教忠堂

五人墓

偶泛蓬舳繞郭來。摩挲墓碣久徘徊。重看俎豆登鄉社。尚想干旂捍黨魁。白刃爭櫻千載烈。青雲並附九京哀。蕭蕭松柏凌秋爽。遺臭生祠安在哉。自注墓在

毛撫建紹逆生祠處

湯陰謁岳忠武故里廟像

忠武鄉閭駐轍過。柏陰森列更摩挲。辭家壯志憑孤劍。報國先聲震兩河。北窖攀髯魂正遠。西陵埋骨淚偏多。天傾宋社殊難問。可奈乾坤瀕洞何。

過淇縣懷同年高振聲給事

給事名選昌以參劾大慈繫獄久之得釋被劾

者從伏辜今給事方村
居余以未及往晤為恨

杏林追數舊遊人。屹立朝陽一直臣。苦節偏能櫻
虎穴。孤忠肯憚拂龍鱗。葉街授首天刑速。郿塢然
臍國典伸。今日淇西容隱遯。停雲冉冉感參辰。

胡會恩

字孟綸浙江德清人康熙丙辰
賜進士第二人官刑部
侍郎著有清芬堂集。侍郎不以詩鳴然含官咀商天然

明麗其
品自貴

湖口行

青青石鍾山。漂漂湖口關。潯陽匯彭蠡。九派奔潺
湲。東南估客度江津。湖口新關愁殺人。烏蓬艇子
大於葉。朝去昏還兩筭緡。江邊怪石如刀戟。衝濤

國朝詩別裁集

卷十

五

教忠堂

觸船船寸坼。誰能冒險瞬息停。一任當關恣抑勒。
正稅還蕪雜稅供。雜稅何曾入大農。一自新關移
使者。棹歌聲斷月明中。
此種詩觀人
風者應采之

書京江先生南苑詩後

御溝楊柳參差碧。夾道宮槐吹綠雪。六飛初幸
玉泉廻。南苑春蕪駐。仙蹕帳殿涼。颺五月寒。瞭
鷹臺畔簇雕鞍。至尊乙夜開經幄。中使星馳召
講官。曲江學士蓬山彥。著作承明侍清讌。每依石
室展牙籤。頻直彤闈聽銀箭。當令天子擅聖神。
一遊一豫行時巡。上林獸簿不足問。石渠典籍時

相親。屬車載書三十乘。特簡儒士隨八駿。先生奉

詔有殊恩。郊原寓目多名勝。拳毛蹀躞沙路香。

平明珥筆紫荷囊。致君一卷虞書在。卿雲復旦賡

陶唐。霏微銅鶴鑪煙細。丹陛從容傳聖意。天苞

地符世莫窺。河洛千秋未宣秘。俄傳鑾輅下離

宮。羽林七萃依蒼龍。競識相如參侍從。千羣組練

一章。縫歸來振筆詩千首。雲霞灑翰蛟螭走。鸞尾

淋漓進尚方。岐陽石鼓同不朽。休風盛事載瑤編

不數橫汾宴鎬年。顏將茂草虞箴譜。入薰風和

國朝詩別裁集

卷十

五

教忠堂

珠江雜詠

我愛珠江好。風光入嶺偏。帆飛蜩斗水。杖倚鷓鴣
天。穗石仙蹤古。花田粉澤妍。扶胥望不極。身在海
雲邊。

我愛珠江好。天南接大洋。山家蠓壁峙。海市蠟帆
揚。酒雜檳榔醉。茶勻茉莉香。最宜新雨後。炎暑變
清涼。

我愛珠江好。駢羅雜卉多。叢篁迷澁勒。異果熟波
羅。火米生黎貢。蕉紈細馬馱。木蘭新艇子。溪女唱
蠻歌。

我愛珠江好。清娛事事幽。名香散東莞。佳硯採端州。水驛梅花晚。山村荔子秋。新來解蠻語。倚樹聽鉤輈。難入廣南風物鮮妍。鉤輈不求工而自工。

題張遠若侍御疏稿

太阿持節南。釀禍實熹宗。誰使貂璫魄。猶存馬鬣封。青山無穢骨。勁柏有霜容。我讀西臺疏。清威徹

九重。侍御名璠。和門人疏請削逆奄魏忠賢墓時論共快之。魏奄既後墓猶幾圯。陵寢碑稱完。吾公乾兒義孫列名其末。皆宰臣卿貳也。侍御奏後得旨發而平之。以木石充永定河工。用詳春明夢餘錄中。

金陵

建業曾傳半壁安。秦淮鳴咽暮濤寒。六朝寂寞青

國朝詩別裁集

卷十

五

教忠堂

山在十廟陰。沈畫鏃殘。禾黍故墟屯。鐵馬煙花南。部失雕關隔。江玉樹歌聲斷。更有哀絃向月彈。

吳門值錢飲光惠詩賦答

南國靈光尚。歸然孤雲踪。跡老龍眠。詩名海內推。尊宿道貌塵中訝。散仙前代清流。端禮石荒江甲子。義熙年。他時若問遺民錄。桑海蒼涼姓字傳。前明

人本朝為高士。總以遺民概之。

秋曉

銅街列炬簇鳴騶。倦客中宵攬敝裘。曉柝尚嚴人語靜。寒星欲沒露花流。官鴉影散金門曙。朔雁聲

傳碣石秋。擾擾縹緲塵。驚歲晚。江湖迢遞引羈愁。

都中四時歌

存秋一首

霜黃草白雁聲多。南苑旌旗萬乘過。落日秋原飛俊鶻。涼鷹臺畔擊天鷲。

蕪州送春詞

畫簾蒼苔陌上蹤。一春心事怨吳儂。曉風欲倩遊絲綰。愁殺寒山寺裏鐘。未到曉鐘猶是春。故愁聽寒山寺鐘也。點入寒山乃切吳地。

病中雜述

字寶林。江南常熟人。康熙丙辰。賜進士第三。入官至刑部尚書。

通來有微疾。遂得身閒居。隱几發清思。且復親詩書。夜闌不成寐。落月明前除。漸覺萬慮捐。往往見太虛。多恐疾良已。此念又復初。多病道心生。親歷其境。若能言之。結意自警。

國朝詩別裁集

五

教忠堂

我初亦何為。無端在陶冶。我身既非真。況乃名氏假。因復被虛聲。從人置高下。微生屬醯雞。世事付野馬。浮雲與電光。於我何有者。此意即道心生之驗。

下第出都途中偶成

孤踪寂寞與時違。匹馬荒郊趁落暉。有影自隨還對語。無家可老尚思歸。花當寒谷先秋落。雁叫空江帶雪飛。棄婦可憐身已去。向人猶整嫁時衣。手

中間只隔一科而下第。詩比氣味如中酒情懷。似別人更甚。篤於科名。不覺言之流露也。

聞官軍收八閩

三年轉戰苦蒼生。禁旅傳餐滿市城。實氏已來關右表。令公猶典朔方兵。却看星象書含譽。自注司天奏合璧星見應有花名賜太平。自注宋仁宗時蜀地貢名并賜名太平花額得臨邊諸將帥。

許教隴畝事春畊。

陳錫嘏

字介眉浙江鄞縣人康熙丙辰進士官翰林院編修著有燕山堂集

賦得長安一片月

誰領高秋意。當頭片月看。碧空雲自淡。金掌露初溽。析起街聲靜。砧鳴夜色寒。清輝應萬里。不獨照長安。

國朝詩別裁集

卷十

三

教忠堂

送湯西崖歸西泠

馬蹄經歲踏京華。忽逐征鴻去路賒。何物關心歸思急。孤山開徧早梅花。

王頊齡

字顯士江南華亭人康熙丙辰進士已未名試博學鴻詞官至大學士諡文恭有世恩堂詩

魏忠賢衣冠墓

熹宗之朝闡寺亂。不數弘恭與石顯。門下誰非謁者兒。朝中半作貂璫犬。吁嗟氣勢真回天。茄花委鬼相鈎連。楊左諸賢一網盡。鎮撫獄底屍駢肩。門生天子差彷彿。張父趙母何惻然。紛紛祠額徧寰宇。賜塋特勅營生前。將作起家同祈連。果恩門閥

踰董賢。一朝冰山忽傾倒。凶骨不得歸三泉。摩挲

碧雲舊碑碣。忠賢姓氏猶高揭。侯覽當時既伏誅。衣冠誰使留空穴。安得雷火一夜仆此碑。更倩龍湫之水洗。羶羯山靈面目還。清潔此詩成於張侍御奏請削平之前故望水火燒

除洗滌之

讀史有感

授鉞勤王日夜聞。麒麟高設待殊勲。湘東湯說擒侯景。項羽徒能殺冠軍。甲士蟲沙麾下變。美人絲竹帳前紛。書生空有憂時淚。灑向東風到夕曛。此黃之不盡力也

國朝詩別裁集

卷十

三

教忠堂

喜湖南諸路大捷和學士李容齋前輩韻

降旗千片廩君船。妖婦春澄夢澤天。百粵風煙通馬援。八公草木走苻堅。帝心自切平吳後。廟筭真成下瀨先。從此蠻方歌大定。竹筇蒟醬貢年年。籌邊屹屹建高樓。兩岸灰飛赤舄舟。首惡暫稽軍鼓震。遺俘難免檻車幽。早擒孟獲趨滇水。急斷盧循入廣州。萬里長江消垢埃。直從楚尾至吳頭。

送李天生歸養

廿年高隱爲承歡。詔趣蒲輪却聘難。聖主愛才非強志。大儒報國豈須官。鄒枚詞賦清時重。黃

綺風流異代者。遙想絲衣歸拜舞。朝思家慶話

團樂以養母急於辭官盡子職即

張榕端字樸園河南磁州人康熙丙辰進士官至禮部侍郎

登岱

寰中羣嶽震為尊到此真窮造化根曉日銅鉦升
海國長河衣帶挂天門下方雷雨晴空見上界星
辰靜夜捫九點青煙俱在掌不須更擬上崑崙

王吉武字憲尹江南太倉人康熙丙辰進士官紹興太守著有米庵集先生沿官能化民成俗歸里後依然老諸生喜引掖後學有應之者奉一旨

微名堅辭之以上壽終

重修六賢祠成展祭作自注黃忠端公諱尊素便文貞公諱元瑞施忠介公諱邦曜周

國朝詩別裁集

卷十

无

教忠堂

文忠公諱鳳翔劉忠正公諱宗周和忠敏公諱彪佳皆越人明季殉難

乾坤有傾折憑誰奠蒼黃成仁取義間得爭日月
光末世務苟活橫流決隄防不有數君子何以扶
頽綱明季丁否運婦寺紛蜩螗羣賢共憤爭枕隍
正氣揚暨暨有黃公請劍擊貂蟻糜爛北寺獄冤
血流園牆逮乎思陵末大盜劇披猖京城竟瓦解
官闕屯豺狼倪周並詞臣就義何慨慷賦詩整冠
帶引脰遂絕吭共志有中丞仰藥裂肺腸雲車駕
風馬同日從君王維時劉與祁解組各歸鄉號咷
義旗舉自矢百鍊鋼未幾湛荒晏南都復淪亡兩

公竟致命先後歸帝旁一甘絕勺飲僵餓追首陽

一起赴清波懷石同沉湘區區於越地山川靈氣

翔凜凜得數公勁草卓秋霜平生所樹立理學兼

文章末路更完節浩然還旻蒼聖朝重褒忠祝

典載輝煌守土風教責表揚分所當立廟傍黌宮

六賢共烝嘗昨秋大風雨摧我西廡廊周垣半傾

圯不能庇堂皇率先亟修築勿使沙礫荒榱桷新

丹雘木門飾倉琅登堂薦蘋藻肅然對冠裳即事

有振觸霑襟涕浪浪疇無君親恩俯仰默感傷表忠堂

貴族雖不尚奇崛敘述六賢詳略分合各見筆法韻語中含傳體

國朝詩別裁集

卷十

三

教忠堂

讀史雜感

錦不可為冠稻不可為簪物雖負美質適用那得
齊束髮事柔翰懷抱獻金閨洩勃各有長技之在
良醫外吏尚幹局銳者可剗犀資力天所稟不在
古與稽清廟鸞鈴刀漫然試割雞用才或相違不
如委滄谿樊籠羈逸翮鹽車困霜蹄自昔有不遭
何為歎顛隤水庵不類伍刀筆筆篋之徒故借詠古以自況

釣臺謁嚴先生祠

釣臺窈兀千山裏釣竿獨拂桐江水藏名遯跡山
水間為有故人作天子眼底不知赤伏符意中安

有侯司徒京華筆札非所慣自笑故態猶狂奴鑾
與朝臨只高卧伸脚無端驚帝座中與將相列宿
明不若江湖客星大千秋片石何嶙峋遺廟江邊
棖桷新左方右謝同縫掖自注方雄飛謝舉羽且喜不染簪纓
塵行人繫棹孤亭下瞻拜高風心獨寫紛紛名利
獨何爲堪歎征帆往來者不著識論自高

許由瓢

瓢掛樹一葉輕風吹濩落夜有聲不若棄之夢亦
清天下非大瓢非細身外之物總爲累不可以律有天下而不與之心

然集許心事盡此二語中

國朝詩別裁集

卷十

圭

教忠堂

劉參軍鍾

伯倫沉醉萬古轉曉解醒五斗隨身一鍾塊然土
木委化從之杳杳冥冥天方醉時末語形出典午之香四字抵什伯言

郭汾陽冑

令公來敵壘開免冑直進胸無猜花門錯愕拜馬
首遽前譙讓執其手指天爲擔酌杯酒顛擊吐蕃
贖厥咎此時神策觀軍容方建大議幸河中回紇入寇時魚

朝恩操白刃宣言於朝勸車駕幸河中劉給事抗言爭之乃止

李臨淮韓中刀

大將不能辱於賊韓中置刀雪一尺自拚熱血戰

場傾不令衆死身獨生大旗連颶鼓聲陡前鋒小
却命取首突騎陷堅壯士吼河陽破賊獸散走幸
無監軍掣其肘一掣其肘九節度敗於相州矣唐時大弊於此指出

破龍澗

法雷夜響滄江底鐵井怒裂毒龍尾空山石破真
珠噴一夜化作蓮花水潺潺萬壑聽琴聲野花落
澗春香生清寒自是瀉石髓霜液豈染蛟涎腥火
警雷鬣從天下至今寒泉尚餘緒千年松老褪蒼
鱗猶似蜿蜒蛇神物化山僧晚汲風滿衣洗鉢貯得
真龍歸膽瓶插花佛前供雷雨還從鉢內飛奇傑矣却非長

國朝詩別裁集

卷十

圭

教忠堂

派吉

高層雲

字履範江南華亭人康熙丙辰進士官至太常卿著有改惡齋詩

送周紫海遊華嶽

巨靈擘連山洪河乃東落峻嶒豁雙華高天擢蓮
萼千峰列兒孫供伏類卑弱少昊揚金精元氣鬱
磅礴古來避世士長嘯此巖壑濟時心孔殷神化
特假托我觀陳圖南壯志小寥廓蒼生本無與何
爲隨驢馱龍蛻邈千祀繼者仍寂寞青齊得周子
有道耽藜藿不謂猶龍姿養晦同屈蠖長風吹孤
雲飄然向京洛携秋嘯俦侶携手城南郭言將尋

玉井側帽裏芒屨。到日想躋攀。翠棧飛猿。箭括通一門。煙霞任揮擢。仰首問寥天。顏偕玉女。博凌空笑退之。尔何有餘愕。神心事此之神仙李郭侯其力著者

瞿唐

連山接巴東。地險勢復壯。誰開鴻濛開。插天列青嶂。滌瀨立江門。突兀獻奇狀。摩挲兩鐵柱。越歷幾與喪。驚濤奔熬堙。魚龍不敢傍。衆山自迴合。前行欲何向。初疑水際窮。忽轉天心曠。恍如出甑底。沸釜掀層浪。赤甲與白鹽。開闔似屏障。丹黃蒼翠間。國朝詩別裁集 卷十 三 教忠堂

韶陽道中

湏源出大庾。厥勢頗奔放。况遭峽石束。鬱怒不可狀。南流匯武水。有助氣益壯。上疑建瓴瀉。下乏砥柱障。崖石威噴吼。灘隴關濤浪。既歎汴流險。復經暑雨漲。湍急工倍勞。風弱帆空颺。更當巖巒削。却苦牽挽妨。翠壁千篙攢。歲久石受創。自注徑難開篙痕深三四寸者不可勝數前林日欲頹。暮色歛悽愴。圻垠倚荒茅。孤槎庶可傍。極擬杜陵難未入神已能超俗

故園

故園渺何處。延眺獨傷神。親老久為客。囊空長傍人。淚兼花作雨。愁似草逢春。何日還桑梓。商歌原憲貧。

禁舒崇

字元禮江南吳江人康熙丙辰進士官中書舍人

荷蘭國進千里馬歌

皇帝御宇之六載。負宸致政歸彤墀。大開明堂治六服。萬國會同車馬馳。海波不揚通遠道。紛紛重譯來京畿。九州之外荷蘭國。人物竊傳言兜離。一朝稽顙表忱悃。驂駟作貢稱珍奇。雄姿逸態世罕有。奔騰千里猶嫌遲。驕嘶自許邀寵着。不憚跋涉經險巖。牽來獨立玉階下。遂令凡馬皆驚疑。姬王詎必重八駿。漢帝安用遣貳師。那知至尊方偃武。端拱南面垂裳衣。詔謂圉人歸廐下。予以銜勒聊機羈。鸞旗在前。屬車後朕乘。此馬將安之。聖朝豈復畜奇獸。留茲用慰遐方思。留其馬而不以服乘並得乘遠人不責異物之

國朝詩別裁集

卷十

三

教忠堂

首但作應制體者不解如此立言

秋日雜感

把酒高歌行路難。每從日下望長安。霜侵黃菊人俱瘦。露下紅蘭夢亦寒。海內友朋慙命駕。異鄉兄

弟勸加餐。不堪白眼傷時客。猶是逢人效鼠肝。

北風千里痛離觴。一去長沙自古傷。幸有文章能

報主。何妨魑魅喜投荒。驚心白璧三年淚。回首黃

金五月霜。聞道吳江佳句在。上書今已赦鄒陽。

金陵有感

狂來不減步兵愁。行盡清溪古渡頭。極目羣山還

繞郭。感時雙鬢怯登樓。桓伊邀笛人誰在。謝傅圍

碁墅尚留。俯仰只言天塹險。白鷗紅蓼滿汀洲。

許承家 字師六。江南江都人。康熙丙辰進士。

贈杜于皇七十

國朝詩別裁集

卷十

五

教忠堂

寂寞臺城北。高吟不厭貧。六朝三逕草。兩代一詩

人。天地經時老。關河到處貧。舉杯論往事。先世有

遺民。 兩代一詩。人傾倒極矣。遺老如于皇。尚恐未副此語。

汪 霏 字東川。浙江錢塘人。康熙丙辰進士。後召試博學鴻詞。官至戶部侍郎。

同陳驃騎携妓西郊射獵

小隊出重城。紅妝結駟行。英雄偏好色。女子亦知

兵。馬上琵琶奏。軍中鐃吹鳴。諸公但馳獵。吾最愛

秦聲。 英爽稜稜必此詩。幾稱此題。

大梁東友

星文三尺劒。霜刃十年痕。自是無知己。非關不報

恩。風悲朱亥里。日落信陵門。憑尔一相問。今誰古道存。

國朝詩別裁集卷十

國朝詩別裁集

卷十

五

教忠堂

國朝詩別裁集卷十一

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

毛奇齡 字大可浙江蕭山人康熙己未召試博學鴻詞官翰林院檢討著有西河詩集。西河湛深經學著述等身。在國朝可稱多文爲富者。惟攻擊朱子不遺餘力。至鐫書若干卷。以示旗鼓。所以不得爲醇儒。藝林惜之。詩學規撫唐人。時尙宋體。故多起而議之者。然學唐而能自出新意。不同於規摹孟賁之目畫西施之兒者也。視宋人皮毛者高下可以道里計耶。

打虎兒行

禹州民朱兒救父打虎。史使君廷桂獎勞之。予識之。禹署。

國朝詩別裁集

卷十一

教忠堂

十一隨父耕。深林有虎斑毛成。颼颼黑風吹草根。乘風攫人誰敢櫻。小兒不識虎。疑是狐與狸。陡然見虎銜父肢。咆哮草際風來吹。兒啼向風不得父。把杖打虎截虎路。三尺童子五尺杖。憑空擊去著虎臆。虎驚顧兒舍父逸。深林風草皆無色。禹州太守呼小兒。予之以帛飽以糜。予時在署識兒面。披髮跳擲真兒嬉。問兒打虎虎何似。舉手張牙作虎勢。假虎隱慄恐小兒。小兒驚避力不支。當時見虎得無怖。此事我亦昧其故。禹州太守省得知。是時小兒知有父。男兒七尺縱復橫。爭名攫利萬里行。

高堂存沒總不問。那肯舍命戀所生。我所思打虎兒。

正說小兒之忘身救父。易於平直。得假虎隱慄恐小兒一觀。則小兒之至性愈出。見此時小兒知有父。不知有虎也。此詩有關名教。西河集中尤爲拔萃之作。深林豐草皆無色。七字抵他人可數十言。

楊將軍美人試馬請歌

將軍航頭載美人。春行晚泊橫江濱。斜陽隋地草場潤。酒酣欲試紅麒麟。美人常服雙袴褶。青錦鴉欄紫絲結。蟬鬢當風捲似雲。馬毛散汗吹如血。金錢脰口玉抹膚。馬前細立秦羅敷。見人羞上還將。隋壯士驚前不敢扶。調鞍整轡坐不定。忽見桃花滿春徑。將軍似妬九華羈。在傍休視雙金鐙。明霞國朝詩別裁集 卷十一 二 教忠堂

美人而美人在焉。可謂入神之筆。

錢編修所藏司馬相如玉印歌

漢庭司馬梁園客。早歲爲郎晚馳驛。因慕邯鄲舊相賢。借取高名註屬籍。當時原有摹璽書。大者龔石小珠玕。螭首龜膊揔銜帶。碧文綠籀皆施朱。相傳解玉刻小記。四角中央排名字。檄使填將喻蜀文。酒徒印作當鑪契。于今相隔幾千年。不虞此物留人間。土衣苔繡半斑駁。銀鈎玉筋還新鮮。截肪

徑寸覆瓿紐何必黃金大如斗。錢郎得此真罕希。每與秘書通繫肘。會當天子好古文。相如已是同時人。尚書給札令繕賦。落筆殿前如有神。遂登著作入金馬。名在何須更相假。對策姑令董相先。容才久為廉頗下。長安秋盡寒欲來。驅車一上昭王臺。酒間出示爭把翫。令我懷古生徘徊。前人意氣不長在。況復微文等光怪。何物精靈護此符。歷劫千秋不曾壞。龍門遺冊嬾未收。圖書堆垛能生愁。我今欲借文園篆。一惹桃花紙上油。天子好古文以下俱詠錢編修却處與司馬雙關巧心海發

國朝詩別裁集

卷十一

三

教忠堂

詔觀西洋國所進獅子因獲遍閱虎圈諸獸敬製長句紀事和高陽相公

古皇慎德開四譯。內被綏侯外蠻貊。貢物區為王會文。共球載在賓庭冊。河鏐畎畹獻上方。兜離傑休陳明堂。三靈既應百神洽。般般之獸皆翱翔。康熙戊午十七載。神武聲名播遙海。五時從教白澤來。千門真見黃龍采。鴉翎習習負矢飛。雞斯之乘歸林支。諸方執贄儼相列。東漸溟渤流沙西于中。有國名古里。曾渡瀾滄作海市。魚眼看波射水紅。蛟絲織浪翻雲紫。地當申未產獸雄。金精傑出毛

羣中銜絛飾組獻。天子裁貝作童辭。禮恭從容檻致射。熊館不為珍禽為懷遠。虎落時看接上林。鷹房秋到移南苑。廷臣侍從欲賦詩。皇恩有詔徐觀之。圓目昂鼻有筋力。懸星掣電無雄雌。獨憐形髮未卷曲。曳尾繼繼若散絲。衣被欲成鞠色見。牙齧不使鉤形施。爾時羣檻狎諸獸。木壘槍樊列前圍。熊羆避路不敢當。虎豹攀欄有時吼。青鸞赤雀相對極。豪豬野馬爭游嬉。張昭見此不動色。朱亥在傍何所思。聞之有熊狩賜谷。獲得俊猊比牛畜。漢時安息亦獻斯。形似麒麟但無角。從茲郊祀國朝詩別裁集

卷十一

四

教忠堂

播樂章。射烏格鹿非尋常。饒吹已陳朱鷺曲。徵歌還及白狼王。何如儲待未完緝。詔遣求賢共來集。東堂甫布網羅成。西域剛逢旅獒入。招搖乍啟禁籞開。白麟有對皆奇才。請看太保卷阿賦。恍見文王靈囿來。依題布置而徧閱諸獸中仍以獅子作主此分賓主識輕重也一結尤得應制體

朔方

天校神兵罷朔方。雙鍵不復掛漁陽。三秋白草緣關斷。萬里黃河入塞長。鐵柱分標滇外戍。金書異姓漢中王。從軍久負匡時略。愁見邊關到夜郎。

送人之未陽

湖北湖南水盡淨杜鵑啼歇過衡州幾重高峽穿
天下萬里平江入漢流念母徐生終去魏思鄉王
粲故依劉少陵古墓依然在酹酒荒原無限愁

錢唐逢故人

西陵咫尺是天涯喜汝從予江上槎兩度陶朱思
返越百年張儉竟無家鄉關恨屈鑽榆節里巷羞
乘廣柳車壯士不還仍遠去江東兄弟湯咨嗟應是
避就

出亡而不歸者玩
四語六語自見

少年

少年仗劍出關中羽衛新招六郡雄久許報恩通
國朝詩別裁集

卷十一

五

教忠堂

聶政平時飲酒笑秦宮鷄鳴曉日黃河動雁陣秋
陰紫塞空當日粉榆遷欲盡愁君馳馬過新豐一結
為少

年危之應是負氣
任俠同於郭解者

禹廟

夏王四載告成功別禪苗山起閔宮玉帛千秋新
裸薦衣冠萬國舊來同金書瘞井封泥紫窰石懸
花映篆紅一自百川歸海後長留風雨在江東

謁嵩嶽

太室開天表崇丘奠土中主名高四域受秩比三
公日月環區宅陰陽割渾濛歌崧楊峻極望祀體

昭融華蓋標方嶺金壺啟上宮翕河承漢禪卜洛
載周工別觀翔修鶴層城倚大熊藏書憑玉女過
澗遇青童洞閉能圍雪梯長恍御風羣山咸拱鬱
萬歲自呼嵩槐弟封堯爵葛羊採少翁浮丘閒駕
羽子晉妙吹簫石酒龍精白崑花鳳首紅煙霏春
渺渺水滴午滢滢虛壑涵深鑛空梁拔斷虹天關
應再闢帝座儼相通險塞分河內靈祇屈岱東神
京懷舊服終古賴攸同典重
肅穆

覽鏡詞

漸覺鉛華盡誰憐顏顙新與余同下淚只有鏡中
國朝詩別裁集

卷十一

六

教忠堂

其實無一同心人也
然道來曲而有味

弔姜貞毅詩

曾披閭闔扣天關垂死孤臣未賜環遺命一棺何
處葬宣州城外敬亭山直書其事
忠義自見

長門怨

玉殿金缸晚色新殿前少使繡麒麟夜來恐索長
門錦要賜平陽歌舞人自注漢內職有少使之号○別出新意
發露盡矣若唐人為之便有多少含蓄

秦淮老人

秦淮高閣擬臨春中有仙翁髯似銀話到陪京行
樂處尚疑身是太平人明處亂離之後偏云尚疑身
際太平詞弥曲意酸悲矣

贈柳生

流落人間柳敬亭。消除豪氣鬢星星。江南多少前朝事。說與人間不忍聽。

除夕作

旅館梅花紅欲然。枰盤愁向客中傳。如何纔聽金雞唱。便喚今宵是客年。人不能道者却未有人道及新故之感凡事類然不獨除夕也

李因篤

字子德。陝西富平人。康熙己未以布衣召試博學鴻詞。官翰林院檢討。著有壽祺堂詩。子德先生選於經學。領寧人先生推重之以公卿薦。召試當時所稱四布衣之一也。授官後即以母老辭不許。表三上乃許。情詞懇惻。比李令伯之陳情則又過之。聖主之仁。人子之孝。字內共稱不止。美其鴻軒鳳舉也。詩品似李北地之宗杜陵。骨餘有餘而神韻或未副焉。茲錄其著之卷中。

國朝詩別裁集

卷十一

七

教忠堂

紀別

自注將往雁門

置酒歲云暮。北堂淡寒暉。飢鳥相與鳴。朔風厲重闌。老母閱遊子。欲言先歔歔。不問何日行。先問何時歸。遙遙計往路。歷歷詢征衣。提身慎自防。兼量寒與飢。長跪聞母言。銘心母敢違。病妻勉下床。相視首蓬飛。謂我當行邁。有淚且勿揮。

弟從母側來。再拜投一竿。征駒鳴前庭。擔負已出野。僕夫前致辭。冉冉西日下。要當慷慨去。不覺淚如瀉。兄言勤門戶。弟言慎車馬。

小子復牽衣。岐路含百慮。不知行何方。強欲偕我。

御念當遠。乖離何忍揮之去。悲哉遊子吟。斯須哀樂具。中懷如懸旌。搖搖不得住。依依天屬親。撫事

媿童孺。三章不外一真字

題世胄都指揮使崔公汝明像

高皇養士三百秋。衛帥食恩等通侯。銘鐘書帛列上第。金鑄玉案羅羣羞。一朝河上度櫟氛。虎嘯嶠函不忍聞。赤幟無色鼓聲死。嬰城惟有崔將軍。將軍開國世家子。輕裘緩帶談經史。吹篴時過大司農。自注公兄抑庵尚書北斗西豪俱在此。昭陽之冬月無陽。野鬪豺虎色玄黃。決散不知有鋒刃。疾呼白日生冰霜。臣矢已窮力戰久。側身誓天不相負。已拚先臧侍中血。寧料如生元帥首。紛紛侍衛盡同朝。今何從。萎昔何驕。朝行出攻暮不返。歲寒松柏乃後凋。後來傳疑未傳信。壺祠蠟墓無人問。長留遺像天地間。勇者成仁懦者奮。崔係嬰城戰死者後無人表白故於遺像中表之此等詩大有關係

國朝詩別裁集

卷十一

八

教忠堂

登代州白人巖因飲孫園

高仞懸孤嶂。雙厓劃一門。好人在野春。水自依村雨。走空天角松。藏老石根危。梯攀古洞。彷彿說桃源。為野外人生色春水自依村五字天然佳景不在鐫刻

只覺前厓好。何人並結廬。鷲巖光倚薄。香閣靜含。

虛。法境清涼外。人煙戰伐餘。因聲寄蓮社。吾志在山居。

雨

積潦乘秋見。鳴蜩滿地生。薄言風有隧。遑卹雨無正。河北多難食。天南未解兵。十年留滯盡。鄉國意縱橫。

經語作對流連
光景者不解道

秋興客長安作

此秦中故
長安也

長安四代提封地。指顧中原據上游。亂水遙分飛雪幕。清歌舊識采蓮舟。園陵翠柏填新市。帝子朱門起戰樓。轉餉江天頻告瘁。南方征調幾時休。

國朝詩別裁集

卷十一

九

教忠堂

三川北拱帝城開。古殿陰移萬樹哀。地老黃蒿通作柱。霜侵白骨半生苔。臨城獵騎橐弓入。帶郭漁舟擊櫂回。近說西羌諸部勁。秋深牧馬過邊來。

終南太華古林垌。更使長河繞戶庭。日落夕曛三輔紫。雲開秋色五陵青。門空光祿羣遊榻。

自注文少卿太青

院冷尚書舊講經。

自注馮宗伯少墟

何處笛翻楊柳夜。故園風雨憶飄零。

西來宛馬絡青絲。萬炬圍城罷獵時。忝逼故宮秋自滿。鴻號中澤暮何之。浮雲回首悲關塞。返照經心望崦嵫。一滯雙洲情不愜。蘼葭搖落好誰思。

曲江池水已成墟。江岸離花傍客車。米地縱觀周

召邑。滄波高枕漢唐渠。村春寥落斜陽裏。野哭分明舊創餘。咫尺杜陵連鄭谷。撫時懷古一躊躇。

秦中受創以後帝子傷殘故家凋謝美成當至野哭時聞律體中變雅也杜詩諸將秋興是其本原

邊上

蕭關城堞望中分。庶苑干戈道上聞。野霽卷蘆吹白日。霜清驅馬下黃雲。征西盡撤三千戍。鎮朔遙歸十萬軍。誰抱遺弓攀鶴表。賜冠空滿鷁鷦羣。

得傳徵君山信

河汾文獻未全空。壘上乾初有是公。不卜同舟瞻

國朝詩別裁集

卷十一

十

教忠堂

郭泰徒知中論擬。王通芳期虛訊春來鳥。劇飲猶傳雪後鴻。他日華門相候處。下車應拜采桑翁。

侯重之中寓得信未訂
過從極見篇法次第

潼關

雲薄關河紫氣長。帝樞曾此撼嚴疆。河經百二開天地。華枕西南鎖雍梁。戍火忽移函谷月。征車多帶灞亭霜。舊京蕭索垂千載。飛輓何緣接巨航。

望嶽

太華三峰列峻屏。晴霄飛翠下空冥。曉雲東抱關河紫。秋色西來天地青。玉女盆中寒落黛。仙人掌

上接明星。亂餘林壑饒遺客。縹緲幽棲賦采苓。

尤

侗字展成江南長洲人康熙已未召試博學鴻辭官翰林院檢討家居後加侍講著有西堂詩集先生所著西堂

雜組傳入禁中章皇帝稱爲真才子後入翰林時聖祖稱爲老名士位雖不尊天下羨其榮遇比於李青蓮云○西堂少歲時專尚才情詩近溫李歸田以後微白樂天流於太易雖街談巷議入韻語中遠近或以游戲視之於王鳳洲之評唐伯虎不知四史樂府一卷尤爲神來之作今選中所收皆錦鏤有聲者使藝苑人見之共識

西堂面目

胡藍獄

去年殺韓信今年醢彭越徐常幸前死諸公寧望活丞相戮將軍誅缺望恣肆固有跡坐以謀反疑有無罪止及身或收孥殺胡黨殺藍黨數十萬人

國朝詩別裁集

卷十一

十一

教忠堂

保無枉文武軍民打一網一斗粟一座城一條龍一連鷹革左塌何紛紛得非此輩之冤魂

歌七章

九靈山人泛東海麥秀黍離歌慷慨席帽山人隱

吳門殘山剩水聲常吞二子不仕亦不死惟有子中所爲極難耳江西復廣東破變姓名北山卧棄妻子浮江湘足已折身難藏使者來引鴛鴦辭親友歌七章歌七章悲元亡嗚呼元亡乃有文天祥

九靈山人戴良席帽山人王逢皆元遺民伯顏子中西域人曾收復建昌出使廣東廣東已破乃變姓名携鴛鴦自隨後有強之出者子中曰我

死晚矣飲鴆而死續末語子中至今未死

南陳北李

南京有一陳太學無棄人北京有一李太學多端士李先生講五經公侯環坐聽鹿鳴橋門荷校辱非刑諸生舉幢呼闕廷會昌上奏太后驚陳先生考績至手書四箴返金幣招之不往守吾志危哉履虎幸不噬兩賢道同命則異君不見西市將殺薛夫子竈下老僕哭不止

通首是合傳體起用軍中一轉一子祭酒爲王振所惡者李至荷校陳未加刑故曰道同命異也末以振欲殺薛文清因廚下老僕哭泣而止轉出一事作結便不平直

王先生

國朝詩別裁集

卷十一

十一

教忠堂

太皇太后女堯舜宮嬪加刃誅王振不見高皇暨鐵牌內官不許干朝政振乎毀牌太縱橫天子亦呼王先生先生一開口天子下殿走蒙塵事可哀奪門名亦醜橫尸百萬誰首戎天子猶念先生功詔取沈香雕小像魏我寺額稱旌忠

像招魂葬之祀智化寺賜額旌忠此事實不可解也國朝祠像猶存乾隆七年御史沈廷芳疏請毀像及其碑文人共快之

北狩

大明天子雲端坐誰人推向沙場墮窩兒帳外黃龍卧赤光籠罩望如火也先耶伯顏耶大同賽刊耶今日宰牛明日宰馬大婦唱歌小妻洗竿風吹

草低索駝盈野送君還歸羣呼者者君不見周驢
山魯鸚鵡青衣行酒懷慙辱五國城中微欽哭全用本事

成文音節極古者然詞也

對山救我

劉家老公性烈火滿朝公卿銀鑄磨刀將殺李
崆峒惟有對山能救我對山慨應真吾事騎馬上
門謁中貴今日何好風吹得狀元至老公倒屣小
璫跪焚香把酒勸公醉醉公酒我不辭我一言公
三思力士肯為太白屈此事非公誰能之老公笑
請先生坐當為狂生免其禍解衣脫帽為公舞鋪
國朝詩別裁集卷十一 三 教忠堂

即以當日情事語言細織成詩得史漢敘事體

鐵夫人

武皇南巡臣拜杖良人繫獄妾心喪妾家兒女本
無知焚香籲天誠有之邏騎縛來坐咒詛夫婦牽
連入園土妾今有身不任刑惟撫一死謝夫君情
辭慷慨相決絕法吏滿堂誰忍聞一旦天恩並放

歸都人夾道盡沾衣還將前日香重較長祝君王
罷六飛林大略諫武宗南巡下獄妻黃氏顧天祈免縶騎以咒詛告并逮入獄注者危辭休黃不承惟求速死後得釋夫婦偕出獄

都人曰此鐵夫人也

新都歎

新都才人官玉局入朝手撼天門哭相公之子狀
元郎杖血淋漓投永昌永昌市上擁諸妓簪花塗
粉雙了髻白綾新裊綠毫光酒酣起舞龍蛇字蠻
童笑殺老顛狂萬里雲南作醉鄉相思獨有深閨
婦盼斷金雞下夜郎以黃夫人寄詩語作結倍覺黯然

河套冤

國朝詩別裁集卷十一 古 教忠堂
嚴夏兩家雞相鬪曾銑仇鸞袒左右嚴鷄方勝夏
雞孤銑欲劾鸞何為乎套未復身先死朝西書暮
西市將軍橫尸何足言宰相駢首寧無冤君莫哭
君不見金牌召後風波獄京師市語呼江西人為雞故有起句一結大為桂州石塘生色

臣夫表

臣夫在獄十六年家有老親八十九臣妻置妾未
相見旅舍淒涼誓同守欲歸則棄夫欲留則違舅
棄夫斷體粥違舅關箕帚臣願代繫獄放夫暫回
首生當還囹圄死得瘞隴畝此疏不忍讀讀之血
盈斗弥留始解網覆盆既已久嗚呼夫忠臣妻烈

婦可與蘇張三不朽沈東初嚴著西漢書共十六年書張上書求代不許後一年始釋夏言妻蘇楊繼感妻

張亦俱上書代夫故并及之詩中全點染疏言此種本事西堂所獨

弔南塘

副將軍在南郡殺倭全用鴛鴦陣大將軍在薊門閱兵爭跳龍虎也結髮從戎無不可籌邊更重北門鎖萬里長城背朔方伏波祇看飛鴛隋江陵已沒二華亡倚劍悲歌古戰場白袷角巾歸第日路人誰識戚南塘惟有白頭舊部曲西風落日歎燒荒

張江陵當國譚綸為摠制戚繼光為薊鎮得以保全江陵與綸先後沒戚移鎮鎮南旋罷官矣二華綸字也都將陳第作燒荒行以悲之

嗟驚火

國朝詩別裁集

卷十一

五

教忠堂

貴妃方辭坤寧去選侍旋向乾清住封后封妃許不許手提哥兒咄咄語防微杜漸爭移官專制垂簾事不同先皇末命猶在耳嗟驚一火何匆匆維經入井傳聞異保全母子無他意宮闈骨肉貴調停難將國事行家事諸君莫爭鄭與李奉聖夫人又至矣此言李選侍居乾清宮楊連爭之乃後宮也首以鄭貴妃引入未結到客氏之蠱惑一語下凜然

趙高傳

委鬼當頭坐茄花滿地紅趙嬈曹節私相通老祖太太配公公月華門前車鬬風涿州道上馬游龍內操撾鼓鳴刀弓杆狴流血朝班空祠堂昭德兼

崇功乾兒義子多如蟲讀史至此惟三歎殆哉岌岌將作難滿朝彈章君不見中宮獨看趙高傳忠賢茹花謂客氏北音讀客為茹老祖太太輩小稱客氏也岌岌宗見張后觀書問何書曰趙高傳忠賢聞而惡之屢欲傾陷

思陵痛

思陵在位十七載四海分崩成瓦解去年失楚今失秦大梁水決武昌焚虎豹九關誰與守三軍倒戈百姓走君王仗劍死煤山母后宮中殉玉環桐棺一寸道旁置故老行人多掩涕入廟應呼十四皇兒家何罪致天亡新鬼號咷舊鬼哭鐘簷慘裂燈無光高勿哀文勿怒自古興亡有天數順處得國朝詩別裁集

卷十一

六

教忠堂

民謠

急丈田長洲縣田幾何百餘萬奉部文一年限朝廷丈田除浮糧浮糧若除須補亡下跨河水上山岡菜畦菱蕩都抵當插旗四角周中央男奔女走羣惶惶上官督縣令縣令責里正里正不識弓尺寸轉催狙獍代持籌長短方圓一手定一手定

一手更私田縮官田盈移重那輕無不有田主瞠
眼不敢爭縣家覆丈豈能徧但取溢額可考成急
丈田限一年官比票吏索錢官田未見增什一民
錢已聞費萬千君不見一縣書七百四十一日
造黃冊堆積高於山用常言俚語入詩轉近古樂府胸次具有造化爐也此種筆墨又在元白張王之外

薊州小病

及予迴馬首猶爾滯漁陽一病家千里孤燈淚萬
行道塗橫枳棘天地日冰霜苦憶柴門卧山妻檢
藥囊

送曾道扶司李漢中

國朝詩別裁集

卷十一

七

教忠堂

江陵驛路滿梅花計日連雲出谷斜大丙山高環
二華五丁峽遠接三巴蒲鞭寬厚隨羌俗驄馬威
儀近漢家更上陳倉懷古跡武侯殘碑起悲笳音節

七子中近
李滄溟

別長安

只合漁樵老此身底須辛苦入風塵一官未許因
人熱十口翻成爲仕貧閭闔天高逢鬼謁江湘地
遠逐孤臣非關聖世簪纓短爲有青山待逸民
竭來弔古望高臺臺上黃金真可哀一代賢良卜
式傳千秋流涕賈生才信信多口何爲者袞袞諸

公安在哉燕市遨遊今不見吳門變姓且歸來中直
杆懷抱一肚皮不合時宜○中
有數字係晚年改本手校者

十年踪跡湯勞勞風雨周游有敝袍短棹獨臨滄
海濶單車直上太行高窮途慟哭誰哀阮荒逕欣
奔自擬陶且待尚平婚嫁畢指揮五嶽屬吾曹

不如歸去不如歸歸去來今知昨非千里壯心天
馬下一朝適意野鷗飛焚書并瘞珊瑚筆解綬先

裁薜荔衣猶有吳鉤拋未得酒酣常舞釣魚磯

葑水城南一草堂時花修竹自幽芳老妻釀林藏

盈斗兒子攤書讀幾行有客日來談鬼魅先生夜

國朝詩別裁集

卷十一

大

教忠堂

夢見羲皇出門莫向長安笑曾在長安望故鄉先生
由任北平司李時擅責強暴旅人爲當路所抑與淵明之歸去來各別
也故詩中忽而恬退忽而感慨激壯蒼涼時時流露讀者幾於拂袖起
舞

題韓蘄王廟

忠武勛名百戰回西湖跨蹇且銜杯英雄短氣莫
須有明哲保身歸去來夜月靈旗搖鐵甕秋風石
馬上琴臺千年遺廟還香火杜宇冬青正可哀新主
至北爲浮屠以自免爲功臣者亦危矣
莫須有歸去來一岳一韓天然隊仗

生日志感

半百年過意不如自注倒
用杜句看雲藜杖倚荒廬平生最

拙惟謀食。一事差強。已廢書。蕭瑟江關。良庚信飄。
搖風樹泣。魚何當。熱市尋屠狗。灑酒荒天。平望。

諸每於結處用力故通體俱振

登天寧浮屠絕頂望海

興至超然到上頭。憑虛蕭瑟見高秋。諸天冥冥人
非想。大地茫茫我亦愁。俯聽蒼蠅喧萬瓦。遙看白
馬走中流。海神未許探幽窟。倏忽風煙起蜃樓。

有此筆力才不負此題觀東坡泛海詩前賢未必不遜後人

聞鷓鴣

鷓鴣聲裏夕陽西。陌上征人首盡低。遍地關山行

國朝詩別裁集

卷十一

元

教忠堂

不得為誰辛。苦盡情啼。

行不得意人所同知此更翻進一層便覺百端交集

陳維松

字其年江南宜興人康熙己未以諸生名試博學鴻辭官翰林院檢討著有湖海集○陳檢討四六及詞字內詳許而詩品古今體皆極擅場尤在四六與詞之上從前人無品評者故特表之○檢討年四十餘尚為諸生有日者謂之曰君過五十必入翰林梅村司贈詩有朝來日者橋邊過為許功名似馬周句後果然事見池北偶談

早發望亭

水宿弭旅情。掛席愆賓餞。洩雲映寒溪。緒風扇輕
編。暝增梁溪深。霽覺胥臺緬。棹歌寫風波。羣動互
輾轉。沙鴉佇空明。江莢覆清淺。紅泉雨後流。白露
草間滋。周覽雖言煩。幽默亦云闌。遠望姑蘇城。綺
羅若在眼。舞基想餘粉。歌梁悔遺轉。餐霞趣未慰。

折麻務堪踐。寄謝區中綠。揚舠恣婉孌。

謝公風格

劉逸民隱如

昔余丙申歲。讀書長洲縣。章華宋大夫。

自注宋右之德宜

相

與共筆硯。夾河幽巷繞入市。清溪旋風物本芳嘉。

追隨悉英彥。劉恢宋家隣。尤與陳生善。流連說生

平。跌宕多顧盼。君也性溫慎。十步必繾綣。及其感

慨時。焱然閃巖電。酷愛湖海集。搜錄日不倦。蠶尾

與銀鈎。錯落鋪黃絹。吳城七月秋。別我赴京甸。同

門八九人。聯袂臨流餞。君時醉起舞。長袖風中卷。

贈以珊瑚鞭。飾以黃金鈿。莫矜紅顏好。宮中妬嬌

國朝詩別裁集

卷十一

干

教忠堂

面莫言白。鋒完連城輕。自銜運至慕。榮華愁來憶。

貧賤。劉生方策名。款道賢關變。是時盛苞直。富人

工汲援。銅山杳然開。中有集賢院。烏僕作主司。鄭

白聯翩薦。誰令黔婁生。誤廁時流選。崑岡一旦焚。

玉石何由見。劉生恬淡人。竟受謔言煽。白月照園

扉。不是昭陽殿。悽悽范蔚宗。惻惻書團扇。戊君之

苑。郡插君白羽。箭君軀絕短。小何以能征。戰君身

非金石。何以堪憂怨。劉琨繞指柔。夙昔曾百鍊。江

東西風起。萬壑可以騰。待君君不來。淚下如流霰。

逸民才人亦中丁酉北闕與漢樓諸人同戍口外者後被盜夫婦皆遇害尤可傷也詩中開其於才東姑致白驂受玷為連城自街者痛下針

砥蓋獨爲
逸民一人

酬許元錫

嘉隆以後論文筆。天下健者陳華亭。梅村先生住
婁上。斟酌元化追精靈。憶昔我生十四五。初生黃
犢健如虎。華亭歎我骨格奇。教我歌詩作樂府。二
十以外出入愁。飄然竟從梅村遊。先生呼我老龍
子。半醉披我赤霜裘。此生開入銅駝路。可憐老作
江南賦。頭上不畏咸陽王。眼前只認丁都護。晚交
許子懷抱開。看尔不合長悲哀。手提一詩來贈我。
十幅錯落紅玫瑰。我年三十餘。清狂愛兒戲。旁人
國朝詩別裁集 卷十一 主 教忠堂

贈李研齋太史

人云蜀道如青天。君家乃在青天上。蠶叢鳥道不
得歸。一度思歸一惆悵。去年石頭城道遇李謫仙。
手持白玉塵。囊乏青銅錢。一言稱意百不愁。邀我

青。茲數聲落寫自己懷抱言
下并見許子一結闌然

國朝詩別裁集

卷十一

主

教忠堂

直上秦淮之酒樓。城南楊花白如雪。一一亂撲胡
姬裘。笑謂金陵姬。何似巫山女。十年枉作劔閣銘。
白鹽赤甲奈何許。昔住錦官城。樂事不可當。木棉
花發處。斜對碧雞坊。桃笙賓布居民賣。蒟醬江魚
過客嘗。此時二月粉水香。巴僮巴女發浩倡。賤錢
夜市成都酒。飲歌春賽武都王。別來舊事心茫茫。
傳聞李特屠殘疆。臥龍躍馬竟誰是天彭井。絡空
蒼涼。前者百丈船。牽過鍾山郭。忽見三巴人。歛然
萬金落。諸葛祠堂盡棘榛。譙周子弟俱倖掠。當時
婉孌直銅龍。都堂香藥掖門松。自從喪亂著芒屨。
飄零已復成吳儂。一身雖在不自保。何況盜賊多
於蜂。瞿唐惡浪千萬重。念之祇復愁心胸。安能吹
我落天外。躡鵬飽作西川農。語君且飲勿愀愴。眼
前萬事太鹵莽。故里新年棧道開。官軍已縛叩竿
長。太史蜀人。逆藩之亂。傷寓金陵。不得歸。故作詩慰之。中間跌
蕩。飛揚波平。浪起。得音連。連氣。○賤錢。蠻中以錢贖罪也。

錢塘浴馬行

杭州八月秋風早。極目江頭皆白草。鳳山門前鐵
騎橫。花馬營中水泉好。阿誰黃鬚稱奚官。白靴毳
帳紅罽褱。是日牽來一萬疋。雲錦連天色。杲杲錢
塘江。渚多菰蒲。晴江空翠微。卷舒嬉游盡。向此間

去邊兒十歲名花奴。忽聞一聲吹。感策千羣爭放。
桃花駒。紅泉駘。客自然。麗丹髮。滅沒何其都。一疋
嬌嘶。一疋鬘。十疋驕。矜汗流血。須臾。五花浮滿江。
萬頃寒濤。蹴飛雪。龍堂少女。神悄絕。霧鬣煙蹄。半
明滅。少馬不動。齊徜徉。江流欲靜。江雲涼。極浦湘
娥。鼓文瑟。中流江妾。拖紅裳。此時觀者。傾城國中。
有軍人。淚沾臆。自言十五隸金吾。滁陽苑馬親承
直。猶見先皇校獵時。金風初到萬年枝。青驄細食
雕胡飯。翠撥輕籠楊柳絲。天育忽逢滄海變。從此
麒麟罷歡宴。首宿翻栽太液池。驂騑直上昭陽殿。
國朝詩別裁集 卷十一 三 教忠堂

然臺青海日。從征馬上琵琶塞上情。溫泉十載無
消息。忍唱錢塘浴馬行。用意全在後半新故之感無限悲涼
末一語轉合錢塘如見神龍掉尾

得桐城方爾止先生書感賦兼懷密之先生

鯉魚風打江潮利。五月荊州估船至。船載沙門寶
月師。附得樅陽故人字。我家聖廬同雞棲。負新畫
夜孤兒啼。開函伸紙未及半。申胡感栗聲酸嘶。書
亦不能讀。淚亦不能止。憶昔芳華十五時。與君同
作金陵子。金陵九門門九重。白靴校尉如游龍。賤
子文名楊德祖。先君風表郭林宗。三千賓客遨遊
徧。流兎飛英誰不羨。家伎新傳張敞眉。遊童暗認

王珉崩。桐山諸子盡江蕭。僑寓家家朱雀橋。風暖
侯家春擊鼓。月明戚里夜吹簫。櫻桃小幄沉香火。
楊柳藏烏門不鎖。密約呼鷹出每遲。私邀盤馬期
常左。此日清流氣絕塵。此時修竹彈文新。諸王已
見愁。籤帥郡國還。聞捕黨人阿童江上軍。船動毳
帳連天馳繡鞍。一載昭陽恨已經。兩朝太學知何
用。憐我袁家一慙孫。拾橡蕭蕭歸墓門。君不見孫
郎戰沒周郎老。自注孫郎克威周郎農父龍眠前輩獨君好。君家尚
有始興公。卧看柘園生白草。寫兩家感時極文酒識遊之樂
而小朝廷荒墟馬阮之醜正
惡直至於如此危亡立見矣故家零落前輩
尚存結到密之先生雖然而止章法絕佳

國朝詩別裁集 卷十一 五 教忠堂

顧尚書家御香歌

獵獵朔風翻毳帳。營門紫馬屹相向。陳生醉攬珊
瑚鞭。蹀躞閒行朱雀桁。顧家望近尺五天。顧家父
子真好賢。開門揖客客竟入。留客不惜青銅錢。玉
缸潑酒酒初醖。秦箏促柱彈銀甲。綠鬟小史意致
閑。却愛微紅添寶鴨。陳生此時聞妙香。欲言不言
神茫茫。心知此香世間少。得非迷迭蓊都梁。主人
重取蘭膏爇。此香舊事還能說。憶昔初賜長安街。
金甌天下猶無缺。至尊桂殿日齋居。千首青詞錦
不如。綠童夜上龍顏喜。第一勛名顧尚書。鑿峨紫

塞榆關道。白雁黃沙風浩浩。萬馬奔騰夜有聲。三
關蕭瑟春無盜。尚書辛苦鎮居延。絡繹黃封賜日
邊。非關小物君恩重。爲許名香國史傳。鏤金小盒
宮門出。中涓一騎紅塵疾。親題萬顆小金丸。猶是
昭陽內人筆。只今滄海已成田。留得天香幾百年。
攏來綺袖人誰問。熏罷銀篝味不全。白楊已老尚
書墓。世間萬事都非故。主人語罷客亦愁。留客牽
衣客不住。君不見客衣零落詎堪論。半漬香痕半
淚痕。忍看天寶年間物。我亦東吳少保孫。迤邐而來
轉出御香

國朝詩別裁集

卷十一

五

教忠堂

寄黃黎洲先生求爲先人誌墓

熹宗之朝盜竊極。國事稠濁由諸閹。刊章告密滿
天下。劫火烈烈崑岡炎。忠端骨鯁寔牢戶。少保強
項遭髡鉗。三朝要典亂白黑。爾曹病軼徒狂謔。膺
滂之後愛名節。翁與吾父均酸醎。忠泉出井流不
涸。孝筭拔地天能參。東都壇墠立名字。西園邱閣
紛袿襜。懷寧乳臂老逾怒。矯尾直拂鐘山巖。我師
秋浦魁壘士。便樹頭顱張鬚緡。一呼袒裼暴猛獸。
筆陣霍若霜鋒鋸。妖麼得志逞報復。一網盡矣心
所甘。王師南下明社屋。人頭高鳴盡義職。四十

年來市朝換。曜靈急景奔驚駭。崇文門外黨碑倒。
沙石磨治治紋嵌。平生先子膠漆友。半作黃葉經
秋萎。晨星落落只翁在。開元軼事餘誰諳。先朝鉤
黨有本末。冰玉砢礪秋陽暹。今人往往咎過激。母
乃醜正叢譏譚。嗚呼吾父沒已久。墓門鬱鬱愁松
杉。累翁一片道旁碣。請放健筆爲雕鐫。爲兩家世誼而
兩朝朝局一一

羅到此絕有
關係之詩

憶貴池吳師

當代論兵會。誰人可擅場。劉琨歸朔北。孫策入丹
陽。一諾輕車騎。千言破混茫。靈旗如彷彿。毅魄想

國朝詩別裁集

卷十一

五

教忠堂

飛揚師即吳次尾也負黨人之魁懷
填海之志讀此詩想見其人

將歸留別練塘諸子

遊子衣邊雪。慈親地下心。都將苴杖淚。并作苦寒
吟。此意復誰識。當歌難自禁。勞君霜夜彈。莫打失
巢禽。失巢禽喻已爲無母兒也
從至性流出側動人

捧讀石齋黃公所撰先少保神道碑賦此追

感

周侯池畔樹蒼蒼。遺碣崑崙屹此鄉。哀誄南朝顏
特進。碑銘東漢蔡。中郎千秋定論歸青史。一夜悲
風起白楊。此日躊躇腸欲斷。漳南高塚亦昏黃。時石
齋在

生已授命
故遺之

喜漢槎入關和健庵先生原韻

當時彩筆撼江關。數子聲名天地間。詎料文章遭
貝錦。偏教冰雪鍊朱顏。廿年苦語三更盡。萬里流
人二月還。不信娥眉真見贖。感恩我亦淚潺湲。

秋日懷幔亭先生

百二山河極望殘。一門羣從盡南冠。誰憐鸚鵡籠
中語。大有琵琶塞上彈。窈窕金雞雙闕迥。飄零石
馬七陵寒。銀鐙夜宿昭陽殿。疑作西宮月影看。
先生自注

繫處即南
國大內

國朝詩別裁集

卷十一

主

教忠堂

秋色蒼茫上佩刀。故人消息夢魂勞。石城劇報收
袁粲。魯國驚聞捕孔褒。雪窖羝羊雙涕淚。錦官杜
宇一悲號。好憑萬騎平南將。急趁江風掛戰袍。
先生自注

文章遺戍無可奈何望其平冠以贈罪
也通體警策無一懈句辭字那得不傳

送張若水出關

自注若水稱
恭先生子也

祖母秦州父錦州。盧家少婦又邦溝。百年骨肉拋
三地。萬死悲哀併九秋。欲贈魂無銀絡索。將離怕
聽鈿筓篋。漢庭早晚流人赦。望爾歸鞭度隴頭。
先生自注

三處乃處常之時此當離難出關劇
可悲也一起直下四語千鈞筆力

別紫雲

二度牽衣送我行。并州繞唱淚縱橫。生憎一片江
南月。不是離筵不肯明。

贈歌者陳郎

天涯踪跡半旗亭。譜遍龜茲不忍聽。憐尔少年非
失意。逢人也唱雨霖鈴。

嚴繩孫

字孫友江南無錫人康熙己未
名試博學鴻辭官翰林
院檢討遷中允著有秋水集○
名試日以目疾止咸省
耕八韻詩已不錄
上素重其名同授官

發維揚

輕舫春流上。煙光淨客衣。岬知綠海潤。山自渡江
稀。細路花將盡。空村燕不飛。浮家吾自可。白首共
漁磯。
寓盡渡江後一路風景不
著繁華明麗詩品故高

國朝詩別裁集

卷十一

天

教忠堂

春後

九春腸詠等閒過。猶染霜毫寫永和。困懶鶯花經
眼失。哀遲風雨不情多。城隅綠水空絲管。天上青
雲足網羅。不似柳陰溪上去。自橫艇子卧漁蓑。

煙雨渡江

京江春樹隔羊綿。咫尺神靈意惘然。青嶂近迷山
寺雨。綠蓑遙入海門煙。江魚水濶難通市。石燕風
多不避船。我欲然犀照幽渚。夢魂猶自怯潺湲。

吳王井

銀床玉甃總成塵。不及軍持汲尚頻。試看一泓清未已。鉛華先老洛吳人。比美人黃土。意從藉幾許。

龐 壇 字雲產直隸任印人康熙己未。名試博學鴻辭官翰林院檢討後出為建寧太守

喜聞大軍收復川中

天險那能恃。先聲斬劍關。投戈填野水。窮寇哭空山。風獵軍旗動。雲連甲仗殷。將軍須努力。直取夜郎還。未望其直取吳逆也。

汪 楫 字舟次江南儀徵人康熙己未。名試博學鴻辭官至福建布政使有梅齋集。○梅齋出使琉球宰臣以下俱有贈言歸撰中山鉛華志以備參考

懷曾庭聞

國朝詩別裁集 卷十一 无 教忠堂

有客吳江來。傳君忽為僧。不信溫泉中。一朝結為水。十年騎蹇馬。一氣何驍騰。馬蹄踏白骨。月照光峻嶒。上書雖不報。誰謂君無能。激昂遂出世。夫豈憂繳繒。嗚呼壯士肝。永夜為摧崩。

鐵尚書歌 自注東昌城下作

鐵尚書鐵不如。東昌城門朝大開。齊呼萬歲聲如雷。燕王躍馬及門限。霹靂飛空下懸板。不斷王頭斷馬頭。鼠竄獠驚箭滿眼。王怒發礮城摧崩。健兒爭把蜚弧登。煉石九泥難作計。一紙公然出埤堦。萬夫辟易不敢前。大書太祖高皇帝。黑夜斫營日。

堅守。能使英雄還北走。嗚呼神器天所與。一木隻手能齟齬。錚錚誰比鐵尚書。嗚呼尚書鐵不如。叙東昌戰事毛髮欲動讀去聲稟有生氣

劉考功公敵見示夏峰老人書卷屬題長歌

夏峰老人雙眸空。論交只許劉考功。長安隻字不肯入。尺素突出開心胸。上言日讀數行書。哀老以此酬蒼穹。下言劉君世所望。不為韓富非英雄。虛堂披對正六月。滿天赤日來清風。老筆生硬轉斌媚。直欲處處藏其鋒。良馬識途惡荆棘。蒼鷹顧擊愁樊籠。江河日下事日變。世無魯叟誰弥縫。我聞國朝詩別裁集 卷十一 辛 教忠堂

贈別澹公

出世翻多事。生平竟若何。批鱗真給諫。托鉢是頭陀。老驢當風立。冥鴻踏雪過。揔無虛歲月。何用補蹉跎。

歡喜亭同玉明上人觀雲海

山與雲俱沒。憑高安所望。人初入混沌。天不改青蒼。撫掌通樵路。飛棉變客裝。松風響何處。澗水下。

鄱陽子於庚午春遊黃山雨後觀見此景故知三四語之妙

香鑪峰

奇峰真拔地一鑊正當門。天近無栖鳥。藤枯有掛猿。白雲浮暮靄。紫氣隱朝暉。鐵屋何年構。風雷萬

古存。自注峯頂有鐵屋傳聞風雷移上云

黯淡灘

灘急不聞呼。千軍轉轡轡。神工較分寸。鬼伯待須臾。曲折憑孤權。安危仗一夫。會看浮萬斛。大海射

天吳。傳寫過灘之險字字驚心悚觀

出五虎門同石來次前使蕭給事韻

國朝詩別裁集

卷十一

教忠堂

長年挨舵倚高樓。萬里潮迎萬斛舟。浪打白頭都是雪。衣添六月忽如秋。蒼茫不覺千山遠。混沌真堪一氣浮。最愛乘風同快馬。湯將喘月笑吳牛。對結是結

語今讀者不覺其對此法從少陵出

長史鄭弘良以王命請余畫像留國中口占

答之

豈是中朝第一流。偶持龍節拂麟洲。大名那得齊諸葛。遺像何勞比益州。稍喜文章堪報國。誰憑骨相取封侯。靈臺一片真難狀。多謝傳神顧虎頭。東坡贈子

由出使拜丹云單于若問君家世莫道中朝第一人起句蓋用之也通體不亢不卑何等身分

國朝詩別裁集卷十一

卷十一

圭

教忠堂

國朝詩別裁集卷十二

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

朱彝尊 字錫鬯浙江秀水人明太傅諱國祚曾孫康熙己未以布衣召試博學鴻詞翰林院檢討著有曝書亭集。竹垞先生生平好古自經史子集及金石碑版下至草木蟲魚諸類無不一一考索纂述如經義考日下舊聞詩綜詞綜其最著者又嘗集唐詩為填詞名舊錦疑出鬼工幾於人力不與顧寧人先生不肯多讓人亦以博雅稱許之。初官翰林時召入南書房有

用上官大夫術譜之者旋落職然竹垞初不以官位重也。集中詩不分唐宋界限故各體具備然子所錄者仍以唐體為歸

雁門關

白登雁門道。騁望勾注巔。山岡鬱參錯。石棧紛鈎連。度嶺風漸生。入關寒凜然。層冰如玉龍。萬丈懸

國朝詩別裁集

卷十二

教忠堂

蜿蜒飛光一相射。我馬忽不前。抗迹懷古人。千載多豪賢。鄧都守長城。烽火靜居延。劉琨發廣莫。吟嘯扶風篇。時來英雄奮。事去陵谷遷。古人不可期。勞歌為誰宣。嗷嗷中澤鴻。聆我慷慨言。時來英雄奮項鄧都事去陵谷

邊頂劉琨有此二語方見結束

大孤山

兩孤去百里。宛在中流半。匪獨形勝殊。氣亦變昏旦。天梯鬼斧開。廟火神鴉散。昭昭雲月輝。歷歷明星爛。空水既澄鮮。浮光亦陵亂。飄飄御冷風。恍惚度銀漢。未有歸與情。空深逝者嘆。

羅浮屈五過訪

春風蝴蝶飛。綠草南園徧。知是麻姑。五色裙羅浮山下。曾相見。開門一笑逢故人。遠來問我桃花津。若非綠玉杖。定跨黃麒麟。不然出入京洛一萬里。何為布素無緇塵。相知樂莫樂。不用金箱圖五岳。況今天地多戰爭。赤城華頂風煙驚。山陰道士不得見。四明狂客誰相迎。由拳城南春可惜。竹石如山水千尺。從此扁舟范蠡湖。長歌來往裴休宅。羅浮是麻姑臺所化。屈子南粵人。故借景引入。見詩人託興之妙。素衣不化。緇狀其立品之高。

送林佳璣還莆田

國朝詩別裁集

卷十二

教忠堂

高樓置酒觴今夕。愁聽驪歌送行客。搖落深知羈旅情。飄零况是雲山隔。林生磊落無等倫。鳳雛驥子誰能馴。一朝慷慨辭鄉里。幾載饑寒傍路人。平生崔嵬好奇服。流離恥作窮途哭。往往詩歌泣鬼神。時時談笑驚流俗。林生林生骨相奇。昂藏不異并州兒。看君富貴當自有。不合憔悴留天涯。高秋別我閩中去。行李蕭條慘徒御。客舍清江萬里船。鄉心紅葉千山樹。九里湖邊倚翠屏。穀城山下俯清泠。寒風江路兼山路。落日長亭更短亭。嗟予分手天南遠。惆悵河橋送君返。遠客休辭行路難。高

堂應念還家晚

將之永嘉曹侍郎餞予江上吳客章二丈為

彈長亭之曲并吹笛送行歌以贈章即送

其出塞

韋郎舊隸羽林籍曾向營門教吹笛不聽吳中白
雪音定呼鄰下黃鬚客平原相見轉相親置酒誇
君座上賓下若尊疊朝未罄東山絲竹夜還陳閒
來坐我花間奏玉洞飛泉響巖溜古調多傳關馬
詞新聲似出康王授問我東行到海壖日斜江上
慘離筵還將北雁南飛曲催送錢塘楚客船船人
國朝詩別裁集 卷十二 三 教忠堂

搗鼓津頭泊紅葉千山富春郭忽作邊秋出塞聲
江楓岸柳紛紛落哀絃促管不堪聽賓御聞之亦
涕零掛席遠移嚴子瀨看山直上謝公亭聞君欲
問雲中戍雪消飲馬長城去廣武營中折柳時黃
瓜阜上題書處司農舊是出羣才此日征西幕府
開試向尊前歌一曲梅花飛徧李陵臺平調中忽作變徵之聲此高岑
離與李杜之魚龍百變者又自各別○侍郎送行是主章二在席是客篇中客多於主而結處轉送章二又以客為主其作法甚變
蓬姜給事 珠

黃門先生官左掖力欲拔山氣辟易虎豹天關閉
九重孤臣血肉徒狼籍東萊蜃市易沉淪南國相

逢淚滿巾青鞵布韞江湖外誰念當時折檻人集

八句中猶書家之縮本也少陵短歌如雲公不語宋公語尚憶先皇容直臣之類往往有之

玉帶生歌

玉帶生文信國所遺硯也予見之吳下既

摹其銘而裝池之且為之歌曰

玉帶生吾語汝汝產自端州汝來自橫浦幸免事
降表僉名謝道清亦不識大都承旨趙孟頫能令
信公喜辟汝置幕府當年文墨賔代汝一一數參
軍誰謝臬羽察佐誰鄧中甫弟子誰王炎午獨汝
形軀短小風貌樸古步不能趨口不能語既無鸚
國朝詩別裁集 卷十二 四 教忠堂

之鵠之活眼睛無少犀紋彪紋好眉嫵賴有忠信
存波濤孰敢侮是時丞相氣尚豪可憐一舟之外
無尺土共汝草檄飛書意良苦四十四字銘厥背
愛汝心堅剛不吐自從轉戰屢喪師天之所壞不
可支驚心紫市日慷慨且誦臨終詩疾風蓬勃揚
沙時傳有十義士表以石塔藏公尸生也亡命何
所之或云西臺上晞髮一叟涕漣漣手擊竹如意
生時亦相隨冬青成陰陵骨朽百年蹤跡人莫知
會稽張思廉逢生賦長句抱遺老人閤筆看七客
寮中敢嗔怒吾今遇汝滄浪亭漆匣初開紫衣露

海桑陵谷又經三百秋。以手摩挲尚如故。洗汝池上之寒泉。漂汝林端之霏霧。俾汝留傳天地間。忠魂墨氣常凝聚。小小一硯傳出信國之忠泉羽之義其寶相隨泉羽乃想像語也一結硯與信國雙收是何神勇

旱

水潦江淮久。今年復旱荒。翻風無石燕。蔽野有飛蝗。桎梏懲屠釣。槽巢迫死亡。虛煩乘傳使。曾發海陵倉。

送曹侍郎溶備兵大同

榆關蕭瑟二庭空。烽火平安九塞通。往日連師驚朔漠。只今市馬互西東。黃河天上三城戍。畫角霜

國朝詩別裁集

卷十二

五

教忠堂

前萬里風知有馮唐論將略。不令魏尚久雲中。此章俱近李北地應是中年之作晚歲俱歸流易矣愚取先生七律中年者居多

宣府鎮

高城西北控燕都。吹角清秋落日孤。尚憶武皇巡玉塞。親從鎮國剖金符。官槐御柳今蕭瑟。虎檻鷹坊舊有無。邊事百年虛想像。誰誇天險塞飛狐。

南鎮

稽山形勝鬱嵒峩。南鎮封壇世代遙。絕壁暗愁風雨至。陰崖深護鬼神朝。雲雷古洞藏金簡。燈火春祠奏玉簫。千載六陵餘劍舄。帝鄉魂斷不堪招。

題南昌鐵柱觀

丹甍縹緲屢層城。鐵柱縱橫鍊紫清。陰洞蛟龍晴有氣。虛堂神鬼晝無聲。遊人自愛登高賦。仙吏仍兼濟物情。雷雨忽愁天外至。江湖元在地中行。

雲中至日

去歲山川縉雲嶺。今年雨雪白登臺。可憐日至長為客。何意天涯數舉杯。城晚角聲通雁塞。關寒馬色上龍堆。故園望斷江村裏。愁說梅花細細開。入杜陵通首一氣能以大力負之而趨

土木堡

國朝詩別裁集

卷十二

六

教忠堂

平蕪一簣狼山下。九月驅車白霧昏。到眼關河成故迹。傷心土木但空屯。元戎苦戰翻迴蹕。諸將論功首奪門。倘遣金縢和社稷。祠官誰奉裕陵園。裕陵國

由於不主和議而羣姦以奪門論功臣受戮真千古不平事也懷古詩須還出正論

謁大禹陵

夏后巡遊地。茅峰會計時。雙圭開日月。四載集輶轡。國有防風戮。書仍宛委披。貢金三品入。執帛萬方隨。相古洪流割。欽承帝曰咨。寸陰輕尺璧。昆命有元龜。自授庚辰籍。寧論癸甲期。清都留玉女。惡浪鑠支祁。荒度功攸賴。平成理自宜。神姦魑魅屏。

典則子孫貽明德由來遠升遐亦在茲邱林無改
列弓劍祗同悲回首辭羣后傷心隔九疑鳥耘千
畝徧龍負一舟移斷草山阿井空亭嶽麓碑芒芒
懷舊蹟肅肅禮荒祠黃屋神如在桐棺記有之筵
誰包橘柚隧或守熊羆共訝梅梁失因探窆石遺
謁來憑弔處拜手獨陳辭

長律四章議論正大格
律工整俱能步武少陵

岳忠武王墓

宋室偏安日真忘帝業艱但愁諸將在不計兩宮
還鄂國英雄士淮陰伯仲間策名先部曲薄伐自
江關赤縣期全復黃河渡幾灣龍庭生馬角雪窖

國朝詩別裁集

卷十二

七

教忠堂

視刀鏖城下盟何急師中詔已頒盈庭尊獄吏囊
木謝朝班相狡妻兼嬖和成主愈辱長城隳道濟
大勇喪成觀舊井銀瓶失高墳石虎閒銘功存版
碣鑄像列頑姦曠世心猶感經過淚獨潸傳聞從
父老流恨滿湖山朔騎頻來牧南枝尚可攀墓門
人寂寞江樹烏綿蠻宿草經時綠秋花滿目斑依
然潭水月終古照潺湲

生馬角視刀鏖見二帝歸國有日而甘
為城下之盟自壞長城小朝廷可勝耻
耶前路明云但愁諸將在不計兩宮還見殺戮忠臣國
由秦檜而主之者實高宗也春秋之意必誅首罪信夫

謁劉文成公祠

草昧經綸日英雄戰鬪年真人淮泗起王氣斗牛

躔命世生良弼卑栖役大賢一官曾簿尉千里正

戈鋌記室依表絡飛書謝魯連神鷹思飽掣威鳳

必高鶩漢祖除秦法周王卜渭畋廟堂才不易東

帛禮宜先遂有君臣契能令帷幄專南征頻克敵

北伐旋摧堅王會收三統軍謀出萬全河山分帶

礪冠蓋儼神仙未辟留侯穀長辭范蠡船麒麟當

日畫竹帛後時編一自邱陵改重愁歲月遷隆中

猶故宅綿上少封田舊俗還祠廟清歌入管絃黃

金遺像蝕鐵券幾人傳古瓦題甍落荒庭檜柏圓

蛛絲虛寢胷鳥跡斷碑眠想像陰符策沉吟寶劍

國朝詩別裁集

卷十二

八

教忠堂

篇前賢餘事業後死尚迢迢去去辭粉梓栖栖到
海壖空林多雨雪哀角滿山川玉帳無遺術蒼生
久倒懸憑留一黃石相待穀城邊

此境能鑒歷通體中間叙完題意
撫躬自傷隱然有地下自命之想
起與當代麒麟閣何人
第一功同一氣樂必如

于忠肅公祠

昔在狼山下軍書犯近坵六師輕朔漠萬騎失雷

霆土木塵常滿龍蛇歲不寧豆田沙浩浩泰谷路

冥冥濟世須元老長材總四溟從容持國計指顧

悉兵形瑕呂安羣議劉琨表外廷嗣王仍歷數高

廟有神靈既罷金繒欸無煩白馬刑北轅旋翠輦

南內啟朱局。命已甘刀鑊。功真溢鼎銘。春秋隆代祀。俎豆肅維馨。一自輅車至。難期埃火停。遺墟愁戰伐。大樹日飄零。碧草空祠長。黃鸝過客聽。霜鐘沉曉月。風牖繞明星。卞壺誰修墓。巫陽數降庭。識還思雨帝。碑或隨江亭。遠水澄湖碧。流雲暗壑青。千年華表鶴。哀怨此重經。

四章末路俱敘自己遇形各能用意略不犯複

潘

未

字次耕江南吳江人康熙己未以布衣召試博學鴻辭官翰林院檢討著有蓬初堂集○稼堂先生篤於師門少

師徐侯齋領亭林兩先生侯齋沒周郵及其孫孫務得所刻亭林日知錄及詩文集又以未及刻聲域志爲憾蓋此書關天下利病卷帙繁富非大有力不能刻也此誼猶近古人○詩筆直達所見浩氣空行韻語可作古文讀而登臨懷古諸作尤爲光發騰上

一時名流幾罕與儔者

國朝詩別裁集

卷十二

九

教忠堂

卦山

卦山交山陽。孤峰獨崔嵬。下眺一氣中。稜稜露巖崖。森如六爻列。錯若諸卦排。我來正雪霽。寒空無纖埃。羣峰皎練明。萬柏攢疑苔。遠見介山巔。干霄白皚皚。近矚交城城。微茫辨樓臺。文峪下西溪。汾川自往來。連山走黃河。屏展却抱回。誰言萬家縣。形勢亦壯哉。守險在良牧。濟世須雄才。利鐵錮窮巖。健馬嘶風哀。劉淵亦可人。石匣爲之開。蒼天不可問。浩歌舒遠懷。

偶然登臨興懷守險安得僅以詞人目之

河隄

良醫視病人。察脉審其證。悉病所從來。治之藥乃應。濁河本北流。清淮自南亘。河徙忽奪淮。淮弱而河盛。一石八斗泥。壅礙入海徑。倒灌淮上流。湖淤可涉脛。埂堰始衝決。淮南受其病。塞決固治標。要須遂其性。下流無路行。東遏必西迸。瘡平毒未消。堡閉盜猶橫。旁觀方憂危。當局莫予聖。

治河近稱善。吾宗老司空。

諱季

河徙時未久。淮流尚

爭雄。海口雖停沙。可以水力衝。淮主河乃客。主壯

客不攻。用清以刷濁。當年策誠工。淮今僅一綫。河

漲猶難容。淤沙積成土。不濬焉得通。古方治今病。

國朝詩別裁集

卷十二

十

教忠堂

和緩技亦窮。疏濬費雖多。尺寸皆有功。隄成倘蟻漏。金錢擲波中。

治河要領二詩已見大意總貫通海口以淮刷黃也今兩者皆慎而望安瀾奏績必不可得矣河隄

使者宜書此詩於座右

天都峰

黃山百千峰。茲何獨稱長。大巧不炫奇。尊嚴故無兩。中天開帝廷。萬靈此朝饗。肅穆垂冕旒。森嚴排甲仗。梯空一萬重。拔地九千丈。煙雲升及腰。日月行在掌。羣山自言尊。對之失氣象。譬如見真人。羣雄自頭搶。蒼蒼百里外。孤標已瞻仰。即之如可親。攀之莫能上。石闕望我我。天橋矚朗朗。載肉無由

升。徒然結遐想。

天都為羣峰之尊以其最高且直上無執斜也于當有句云四面總換形不改性正直無心板泉上

衆自莫敢敵自謂得山之性情讀先生詩更覺龍罩一切

碧雲寺

自注寺旁有觀忠賢祠甚宏壯

香臺俯鴻濛羣山四環衛龍宮豁然開樓觀湧空際丹霞夾飛甍珠樹蔭密砌崢嶸神鬼工照耀金碧氣壯觀何能爾創此自中貴坡陀山頭塚規模更闋麗黃腸隧道封玉魚便房閉丹青儼祠宇特勅蒙葬祭豐碑刻鴻文歷歷元宰製行人不能讀識者發歎憶中官古未有掃除職微細念其犬馬勤惟蓋斯可瘞奈何濫恩私王章褻奴隸官號借國朝詩別裁集

卷十二

土

教忠堂

韶州至清遠道中雜詩

刑餘之人假以事權未有不憤國事者痛切言之而有望於掃氛翳之人後果有如其言者詳見於瑯湖相公詩後

滇陽峽百里兩崖狀如門江流日漱齒崩剝露危根空中頤雷削骨立龍虎蹲孤舟出其下凜然悽心魂石戴萬篙眼鋒縈千牽痕溯流行良難下峽如星奔灘急波易駛林深景常昏奇峰遞迎送百千互卑尊或肖天榜挂或疑鐵騎屯心賞不暇接

目眩難具論古來投荒人鬱結聲長吞壯觀有如

韓蘄王墓碑歌

此何必非君恩未為投荒者慰即九死南荒吾不恨意

靈巖山前塚累累荒煙野蔓不足悲巨石峻嶒憂松際旁人云是韓王碑韓王蛻去五百載當年英名至今在彎弓夜月射奔鯨拔劍寒沙清瀚海一朝雄姿為枯骨麒麟高塚營山窟黃腸便房天府出守冢萬家拜百笏歲久但見蒿與藜豺狼入穴狐兔啼惟留一片石千古靈巖西靈巖峰高入雲霓韓王勛名與之齊惟王勛名震千古手奠坤維國朝詩別裁集

卷十二

土

教忠堂

揭天柱麾日之戈射潮弩半壁江山留宋土可憐後此竟何人忍使銅仙淚如雨梅花落盡梨花開遊人絡繹靈巖來但上琴臺尋響屨何人山麓披蒿萊碑高三大字如掌帝製鴻文盛褒獎縱使碑刳墓盡平蓋世功名在天壤君不見錢塘飲馬江不流鳳山宮闕為荒邱張王秦相墓何在六陵蕭颯冬青愁縱使碑刳墓盡平二語摸之有獲便覺平調皆振

汴河行為方中丞歐餘作

汴河之上河如弓汴河之下河如龍弓行千里正一曲龍性變化無常蹤神禹鑿九河放著渤海中

千五百年尚一決。大伾不北而趨東。遂令梁泗間。

至今朝陸墓壑無終窮。殺湍捧土諒非策。排沙渡

海難施功。河渠之書一寸紙。蜩蟬萬喙聽者聾。提

綱挈目示要領。客邸幸見中丞公。中丞助績高當

代保障之功。汴河最汴城萬里初為魚。河北金隄

又橫潰。公也捧節來治河。赤手與塞滔天波。指揮

人徒三十萬。北河柳盡南河柯。大帚如山小如堞。

一浪不敵衝風過。晨餐掬泥土。夕眠枕盤渦。以身

為石髮為草。乃感帝力鞭。龍蠶。荊隆口閉神馬塞。

汴河南北重蠶麻。豈知功高定遭忌。謳吟翻促彈

國朝詩別裁集

卷十二

三

教忠堂

章至。旋聞東郡罷王尊。邴得通侯賞延世。自爾長

揖還東山。角巾嘯傲江湖間。奕秋斂手向碁局。坐

看黑白紛斑斕。昨聞清口決。又報漕河乾。高堰塞

復漏。歸仁築未完。胸中熱血不可嘔。相逢當路只

緘口。丁寧翻向芒屨客。畫笏川原盡紆直。淮泗之

間皆土山。眼前此意無人識。自注方云一石水而八斗泥河

偏地皆水實養癰裏創愁。內蝕不病河南病。河北負薪

沉壁徒區區。疏不成。疏塞非塞。吁嗟天意難可知。

勸君且盡金屈卮。淮黃清濁亂已久。南土豈合偏

瘡痍。復禹舊蹟。理亦得。火黎百萬將安之。吁。嗟天

意難可知。且為公歌汴河詩。洗眼坐待河清時。下流

上流日高宜汴泗淮徐間民常為魚也。續勞者斥而任事者比於養癰流毒何時已耶。惟聽之天意而已。

贈杜于皇

男兒無家復無國。六合飄然一孤客。客行落落雲

出岑。其去無跡來無心。山水佳處便淹泊。偶然相

逢不可尋。黃岡豪士世無偶。胸吞雲夢者八九。神

鷹鍛翮不能飛。丹霄碧海將安歸。三十年來泛江

舸。大塊無塵能著我。商山須眉大澤衰。遊戲人間

無不可。往年訪友揚州城。州人喧呼看歲星。如雲

冠蓋趨門庭。先生酣眠醉不醒。醒來洗眼焦山青。

國朝詩別裁集

卷十二

古

教忠堂

金焦如螺意不快。一葉翩然下江濤。青邱方壺不

可期。白龍赤鯉遙相待。我亦汗漫之遐方。束髮結

交多老蒼。惟翁差池未識面。江雲關樹空相望。錫

山禁脫蠡湖朗。散步禪房見印杖。怪來避地已經

年。笈我勞勞逐塵鞅。昆明劫火方洞然。老鰲扑山

波。接天土偶桃人莫相笑。久客會有還山年。先生

無事但宴眠。大瓢滿酌清冷泉。君不見君家杜陵

喪家者。茅屋秋風淚盈把。揮淚高歌洗兵馬。是時人

是詩老而歸於遺民奔故頓挫有千金戰馬注波驚濤之奇一結尤見神勇

烈士行贈趙義庵

義庵汴宋裔孫也。為人精悍勤敏。京口顧侍御奇重之。侍御以事見法。義庵獨身入都。經紀其喪。脫兩孤於厄。有古烈士風。余與侍御弟交舊。因識義庵。今秋重遇之。金閨悲其老大運蹇。而高節罕有聞於世。遂為歌以叙之。

寶刀削葵馬守戶。當今烈士賤如土。舉頭不識趙王孫。空向陳編弔嬰杵。王孫二十逢亂離。才高膽盛無人知。江東顧榮目如電。一豹賤却千羊皮。玳簪珠履正雜沓。王孫落落無他奇。叩嶧坂上高車。國朝詩別裁集 卷十二 五 教忠堂

覆御史門前烏夜哭。三千上客散如星。義故兒郎抱頭伏。可憐端正騎羊子。鞭笞蹴蹋奚官裏。白楸三寸無人收。骨肉蒼黃竄荆杞。王孫此時氣拂雲。赤手直入磨牙羣。陳容甘共滅。洪死習胎不畏曹。瞞瞞精誠貫日智。略奏抱還孤兒如有神。潛藏撫護麟種存。丁寧莫遣家人聞。沉吟此事廿寒暑。中郎墳土蒿如柱。王孫落魄尚關河。失路驂騮老無主。昔年遇君清淮流。今春遇君燕市頭。苦言奔馳不稱意。一官束體如贅旒。蘇臺何意仍相值。短鬢尊前淚雙滴。瓠瓜在地根在天。黃楊一閏一回厄。

吁嗟萬事如驚波。翻雲覆雨何其多。褚淵封侯表。梁死如君。豈得辭。輶軒蕭蕭涼雨。胥江暮題詩別。有傷神處。江頭不見酒家傭。瀚海抵羊何。日乳起用。見眼前義士不能識。別而徒憑弔古人為可慨也。中敘其素心之誠。赴義之勇。機智之密。而終於落魄。不遇將歸。派沒能母抑鬱於中。耶此種詩當羽解。慷慨歌之。

登五老峰最高頂

我浮鄱湖望五老。萬仞秀出天中間。雲氣蒙籠乍開合。恍疑蓬閣難躋攀。豈意今朝策藤杖。逍遙徧踏五峰上。寒空嘯裂碧玻璃。大地山河收寸掌。南康軍城一葉浮。揚瀾左蠡橫天流。白沙赤岸錯如國朝詩別裁集 卷十二 六 教忠堂

綺煙林點點。天南州天公。妬我盡遠景。故遣飛雲奪峰頂。如輪如席掠面來。萬象斯須不留影。乘雲我欲之。帝廷稍為匡。君鳴不平。茲山何者讓衡霍。不嶽不鎮。誰使令。一笑顛仙扶我住。世上空名了無據。餐霞吸露快即休。多口無遭帝閤怒。先生為多口。所惜故尔落。職末路隨所感。觸借以抒。寫空靈變幻實處皆虛。

華峰頂

崑崙之脉從天來。散作嶽鎮千瓊瑰。帝怒東南勢傾削。特聳一柱名天台。天台環周五百里。金翅擘翼龍分胎。峰巒一一插霄漢。澗瀑處處奔虹雷。華

頂最高透天頂萬八千丈青崔嵬乘雲御風或可
上我忽到之亦神哉遊氛豁盡日當午洞視八表
無纖埃南溟東海白一杯括蒼雁宕青數堆千峰
簇簇蓮花開中峰端嚴一蓮臺華藏世界宛如此
醯雞不識良可哀渺茫誇閬苑荒忽求蓬萊何如
天台靈異在人境劫火不到無三災神泉自流琪
樹不栽弥山藥草滿谷丹材應真隱顯混樵牧飛
仙遊戲同嬰孩羲之乏靈骨太白非仙才已住神
山却歸去空餘石屋寒蒼苔我已夢覺墻根槐安
能更逐魚龍歷徑須習定棲峰頂飽看滄桑三百
國朝詩別裁集 卷十二 七 教忠堂

荔支盆

荔支盆來三山枝頭墜土生根難荔支盆上建浦
衝波峻灘挽舟苦短蓬愁日復愁雨荔支盆過仙
霞千夫肩荷百吏遮汗流骨出愁鞭撻從此浮江
溯河去嚴程晝夜不停住焦枯顛頓十存五寥落
猩紅綴孤樹蓬萊宮中掩露嘗冰丸入口流瓊漿
寧知一丸數金值百旬勞擾千村忙大臣事君自
有禮忠孝不在養口體爭新作俑彼何人繹騷煩

費無窮已不貴異物惟吾皇勤求民隱恒如傷
誰能上書罷貢獻令人千載思唐堯東坡洛陽相公忠
孝家可憐亦進姚
黃花猶屬婉婉此正襟而談歸美
君上而望臣下之陳書尤為得體

金山

萬古標形勝中江一柱尊水分天作塹地坼海為
門鐘磬來波面蛟龍聚塔根斬王血戰處墜馬有
驚魂張枯金山詩一結不振
極矣此真神完氣足

峽江

峽江山對鎖不覺有江來船向羊腸出城臨虎穴
開燒畚穿嶺急水碓撥雲回客鬢先秋白何煩一
國朝詩別裁集 卷十二 六 教忠堂

葉催一起峽中形勢寫
盡此下直如破竹

贈錢飲光

蹀血生還萬里天土牀樹屋尚依然箋餘易象研
朱細踏徧雲山看屐便久矣泥塗書亥字凄其衰
白感丁年誰憐靈武麻鞋叟老向空山拜杜鵑錢生

生學問志節悉為傳出亥字丁
年脫胎飛卿而工力亦可相敵

經姜給諫墓作

青峰一曲抱愁雲中有先朝諫議墳往日兒童識
鄒浩到今野老哭劉蕡山頭樹屋稱殘卒地下戎
衣見故君埋骨便為乾淨土豐碑華表漫紛紛錢生

曰我素先帝命建康此
驗我當以戎衣其子從之

二姜先生祠自注給諫 珠行人墳

載轍齊名世早知百年忠義繫人思忠傳折檻排
奸日義想銜刀伏闕時兩地青燐埋宿草一山紅
樹妥新祠吳門野老多相識雪涕爭看幼婦碑

白雪樓

百尺高眠四海空滄溟文玷夙稱雄生平婁水墳
笊應死耐虞山玉石攻盛世才華容傲睨達人官
爵謝牢籠清嚴標格依稀在華鵲蒼寒落水中四語
耐攻而不盡破也猶劉隨州五言長城秦系攻之
意若二表鍾譚竟不耐攻矣於此見下字之妙

國朝詩別裁集

卷十二

九

教忠堂

登嵩山絕頂

不辭觸熱上嵩巔欲遣雙眸盡八埏翠嶺千重色
楚塞黃河一綫下秦川長安遠隔浮雲外鄉國微
分匹練邊清嘯一聲驚鶴應隨風飄去落何天聲微
層霄

高於王季
登岱諸作

吳聖玉歸自遼左志喜

夢想流人紫塞邊每依雁候祝南旋不圖真有珠
還日始信非無玳乳年人痛嵇康罹橫天天哀李
變予生全鄉音無改容顏肖破涕應知慰九泉
數行墨牒隻身歸歎息家園事總非門巷凋殘餘

燕壘親朋零落半鶉衣難尋手澤書千卷且拜荒
阡樹十圍野老村童爭擁看烏頭能白世間稀

贈屈翁山

燕山晉塞早憑陵老去邱園自枕肱奉母安期蒲
九節著書弘景閣三層琴心久歇辭謠詠龍性初
馴避弋增終竟才人須學道才華減處道緣增果能
學道則無身後之浮言
矣贈人以言正應尔尔

浴日亭

孤亭臨望盡重溟天水相摩不斷青日躍半洋皆
紫電潮來大地一浮萍鵬遊世界原空闊蜃吐樓
臺自杳冥何必褰裳慕蓬島當知此地即珠庭

卷十二

二十

教忠堂

羊城雜詠錄一

歷山尚住宋遺民文陸當年事苦辛窮海不春猶
正朔孤航無主自君臣忠魂鬱作潮頭怒浩氣蒸
成蜃闕新異代流風多感激草間時有納肝人弔文
陸而

井及明末諸忠撫字結
響榔地當作金石聲

廣武

蓋世英雄項與劉曹姦馬謖實堪羞阮生一掬西
風淚不爲前朝楚漢流嗣宗含蘊善爲作者道
出知人論世正須如此

天柱峰僧餉黃獨

黃獨分來瓦鈿邊。香於紫芋大於拳。笑他懶瓚渾

閑事。誤却長源三十年。借瓚芋事比例巧於立言詩人之心比似春蠶作繭

徐

鈞字電發江南吳江人康熙己未召試博學鴻辭授翰林院檢討著有南州草堂詩○虹亭先生為龔端毅賞識端毅諱沒謂渠真定曰負才如徐君可使之不成名耶於此見前輩之愛才而虹亭之見重於端毅實有使之心折者也生平填詞極工晚歲成本事詩遠地構求比於洛陽紙貴

送方尔止還金陵

尔從雲水來。片帆不肯住。乘風夜過洞庭西。蘆花瑟瑟滿寒渚。渚清沙白今送君。朔風旅雁高入雲。

官司捉船舶戶避津吏前頭不敢行。問君歸思一何切。笑指征衣已百結。旅館朝來花正繁。客愁今

國朝詩別裁集

卷十二

主

教忠堂

去柳堪折。雙槳隨君送君去。莫忘江城離別處。遙

指金陵宮闕旁。蔣山夜火烏棲樹。住意盡而不盡

落花篇

洛陽城外花如綺。洛陽城內歌鐘起。一夜東風吹滿枝。片片花飛逐江水。江水春流暮轉深。江干日

暖生紫蘚。參差碧樹波光裏。蕩漾紅潮愁殺人。憶

昔郊原全盛日。芳菲千里春如織。香車翠幃掩紅

妝。寶勒金羈跨紫陌。陌上遊絲爭繞樹。嬌鶯乳燕

紛相度。桃李蹊成白日斜。棠梨院鎖黃昏暮。誰料

繁華類轉蓬。紛紛隋紫又飄紅。杜鵑血染胭脂裏。

蛺蝶魂迷芳草中。歎息年光空自好。玉顏零落憑

誰保。花謝花開無盡期。委地飄階不須掃。別有佳

人。斂翠眉。翩翩衫袖淚雙垂。明年依舊花爭發。開

落庭前。知為誰。春花開謝歲以為常而芳華一去不復返矣比唐人意轉覺婉約可思

晚發京口

潮回泖潞忽聞雞。風飽江帆葉葉齊。瓜步曉鐘寒

雨歇。楚天濃樹溼煙迷。已從擊楫悲荒壘。更想沉

舟。聽鼓。輦回首。甌城山色遠。驚濤猶在海門西。

古意

歡從京口來。儂向秦淮住。一夜暮潮生。分離不知

國朝詩別裁集

卷十二

主

教忠堂

十八灘

萬壑千峰送客舟。槎牙怪石水交流。嶺猿莫更啼

深樹。只聽灘聲已白頭。極高灘聲之可畏中央入嶺猿一語則險惡愈出此加一倍法也

李澄中

字渭清山東諸城人康熙己未召試博學鴻辭官至侍讀著有漁村集

題丁野鶴先生魚龍卷

何人懷此跋浪情。下筆快寫滄洲鯨。世間萬事難

自料。為龍為鱗須臾成。荇藻交憂細如縷。小魚瑣

屑何足數。中流忽斷烟波開。乾坤冥冥雜風雨。此

時海裂天吳愁。滄江倒立崑崙浮。中有赤鯉閃光

彩金鱗。逆水聲。颼颼彷彿疑聽洪濤風。細觀又似蓬萊宮。星海下注積石遠。黃河上溯龍門通。鱣鮪昂藏不知量。鼓鼗搖鬚亦爭上。可憐魚服苦束縛。撥刺泥沙色惆悵。赤鯉力猛陡一穿。雙角突出雷火纏。半身未化露魚尾。半身已入天門煙。嗚呼龍變不可測。畫工具有神明力。雲行雨施徧八極。涸鮒蹄涔波沾臆。通體精采一結如讀感士不遇賦

涿州

聞說蚩尤霧。軒轅此地過。德衰開戰伐。功定紀山河。鎖鑰孤城壯。風沙落日多。太平畿輔近。深夜有笙歌。

卷十二

三

教忠堂

晚抵襄陽

檣上一鳥啼。燈明兩岫齊。星垂古峴口。月照大江西。地險分南北。時平罷鼓鼙。兒童清夜裏。還唱白銅鞮。

登太華寺大悲閣望滇池作

香臺高擁萬山平。無數煙雲繞澗生。杯底嵐光浮太華。簷前秋色挂昆明。空餘戰壘悲戎馬。似有霜風動石鯨。我醉欲留歸路晚。滿湖鷗鷺擢歌聲。三語是登

四語是望

沅州山中聞鷓鴣

空山雨氣散新秋。匹馬王程不少留。怪爾聲聲行不得。七千里外過沅州。

徐嘉炎

字勝力浙江嘉興人康熙己未名試博學鴻辭官至內閣學士著有抱經齋集

丁巳新秋譙集李客部園亭送李南枝分符

之武林

水精簾卷夜光浮。蓮葉田田梧葉愁。燕市離筵南浦月。吳山歸路驛亭秋。客星已見雙辭闕。鄉夢還驚獨倚樓。醉踏軒轅臺畔草。丁香可解結綢繆。

陸

字義山浙江平湖人康熙己未名試博學鴻辭官至內閣學士著有雅坪集

國朝詩別裁集

卷十二

三

教忠堂

都門人日送高念祖南歸

燕市同爲客。君歸我尚留。淒涼鸚鵡賦。憔悴鷓鴣裘。春酒銷微祿。鄉園託遠愁。寄言同學者。心事愧林邱。

自豐城抵萬安江水大漲

春江灌潦水。百堵沒滄洲。釜已遊魚鼈。涯難辨馬牛。櫓聲來木杪。帆影度城樓。雙劍沉何處。清宵起暮愁。杜詩寫江漲未曾及此

邱象隨

字季貞江南山陽人康熙己未名試博學鴻辭官流馬

懷張虞山瓊州

何處望瓊州。中原地盡頭。蠻烟山萬點。海霧屋千樓。身世乾坤失。生涯日夜浮。更堪烽火急。消息斷高秋。

贈程穆倩

病後相逢邇水涯。歲寒雪壓客廬斜。縱然淡盡人間事。又寫青山過酒家。以畫易酒韻事也得上一句一觀則倍形其韻矣詩須如此用筆

錢金甫

字越江江南上海人康熙己未進士名試博學鴻辭官翰林院編修

贈魏惟度

夢斷春明號隱淪。閩江清淺好垂綸。偶停司馬遊梁騎。暫作嵩山采藥人。種樹書成閒課僕。賣文錢國朝詩別裁集

卷十二

圭

教忠堂

到便留賓側。身天地遽虛。似卜集何須問四鄰。人問樂事無過於此何必沉溺於春明夢中耶

倪榮

字蘭公江南江寧人康熙己未名試博學鴻辭官翰林院檢討

送喬文衣之劍州

渝峽遠通涪萬水。嘉陵險接閬中山。分符刺史初行部。舊語參軍正解纜。檣布芋田徵稅薄。青松白鶴訟庭閒。他年更奏殊方績。應在文翁伯仲間。

表佑

字杜少章隸東明人康熙己未名試博學鴻辭官翰林院編修

月夜遊秋水橋岸

藕花短短葦花齊。漁艇秋烟草閣西。出寺溪雲隨

意遠。過橋山月趁人低。與誰相對惟孤鶴。何處尋僧信杖藜。砧杵不聞千戶靜。蕭蕭城闕夜烏啼。

玉階怨

玉階無人行。徘徊玉階側。皎皎明月輝。照見妾顏色。未嘗言怨今人言外思之

高詠

字阮懷江南宣城人康熙己未名試博學鴻辭官翰林院檢討著有遺山堂詩

臨江中秋同諸公慧力寺泛舟回遂集惠樓

玩月分體各賦

丁丁蓮漏秋宵短。銀屏華燭明高館。瑤席清尊坐不遲。芳洲畫楫歸何緩。入窓花霧香菊濛。珠簾四國朝詩別裁集

卷十二

圭

教忠堂

角垂玲瓏桂花扶疎玉除冷。菡萏披折金塘空。千家羅幕蘭鐙淡。明月正過寒江東。羣山窈窕鎖蒼翠。碧漢金波光瀉地。揮杯夜醉使君樓。題詩晚出城南寺。美人接座氣堂堂。騏驎腰裏爭騰驤。雄劍刺鐘爍紫電。北斗掛戶森長芒。二十五聲何太早。胡牀坐嘯重傾倒。朱棣華棖倚半空。鳳絲雁柱愁清曉。霓裳仙子歸海宮。沾衣涼露迴天風。桃笙醉卧不知處。東方疊浪朝霞紅。結處得東方漸高奈樂何意

宿青溪

青溪獨宿處。遠火出江波。醒酒思殘夢。歸漁聞夜

歌月斜人語定。舟曉棹聲多。九子烟霄外。夢生只暫過。三四傳出孤舟夜宿之神

遊青原山寺

青原山半寺。積雨長苔痕。路轉遙聞水。峰回直到門。雲林清磬落。巖屋影堂存。欲問無生偈。孤雲起石根。

過謝羽皋墓

許劒曾傳此地遊。豐碑遺墓尚荒邱。龍髯晴海三宮渡。馬鬣封山萬古愁。處士宅邊寒雨夜。嚴陵灘下暮江流。當年慟哭聲如在。聽罷西臺檜柏秋。

國朝詩別裁集

卷十二

三

教忠堂

為文丞相也故有第三句墓在釣臺旁近方干故宅故頸聯及之

歸舟作

江上羣山擁髻螺。楚王臺畔榜人歌。白蘋風裏暮愁重。紅蕩香中秋夢多。漁火夜殘收別浦。水禽月出叫寒莎。頻年躑躅孤舟客。回首平生空逝波。

范必英

初名雲威字秋濤江南長洲人順治丁酉舉人康熙己未召試博學鴻辭官翰林院檢討

諸將

無諸臺上英風起。千載重來顧盼雄。父子河山燕兩越。弟兄花燭盛中宮。鵷旗鐵陣參雲黑。龍馬珠江浴日紅。回首伏波銅柱遠。軍威更在挹婁東。此歌未

諫通以前詩也龍崇至此而過應其通以為聲援其不旋踵而撲滅也宜哉

十年羈旅田橫客。仗劍功成茅土分。環海盡為新屬國。歸朝即拜後將軍。御刀龍雀先如水。官錦葡萄色似雲。金殿謝恩旋出鎮。雅歌還得奉南薰。

馮 昂

字方寅江南長洲人康熙己未召試博學鴻辭官翰林院檢討

十二辰詩贈崑山支逸人

小兒礫鼠稱老吏。賤士食牛成國器。虎頭書生亦不羈。浪把兎毫輕擲地。支公種松鱗作龍。冥心渾忘地與風。馬鞍山前釣秋水。無人知是羊裘翁。眼見獼猴畫麟閣。又聞羣雞戲孤鶴。蟬營狗苟一笑。國朝詩別裁集

卷十二

三

教忠堂

沈莊樗幽居

楊柳塘東更向東。綠蒲紅蓼各成叢。三家村口少人過。獨木橋邊有路通。老屋短垣披薜荔。主人長日注魚蟲。客來彷彿桃源內。雞黍為歡話古風。此太史公

先大夫者為景屬辭如讀岳鳴集中長句詩成四十年矣每一披讀情事宛然

王 昊

字惟夏江南太倉人康熙己未召試博學鴻辭以年老授官正字回籍著有碩園集碩園係鳳洲同寇之後妻

東十子中尤鍾錚有聲

兵船行

陣雲壓城日光白。羽檄紛馳騎克斤。颶風昨夜起

鮫宮關艦千羣復何益。憶昔軍興催造船。吳民髓竭無金錢。刺史流汗縣令哭。老農含血遭笞鞭。一朝連烽迷海道。帆檣如山倏然倒。旗鼓虛張。楊僕營。燐燼已入田。橫島沙溪十里飛黃埃。人家門戶晝不開。橫刀躍馬滿街市。海船方去官軍來。君不見軍中健兒不羞走。盡是幽并好身手。十村九村無人烟。不掃鯨鯢。不掃難狗。造船累民為清海氣也乃遇寇退避復掃村民兵船之既烈於寇矣

吳野人有造船匠一篇應紀一時之事

日本雙刀歌為子存舛賦

鵬鵠之膏雙干將。燈下拂拭生神光。青蛇赤蛟欲國朝詩別裁集 卷十二 无 教忠堂

隱躍忽令四座驚。寒霜雀環色黃犀。靶黑積鐵傳來海東國。風胡歐冶知何人。却帶十年戰場色。妻城斗氣非糲糊。雄者不飛雌不呼。牀頭夜夜肯相守。吾家大阮頻摩挲。男兒意氣自奇突。試脫儒衫舞回鵲。莫借他人去。報仇尊前且伴封侯骨。

久客

久客長如夢。危魂輒易驚。關河全殺氣。鴻雁自秋聲。愁病無人鬼。親朋隔死生。何堪寒夜雨。獨坐憶圍城。

黃州杜于皇兵阻客妻賦此慰之

滿眼黃塵厭甲兵。更憐楚國滯歸程。涼牕雨歇鴻初急。古寺鐘殘月倍明。作客豈宜逢亂世。離家誰道又危城。莫將庾信江南淚。一夜平添白髮生。連前客

一首係明社初屋時作

雜感

直北長河日夜流。宣房遺跡總堪愁。黃旗萬舸喧淮口。白馬千家哭汴州。築岍已遷都水使。轉籌誰是富民侯。可憐騂馬虛沉處。不救南方赤地憂。此言作河

衝決而江以南轉憂旱也

雲旗金甲駐沙灘。橫海樓船舊築壇。王濬舉帆風國朝詩別裁集 卷十二 三 教忠堂

正急。孫恩歸島水猶寒。由來北府屯原重。自古長江守獨難。浮玉山頭兵十萬。帳中好把陣圖看。此為海寇鄭氏破宋方炮金陵而作

極天烽火倦登樓。兵甲遙傳控上游。絕傲趙佗新屬國。雄藩劉表舊封侯。湘潭浴馬千營曉。彭蠡吹笳萬帳秋。回首古來龍戰地。不堪江左望荊州。此為通藩

連兵荆襄未靖而作○事非一時豈詩因隨時而作後以離感名之者耶

鄧漢儀字孝威江南泰州人康熙己未召試博學鴻辭以年老授官正字回籍○孝威與國初諸前哲遊洽聞廣見所遜詩觀共四集雖未脫離塵然亦足備後人采擇當度大庚嶺有句云人馬盤空細烟嵐返照濃新城王公賞之

平淮西碑

雪夜功成罷鼓鼙。昌黎碑版照淮西。文章何意開
護如婦女偏能混品題。易代磨崖爭日月。當年奮
筆掃鯨鯢。只今蒼碣斜陽外。頻見遊人駐馬蹄。李翹
安公主碑文歸功裴度。許于帝命。其碑銘段文昌重撰。立碑其實
段教題功。轉不如昌黎之明也。後宋代陳駒毀段碑。仍立韓碑。千古快
事。

枕煙亭聽白三琵琶

寒日林園尊酒陳。琵琶急響似西秦。赤眉銅馬千
秋恨。譜入鷗絃最感人。

北極諸陵黯落暉。南朝流水照青衣。都將寫入霓
裳裏。彈向空園雪亂飛。自注時
正雨雪

國朝詩別裁集 卷十二 三 教忠堂

白狼山下白三郎。酒後偏能說戰場。颯颯悲風飄
瓦礫。座間人似到昆陽。

天寶傳頭竟屬誰。四條絃子斷腸時。蠻靴窄袖當
爐女。今日公然識段師。盜賊縱橫。倉桑變易。俱於琵琶中彈出
與落花時。逢李龜年相似。所感深矣。

題息夫人廟

楚宮慵掃黛眉新。只自無言對暮春。千古艱難惟
一死。傷心豈獨息夫人。其用意處須
於言外領取

孫枝蔚 字約人。陝西三原人。康熙己未。召試博學鴻辭。以年老
授官。正字。回籍。著有澠堂集。澠堂詩。辭氣近蘇。然自有
真意。稱其人品之高。近有秦人胸無典籍。好為大言。至云作詩先
洗去李杜。俗調庸妄。如此。而人羣然信之。云遠勝約人。不可解也。

錄澠堂詩 附記於此

覽古

房琯隱陸渾。矯矯負令譽。天下為己任。高談頗有
餘。一朝將重兵。車戰竟何如。所恃楫與楫。豈知皆
豎儒。哀哉四萬人。流血成溝渠。名士苦無用。萬古
成欷歔。有愧諸葛公。不輕出茅廬。

田家雜興次儲光義韻

娶妻非齊姜。置田非膏腴。結交非平原。或牧或樵
漁。親戚不我嗤。還復羨幽居。厨中辦雞黍。前溪漉
蝦魚。相期風雨候。早更過吾廬。得巢雀相賀。得食
鹿相呼。與尔共鄉縣。時來傾此壺。得巢二語
比而無典

國朝詩別裁集 卷十二 三 教忠堂

野人常在野。鳥獸頗相關。嗷嗷眾雀求。食何時
閒。慨然念義農。不生此世間。鼙鼓聲不休。羣盜滿
南山。衣食起干戈。世路多險難。仁義那可恃。清淨
良難攀。莫言莊與老。不如孔與顏。人心險惡。聖賢亦難化
之。轉念及老莊之清淨
作者無可如何之辭也。因衆雀
求食中有感觸此賦而無典

獵騎過青山。追逐良自樂。朝出長安城。晚投咸陽
郭。笑謂田家兒。止知誇收穫。乾坤方用武。人命輕
鳥雀。養賊二十年。無人收。河洛空有長弓箭。不射
撓。搶落大言竟何益。此輩真輕薄。用儲韻而自抒寄託儲
詩村樸此詩感慨備作

於亂離以前此作
於亂離以後也

馬食禾代田家

禾黍正油油。何人放馬上隴頭。碧眼虬鬚使我愁。
向前長跪淚雙流。租吏坐我堂。聲高氣正揚。縣官
早納粟。不待禾登場。願約馬客至舍下。今朝爲吏
辦酒漿。馬客來租吏去。早知馬客能逐吏。馬食禾
盡不須慮。恐馬客去而吏又至矣奈何

同友陪吳園次登多景樓時園次赴湖州任

出城送客共躋攀。萬里煙雲杳靄間。天下江山如
此少。古來冠蓋幾人閑。潮頭日午添帆影。樓角風
微散酒顏。五馬臨行重回首。知君魚鳥最相關。

國朝詩別裁集

卷十二

三

教忠堂

遊焦山

風起中流浪打船。秦人失色海雲邊。也知賦命原
窮薄。尚欲西歸太華眠。翻用東坡性命窮薄

傳

山字青主山西陽曲人康熙己未召試博學鴻辭未應試授職不就歸○徵君歸後變姓名爲公之仲詩卷零落殆存一篇以誌梗概

送友之秦中

尔去褒斜道。秦關兵尚多。難堪兒女意。其奈鼓鼙
何。戰地驚鴻雁。秋閨怨駱駝。願聞邊火息。歸計莫
蹉跎。

盛

楓字丹山浙江秀水人康熙辛酉舉人官吉州學正

盆花

木性本條達。山翁乃多事。三春截附枝。屈作迴蟠
勢。蜿蜒蛟龍形。扶疎巖壑意。小萼試嫣紅。清陰播
蒼翠。攜出白雲來。朱門特珍異。售之以兼金。閑庭
巧位置。疊石增磊砢。鋪苔蔚鱗次。嘉招來上客。誠
賞共嬉戲。詎知菱幹薄。未久倏憔悴。始信矯揉力
托根。非其地。供人耳目玩。終慙棟梁器。共生各因
依。長養視所寄。賦質諒亦齊。豈乏干霄志。遭逢既
錯誤。培覆從其類。試看干尋松。直幹無柔媚。屈折求
梁之材乎通幅比體使人言外思之主意在一結

國朝詩別裁集

卷十二

三

教忠堂

白洋河阻風

大河流日夜。噫氣北風號。霧影霾魚市。寒威縮馬
毛。客程千里倦。酒價一時高。欲作懽騰計。終宵聒
怒濤。刻寫風寒不留餘力

黔陽

雲壓萬峰低。秋江晚樹迷。藍輿凌木杪。驛路掛城
西。有客停孤館。無禽下五溪。蕭蕭樓外雨。愁絕聽
寒雞。

詠燕

落日亭亭向夕低。畫梁不見一雙棲。侍兒今夜寒

珠箔歸路紅樓莫遣迷

陳王猷

字良可廣東海陽人康熙辛酉舉人官連州學正

由方丈右轉上海山門

自注海山門丹霞山最高處無鐵索乃可上

飛樓倚嶽岑環迴覺路塞四望窮躋攀斗絕石痕
闢窺天剛半線拔地乃千尺鬼斧鑿何年儼有巨
靈跼鵬鷃息羽翰猱獮罕蹤跡當茲斂形神直上
緩登陟鐵絙右鉤梯手腕參足力左顧窅然深瀕
洞曠以黑納趾踵外垂高尻面內迫神人御風行
中道尚棲息自注崖中有御風亭况在塵世間寧有次仲翮我
幸及其巔置身高岑峇出險憑虛無茫然蕩心魄

國朝詩別裁集

卷十二

五

教忠堂

蒼茫似杜
鑿刺近韓

國朝詩別裁集卷十二

國朝詩別裁集卷十三

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

趙執信 字仲符山東益都人康熙己未進士官左春坊左贊善○

贊善以熱飲觀劇去官時年尚未壯也高才放縱情於酒酣嬉淋漓罵罵四座借以發其抑鬱不平之氣君子可以諒其志焉○生平服虞山馮氏定遠稱私淑弟子而於漁洋王氏著談龍錄以貶之然責人斯無難未必服漁洋之心也詩品奔放有餘不取錄曠所錄者半屬觀海集中之作餘畧見云

棄婦詞

兩姓無端合。亦復無故分。昔時鴛鴦翼。今日東西雲。浮雲本隨風。妾心自不同。君心劇無定。見棄如枯蓬。出門拜姑嫜。十走一迴顧。心傷雙履迹。一一國朝詩別裁集

卷十三 一 教忠堂

來時路。留妾明月珠。新人為耳璫。不恨奪妍寵。猶得依君旁。寶鏡守故奩。上有君家塵。持將不忍拂。舊意托相親。此生一以畢。中懷何日宣。願得金光草。與君駐長年。得貞臣去國心事令人徘徊賞之

彭蠡湖

顥氣中流轉。煙光四週遭。層波碧離離。秋色寒滔滔。泠然乘風遊。託身任毫毛。仰觀天垂象。旁見林露梢。山移舟向背。目蕩心飄搖。北望千帆走。燦若組紉交。五老雲外笑。人世心魂勞。明當接匡君。舉手為我招。山接舟向背五字足抵一篇遊記覺帆隨轉望衡九面語極繁也

泛海言懷

忽登萬斛舟。如躡長鯨背。寄身入無涯。曠覽乾坤態。潮動風色適。棹急雲光碎。潛通元氣遊。迥出人境外。千山相簸蕩。六合欲橫潰。頃覺喪我吾。何知齊小大。幼安漂泊久。謝傅襟情在。誰發小海謳。迴飆引雄概。潛隨元氣遊十字應補木元虛之缺

無風沂江崇朝十里忽得午風快然成詠

欲知舟上瀧。譬若魚升木。因循日高毒。跌宕水一曲。歇岸黃葉林。時露參差屋。遙數天末山。苦戀蓬際目。何來快哉風。徑為鼓帆腹。有如絕塵馬。或是國朝詩別裁集

卷十三 二 教忠堂

避弦塵。奔雲亂鶯鶯。碎浪喧琴筑。列塹爭送迎。顧揖不暇矚。榜人嘯閑逸。余亦謝拘束。通塞自有時。結念毋欲速。主意在末二句能息人踴進之心

行十八灘中

灘行日百轉。轉轉山四圍。寒流中屈曲。鬱怒不自持。秋凜肅殺氣。陸發龍蛇機。迴風地底來。電雨皆倒飛。亂石勢騰攫。獐惡各異姿。似噴舟船逼。列陣前相追。篙師工避就。色授頤指揮。蓄力爭毫髮。險途生坦夷。遊子閱奔峭。驚定翻耽奇。秋雲搖水湄。杉木森下窺。弄波情無極。棹月顥猶違。夕陽駐西

嶺為我延清輝。極陰後寫出清美景象

平度州道中望東北諸山

秋風吹倦客。縹緲凌紫霞。赤松仙人要我去。為駕白鹿青龍車。羽輪飄飛不自制。始計已失秦琅邪。大勞小勞遠相待。雲外如鳥遭籠笊。明霞碧落杳夢寐。玉女有爪羞搔爬。北行度膠水。惟見塵與沙。晴嵐百里豁心目。高望一點青。於鴉衆山肩。隨出戢戢木末爭槎枒。天柱孤標倚蕭爽。下笑兩髻魯始髻。東萊泰岱列首屈。不敢加譬人名。既成無事相矜誇。大澤東來獨雄傑。森然列仗排高牙。雲峰國朝詩別裁集

卷十三

三

教忠堂

飛瀑落千尺。煙光蜃氣無由遮。臺閣嵯峨布空曲。浮金炫碧生谿谿。我今矯首意恹恹。況於抗策窮幽遐。人生能幾何。引領白日斜。海山有約易錯選。此中便可終來家。形容東萊泰岱累幅難盡此以數萬點工於避就

雪晴過海上適海市見之罘下自亭午至晡

快觀有述時十月十日

今晨雪乍晴。寒日升扶桑。出門邀河伯。東嚮同茫洋。昨日之罘山。紫翠點水如鷺鷥。未至二三里。見人欲飛翔。坐來忽復不相識。迴峰疊嶂皆摧藏。赫然煙靄中。城郭連帆檣。疑是秦樓船。歸來閱千霜。

又疑瑤宮與貝闕。神山倒影滄流長。飛仙駢虎豹。晃漾凌波光。招招不得語。目極天蒼黃。同遊競指是海市。對之使我神揚揚。歲序閉水雪。魚龍走顛僊。非時出瑰麗。此遇超尋常。當年蘇夫子。雄姿自炫驚海王。慙予本凡才。未敢縱筆相頡頏。不請亦得觀。失喜欲發狂。巨川細流兩無拒。信知大海真難量。準擬還家詫鄉黨。詎肯此地辭杯觴。天窮人厄。摠莫問微塵大地俱荒。唐客散境變滅。半山還夕陽。醉歸却聽暮潮上。浩浩天風吹面涼。出作法甚變末細用蘇公語見大地如座天窮人棄俱勿問也可以想其胸次

國朝詩別裁集

卷十三

四

教忠堂

人日韓江歸興

春寒晴壓空江水。山翠雲光蕩船尾。篙師撾鼓作迴颿。萬里還家從此始。人日他鄉人別離。郊原新綠已參差。遙憐沙渚多陽鴈。肯向東風更退飛。

中秋與南村泛舟石湖望月

王郎與我能無愁。客中放棹尋清秋。清秋了知在何許。且遠城市辭歌謳。胥江水洗天宇淨。片帆輕駛如星流。橫塘西去見山影。蒼翠豁露霜煙收。楞伽靈巖兩迎揖。此中安得無夷猶。湖光一曲紫我舟。與子呼酒相勸酬。以湖為酒恣拍浮。須臾湖月

忽晃漾照映天上白玉樓。鬢眉蕭颯風颼颼。飄然疑墜海外洲。却視人世真蜉蝣。我已一身隨落葉。子亦一官成贅疣。不見吳越俱荒邱。魚城酒城何處求。伍胥種蠡同浮漚。惟有石湖湖上月。曾照石湖居士遊。西施溪畔餘溫柔。座中微笑寒花羞。子既醉矣我未休。迴颿撾急不可留。夙昔中秋有此不令我卻憶西湖頭。一湧而出服其氣盛

中秋夜與涇陽劉西谷編修吳山對月

東見千里江西見十里湖。寒光歛合離蕩此秋月。孤吳山秀接天月。出當其前登高莽四顧。清輝滿國朝詩別裁集卷十三五教忠堂

人間遠心忽飛揚。南北同一圓。我乘白龜越滄海。君亦赤鯉辭秦川。憶昔燕市別九十度盈缺。寧知來此地復共今夜。月雄城百萬家。歌吹方闌咽。邈然山顛客。一笑兩幽絕。明日扁舟江上風。思君獨在湖山中。

赴登州留別康海

微雨牽行色。離觴且對君。預愁見何日。不惜手輕分。遠海高於岸。空煙聚作雲。來朝倚仙閣。吟望背斜曛。五六境奇聲奇空煙五字尤入微妙

寄朱竹垞檢討村居

江村水樹澹秋煙。不見幽人思悄然。往接簪裾三殿側。近聯踪跡五湖前。老爲鶯脰漁翁長。閑上鷗鷺估客船。各有彈文留日下。他時誰作舊聞傳。竹垞自注昔著日下舊聞。七言律少首尾完善者傳其佳句云客舍三千兩雞狗爲人五百一頭顯刻意求新終非雅音也故率取和平之作

村舍

亂峰重疊水橫斜。村舍依稀在若耶。垂老漸能分菽麥。全家合得住烟霞。扶衰地有君臣藥。勸酒庭餘姊妹花。兩玩山姿晴對月。莫辭閒澹送生涯。此寫時作中南園

寄洪昉思

國朝詩別裁集卷十三六教忠堂

垂堂高坐本難安。身外鴻毛擲一官。獨抱焦桐俯流水。哀音還爲董庭蘭。昉思成長生殿傳奇於國朝時演之官貴在座御史彈劾去官事後以詩寄之但比之董庭蘭未免視爲門下士也

詠江岸拒霜花

霜裏風翻裊裊枝。可憐閒淡與霜宜。江妃無語空含睇。妬殺天寒獨倚時。

李孚青

字丹壑江南合肥人文定公天馥子康熙己未進士官翰林院編修著有野香亭集。丹壑十六歲館選人以黑頭公目之惜未四十辭世故流傳詩篇絕少

雍正晚行

亭亭落日馬蹄忙。兩岸荆榛過外黃。嵐氣漸逢迷

草木煙村又見下牛羊。鄭當時去誰留驛。范史雲
貧尚有鄉。惆悵昔賢遺蹟在。青山無盡路茫茫。

秋日自遣

金風蕭瑟滿懷春。籬豆花開逐番新。舊業已荒猶
嗜酒。秋陽雖熱不侵人。鄭家婢妾如師弟。梁氏夫
妻似主賓。我是海邊息機者。任他門外急蹄輪。家慶

無喻於此陸劍南
每有此種名句

稻孫樓

拜石人何在。孤城氣逼秋。郊原禾黍盡。愁上稻孫
樓。此米元章樓也。無禾黍歲
偏上稻孫樓。觸目生愁矣。

國朝詩別裁集

卷十三

七

教忠堂

早秋送宋又宜由太原歸里

酒場吟地五年同。忽餞青門往事空。三疊歌殘人
不見。秋風吹淚古雲中。自是唐
人神韻

王材任

字子重。湖廣黃岡人。康熙己未進士。官會都御史。著有西
澗詩鈔。○西澗早負盛名。去官後自楚入。兵買錢救濟。拂
水山莊居之。以詩自娛。晚歲困甚。
宴如也。詩品雖唐宋間。時有警句。

和李梅谷選君贈別韻

去歲乘輶出井陘。今朝策蹇返江寧。鬢添巴雪添
新白。鬢點吳霜失舊青。旅夢都迷南北路。歸程細
數短長亭。從今不復看除目。手把神農耒耜經。

魯港夜泊

沙岸維舟近柳條。坐看淺水忽生潮。江湖夜靜逾
空闊。星斗風來欲動搖。月下望鄉雙淚落。天涯多
病一身遙。雞豚社飲應難與。獨倚船窗盡酒瓢。星野

湖月湧大江。流寫盡江夜景象。此故工
於脫胎而星斗風搖。則又杜陵未道者。

追憶梁益舊遊

梁州秋葉落紛紛。沮水西來沔水分。斜去遙知南
鄭路。道傍曾拜武侯墳。長藤婉婉纏秦樹。寒雨昏
昏濕棧雲。鄰近墓門誰勒石。征西尚有馬將軍。

黃河

黃河萬里來天上。積石龍門道路賒。已是秋風迴
國朝詩別裁集

卷十三

八

教忠堂

南昌即事

瓠子更憐春雨漲。桃花怒濤高壓千金堰。急溜初
回八月槎。三策至今思賈讓。金錢那可委泥沙。

章江依舊抱城流。楓葉蘆花瑟瑟秋。南浦閒雲迎
故客。西山暮雨送孤舟。一千里外新蓬鬢。四十年
前舊酒樓。自注于十五即
有南昌之遊莫上滕王高閣望。不堪楚尾
與吳頭。

沈朝初

字洪生。江南長洲人。康熙己未進士官至
翰林院侍講學士。著有不遜山閣詩鈔。

過塘西

蘇隄踏遍上吳航。蘋末風生暮色黃。帆影帶歸湖

墅。月。衣。裾。留。得。菱。荷。香。采。菱。船。過。波。紋。碎。脫。網。魚。
跳。水。氣。涼。行。到。小。橋。深。柳。處。人。家。煙。火。似。橫。塘。三四

蘇隄路過歸意造
句在蘇莊羅隱之間

春興

歸來安穩卧烟蘿。花信風柔春漸過。滿徑白雲人
跡少。一簾紅雨鳥聲多。閒中垂釣常忘餌。病後慵
書不換鵝。除却浮家更無事。辦裝先去買青蓑。事歸
忘餌

書不換鵝可
以想其高品

收復漢中恭紀

魚貫懸崖鄧艾軍。銜枚一夜度連雲。巴渝從此俱

國朝詩別裁集

卷十三

九

教忠堂

安。席。莫。待。相。如。諭。蜀。文。

司隸章臨市不驚。饒歌聲裏慶昇平。只今茹醬仍
通貢。合挽銀河洗甲兵。

梅

庚

字稱長江南宣城
人康熙辛酉舉人

同愚山少叅維饒孝廉即席送位白歸皖

倚棹數歸程。親交次第行。獨憐江月苦。偏向別筵

明。背郭魚龍氣。先秋蟋蟀鳴。還家仍客路。更傍石

頭城。

落梅

背城花塢得春遲。凍雀銜殘尚未知。閒說綠珠珠

絕。世。我。來。偏。見。墜。樓。時。不寫題面專寫題
意自是絕世風神

彭寧求

字文洽江南長洲人康熙壬戌
賜進士第三入官翰林院侍講

擬古

靜躁殊軌途。人性安可矯。天既賦吾拙。何用逐機
巧。始進苟不正。晚節何由保。所以達人心。立身忌
草草。受恩惟恐多。入仕亦戒早。俯仰懷古人。守貞
以為寶。此即瞻庭先生言志之詩生平進退允符
斯語年命不永未展素抱朝野共惋惜之

送大兄南還

重到承明半載餘。匆匆襆被返衡廬。營巢每笑逢
秋燕。縱壑真同避釣魚。三徑春風侍童冠。一簾花
國朝詩別裁集

卷十三

十

教忠堂

兩潤琴書故鄉自足。林泉趣最荷。君恩許遂初

金德嘉

字會公湖廣廣濟人康熙壬
戌進士第一官翰林院檢討

得張師石書却寄

杜門久與故人違。忽有音書到竹扉。過眼物華雙
鳥翼。驚心風雨一牛衣。春雲江樹黃泥坂。秋水漁
燈赤鼻磯。日暮狂歌當濁酒。不禁西望思依依。

許汝霖

字時庵浙江海寧人康熙壬戌進
士官至禮部尚書著有傳星堂集

贈湯宗伯潛菴先生

豫州天中央。文星木躔角。靈山拔嵩少。德水文伊
洛。鬱為人文區。名賢代有作。煌煌二程子。千載振

絕學後來漸榛蕪斯道孰開拓先生出曠世日朗
螢火燭蘊蓄富淵源發揮啟素篇本根秋實茂藻
采春華落圖報祗辭章中懷諒已薄初登慈珠榜
遂入石渠閣朝廷愛人才破例展猷略分藩試
駁歷江右專鎖鑰蔚州老司寇許予必斟酌謂公
真清蘆才品並卓犖薦揚大臣事彼此而不忤適
當時右文設科召宏博公仍歸禁院獻賦卑五柞
衡文來兩浙悉剖荆山璞還朝品弥高比岱長羣
嶽東南資重鎮宵旰切民瘼簡在撫吳中民望
胥踴躍吳俗久奢靡正氣日以剝大端示鎮靜積
國朝詩別裁集卷十三 士 教忠堂

習還淳朴新圖鄭俠繪淫祀懷英削百事具規模
羣情奉繩約久困漸以蘇病夫遇良藥九重念
舊臣內召藉故沃衮衣行有日里巷驚以愕畔樵
出山野商旅聞城郭卧轍肩相摩攀轅趾交錯公
去國本端公留一方樂計大無曲徇眷隆有深託
天子建文華東宮開講幄巖巖師傳席醇儒孰
公若禮儀視舉止恭謹愈盤躒崇階領秩宗三禮
兼典樂生平稽古力蒙此雨露渥憶余舊識公回
首事猶昨初從魏公坐相見獲酬酢公貌謙而和
公懷端且恪始知賢達意寧靜必澹泊儀型儼在

茲小鳥隨驚驚拜獻忝後塵發蒙仰先覺近聞姪
嬰輩醜正忌磊落蠅營玉可點火燎金欲燦明良
既相遇衆如任謠詠願公篤忠貞襟懷等寥廓他
時明農歸悠然卧巖壑叙公之生平杜老八哀詩體也末述衆
小之觀正惡直而以他日明農望之公
之不容其身已先引矣久而論定
白黑昭然彼諧人者亦何益哉

送楊自西少司馬終養歸里

銅柱留名紀壯猷翩然綵服放扁舟兩朝養望儲
黃髮八座辭榮奉白頭客久誰無歸里夢官高偏
忘倚門憂先生愛日情何限手筆陔蘭進鐸羞官高
不能

國朝詩別裁集卷十三 士 教忠堂

送張侍御歸里

孤忠原不問升沉正氣稜稜自古今已見黃扉傳
諫草何妨青海解朝簪一鳴終落憑城膽三黜寧
忘報國心從此歸田把鋤耒塗泥終荷主恩深上章
數年

此章勸忠立
言自應尔尔

史 夔 字胃司江南溧陽人康熙壬戌進士官至詹事府詹事○
宮詹公詩當時不必有赫赫名然迄今讀之意足韻流無

一開句開字得詹賢之三昧者也蓋閣而
不涉應酬山林而不入寒瘦足規詩品

長干曲

妾家長干住嫁與里中兒願同比翼鳥生死恒相
隨豈知別離苦郎作襄陽賈昨夜鄰船開寄書與

郎去大隄花正飛歌舞醉芳菲。但言估客樂誰勸。
不如歸。郎如白石。郎妾似青溪。落花落板橋南。年
年長獨處。何日下江潮。相迎皂莢橋。還憂風浪苦
中道。滯歸橈。怨而不怒
是為雅音

合澗橋步月

門閉龍山。高月出萬象。香攬衣步巖際。俯視羣木
杪。霜黃樹色暗。地白人影小。湖光遠濛濛。巢鶴近
了了。猿啼晚更急。虎跡寒覺少。還歸冷泉亭。坐待
山月曉。詩思清
人骨

飛來峰

國朝詩別裁集

卷十三

三

教忠堂

衆壑逶迤現。一峰獨亭亭。怪石煉五色。神功開六
丁。秀骨琢天巧。孤根闢地靈。花萼破空翠。劒戟攢
高青。氣若逼星斗。勢欲凌滄溟。三竺共偃仰。兩高
關瓏玲。木生不假土。泉出還無形。倒垂萬菴側。
走千雷。霆鳥徑不崩。劣鬼工太崢嶸。萬象歸窈窕。
百靈入晶瑩。洞門闕雨色。石扇羅秋屏。松雪夜了
了。陽光晝冥冥。花塢亂楓木。水泉鳴茯苓。自注山有楓
木塢茯苓泉
伏虎衛佛法。老猿守丹經。我欲問寶訣。歸來煉黃
寧。極意刻畫讀若如
置身雲霧等閒

發京邑

靡靡即長道。承命發華輶。寒風吹易水。涼月渡
蘆溝。河梁霽暮色。驅車登古邱。西望九折坂。南顧
江河流。江河多風濤。道路阻且脩。欲濟川無梁。引
領心懷憂。厲揭古有訓。慷慨懷前脩。慎風波便正軌言
中言外均有之

陶靖節故里

淵明居柴桑。日與廬山對。云何詩百篇。未嘗道隻
字。乃知作詩者。適然與興會。譬如日陶然。飲酒非
本意。又如日鼓琴。無絃更高致。想見胸次間。纖塵
無障礙。門柳故蕭疎。籬菊亦蕉萃。徘徊墟里煙。慨
焉發長喟。詩以興會成。道盡詩人意。趣而以意不在酒意不
在琴。証之陶詩。須如此讀。陶公人品。須如此觀。

國朝詩別裁集

卷十三

四

教忠堂

無錫望惠山

九峰天半落。一棹夕陽過。客為遊山盛。船因載水
多。溪邊高士宅。月下榜人歌。好趁樵風便。輕船採
芰荷。船因載水多。眼前
語却人不解道

弘濟寺

戍削寒侵袂。鎗筴樹隱門。石頭依法座。佛足上江
痕。山淺容舟入。潮平汲水渾。鴉鵲如有意。飛近水
邊村。佛足五字奇
警似岑嘉州

高郵

三十六陂秋。孤城水上浮。魚龍尊窟宅。鴻雁叫汀

洲苔沒高沙館。潮平甲仗樓。片帆何處泊。身世一輕鷗。

淮安

西風下淮泗。潮落見三洲。臺沒空垂釣。詩成獨倚樓。帶刀餘舊俗。聞笛感新秋。寂寞山中桂。誰憐景物幽。趙振山陽人故有倚樓聞笛之語帶刀用淮陰侯傳

鳳凰山弔宋故宮

天目千年王氣摧。海門三日打潮回。繁華欲盡紅羊換。歌舞方酣白雁來。山鬼夕陽迷古路。銅駝陰雨泣蒼苔。當時不悟興亡理。錯怨西湖是甌胎。紅羊換劫

國朝詩別裁集

卷十三

五

教忠堂

年見張翥詩白雁來當時童謡兆伯顏采也

涿鹿道中望西山

紅塵雨洗淨秋烟。黛色嶙峋夕照前。七月早歸彭蠡雁。一山橫斷太行天。乘槎興已江湖外。捧日心猶霄漢邊。策馬高原頻悵望。薊門雲樹尚依然。

贈李解元鶚君

領袖詞場二十年。姓名還向榜頭傳。高才不肯居人下。畏路休教占福先。一甕白雲邀月醉。半床黃葉擁秋眠。把君詩卷巡檐讀。轉覺飛騰讓後賢。宋占福先

必入畏路老成最後生之語高才者正宜書紳

橫江詞

落日臨滄觀。西風揚子津。峭帆何處泊。愁殺渡江人。

採蓮曲

撥掉裏湖去。連隄種芰荷。折來與郎嗅。香比外湖多。

林處士墓

四壁垣衣絕點塵。茶經酒譜各橫陳。茂陵封禪無遺稿。始信文章到老醇。自注范文正公贈林君復詩風俗因君厚文章到老醇

塞下曲

國朝詩別裁集

卷十三

六

教忠堂

明月中天秋氣清。令嚴刁斗最分明。前山夜半雕翎響。知是官軍射虎行。易落唐人曰科此能生新

馮廷樞

字大木山東德州人康熙壬戌進士官中書舍人。舍人性孤介不入大僚之門官閑無事惟枕藉書卷所為詩清警絕俗詠古尤佳山左中允矯矯者

論史

赫赫四公子。賢豪胥籠蓋。賓客久寂寥。餘烈猶未艾。匹夫尚輕俠。氣燄通中外。遂使法網張。豪傑蒙繁逮。關東郭解亡。濟南閻氏敗。庶姓甘屏息。富民徒開塞。大獄忽頻興。奸人弄機械。澆風熾一時。遺禍流異代。傷哉王迹熄。版籍久破壞。世族業摧殘。

細民究何賴。根本終動搖。有國當深戒。由侯之風起於四公子而流為

朱家郭解之徒以至遷徙關塞非生民之禍亦非國家之禍也

鐵犀行

武都怒特西入水。空舸野牛躡空起。逆潮蹴踏汚江濱。夜吼霜天猶掉尾。驚濤下撼龜鼉宮。腥風促浪打沙觥。羣魚跳波鮫人避。一見凜然懾生氣。垂龍恃勢不受降。鱗間出火光射地。老牛鬪酣兩角折。兀然不動化為鐵。風剝雨蝕三千年。垂胡猶帶戰時血。即今江水白於銀。潮平岸穩沙無痕。漁舸一葉飛夏口。龍驤千斛奔荆門。篙工舵師坐收值。

國朝詩別裁集

卷十三

七

教忠堂

豈知鐵犀與有力。事往功成那可說。倒卧寒江千尺雪。只是控取水勢近于陸勝者前路故作奇崛使人目眩心駭少陵石犀行以正出之此以奇出之故應各擅其勝

黃鵠磯

沔江駭浪流淙淙。夾岬屹立雙芙蓉。黃鵠高峙郡城角。倒插石壁當其衝。上戴萬古神仙宅。下踞千尺蛟龍宮。我客江郊百無事。獨著雙屐携長筇。斜日慘澹山徑黑。窮秋蕭瑟楓林紅。綠崖歷磴到絕頂。危樓窺兀臨三重。森然魄動當檻立。參旗斗柄搖虛空。俯看長江一帶耳。翻疑天塹難為功。迴身欲倚江閣坐。四窗白霧寒濛濛。神仙有無墮荒遊。

英雄割據空遺蹤。冠古才人零落盡。感時五嶽排胸中。山雨初來樓角暗。躡級欲下心中忪。憑高放眼一長望。茫茫八極雲而風。此登磯上黃鵠樓作也予與湖北試官登此樓時八窗洞開大風翻江江水起立樓空似欲飛去曾作詩記之讀此詩如重經其地但詩中未說到風耳

荆卿故里

一卷輿圖計已虜。單車竟入虎狼都。縱然意氣傾燕市。豈有功名到酒徒。空向夫人求匕首。誰令豎子把頭顱。南來曾過邯鄲道。試問人知劍術無。不獨之疎直各行刺之失策此是正論

歲暮書懷

國朝詩別裁集

卷十三

七

教忠堂

我生漸與老為鄰。虛負鬚眉著此身。范滂漫言天下士。杜陵空望眼中人。蕭條白髮難豚社。辛苦金

門蟻。蟲臣自分支離本。無用不須彈鋏怨沉淪。想見胸中無事目中無人

謁諸葛公祠

壞垣歎徑野花幽。肅肅靈祠祀武侯。紅飯一盂村

賽晚。黃桑千樹廟門秋。壁間畫妓遺巾帽。山下征

人役。馬牛太息高麾遊渭上。誰教天末大星流。點漆

極見自然

張華宅

水沒方城蔓草肥。司空舊第滿斜暉。人亡劫火羣
書散。屋老秋風一劍飛。廣武勲名憐寂寞。式乾諫
事記依稀。如何少日。鶴鶴賦卻到封侯。不解歸。其

退休所
以受編

周金然

字廣庵。江南華亭人。康熙壬戌進士。官左
春坊左中允。著有娛暉東觀吳興集。

詠史

今年拜少翁。明歲封樂大。孰謂無神仙。有時見海
外。文成食馬肝。五利亦誅死。孰謂有神仙。禁方舉
妄耳。瑞骨非仙才。仙才安在哉。大釣布羣物。修短
一胚胎。至人獨不朽。不朽非形骸。世上豈有仙人耶。漢武
亦有夢。醒時也。但至人

國朝詩別裁集

卷十三

亢

教忠堂

之不朽者安
在哉。尋求之

和陶飲酒

種苗荒東臯。種豆蕪南山。勤勤苦終歲。算車廼空
言。安得休糧方。藉以保餘年。不如營一醉。此方竟
誰傳。我思醉鄉人。乃在天地外。此林子
羽語也。倘遇其人。可以往求。此方

東方仕代農。栽桑農代仕。饑凍非不切。矯厲重違

己。食粟以養肥。食薇以養恥。章綬亦何榮。徒取耀
閭里。學道三十年。奄忽逼暮紀。窮達洵有命。消息
隨坎止。萬變了不疑。大釣吾所恃。陶公樂天知命而工夫
自憂勤惕厲始作者能

之體會

度九龍山

已辭潭柘山。更問他山路。山僧知我僻好奇。導入
山中險絕處。陰壑埋雲虎豹愁。披榛覓徑如有求。
側身牽攀不可上。上者股栗神惝怳。一峰歷盡喘
未蘇。前峰又復推憂虞。我生筋力能幾多。諸巖歷
試胡為乎。樵子尋常不肯至。矧乃倦客冥搜強好
事。磴危路滑行恐隊。徒旅微聞雜嗟喟。忽來片岫
平如掌。相呼藉草狂歌賞。斯時四望覺身高。下視
羣山離立皆兒曹。白雲冉冉騰山坳。便欲乘向閭
閻隨道遙。恨不携將驚人句。搔首問天天亦怖。却
望居庸鳥道回。茫茫絕塞風煙開。燕昭遺烈安在
哉。漁陽豪傑多蒿萊。古今代謝復何有。惟有茲山
安兀無衰朽。呼取驢背酒一瓢。酌我山神勸我友。
須臾雨過捲衣涼。薄醉都忘山路長。前于後。喝滿
空。谷山下。人疑嘯鳳凰。

王九齡

字子武。江南華亭人。康熙壬戌進士。官至都御史。著有尊香詩稿。

竊祿

竊祿成何補。經年柏府居。無聲慚仗馬。有淚對刑
書。救世人難鼓。携鋤願復虛。白頭濫朱紱。中夜獨
躊躇。不負心語為食慮
法司者誰肯言之

憶沈樂存侍御

萬乘昔臨邊。千軍聘玉鞭。抗章親伏地。叩馬欲回天。
難挽窮荒。駕終蒙。聖主憐。索居追鯁節。
好語汗青傳。

題旅店

曉覺茅簷片月低。依稀鄉國夢中迷。世間何物催人老。
半是雞聲半馬蹄。余年老後轉嘗此境。讀是詩為之惘然。

尤

字德庸。江南長洲人。康熙壬戌進士。官右春坊右贊善。著有續詩鈔。滄澗先生心平氣和。每作一詩。字字求安。有與陳之者。應時改定。近人中無此謙抑矣。少宗唐人。歸田後。改姓書有句云。宗唐姚宋。吾何敢。前有東坡後放翁。晚歲自悔仍歸於唐。如出遊者之反故鄉也。所作滄澗別記中。道作詩甘苦極詳。

國朝詩別裁集

卷十三

主

教忠堂

遣興

春風吹庭樹。漸見綠葉生。衆鳥引雛出。翩翩飛且鳴。
鵬鵬及雀蛤。物類善變更。惟人獨不化。感歎誰能平。
萬事天所命。達觀息羣營。思遊五岳徧。入海登蓬瀛。
浩蕩乘天風。吾將從此行。漸近自然去。陶公不遠。

東軒遣興

顧此明月下。慨然思古人。古人不得見。世遠久失真。
獨留詩書在。千載如有神。誦讀思尚友。風期遙可親。
母為守章句。兀兀徒苦辛。

簡鄭山啟

閉關屏人事。悠然習琴書。春色從天來。梅花發庭除。
眷言同心友。音塵一何疏。道里豈云遠。咫尺東西居。
日暮方停雲。好風吹敝廬。中庭望明月。竚立空踟躕。
張籍學古淡。作者近之。

題磨崖碑

有客示我磨崖碑。一幅之廣徑丈圍。觀者動色共歎賞。
高文大字何瑰奇。憶昔天寶祿山叛。長驅鐵騎蹂京畿。
至尊倉皇出奔蜀。太子靈武誓六師。既亂方殷。以權濟苟。
不帝制。衆志離。乃踐大位。命諸將收東。西京不逾時。
奉迎還宮。就尊養。堯禪舜讓。

國朝詩別裁集

卷十三

主

教忠堂

兩得之。漫叟夙推老文學。濡毫撰述中興碑。魯公筆力有神助。
大書深刻青山隱。其後上皇在西內。張李交煽思傾危。
真定社稷誠大孝。何乃晚節晨昏虧。碑銘當日紀盛事。
惟有揚頌無微詞。題碑後者為涪翁。其詩未免多刺譏。
讀書論世志未逮。摩挲古蹟空嗟咨。靈武即位為逆。將棄天下。於安史為正。耶肅宗之失在西內。不朝不在即位也。涪翁議論深刻而致齋錢氏比之楊廣之篡逆。深文太甚矣。篇中表微嫌之兩得譏末節之有污。最為平允。而筆力亦復矯然。

采石磯

李白管醉酒。曾遊采石磯。磯流一何急。弄月不知歸。
山樹色猶古。江濤聲未稀。我來懷勝蹟。悵悵對空磯。

清暉筆揮海人力不與

寄家信

落日蒼然遠。浮雲天際翔。潮聲何處發。今夜宿江鄉。
有客歸吳會。封題寄八行。明朝渡江去。煙水正茫茫。
筆力與前一首同。此種風格本於青蓮明人中徐昌穀亦時有之。

鄴都懷古

風流佳麗魏王都。憶昔雄豪創霸圖。鄴苑人空花自落。
銅臺伎散鳥爭呼。五官事業埋荒隴。七子才名付酒壚。
惟有漳河東逝水。年年春漲浴飛鳬。

夜坐

國朝詩別裁集

卷十三

五

教忠堂

花影忽移知月上。樹梢微動覺風吹。不看北斗天邊近。只道家園夜坐時。

吳苑

字鱣。江蘇武進人。康熙壬戌進士。官至國子祭酒。著有北苑山人詩。○司成性仁孝。讀陽城黃諸生歸養語曰。吾人師也。身教之謂何。即日陳情歸。弟兄侍養。天倫之樂可知矣。讀到家一章。令人神往。餘亦皆和平理。讀之者。

自觀音巖過老人峰至天門

奇峰漸近矚策杖。窮登頓獨怪。夏已深。亭午露猶沾。懸崖若廣厦。少憩慰勞倦。情為艱險移。目因應接眩。琪花不知名。古苔詎忍踐。高磴穿林頂。墜石橫澗面。移徙雷雨夕。云有蛟龍戰。再上老人峰。偃僂青松畔。獨居賓師位。不與羣峰亂。豁然天門開。

雲端雙闕見。閭闔通呼吸。象緯可攀援。衣裾盡飄颻。御風冷然善。何必生羽翰。始遂遊仙願。
原本謝公。老人峰二語。

龍鳳山雲生色

望後海諸峰

尋山興難已。理策出煙寺。晴嵐漾朝光。薄霧散空吹。荒塗沒人徑。一石一天地。環海千萬峰。初作兒戲。眈眈左與難。盡眈眈右賞不置。隊岬千仞青。嵌空一天翠。平生見名山。履險身忘悸。獨此奇無窮。瞠目不敢視。
時造奇語。今人驚絕。

到家

國朝詩別裁集

卷十三

五

教忠堂

蒼竹猗猗垂。山桂亭亭覆。入門拜慈親。白髮顏微瘦。薄宦十餘年。懽愛類。揮勿欵欵問中朝。不私及堂構。嬌兒髮垂額。及歸盡婚媾。闔門孫暗窺。茲客曾未親。憶昔少年時。老屋墳簾奏。樹下共嬉遊。兄先弟隨後。樹今已成圍。山石還如舊。擬采南陔蘭。相偕歸客臭。匪敢賦閒居。獻母南山壽。
可奉我但東山。第三章老杜。卷村第一章而情事各別。讀者忠孝之心油然而起。

我眉山月歌送許時庵使蜀

我聞我眉山。插天青嶂响。上有太古雪。未化不知天。地冬與春高懸。更有秋空月。雪上清輝尤皎潔。

光耀磊落之奇人。西漢馬卿宋軾轍。況君秋水點
雙瞳。九天銜命下蠶叢。清無遺照同山月。畢獻珠
光錦水中。

宋

肇

字牧仲河南商邱人官至吏部尚書著有綿津詩鈔。商邱公官部曹時列十子詩選中撫兵時有漁洋綿津合刻又嘗選江左十五子詩以提唱後學固風雅之總持也所作詩古體主奔放近體立生新意在規倣東坡時宗之者非蘇不學矣茲所錄者俱近唐賢諸作公晚年訂定意或轉在是與

蘇門徵君孫鍾元先生

吾道有攸屬。徵君儒者宗。樹山共里閭。少多烈士
風。孝廉舉弱冠。懷抱凌蒼穹。傾身救楊左。高義等
華嵩。更入賢相幕。談笑籌兵戎。晚值滄桑變。俛首
國朝詩別裁集

卷十三

五

教忠堂

簡冊中。蘇門山水窟。誅郊寄遐蹤。生徒環講席。一
代開羣蒙。百泉闡妙旨。瀛洛淵源同。豈學鸞鳳嘯。
聊以卧雲峰。屢徵不一起。魯齋有婉容。伊余景行
切。千里思扶筇。雖託弟子列。恨未接猶龍。雲霄拜
短札。薄劣荷陶鎔。迄今二十載。太行仰龍從。朱絃
失遺調。歎息撫焦桐。作詩明嚮往。滔滔水流東。
後歸理學身親實踐之士非空談道術者也湯文正師事之詩亦列傳體製

和子湘春雪後夜坐效韋左司

梅花半。將開媚此雪。後月空。亭耐春寒坐。到昏鐘
歇池。光明檐楹。鶴唳激林樾。幽人默相對。詩思清

到骨。清到骨三字自評其詩公集中以此種為上

蓮花洞

嵯峨蓮花峰。中有蓮花洞。撲人蝙蝠飛。沾袂煙嵐
重。斜陽倚洞門。清嘯山猿共。

贈太僕卿高公挽詩

高名天爵以建昌守殉難閩中

烏石峰高穴。驅虎赤狐跳。踉黃狻舞。血牙鬻炙氣
益麤。紅帕抹首錦纏腰。妖氛一夜連汀漳。肝黎城
邊波沸湯。太守弓刀夜乘障。不識真卿作何狀。七
尺擔與孤城俱。變生肘腋誰周防。嗚呼南八真
男兒。壯士隱忍欲有為。不成死耳肯作賊。銜鬚茹
國朝詩別裁集

卷十三

五

教忠堂

詩韻

太令錢介維小集作歌以贈用東坡海市

吳漢槎歸自塞外邀同王阮亭祭酒毛會侯

塞外長白橫長空。吳君廿載冰霜中。豈意玉關得
生入。雲霄重望蓬萊宮。哀笳聽罷鬢毛改。縱橫老
筆偏能工。魚皮之衣捕貂鼠。曾披榛莽尋黃龍。甫
草計。寓書感生別題詩。慘絕梅村翁。歸來兩公已
宿草。惟君懷抱猶豪雄。時平好獻大禮賦。少陵遇

合無終窮相逢一笑快今日俯仰况復當春融談
詩命酒皆老輩何惜傾倒玻璃鍾枯矢石誓誇創
見君之所得亦已豐夜開醉眼望天漢恍惚鴨綠
磨青銅世間萬事一海市且看梅萼開春風

數月來聞汪鈍翁王勤中憚正對劉山尉相

繼謝世灑淚賦此

遠道頻傳薤露歌人琴此日奈愁何宋中耆舊傷
心盡吳下風流逝水多塵篋祇憐餘翰墨荒墳欲
拜阻關河黃昏鈴閣題詩處忍見空梁夜月過

讀高念東先生瓊花觀詩因懷廣陵舊遊即

國朝詩別裁集

卷十三

壬

教忠堂

席聯句

同念東先生施愚山王阮亭謝方山

瓊花何意也愁人念東且遣當杯酒入唇萬事揚州
成舊夢愚山三生杜牧失前身念東雷塘螢火猶侵夜
仲官閣寒梅待放春阮亭吟罷新詩轉惆悵愚山二分

明月竹西塵

方山

烏江

落日烏江繫小船拔山氣勢想當年一間古廟荒
煙外野鼠銜髻上几筵即一間茅屋祭路王意

邯鄲道上

邯鄲道上起秋聲古木荒祠野潦清多少往來名

利客滿身塵土拜盧生

訪葉已畦不值

別浦幽幽境愈奇春風籃輿尔何之小山叢桂清
陰下想見蒼茫獨立時神韻自遠

高士奇

字澹人浙江錢唐人也欽賜翰林官至詹事府詹事著有
鹿樵行世卷中采
制體行之卷中采
錄特近於疎散者

題盧徵君嵩山草堂圖

神髻在水不入筴仙禽在野不受籠達人泥土視
軒冕林樹刻跡偕洪濛嵩山徵君巢許蹤高柯百
尺龍門桐名拜諫官卧不起草堂僻徑臨龍從巖

國朝詩別裁集

卷十三

壬

教忠堂

姿壑竊有神會自寫不假丹青工墨痕迥出濃淡
外絕境直與虛無通手書十志字健勁藤枝薤葉
紛相蒙在昔右丞妙詩畫韜川舊本留清風徵君
絕藝亦兼擅藍田少室將無同弘農好古愜真賞
跋尾小印蟠絲紅筆法獨攸元祐派胚渾坡老兼
涪翁開運下迄淳熙代五閱丁未雲流空神物不
隨陵谷變浩歎者誰周益公慶元到今復幾世暗
中呵護煩蒼穹自注五代楊少師凝式跋中止書丁未歲前七月
宋周益公必大跋以爲丁未乃石晉開運四年是
歲漢祖起於太原復稱天福七年又開七月故曰前七月自開運丁
未至宋淳熙已歷五丁未周益公跋於慶元已未蓋寧宗五年也黯然
之光久愈發何啻寶玉搖晴虹我在修門管曾見

愛此疊嶂藏瓊瑰。歸田五載親抱甕。柘湖拓地莖
蒿蓬。石廊洞戶頗幽雅。十指媿未嫻。皺烘重來那
免猿鶴怨。故園青碧孤芳叢。雲煙一卷快入手。槐
根欹枕遊高嵩。因披畫而作夢遊也

天馬行

蒲梢天馬本無種。渥洼水落神龍涌。旋風八尺雪
花飛。玉削雙蹄高耳竦。千里萬里繞須臾。津津細
汗流紅珠。天生此馬豈無意。要與皇路供馳驅。
瀚海遙遙難自致。絕域荒沙身暫寄。驕嘶圓月蹴
層冰。闐闐門前思一試。我皇神武古絕倫。犁庭
國朝詩別裁集

卷十三

元

教忠堂

送孫愷似孝廉

沁園詞客舊知名。曾在楊花渡口行。佳句已傳箕
子國。歸心又向閩間城。白蘋風細扁舟穩。青桂香
濃小苑清。吾亦有廬江上好。秋來鱸膾不勝情。似以

高麗宋詩故

有第三句

吳興祚

字伯成。遼東清河縣人。官至大司馬。著有留村詩稿。

電白縣觀海

揚帆同縱轡。咫尺辨滄溟。沙向日邊暖。春從島外
青。鯨鯢今不見。樓櫓昔曾經。海若知王化。年年
效百靈。

舟次潯州

行盡粵東路。粵西又一天。是山皆瘴氣。無樹不蠻
烟。幻語聞猿洞。歌聲出蜚船。遐荒風景異。化俗倚
前賢。連上章總制

謝重輝

字方山。山東德州人。官刑部郎中。著有杏村詩。此部學
陶公。未極自然。而旨趣已高。擺脫塵空。真朴處。殊近備太
祝。漁洋謂去庸存骨。去枝葉存老幹。真賞甚稀。存之篋中。
以待元次山杜清碧其人。定相賞於絃指之外。傾倒至矣。

國朝詩別裁集

卷十三

三

教忠堂

硯土

洛居三十載。田事久生疎。今日值農祥。荷鋤出吾
廬。陽回散餘沍。土膏脉發初。活活野泉響。曖曖林
光舒。緬維少壯時。終墾力有餘。於今雙鬢改。未墾
先躊躇。欲省躬耕勞。又慮廩空虛。先王省風土。布
施遍里閭。此政久已息。周覽多荒蕪。安得還古昔。
家家恒裕如。玩未段志在家給人足。豈徒老於農事者

東臯

投種湏及時。大率穀雨前。良農知時節。夙駕來中
田。倉庚鳴向我。翔集立南阡。似謂耕耨苦。勸我暫

息肩。浮雲從北來。細雨潤前川。富足雖未期。飽食庶終年。

桑

我昔聞諸葛。園林遍種桑。吾宅纔五畝。墻下亦成行。不愛樵子垂。愛此遠枝揚。濃陰日夕佳。常在吾廬旁。五岳老難遊。對此可徜徉。鳴鳩忽高飛。三嗅入斜陽。

萱草

老去恒內省。不懼兼不憂。閒種萱草花。時得覽芳柔。曉看迎露放。暮看逐風收。纔茲旦暮間。已如四

國朝詩別裁集

卷十三

三

教忠堂

運周孰云忘。憂草遇目轉添愁。不如忘形骸。任彼

歲月流

四運猶旦暮。即百年猶四運也。感傷實多。未又付修短於大造。而任天以遊。則又進於達觀之識矣。

適野

適野聽鳴禽。輕裝冒朝旭。怡然接春暉。遂縱千里目。迢迢東臯田。蔥蔥北林木。黃鳥忽中出。交交相追逐。側耳慰好音。輕風吹初服。迴顧田舍人。農書老猶讀。無怪沮溺輩。經年事耕牧。我欲叩其端。白雲掩茅屋。

春來

春來何所事。依然耽琴書。親昵稀來往。人事欣無

餘。我身既暇。曠我性日益踈。時從池上酌。往往臨清渠。春山到眼前。好風遍庭除。碧柳漸覆井。蒼松鬱不舒。時鳥解人憐。相向各自如。因之坐松下。日暮傾一壺。淡然無意。自足品流。此境最是難到。

過大木宅有感

風掩蓬門。舊宅荒就中。何處最淒涼。停車不見吟紅藥。駐馬惟看種白楊。棟宇凋殘。嚙向秀。圖書零落。感文昌。可憐滿篋雕龍賦。未得生前動漢皇。大木舍人故才名。雖高無由達之。當寧去相如子雲。遠矣所感在此。

孔傳鐸字振路。襲封行聖公。著有申樹集。

國朝詩別裁集

卷十三

三

教忠堂

半塘弔五人墓

直是殲兇闖。千秋氣共伸。由來殉義客。何必讀書人。勝國山河改。魏墳俎豆新。三良空惴惴。殊讓爾精神。只十字已為五人吐氣。

秋日雜詠

玉露蕭森萬壑幽。淒清天氣獨登樓。三更鶴唳驚回夢。萬戶砧聲送到愁。但使詩書充腹笥。莫悲身世似傳郵。浮生幾個成閒坐。且向花間判酒籌。

山中

山居盡日無膏沐。侍女寧羅補茅屋。芳草春時深

開門月明自伴梅花宿

孔尚任 字季重山東曲阜縣人官戶部郎中

紅橋

紅橋垂柳裊煙村。隋代風流今尚存。酒旆時遮看竹路。畫船多繫種花門。曾逢粉黛當筵舞。未許笙歌避吏尊。可惜同遊無小杜。撲襟絲雨揔銷魂。名句可采

憶昔

憶昔春宵傍父兄。故園風景乍承平。城門吏放深更鑰。樓下人聽上界笙。珠履貪遊從雪苑。花燈不息任天明。誰知此夜來為客。漁火江村照獨行。東塘風流

國朝詩別裁集

卷十三

三

教忠堂

自賞即演桃花扇劇者讀此二詩想象其人於酒旗歌扇之間

丁

煒

字雁水福建德化人官按察使

卧病酬林澹亭

輕寒腰帶減。窗竹漸離披。未得高眠早。常愁退食遲。青山秋後夢。黃葉雨中詩。酒熟東籬下。君閑可預期。

賈島峪

青山名傍古人存。賈島窮居有故村。客舍無煙成獨歎。秋風落葉向誰論。十霜幾踏并州淚。萬里空歸蜀道魂。煙月石樓寒寂寂。夜深疑叩老僧門。通鑑紀事本末

長江詩便不浮泛

新淦舟行

城下空江向北流。虔州西上正悠悠。柳邊過雨鷺窺網。花外夕陽人倚樓。漁笛數聲愁欲劇。蓬窗孤枕夢偏幽。一川煙景頻來往。每對青山憶舊遊。人倚樓一

層夕陽一層花外又一層層折而畧無痕迹所以可貴

吳秉謙

字鳴貞連東清河人

過廬陵觀戰場有感

廬陵昔日建和門。風鶴驚心故壘存。白骨未銷春戰血。青燐空聚夜歸魂。斷煙匹馬迷荒寺。落日寒

國朝詩別裁集

卷十三

五

教忠堂

鴉返暮村。回首贛江三楚外。十年往事總難論。

孫元恒

字子常福建永春人官漢州知州

瞿塘

白帝荒城帶雨昏。瞿塘高浪挾雷奔。雙崖積鐵封三峽。衆水排山爭一門。魚腹浦懸魚鳥陣。虎鬚灘變虎狼村。卧龍躍馬空回首。壯士當關幾并吞。狀險

勢補少陵所未言

江

閻

字辰六江南歙縣人官解州知州著有河汾集

喜吳天章至自蒲坂

相違冰雪後。相對兩蕭然。有櫛留徐穉。無錢與鄭

度更深重話舊。燭剪欲忘眠。不識千秋後。詩篇若箇傳。

哭外舅吳興公先生三首之一

解組歸來日下帷。拈毫輒與古人期。詩方范陸差相亞。詞擬周秦更勿疑。乏食恥炊同舍釜。罷官孰寄草堂貲。侍兒也爲先生惜。滿腹牢騷不合時。梅村形其

好客輕官就初去官時言之此形其甘貧屬節不合時宜就己去官後言之

戴

梓字文開浙江仁和人佐康熙王平三逆有功王假以監軍道職後因能詩聖祖命直南書房剛直不阿受其挫者共摘撫之詔徙瀋陽詩擬助有力讀成後尤佳

烽臺晚眺

國朝詩別裁集

卷十三

三

教忠堂

獨立俯荒邱。清笳殷戍樓。萬山環塞險。一海抱天流。白骨何年戰。黃雲終古愁。憑高無限感。霜月滿征裘。

出獄口占

已解桁楊困。旋增離別傷。遙憑南去雁。不死慰高堂。

逢子先上人

鄉語忽驚聞。相看是故人。龍庭二十載。不識故園春。三詩風骨皆不落貞元以下

孫寶侗

字仲愚山東益都人官都察院經歷著有惺惺堂集

移寓

蕭然樸被淞江頭。高館移居更上樓。宅是謝公開宛上人如王粲在荊州。西陵松柏三春樹。南部烟花五夜遊。但使羣公能愛客。憑闌看盡越山秋。

國朝詩別裁集卷十三

卷十三

三

教忠堂

國朝詩別裁集卷十四

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

周

質 字青士浙江秀水人著有采山堂詩○青士隱於市然能穿穴古今尤工韻語朱竹垞太史極推許之嘗紀其軼事有郡丞行署與周為鄰周吟誦徹夜丞聞其聲亦達旦不寐甚遣吏勾捉將扑扶有士夫救援得不辱至今秀水人猶津津道之

七歌集句

長吟遣愁悲歌當哭我思古人實獲我心

集七歌

十年失路誰知己擾擾塵中猶未已恒饑稚子色淒涼病僕呻吟呼不起當年意氣不肯平昨日論

國朝詩別裁集

卷十四

教忠堂

交竟誰是嗚呼一歌兮歌已哀石田茅屋荒蒼苔

園中有棗行人食忍能對面為盜賊有時長歎獨

移時安知我有不平色秋風落葉閉重門白髮如

絲歎何益嗚呼二歌兮歌始放江客不堪頻北望

意中索莫與先異春草青青新覆地年年歲歲一

牀書不忍見之益愁思愁心反覆夢難成天寒雁

度堪垂淚嗚呼三歌兮歌三發中天夜久高明月

北風微雨虛堂秋昨日之日不可留四時不得一

日樂朝夕催人自白頭仰天大笑出門去安得行

歎復坐愁嗚呼四歌兮歌四奏傷心不忍問耆舊

世情付與東流水窮巷蒼苔絕知己巖扉松徑長

寂寥東園幾樹桃花死魏尔東西南北人欲向何

門取珠履嗚呼五歌兮歌正長雌龍忽吟寒水光

世人結交須黃金郢中白雪且莫吟桃花欲開不

自覺千里春色傷人心眼前好惡那能定隔葉黃

鸝空好音嗚呼六歌兮歌思遲一沈一浮會有時

天寒野陰風景暮落日疎鐘小槐雨寂寂寥寥揚

子居惟有幽人自来去何用年年空讀書井底看

星夢中語嗚呼七歌兮悄終曲空庭細雨莓苔綠

以已意驅遣成語故無湊集之痕第七句仍用杜陵原本因無可集也存此以備詩中一格

國朝詩別裁集

卷十四

二

教忠堂

懷張考夫

契濶張夫子平生實典型立言惟布粟為政在家

庭上下論千古東西有二銘閒階帶草色幾日又

青青 老杜吾宗老孫子一章銘入十字中猶書家之有縮本

送查三容攜家入楚便往滇中

念尔攜妻子圖書共一船此行將萬里為別動經

年春草迷江渚秋風落瘴煙故人崔李在相望碧

雞前

俞

瑒 字犀月江南吳江人○犀月精心獵古秀野顧太史選元詩初集兩人共商權者也評點文選杜詩流傳吳下詩稿無從尋覓故所收止此

無從尋覓故所收止此

田居

仕宦非吾分。力農恒苦饑。閉門多感懷。出門又何之。散慮南林下。徘徊傍清池。芳春二三月。草木含華滋。澤蘭被幽渚。桑柘低柔枝。輕風颺微薰。坐久不知疲。遙見荷鋤者。行行向東菑。良時既云尔。人事亦有宜。會須各努力。勤惰當自知。行思耦耕計。無令悔失時。歸來陌頭路。草露方沾衣。

顧有孝

字茂倫江南吳江人縣學生○茂倫居釣雪灘以選詩爲事唐律及本朝近體皆有選本詩稿亦未及見

寄贈沈留侯偕小阮北上

春風楊柳拂行舟。有美聯翩共遠遊。入洛陸機新國朝詩別裁集

卷十四

三

教忠堂

作賦依劉王。祭故多愁。舊京珠履三千客。荒塚冬青一十秋。湖上好山無恙在。獨持卮酒對羣鷗。

顧樵

字樵水江南吳江人○樵水工畫亦有詩名

秋夜東顧茂倫

秋聲無深淺。深淺在人心。但使聞者悲。不辨鳴者音。月落林影翻。夜半驚栖禽。入秋畏夢短。起坐還披襟。遇物悲在昔。事往情更深。安知來日愁。追念不及今。我有萬種恨。并入秋風吟。哀樂境所遇。豈必雍門琴。

境無哀樂惟在所感起十字通盡

周肇

字子糾江南太倉人著有東園集○梅村選要東十子詩十子爲周肇子糾顧渚伊人王孫瑞士詩卅九日黃與堅

庭表王撰異公王據如友王吳惟夏王竹樵民王曜升次谷一時風流文采稱極盛焉

贈陸翼王

君是左徒門下士。竭來相對哭途窮。遺孤表祭繫囚。日亡命王。成債保中。書館三餘淹夜雨。客顏一瘦怯秋風。結交世上黃金滿。四海何曾識此公。

陶庵高弟當日有保全遺孤事故專及之

病中元夕有感

夢入京華怪獨醒。孤舟病客鬢星星。逢年湯媿天人策。涉世寧諳長短經。秃筆賣文差可活。庸醫乞藥總無靈。上元燈火蕭條甚。纔說宣和已淚零。

國朝詩別裁集

卷十四

四

教忠堂

顧湄

字伊人江南太倉人著有水鄉集○伊人係顧士長子克承經學梅村稱爲麟士有子

感懷

石城笳鼓不堪聽。烈士天涯散曉星。伏闕陳東還痛哭。登樓王粲獨飄零。奔濤夜立魚龍怒。戰血春迴草木腥。莫說長江限南北。建康原是小朝廷。

阮東陵諱名流長江不守作者感慨言之知小朝廷之必亡也

閱江樓

萬里長江一望收。高皇親建閱江樓。雲開蓬島星河曙。月出盧龍天地秋。碧草自生宮寢路。青山仍繞帝王州。憑君莫問當年事。禾黍同歸六代愁。

樓在

山又名盧龍山明高皇
有詩又命宋濂作記

許旭字九日江南太倉人著有秋水集

淮雲寺

石徑斜開路幾層。扶筇携屐共攀登。花逢九日思兄弟。病阻文園念友朋。南渡白雲悲古寺。西風黃葉哭昭陵。三年遙觸傷心淚。欲訊滄洲媿未能。

過廢園有感

落日蒼茫滿客心。無端興廢愧登臨。到公死後空存石。謝傅亡來久廢琴。一代詞人歸蔓草。百年名苑化祇林。芙蓉金粟知何處。野水淙淙自古今。

國朝詩別裁集

卷十四

五

教忠堂

過弘濟寺

中流遙見雁飛斜。一水蒼蒼起暮鴉。崖罅插江懸棧閣。洞門鑿石走平沙。幾年北望成荒戍。憶昔南巡待翠華。乘興獨來尋薛嶺。空階開徧海棠花。

言能狀難寫之景

王撰字異公江南太倉人著有三餘集

哭外舅鹿城顧大宗伯

自注丙戌死難溫州江心寺

閩嶺衣冠擁殿墀。偏安猶見漢威儀。驅車海嶠看傳檄。拜表江關始出師。萬里弓刀空報主。一船棺槨僅從兒。靈旗夜雨歸何處。拍點文山異代祠。

文丞相祠宗伯
致命恰在其地

贈杜于皇

憶自分携歷變更。訪君曾過石頭城。人驚夔府貧來句。世重樊川亂後名。此地溪山千里夢。今宵尊酒廿年情。西陵放櫂乘秋漲。好待荒郊泛月明。

王朴字樸民江南太倉人

送友還蜀中

山塘綠酒浮芳菲。楊花作團如雪飛。花前沽酒送君別。別淚簌簌沾我衣。蘭橈欲發鼙鼓急。感君握手須臾立。把盞長歌曲未終。月光如水鬚眉溼。君國朝詩別裁集

卷十四

六

教忠堂

今掉頭萬里行。縈紆蜀道多不平。石鏡銅梁連劍閣。况復江山阻甲兵。願君努力長途去。舊住岷江發源處。岷山雪消岷水清。望見錦官城裏樹。錦城花落更愁人。杜宇啼殘灩澦春。武侯廟下苔如繡。先主祠前草似茵。君不見遠東華表歸來鶴。城郭人民盡非昨。回首江南千萬重。夢裏寒雞村月落。

應是亂後還蜀流賊雖平人民未靖送者多悲感慨之音

揚州次梅村師韻

牙門置酒宴公卿。錦纛雕鞍命北征。縛袴健兒誰轉戰。借籌策士總虛名。百年洛蜀關時運。六代烟

花兆甲兵擊楫中流無限恨夜闌欹枕聽江聲楊王

時事關部分鎮廟堂水火四鎮交爭喪亡之兆顯然而彼昏不知詩人所以歎也

王

據字虹友江南太倉人著有蘆中集○太原王氏昆季多才不啻過江王謝而蘆中一集尤為矯矯

謁睢陽廟

祿山陷兩京唐室勢如沸玄元廟一哭義聲震天地誓死守孤城非云事必濟自覆潼關師乘輿久奔避賊議圖江淮憑茲一旅制不然鼓而南誰斷其右臂惜乎四百戰食盡終顛躓城陷逾三日援師錫始至殺賊雖無成藉以衛神器從此朔方兵收京功乃遂赫赫精忠祠允宜祀百世黃巾徧郊國朝詩別裁集卷十四七教忠堂

卷十四

七

教忠堂

明季遭傾毀呂侯還舊觀匪曰窮奇屢偶客梁宋間樞衣拜階祀冕旒坐中央左右南雷侍動我忠義心一消疲茶氣別蘇讀殘碑峴山同隋淚力表其義

避江淮之功發揮昌黎意尤為透切

黃海歌

我所居今在海濱未登高止望遠海行入深山盡是山銀臺金闕瞻安在昨投湯院雨翻盆雷激雷轟眾壑奔茲山雨後當鋪海旋因觀海登天門天門削成去天尺歷盡危梯上絕壁弥勒龕中一宿留曉起白雲千里積非煙非霧鋪虛空時為車蓋

時為龍諸峰浸趾漸及頂初由膚寸弥寰中天吳

髣髴舞其下萬里無際連蒼宮是時罡風吹蓬蓬

聽如擊鼓馮夷宮更疑射蛟海水赤一輪照曜扶

桑東須臾解駁浪紋靜玉池開放千芙蓉人間萬

事皆桑田惟斯亘古無變遷塵寰踟躕真可憐胡

弗蹈海如魯連三山驅走置眼前對之欲往心悠

然長願採藥山中眠朝朝來往蓬萊巔帝鄉未遂

平生志從此浮槎天漢邊唐牛歲子遊黃山親見其景壯詞未能工也讀此實獲我心如重觀

雲海一次

謁伍相國祠

國朝詩別裁集

卷十四

八

教忠堂

蕭條古堞樹栖烏載拜祠門落日孤報父有心終覆楚殺身無計可存吳英雄忠孝留天壤山水蒼涼失霸圖回首荒臺麋鹿地屬鏤遺恨滿姑蘇作手無一

泛語亦無一刺語

聞漢槎謫戍寧古塔

欲叩君門萬里賒驚聞遠戍度龍沙文章只道金難鑠謠詠翻成玉有瑕減死蔡邕方出塞哀時庾信未還家可憐交橐歸來日豈有明珠載一車

喜吳弘人聞夏南還

相逢只道此生休解網歸來話昔遊幸免無家投

朔漠那堪有弟作。累囚雲山漸慰思鄉夢。風雪仍
含出塞愁。不覺喜深悲轉集。潺湲雙淚爲君流。有弟作

因時漢樓未
還故有是語

懷許九日

聞君纔上摘星樓。又到濡須塢口遊。勝地山川曾
百戰。故人烟雨只孤舟。蒼蒼楚水薰葭晚。漠漠江
田秋稻秋。應有陳蕃懸榻待。免悲王粲滯荊州。自注九日

與楊仲延家阮亭
二公倡和象合

呂城病歸

掛席西風桂棹輕。扁舟又次呂蒙城。身如枯葉方

國朝詩別裁集

卷十四

九

教忠堂

愁落心似殘潮未肯平。宿雨河橋橫酒旆。晚煙村
店聚雞聲。故園歸去無多路。每念勞勞重愴情。

重陽前一日登鎮海樓

無端來作五羊遊。節近登高上此樓。海氣溟濛山
繞郭。天風浩蕩客悲秋。飄蓬且喜雲生屐。簪菊應
羞雪滿頭。鄉國茫茫何處是。珠江一片夕陽愁。

張文獻公祠

祠堂突兀倚江開。瞻拜空餘海燕哀。只道主由金
鏡致。豈知兵爲玉環來。文章自昔傳徐碣。香火常
新傍舜臺。風度依然憑想像。停舟一薦渚蘋回。元人味本

白有承恩金馬謫失意玉環詞
句人以爲工此更說得關係

王曜升

字次谷江
南太倉人

登北固山

雄峰高枕瓮城斜。有客登臨送晚霞。水氣暗吞山
頂寺。江雲遙護海門沙。天低雁鷺來千里。地迥星
河落萬家。指點舊朝形勝在。吹愁何處起悲笳。

端午先忌

餘生十載恨蹉跎。令節閒門掩薜蘿。剩有蛟龍蟠
大澤。空聞簫鼓發層波。三閭怨在餘香草。九地恩
深廢蓼莪。慙愧王修能罷社。葛衣檢點淚痕多。端午先

國朝詩別裁集

卷十四

十

教忠堂

忌並列而主
意尤重先忌

王曾斌

字弘導江
南太倉人

錢王祠

錢塘亦是興龍地。王氣依然據上游。鐵箭舊傳唐
歲月。蠶書曾拜宋春秋。江潮出沒三千里。風雨淒
涼十四州。剩有湖山供廟貌。坐看錦繡欲生愁。無二語一

字輕下自
是到家

表啓旭

字士旦江南宣城人
著有中江紀年詩

循煙霞洞下嶺至石屋洞

晨興涉亂山。亭午憩修畛。巖高哀秋吟。樹密春禽

隱交藤路漸披獨鶴徑徐引石竇闢玄冥巨靈委
真境開鑿自何年潛虬遯虛牝海氣通平遠寒煙
錮深迴雕鏤非一壑險仄有孤嶺仙室越陰涼人
世異朝冥渴欲漱乳泉饑將摘松菌於此託賞心
無勞慕張邴遊山之詩允宜步武二
謝未造幽微已合衆度

李良年

字武曾浙江秀水人太學生康熙己未廩博學鴻辭故歸
著有秋錦山房集徐尚書健庵開史局於洞庭西山武曾

任分修應亦
遠於古者

九嶺

昨者暑氣清嵐瘴喜初散幕府有程期鳴鏜戒宵
半殘月不到地松梢耿河漢冥冥列炬移灼灼螢
國朝詩別裁集

卷十四

士

教忠堂

火亂空山悟無始靜裏閱昏旦九嶺爭一隅徑窄
中每斷我行尚層岡僕夫復深澗浮生付飄忽肩
腋楚人慣不墜良偶然履危豈無歎轉苦東日遲
坐待火雲爛稍稍荆扉開人語出沙畔前途方迢
遙平明且須飯殘月山行自夜
及旦歷歷如繪

宣府人日

烽臺石戍曉煙平人日逢人載酒行客久漸多新
歲感邊方倍起故園情圍鑪小伎兼箏笛出郭諸
山半雨晴騎馬不愁歸路晚江鄉猶及聽啼鶯

栗子關十六韻

峻極重關勢艱難獨客經梯航原梗絕中外劃郊
坳天作西南障山開大小屏路應莊蹻始地自伏
波寧遺廟崇新祀殘碑失舊銘土田紛犬俗樵採
怯鳩形往事聞開國殊方久不庭王師頻越歲
使節幾銜星鬼斧橫飛棧神功直建瓴虛無雲漢
逼縹緲潒江渟鳥道層巔接猿聲下界聽半肩敲
絕壁一髮上空冥石到諸蠻黑楓過二酉青炎風
高瘴癘晴日俯雷霆豈有神明護真疑虎豹扃杖
藜無恙在珍重別山靈

聞鷓鴣

國朝詩別裁集

卷十四

士

教忠堂

花間飛上竹枝啼繞過黃絲又冷溪蠻鳥亦知行
不得行人那向夜郎西

憶方虎客宛溫

牂牁秋綠晚萋萋五十郵亭到越谿不敢更嚙鄉
國遠有人還在萬峰西因已遊歷之遠而念更
有遠者懷人之情自深

黃始

字靜御江南吳縣
人舉鴻博不遇歸

溪西

溪西人家秋水生孫舟常自三更行一聲啼鳥半
江月纔到兩山天欲明

葉世佳

字雲期江南吳
江人郡諸生

謁劉公祠

世運凌夷日。中流荷大賢。反經斯起敝。往蹇自来連。濂洛開新緒。河汾具薄田。懸弓忘巧拙。食蜜自中邊。帝簡徵文在。薪存續火傳。人心方復古。天意不扶顛。遠塞唯迎盜。長江誰著鞭。鼎湖上龍馭。赤縣徧狼煙。涕淚色胥血。饑寒蘇武羶。偏逢苟安主。虛憶中興年。精衛填海竭。皇莫補天去。留關廟社生。死合經權此。道荒千古何人障。百川祠堂拜遺像。風雨暗靈筵。傳寫念臺先生無思宗朝及南渡言之漂漂有生氣

暉

格初字壽平後以字行更字正科江南武進人著有南田集及南田工畫山水花卉兼擅比之天仙化人詩亦超逸

國朝詩別裁集

卷十四

三

教忠堂

陵六逸中以南田爲上

月夜從愚庵大師陳際林徐世臣湖干閒步披衣攬夜色。遂適湖干趾。喧籟息近聽。林巒斂遙視。千峰寒月中。萬壑疎鐘裏。三潭弄浮烟。因風蕩爲水。浮汀漁唱入。過浦簫聲起。佳遊領支公。雅調及高士。霜月滿歸塗。宵深情未已。三潭十字微妙可思

贈莫十三

君家西湖濱。厭看湖上山。身依海鷗宿。心與天雲閒。口吟五噫西。出關脫帽自掛蒼梧間。偶然登燕臺。洗足御溝水。緼袍蒙茸一草履。金貂紫駟君勿

喜倒誦蟲書三萬言。侏儒笑擲番王璽。重譯曾驚外國使。諸侯盡倒薊臺屐。既鍛上林羽。又轉羣鳥路。囊破惟留五嶽雲。鶴飛還想三珠樹。滿腹皆象緯。纏衣悉烟霧。握尺量舜管。執杓考天步。流霞未肯酌。熊蹯亦不茹。聊將檠葉蒲。秋雲柳標橫。空萬山去。其君嗜古精于天文能驚外國使能考璇璣玉衡而終于不遇故作詩贈之

送滕子還閩

滕子閩人。自閩入燕。沉身絕域者九年。後其姊致書薊門。物色得之。知老母尚在。遂以計脫。間關南還。

國朝詩別裁集

卷十四

古

教忠堂

別後春風染杜鵑。驪歌聲斷綠楊烟。身沉絕塞思千里。心死穹廬客九年。吳苑離觴寒食後。黎關歸夢落花前。閩南別去能相憶。倘有雙魚海上傳。春城戰血冷悲笳。廢壘傷心舊礮車。雪窖生還猶有母。玉門歸去已無家。同騎塞馬眠燕月。獨向河源上漢槎。我有離魂招未得。劫灰天畔哭黃華。南田相失於黃華山故感及之

贈宣在辛侍御

墨苑風流屬老成。白雲舊秘待先生。正平無地容疎放。北海猶慙問姓名。自辨銀鉤收舊尾。尚留瑤

草付龍耕東來蟻屐窺松子。南浦仙詞如向青霞望五城。

曉起

連夜深山雨春光應未多。曉看洲上草綠到洞庭波。

遠眺

暮雲千里亂吳峯。落葉微聞遠寺鐘。目盡長江秋草外。美人何處採芙蓉。

寄虞山王石谷

東望停雲結暮愁。千林黃葉劒門秋。最憐霜月懷國朝詩別裁集

卷十四

五

教忠堂

人夜鴻雁聲中獨倚樓。虞山亦

佟世臨

字醒園江南上元人諸生

戊寅秋拜先王父墓下

自注好嗜以熊廷弼事及難

鬱鬱松楸蔭墓田。愴懷往事淚潸然。請纓慷慨終童志。賦鵬沉淪賈傅年。鈞黨竟成三字獄。招魂欲叩九重天。孤忠未返遼東鶴。俎豆聊分江夏賢。

陳維岳

字緯雲江南宜興人

贈閻古古

相逢一笑看吳鉤。燕市悲歌上酒樓。地有大風連沛澤。人餘奇氣動幽州。天低古戍金笳冷。月墜嚴

城玉笛愁。此處舊傳多俠客。荆高去後水悠悠。

鍾映淵

字廣漢浙江嘉興人。廣漢援據古昔元元本本遇虛聲之士相對不交一言有勝已者執禮甚恭固是好事者

各半惜中年推折未底老成

送羅比部暫歸西川

白帝孤城落照懸。鄉愁迢遞武功天。將歸故國無鴻雁。行過空山有杜鵑。劒閣風雲開五丈。節關烽火隔三川。明年巫峽生春水。好上東吳萬里船。

馬世傑

字萬長江南溧陽人貢生

秦宮

阿房周閣百重環。美女充庭盡日間。頻望翠華終國朝詩別裁集

卷十四

六

教忠堂

杳渺亦如天子望三山。

即有不得見者三十六年意印合秦皇求仙使覺詞意俱新

金侃

字亦陶江南吳縣人

雨泛湖上觀梅

細雨春波遠浸天。梅花爛漫滿溪灣。烟中人語前村樹。雪裏雞聲隔岸山。畫桡每侵疎影瘦。芳尊渾帶冷香還。絕勝雪夜尋安道。歸路漁燈照醉顏。

寄家祖生大兄郡中

誰道湖山尚近家。出門回首即天涯。寒深笠澤愁中雨。春老吳宮夢裏花。客久艱難悲世路。病餘憔悴感年華。不堪孤館懷人處。歸雁蕭蕭度遠沙。

徐

夜

字東嶽山東新城人縣學生○池北偶談云東嶽年二十九即棄諸生鄉門士至絕迹城市有朱桃椎杜子春之風舉博學鴻辭以老病辭○詩格清瘦自

然者近章左司則創者近孟東野

初夏田園

朱夏輒復變深綠日以肥感彼生物勤節候曾不違清晨荷鋤出田間人尚稀觀物適自然時見朝雉飛不惜筋力疲但恐坐食非作勞有時息高春行來歸端坐撫素琴可以理朝饑

詠意

凡骨難遽化仙藥不可求一身為物役未可輕王侯曠士洞達心無為生遠遊遠遊亦有方九州非

國朝詩別裁集

卷十四

七

教忠堂

一州常恐血氣軀車馬生墳邱試聽蟪蛄聲語默成春秋山嶽自終古江海日夜流漁洋云車馬生墳邱與大梁土中所傳古石刻

日月逝酒漿五字相類似仙靈語

九日得顧寧人書

故國千年恨他鄉九日心山陵餘涕淚風雨罷登臨異縣傳書遠經時怨別深陶潛籬下意誰復繼高吟寧人先生遠辭故國常拜山陵起四語一氣讀成杜陵遺法

和秋柳

搖落江天倍黯然隋隄鴉噪夕陽邊誰家樓角當霜杵幾處關程送晚蟬為計使人西去日不堪流

涕北征年孤生蕉萃應相似怕見殘枝帶暮烟蕭瑟之音

不粘不脫速勝漁洋名作

經嚴陵釣臺

突兀高臺入望平下臨百尺大江清足消文舛真人氣直得狂奴故態名天位幾移仍舊祚客星千載屬先生不從七里灘頭過誰信巢由無世情許由猶作疑詞有嚴陵始信巢由真有洗耳牽牛之事矣

富春山中弔謝臯羽

晞髮吟成未了身可憐無地著斯人生為信國流離客死結嚴陵窳莫鄰疑向西臺猶慟哭思當南

國朝詩別裁集

卷十四

大

教忠堂

宋合酸辛我來憑弔荒山曲朱鳥魂歸若有神落句即用

車明所歌

坐放鶴亭

歸然一嶼水回環想見高風物外閒墓上梅開春又老亭邊鶴去客空還書無禪草逢當世祠有名賢擅此山占斷西湖皆宋土羨他生死太平間三四用梅

鶴未能避熱結意言外見南渡之西湖不堪棲隱也

丁耀亢

字西生山東諸城人由貢生官惠安知縣

老將

老將愁衰落幽燕氣尚雄虬鬚猶挂劍猿臂已傷

帝寵嫖姚少人知頗牧忠低頭憐戰馬落日大

江東

結元

再荅山陰王玉映并宗弟睿子

海上仙人挽鹿車五噫歌就出關初黔婁偕隱稱
良友班女工文績漢書玉笈家藏空粉黛青箱世
業伴樵漁又聞官壺徵閨範不去翻來問索居

王季仲女王著述
故以班大家爲比

久客浦城臺使屢檄不放夜坐達旦

山城風雨夜寒侵鼓枕燈殘耐苦吟故國青山萬
里夢老親白髮五更心微官求劾身仍繫薄俗依

國朝詩別裁集

卷十四

尤

教忠堂

人病轉深自擁孤衾愁達旦卧聽童僕有哀音

張實居

字賓公山東鄒平人著有蕭亭集○蕭亭爲源洋內兄嘗
甘就隱約豈時命使然
與抑有託而逃焉者與

巫山高

巫山高不可步湘水深不可渡水有汹涌澎湃之
波山有屈曲崎嶇之路我欲攀緣狼虎來我欲徒
涉蛟龍怒相思不相見沾裳淚如雨巫山高空自
高湘水深空自深舟車非所願但願人一心

雨後

雨歇山欲暝夕陽在鳥背孤亭淡清秋花木有餘

態涼風四面吹長空蕩殘靄更望西南峰窮窈秀
如黛山樹互幽映流泉春雲確獨坐酌芳卮明月
來相對

起寫晚晴入神與高廷
禮夕陽雁邊下同妙

贈宜雨

聞道衡門下洋洋可樂饑今茲歷貧賤斯言若我
欺蘭菊雖可餐不如藿與藜芰荷雖可服不如綸
與絺湘江無快語監河有哀辭人生苟困窮自謀
策難奇北望望北斗南望望南箕祇有空倉雀與
我同所悲

苟非其時聖賢低眉
即自謀策難奇之謂

又贈宜雨

國朝詩別裁集

卷十四

干

教忠堂

世人片言合盃酒盟新歡生死輕相許酒寒盟亦
寒所以古君子與人愧醴甘雖言淡如水水尚生
波瀾

末語翻進一層
勉人敦古道交

九日王秀才攜酒至

繽紛籬下菊幾枝帶霜妍物苟有至性造化亦無
權故人携酒過斟酌坐花前狂歌無官商破琴不
必絃麤語桑麻事稍稍及詩篇愛茲重九名不覺
已陶然

志節之士與造物爭
爲夷齊一輩人寫照

落葉

西風吹落葉解作淒涼聲一朝辭故枝飄飄難爲

情坐觀此凋喪。我心亦不平。轉盼陽春至。落者又復生。葉葉還如舊。妍綠映日明。始知天下事。待時貴。無爭得失如循環。消長無定形。窮久時生機將轉貞下復起元也示人待時正

宜少安毋躁

山中即景

兩髻髻鬆曳葛裘。閒身許入野樵羣。衆禽見慣皆相識。五穀生成半不分。肌骨春來癭似鶴。心情病後懶如雲。琴殘奕罷先生醉。一枕高眠到日曛。與物無忤

機智不生山中猶有太古之風

大遊仙

國朝詩別裁集

卷十四

主

教忠堂

姑射仙人綽約形。初承帝命入天庭。霜清玉斧催修月。水冷銀河看種星。漢女驂鸞雲作旆。湘妃腰鯉霧為幘。金泥秘籙新離罷。詔錫長生億萬齡。修月種星

絕工

王秀才將卜居象山問風土因荅

休將風土問山翁。欲習山翁莫憚窮。有徑皆穿紅樹裏。無人不在白雲中。花香鳥語隨時變。水色嵐光到處同。夜半柴門常不開。南村頗有太平風。

寄懷王秀才

如君莫歎少知音。萬古文章一寸心。賤至侏儒猶

有粟人能辭。統亦多金。魂銷別路梅初發。眼看閒窓草漸深。冀水燕山何處是。蓬蓬好向夢中尋。見唐下之

材偏過合也

桃花谷

小徑穿深樹。臨崖四五家。泉聲天半落。滿澗漲桃花。

初秋偶題

颯颯西風吹薜蘿。炎天伏枕一時過。山中事事秋來好。只恐浮雲變態多。

夜雪

國朝詩別裁集

卷十四

主

教忠堂

斗室香添小篆煙。一燈靜對似枯禪。忽驚夜半寒

侵骨。流水無聲山皓然。不明點雪讀末句神於賦雪矣左司門對寒流之後復見此詩

張篤慶

字應友山東淄川人拔貢生著有崑崙山房集。歷友學殖曹時宮定山中丞為學使以明經薦山左第一人就京兆試不遇歸而處崑崙山不復出矣杜門著書有八代詩選班范防載五代史防

輕重耶詩古今體無善宋元習氣不能染其弊端

鸚鵡洲哀辭

炎精滅。龍為鼠。羣雄戮。烈士忤。懷刺獨行徧九州。

誰其識者孔文舉。薦士既不成。翻與死為伍。鄴下

小兒競學語。許昌庸奴安足數。監厨借面良堪侮。

彌生彌生氣如虎。潁陽按節三撾鼓。岑牟單絞目

無親睥睨阿瞞相爾汝。借刀殺人向荆湘。江夏豺
狼曰黃祖。當筵落筆賦鸚鵡。生平謾罵腐儒俎。不
可一世橫千古。乾坤踴躍歸黃土。芳洲何蒼蒼。衰
草何茫茫。爲君一招魂。魂兮歸故鄉。楚國山川蘭
蕙芳。江聲浩宕風悲涼。風悲涼。芳洲酒。乘白雲。令
駕黃鶴。嗟嗟百鷺鳥。不如一鵬鷺。衰世舉足妖氛
惡。至今血。照晴川。閣下七子人龍稱之。此目以許昌廣叔真
類觀曹氏也。爲才人吐氣中仍見其以才
骨並到

杖頭錢

富莫富於杖頭錢。貧莫貧於嚴道之銅山。銅山鑄
國朝詩別裁集 卷十四 三 教忠堂

錢萬萬千。到頭不得名一錢。杖頭百錢真我有。取
自杖頭且沽酒。今日百錢今日醉。得錢沽酒常酣
睡。君不見何曾一日食萬錢。便欲下箸心茫然。洛
陽離亂救不得。縱饒沽酒無顏色。眼看荆棘埋銅
駝。錢乎錢乎。奈若何。爲守財虜。慘鳴也。
後半所見尤大

宋趙千里海天落照圖

千里名伯駒畫
爲北宗中上品

南渡以後推丹青。入妙首數天水生。光堯皇帝重
毫素。集英殿裏揮御屏。賞賜一時頒內府。珊瑚碧
玉黃金縉。雲麾將軍有遺絕。其主馬遠同馳聲。怪
石盤纒世所貴。浮壺暖暈千人驚。零紉斷素久磨

滅。譬如孤鶴遺修翎。今茲之圖何處得。海天落照
臨蓬瀛。蒼茫島嶼在雲際。居然蜃市紛縱橫。貝闕
瓊樓互隱現。溟渤浩蕩朝玉京。金芝瑤草安可數。
時有仙侶飄華纓。方壺員嶠生筆底。又如霞起連
赤城。鯨濤噴浪走寸腕。依稀噴沫蛟龍腥。手招徠
福呼不起。三山縹緲開金庭。海垺洲渚勢迢遞。芥
舟葉葉飛蜻蜓。碧嵐翠靄千萬疊。畫工得勿勞經
營。一峰忽起冠雲杪。遙睇衆嶺猶列星。空齋卧遊
到懸圃。便欲擊汰還揚舲。琉璃萬頃海烟滅。濯錦
錦江如練明。枕碧亭邊放細簋。枕碧亭焦
簡庵亭名耳畔但覺
國朝詩別裁集 卷十四 三 教忠堂

天風鳴庭隅。落日杳無際。搔首海天何限情。浩氣凌
空近信

陽北地
一派

大梁城東南弔信陵君墓

邯鄲應與賦同袍。公子翩翩氣自豪。不少衣冠歸
趙勝。誰將戈甲走蒙騫。大梁上客揮孤劍。卧内兵
符勝六韜。今日九京良可作。愧無孟酒奠蓬蒿。平原原
直豪

舉耳借作陪筆乃
見魏公子之雄

悼亡

當時和淚織璇璣。零落惟餘舊錦機。明月妝樓人
寂寂。海棠庭院雨霏霏。歲終不閉黃金鈿。刀尺空

裁白芋衣恨殺春來雙燕子畫梁同宿不同歸

冷冷錦瑟向誰彈曲裏瀟湘雁影寒一任繁花自

開落從教明月下闌干雲封貝帶香猶在雨溼胭

脂露未乾寂寂空庭孤坐處何人對案勸加餐純用空處

其情自深安仁子
荆外另標一格

憶舊

廣寒宮裏盼飛仙月色溶溶玉有煙半臂偏憐宋
學士曉風爭唱柳屯田落花無語歸春水弱絮多
情上酒船聽罷筵前囉嘖曲不須更憶想夫憐

述懷

國朝詩別裁集

卷十四

五

教忠堂

天外層城近日邊芙蓉爲苑玉爲田夢迴瓊島三
千里心逐雲和廿五絃薛荔風高悲楚客蘼葭霜
落對秦川生憎綠髻人將老猶抱遺經亦可憐悲
之不

遇也託以比興令
人思結外之音

碧城

王母西來曉露濃碧城隱隱月溶溶雲中懸圃三
千里天畔瓊樓十二重手種桃花多歲月自尋瑤
草飼鸞龍雙成已到人間否海水枯時定一逢真寶
音之

秋遇也懸圃瓊樓雖有三千里十二重之遠而能手種桃花
自尋瑤草則海枯石爛自達知己矣與述懷一章兩兩相對

秋葉

搖落懷人萬木丹何堪青女怨凋殘碧梧院落銀

床靜紅柏橋頭玉露寒南浦半林隨逝水西風一

夜滿長安漢宮莫聽哀蟬曲陣陣清霜下井欄無一
凡近

語五六元
實其蕭疎

明季詠史

倦勤當日說神宗高卧深嚴秘九重玉輦經時登
漢闕鸞章隔歲下堯封千官補缺虛龍袞四海軍
儲廢大農縱使養癰終必潰乾坤無恙且從容神宗
晚歲

臣下奏章有二年不批答軍儲
有經年不發者目以養癰信然

盈庭讜議積封章宗嗣常深未雨防鶴禁無人瞻

國朝詩別裁集

卷十四

五

教忠堂

少海龍縈有覺在昭陽漢高終不私如意寶后由
來愛孝王辛苦江南王相國重來北闕定儲皇爲建
儲不

決而言楊水始於鄭
氏後三案皆胎於此

蜀洛當年黨議多分曹日日競風波顧厨品藻矜
名字牛李升沉密網羅私忿漫勞登白簡濁流真
欲棄黃河堪嗟此輩爭門戶國是調停奈若何爲黨
楊而

言沈一貫之陷郭
正域尤顯然者

敕使當年出未央紛紛礦稅采諸方山川絕少金
銀氣誅斂何殊花石綱一任豎貂盤社鼠誰將鹽
鐵議弘羊可憐國脉從茲喪浪說朱提入太倉此極
言礦

稅四出
之字

遺詔何曾立九嬪。漢家傾國李夫人。龍髯此日方
長痛。鶴籙經時未即真。長信宮中猶卻輦。朝元殿
上已批鱗。深心終是資元老。免使垂簾涸紫宸。此言李德裕

侍移宮
始末

雕鏤嘻戲擅嘉皇。婦寺相連說趙張。北寺獄成傾
俊及。西園例在驚冠裳。清流白馬空朝右。墨綬青
衫去廟廊。郭泰當時憂殄瘁。漢家十葉已淪亡。時魏忠賢

客氏連結楊主假子義孫競進構東林之獄戕虐士類至臺山去國而正士無唯類矣人之云亡邦國殄瘁古今有同慨焉

同文黑獄少完膚。妖焰熏天萬事誣。酷吏憑添沉
國朝詩別裁集 卷十四 壬 教忠堂

命法奇刑盡隸執金吾。勾陳天遠浮雲蔽。貫索星
明正氣孤。翻借封疆成鐵案。誰憐道濟血模糊。時田爾耕

許顯純為鎮撫司特設極刑謂楊左諸公受熊廷金因鉅鍊成獄殺廷嗣以殺諸公也視同文館獄尤烈矣

思陵苛察誤宸聰。國計周章踐祚中。高棟已看傾
大厦。神姦轉復認孤忠。論兵轆轤終無定。馭將寬
嚴失至公。獨有儉勤睿慮年年水。旱瘁深宮思陵苛察

與憂勞國計一一見之而溫體仁之大姦倚為腹心尤其所短也溫死雖以文忠其不可解

赤眉分道亂中原。海內征輸怨正繁。天子常虛大
盈庫。軍儲折入小黃門。傷心陵墓樵蘇盡。回首乾
坤戰氣昏。賴有范倪諸節烈。猶能一死荅君恩。凍寇四起

府庫空虛而利權歸於宦寺此亡國之徵也范倪諸公一死報國自盡臣節而已

潼關不守竟倉皇。遺恨中涓促喪亡。驍賊直聞趨
洛下。行營又見潰河陽。將軍力戰捐軀脰。豎子迎
降類犬羊。從此三關似剗竹。誰人決策守金湯。孫傳庭之

敗由於中人促戰潼關破而大勢去矣五語言周遇吉之死戰六語言姜瓖王承蔭之迎降

銅蹄誰見下襄陽。坐致鯨鯢入未央。秘殿遺音憐
赤子。大荒披髮訴高皇。九原龍劍沉王氣。三月烏
號哭國殤。死難紛紜酬養士。由來義烈重綱常。此言忠義

不辱社稷而殉難衆多由三百年養士之報從來史書所未有者

坐使神州竟陸沉。秋江百丈莫言深。南遷不少黃
國朝詩別裁集 卷十四 壬 教忠堂

潛善留守空為宗。汝霖下瀨將軍窺故國。太行忠
義感雄心。望仙閣裏千迴醉。祇是難忘玉樹音。黃潛

馬士英阮大鍼言宗汝霖指史可法言見史之必不能勝馬阮猶宗之必不能勝黃汪也

羽書百道起黃塵。一馬臨江入紫宸。國恥不言教
戰士。時危亟欲選才人。空餘跋扈桓宣武。豈有勤
王溫太真。燕雀巢堂朝夕計。延秋門外走踈疎。此見左良

王之起兵並無勤王之志比之桓溫極合○以韻語紀實事所謂詩史也概從神宗起由國家頹墮劇於神宗故不及穆宗以上

鄧艾廟

奇兵未阨一丸泥。綿竹懸軍萬仞梯。奄忽當塗更
典午。翻嫌多事鄧征西。

錢柏齡字介維江
南華亭人

遊通天巖陽行先隱處

蘭楫亂奔流。筍輿出幽微。澗路凌高寒。晴空恣雄
眺。越彼傳雲岡。石勢愈巉峭。仙源湛水木。萬古藏
僻奧。鬼斧亦何工。玲瓏鑿一竅。碩人此盤礴。千秋
儼遺廟。仰瞻媿後塵。冥搜託前導。更窮遠洞紆。忽
訝懸崖倒。羣山青濛濛。惟聞猿狖叫。既異少文遊。
良慰康樂好。緬想開闢初。矯首發長嘯。待緝薜荔
裳。來卧芙蓉嶠。爲問巖棲僧。荒蘿幾人掃。

吳

慶

字仁趾江南新安人。仁趾與實賢有二吳之目。
而實賢以性靈見此以情韻見幾於莫能相尚

國朝詩別裁集

卷十四

无

教忠堂

和宋秀才咏折花

今朝蝴蝶多。南園花發徧。佳人競攀折。新粧何婉
嬋。葉低防習釵。枝高羞露釧。寧辭纖指勞。但恐牆
東見。傳出美人折花之
神六朝風韻猶在

舊遊

舊遊最憶三茅峰。往來采藥多仙蹤。菖蒲潭上花
紫茸。勾漏井內丹砂紅。朱顏好駐不肯駐。是時只
貪山水趣。誰知一別年向衰。幾日浮生悔虛度。逝
將重訪煉金人。昨夢華陽洞中去。

哭汪三韓

送我南遊日。傳杯頗盡歡。那知成永別。猶記勸加
餐。落木秋城暗。歸舟暮雨寒。依稀追餞處。到眼劇
悲酸。

阿玉

阿玉殊堪憶。春來見面稀。去年方解語。臨別一牽
衣。鹵井黃沙路。潮灘白板扉。昨逢鄰曲道。日望
子歸。詩之至者不外一
真此直字字真矣

酬朱穆公天台見懷四韻

遠覩遺榮客。深居桐柏山。有時駕鸞鶴。遊戲九峰
間。見我題名處。巖花幾度斑。因風發高唱。千里慰
國朝詩別裁集

卷十四

三

教忠堂

離顏。八語一氣
風格自高

懷吳野人先生

伯鸞居廡下。元亮老籬邊。隱矣吳夫子。高風齊二
賢。賃春常作客。采菊始歸田。想見行吟處。溪流繞
數椽。五六乃用分
頂氣疎法密

悼亡姬成去艷

春歸無復見蛾眉。漠漠流塵晝掩帷。關草尚憐扶
病日。看花長記返魂時。自注沒一夕復起索桃花
數枝插枕畔少頃而逝香消翠
袖籠猶在。影暗紅窓鏡未移。從此鐵樓愁獨上。去
年同製鵲橋詩。

送陳射文出關省親

北望雲山氣早秋。煩將一語慰邊愁。時清屢見生還客。會有恩波到白頭。射文之親應是舊成關外者故以生還望之

展園次兄遺札

草綠池塘夢已殘。西堂無復共盤桓。空餘懷袖三年字。零落銀鈎忍淚看。

吳雯

字天章山西蒲州人應博學鴻詞不遇若有蓮洋集。徵君詩清挺生新趙秋谷宮贊謂千頃之陂不可清濁天姿國色粗服亂頭亦佳恰稱其詩之分量。徵君詩名因新城尚書揄揚而重然新城之詩牢籠衆有鑄鑄李言而徵君不使才不逞博不尚聲華不求媚好固各行其是者而新城實之不啻口出意所合者在神理意味而不在軌轍之同途者耶

遥題王咸中石鵲山房

國朝詩別裁集

卷十四

主

教忠堂

積水浮九州。東南益蕩潏。人家半洲島。蘿篠互蒙密。具區我舊遊。石鵲君栖逸。至今堯峰上。猶上堯時日。窓外一湖明。階前衆山出。春風散巖花。細雨溜崖蜜。仙靈每來往。真儒間儔匹。表聖具生壙。維摩得丈室。泉聲四回抱。嶺勢百萃律。何日復羸糧。為君訪衡泌。堯峰十字新城尚書以此賞識

黃湄先生游太華山遂得結屋地賦贈

車箱谷口雲。白照松間路。誰能訪林卿。巖實一身度。黃門具奇情。振策御風步。萬仞入洪濛。理勝境無怖。聲轉晦明錯。樹老丹青誤。俯見蒼蒼原。明河

正東注。驟雨忽翻瀑。肘腋蛟螭怒。須臾。巨長虹。關

陝半呈露。徑側修竹倒。石迸垂藤護。相逢紫烟客。

目擊道皆寓。齋房肉芝香。石園松花聚。卜居志已

得。探幽坐成趣。嗟我生勞勞。入世每多懼。夢繫毛

女壇。身遠將軍樹。日月對晴蓮。塵容自生妬。何年

便結鄰。同住雲生處。

十字奇警寫長虹從未到此

羊山

落日山風吹。長松亂清影。白雲逗殘雪。忽見前峰

暝。野鳥下寒竹。孤僧汲修綆。聊欲遂幽尋。理策度

西嶺。左司

國朝詩別裁集

卷十四

主

教忠堂

雜咏

樓居有何好。仙人苦留戀。金銀雜玉階。終是世俗

見。王頭與士壟。達者兩不羨。富貴不可求。况復貧

與賤。嗟我果何從。一愚了千萬。

即韓子歸愚識吏途意寫來生辣

次青縣題壁

去年九月長安來。鯉魚風起船旗開。本年三月舊

山去。馬上綠楊掠飛絮。舊山風景復何如。昨日家

人有報書。當門萬里崑崙水。千點桃花尺半魚。

東方曼倩

避世依金馬。浮沉豹尾中。借車心自壯。割肉氣何

雄學豈干時富財因取婦空堂堂責董偃真有大

臣風結有特識彼以神仙語
諸目之者真肉眼也

憶栖巖寺

最憶栖巖寺招涼有舊亭河流迴郡白山勢入關
青崖斷蜂留蜜松高鶴墜翎盧師吾有約許共一
函經新城欲以山入
百蠻青句敵之

望華山

蓮花五千仞靈孕自洪濛每變風雲色能參造化
功陰將連太白氣自滿關中欲問真源在仙人住

藥宮氣自滿關中
五字千古

國朝詩別裁集

卷十四

三

教忠堂

雲中寺

天半雲中寺四山皆白雲我來雲際宿却憶雲中
君塔影當時出濤聲入夜聞此中有猿鶴莫勒北

山文起四語感唐
人有此風骨

寄向書友

曾聞向始平能注南華經之子真苗裔江山發性
靈寒蛟終謝餌老鶴不梳翎載酒鶯花節長吟入
洞庭

古意東徐勝力

美人艷南國顏色如朝霞昨來耶溪上妬殺芙蓉

花秦珠隨月滿越練逐風斜獨慕孤高義今年尚
浣紗太白

宿吳山寺樓簡嚴灝亭先生

蕭蕭暮雨急寒榛獨倚高樓少四鄰江上鼃龍悲
鼓角下方燈火散星辰梅花何處三更笛寒食無
家萬里人不是相逢嚴僕射天涯誰念草堂貧金三

層意從萬里悲秋
長作客一聯悟出

明妃

不把黃金買畫工進身羞與自媒同始知絕代佳
人意即有千秋國士風環珮幾曾歸夜月琵琶惟

國朝詩別裁集

卷十四

三

教忠堂

許託賓鴻天心特為留青塚春草年年似漢宮明妃并

寫懷抱方脫
前人束縛

吳門初春

聞道江干冰漸消眼看芳草坐無聊酒杯總使愁
中得春色終難客裏銷山鳥漫吟泥滑滑吳壤偏
唱雨瀟瀟歸時借問金陵路桃葉新添幾尺潮秀絕

齋居

瓠落何須慮大樽蕭然無客款柴門春秋未習嚴
彭祖紀傳常輕褚少孫下澤幾曾驅款段長河終
擬溯崑崙雷聲太白連朝急次第牆東過雨痕

文中子舊居

汾水湯湯繞舊居。白牛溪畔雁飛初。早知道。不關窮達。應悔金門輕上書。上書於隋文非其時也。如此持論文中亦應首肯。

題雲林秋山圖為查德尹

經營慘澹意如何。渺渺秋山遠海波。豈但穠華謝桃李。空林黃葉亦無多。石田翁做雲林畫其師杜瓊從旁觀之曰又過矣又過矣解得此意方得此詩妙之

贈少年

二十少年望麟閣。盤馬彎弓氣磅礴。眼前都尉知是誰。雲中但看雙鵬落。

國朝詩別裁集

卷十四

五

教忠堂

戲贈李武曾

沉醉東風盧女絃。泥人佳句滿題箋。預愁長夜無春色。偏種桃花作墓田。猶有未忘生死者在

馮

樾

字个臣江南松江人

過陳留

天邊鵲影客心傷。落日驅車過外黃。誰具草蔬邀郭泰。自慙名姓賞中郎。巴河風起荒烟黑。博浪雲開遠樹蒼。明發梁園舊遊地。十年潦倒愧行藏。典切

自己

身分

楊

字東子四川彭縣人

棧道

鳥道與天齊。盤雲萬壑低。層巒飛瀑下。空木亂猿啼。山勢危巴郡。邊聲隔隴西。可憐存輦路。烟雨草萋萋。起步有聲有勢

夜泊

夜船將泊棹歌齊。芳草萋萋野路迷。只有斷猿無宿處。最高枝上徹明啼。

劉涪

字百年湖南廣城人

四時詞

雲母空窓曉煙薄。溫庭筠池邊雨過飄帷幕。許日長風暖柳青青。賈至銀線千條度虛閣。韓偓捲簾巢燕羨雙飛。羅虬芳草王孫歸不歸。韋莊曾寄錦書無限意。劉義香消盡別時衣。錢

國朝詩別裁集

卷十四

五

教忠堂

午睡醒來愁未醒。張子野煩襟乍觸冰臺冷。韓偓白蓮池畔送清香。皮日休樓角漸移當路影。白居易臨風興歎落花頻。魚玄又喜幽亭蕙草新。杜牧永日迢迢無一事。韋莊雙關雀動階塵元。張

水映輕苔猶隱綠。馬懷素夜牕颼颼搖寒竹。劉禹井邊疎影落高梧。羅隱烏啄風箏碎珠玉。元稹覺來紅樹背銀屏。韋莊露溼叢蘭月滿庭。孫氏高閣朱門人不道。魚玄輕

羅小扇撲流螢。杜牧

城上暮雲凝鼓角。許孤裘不煖錦衾薄。岑樓寒院

冷接平明。李商隱簷外霜花染羅幕。陸龜蒙烟生密竹早歸

鴉。郎士元向鏡輕勻襯臉霞。韓偓遲日未能消野雪。皇甫冉故

穿庭樹作飛花。韓愈音節悠揚無集句痕迹與周青士七歌集句可云異曲同工

贈宋牧仲方伯

曾入甘泉侍武皇。李暫隨紅旆佐藩方。韋長承密

旨歸家少。王建出使星輶滿路光。錢謀略久參花府

盛。韋諷風流三接令公香。李共言東閣招賢地。孫肯

爲詩篇問楚狂。周賀

國朝詩別裁集

卷十四

五

教忠堂

國朝詩別裁集卷十四

國朝詩別裁集卷十五

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

邵長蘅 字子湘江南武進人十歲補弟子員後為秦銷案結誤以山人終其身著有青門集。山人古文與侯朝宗魏叔子稱焉足與難傾控力追唐人嘗選有明何信陽李北地王奔州李滄溪四家之詩矯錢牧齋持論偏駁而以程孟陽詩為纖纖者建之晚歲入宋商邱中丞幕府乃變蘇黃范陸之派亦宋詩中矯矯者然從前如二手矣若所存者皆青門簾稿稿中作賸稿中祇略采云

經彭蠡湖口望廬山

晨帆發馬當。景旻停湖滙。北渚搖清陰。南灣走蒼霧。迴眺極芊綿。羣山爭瑣碎。蒼然雲霧中。拔起匡

國朝詩別裁集 卷十五 一 教忠堂

嶽大。絳氣天闕紫。白雲山腰會。遠岑抱積雪。近巖屯靈靄。倒景澄湖光。飛瀑溼天外。延佇情弥結。攀

躋阻莫遂。五老空煙霞。九疊竟茫昧。慚愧夙心乖。

臨風一長嘔。連下潯陽舟中作胎源小謝

潯陽舟中作

羈心零雨悲。水宿風潮倦。茲晨廓澄霽。沿流愜佳玩。綠英媚芳洲。雜花覆春岸。青天鏡中流。浴鳬沙際亂。落日碎江光。林巒采餘絢。靡靡遠煙生。霏霏夕暉眩。蒼然望廬山。山靄旦暮變。絳霞晨千霄。嵐氣夕羃瀼。近巒或浮黛。遠瀑如縈練。賞奇得新歡。

覽物有餘戀。山水憺娛人。客懷為一遣。

雜詩

撫劍忽不懌。去上歌風臺。河流日夕迅。莽莽寒雲隤。帳殿下牛羊。蟲鼠空蒿萊。極目見芒碭。古人骨已灰。蕭曹自刀筆。樊灌奮駑駘。歛起附龍鳳。英風被八垓。途窮蹶駿足。運適伸庸材。擾擾路旁子。疇知衷所哀。起勢慨慷途窮二語括盡揚子解嘲中後一段意

漁父

東湖有漁父。艇倚清溪瀨。垂竿秋雨。中權歌夕陽外。九月蘆花白。西風鯉魚大。釣亦未必得。得亦未

國朝詩別裁集 卷十五 二 教忠堂

必賣扣之默。無言鼓柁悠然邁。費非夷非惠聊以忘憂爾不免自道身分此更超然

熊經略

經略用遼瀋完。經略罷遼瀋殘。再起田間賜劔印。經撫日戰元黃分。六萬蕩平竟何有。撫臣主戰經主守。一夜廣寧風鶴驚。撫臣先走經亦走。撫臣庸愚何足齒。奈何經略也。惜死若使慷慨提孤軍。拊拄殘疆報天子。縱然馬革裹尸還。九尺昂藏一男子。奈何經略也。惜死不死西曹死西市。九邊傳首魂有知。目炯電光血裂臂。經畧之誤在廣寧之走其實經理遠瀋具有特畧不應與王化貞同罪也傳首九邊畧亦借經略以殺楊左諸公耳天下實之一結東瀋有生氣

周將軍

櫓槍狂驅萬躡綸。橫爵九州無完土。邱成血骨益
成池。所過堅城孰抗拒。寧武一城如彈丸。誰與守
者周將軍。將軍票鷁健絕倫。生駒攬陣刀截雲。見
賊如蝟身逾輕。手挈髑髏齒袍腥。力竭罵賊血噴
銀旗竿。矢集怒益震。閨中紅顏能殺賊。十發十殪
無虛鏑。崑山火。皎紅玉。熱天壤。寥寥兩全節。大同
宣府真奴儕。兩鎮降書同日來。長驅京闕疾於矢。
賊談寧武猶昨拍。列填盡如周將軍。我輩那能飛
至此。賊通寧武將軍血戰七晝夜巷戰死夫人劉善射發一矢輒斃一
賊城陷關門自焚未即用流賊語作結健悍有力。大同宣府謂

國朝詩別裁集

卷十五

三

教忠堂

姜瓖王永除之迎降也詳
見後李玉洲太史詩中

城根婦

彼何者婦。椎髻蒙茸。朝拾馬通。暮拾馬通。衣單腹
餓。拾不滿籠。路逢故鄉女伴。對泣訴苦音語同。夫
婿官二千石。得罪長流口外。生死不得消息通。身
籍王侯門。嬌兒略賣。安知西與東。今日跣脚垢面
城根婦。當年侍女如花紅。

守城行紀時事也事在己亥六月

明星爛爛高十丈。城樓雉堞屹相向。吏持府帖呼
點丁。十家九家驅上城。黃昏屢譙鼓角鳴。城頭燈

火爭繁星。紫髯太守雄且豪。屬鞬絳纓跨兩刀。馬
啼踏踏何其勞。貫三鞭。七聲嗷。嘈。昨日傳聞羽書
至。長江六月無行估。戰艦還防揚子渡。遊兵已圍
太平府。縱令消息未必真。杞人憂天獨苦辛。即防
此輩易激變。盜賊往往皆良民。星沈雞唱太守至。
慎莫偶語行棄市。可逼少陵
新樂府

解仲長畫十八學士圖歌

秦王虬髯一尺鐵。提槩親搗中原血。畫開天策羣
龍趨。諸公衮衮皆英傑。當時立本傳畫圖。千載想
像猶能識我家。此障解翁筆。宣和院體工設色。臺
國朝詩別裁集

卷十五

四

教忠堂

榭渲染輝丹青。宮殿璽璫麗金碧。頗工人物良苦
思。舊本摹拓開鬚眉。宮袍緋紫雜青綠。腰帶撻尾
紛。悅垂髣髴銅龍散。講後畫遲行樂分。曹偶房公
微笑杜公坐。投壺散帙無不有。就中一人落筆酣
細看。恐是虞世南。其餘學士貌各異。峨峨列坐影
華檐。即論畫馬亦殊絕。奚駒十八森成列。銀鞍金
鍔晚音高。纏鏐三匹翹足五匹齧。太液淡淡春風波
黃鬚奚官白。屬鞬牽來十匹池。上浴丹髮剪刷噴
桃花。可憐人馬爭輝寵。憑軒坐久神逾竦。憶昔風
塵際會初。君臣契合水與魚。功成開府迨清暇。春

容翰墨非荒娛。只今朝野仍艱虞。時危整頓英雄
需撫圖懷古心。營紆書生豈有封侯願。慷慨擊碎
玉唾壺。高吟梁父浮雲徂。十八人豈能悉數。點房杜虞三人。其餘以虛筆該之。可悟繁簡虛實。

法之

五人墓行

春光澹沲山塘路。遊絲晴絮嬌芳樹。路旁剝落三
尺碑。云是前朝五人墓。借問五人誰。中間宏元顏
佩章。東西四塚排纍纍。墓門畫鎖松風迴。書生曾
讀前朝史。依稀能說前朝事。天啟年間歲在寅。緹
騎四出驚狂獍。此時一舸飛吳閶。刷繡襖來昂
國朝詩別裁集 卷十五 五 教忠堂

藏吏部短衣出就逮。自注周忠介順昌觀者擁塞如堵牆。轟

薨萬口那可辨。哭聲震天日色黃。五人大呼奮臂

起。形勢欹忽壓羹塘。誰何一校先橫屍。中丞却避

御史忙。詔收棄市罪激變。至今死骨傳芬芳。憶昔

逆閹恣塗炭。鋸斧銅甕衣冠殃。諸公駢首填牢戶。

東林首指左與楊。復與就考備五毒。尸蟲噬肌不

得葬。叶茲委鬼更灼熱。天欲穹祠金榜蛟龍翔。鳳闕

敢擬至尊埒。龜趺忍立成均旁。往往嵩呼九千歲。

冕旒袞玉爭輝煌。寧知勢歇頓翻覆。阜城自絕閹

奴吭。生祠處處毀斥盡。木石估値充邊防。豈惟閹

祠旋毀撤廿年。變故那能說。鼎湖鳬雁飛滿天。鍾
山天壽狐狸穴。玉匣珠襦夜不扃。皇陵白骨愁冬
青。眼前寂寞一抔土。奈天檜柏蒼蚪鱗。年年寒食
山橋畔。指點飛花說五人。順欽魏奄之流毒勢便平直此從擊提騎後用憶昔二字追叙自得

順逆相生之法未幅
蒼涼激壯一往神來

沛縣官舍留別楊簡庵表兄

我騎白鼇浮江來。連濤倒蹴羣山開。黃河吃哮黑
浪惡。一月始及歌風臺。骨肉五年不相見。風塵歟
觀吾兄面。我昔弱齡今有鬚。君亦蹉跎四十餘。薄
宦千里不快意。一官仍擁青氈居。感君意氣與君
國朝詩別裁集 卷十五 六 教忠堂

好。流連累月開懷抱。夜飲酣呼玉屈卮。晝遊連騎

金腰裏。高秋九月天氣涼。呂母塚上塵沙黃。出騎

快馬風比捷。從少年輩逐兩鷹。弓弦拓作礮礮響。

餓鴉飛去噉空桑。割鮮野飲氣益壯。肯作新婦車

中藏。歸去歡宴不知夕。羌樂琵琶鼓箏笛。明河欲

沒斗西斜。主人稱壽客離席。吁嗟遊子如轉蓬。作

客未幾行窮冬。忽憶故鄉行樂好。黃雞正肥新篘

紅。明日驪駒更東首。馬上別君但揮手。北風鬻發

短後衣。蕭條中野行人稀。廣陵驛前暮潮落。京峴

山頭雪片飛。河水遙遙接江水。別淚與之誰是非

超然而入中射獵一段
掛石飛揚神似太白

雪後登滕王閣放歌

我携鐵筴羅浮回。豫章城頭吹落梅。羅浮仙人太
狡獪。蜚廉滕六供呵搗。亂灑梅花徧原隰。千峰一
夜爭皚皚。曉披白鶴氅。獨上滕王閣。九疊屏風失
青翠。瓊樓十二垂珠箔。長江瀟瑟迷孤蓬。漁舟藏
浦高梳泊。團團萬頃水晶盤。一片寒光冪寥廓。初
疑海上浮神山。蓬壺縹緲不可攀。其物禽獸皆白
色。自注用封禪書語銀爲宮闕。虛無間。又疑誤跨玉虹入月
府。玉貌抱杵凍不舉。霓裳對對舞仙姝。清虛高處
國朝詩別裁集 卷十五 七 教忠堂

江急

揮手寒窓招海月。

茫洋渾滿千變萬狀極才人之能事

江山轉清絕。逸興挈雲坐。超忽夜深。踞雪還上來。
躑躅或言神仙之說。竟茫昧。且飲美酒。酡朱顏。向晚
崖丹竈流銀汞。蕭史茅龍耕石田。我欲左携葛勾
漏。右挽梅子真。徑呼玉蚪騎上天。雲中編鶴紛翩
跹。或言神仙之說。竟茫昧。且飲美酒。酡朱顏。向晚
江山轉清絕。逸興挈雲坐。超忽夜深。踞雪還上來。

江急雨冥冥。江豚吹浪腥。濤奔達岸白。峯逐去帆
青。野戍春低樹。灘舟火聚星。長年趁風便。向晚更
揚舲。

九江

吳楚一江共。波濤九派分。湖光寒自白。廬嶽曉常
雲。虎鬬荒村跡。猿啼落日聞。琵琶亭廢久。楓葉正
紛紛。

哭亡兒士騷

遺編繙不忍。轉憶課經時。過愛翻成薄。求全屢受
笞。一燈寒夜影。十載鄰前兒。辛苦成何事。酸心我
不慈。即難摸過多傳教少意一經烹鍊便覺不凡

國朝詩別裁集

卷十五

八

教忠堂

盟櫛經旬嬾。衣衫漬淚痕。伶俜餘此日。門戶且誰
論。痛我無兄弟。憐渠是冢孫。昨朝寒食奠。隻立黯
銷魂。直白語悲痛弥深一結即柳州寄許孟容書中頓斷無後繼者意

登歌風臺懷古

芒碭真人乘赤龍。故鄉行幸有遺宮。鐸埋蝌蚪荒
碑在。木落牛羊寢殿空。湯沐百年歡父老。衣冠十
日擁兒童。淮陰已族黥彭醢。慷慨何須悲大風。時韓

彭黥俱已族矣思猛士何心耶

望鍾山

陪京雄堞迴蒼然。重憶高皇逐鹿年。汗馬北騰穿
碣石。長虹南倚劃吳天。鼎湖龍去離宮鎖。複道花
繁紫禁偏。悵望寢園今寂寞。牧人秋卧孝陵烟。

和楊陶雲感懷時左遷新建少府

汝從移疾卧烟蘿。幾載麻衣廢蓼莪。海內君親餘
痛哭。天南魑魅共悲歌。潮吞章貢江聲急。翠削匡
廬郡閣多。想見元嬰遺蹟在。珠簾畫棟近如何。詩成於

世祖初寅天時
故有第三語

登吳城望湖亭

鄱湖湖合贛江流。倚檻江湖望轉幽。湖勢北搖匡
國朝。詩別裁集卷十五九 教忠堂

嶽動江聲西擁豫。章浮魚龍畫嘯千艘雨。日月晴
懸一鏡秋。回首戰爭曾此地。荻花蕭瑟隱漁舟。

題冀渭公所藏楊忠愍梅花詩卷

渭公大父梅軒。故官比部郎。忠愍頌繫時。
先生傾身橐籥。忠愍高其誥。爲作此卷。同
時周旋詔獄。霸州王繼津。太倉王元美。及
應生最著。先生事世鮮知者。康熙丙辰。渭
公來吳間。出卷示余。蓋百二十餘年物矣。
展卷肅然。故題其後。

黯淡綈絺墨影寒。那能展卷不沈瀾。當關虎豹縻

軀易畏路風波。仗友難濺血九原。仍化碧。批鱗一
疏獨留丹。文山詩句眉山筆。古瘦清香再拜看。自注
及周旋詔獄畫梅意只用一點已足

有古瘦清香原太始之句。重忠愍

登太湖西峰

山色蒼蒼積翠迴。沿緣仄徑入莓苔。嶺邊風葉藏
僧寺。樹杪飛泉灑客杯。清磬一聲松子落。白雲萬
頃太湖來。三高惆悵俱陳蹟。落日山空樵唱回。

張宮字處中江
南華亭人

飲沈驚生池館

嘉樹俯城陰。居然爽氣深。非秋常落葉。不夜有歸
國朝詩別裁集卷十五十 教忠堂

禽。邱壑容芝草。冰霜耐竹林。主人山水志。誰與共
清音。

送李素心之岳陽

畫舫中流芳草齊。臨風張樂洞庭西。從官諭蜀通
三峽。大將平蠻下五溪。衡嶽雲開鴻雁度。巴陵月
落鷓鴣啼。好憑羽扇成雄鎮。荒服於今靖鼓鼙。翠

之後故
有領聯

陸次雲

字雲士浙江錢塘人官江陰知縣著有澄江集。雲士詩
本真性情出之故語多沈著而所選詩轉在宋元以之怡
情不以之
爲宗法也

雜感

雷霆能擊人。獨畏操莽威。鬼神能福人。獨於孔孟遺。今古無鑒戒。禍亂相乘除。問天天不言。屈平空著書。四十字中可抵一篇天問

北地每苦寒。孤路出天山。南地每苦熱。絺葛生於越。人之所欲須。天意預爲設。大哉造化功。於世何所闕。天道自然君子亦因其自然而已

芝蘭出穢壤。芙蓉生淤泥。賦性自芳潔。於此徵神奇。君子處濁世。師惠以全夷。何必登首陽。高歌懷采薇。見微難易汗曉曉易缺也師惠全夷指出持身處世之道

出門

國朝詩別裁集

卷十五

士

教忠堂

堂上有慈親。身外無昆季。承歡賴妻賢。委之以爲弟。弱女方四齡。初知離別意。恐其牽袂啼。深傷遊子緒。乘彼睡未醒。溫存加絮被。拜母不能言。揖妻交重寄。此際心若摧。出門方隕涕。字字真至出門方隕涕前人未經道過

回首望家山。漸遠山漸低。側聽岸旁語。鄉音已漸移。放舟入大河。煙水無端倪。偶逢相識人。遙呼心依依。無如交行舟。倏忽已遠離。

泛洞庭湖

大浸數五湖。莫大於洞庭。時當春夏交。雪融水氣蒸。仰視但有天。與波同一青。茫茫六合中。不見大

塊形。三老弄洪濤。澎湃意所輕。至此乃敬慎。風正始揚舠。同舟色俱靜。半帆容與行。此中有楠木。千載成英靈。出沒每不時。異響令人驚。舟婦散紙錢。徐徐乃就平。死生呼吸間。宴坐猶兢兢。吁嗟縹緲中。難測鬼神情。或問傳書事。心知不敢應。是賦洞庭別於賦海楠木數言寫來恍惚變幻疑鬼疑神

君馬黃

君馬黃。臣馬白。君執珪。臣執璧。君意皇皇。臣翼翼。四海會同。來有繹和。在鑣鸞。在軾。驕驕八駿不齊色。馳驅不向崑崙。崑崙馬之良。良以德。

國朝詩別裁集

卷十五

士

教忠堂

誌感

人生當貴顯。每淡布衣交。誰肯居臺閣。猶能念草茅。朱輪來北闕。土室訪西郊。古道今還在。淳風近有巢。

登岱

得過三觀下。因上岱宗巔。海吸長河遠。天包大地圓。五更先見日。九點半升煙。孰謂方隅廣。迴環睥睨前。天包大地圓形天地之全也五字極寫岱宗之高

白溝河

道出白溝河。沈吟喚奈何。古今陵谷變。高下戰場

多厲鬼。依殘骨。咩人拾斷戈。烽煙嗟又甚。搔首一悲歌。

五溪雜詠

崎嶇幽谷裏。盡是碧雲阿。祖每尊盤飴。祠皆祀伏波。峒民參漢俗。溪女唱苗歌。既種漁樵暇。悠然卧薜蘿。

掛帆將匝月。猶在亂流中。野豕能飛箭。江豚善拜風。安危憑激浪。行止信孤蓬。影落南天外。飄零望斷鴻。

天下大師墓

國朝詩別裁集

卷十五

主

教忠堂

水關西出隱浮屠。燕子飛來半月孤。病虎無心看北固。潛龍有恨遜南都。十三陵外餘杯土。二百年來失鼎湖。一自桑田成海後。總啼鵲血洒平蕪。天下大師

疑塚

疑塚纍纍漳水頭。如山七十二高邱。正平只有墳三尺。千古安眠鸚鵡洲。大為文人吐氣

詠史

儒冠儒服委邱墟。文采風流化土苴。尚有陸生坑不盡。留他馬上說詩書。

題荆山石壁

寄語山靈聽嘯歌。連城再別歎如何。人間碧眼應難遇。莫產瓊瑤誤下和。七言絕每能用意不減五言

章靜宜

近人影

劉太尉傷亂

宗社艱危運。夷夏亂皇綱。神州盡糾紛。腥羶逼晉陽。余本炎精裔。投職事危疆。思將南山石。一補天柱荒。妖氛煽四野。中道罹崑岡。上慙楚色胥。請師救國殃。下愧漢寶融。保境拒強梁。遺軌寧不仰。微國朝詩別裁集

卷十五

古

教忠堂

汴梁行

汴州城內風鶴驚。汴州城外連軍營。一夜金隄雷電起。千年玉殿波濤聲。大梁自古繁華地。三市風光最明麗。西連伊闕作屏藩。北控成臯如帶礪。高帝當年闢草萊。分封萬騎自天來。蘭窓仍起飛雲殿。樹寢還通造字臺。子孫奕祀承青社。議親常得

君王赦傳來樂府。勝河間。製就新聲。誇鄴下。東風十里覆長隄。萬樹千條各向西。珠履盡知公子客。寶釵時見舍人妻。金梁明月空中度。玉津芳草迷歸路。園內雙雙蛺蝶飛。橋邊隊隊驂駟駐。雙雙隊隊更如何。紫陌朱城拂逝波。自言百歲來歌舞。自謂三時競綺羅。綺羅歌舞無窮極。炎天烽火嗟何及。北地誰知青犢鳴。東門忽見黃虬入。飄零雄堞少人行。牙旗大纛自縱橫。波翻夏后前。朝廟潮打梁王舊。日城故侯冷落悲。徒步新鬼荒荒泣煙霧。鵲巢高栖教氏倉。鴛鴦虛抱相思樹。至今榛棘尚

國朝詩別裁集 卷十五 五 教忠堂

成行。落日寒沙古戰場。無忌已知新去魏。相如不復遠遊梁。遊人對此空嗟悼。胡笳蘆管聲中老。牧馬常過屠肆旁。射鵰每向爨山道。淒涼今古不須哀。極目秋風萬里開。試向東都更長眺。銅駝金谷半荒埃。此感流寇決河灌城而作也。前寫汴梁之盛。後形汴梁之衰。婉轉悠揚。初唐風調。

晚泊京口

夏日雜感

舟行易日暮。旅泊背孤城。酒力當秋勝。鄉心逐夜生。人烟都會地。風雨大江聲。明發空南望。蒼然北固橫。

蕪城柳色綠成陰。詔遣賢王羽騎臨。風急雙鵬辭塞口。天清萬馬浴江心。虛傳此地繁華久。誰念當年戰伐深。歌吹竹西如尚在。休教笳管漫相侵。

金陵

雞鳴山上滿青莎。玄武湖邊空碧波。草滿故陵埋石馬。月明荒徑泣銅駝。六官夜雨棠梨落。萬里秋江葦荻多。猶有南朝城堞在。景陽遺恨獨悲歌。聖祖南

巡後修葺孝陵。御書治隆唐宋碑額非復向時園寢矣。詩成於未巡幸時。故有第三語。

京口作

鐵甕城西鼓角催。扁舟遙自秣陵迴。天清瓜步中流見。風起長江動地來。楚蜀帆檣千里集。金銀山寺兩峰開。秋光潦倒南遊客。落日魚龍夜夜哀。七律沈雄

國朝詩別裁集 卷十五 六 教忠堂

蒼老信陽北地之間。銀山俗名對金山而言。實即蒜山也。

顧景星 字黃公。湖廣蘄州人。著有白卯堂集。

題內府所藏唐人百馬卷子

開元廐馬四十萬。天寶從龍誰最健。夜譙火鼓延秋門。畫爭豆莖咸陽店。萬里橋頭百存一。騎去東宮還幾匹。當時芻秣盡凡才。急難何曾見騰逸。此圖蒲稍僅百馬。毋乃樂坊教成者。細看不是臨陣姿。可惜登牀汗流赭。黃衫奚官三五人。鏤花玉帶

繡抹巾。羈前寶絡墜金鐸。覆以羅帕承錦茵。可憐賊破西京後。此馬全爲承嗣有。鼓聲應節反見妖。血碎桃花死猶吼。圖藏內府已千年。相傳畫手南唐前。畫師有意惜奇駿。不遣驅馳供舞筵。君看老驥還遭放。儘有驂騑氣凋喪。首荏難逢大宛種。荏荏蓉屢溼邊庭瘴。休儻何須四百蹄。壯觀爭多真畫師。轉思腰裏不世出。天子獨乘何所之。易秣盡凡才二話比當時養

庸流臨難退避如陳希烈張垵之輩而顏真卿之忠直不識爲何如人也借題發揮乃見作手

汪徵遠字扶晨江南徽州人

國朝詩別裁集

卷十五

七

教忠堂

深松寒白石。僻路到人稀。仰見高峰頂。孤僧采藥歸。雲多從杖起。鳥不上山飛。薄暮一聲磬。猿公來歎扉。向遊師于林雲滿几席半山即無鳥聲讀此詩知真寫得景出

上蓮花庵

秋山鐘梵寂。蘿徑上崔嵬。意思不到處。峯巒忽盡開。石林平落葉。古壁滿荒苔。更羨孤雲逸。松顛自往來。頂有到者方知豈有此理題額三四語即是此意

坐狎浪閣

高閣臨溪水。薄暮軒窓開。不見庵中僧。微雨潭上來。不見庵中僧二語王漁洋謂其不規古人

汪洪度字于鼎江南歙縣人諸生著有餘事集于鼎詩漁洋定其全集歌行中賞其建文鐘篇云中有史筆非句作者今集中不見此詩可惜也

次街口

萬山落飛瀑。競向清溪會。漈洄穿松杉。葱蒨紛映帶。積石竦劒鉞。百里無靜瀨。篙師慣歌嘯。險絕了不礙。攢霄排巖巒。幽異此中最。轉惜嶮巖中。蒼黃出煙靄。漁火半明滅。海月上山背。家鄉送別人。已隔青峰外。遇險而驚出險轉惜無情人不知是語之妙

七里瀨

日照丹霞西。雨來青嶂東。船頭氣澄碧。船尾陰溟濛。峰交路疑盡。溪迴趣無窮。渚清水禽悅。徑碧巖花穠。束髮志沈冥。思躡客星踪。曩遊已十載。老大仍飄蓬。山頂石乳滴。服食使顏紅。丹梯不可上。神仙杳難逢。何日謝塵緣。煙波從釣翁。起四語即所謂朝陽于西崇朝其雨也

卷十五

六

教忠堂

仙杳難逢。何日謝塵緣。煙波從釣翁。起四語即所謂朝陽于西崇朝其雨也

葉庵大師

自注侍御熊公諱開元

九尺老比丘。骨立石崖松。楞伽把一卷。兀坐西南峯。舉頭近帝座。低頭睨寰中。批鱗丹陛前。驅鰐滄海東。昔懷寧易平。托鉢降毒龍。陽靈大地匿。雨雪春山空。樵徑白雲迷。何處尋孤踪。

蘆中老人

自注禮部郎王公謹泰徽

蘆中人易老。不復刺漁船。悲歌采薇蕨。歸卧西山巔。山路幸嶮巖。足音少人傳。氣衰筑難擊。不如弄雲煙。骨瘦薪難卧。不如枕清泉。清泉滌塵襟。雲煙幻眼前。憂思能傷人。誰禁遲暮年。

鼠渡江

江北鼠口銜尾結。伴成羣。滿沙觜。飛塵滿野。烈日在天。江北農人憂心如煎。江南稻秧齊。沃土不須雨。同類渡江。適此樂土。楚豫稻梁堪足。天下今年不雨。春復夏估不開倉。穀添價。鼠乎鼠乎。勿食禾。

國朝詩別裁集

卷十五

九

教忠堂

黍禾黍食盡。及尔同死。

由江北而及江南兩地之禾同盡也鼠俱餓死其人可知矣此種詩從變雅中來

翁履冰

翁挈稚孫暮歸。履冰上。中流值冰裂。落水

死

東家粟紅。西家粳白。借貸空歸。羞見河伯。河伯羞尚可。一家待我舉烟火。河水生骨膠渡船。携孫偃僂行難前。誰知河心冰不堅。狐狸隔岸看。隋水枯桑。槭酸風起。綏綏欲渡。愁其尾。狐狸隔岸看與孫尚能履那愁慘之音幾不忍讀

紀歲珠

鄉鄰某娶婦甫一月。即行賈。婦刺繡易食。以其餘積。歲置一珠。用綵絲繫焉。曰紀歲珠。夫歸。婦沒已三載。啟篋得珠。已積二十餘顆矣。

鴛鴦鵝鵝。鳬雁鵠。柔荑慣繡雙雙逐。幾度拋鍼背人哭。一歲眼淚成。一珠莫愛珠。多眼易枯。小時繡得合歡被。線斷重緣結未解。珠累累。天涯歸未歸。

老杜新婚別為王家守河陽也此為行賈而別倘所云重利輕別離者耶結意不用說盡婉約可悲

懷黃扶孟

國朝詩別裁集

卷十五

十

教忠堂

從來經易水。誰不念荊軻。有客自驅馬。秋風正渡河。回頭山色遠。直北角聲多。日暮思鄉井。踟躕發浩歌。憑空而下千鈞筆力

汪洋度

字文治江南歙縣人

臂痛

那能扛筆氣如虹。自笑千鈞一握中。乍可偏枯猶半士。誰堪全折到三公。斜簫却似垂翎鶴。子立還疑欲瘁桐。天意佚吾吾正嬾。紙窓晏卧罷書空。大雅之音

可配曹倦圃贈徐子能跋足詩

吳江舟夜

水驛迢遙望不分。愁心落葉共紛紛。扁舟一夜搖
江月。入夢吳歌斷續聞。吳歌以吳江爲最。用未獨切。子留日下六年。歸過望亭。半夜聞吳歌聲。知家鄉已近。讀此覺情景逼真。

鄉已近讀此覺情景逼真

彭始奮字中郎河南鄆州人

滇南

久客愁攀廢苑松。舉家天末盡相從。蠻兒乘象同
牛馬。楚道看花無夏冬。近接漏天常作雨。倒流滇
水不朝宗。獨期攬勝遐荒外。恨未曾登雞足峰。

寄隴西觀察趙韞退先生

新分采邑陝西偏。上奏仍屯塞下田。部傍先零種

國朝詩別裁集 卷十五 王 教忠堂

作帳道通西域雪。爲泉陰山控馭六千里。河套因

循三百年。會見殊勲陵海外。那煩班固勒燕然。

陶

字苦子。廣東順德人。陶氏世襲錦衣。至苦子刻苦如寒素。肆力於詩。擅不襲牙慧。語亦南粵。鍾錚士也。詩無鷄本。被其威竊爲己作。忍久而混真。故特表而明之。

古鏡

先秦遺篆在。想像出深宮。明月不生處。清光時與
同。有形隨自應。無相本來空。白盡人間髮。全歸一
照中。賦鏡者未曾道及第六句。可以証禪亦以明虛靈之體。仍憶家語也。

冬草

三徑經冬掩。飄零對汝時。未充君子珮。徒結美人

思。世態看蓬轉。孤心感髮絲。平生抱微尚。不與衆
芳期。借以自況。非尋常著題體。

送張超然

閩粵無多路。思君見面難。高文朋輩重。落葉客程
寒。殘臘惠相訪。素絲勞共彈。重華不可作。幽思更
無端。

望零丁洋寄懷友人

兩年九月此經過。極目滄茫感逝波。窮島漢槎無
限路。秋風禾黍自成歌。忠臣淚帶寒潮長。楚客悲
逢落葉多。欲寄相思憑去雁。故人歸夢杳星河。國信

國朝詩別裁集 卷十五 王 教忠堂

忠懷及友人不拋擲零丁洋意

喜屈翁山遠歸

傳書聞汝滯邊城。此日歸來感慨增。數冒嚴霜行
萬里。獨尋荒草拜諸陵。相逢客舍難爲淚。自歎河
山不共憑。欲把離憂付流水。高樓同醉酒三升。

秋望

數聲離雁下寒汀。世事相看散野萍。入水苦鉅思
共濟。望秋蒲柳感先零。憂心滿似將圓月。旅髻疎
同避曉星。獨潔糗糧候槎影。美人空自隔滄溟。有志

而撫躬已老。豈尋常槎應士耶。老杜有感於聖朝無棄物多病已成翁也。

查

容

字錫荒浙
江海寧人

送武曾之宣府

由拳城頭月華白。張燈置酒宴征客。由拳城外柳
條青。平明相送出津亭。羨君意氣真無比。此去幽
州幾千里。攬轡遙看冀北雲。掛帆徑渡淮南水。太
行山高日欲斜。邊風颯颯飛塵沙。候騎千屯吹觱
篥。明駝一隊奏琵琶。上谷使者與君厚。轅門揖客
論故舊。伐鼓鳴笳部曲前。錦進紅燭軍麾後。觥籌
交錯坐忘疲。玉缸瀉酒醉難辭。壯士橫刀看草檄。
美人扶瑟請題詩。丈夫三十猶未遇。走馬窮邊那
國朝詩別裁集 卷十五 重 教忠堂

贈別少典

得力於
岑嘉州

鳴榔伐鼓不曾停。月落津樓見曉星。芳草自分南
北路。垂楊相送短長亭。歌殘銀燭愁難別。勸盡金
壺醉未醒。豈爲燕臺師郭隗。一時客去感飄零。

潘

鏐

字雙南江
南吳江人

金山

孤嶼中流峙。橫空勢欲吞。天清江作帶。地闊海爲

門。塔影魚龍靜。潮聲日月奔。茫茫千古意。醞酒共
誰論。造句
奇警

揚州秋感

光岳英靈河雒分。尚餘寒燄射青冥。將軍閭外空
專鉞。丞相營前竟墜星。鬼哭郊原妻曉角。鶴歸華
表泣新亭。秋風萬里荒林下。手折黃花當薦馨。拜史
墓而作見四鎮跋扈無功而閭部惟鞠躬
盡瘁死而後已也此以忠武許之者深

寄顧茂倫先生

十載江城久未過。美人幽夢近如何。著書歲月窮
愁老。對酒湖山感慨多。誼重延陵貽縞帶。節高元

國朝詩別裁集

卷十五

重

教忠堂

亮卧煙蘿。還期鼓楫成良會。聽取尊前白石歌。

彭

桂字爰琴江南溧陽人。陳子山學士携爰琴詩見示係鈔
本屬于選定剛存四卷催取甚促因錄九章終以不能
多取爲憾也

出宣州過箬嶺入欽州界遇雨

遊子倦行役。攀折畏險阻。宣歙盡山城。峯巒互撐
拄。叢箐裏郡縣。仄澗跨垣堵。茲嶺何岌岌。懸道通
一縷。峭壁插天門。裂石界地戶。泉奔脚下雷。風嘯
空中虎。朗日眩神魂。旅人怯亭午。况乎我獨行。縹
緲入雲雨。

揚州嵯署爲董江都故居署後有祠遺井尚

在丁巳秋瞻謁感賦

鄒魯儒風湮。羸秦強力逞。蘇張舌肆矛。申韓智設
筭。典籍付劫灰。仁義棄荒梗。亭長馬上來。功成亦
僥倖。苟且由蕭曹。因循及文景。卓哉江都相。鼂賈
非可並。三策本春秋。反覆誠修省。正誼與明道。功
利所亟屏。至今兩廡祀。千秋日星炳。管子霸者佐。
思以富強騁。官海始熬波。國用因不窘。後世桑孔
輩。錙銖收幾盡。淮南百萬租。設使俾專領。趨殫如
蟻。蠅處濁。同蠹。龜誰令。先生居一朝。作金礦。我茲
瞻荒祠。三歎中耿耿。幸有遺井存。悠然自清冷。獨
國朝詩別裁集 卷十五 三 教忠堂

夜飲閣再彭席上聽孫良侯搗鼓歌

空堂昨暮聞疎雨。颯颯秋聲滿庭戶。可憐今夜露
華中。明河碧漢還如許。堂中燒燭夜譙客。有客酒
闌起離席。自言搗鼓聲最豪。奮袖操槌將欲擊。欲
擊未擊手徐低。坐上先教衆樂齊。衆聲雜作一聲
下。倏如蟄雷動春谿。鼓聲如雷手如電。須臾迸激
飄飛。霰管音何亮。磬何幽。忽捲諸音聯作串。初聽

緩襲裂一聲迴抱腕。乍聞急百萬軍中單騎入。急
復散。蘆荻蕭蕭偏鳴雁。散終促。懸崖萬點亂噴瀑。
有時宮海濤洶湧紅日中。有時商風皇九子鳴鏘
鏘。有時角擲地兜鍪起舞梁。有時徵有時羽。徵如
鳴咽灘流水。羽如間關鶯滑語。五聲都會鼓聲中。
低時能辨高能融。直教上拂星斗亂。直教下徹井
泉空。仰看缺月銀牆上。邊風露草吹相向。鼓聲闌
出畫堂中。只覺天清與野曠。於中能識鼓中神。揚
桴擊節苟無人。淵淵沈沈有妙理。能動高雲不動
塵。聽君擊鼓悲無那。好歇鼓槌來入坐。自從驚起
國朝詩別裁集 卷十五 三 教忠堂

漁陽鼙鼓多。少江山都入破。二十年。前日夜聞野
花。沙草。弔殘軍。到今凝碧池頭。問祇有雷生。曾報君
客。聞此言神欲奪。兩手忽落雙槌歇。鼓聲一止。截
衆聲空裏。餘音猶恍惚。耳邊尚覺來闐闐。與君盡
醉酒杯前。開顏但爲主人飲。今年歡會知何年。勸
君打鼓莫輕下。世無曹瞞安足罵。主人縱有岑牟
衣。不遇禰生未許借。
真覺四座無人目空一世
流寇之亂悲壯淋漓未及結到不輕擊鼓

建初弟來都省視喜極有感

相持莫下拜。拭淚認分明。訝尔顏何瘦。令余痛失

聲。饑寒留剝骨。患難得餘生。乍見渾無語。那堪悲喜并。

為致慈親語。殷勤勸早歸。歎余違井邑。況汝別庭闈。每念尸養苦。深慙彈缺非。向來多少淚。都染手

縫衣。弟傳親語勸歸而已與弟轉並帶客途倚閭之思愈切矣此種是真杜詩

更傳兒女意。盡解憶長安。索飯啼堪念。牽衣別自

難。兩人今旅次。八口在江干。此際愁何似。秋風暮

更寒。比不解憶長安更覺可悲不解憫其無知盡解又憐其聰慧也

同蒼符過王勤中怡老堂自注堂為文恪公歸休之所勸中其七世孫

宰相當年怡老堂。雲仍七葉守青絳。成弘盛世思

國朝詩別裁集卷十五 三 教忠堂

元老。晉宋新亭滿。夕陽蕉葉雨斜侵。硯几藤花風

細落書牀。推君逸少兼摩詰。文藻東吳獨擅場。

和楚人李子鵠寄閻古古先生

千秋身在固非輕。肯任他年青史評。空想大風歌

沛。邑只餘落日弔彭城。巢由豈尚高人節。楚漢徒

成孺子名。寄謝北山猿鶴侶。不煩泉畔滌塵纓。都從滌縣

起意音節高亮琅琅有聲

答懷閣再彭

記別淮陰擲釣竿。楚天雲樹竟漫漫。徒勞問答皆

賓戲。始信文章果說難。肥馬塵中孤客賤。嚴霜夢

裏故鄉寒。自慙未得酬知己。腰下吳鉤怕解看。

彭極字則神江南溧陽人

得爰琴兄都門信

牀頭寶劍泣魚腸。賦就三都價未償。絕不待人惟

歲月。最難為客是風霜。春山自灑啼鵲淚。慈母曾

縫遊子裳。今夜挑燈應獨寐。好將歸夢繞高堂。

吳之振字孟舉浙江石门人。宋代詩前此無選本孟舉刻宋詩鈔共百數十家已所成詩亦俱近宋人

疊韻送葉星期歲暮還山

空山鸞嘯激清音。壑斷雲連咫尺尋。老去貧交難

聚首。眼前生客怕輸心。長饒劇處霜苗短。柔櫓聲

國朝詩別裁集卷十五 三 教忠堂

中落葉深。萬頃菰蘆堆碧海。星星漁火入香林。中有佳句

李載字子谷湖南黃州人

遙贈閻古古先輩

涪水瀾空劍影殘。睢陽日落馬烽寒。鞠躬詎肯輸

諸葛。斷指終期報賀蘭。笑我從軍紅抹額。憐君送

客白衣冠。冠生平慷慨無人識。醉後高歌行路難。壯其義勇

亦當羽聲慷慨歌之

崔岱齊字青時江南江都人諸生

燕來巢為李秋水作

去國懷鄉莽自哀。舊時庭院鎖莓苔。塵凝風幔人

初至梁落春泥燕又來紫海路深音信斷紅顏年
遠雪霜催營巢哺子依君屋也自逢秋未忍迴

歲暮送戴衣聞還苔溪

荒郊晴雪映行裝送客江亭恨森茫鳥近黃昏皆
繞樹人當歲暮定思鄉經年文酒情相似異地雲
山夢不忘最愛苔溪好風月明年我欲擢輕航清

明無客不思家推天然
名句此亦不讓前人

龐鳴字遠公江
南嘉定人

吳宮詞

屨廊移得苧蘿春沈醉君王夜宴頻臺畔卧薪臺

國朝詩別裁集

卷十五

元 教忠堂

上舞可知同是不眠人吳宮之女采香越王夫人采葛
猶此意也一用并說垂戒悚然

周穉廉字冰持江南婁縣人冰持爲宿來之孫鷹垂之
子少以錢唐觀湖賦得名因不永年故詩傳絕少

送馮寶初

木末花開柿葉稀旗亭分手淚沾衣憐君身似江
南燕又逐秋風望北飛不落送
人窠白

洪昇字昉思浙江錢塘人上舍生著有柝村集昉思名滿京
洛因演所著長生殿傳奇至於斥革受辱又遭家難坎壈
終身五十餘年而沒天之厄之爲已極矣而其詩流澹
成家漁洋及門中在吳天章下餘子之上應以可傳許之

石門

先賢逝已久予亦宿石門天寒鳥自歸林表斜陽
昏吏隱計難得詎知憂世屯棲棲終短褐此意向

誰言玩詩意乃魯地之石門也
憑弔晨門亦自好懷抱

征途曉發

夜發薊北道馬蹄踏霜華月照千里白不辨冰與
沙行行三十里始聞啼曙鴉朔風起何處隱隱鳴
悲笳徒侶慘不樂從者咸咨嗟揚鞭強笑語前村
有酒家

送吳位三歸宣城

宋家丞相後喬木到如今之子獨古處對人無俗
心偶來京洛道旋反敬亭陰芳草白雲外春山深
復深

國朝詩別裁集

卷十五

辛

教忠堂

雪望

寒色孤村暮悲風四野聞溪深難受雪山凍不流
雲鷗鷺飛難辨汀沙望莫分野橋梅幾樹併是白
紛紛山凍不流雲五
字爲甚雪望

蒙山道中

亂石繞東蒙崎嶇古道通一身千里外匹馬萬山
中密樹遙遮日輕花細逐風望雲雙淚落豈是爲
途窮

寒食

七度逢寒食何曾掃墓田他鄉長兒女故國隔山

川明月飛鳥鵲空山叫杜鵑高堂添白髮朝夕淚如泉

東李東琪

聞君昨日到長安。驛路風塵乍解鞍。古寺樓臺高避暑。晴天松柏畫生寒。親知把臂他鄉少。貧賤論交此地難。我自飄零歸未得。秋江勸尔弄漁竿。貧賤論交

到處皆難長安尤甚此身親閱歷之言

衢州雜感

巔峴嶺勢轟仙霞阻遏妖氛建虎牙。障日叢篁劣容騎連雲列戟不通鴉。居人亂後惟荒壘巢燕歸。

國朝詩別裁集

卷十五

三

教忠堂

來止數家一片夕陽橫白骨江楓紅作戰場花

鳥飛者伏

也此爲下有伏兵而言若連雲列戟則鳥不敢飛矣體貼入微下半寫亂後景象如置身古戰場間

將遊大梁

匹馬嘶荒野羣山擁亂雲。迢迢二千里去哭信陵君。

公子行

春明門外酒樓高。稱體新裁蜀錦袍。花裏一聲歌子夜。當筵脫與鄭櫻桃。

釣臺

逃却高名遠俗塵。披裘澤畔獨垂綸。千秋一箇劉

文祚記得微時有故人。非表光武正視在實忠賊者之古今皆然也

答友人

君問西泠陸講山。飄然一盃竟忘還。乘雲或化孤飛鶴。來往天台雁客間。陸講山謂嚴京也嚴京或傳仙去或傳爲僧或傳相遇於天台石梁故有此詩

毛師柱

字亦史江南太倉人

兵過

寧夏三邊要防秋。萬里屯營移千帳。白馬飲一河。渾但覺旌麾靜。真看節鉞尊軍容。同細柳知不負君恩。沉雄

舟中兩夢亡婦詩以志感

國朝詩別裁集

卷十五

三

教忠堂

落月蓬窓照水濱。音容疑假又疑真。境分生死傷心切。愁繞關河入夢頻。酒醒乍驚身在客。淚殘猶道汝爲人。廿年舊事從頭記。荆布相依最苦辛。切舟中切

夢并切兩夢別於尋常悼亡

喜雲間徐合素至自甘州幕府話舊有贈

挾策携琴絕塞行。將軍長揖重書生。題詩好徧雲中戍。射獵應過雪外城。綠酒黃羊晨草檄。黑貂紅燭夜談兵。歸來萬里雄心在。莫惜離懷醉後傾。

二鸚鵡

綠襟細翼赤欄東。雙立雙棲入畫中。縱炫羽毛休

見姑爲能言。語却爭工。堂前報客聲相應。隨首思鄉夢不同。枉自含愁頻對舞。何須玉粒戀雕籠。音著筆妙能渾然無痕第六語用同床各夢意真匪夷所思矣

朱仙鎮拜岳武穆王廟

破竹真能復兩京。十年功績痛垂成。但知金幣堅和議。忍使香盆聚哭聲。手挽山河心未死。身騎箕尾氣猶生。經過當日班師地。千古令人涕淚橫。

追感杜茶村先生

一生心事向誰陳。道路皇皇老更貧。白髮幾人懷故苑。青山何地葬遺民。狂來自合歌衰鳳。絕處猶

國朝詩別裁集

卷十五

三

教忠堂

堪紀獲麟名。並少陵身客死。自注先生沒於維揚旅寓空餘書卷照

千春。陳北溪守江寧時始葬茶村於聚賢門外此時猶未葬也或云紀復麟指語太重此言誠然太白古風云希聖時有作紀筆於獲麟詩人之辭不必過於執著

方山阻風

征帆早喜到江東。凝望鄉關咫尺通。豈謂三朝又三暮。依然愁水復愁風。空餘山色煙波外。枉却秋光道路中。但得快哉旗脚轉。更何分別問雌雄。無名氏

題壁

橫蓬何个夜倚樓。小庭月色近中秋。涼風吹隔雙

梧影滿地。碧雲如水流。

渺渺孤城白水環。舳舻人語夕霏間。林梢一抹青如畫。應是淮流轉處山。此商邱宋家宰於郵亭壁間錄出者詩近中唐傳其詩不必傳其人

國朝詩別裁集卷十五

國朝詩別裁集

卷十五

三

教忠堂

國朝詩別裁集卷十六

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

陳學洙 字左原江南長洲人康熙甲子舉人○左原先生與弟右原為學生兄弟形體性情學問志節無不相同不止如雙

丁二到已也詩品雅潔並追唐人尤悔庵太史謂陳氏兄弟昔稱二難今日二難復見陳氏其言洵然

君子行

君子畏幽獨。大廷乃敢言。小人讐稠衆。衾影不可捫。繩尺君子心。之死靡所奪。脂韋小人態。臨難思苟活。譬如丹山鳳。煌煌世之儀。蛇蝎藏陰房。白日難逞威。又如青松枝。經霜不渝色。狀彼荆棘繁。翦

國朝詩別裁集

卷十六

教忠堂

伐何足恤。縑素既異染。砥瑜僅同形。瀉水一器中。

當辨渭與涇。漢樂府低說君子避嫌此則君子小人之分別如水炭白黑矣未歸到入君之能辨尤為得要

閱省試錄見璋兒名喜而作此

羈人百憂集。煩亂不能理。觀空息羣妄。澹泊對流水。簷端噪乾鵲。何事聒吾耳。南國賢書來。郵騎持片紙。解額六十三。有汝名在裏。大江亘南北。鎖闥萬餘士。高才動淪落。老至常拊髀。流年燦筋骨。飲恨積塊壘。汝年弱冠餘。腹未飽經史。不遇何足歎。得之亦偶尔。憶汝周歲時。呱呱而索乳。汝母躬撫育。一夜常數起。抱置大母前。呼名輒唯唯。姑婦相

視笑吾宗有孫子。安得若長成。讀書取青紫。斯言宛昨日。逝者已如彼。傷哉泉下人。不及親見此。吾衰久於後。感感靡所止。膝下無他兒。舉目惟在汝。幸汝名稍成。使我心竊喜。會須覽皇都。貽書趣行李。前見遇合之偶然失不足悲得不足喜後見大母與母氏之屬望而重其成名不及親見深足感也詩到布帛詩要纔是真詩

憂旱謠

去年夏雨淫淫不息。今年無雨。赤日如炙。日如炙。旦至晡土既裂。苗皆枯。去年食米。今年食麥。麥賤米貴。五斗換石。食麥猶可。無麥則那。東田西田。岸水歸。筋酸骨痛。腹更飢。天不雨。田無水。禾不生。儂亦死。

國朝詩別裁集

卷十六

二

教忠堂

別弟

不敢垂雙淚。孤懷自黯然。恐添慈母念。那免病妻憐。書札從人寄。家庭賴汝賢。歸心倘可遂。應得在春前。少陵與諸弟詩字字從心坎流出所以獨絕作者直如面語忘乎其為韻語矣

行次滕縣

望裏煙生雉堞低。滕陽城外草萋迷。井田舊業安征稅。淳朴遺風狀鼓鞀。青杏園林禽上下。綠楊村舍水東西。此中鄉土殊堪樂。莫惜從容駐馬蹄。能舉滕縣之大前筆滕縣花開色似銀舉其瑣細而已

燕京雜詠

萬里風煙古北平。蕭蕭牧馬遍龍城。旌旗曉接長
楊苑。刁斗宵催細柳營。輦下公卿多結客。市中屠
狗亦成名。儒冠拓落知何事。自笑江東一步兵。
帝城高接太微垣。龍虎蟠迴勢欲驤。關鎮居庸當
北面。河流滄海抱中原。葡萄翠色來安邑。駉駉花
髮出大宛。正是金輿巡幸後。九重無事只臨軒。

一從丹詔下明光。封事朝朝獻未央。聖世保
衡商左相。金門待詔漢東方。碧雞久說通神。白
國朝詩別裁集 卷十六 三 教忠堂

維初聞貢越裳。自此萬方歸有道。扶餘海外不稱
王。時三藩海氛俱靖故有是篇

與繆天自夜話

牢落蕭齋病後身。燈前款款話相親。寒暄世態吾
偏拙。貧賤交情尔最真。縱酒莫辭今夜月。悲秋俱
是異鄉人。明朝便作河梁別。天末涼風起白蘋。惟賢腹文

故其情乃真感慨係之

茉莉

玉骨冰肌耐暑天。移根遠自過江船。山塘日日花
成市。園客家家雪滿田。新浴最宜纖手摘。半開偏

得美人憐。銀床夢醒香何處。只在釵橫髻髻邊。花取半開

留餘韻也於此花尤宜西樵考功後又添名作矣

哭外舅劉西翰先生

西臺慟哭血沾巾。百結麻衣剩一身。地北天南拋
骨肉。魂來夢往傍君親。孔融收繫無完卵。張儉流
亡少故人。支遁峰前聊寄跡。此生長作宋遺民。曹文公宣

公全首陽高節西翰先生讀書祇行年九十餘終故以宋遺民况之

獨行歸然老布衣。耄期不特古來稀。立雖無地能
安道。抱甕何心但息機。愛女早歸泉壤去。遺孤尚
作斷蓬飛。山顏木壞人嗟歎。星象於今暗少微。

國朝詩別裁集

卷十六

四 教忠堂

送倬雲南還

滿地風塵急暮笳。歸程好覓渡江艖。故園兄弟如
相問。只道征夫不憶家。征夫憶家人人能道語耳此轉云不憶家以憶家之語不能盡備也

紙窗矮屋似僧龕。春去春來摠不堪。忽見桃花紅
映面。一時回首望江南。

悼內

簇蝶金泥香不存。空箱顛倒月黃昏。牛衣一掛渾
無恙。猶有當時對泣痕。牛衣對泣尋常引用此以追憶出之其情便深

紗窗曾弄管斑斑。刺粉殘脂次第刪。略記紅箋留
片語。一鈎新月照愁顏。自注內子幼好吟詠繼以非婦事盡毀之須檢廢稿於紙尾得此句為之一慟

李國宋

字湯孫江南興化人康熙甲子舉人著有螺隱居詩

牛首山

獨上藏龍窟。遙瞻踞虎邦。四天圍碧嶂。一氣滾寒江。淨貝安禪悅。香燈冷法幢。頻令塵思盡。高倚白雲窗。
渾然而來大氣大力

朝天宮感懷

冶城山色帶殘暉。絳節中天渺翠微。自昔鼎成龍已去。只今松老鶴還飛。齋宮窈窕聞金磬。泉海蒼茫想玉衣。唯有步虛諸羽士。秋風時禮白雲歸。

望國山

國朝詩別裁集

卷十六

五

教忠堂

岳麓銅峰面面分。雨中遙望國山雲。紫宮秘記金函冊。青嶂殘碑石鼓文。虎踞幾年瞻王氣。龍驤他日駐新軍。九岑環繞荆溪水。留得司徒半畝墳。
國山有皇象篆碑此孫皓封禪文也國運將終猶修對天鴻休之詞願聯珠見識

李

復字汝嘉福建閩縣人康熙甲子舉人官至浙江巡撫著有鹿山詩鈔。鹿山公虛已受益有指其詩取類者應時改定詩多見道語因未寄錄本紙錄其最時記補一章

過司空表聖墓

古道瞻遺墓。豐碑紀有唐。榮華辭黻冕。泉石殉君王。詩品卑元相。清風慕首陽。如何長樂老。黃髮耐興亡。
表聖評元相詩比之都市豪估。表聖處危亂之朝無宗社之寄隱居王官谷被召陽為衰老丐歸後聞哀帝被弑而卒跡近隱淪

心寶忠良也泉石殉君王移入他人不得結以馮道反觀倍覺有力

史騏生

字千里江南溧陽人康熙甲子舉人

寫懷

覽鏡何顏面。江東一腐儒。父書空滿篋。母線尚縈襦。窮巷慚南阮。騷壇廁小邾。世人憎愛錯。不賣積中珠。
胸中有物目中無人

藍啟肅

字恭元山東即墨人康熙甲子舉人

送郭華野總制湖廣

中旨纔傳出漢宮。直教歡喜到兒童。如聞元祐徵司馬。未許東山卧謝公。列郡應多投墨綬。當朝

國朝詩別裁集

卷十六

六

教忠堂

誰不避青驄。澄清豈但荆襄路。竹見訐謔沃。聖衷。
華野名琇彈劾要人直聲震朝野後以報復推折聖祖南巡問吳江士民誰為肅吏眾以琇對聖祖命總制湖廣華野舊令吳江琇文正公姓薦為侍御者也

馬之鵬

字文淵湖廣蒲圻人康熙乙丑進士歷官戶科給事中

別毛姬黃陳相宜

薄遊至西江。東南逢二妙。本是同門友。同心復同調。樂奏金玉聲。情深知仁樂。去清風披素襟。明月朗餘照。已見投膠漆。無庸判紵縞。胡然忽分張。殊方理征棹。越俗斂文華。楚風戒輕剽。安驅赴中和。研精歸道要。江湖暫分流。終焉合廊廟。矢心展大

猷母為戀蓬。蓬毛與陳皆楚人已為楚人最以化風氣之偏而歸於中和指詞何溫厚也未望其策名清時所見尤大

除夕得廬字

臘雪初消歲又除。鑪灰徐撥定更餘。親聞此夜思遊子。客路經冬阻尺書。卷軸隨身成故友。乾坤何處是吾廬。添年便惜年華減。飲罷屠蘇轉歎歎。

徐元正

字靜園浙江德清人康熙乙丑進士官至工部尚書

廣陵懷古

閒追舊迹檢殘編。繡柱珠簾盡惘然。東閣詩成何水部。揚州夢覺杜樊川。尋春易過佳風月。送老難忘好墓田。莫怪無人能跨鶴。誰齋十萬作腰纏。

國朝詩別裁集

卷十六

七

教忠堂

汪

字文漪山東臨清人康熙乙丑進士官至翰林官至河南巡撫著有倚雲閣集

拜楊伯起墓

蟠龍關塞近大鳥。墓門深萬古。長河水千秋。暮夜心衣冠朝嶽麓。蘋藻薦桃林。夫子應知己。囊無陸賈金。無刺語便是作家

送謝方山郎中告歸

孤心霜月迴秋清。三十年来翫世情。真得意時惟嘯詠。不如人處是功名。三臺後輩多迴席。五字偏師盡卻兵。舒卷從心難繫縶。白雲天際任縱橫。五十六

四言之唐人
中每有此格

施何牧

字贊虞江南崇明人康熙乙丑進士官吏部稽勳司員外著有一山詩鈔。一山先生中歲歸田守正履道詩學斷唐宋之分不肯隨時趨嚮今沒世三十餘年詩卷零落幾盡矣茲錄其向日所鈔五篇聊志風采云尔

效諸將三首

萬疊雲山。山外城登陣。一望氣崢嶸。渠搜西去新傳箭。弱水東來盡列營。有侯絃歌工化俗。且將韡帕學論兵。鬼方親見高宗伐。奇績無須三載成。關河日夕羽書傳。億萬芻蕘悉帑錢。不為陳師來熬塞。何緣轉粟上青天。至尊減膳龍庭外。諸將忘身虎旅先。自古足兵謀足食。四方願祝屢豐年。天山八月朔風吹。兩道飛符並出師。爰騎全憑白馬將。彎弓已斃射鵰兒。金城舊日屯充國。瀚海今朝斬郅支。蠢爾西戎稽顙後。還祈干羽格諸夷。味詩是聖祖討噶爾丹時事時出師既速轉粟甚艱故聖祖因其服罪而赦之今國有鐵逆皇上督罪致討部落投誠罪人斯得兵不血刃而已奏蕩平從古王師所未有也錄考功詩因恭紀聖人神武俾後之覽者有所考云

九日放舟山塘

老去登臨興未刪。便乘小艇放溪灣。高原水淺苗初出。密樹霜濃葉漸斑。半世功名隨旅雁。百年心跡對秋山。黃花此日何岑寂。一笑層臺懶更攀。

贈焦山人

泠泠秋閣大江臨。中有幽人襜玉琴。一自霓裳檀

板歌幾回鐵甕戟。枝沈孤鐘斷續迷。寒雨冷燄高
低起暮陰。此日孝然如可作。白頭肯負紫芝心。此贈焦山

冷秋江作嘉其高隱勉其不負初心得古人贈言之意

黃庭字藏山江南長洲人康熙丁卯舉人

延川道中

水似瞿塘險。山如劔閣雄。奔濤時蓄岬。盤磴半臨空。馬踏雲頭上。人行石腹中。那知巫峽雨。翻作塞

門風。能作奇語

寧夏渡河

峽口回波繞塞流。自注峽口山名兩山相夾河流其中黃河利獨擅邊州。

國朝詩別裁集

卷十六

九

教忠堂

千屯得水成膏壤。兩壩分渠據上游。自注漢渠唐渠今名大壩小壩蓄水溉田獨難犬人家紅稻岸。魚鹽賈舶白蘋洲。那知澤國隄防急。百萬金錢擲浪頭。

正月既望自錢塘進艇新安江行十日達紮

陽門即事寫懷得船字

吳榜停時權越船。湖原浙水出山泉。一千里近新安路。三百灘齊天目巔。自注新安平地與天目山齊軒后臺前神獨

往。羲皇卦外歲初遷。自注子今年六十一衰年興待名山助。擬

向雲端采石蓮。子遊黃山年七十有八規作者多十有七年興待名山助其言果然

送陸翼王徵君南歸

天際冥鴻不可求。高飛豈為稻梁謀。山中大隱徵弘景。海內奇書問鄴侯。風雪五年留上谷。鶯花三月下長洲。吳宮春色應如舊。眺望先登開府樓。

馬蒐

方士鈿釵何處得。農夫羅襪此間收。蒙塵莫湧尤傾國。猶剩唐家土半邱。本禍水也。偏說為唐家生色。見文人筆舌之巧。

梁佩蘭

字芝五廣東南海人康熙戊辰進士官翰林院庶吉士著年六十餘矣未一歲即乞假歸同榜中俱以前輩事之。嶺南三家翁山以五言律擅場元孝以七言律擅場而七言古體獨推梁亭集中如養馬行日本刀歌諸作光怪陸離中律令極細指辭極妥真可作萬人敵也。間亦多英雄欺人及過於誇張處而木瓜上人打鼓歌為欺人之尤者。閱者勿因其名高一緊追逐斯善學梁亭者矣。近體略存志其大概。

國朝詩別裁集

卷十六

十

教忠堂

養馬行

庚寅冬耿尚兩王入粵。廣州城居民流離竄徙於鄉。城內外三十里。所有廬舍墳墓悉令官軍築廐養馬。梁子見而哀焉。作養

馬行

賢王愛馬如愛人。人與馬並分王仁。王樂養馬忘苦辛。供給王馬王之民。馬日齧水草百斤。大麥小麥十斗勺。小豆大豆驛遞頻。馬夜齧豆仍數巡。馬肥王喜王不嗔。馬瘦王怒王扑人。東山教場地廣潤。築廐養馬凡千羣。北城馬廐先鬼墳。馬廐養馬

王官軍城南馬廐近大海馬愛飲水海水清西關
馬廐在城下城下放馬馬散行城下空地多草生
馬頭食草馬尾橫王諭養馬要得馬性情馬來自
邊塞馬不輕人有齒馬服以上刑白馬王絡以珠
勒黑馬王絡以紫纓紫駟馬以桃花名班馬綴玉
鑲紅馬綴金鈴王日數馬點養馬丁一馬不見王
心不寧百姓乞為王馬王不應以贊頌之筆寫風刺之旨貴畜賤人如此其敗亡也
必然矣此種詩前無所承後無所繼應是獨開生面之作○城南馬廐近大海以上用真文通韻以下用庚青蒸通韻莫認作一韻到底看

日本刀歌

市中寶刀五尺許市中賈人向予語紅毛鬼子來

國朝詩別裁集

卷十六

士

教忠堂

大洋此刀得自日本王使紅毛預齋戒三日授
刀向刀拜龍形虎視生氣驕抽出天上星搖搖黃
蛇之珠嵌刀首百寶刀環未曾有有時黑夜白照
人殺人血漬紫繡新陰晴不定刀氣色風雷閃怪
吼牆壁相傳國王初鑄時金生火尅合日期鑄成
魑魅魍魎伏通國髑髏作人哭人頭落地飛紙輕
水光在水鋪欲平國王恃刀好戰伐把刀一指震
一國紅毛得刀來廣州大船經過海若愁携出市
中人不識價取千金售不得我聞此語空歎呼兵
者凶器胡為乎中國之寶不在刀請以此刀歸紅

毛字字錄銘逼人駭膽慄魄未見中國所寶在明德不在武事尤得尊崇之體

易水行

易水悲歌動天地荆卿入秦為燕使秦王尊禮設
九賓殿間顧笑旁無人於期之頭奉上殿血光直
射秦王面取持督亢色倉皇咄哉年少秦舞陽圖
窮不覺見七首秦王睨之環柱走荆卿不得刺秦
王無且在殿提藥囊為謀不成實天意祖龍膽落
荆卿死一死可以報太子君不見沙邱之椎亦如
此荆卿刺秦王一條生却之謬一條劍術之疎然秦王之魄已為之奪矣以沙邱狙擊作結倒觀有力

惠州王紫詮太守築羅浮子日亭落成作歌

國朝詩別裁集

卷十六

士

教忠堂

寄之

登山不到羅浮巔舉足萬里真徒然瑤房璇室七
十二羣真笙鶴長喧闐况支蓬萊一左股金陵地
肺遙相連風雲雷雨出其下上界滂沱涵澄鮮夜
來星宿照分野有若榆樹垂金錢齊州九點盡可
數中原一縷搖輕煙就中飛雲更奇絕天門詠蕩
雲聯絲銀河屈注倒在背帝座豁落平當前神霄
斧鑿施不下鳥道豈有藤蘿牽何人築亭在其下
循州太守今豪賢為亭命名曰日子日意象直探鴻
濛先世間萬事起根本黃鐘子氣無不全靜為動

本太極理循環迭運非言詮陰陽旋轉推晝夜陽
明玉燭光回天紫微垣中日杲杲太陰蟠竦安能
纏此山三更坐見日高與泰岱齊比肩天雞大叫
海水動海中湧出金盤圓義和整轡升若木神人
枉用迴秦鞭太守名亭復爲記二樓伐石爲碑鐫
大書年月人某某千秋萬世名山傳附書仙人海
瓊子倡和共掣雲霞箋平生濟勝仗筋力匡廬白
岳隨攀緣羅浮家山望咫尺反似往昔遊幽燕山
靈待我謝招手不久黃鵠來高騫洞門借騎蝴蝶
入峰頂或就桂父眠煩君劇取龍葱七尺遺贈我
國朝詩別裁集卷十六 三 教忠堂

相酬先寄飛龍篇

波瀾層疊中就子日二字開明動靜互根全理而仍不入於腐筆故超氣故達也仙人海瓊子

作者

秋夜宿陳元孝獨漉堂讀其先大司馬遺集

感賦

至今亡國淚灑作粵江流黑夜時聞哭悲風不待
秋海填精衛恨天隊杞人憂一片厓山月空來照
白頭

以中間語作起步倍見其
起此秘唐人後罕尋得者

次京口

繞郭盡江水長虹跨不來地形山勢截天斬海門
開白晝龜鼉出中宵鼓角哀往時征戰處臨汎重

徘徊

沛

黃河西出南徐路馬首經過識沛中一代帝王還
故里幾家雞犬入新豐天垂芒碭雲疑在山擁彭
城氣已空湯沐昔時諸父老相逢誰爲述歌風

閣夜

百尋古閣郡城東簾捲前山一角風哀壑有光星
在底明河無影月臨空羣生靜息鴻濛裏秋氣森
歸耳目中不是夜深能獨醒海門誰見日初紅

湯右曾

字西厓浙江仁和人康熙戊辰進士官至吏部侍郎著有
懷清堂集浙中詩派前推竹垞後推西厓竹垞學博每

國朝詩別裁集

卷十六

古

教忠堂

能變化西厓才大每能恢張變化者較
耐尋味也後有作者幾莫越兩家之外

相見坡

清風生山巔微雨在山脚後山路始窮前山壁又
削飛龍中忽斷奔馬勢旋卻兩山鬱嵬我一水相
互絡洩雲天光漏仄壁石氣錯俯逐飲澗猿仰睇
投林雀高低捻腕下上殊苦樂彼途俄復經此
路邈如昨相見難相從青冥倚寥廓

極形兩山之險而
末以相見難相從

五字括之可
云經營心苦

澄海樓

大海東迴水波惡如山浪打長城脚千年萬年鬼

夜哭冶鐵銷沈石崩落王公設險古制存屹立重
關嚴鎖鑰干戈相尋遠不數六十年前事如昨大
盜移國明社墟頌洞煙塵昏六幕是時關門臨賊
壘白日旌竿莽蕭索奸兇滿盈人鬼怒世運艱屯
神聖作飛龍首出在九天熊虎戎衣只一着石
河西南破賊處父老猶言戰時樂後漢書今見其戰樂可言耶不聞
人聲聞刃聲霹靂摧枯風掃籜只今車書通萬里
天下一家無厚薄名都貨貝街喧闐屬國責琛驛
交錯承平暇日展遊眺賓客閒情寄觴酌茲樓我
到亦偶爾萬古心胸忽開拓更喜天容海色清側
國朝詩別裁集 卷十六 五 教忠堂

身東望蓬萊閣

自注土人言天氣晴明往往見蓬萊也○蟻賊毒亂與朝戰功於登樓時揮灑出之豈同苟然之作

登雲麓峰望南嶽歌

我聞三神山遠在東海東神仙恍惚路難到世上
五嶽蟠胸中憶臨滄溟倚日觀九萬曾蹈扶搖風
昨辭蓬萊建羽節陽景一騎迷高嵩西南萬里入
羅鬼似隋幽井窺圓穹東還雲夢吞八九張樂已
在軒轅宮七十二峰青聯屬蒼梧天外雲濛濛清
湘水流環九面南嶽神鎮齊三公靈妖物怪藪藏
納丹徒赤幕光瞳矐峰峰低昂宛相次獨有紫蓋
爭祝融雷泓風穴互開闔玉書金簡留穹隆岫嶂

山尖蚪蚪字人跡欲到路已窮使者虛亭花藥繞
山人仙骨雲霞通似聞綠髮有毛女不少翠羽來
青童離宮福地入縹緲目所眺矚攀躋同衡陽縣
前昔騁望壓陣囂噓雲排空山咫尺俗緣誤況
今百病中交託升高視遠腰脚軟左右扶掖如哀
翁道人鐵瓦緬遺構拜嶽之石高龍從九疑清猿
怨遙夜洞庭落日浮孤蓬漢女幽蘭冉冉翠楚妃
淚竹斑斑紅振衣周覽窮上下忽與意思增清雄
人間擾擾等螻蟻慎勿變化隨沙蟲君不見迴雁
峰來八百里揮手欲駕冥飛鴻前使道回說入便有波折次寫望衡嶽處淋漓飽

國朝詩別裁集

卷十六

六

教忠堂

滿言之後憶往日經衡陽而未登蓋見今茲將老不能更登也於望字更添一倍襯托作長篇須解此法

放舟至下鐘山

空濛一片雲滿湖西南風起吹檣烏洲洲且止發
船鼓秀絕下鐘山色無褰裳直上捷猿猱樂哉一
幅寒林圖絕頂飄飄目四豁左右江湖渺空濶煙
波盡處洲渚微彷彿扶桑見窮髮天旋地轉不少
留迴看星氣忽已周扁舟歲晚夢吳越匡廬五老
空船頭銜臚如山萬商集使者纓旌騎吹入行人
擾擾競錐刀落日悠悠下城邑前臨巨石紛盤陀
仰看絕壁青嵯峨玲瓏窈窕萬竅出安得滌汨生

流波風聲水聲奈尔何。只今埋沒塵沙多。無絃之
琴張素壁。歲久抑鬱恐不和。一歌如扣鐺。再歌哀
知音。洞庭木脫水深深。天高月白風入林。或鼓或
考聲。欽欽嶺猿江雁同夜吟。潛蛟出聽老龍泣。漁
父滄浪知此心。石鐘山記坡公透暢言之遊下鐘者不必更從鐘聲落想矣作者別行一路故語無雷同

黑石渡

昨從邛山來。今從邛山去。邛山朽骨萬萬古。惟有
行人朝復暮。黃金蝕盡白石爛。螻蟻三泉尚知處。
我來欲酌酒一杯。落日荒荒下前渡。朝暮行人即是邛山中人末語欲盡不盡點然神傷

國朝詩別裁集

卷十六

七

教忠堂

山海關

東西誰界絕。封此一泥丸。地接長城險。天浮渤海
寬。連山趨碣石。積水見辰韓。吹角關門出。邊風馬
首寒。連平章威唐音節

辰龍關

東馬懸厓險。關門鬱不開。居然橫戰地。曾此掛弓
回。浩蕩妖星落。蒼茫角吹哀。兵家爭間道。爲語勒
銘才。

上玉峰徐公

海岳英華蓋代人。由來絕業迥殊倫。六經屢折羣

儒角。九服齊扶大雅輪。無事心常愛正索。有才誰
不仰陶鈞。每看元老虛懷處。吐握風流一旦親。
春官玉尺手親持。科目光華此一時。嘗惜文辭傷
篆刻。獨將經術作宗師。士當失意猶無恨。才苟懷
奇定見知。只有公門慙小草。也滋化雨伴仙芝。龍羅天下英奇才苟懷奇定見知一語非虛譽也少宰爲司寇特賞識人故言之親切

登峴山亭至甘泉寺

籃輿嘔軋傍城隈。積霧霾陰黯不開。一磴自穿雲
氣入。萬峰爭送雨聲來。山川浩蕩今如此。裘帶風
流安在哉。千載牛山共揮涕。古苔秋井易心哀。

國朝詩別裁集

卷十六

六

教忠堂

雲藏巖谷晝冥冥。忽聽天風響佛鈴。草際老僧迎
客至。煙中修竹入門青。坐來瀛海茫茫地。盡失山
川漠漠形。休問葡萄撥醅後。甘泉一酌自清泠。峴山亭在甘泉寺前

荊州

刺礎遺隍問舊疆。龍門馬牧摠茫茫。接天波浪三
江口。橫地風雲百戰場。尚有帆檣下巴蜀。無多戶
口在耕桑。不堪原野蕭條地。吹角重城倚夕陽。
戎馬壬申速甲申。萬家煙火幾家存。人如刳豕屠
羊慘。事異黃巾青犢論。妖樹禍生天北極。怪風寒

捲郡南門。龍陂橋外坡陀血。誰洗忠臣九地魂。流冠之亂

於荆襄尤甚。篇中憑弔往事。故極形亂後蕭索。今則為天下重鎮。矣。重熙累洽。歌咏者。可忘所自耶。

黃尊古上都秋色圖

落日牛羊下遠村。平沙萬馬別開屯。君看鵲沒鵬

盤處。莽莽青山是塞垣。

唐孫華

字實。君江南太倉人。康熙戊辰進士。官吏部主事。著有東江詩鈔。東江勤於學殖。不重綴覽。歸田後。與二三老友登臨燕飲。有香山洛下之風。至九十餘。乃辭世。生平故天爵自尊者也。論詩謂詩必有為。作每與史事相表裏。故其詩不趨高。趨專。崇實。實者其言有物。者味神詩。偶然戲筆。而外間傳誦和者紛紛。毋乃探驪龍而專取鱗爪耶。

述古

讒口成鑠金。沉舟由積羽。蒼蠅正羣飛。白壁無完

國朝詩裁別集

卷十六

九

教忠堂

素臧倉沮孟軻。伯寮愬子路。正直枉者非。妍好醜

者妬芳蘭。每見鉏耒以當門。故道義苟無。譽特立

何足懼。由貪而跖。廉毀譽每錯互。孔光詆王嘉。馬

融排李固。孔馬皆大儒。物情常嚮慕。一朝勢利奪

顛倒迷好惡。嗟尔名教人。毋令青史汙。孔光何足惜。以馬融之儒學而

排擠正人。則名節盡喪矣。時有名人而護湯文正者。意作者借古以況今人耶。

贈趙松一趙曾著讀史質疑一書

尼父著春秋。大義揭星漢。功罪無匿情。是非有定

案。作史與論史。宜以經為斷。後儒恣穿鑿。如絲各

勢。亂收誇尔朱功。壽譽武侯短。蜀魏爭正閭。島索

互詆譏。馮道善變通。武媚宜郊禪。邪說既紛紜。大

道日離畔。矯矯趙夫子。朱墨久研鑽。家貧出負米。

賓席弄柔翰。六經貯巾箱。三史供點竄。上下數千

年。一一如珠貫。筆挾董狐直。書過袁豹半。辯如懸

河注。目如巖電爛。論準過秦。語陋美新。謾示我

兩卷書。明牕得吟玩。潛德有必彰。姦諛死無遑。南

山豈可移。先零何足按。霍若雲霧披。渙若春冰泮。

明史今未成。授簡多疑憚。白頭雖有期。青竹何由

汗。如君著作才。固宜參史館。說經常硜硜。陳史亦

侃侃。形諸直如筆。千秋事可判。庶稟魯史程。得隨

國朝詩別裁集

卷十六

干

教忠堂

游夏贊。惜哉擅三長。無從置一算。抱書菰蘆中。慨

然發永歎。慨舉論事不平者。逐一披駁。而以以經為斷。一語該之。何等光明正大。

閒居寫懷

屈伸固有命。秋毫非人功。三世不徙官。執戟老揚

雄。荀爽起布衣。百日至三公。後臂終數奇。李蔡本

下中。方壯既悼顏。皓首仍悲馮。世有巧而躓。亦或

拙。而通憂喜塞翁馬。得失楚人弓。時命苟不諧。不

如安。固窮。巧拙躓通俱可不問。而一歸於安。命固窮。君子提躬莫渝於此。

夏重談金陵舊事

金陵昔喪亂。災運值標季。忽從大梁城。倉皇走一

騎偶竊藩邸璋。自言某王嗣貴陽。一奸人乘時思射利。奇貨此可居。何暇論真偽。卜者本王郎。矯誣據神器。遂修代來功。超踰登相位。權門輦金帛。掖庭陳秘戲。江表張黃旗。王氣銷赤幟。媼息僅一年。傳聞有二異。北來黃犢車。天表自英粹。雜問聚朝官。瞠目各相視。遙識講臣面。備言宮壺事。諸臣媚新君。誰肯辨儲貳。爭效雋不疑。競指成方遂。泉鳩無主人。束縛乃就吏。復有故宮妃。飛蓬亂雙髮。自云喪亂時。化離中道棄。生子已勝衣。壯髮猶可數。不望昭陽恩。不望金屋置。願一見大家。瞑目甘入國朝詩別裁集

卷十六

王

教忠堂

地上書欲自通。沉沉九閣闕。詔付掖庭獄。見者爲垂淚。不如厲王母。銜憤早自刺。祗緣當辟假。翻招故劍。忌誠恐相見。非泄此蹤跡。秘滅口計。未忍對面諒。餘愧鳥獸有伉儷。豺虎知乳孳。豈獨非人情。捐棄恩與義。羸呂及馬牛。秦晉潛改置。皆從胎孕中。長養崇非類。未聞妄男子。僭盜出不意。龍種乞爲奴。狐假得暫恣。茲實衆口傳。曾見遺老記。疑事終闕如。庶聽來者議。北來黃犢或可疑。若童氏故妃斷無。端冒認之理。此而不許入宮。加之刑。恐泄其偶也。少時即聞此言。今以東江詩証之。益爲鑿鑿。存此詩以論定。

同宋葯州太史登滕王閣

平生想慕滕王閣。未能千里驅輪蹄。豈意雲山落吾手。飄然直上凌飛梯。天風浩蕩入懷袖。傾刻塵眼開金篋。畫棟朱欄照城郭。丹樓碧瓦纓虹霓。吐納江流九派小。平壓雉堞羣峰低。落日倒射澄潭影。金波千頃浮玻瓈。上捫星辰若有路。下臨洞壑疑無蹊。賈客帆檣自來往。風濤出沒如鳬鷖。點鷺飛鵲不敢到。長空杳杳鳴天雞。憶昔驕王盛意氣。臨風歌舞飄華袿。不惜金錢構飛閣。巖葉上與煙霄齊。子安文字當時體。縱橫萬象誰端倪。如何俳語笑倉猝。穎濱一老猶相詆。自注子由滕王閣詩云俳語笑倉猝國朝詩別裁集

卷十六

王

教忠堂

古終不廢少陵不敢輕排擠。人生遊跡過如掃。鴻爪一瞥飛東西。洪都勝地獨數此。偶然匹馬隨雙奚。閭公賓客今寂莫。幸有勝友能招携。憑欄徙倚三歎息。山雲亂起煙悽迷。一代繁華有衰歇。三王文藻誰攀躋。我行自哂真孟浪。此遊聊可驕昌黎。落葉白題須出以新意。中間子由之詆一語是也。昌黎作記始終未到此閣。未以已之遊覽驕昌黎之未遊。亦是別尋蹊徑。

鷹坊歌與夏重愷功同賦

水磨自注地名園亭清且幽。碧柳陰濃古木稠。偶然携客避炎暑。腥風忽覺來颼颼。云作閒坊爲養鷹。名材不惜千金收。板屋羈棲拳鐵爪。浮雲仰視張金眸。

就中海青獨稱最傳聞出自青海頭銳頭猛腦特
神俊自矜恥與羣鷗儔杉雞竹兔不足取氣吞乳
虎欺羣牛白山黑水出異產在昔遼代曾窮搜誅
求因結女直怨無端兩國興戈矛愛鶴愛鷹皆速
既羽物何事常招尤頭鵝盛宴付逝水矧鷹高臺
成古邱冰天朔漠餘殺氣江山不改奇毛留從來
異物聚所好携籠走馬來荒陬人間養鷹如養士
一时效用三時休多畜馴鵠供餵飼流血滲漉霑
衿喉填腸滿嗟意未已一飽欲傲梁邊鷺乃知惠
養多倖竊肉食未必皆能謀虞人懸衡揣斤兩軀

國朝詩別裁集

卷十六

三

教忠堂

骨輕重須相俾

自注鷹必稱斤兩以十八兩為準

肥苦鈍遲瘦無力上

臂能辨劣與優空倉飢雀日叫噪一出往往逢豎

罕尔曹攫肉偏遠患得食那敢辭籠囚譬若猛士

饗牛酒投石奮欲償恩讎黃距久閒求自試常思

一舉翻高秋鷹乎鷹乎盍努力霜天風緊將離羣

鳥中惡物正不少早拉訓狐擒鵠鵠功成山藪得

清廓願汝仍化林間鳩勿戕胎卵驚鳳凰阿閣萬

一重來遊

先說金遼爭鷹以致兩國起釁次說養鷹不用同於肉食謀國後說搏擊惡鳥分別真偽而歸於仍化為鳩仁厚不

殺此通篇結穴處

讀梅村先生庶樵紀聞有感題長句

一旅誰知拓紫荊。蜩螗聒耳正紛爭。腹書競伏狐
鳴火。手蔗頻驚鶴唳兵。直待臨危思荊牧。可應先
事戮韓彭。石頭表祭真堪惜。自壞邊關萬里城。
東晉帥表公崇煥。誅表崇煥此我朝用。而前明為問所愚也。事後追悔何益哉。

東山即事

湖風盡日響松杉。接席連床共一巖。文到無情真
悔作。口除飲酒只宜緘。晚涼欲試蒲葵扇。暑汗頻
嫌葛越衫。破硯生涯今更拙。謀身端合託長鑱。

永嘉令馬公死寇難令嗣觀察公請於朝

賜謚忠勤索詩

國朝詩別裁集

卷十六

五

教忠堂

青袍白馬塞甌閩。一命官卑大義均。豈有兵符麾

士卒。要將全節感臣鄰。君王未識真卿面。戰陣

甘捐先軫身。尚念天恩未酬答。生兒留作報恩

人。

諸葛武侯祠

臥龍潛下國。逐鹿走羣雄。慷慨吟梁父。撫謙拜德

公。管蕭才豈匹。伊呂望應同。漢廟靈猶在。劉天姓

未終。一犁畊隴畔。三顧出隆中。旒綴千年璽。絲懸

九鼎銅。黃圖分社稷。赤壁掃朦朧。入蜀神基固。分

荊陘路通。一噓火井燄。自注蜀有火井。漢成時火熾。漢末漸微。孔明一窺之火乃復盛。再起

沛鄉風操懿真如鬼關張並是熊自注周瑜謂關張熊虎之將崎嶇

箕谷路流涕永安宮定計收關隴深期卜鎬豐雜

耕屯渭曲籌筆洗荒戎吞貉曾無芥鞭孤欲折光

自注石勒謂風雲開絕業日月照孤忠委寄尋前諾艱

危誓鞠躬三分非素志八陣漸成功炎景終移杓

流星忽墮空宅桑仍索寞廟柏自蒼葱異地留祠

宇靈旗捲暮虹綜忠武平生而言工整蒼鬱胎原出於少陵

田從典字克五山西陽城人康熙戊辰進士官至大學士

擬七德九功舞歌效樂天體

七德舞九功舞武緯文經耀千古朝廷千羽在

國朝詩別裁集卷十六 五 教忠堂

兩階天下車書盡九土我皇御極垂衣裳四方

萬國來享王自朝乃至日中是堯兢舜業不敢康

為念斯民亦勞止丹詔夕封馳萬里咨尔強藩

且載戈釋甲歸來見天子苞有三蘂方憑陵一

朝敢弄潢池兵蕩搖滇黔連楚蜀虔劉閩越驅鯢

鯨驛聞天子赫斯怒皇言一宣天日午普將

滅此後朝食取彼兇殘界豺虎臨軒命將親推轂

中有天潢建牙纛日射春旗萬馬鳴雲開曉帳千

官肅一從荆鄂向三湘一自江州下豫章西指秦

川臨劔閣南經吳越度錢塘王師所至如風電

合圍掩羣開一面狼奔鼠竄皆倒戈市肆不驚芸

不變王師所至多謠頌行者願齋居者送天

語殷勤再四宣無令南畝妨春種一年轉戰雍梁

間二年克敵威荆蠻三年掃清甌與越一鼓遂進

仙霞關四年官軍收闕地逆臣稽首歸藩位五年

賊渠死岳陽六年百粵置胥吏七年一舉入成都

夾擊東西疾度瀘八年蕩掃昆明穴普天率地歸

皇圖羽騎宵馳傳露布從此江山復如故侍臣

拜手賀昇平武士鳴鐃歌大漢我皇恭已開明

堂木鳳銜書下八方嘉與吾民共休息欲偕斯世

國朝詩別裁集卷十六 五 教忠堂

為陶唐思齊太任及太姒翼子貽孫既受祉恭上

徽音萬國歡再沛恩綸與更始昔時民間苦

被兵鳥鳥聲樂多荒城今日言旋復邦族閭里不

聞愁歎聲昔時民間苦征役男子輟耕婦休織今

日公家免踐更鼓腹行歌仍作息櫓槍滅迹三階

平我皇宵旰猶未寧手披目覽釐庶績早朝晏

罷勤蒼生天縱聰明兼聖學研精書史窮邱索

著述開天冠百王四海文明生禮樂舞七德舞九

功五絃之琴歌南風願令世世陳王業王業艱難

萬古同康熙二十年十月官軍收滇南頒詔中外示天下蕩平允率臣請上太皇太后皇太后徽號恩逮臣庶陽城因倣唐代

七德九功之舞作爲歌詩中間三葉之辭三葉之平一一可考當以詩史目之詩之曲折頓挫遠往復得昌黎平淮西碑之體不專學白樂天也詩亦見翁司寇集中豈翁爲大司成時田爲太學生代師長擬成稿本耶唐人詩中兩見者有之

趙俞

字文鏡江南嘉定人康熙戊辰進士官定陶知縣○定陶

體靈敏之中冲和自任是爲正聲

古風

弧矢用威敵還爲奸宄利蒼姬六典書莽新實階厲國息既數慝况乃肉刑議後聖師前古額在行仁義本同末則殊沿革隨時世孟軻今復起亦不講井地未聞書契作仍可結繩治聖人大法天亦行所無事介甫行周禮適爲屬陪師法古人在意不在迹也安得此通達治體之言

國朝詩別裁集

卷十六

壬

教忠堂

鴻纖列萬品一一自稟賦削觚使就規湟縞忽失素變本乃爲奇矜新衆所穢人於大塊中果茲一蟲蠹吾欲追淳朴各各安其故因物付物間斯理則已具

斯蠡夏切股翰音晨引吭彼豈能自主時至乃翕張測天憑儀器俄已易躔次測晷以刻漏時亦乖啟閉夫豈聖人作而顧謝物智任人斯有爲任天故不二任天而行人力不與欲還淳朴而不流入老莊斯在有爲無爲之別

踏車曲

杉櫓作筒檀作軸烏鴉銜尾聲歷歷赤露兩肘腹

無粥踏車辛苦歌如哭前年井底泉脉枯去年甌窶長菱蘆旱年掘窩轉水入潦年築隄翻水出水入水出車欲裂農夫那不筋骨折無奈今年又苦旱塘水少於衣上汗往年車完人盡力今年車破人無食人無食不足卹努力踏車聲太息伍伯催租秋賦迫連年未報災傷冊歌聲如哭水少於汗皆十歲奇警語聖朝恤民不啻父母之

於赤子而連年水旱猶有未報災傷者何知有官而不知有百姓耶

射虎行

居人傳言郭有虎白晝咆哮出林莽將軍蝟毛鬚倒豎遣使發卒悉所部白羽長箭大黃弩皮作車國朝詩別裁集

卷十六

天

教忠堂

茵肉治脯虎見千人若無覩千人驚顏色如土箭未脫弦弩折附虎起攫人如捕鼠突出圍場公然去當今四海樂昇平軍士逍遙無什伍將軍錦裘玉帶醉矍鑰胡爲輕料虎鬚攫虎怒從今軍府耀威武只射兔免麋莫射虎

侶臺弟以悼妻哭子詩索和憔悴婉篤情有不能已者余欲發乎情而裁之以義也輒

有是作

至痛君難割前型我所師延陵於禮合奉倩太情癡尚有君親重休爲兒女悲節哀宜引義不敢再

題詩。以義節情歸於義若助之悲憤不猶醉人扶醉耶只一製題便得儒者立言之體

舟行晚過青浦

孤蓬秋氣入。此夕客心驚。露白浩無際。蟲吟併一聲。塔隨帆影走。潮湧月輪行。礫礫城烏起。譙樓已二更。浩字併字鍾錄而得併字尤佳

和查夏仲敞裘詩

無復如膏耀日輝。關河難禦雪霜威。配宜東郭先生履。暖勝西華公子衣。絨絨猶餘清節在。蒙蒙我轉覺。旅情非只應。五月能忘暑披上江鄉舊釣磯。與而推

岳忠武祠

國朝詩別裁集

卷十六

无

教忠堂

檜樹枝生宋祚微。將軍那許總戎機。出師累捷身應死。與敵同讎事已非。脫幘收時光燄動。屬餽後。怒濤飛。孤忠願抱千秋恨。不共蘄王早見幾。以道

彭無山給諫自河工召復原官喜而有作

三年薄宦卧江干。鳴鳳今朝刷羽翰。暫屈鄴侯參幕佐。忽宣唐介拜原官。重來寰海皆傾聽。一入朝廷便改觀。漢室淮陽終不召。須知納諫古今難。使事

結意反觀出聖朝納諫工於立言

替亢陂

提劍荆卿勇絕倫。浪將七尺殉強秦。燕雛未報韓雛復。狀貌原來似婦人。見重智而不重勇也

王導

本無勛德濟艱危。儒雅風流事又虧。臣族早知三窟就。風塵休障庾元規。江左夷吾何處生活

溪聲

結廬何日住深山。竹月松風相對閒。却笑溪聲忙底事。奔流偏欲到人間。

聞鷓鴣

月照霜華石磴危。鉤輈苦怨客歸遲。故鄉亦是驚國朝詩別裁集

卷十六

三

教忠堂

魂地只恐山禽尚未知。此作者驚弓之言不覺愁苦乃尔

陶元淳字子師江南常熟人康熙戊辰進士官昌化知縣

暮歸僧寺和潘九儀韻

暝色城先到人聲野更稀。山深難得月。水暗欲濺衣。騷魅憎人過。蟲沙得地飛。迷途知未遠。鐘起喚君歸。

臬司劉公枉書惠存詩以志感

一官萬里尹蒿萊。幾個生前歸去來。况復勞心陽子拙。敢云流涕賈生才。曉消瘴霧千山淨。春到蠻花滿地開。從此不愁風土異。生還終望我公哀。子師先生

負曠世才作吏鬱荒視新恩二州猶爲
福地則義同竄謫矣可與東坡表並讀

和唐張謂韻

道路非難作吏難一洲鰲背立郊壇人言瓊管曾
開府我道囚山合挂冠萬里親知春夢斷一生事
業暮潮寒新恩已是投荒處却望新恩福地看
如此途窮欲進難朝天漫上越王壇高不合伸
強項逐裸何須岸大冠徵外山河逢帝醉心頭鐵
石向人寒長安日下猶言遠窮海孤臣那得看

臬使劉公
詩同意

史申義

字蕉飲江南江都人康熙戊辰進士官翰林院編修著有蕪城集

國朝詩別裁集

卷十六

三

教忠堂

由富陽至龍游

沙禽亦無數格格野塘秋孤棹有時泊遠山相向
愁月明烏柏樹人散白蘋洲何處津樓上無眠聽
櫂謳

南海雜詩

石壁猩猩語驚心百粵東四時山葉綠五夜海霞
紅日月搖溟渤星河浸祝融鷓鴣飛不斷只在荔
支叢

三語言地氣之暖四語言東土日出早也即海日生殘夜意

曉上越王臺扶胥海色開山連鰲闕近潮射虎門
迴瀾座荔奴雨吹香椰子杯崎嶇未朝漢割據亦

雄哉此弔尉
佗之霸

海雨花陰候春泥屐響聲鷓鴣髮簪抹屢紆扇過清
明瑤瑁潮通市芭蕉綠上城昌華鼓舞院銷盡美
人情

此狀風物之明麗

南昌

吳楚中流勢未平章江雄濶客心驚芒寒牛斗雌
雄氣風偃魚龍日夜聲黨錮人高徐穉宅封侯事
往灌嬰城豫章樓閣猶堪賦賓主東南異代情

朝雲墓

散盡泥金蛺蝶裘雲藍小袖劇憐君傷心白鶴峰
國朝詩別裁集

卷十六

三

教忠堂

前路一樹榕陰蓋古墳

一女子而死于萬里之外亦可傷矣一樹榕陰其人如在淺淺語自有遠神

吳

字元朗江南太倉人康熙戊辰進士官兵科給諫有西齋集西齋爲梅村令嗣工於詩筆近體清穩尤稱雅音

和振西贈王將軍紫厓

九尺須眉七十身眼中遺老更何人將軍競病詩
無敵弟子丹青筆有神談笑尚能開霹靂太平不
復畫麒麟酒酣拔劍聽君語爲感窮途意自親
玉殿風流講席重故山歸去拂塵容門生爲致荒
厨菜禪客同尋舊院松夢後莊周從笑鷄書成揚
子解嘲龍歐陽筋力猶強健不羨扶攜手一筇

中云執鞭蛇而朝龜龍去一龜字古人每如此用

著書不復為窮愁。獨樂園林散百憂。人乍拋殘塵。
海夢天教管。領太湖秋槎。形東第奇章石。釣具南
江魯望舟。從此終身巢許穩。風光真擬洛濱遊。
復能著書管領名園。偕遊禪客比少陵。所咏將軍不好武。
稚子總能文。尤得幽居之樂矣。太平盛事。於詩中遇之。

題徐太僕遺像

金璫甌國歎荆榛。只為須眉不計身。四海清流真
直節。五朝舊德老遺民。獨先元禮。彈常侍。共幸林
宗。免黨人。畫像吳中前事在。團溪好寫白紗巾。
吳中先賢畫像一卷。此初魏奄而未被禍者。惜未詳其
名。吳中先賢畫像係張謇筆。共三百餘人。今大半歸余家。

題顧亭林遺集和汪安公編修

國朝詩別裁集

卷十六

重

教忠堂

野哭東風學采薇。累臣白首尚單衣。江山有恨憂
天醉。草木無情長地肥。避吏趙岐誰共語。離家王
粲不思歸。祇餘帷蓋蘭臺舊。萬卷淒涼辨是非。

奉和座主東海公山居

存一首

東觀西垣按部居。牙籤萬軸載牛車。集賢手筆詞
頭重。元祐文章叢目初。白髮乞湖狂道士。青山思
潁老尚書。閉門碧草閑秋色。獨把遺編恣獵漁。
書衆欲致之重辟。而一聖祖許其書局自隨。保全舊臣者至也。擬
以賀監歐陽公不言君恩。而君恩在言外矣。得立言之體。

贈張穉昭

相府蓮歌樂府春。清尊檀板話窮塵。誰傳天寶淒

涼曲。柳市當年舊玉人。

花前月底奏新聲。夢斷昭華玉殿塵。記得雲間歌
第一。貞元朝士已無人。
此贈舊歌者。與劉夢得贈歌者何異。聽
舊宮人穆氏唱。歌二絕。句一種風神。

徐賓

字虞門。江南華亭人。康熙
戊辰進士官給事中。

遊梁詩

雄都形勝古梁州。匹馬衝寒訪上遊。地控燕秦開
閭域。天分南北鎖咽喉。平鋪白草千原曠。忽折黃
河一線流。試上高臺還極目。城邊睥睨夕陽秋。

董思凝

字養濟。山東平原人。康熙
戊辰進士官觀察使。

擬古

國朝詩別裁集

卷十六

重

教忠堂

楚人重菰葦。施林蘭為荆。杞宋人寶燕石。安知球琳
美。真偽詎難分。奈何徒貴耳。觸熱趨炎金。浮名取
青紫。豈不羨時榮。願言敦素履。黽勉以為期。毋為
識者鄙。

聽周紫海先生話海外三山之勝

塵世難向蓬萊遊。空懷三山縹緲之銀樓。年光彈
指如飛電。安能一室兀坐生煩憂。嬾雲先生負奇
氣。青瞳綠髮仙人儔。與余素心授寶訣。人間何處
無丹邱。更言曾厠仙人裏。天風颭颭雲霧起。左携
東王公。右携赤松子。仙山迢迢高入雲。方壺員嶠

氣氤氲側身俯視小天地鸞囀鳳嗽空中聞忽然
駕岱輿羽蓋斑麟車琪花雜瑤草六甲備行厨於
是振衣長嘯躡足雲巔滄海一掬萬山如拳白鶴
翔兮凌厲神龍下兮蟠旋雙童醉舞兮婉轉素女
含笑兮翩躚螺書薤篆人不識赤文綠字誰與傳
我不知方丈之峰幾萬里扶桑之木幾萬年白眼
悠悠誠下士欲往從之道如咫尺古來慧業多能仙
何必丹砂與玉髓秦皇漢武非仙才鞭山驅石何
為爾詩成笑傲俯人寰天驚石破開心顏朱草紛
披誰處所白雲蒼莽何時還

識得人間何處無丹邱則篇中所云俱作夢遊天姥觀可矣詩

國朝詩別裁集

卷十六

五

教忠堂

境絕逸亦微青蓮

石為松

字五中江南如皋人康熙戊辰進士

秋日坐秦淮水榭聞故老談金陵遺事

木落江南秋暮天開元訴罷轉茫然荆榛曾記從
龍日輦鼓還傳失鹿年夜月照殘樓十二金風吹
冷殿三千憑誰坐說長江險玉樹歌終亦可憐

國朝詩別裁集卷十六

國朝詩別裁集卷十七

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

孫致弥 字憶似江南嘉定人康熙戊辰進士官侍讀學士有秋左

館選後與趙文鏡同羅岸從幾瀕於危矣卒以非辜得雪後聖祖巡幸時以獻賦復官翰林至學士時筋力於唐人無綺靡習當時推為作家戊辰諸公並推重之

江行雜詩

一舸淹晨夕。平沙穢落曛。江潮晴湧月。山火夜燒

雲。黑想蛟涎出。腥愁虎氣聞。明朝牽百丈。回首白

鷗羣。錄句近岑補闕宋人便一直寫去

國朝詩別裁集

卷十七

一

教忠堂

鷺鷥村下路。停策弔沉淪。大義存晞髮。高風緬補

唇。明時甘浪迹。亂世得全身。搔首嚴陵瀨。南陽有

故人。晞髮補唇一聯過謝翔墓方千宅也五六分承結到嚴陵釣臺乃見宗主

城迥浮雲外。舟移亂石間。波光能奪月。灘勢欲驅

山。過險心猶悸。思鄉髯欲斑。君看松頂鶴。雲暝亦

知還。

福州道中

指點三山近。輕雲護翠微。曉烟榕葉暗。春雨蔗田

肥。野女修椽笠。溪人浣氎衣。啼鶻苦竹裏。爭道不

如歸。

秋感

遼海關門百二雄。長城萬里憶先公。儲胥自有風

雲護。部曲空成帶礪功。一戰龍旗勞汗馬。廿年貝

錦怨藏弓。不堪蔓草祈連塚。况復銅駝恨未窮。自注

丞贊遼十載嘗蒙龍文大森四王及黃鎮南輩皆出麾下。郭今公節曲皆封公侯李義山詠渾瑊詩有咸陽原上英雄骨半向君家養馬來詩中亦同此感也

詠史次王玠右先生韻

南都歌舞動雲霄。回首燕臺王氣遙。燕領何年馳

鐵馬。羊頭此日揔金貂。霓旌小苑明秋月。錦纜長

江泛暮潮。龍虎親軍三十萬。登壇空想霍嫖姚。此見

國朝詩別裁集

卷十七

二

教忠堂

不能周防而金貂皆歸銅吳雖長江天塹不能守也下章無選優伶言之

六朝遺恨水潺潺。金殿繁華閉翠烟。但聽臨春歌

玉樹。不聞清廟奏朱絃。銅駝泣露飛鳴鏑。鐵鎖沉

江渡戰船。虎踞山前明月在。秋風怨絕李龜年。

同駿思大年訪華天御先生

蒲帆片片帶斜暉。路轉蕪葑興不違。白露為霜楓

欲脫。澄江如練雁初飛。滄桑廿載衣冠在。猿鶴三

軍事業非。回首悲笳驚日暮。新亭風景一沾衣。

感舊示魏禹平

寒燈無燄醉曹騰。獨對遺編感慨增。複壁人曾藏

北海墓門。劍許掛延陵。全家大節存忠孝。三世深交歷廢興。郭隗臺荒荆棘裏。茫茫振觸恨難勝。自注：郭隗臺在延陵許御乃與子敬札中語也。忠節公父子忠孝中丞物佐其歸葬延陵許御乃與子敬札中語也。忠節公父子忠孝中丞公子身仗義三世交清合并寫來遂覺生氣滿紙

至江寧再疊前韻

蔽日浮雲已暫開。先秋偏覺氣悲哉。燕歸知入誰家巷。鳳去愁看舊日臺。胥靡敢期通帝夢。檻車羞比霸齊才。炎歊苦憶涼颼好。憑仗悲笳及早催。此學罪後重至金陵作也。齊靡之夢。虛期檻車之微。無望詞近退藏而用世之懷。勃然言下矣。後之遇合已兆於此。

同介修孟游集元夫園居即事抒懷

國朝詩別裁集

卷十七

三

教忠堂

朱絃寥落賞音微。尊酒論心靜掩扉。遮莫文章供齒頰。底須愁病減腰圍。駸駸七日堪千里。大鳥三年始一飛。醉拂吳鉤談轉劇。主人忘送客忘歸。

張尚瑗

字弘遠。江南吳江人。康熙戊辰進士官翰林院庶吉士。改書家之類。平原柳誠題也。生平宗法昌黎。故尤工古體詩。稿止鐫進閣。粵作今全稿散失矣。深為惋惜。去官後。笑疏諸經甚富。已鐫者有三。傳折諸。

上灘

順流船似箭。逆流船似絆。衢陸地勢殊。牽輓程難算。江底清無泥。齒齒白石粲。船石相磨治。聲確水初泮。深者四五尺。淺或未及半。牽船蹋水行。挽衣

不掩肝。膠淺筌難施。肩舁雜呼喚。已前而後。却欲迎。或還扞一灘。抵數里。一里或數灘。灘灘行相續。侵曉到日。肝惶恐。黯黯名熟。聞心已憚。豈識激紋江。驚湍尔許悍。長歌行路難。擊楫發三歎。起二語諒篇之意。後形容上灘險難不遺餘力。令讀者目駭心悸。離亦音數收十五輪中。

九鯉湖

艱哉觀瀾亭。所歷皆懸度。過此鳥道絕。從遊慄相顧。途危景益佳。興發情無怖。身非鄴侯骨。暫作壁間步。強半蛇蟻曳。有時猿猱驚。磴斷體欲絕。根蟠足稍駐。琮琤綠絲竹。澗爛漫琪珎樹。擘水石雙門掛。

國朝詩別裁集

卷十七

四

教忠堂

嶺玉三柱。却望珠簾垂。銀潢屑煙霧。直下去無幾。迢迢勞予溯。湍駛何潺湲。褰裳不可渡。長嘯向白雲。茫茫蒼靄互。徑路斷絕。緣壁而行。蛇蟻同曳。猿猱並騰。服其真寫得出。巖巖黃山。蓮花溝。百步雲梯。曾親歷此境。

謁韓文公祠

揔角誦公文。不啻編三絕。半世味公道。無能劒一呖。維公不朽姿。薄雲貫虹蜺。謗傷與誇銜。兩者均蠔蟻。氛氲一辦香。萬古應同熱。舉何末生敢云景。行切潮陽謫宦區。偶然鴻爪雪。藉此滌炎陬。海濱斗杓揭。湖流漾清派。峯勢環飛岳。江山銜明德。臨眺心神澈。白雲飄檐楹。恍惚憶靈旗。掣公之行道。只在倫常日用。不持

誘傷者可啞即誘術者亦見之未真也詩原道篇自得次章并其弟子表之明其銘治人才有功後學

史公識尊聖。世家表弟子。後雖未敢例。義在可竊。比濟濟伊洛徒。游揚復羅李。韓門數入室。若籍湜服喜。唐宋兩朝史。附傳共編記。匹夫百世師。坡言得之矣。配禹尚非誇。傳軻又何訾。荒荒海水南。明珠孕天水。過化遂成材。廟食芳蘋芷。蚪枝侍郎木。檜楷同疑疑。

觀音巖

巨靈施崑刀。劈破青玉筍。千里插江面。削平如概。準羣岡互起伏。離立車連軫。獨此琨瑤屏。截肪無國朝詩別裁集

卷十七

五

教忠堂

栗疹頂蠱日。黯黯趾沉波。泯泯一綫裂。石罅虛中。駕蘭櫓香華。髮陀像。瀕洞棲谷牝。淒風颯然來。猱攫度必實。安得立三分言。從伯昏啓。王漁洋賦此題中云騎危躡虛空險絕縲鈎梯此云一線裂石罅虛中駕蘭櫓可以互證想見左右石壁危闌駕壑此巖未易登也

彈子磯

競秀英州山。臨江多俯瞰。觀音與彈磯。巉絕奇尤占。劃然千仞壁。削出長天塹。鴻濛開闢時。鬼斧安施鑿。蚪柯縷絡之。蒙茸紛碧紺。乳竇小於拳。疊然不容飯。相傳廣明賊。彈落金丸陷。雄非天山矢。險異蜀門劍。但見灘流駛。湍急不可攬。懷古夫如何。

寒風江湛湛。漁洋南來志云彈子磯懸崖千仞如洞如厂斧鑿鑄鑊指於鬼神詩中亦可互證廣明賊未詳

仙霞關

七閩路與中原通。怪事咄咄驚天公。同連嶺複雲樹匝。飛鳥不度猿猱窮。微茫一線走絕壁。誰鑿溟津開鴻濛。二十八盤尤斗絕。路難直似摩蒼穹。王公守國天設險。嶠函輾轅自古崇。茲豈小巫怯百二。偏隅冷落箐篁中。正恐五丁力不到。無諸偪強憑。礙礙爾來文物盛。唐宋舟車衢信當。要衝地形蟠曲甃磴道。史浩於此開榛叢。宋明王孫兩遺種。哀哀望帝啼鵲紅。日者井蛙跳淞水。高擁黃屋彎國朝詩別裁集

卷十七

六

教忠堂

朱弓陰平夜。總渠帥縛崑崙電掃巢穴空。雖云負固不可恃。車箱箭筈名益隆。熱行五步一回首。僕夫告瘁心神忡。殘旗折戟渺何許。故壘瓦礫餘蒿蓬。淙淙飛泉下幽壑。朝衝百道鳴豐隆。迴谿互證前路失。恍惚七聖迷崆峒。南風不競自天道。嗟哉豎子時無雄。欲呼真宰鏟疊嶂。永俾灌莽無伏戎。左鼓右旗列几案。挖舟舁輜從西東。懷古登危重興歎。溟茫襟袖侵霜零。仙霞關為閩越扼要界而二十里為級三百六十曲二十二宋史浩所開闢也

查昇

康熙中進士。精忠謀。越此開制府李之芳以兵退之卒以就禽中一段正指其事。縱橫排界一氣。旋契得昌黎之氣骨。字仲章。浙江海寧人。康熙戊辰進士。官至少詹事。著有澹遠室集。官詹書法得董文敏之神。入直南書房時。聖

祖屋稿
實之

訪吳采山不值

秋水乘孤艇。沿緣亂葦間。時看黃葉落。境共白鷗閒。
林影溪邊屋。鐘聲雲外山。故人今不見。月出棹歌還。

過浦口和清字

公路浦口浦水清。甘羅城外征人行。大河直下千萬里。
哀雁差池三兩聲。南國浮雲天際滿。異鄉秋草夢中生。
側身四望渾無盡。新月江關一片明。出杜

國朝詩別裁集

卷十七

七

教忠堂

陳文樸庵招賞牡丹同人即席分賦

得明字

金谷何如蜀錦城。放翁舊譜閱天彭。置身富貴何須早。
到眼雲霞覺倍明。丁字簾前圍蝶翅。午時畫裏驗貓睛。
風流共憶清平調。合座春光醉玉罍。牡丹貴字最易近俗此翻用之轉覺其雅死活之別也。埋雅載人得畫牡丹與貓一幅莫辨精粗識者謂花枝哆而色燥此正午時花也貓眼黑睛如線此正午時貓也貓旦暮目睛圓日午漸狹長正午則一線矣用來恰好上一句以貓貓作陪襯也

八里莊

斷井冰膠汲水痕。炊煙三兩不成村。客嫌南語呼難應。
門對西風火不溫。白月荒途深夜杳。黃沙野菜雜蔬盆。
耳邊俄覺秋濤捲。卧聽駑駘斂草根。

陳大章

字南山湖廣黃岡人康熙戊辰進士著有玉照亭詩鈔。楚風舊沾鐘譚餘習後又變為凌厲芒角多而性情隱矣作者於平路釋一語恬和可以規其可養

九江夜泊

解帆及夕陽。繫舟傍枯柳。天低九派流。浪抱孤城走。
奇峯插斗南。雄勢壓江右。雲中五老人。見我時招手。
靜夜冷魚龍。古戍沉刁斗。欹枕不成眠。且飲潯陽酒。
舟中望見五老轉云五老招人如此用筆便覺靈活

甕山拜律耶文正公墓

林轉河陰長。遙峯祭可數。迤邐得甕山。嶽嶽若覆釜。
劫火土一抔。英靈耿萬古。元祖昔龍興。戎馬日

國朝詩別裁集

卷十七

八

教忠堂

旁午微公濟世心。斯人盡豺虎。荒祠香火微。斷碣聚鼯鼠。
漠漠望秋雲。含情空激楚。律耶楚材遠之裔也輔元祖有濟世功于楚西

山曾拜其墓

王文成紀功碑

碑略云。正德己卯。宸濠叛。稱兵向闕。破南康。九江。攻安慶。臣以列郡兵復南昌。宸濠擒。餘黨悉定。天子聞變。赫怒。親統六師臨討。遂俘以歸。末云。式昭皇靈。嘉靖我邦。國時庚辰正月也。明年嘉靖入繼大統。果符其識。先是公將獻俘闕下。江彬等檄令縱

之鄱湖。俟上親戰而後奏凱。公不得已間
道入杭。以濠授張永。遁入九華山。隨補奏
序彬永等功上之。然公卒無賞。嘉靖初下
其議。乃起為南京兵部尚書。封新建伯。

武皇巡遊不知疲。朝御豹房暮京西。羣狐跳梁
且舞。搖搖九鼎一髮危。宸濠繫踵真錡起。盤結肘
腋成窮奇。堂堂孫許仗節死。孫中丞挺東南傾刻翻
潢池。度州中丞屹柱石。忠義憤發非人為。同時幕
府盛才傑。太守伍戮力共豎天王旗。黃石磯前一再
戰。掃除凶燄無子遺。事不決旬功再造。隻手半辟

國朝詩別裁集

卷十七

九

教忠堂

扶坤維。當時廟謀亦癡絕。露布已上重誓師。天子
自將佩將印。六軍雷動江淮湄。謗書何止盈一篋。
當關虎豹皆狐狸。深謀豁達格神鬼。苦心退託隨
髭。繼開先寺前七佛碣。旁有大大字鐫崔嵬。雅頌嚴
正揭日月。蚪蚪錯落拏蛟螭。改元兆識實天啓。酬
庸錫爵開禎期。平原之書次山筆。千載以後非公
誰。昔從流傳看損本。頃來石壁瞻豐碑。公之英烈
傳萬古。求之翰墨。蓋已卑區區。羣兒肆口舌。劍首
一吹終何施。嗚呼奇人奇功不世出。使我摩挲再
拜興嗟咨。

真緒安化王也。先宸濠反。楊一清仇誠討平之。王守仁禽宸濠。只三十六日時。安遷伯許泰太監張忠等皆受宸濠賄。

恐守仁見上發其罪。轉言守仁先與宸濠連。後乃變計。武宗知其忠。不信。復言其必反。多方沮抑之。守仁先以宸濠付張永。既乃入九華山。僧寺待罪。得免。詩中直陳始末。作傳讀可也。

登小孤山

蜀江萬里浮鴻濛。洞庭勢挾彭蠡雄。小孤突起插
天半。百川砥柱為之東。磴道虛無動寒色。漁舟一
葉傍絕壁。蛟鼉正晝吼風霾。決泝孤雲天地白。參
差樓觀麗朝霞。繡盤珠箔顏如花。陰巖咫尺蓄雷
雨。怪樹千歲盤龍蛇。吳楚雄關此第一。折戟沉沙
莽蕭瑟。憑闌決背倚半酣。盡捲乾坤入詩筆。隔江
清霄有彭郎。銀河帶水遙相望。舟師招手聞絕叫。

國朝詩別裁集

卷十七

十

教忠堂

急赴南風過馬當。

小姑據彭郎東坡。偶然戲筆。後人輒以此相譏。殊可笑也。此出以端重之筆。能脫窠臼。

送胡卜子南歸

春光叫徹粟留音。贈別何堪折柳吟。空說高臺收
駿骨。祇應敝帚享千金。五更風雨窮交淚。驛路鶯
花故國心。白雉岡頭荒圃在。未妨述作老雲林。

次韻姜西溟秋日雜感

珥筆頻年在石渠。一囊官粟百無餘。自注君久與史局食俸而未得官。
伯鸞本不因。人熱中散從知與世疎。尺蠖屈伸存
我法。蝸牛負戴亦吾廬。短檠取次新涼入。珍重窮
愁且著書。

戊子生日書懷

少日凌兢履畏途。抽身雲水補桑榆。負薪未便慙翁子。學句猶能傲達夫。勛業盡拋青瑣客。形容尚類列仙癯。蕭條四壁空無有。新挂廬山瀑布圖。自注時有

遊廬山之意

觀化久師齊物叟。忘機甘作灌園人。熊魚自古難兼味。木雁中間可置身。野艇籠煙催放鶴。斷槎歌石坐垂綸。一編最愛襄陽傳。聊為清時備隱淪。

陸

寅字冠周浙江錢唐人康熙戊辰進士。冠周高士麗京之少歲即有操筆拔地之勢。遺困厄詩品愈高。刊文集時名未成也。戊辰後詩無刊本故未得見。

國朝詩別裁集

卷十七

士

教忠堂

岐路行

出門竟何之。東西南北皆路岐。僕夫執轡馬躑躅。驪歌一聲聲最悲。道傍桃李似惜別。飛花故撲金屈卮。人生目前貴適意。不如還逐屠沽兒。兄袁盎弟灌夫。相逢自負高陽徒。櫛梳百萬能呼盧。朝金張暮許史。拔劍欲為知己死。眼前誰是嚴仲子。

宣德箭歌

丁巳夏。余在長安市。有驚爬背麻姑爪者。視其桿。有宣德八年。餘干縣所貢竹箭字。後無所用。散落民間。改為爬背之具。余乃

作歌

長安城東驚廢箭。故老欬噓萬人看。金鏃敲殘鼓。鑄鋒鴉翎落盡丹黃變。棄擲風塵未嘗試。老桿分明宣德字。玕惜曾教武庫藏。標題尚識良工製。高皇昔日戎衣著。劍掃妖氛定雄略。已見蒲稍入大宛。更聞蒟醬開印笮。茫茫九服初通貢。竹箭東南待弦控。包茅常例豫章來。司空檄取官胥送。貽謀孫子但垂衣。夜夜黃星護紫微。三殿日高香不散。上林花暖燕羣飛。夕烽并罷平安火。服御深宮無一可。青蠶燒出碧雞成。熏鑪製就黃金裏。內家擎

國朝詩別裁集

卷十七

士

教忠堂

獻龍顏。動流落人間。至今重金馬。銅駝倏已非。石砮枯矢成。何用只今新製逾工巧。故物休言舊時好。猛將難調神臂弓。仙人且代麻姑爪。君不見銀泉山下草蕭蕭。狐兔秋原正寂寥。仰天大笈羽毛落。一箭穿雲看射鵬。明自宣德後武備漸弛。至正統而有土木之變。矣。從廢箭中發露此意。燕入宣德宣間筆。

秋日憶家大人粵遊

又見秋風動。蘆花江渚飛。忍看時序變。猶與老親違。遠信無他語。深情祇望歸。應憐揮手日。兒女共牽衣。真學近杜

自笑

自笑桑弧志天涯只布衣到家翻是客逆旅豈如
歸白日從愁盡青山入夢非絨書與僮僕為掃釣
魚磯五六寫盡作客人心事青山入夢非即夢裏還家不當歸意此覺更簡

錢塘懷古

祠廟吳山草木凋蘆中窮士舊吹簫眼看吳市東
門甲怒捲錢塘八月潮烏喙竟能亡敵國魚腸應
悔刺王僚錦帆一片風流盡白馬紅旗浪裏招史記正義謂錢門即鮮門後改封門子胥云懸我自於東門之上以觀越寇之入也梅刺王僚見位傳傳之子孫越未必滅吳也前此無人道及

秋日雜感

國朝詩別裁集

卷十七 三

教忠堂

翹首天涯那可憑丹楓一望淚初凝卻羞軹里逢
嚴遂曾否夷門辱信陵攬鏡未應頭似雪埋憂不
辦酒如澗棹歌且逐中流去蕩槳操舟我亦能顛顛見不

達知
已意

沈名孫

字嗣房浙江錢塘人康熙庚午舉人選修縣知縣未赴著
有梵夾集漁洋香祖筆記中載門人沈嗣芳詩話三則
本字嗣房筆記中應誤書

題畫冊

蓬開獵獵風脚舵曳瀾瀾浪痕杜宇飛遶蜀道哀
猿啼處荆門遠紅夕照千里濃綠垂楊幾村已到
落帆亭下客心還怕黃昏六言律詩
備備一格

去京師

望望南天雲樹迷滄浪仍卧釣魚磯誰言京洛縈
塵滿我獨還家是素衣子諫白燕末二語云京洛何妨共栖宿
素衣未必化為縹緲有同心也第嗣房寫

丙戌榜前夢羅昭諫見過

鵲袍烏帽一先生刺寫江東給事名八百年來成
把臂可能同訪舊雲英自注昭諫有贈舊妓雲英詩我未
成名君未嫁可憐俱是不知人
湖磯歸理釣魚蓑收拾從前淚點多笑煞江南村
使者有名金榜便如何自注淚擬何門落玉盤昭諫句江南有
使來聘越不知有羅給事問何以故曰

只為金榜無
名所以不知

國朝詩別裁集

卷十七 四

教忠堂

惠周惕字元龍江南吳縣人康熙辛未進士由翰林院庶吉士改
授雲南知縣著有研溪詩集○研溪先生受業於堯峯汪
氏政詩格每兼唐宋然皆自出新意風神轉佳不似他人撫拾宋
人字面以為能事也生平遠於經學貫穿融決亦不第以詩家品
之目

出門

饑寒逼腐儒顛倒作奇想長安遠於日無故思一
往曾聞丈夫雄咫尺視天壤豈知適千里三月費
勞攘為裝迫旦暮無乃太鹵莽蕭然一室中何物
是行帑念此壯心摧低回轉悵快出門心事為起手十字
道盡然能抱道守拙飢
寒亦不
能適也

浮雲翳清晨孤帆雨初注結束上高堂迴遲更千

慮苦心發。懽顏但道舟楫具。小兒不知愁。牽衣乞同去。不忍與明言。多方使之誤。送行雜親朋。刺刺語及暮。風急雨漸稠。篙師發微怒。郎今何多談。明日誰與訴。

夜坐有懷

青天如澄江。片月初洗出。草光露離離。樹影風瑟瑟。寒更夜點疎。驚羽孤飛疾。惆悵不成眠。懷人坐終夕。蘭極高極

從赤城至國清寺

千山萬山渺何處。塏影層層國清路。斜陽林外送國朝詩別裁集

卷十七

五

教忠堂

微風布襪蕭然。蹋雲去。寺外澄潭一鏡圓。連漪倒浸青蒼山。長松蜿蜒落潭底。白日疑有蛟龍眠。泉聲曲折引我入。菩提一樹高摩天。龐眉老僧可人意。為我掃石開禪關。匏樽酌茗薦瓜果。野味足洗官庖羶。坐來庭徑轉岑寂。脩竹杳窈聞清猿。北窗跛脚許高臥。水簾蔭借青琅玕。始知物外即幽曠。化城何必離人間。念昔平生俱道長。行驂劫劫無停鞭。三年席帽客京國。口識甘苦難為言。今歲崎嶇浙東道。水浮陸走行三千。自注自錢塘太末永嘉至台州將出紹興計三千里矣人生如此竟何為。空使慘戚凋朱顏。誓從今日挾塵

網山深林密行盤桓。桃花流水跣足渡。鬼我半醉來參禪。但寫國清之幽曠易於平直得平生道長一段以往日之艱辛觀目前之游行彌覺偷然物外趣味無窮矣七言古須於平直

曲折

贈維揚顧書宣

維揚顧子文章雄。渡江問我清溪東。入門一見便驚絕。袖底詩卷光熊熊。造次手攬讀未徧。齒牙陡覺生清風。君言學詩二十載。前後正變差能窮。人生眉眼不自見。願以妍醜煩青銅。余時怵惕未敢荷。君才何健詞何恭。吾身貧賤困荆棘。竊弄筆墨吟三冬。一言落紙與俗忤。口排叻擊轟兒童。邇來國朝詩別裁集

卷十七

六

教忠堂

讀書但自省。得失豈暇爭。雞蟲聞君議論復感發。如替得相行有節。君才趨捷實倍我。何以屬我相磨礪。乃知賢者不自伐。虛襟苦抑由中充。從今尊酒托末契。女蘿裊裊緣長松。得聞君善我必勸。若遇我過須君攻。昌黎韓子昔有語。終始相合如駟騅。君今別去正秋暮。得句幸寄南飛鴻。眉眼不自見二語妙喻不減東坡

同諸君興聖寺看杏花

誰剪明霞散山曲。千枝萬枝紅簌簌。五家合隊麗人行。杜老曹騰看不足。聊憑杯酒添春酣。烏帽欹

斜尚可簪客路。心情似春雨。晚來和我夢江南。必欲引古

花典實便是笨伯妙處正在離即間也然得此解者甚難若竟以不切為能則又誤會其旨矣

再賦一首示端木及同游諸子

西勾之西花為國。暈碧裁紅關顏色。杏花今歲開獨遲。不共棠梨作寒食。嫣然一笑破寺中。恰似詩人在遷謫。嬉春寶馬空當當。盡是看紅不看白。看紅看白

遺山楊郎愛惜攜酒過。花欄日底相婆娑。清香泥人著。相席酒鱗瀉影搖紅波。花如有情解留客。到手莫負金巨羅。春風去矣綠陰合。明日花老君如何。

正值改官縣尹時隨所感觸俱成妙語按其詩稿中之

國朝詩別裁集

卷十七

七

教忠堂

夏日寫懷

自從飛鞚到人寰。最憶城南香水灣。旅舍一涼來好雨。竹牀昨夜夢青山。藕花風繞湖三面。紅豆陰輸屋半間。更有西鄰垂白叟。來言玉桂待同攀。

重九潘長公恬庵昆仲招同魏蒼石飲太白樓分韻

樓分韻

天圍睥睨擁南樓。畫稅飛甍俛濟州。千載尚餘高士蹟。一尊今續酒人遊。碧雲淡日黃花節。紅樹西風白雁秋。客裏放懷須酩酊。莫教帳觸故鄉愁。

敝裘和查夏重

一番淒風促暮砧。漫傾殘筇付縫紉。絲紋斷續難容綫。毛理稀疏不受鍼。猶有餘溫勝短褐。還將獨夜抵重衾。歲寒惟爾堪相倚。忍為豐貂易素心。一結是前意之厚待物待人俱如此矣推而廣之詔求故劍亦是此意

再用衣字韻悼亡妾趙氏

春時初嫁秋來病。九月東遊我未歸。獨擁寒衾壓鍼線。辛勤還為寄冬衣。年來無夢到彤扉。臥聽三商玉漏稀。記得去春風雪夜。添香喚我著朝衣。

棹歌

國朝詩別裁集

卷十七

大

教忠堂

秋光瑟瑟半江紅。花事闌珊到水荭。昨日芙蓉今日老。一年生怕鯉魚風。

楊中訥

字穎木浙江海寧人康熙辛未進士官春坊中允

高郵道中書事

秦郵幾帶盡荒蕪。清水潭連甃社湖。草舍寒煙何處在。貧家斗粟料應無。空懷憂國長沙淚。難繪流民鄭俠圖。聞道今年秋正熟。官租想已半追呼。

陳鵬年

字北溟湖廣湘潭人康熙辛未進士官至河道總督謚恪勤著有滄洲詩集

述憤次李崆峒韻

攬鏡歎疇昔。我生良不辰。遭逢承平世。罪戾蓋有

因束躬待斧鉞。奄忽彌十旬。天怒諒可回。恩波浩無津。翼命重遲迴。已足感臣鄰。永念衰病母。江湖隔昏晨。恐懼心膽碎。兩泣鼻酸辛。上有聖明君。下有垂白親。此為制府彈劾後作於獄中不忘君親可以想其胸次。○空峒為劉瑾所陷有述憤作故恪勤追和之

新春雜感次韻和中山

鐵瓮城邊路。金焦江上山。蛟螭蟠地軸。豺虎踞天關。皎日羣陰散。春風十畝閒。煙雲儼圖畫。蠟屐好躋攀。恪勤兩次為制府劾効待罪京江故稿中京江詩獨多

京江雜詩

傑閣俯城陰。闌干每一臨。曲阿秦郡縣。北府宋園林。山色分吳楚。江流自古今。春風滿天地。無限望鄉心。

國朝詩別裁集

卷十七

九 教忠堂

送靜庵僧之五臺結夏

五月正炎熱。山寒不可勝。好將雙赤脚。去踏萬年冰。虎石階前伏。龍雲盃底興。欲隨飛錫住。松雪路層層。

江干

愁雲毒霧鎖江干。院落沉沉晝景寒。獵虎千重森鐵氣。宮霄何日下金竿。迢迢肺石呼難徹。寂寞丹心淚已乾。蟣蝨一身天萬里。仍依北極望長安。漢安之院

時時流露故終免於難

與許謹齋都諫夜話

琪樹琳宮鎖寂寥。逢君燒燭坐寒宵。三春華髮棲江表。五夜丹心戀聖朝。禁闥似聞憐讜直。湖山自合老漁樵。鯉魚風裏桃花水。共聽南徐早晚潮。時公詩有鵲盟字。制府奏其連結海寇必欲致之於死。猶東坡詩之誅檜也。賴天子仁聖明其無辜而公亦瀕於危矣。詩中似聞憐讜直此也。

移寓城南草堂紀興

北堂遙隔楚雲西。遠近浮槎理亦齊。豈有園官供菜把。仍催稚子樹雞栖。寄奴井在泉堪汲。丁卯橋荒路不迷。比似成都留杜老。居人指是浣花溪。此在京江

國朝詩別裁集

卷十七

十 教忠堂

冬日感懷

時移寓玩其詩意若欲終老於此者然

河淮重寄寵旌旄。方略頻傳霄漢高。中夜扁舟偕春鏑。經年匹馬狎波濤。廟堂正切宣防計。簿領仍懸撫字勞。漸看海疆今沃壤。桑田兒女獻春醪。此為河工而作乃當日事也下二章追念前事

清時稽古獨優崇。詔許諸儒集禁中。花發上林春窈窕。雪晴阿閣日曛曛。直廬夜檢青藜照。講幄朝呈白虎通。痛定湘纍慙報國。早囊無補但雕蟲。此懷武

英殿脩書而作

平生夢落五湖邊。竹馬重來事黯然。蠲賜歡聲方動地。滯滄秋水又浮天。東南財賦無籌策。士女嬉遊有歲年。春樹萬家煙霧裏。白公隄上每流連。

舊事而作。公先為郡守。後署分藩。故有竹馬重來之語。

黃叔琳

字昆圃。直隸宛平人。康熙辛未。賜進士第三。人官至吏部侍郎。○昆圃先生愛才如渴。聞人一長。必稱揚之。使之成名。蓋宰相心事也。年十九登第。後庚午辛未諸舉。人進士兩詣其第。稱後同年。謙會談。熙朝盛事云。

柏林寺觀李晉王畫像歌

沙陀懷古趨僧舍。駐馬柏林還看畫。素綃拂拭生輝光。神威凜凜須眉張。紅袍玉帶結束好。唐季英

國朝詩別裁集

卷十七

王

教忠堂

雄一目。眇當時。角立有朱三。百戰干戈人易老。國讐未復留遺恨。破碎山河安足問。莊明帶劍左右立。錦囊盛矢受遺訓。誰歟寫照妙入神。李家父子俱天人。鷹揚虎視空一世。經營慘澹傳其真。千載留貽歸淨域。世無別本須珍惜。捲圖四壁起英風。想見沙場萬人敵。

送孫文博之雲南省觀

此去行歌陟岵詩。短長亭外柳如絲。雨過山驛難啼竹。風送江程狔挂枝。花下迎親依曉署。尊前憶弟夢春池。可能裁得相思錦。六六紅鱗寄莫遲。

高孝本

字大立。浙江嘉興人。康熙辛未。進士。知涇縣。績溪著有固哉史詩。○固哉作令。勦強盜。平冤獄。振興文教。以不善事大吏。去官。後徧游名山。以終。兩邑人春秋祀之。

沒字碑

山巔樹石表。雷雨終不歌。捫讀了無字。傳是秦皇碑。東封銘功伐。曷詔丞相斯。或云藏金策。石函外覆之。亭亭霄漢間。觀者徒然疑。祖龍昔多詐。茲意諒可知。六籍既已燬。焉用文辭為。將以愚黔首。徒令萬古嗤。

登華山

萬古神靈嶽。三峰鎮雍州。首陽曾北裂。星宿此東流。臺駐軒皇蹕。天垂白帝旒。行攜九節杖。長嘯訪丹邱。

國朝詩別裁集

卷十七

王

教忠堂

誰開千尺峽。斷處若相連。豈有丹梯接。惟憑鐵綆懸。猿攀巖倒上。鼠伏穴傍穿。自度車箱谷。飛昇傲列仙。

贈王山史先生

紫氣行看近。重重嶺上雲。山尊秦二華。名重漢三

君獨鶴亭初到。如鸞嘯乍聞。欲依張楷市。可許一
屢分。

鹿忠節公祠鹿太常
善繼

自是胸藏十萬兵。提戈出塞事無成。廟堂不惜封
疆壞。門戶惟知水火爭。辛苦四年隨相國。倉皇一
死殉危城。白楊風急祠前樹。猶作金戈鐵馬聲。

姚弘緒字起陶。江南華亭人。康熙辛未進士。官翰林院編修。著有招隱廬詩。

送閻荊州終養歸中州

驪歌聽罷惜離羣。折柳春城倚晚曛。日下重君能
愛日。雲間愧我尚瞻雲。霞觴味並金莖賜。綵袖香

國朝詩別裁集 卷十七 圭 教忠堂

從王殿分。聖主恩深親未老。好承庭訓答

明君。三四自然雅切。不入於佻。

程文正字范村。江南江都人。康熙辛未進士。官工部主事。

采石李翰林墓

蒼蒼松柏繞層岑。謝眺青山葬翰林。天子呼來猶
得謗。世人欲殺亦知音。煙迷墓杳漁樵路。月照樓
空江海心。鸚鵡鷓鴣杯杓好。死生有約酒星沉。
若世人不欲殺。是以尋常待之。矣。語極警。極快。若黃九烟兒之必采入驚天集中。

錢王廟

霸業分星占斗牛。當年氣蓋海山秋。三千客自知

羅隱四十州。空問貫休。鐵箭尚藏遺廟在。錦衣誰
似故鄉遊。殘碑有字還堪讀。玉局鴻文筆力遒。
三四本

作對天
然名警

姚士陞字別峯。江南桐城人。康熙癸酉舉人。著有空明閣集。

月夜泊慈水

舟泊聞宵柝。鄉心正鬱陶。岸蟲秋老急。江月夜深
高。兒女懸雙淚。年華送二毛。嗟余悲失所。踪跡獨
勞勞。

送五弟自注時欲
遊蕭山

官遊記汝懸弧日。一瞬滄桑十八年。早歲負薪廬

國朝詩別裁集 卷十七 圭 教忠堂

吏後重來衣葛故。人前出門含淚離慈母。長路衝

寒值雪天。好認荒祠拜先子。江郎橋畔古壇邊。
別峰考作今蕭山其弟生長署中故有重來衣葛之語

有懷

但分離處即天涯。若個離家不憶家。自笑欲歸歸
未得。也將歸信卜燈花。

顧圖河字書宣。江南江都人。康熙甲戌。賜進士第二人。官翰林院編修。著有雄雉齋集。太史韻語都從性靈流出。無一言依傍。鄙意深喜。但所得詩只二卷。未見全帙。從前與今嗣善不及一惜。今令嗣已成古人。可惜也。

攝生

保國釋外懼。攝生留小疾。朽索馭羸馬。徐行百無

失中疎固其衛獲少靳其出割慾如守疆謹身如縛律不讀黃老書淵冰宜戰栗自恃強健每易傷生留小疾正以攝生也固其衛靳

其出得老氏精強

任運

善走須得途邪徑不可行善博須得盧不關人力成達人期任運世路誇趨管百慮輸一忘百巧輸一誠不見信天翁亦得全其生慮輸於忘任運也巧輸於誠任運中有工夫在更說

密得

息交

君子如春風可愛不可竭小人如酒顏但得暫時

國朝詩別裁集

卷十七

三

教忠堂

熱急弦莫浪彈一彈弦一絕市交莫浪交中路難固結惟當同心人可與論金鐵狀小人之交喻新而確連上二章皆閱歷有實得語

諸葛銅鼓

武侯未築祁山壘先出偏師渡瀘水人言孟獲不足擒股掌玩之徒戲耳豈知北伐用南夷正欲中原掃讐取楚人竿馬供鞭驅羅鬼烏蠻皆效死至今銅鼓散山谷尚戶流傳尚誇侈精銅其質革其音想見援枹兵四起烏蛇龍虎倏離合戎機萬變人難擬曾傳八陣有遺蹟更說旗臺餘故址此鼓千年尚宛存血戰消磨土花紫君不聞定軍山下

陰雨中山鳴雷動聲隆隆埋鼓鎮蠻功未畢反旗走敵恨無窮公之平南夷正為北伐計也議論正大寫銅鼓處亦有聲

斷硯歌為姜西溟先輩賦硯為家梁汾舍人

擊碎

姜侯硯小纔如掌玉膩金清世無兩踰糜發采宣毫爽酒半傳觀各誇賞舍人怒起奪之急甥罵何堪一錢直奮槌頻似玻璃拆滿座失聲留不得物之成毀有由然舍人辯口方便君不見姜侯醉作草聖狂而顛怒貌跑阿龍蜿蜒又不見姜侯著書卷幾千抵突彪固追談遷脫手便有風雷纏廟

國朝詩別裁集

卷十七

三

教忠堂

堂頗復急此賢諸公百僚歷其巔祿米不救飢窘煎馬用此石空鑽研羈窮白首默自憐嗚呼胡琴摔破不復絃唾壺口缺那更全姜侯乃煎麟角鳳觜之膠重綴聯玉蛛吐水調松煙摩挲自謂石可田石鄉可遊吾老焉借舍人口中極抒憤懣不平歸到姜侯恬然自安尤見身分若無此結易流於龐

天平山

山遊窮日返絕勝數天平偉石皆人立歌崖忽鳥驚僧龕雲共住樵路鹿兼行耳畔猶虛響淙淙落澗聲

呂履恒

字元素河南新安人康熙甲戌進士官至戶部侍郎著有夢月巖集少司農時言詩者多欲摹宋桃唐而作者志

趣不但不落唐以下并新追六代以上而從之可云特立獨行者矣今後人之詩尚能驚信家學

斫榆謠

天謂我民何。夏不雨。秋不雨。春無麥。無禾。取彼斧。戕榆則有皮。叶長吏見之。怒形於顏。趨伐其樹。盡其根於田。將報上官。曰維豐年。意古詞古但如此長吏今之所謂良臣也

言詩

詩至唐菁華竭矣。後人取其藩柏。醜而漉之。知不復醇也。乃更雜以醯醢。氣索味變矣。今之有志者。盡力為防焉。

唐虞有賡歌。言志始為詩。渾噩元化裏。包匭理無遺。飲食以為質。采色安所施。有娥既以衰。文質將析離。周雅啓其鑰。楚騷蕩其涯。役精實有物。雲表發高思。蘇李綴遺響。齊梁多蕪辭。卓哉栗里子。清真乃得之。杜陵忠厚人。情深文亦奇。奈何李供奉。獨賞謝元暉。風騷以後獨標陶杜此卓識也小謝非不佳然謂之名家則可耳○一序極佳近人久不敢開此口

卷十七

壬

教忠堂

祖越寺至羅漢洞

空山寂無聲。鐘磬自生響。宛轉松石間。忽來雲鳥上。筋骨未遑安。耳目已豁朗。巖腹正中穿。出入隨俯仰。混沌誰開鑿。玲瓏非意想。仰視縹緲峰。天表撐一掌。其上有飛觀。安能度衰廣。自非餐霞人。邈

然不可往。出入隨俯仰五字寫盡穿洞神理

牛口谷

虎頭巖。牛口谷。山農斤斧入林木。取材為炭充官屋。命與豺虎爭反覆。里胥坐門催軍粟。箕歛斗會麥千斛。鳩聲未已索食肉。終歲許許。不寧邦族。入門手足成戰瘳。戰瘳不足惜。擔負入縣。詰旦歸來。庖芻菽。老者欲死。少者哭。為問哭者何所欲。願地勿生。山山勿生。木不然。寧葬豺虎腹。羨彼鰥寡與孤獨。一身委壑。心無繫屬。願地勿生山山勿生木想奇矣未并羨無告之四民痛楚何似倘有

觀人風者尚其采之

國朝詩別裁集

卷十七

天

教忠堂

長歌行送友人遊大梁

君不見秦川客子曠世之逸才。吟詩百篇酒百杯。但見飲盡市中酒。不知詩似黃河天上來。瀚海鵬飛蔽日月。龍門鱣起隨風雷。華嶽三峰在脚底。蹴踏萬里崑崙摧。三光不舒神鬼怒。帝命文鬼施禁錮。極之所往吾道窮。東西南北遊何處。洛陽古都會才子。如星布。賈誼長沙死。蘇秦燕國去。後來者誰可與言。東里之顰邯鄲步。我生在窮谷。白首事章句。與君相逢松石陬。感君却扇一迴顧。姁好羞見邢夫人。低頭下泣不敢妬。我織流黃君織紉。素

五色為章。不如衣故思公子。子未敢言。怨美人兮。
恐遲暮。浮沉誰許。青雲交莫。問悠悠。彼行路。以茲
傾倒。忘饑渴。歡娛過景。參商濶千里。相思共秋月。
明明在天。何可掇。惟有春風。知我心。一夕吹君來。
潁陰潁陰。西望鄉關。遠白雲。無際山。沉沉箕山之
巔。大崑之岑。芳草清和。夏木蕭森。可以與君握手。
而登臨。胡為杖策大梁去。別恨還同河水深。况復
今日人間世。朱亥侯嬴不得意。但飲千鍾。醉酒
莫問十年不平事。解我囊。治君裝。薜荔衣。芰荷裳。
浩然氣。吐青天上。下視俗物都茫茫。朽腐神奇亦
國朝詩別裁集

卷十七

无

教忠堂

何常錦繡文章。皆粒糠水雲山木生光。芒長歌歌
天蒼蒼。友人先遊西北萬里之外。後相與會合。極服其才思之高。旋又
往遊大梁。恐今日之大梁。雖朱亥侯嬴其能遇合也。蒼茫飄忽
泯承接段落之痕
近人無能為役

關門行自注新安
一名鐵門

哀陳公也。公諱顯元。楚之蘄州人。崇禎壬
午。令新安。以息民為治。時洛郡失守。屬城
邑皆隳。公率民登鐵門。若日夜守陴。不為
動。賊檄公。公碎其檄。大罵賊。怒并力攻之。
皆啟。無少長皆屠。公走且呼曰。糾民守死
者。縣令也。宜殺某。勿苦我民。賊不顧。公持

其刃呼益急。遂殲焉。其子某亦遇難。遺民
三十六人。為負土築墳。予聞諸父老云。

澗水奔山。鋸石根。逆流百折。趨鐵門。鐵門山上壘。
培在居民曰。是陳公屯。瓦礫崩。翻燒黔黑。荒塚草
白天黃昏。猶傳壬午世。反側函谷。關潰無完邑。我
公陟巘。開巉石。率民堅守。勿降賊。賊移檄文。謂公
語。彈丸區區。何自苦。公揮礮石。擊賊軍。雙皆俱裂。
晉狗鼠。黃巾萬眾。并牛力。飛鏃滿眼。天地黑。累卵
難支。巢樹傾。蒼顛黃口。遭封礮。更張空券。無所懼。
齧齧血頸。僵不仆。同時哲嗣。亦罹殃。遺民負土營
國朝詩別裁集

卷十七

三

教忠堂

早發襄城

旅客聞雞早。征車發驛亭。江城搖落月。石棧出寒
星。林啟前村白。天迴遠岫青。七盤關下水。幽咽不
堪聽。

梁州

蜀道天難上。梁州路已遙。岷嶓蟠地。戒江漢導南。

條落日七盤嶺。晴天萬里橋。獨留懷古意。歌哭未能銷。

留別漢南諸子

白起城邊草。年年怨別離。漢王臺上月。夜夜照相思。岐路自茲去。故人何處期。泔淪數行淚。東盡漢江湄。茲取其格不在語言之工

棧中

九折征鞍一敝裘。壯遊心曲在梁州。山當子午縱橫處。水落褒斜日夜流。秦氏餘威碑字滅。漢家殘燒石痕留。昔年義舍勞尋問。衰草寒煙見旅愁。

國朝詩別裁集

卷十七

圭

教忠堂

近李杜地

潼關用崆峒原韻弔孫司馬

漢京形勝枕雄關。指顧山川一掌間。地險半開函谷月。天青唯見首陽山。中官催戰來何疾。司馬揮戈去不還。萬古黃河流血淚。春風慘澹旅人顏。

也傳庭庭幾滅寇因天雨催戰而敗傳庭死而明亡矣一結深惋痛之

金川門詠史

金川北望日黃昏。聞道燕師入此門。不見古公傳季歷。祇知太甲是湯孫。風雷豈為鴟鴞變。江漢難招杜宇魂。南渡降旗何面目。西山省恨舊乾坤。

漢高祖正音

響高此種詩用全力而成

孫大帝廟

仲謀才志擬難兄。江左開基事竟成。讐國稱臣緣底急。同盟歸妹却相傾。南邦文武材何在。東郭江山蹟已更。惟有遺宮傳避暑。古苔荒草對孤城。

孫西蜀何觀見極王於地下耶愚嘗有句云披亦豚犬流鳥足稱英雄

荊州懷古

嘗思痛飲讀離騷。萬古傷心在二毛。風雅以還兼正變。懷襄之際獨憂勞。同官已妬能文寵。弟子猶傳和曲高。此日九原難可作。東門隱隱見蓬蒿。

國朝詩別裁集

卷十七

圭

教忠堂

屈子生平

嚴子陵祠

自注祠在嚴縣

霜落秋城木葉丹。客星祠畔肅衣冠。故人無意驕同臥。天子何能屈一官。嚴灘江山空浩渺。原陵松柏自高寒。東都多少知名士。不及冥鴻一羽翰。

山海關

天際重關虎豹扃。前瞻雲樹尚冥冥。山餘落日千峰紫。海瀉遙空一氣青。漢塞烽煙亭燹壞。秦城膏血土花腥。湯吟碣石東臨句。絕代雄才敢乞靈。

許由塚

青山頂上一孤邱。俯視陶唐十二州。偶使人間知姓字。遂教潁水浣清流。

荆山自注懷遠即下和采玉處有抱璞藏

玉蘊山輝自有期。匹夫銜璧罪何辭。那知太璞元來貴。不在連城互易時。見玉之貴不在既剖後也。為比德於玉者。增長聲價。今之抱璞者。急欲銜奇於人。何哉。

陳

璋字鍾庭。江南長洲人。康熙甲戌進士。官至翰林學士。著有東治集。學士係左之先生。今嗣前語。克承家學。即應制詩。亦不膚浮其本領可知矣。

閩山雜詠

初識南甌路。灘船匝月程。江留螺女迹。臺記越王國。朝詩別裁集

卷十七 重

教忠堂

名地氣三春冷。天時半日晴。誰呼行不得。江上鷓鴣聲。

屬國滄溟外。雄圖壓巨鰲。城隅防鼠雀。市上賣弓刀。旗鼓雙峯雨。樓船八月濤。將軍今坐鎮。冠蓋路相高。

萬井山環抱。南園亦壯哉。槎從天漢上。門傍海雲開。烏石藏幽寺。青榕蔭古臺。到今傳壁荔。壇坫頌追陪。

七月已未恭接 誥命

少作貧家婦。歸寧更不歸。九京加翟第六月。感牛

衣。自注前室王氏歸余纔半載。故有歷下之行。遂成永訣。故鏡照顏慘。宵鐙入夢稀。此

生同穴誓。何日重相依。

過張桓侯故居

漢鼎三分日。桓侯戰伐高。心猶輕馬趙。氣已奪孫曹。鹵莽生何惜。精靈死亦豪。英風留涿鹿。不剪舊蓬蒿。不填故實。自是桓侯移壯舉不得。

送高鶴洲范舒山家訃叔諸侍御西征

日下聞天遣。荒寒萬國西。非關驅獬廌。直欲掣鯨鯢。倍道旌麾遠。先鋒鎧仗齊。書生能慷慨。臨別不令悽。結意見諸臣忠愛不作兒女態也。余前亦有句云。食祿自應持正論。至尊終是重良才。見主臣文傳。

國朝詩別裁集

卷十七 重

教忠堂

攬轡平生志。防身一劍依。行間迴斗氣。馬上帶霜威。出塞詩應壯。從軍事亦稀。王師定神速。好唱凱歌歸。

秋獵應制

羽林按部下。天閭大漠風。高兩翼張獵火。燒原秋草黑。陣雲圍磧暮。山黃太平不廢三。驅威神武能調七。萃良應有非熊占。吉夢遊畋自古陋。長楊

滄洲兄席上詠冰

客醉宜供醒酒水。水晶盤內露寒稜。直疑夏月常堆雪。不待秋風始掃蠅。裁作花紋看頃刻。削成山

勢笑憑陵多君心地清如許好為人間散鬱蒸而神

句勝子而奉勅和御製詠水原韻中
云盤龍應知幻山容未許憑憑送印合

西出居庸關

西出雄關路屈盤風雲重接舊征鞍山如屏合窺
天小水作虹流入耳寒萬里女牆連雁塞百年兵
甲洗桑乾太平氣象無中外鎮朔臺高立馬看

閩灘竹枝詞

船如紙薄不經風三扇低遮箬葉蓬萬丈龍潭千
尺浪也堪愁煞鐵梢公閩語有紙船
鐵梢公之語

虎踞龍蟠似此無風雷怒挾一舟孤千堆亂石排

國朝詩別裁集

卷十七

圭

教忠堂

刀劍直作南陽八陣圖

張逸少

字天門江南丹徒人康熙
甲戌進士官至侍講學士

北征凱旋詩

獨斷行天討親征下詔書六師誰敢敵萬里揔長
驅列缺轟雷礮橫參耀隼旗鈞陳環紫極肅肅護
儲胥

變化烏蛇陣橫縱虎豹韜風生羣馬嘯日落大旗
高御仗森金甲軍鋒淬寶刀勝兵嚴壁壘誰敢
卸征袍

聖澤如時雨軍中盡感恩犀衣頒七校駿騎給千

屯令自秋霜肅綸同春日溫衆心連指臂飲馬

黑河源

神兵天上落迅疾下蘭臯螳臂當車轍洪爐燎羽
毛妻孥俱自盡醜類敢潛逃已奏犁庭績應將弓
矢棄地中鳴鼓角天上落將軍已為勝兵况天子自將
從天而下乎一氣相生無一懈筆六章中尤推神勇

俘謀邀寬典恩先赦脅從軍門齊欵縛聖度自

包容日逐誠難赦昆邪亦可封因知沙漠外頻首

望顯顯

掃穴傳方略豐碑勒武功亦曾資衆策只自斷

宸衷戰伐夷頭曷威名儼有熊歸來頒賞賚燕饗

國朝詩別裁集

卷十七

圭

教忠堂

賦彤弓

親征至凱旋六章已備章法句
法字法無弗老成應推能手

國朝詩別裁集卷十七

國朝詩別裁集卷十八

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

高其倬

字章之奉天鐵嶺人康熙甲戌進士官至戶部尚書謚文良著有味和堂集。文良館選後乞假讀書數年然後就職生平學術政治俱有根本所為詩其言有物匪求工於隊仗聲律之末也古體尤卓然而外間所稱轉在近體

行役曉發

飛鳥翔遙林。銜哺戀故枝。人生重離別。況我親哀時。升堂告行役。暗淚腸中垂。未言向何處。先說還家期。慈親起送我。語好顏色悽。愛我不便哭。願我平安歸。家貧萬事乏。供饋倚病妻。嫁衣典已盡。不

國朝詩別裁集

卷十八

教忠堂

復餘檐幃男兒羞低顏。舍子將語誰在家。同一愁出門。成兩悲。傷心最何物。雙輪八馬蹄。今日行門前。明日行天涯。塞水鳴咽流。木葉高下飛。天晴尚愁人。風雨秋淒淒。舍至情無以成詩先寫慈親之悲次寫閨中之賢萬事倚托字字從心流出與東野遊子吟

可以

古北口

九邊雄寰中。古北乃其一。北顧闕居庸。南境抵遼碣。屹然介其間。長垣兀積鐵。高冒峯巒巔。低竟蛟龍窟。晴空展虹霓。海勢現城闕。千里不可窮。隨山遠曲折。城頭一抔土。黎庶九州血。作俑趙與秦。流

弊及明末。貂璫秉國成。書生揔戎律。志擬封狼胥。

兵不踰房。聞颶當西風。來萬騎射南月。騰凌在俄頃。

若蹴蚍蜉。深源竟喪師。無忌空抱節。可憐邊沙中。

青燐照白骨。城同夏鼎傾。事與秋煙滅。齷齪何足論。

階厲病前拈。不見張韓公。築城門不設。從來守邊術。

能戰守。可說更有必勝方。千古同一轍。赤子付龔韓。

白麻命蕭葛。奄人秉成豎儒總戎微猊狎驕。赤子為白骨矣未見能戰方許能守而要歸於循吏之愛民賢臣之執政誠核本塞源之見也此種正論可以勒諸金石

曉行

蚤行無定時。愁客苦夜永。出門望明河。月在西峯

國朝詩別裁集

卷十八

教忠堂

頂木葉落衣上。馬蹄踏人影。荒雞樹上啼。秋星露中冷。情慙耳目幽。身倦道途迥。聲聞車聲上東南嶺。四更山吐月殘夜水明樓讀者如親見其景出門望明河二語亦然

薊州新城

于役季冬月。東入漁陽城。城圯五十載。奉詔新

經營。墉堞一云具。築作工遂停。胡不事宏麗。役物

勞皇情。此州實險要。世界方昇平。長馭控八極。

內地固所輕。昔當明之季。置鎮藩神京。高起兩重

郭。遍徵九州丁。城中貯芻粟。城上羅旗旌。薊門大

帥任鄭重。屬老成。高議百僚會。推轂千人英。且復

命丙魏不啻求韓彭。陸辭涕洟。密詔言丁寧。志
鳴伊吾劍。意洗魚海兵。長計一蹉失。塞馬仍縱橫。
連營一日潰。列嶂同時崩。塵來白日匿。燒猛蒼天
頽。九門戒樓櫓。六府嚴關扃。平安一星火。重比千
金瓊。傳呼達禁閤。夜寢始不驚。外召勤王師。內辦
遷都行。下詔責專閫。幕府空搶攘。擁兵不敢救。閉
壁如瞽盲。偵敵已出境。追騎甫及垌。殺人取其元。
受賞都堂廳。累累鞍上級。一一田間氓。更奏塞外
勛。肯耻城下盟。懦帥肆欺謾。勅敵生門庭。既以殺
其軀。患亦貽朝廷。嗚呼厲有階。夫誰滋亂萌。或云

國朝詩別裁集

卷十八

三

教忠堂

右文士。誤國由書生。或云。各邊餉饑。卒難力爭。南
史與董狐。百喙同一聲。敢獨曰不然。奄寺實慧熒。
監軍專將柄。司禮爲阿衡。衆賄水輪海。百度禾生。
螟。榜笞殺壯士。羅織戕名卿。剛鯁靡子遺。娉娒忌
忠誠。肯效鷙鳥擊。轉畏走狗烹。潢池弄兵者。竟射
承天闕。緬維開創初。明祖垂家型。內官止四品。洒
掃供使令。外事付卿貳。著戒在宸屏。孰昇鐵牌毀。
坐見九鼎傾。惜哉興戎首。未正司寇刑。我皇法
殷鑒。典制原六經。寺人無官階。置負有定程。衣冠
帶履外。越者誅竄并。皇皇一王法。萬世其勿更。願

獻五百字。勒作城隅銘。軍政之壞至殺百姓以獻級大帥僅於
盜賊美而其實原於司禮監監軍魁兵
餉賊名卿曾戰功至於蟻賊蜂起而宗社隨以隕焉明祖初創雖實銳
之至於此極也未歸美本朝典制禁廟寺人真可垂法萬世。據音
碑前漢賈誼傳國制捨操
師古讀爲倫擇亂號也

碧雲寺

崔魏碧雲寺。壽安山南陬。前貌衆龍象。後植千松
楸。于經首作俑。魏豎復效尤。規制駭心目。宏麗無
匹儔。近屏羅翠嶂。遠勢交迴洲。石室窈中空。繚垣
屹外週。鏤階鳳雛。襍珎珎。辟龍虬。僭侈陋陵闕。豈
止逾王侯。當其繕構際。乾坤因徵搜。攻石千仞岡。
輓材萬里舟。蒼生莽奔竄。四海輸琛賄。卿相稱義

國朝詩別裁集

卷十八

四

教忠堂

兒穢名。豐碑留刑餘。胡敢然。童昏寄垂旒。紛臂奪
之柄。蠱腹心舌喉。鉗鎖殺喬固。軒墀延共兜。上檀
天。賞罰下快私。恩讎敵張寇。盜熾木蠹禾。生蠹罪
雖淪一族。禍乃延九州。高廟血祀斬。泗鳳戕松楸。
思陵葬無所。麥飯矧可求。昌平寒食日。春慘風颼
颼。民家敗紙錢。吹挂陵樹頭。窮奇舊衣冠。乃得歸
巖幽。百年有餘恨。烈士涕橫流。偉哉張侍御。一洗
異代羞。仆碑刻名字。伐冢爲平疇。茲事良義舉。我
更借箸籌。聖賢律既往。褒罰語不浮。善固揭百世。
惡亦昭千秋。誅姦賴直筆。不繫塚去留。上世戮鯨

鮫封骨高嶠請肆彼遺骸存此招魂邱用之作
京觀事異理亦倖覆轍留眼前後車庶迴輶殷墟
歌離黍鑒之者有周作詩述胸臆以俟采風輯張祁
別錄聞墓事諸名家詩多有之詳盡無如此篇竟可作魏閣傳讀徐
善洽然志謂忠賢戮屍後未聞墓其或甲申國破後其黨為之王敬哉
又謂天啓三年忠賢柩于經墓立塚於後二
說不同豈營墓於天啓中而葬於甲申後耶

望雪山

蜀山崕岷皆參天雪山高壓羣山巔
紉嶺巫峽揔培塿青城峨岫差隨肩
禹迹不到失搜紀遂使岳鎮居崇班
五丁有力不敢鑿胚渾元氣無雕鐫到
今尚存太始雪盛夏早似初冬寒
我來成都苦卑國朝詩別裁集

卷十八

五

教忠堂

濕每遇高爽心安便入秋十日九陰雨側身西望
空長歎忽然金風掃羅鬚半空橫轉兜羅綿素雲
一段落天外白頭卓立羅煙鬢天門玉龍露寒鬚
海風吹水排銀瀾數百里外一舉首爽氣已到鬚
眉間豎指數峯插霄漢如坐井底窺星躔歷覆常
憂坤軸折迴旋怕觸曦車翻高鳥之翔不敢度往
來或似飛空仙此外茫茫復何有蜂屯蟻聚叢生
番乃知造物有深意區區夷夏分中邊刀州刺史
真好事欲通天險招呼韓素馳載布馬載粟羅致
火屬收冰蠶去年行臺留陸賈今年絕塞歸張騫

似聞西方諸部落稽首請事天可汗蜀人弱脆蠻
頑姦畏之不啻雀見鷄况復此曹不耕織毳衣肉
食勞縣官安得天生巨靈手擘山為塞叩嶮關以外
人近於款好事者招之使通驛服遠之名滋擾民之累不啻
以雀子鶴也老成深識預能燭照數計恐得第以詩人目之

與熊敏思登蟠龍山頂望都城值大風有感

呈敏思

城中柱類看西山千峯歷歷橫眉端山頭倚杖望
城市萬雉鱗鱗在足底左有潞水右太行桑乾流
合東南方王氣中開千萬襖上應北斗興明堂瓊
樓十二門九閣王侯甲第麗青春大風忽起白晝
國朝詩別裁集

卷十八

六

教忠堂

昏俯視一氣不可分唯見參天蒼蒼之綠樹蔽空
翳翳之浮雲浮雲綠樹朝復暮英雄豎子俱成塵
君不見石甕山中耶律墓碧雲寺後于經墳連雲
樓觀已傾圯滿山松柏摧為薪天邊紅日不肯回
頭上白髮仍相催攀龍附鳳有時輩餐腥啄腐非
吾儕與君無何日飲酒買山著書歸去來登高望遠
每暢高情
況於帝王之都耶憑弔古人抒寫懷抱
以凌空飛動之氣行之此章又近太白

秋宵

離抱何時釋秋宵特地長夢迴仍遠塞月好是殊
方蠟淚紅垂地蛩聲寒近牀遙憐多病後吟罷正

迴腸

寄內

濕雲低似幕。永日坐如年。風雨方如此。歸期愈渺然。深愁通日夕。遠夢共山川。無計憐貧病。親衰賴汝賢。

和許子遜中秋風雨後看月原韻

風雨初更歇。涼蟾已在天。涔涔終不濕。炯炯只孤懸。髮映千莖白。秋逢兩度圓。三吳烽堠靜。絃管自年年。點題後就題寄託見寸心炯炯物不能累也深得少陵家法

過長平驛感坑卒事有作

國朝詩別裁集

卷十八

七

教忠堂

丹水橋邊落日明。頭顱山畔晚煙生。十年碧血無遺燐。幾簇黃沙有廢城。陰密復冤酬上黨。新安坑卒祖長平。紛紛豎子真兒戲。齒冷西來阮步兵。

劍門

兩崖對起削雲根。邸閣全傾佛寺存。千古衰興幾蠻觸。一龕鐘鼓自朝昏。無人戰鬼啼清晝。不夜於菟到驛門。蜀道荒涼身萬里。不聞鈴雨亦消魂。

佟法海

字淵若遼陽人康熙甲戌進士官至兵部侍郎著有悔翁集先正偽體不能助感也詩未得全

詠鶴

丹頂由來異。玄裳自少文。生成雲水性。偶與鳳鸞羣。翹足憐孤影。乘軒恥俗氛。長鳴因警露。豈為九天聞。通體自寫懷抱風骨獨高

送查悔餘還鄉兼寄賈黃坤

生平文字友。引疾得休官。老去身須惜。歸來夢亦安。江風吹浪急。山雨逐人寒。惟有憐同調。長嗟離別難。

憶昨青雲侶。偏承恩渥殊。出同陪羽獵。入共侍蓬壺。老境憐分散。天涯各一隅。秦郵如過棹。為我問珠湖。

國朝詩別裁集

卷十八

八

教忠堂

潯陽樓

琵琶一曲斷腸聲。觸撥當筵謫宦情。為語江州白。司馬留將眼淚蒼生。大臣心事借題發揚今人肅然起敬

周起渭

字漁璣貴州貴陽人康熙甲戌進士官詹事府詹事。貴州向日未聞詩人又因天遠無從蒐羅故祇采漁璣前輩又未得全篇所收從略俟異日更徵求之

武陵為人寫北窓高卧圖

陶公卧北牕。夢寐無今人。豈惟無今人。頽然非此身。何處無北窓。卧者少真淳。胸中失佳趣。几榻俱埃塵。吾子雖今人。宛然葛天民。携枕入華胥。遂卜柴桑鄰。蕭條掩三逕。松菊相與春。可知夢醒間。莊

蝶孰為真偶。然南風來吹。墮淚酒巾。

避風亦辟登蘇公亭放歌

今日江頭風勢苦。黑雲從風散為雨。波聲撼塌邾
子城。濤頭逕射白龜渚。猶似周郎萬騎橫江來。千
艘撇擗聞驚雷。咫尺南北不可辨。際天煙燄紛成
堆。舟人繫纜垂楊陌。忽見峭壁鑊天地崩圻。髯蘇
一去青山開。老子今朝散輕策。崔嵬亭子江之濱。
壁上二賦猶鮮新。人間風月不可駐。天上來此閑
仙人。秀骨疎髯脫囹圄。詩不能茹酒不吐。吹唇沸
地羣狐狂。遣作江山文字主。東坡黃桑手自種。廢
國朝詩別裁集 卷十八 九 教忠堂

壘蓬蒿。邦親舉平生。食飽愛閒行。浣辟汙墻到坻
戶。武昌樊口丹楓稠。載酒還作凌雲遊。清波白月
在人世。素心孤鶴橫天浮。忽憶美人思魏闕。自驚
流落天南州。我拜遺像空山陬。巖桂慘澹枝相樛。
悲風入座髯颼颼。大江茫茫東注愁。二惇二蔡俱
蟬蛸。唯公大節今古留。當年欬吐驚龍蚪。洞簫鳴
咽聞中流。長嘯一聲煙潦收。如此江山如此客。絕
無詞賦堪千秋。思公不見余空返。楚塞風和白石
晚。柳外人家竹籬短。明月正照黃泥坂。
為江山風月主人小人之謀無往不福
君子也中段澤括亦辟二賦筆筆凌空

南隄踏青因留觀音寺小飲

選勝雖無獨樂園。出城半里即山樊。雨餘朝麓嵐
光別。人比春禽笑語溫。花霧陰時迷遠浦。柳煙開
處見漁村。憑君莫話金山約。玉帶因緣恐斷魂。

山陰舟中

越山巖壑鎖煙霞。此日輕舟泛若耶。紅雨棹邊迷
遠近。綠蘿陰裏見桑麻。啼鶯過水仍栖樹。乳燕銜
泥半帶花。試訪剡中幽絕地。不知何處戴逵家。
見漁村乳燕銜泥半帶花宋
子虛集中時有此佳句

焦袁熹

字廣期江南華亭人康熙丙子舉人著有此木軒詩○廣
期先輩鄉舉後不入春闈意自知非用世人故願以不材

國朝詩別裁集

卷十八

十

教忠堂

雜詩

四氣自潛運。陰陽互來往。春風何必多。碧草日夜
長。一樹生空庭。婆娑不堪賞。舊業靡遺餘。生意久
夭枉。天心非不仁。物性固難強。睇彼桃李顏。徒倚
增悵惘。
嘉樹之蕉華不如碧草之榮滋豈天心有
厚薄於其間耶安命侯時可矣此章比體

經生歌

蹄涔之水不生。淪漣覆篲之山。那有雲煙章句微
細。必無豪賢可哀哉。說經鏗鏘乃畢。吾之餘生。
見元
中章

句之不能有為
也此章典體

蒺藜

爰有蒺藜樹之中庭。日月幾何。維葉青青。青青之
葉不可採。擷凌彼嘉卉。自以為傑。念汝非種。亦天
所生。憐而勿鋤。乃傷我於行。嗚呼。疇昔之日。有一
溉之德。不以為德。肆為殘賊。蒺藜蒺藜。誰其樹之
於汝。勿尤。怛焉自思。加惠小人而小人反欲傷之乃絕無怨尤而咎已無知人之明究之過於仁不失為此章比體

秋蟲

切切訴何事。無人知汝心。正繁燈欲死。乍斷月應
沉。申旦誰能那。悲秋自不禁。癡人偷向壁。側耳一

國朝詩別裁集

卷十八

士

教忠堂

相尋

他人用在中間者此用作起手使覺突兀此法得之少陵

謝方琦

字應雲江南宜興人康熙丙子舉人著有東墅集

雨中送客

北風驅寒雲。蕭蕭亂松雨。前山忽杳冥。不辨溪頭
樹。漁父村外歸牧人。煙中語。翩翩東來鳥。悲鳴尋
故侶。惆悵別情人。掛帆何處所。

雪後送殷介持歸膠城

朔風蕭蕭林竹折。曉來門外千山雪。有客淹留陽
羨城。愁聽旅館雞聲咽。仲文儒雅舊知名。漂泊江
湖百感生。故園東歸歲云暮。斷冰寒月他鄉路。村

橋早發行。人稀凍浦舟橫。不敢渡。朱門重裘被僮
僕。文章不救窮途哭。短衣衝雪君母悲。寒士何當
謝荒谷。君不見少陵廣廈空。高歌江上秋風捲茅
屋。雪後所送客自是不待忘人於其歸也以杜老之秋風茅屋比之村橋早發一聯寓雪後如畫

送友人之楚

殘雪梅花月滿庭。送君移棹訪湘靈。幾行歸雁雲
邊斷。無數寒山江上青。卷畫一尊虛載酒。武昌孤
劍又侵星。平生湯說無同調。好向三閭弔獨醒。

春閨詞

林外子規啼。數聲窓欲曙。憐妾最傷春。語語催春
國朝詩別裁集

卷十八

士

教忠堂

去

子規似解人意其實春去之感過于傷春仍是敗人意也最近崔顥崔輔國小詩

何梅

字雪芳福建寧人康熙丙子舉人官建陽教諭

望接筍峯不得上

入洞疑無路。虛無接筍梢。鉤梯仙鬼半。鐵索死生
交。人影猱升木。僧寮鶴架巢。那能乘羽化。絕頂共
誅茅。險語破鬼胆

三山歸舟

雜詠之一

閩溪不可上。上若上青天。纜向峯頭繫。舟從石罅
穿。晴空排帟刺。急瀨吐蛟涎。賦命真窮薄。頻年往
復旋。

沈

育

字配蒼浙江嘉善人康熙
丙子舉人官永寧知縣

臯陶祠

虞廷推執法才子產高陽主德寬三宥臣心慎五
章訐謫同禹益姦宄服蠻荒遺廟楊侯國青松近
北邙慎五章較東坡
殺之三為得體

郭有道墓

東漢多賢達人倫君最優士林爭折角仙侶美同
舟品在君宗上名超清濁流中郎碑不見論定足
千秋郭有道人品在南北郭諸
君之上五六語品評極當

雞頭關

國朝詩別裁集

卷十八

古

教忠堂

雞頭山勢迫人馬半空旋風御千盤磴雲遮一握
天猿聲深樹外鳥道夕陽邊漸喜開南去悠悠入
漢川

謁董江都祠墓

興慶池南下馬陵廣川魂魄古祠憑旁搜典籍秦
灰後首應賢良漢詔興一代師儒崇道義諸王子
弟敘驕矜可憐年少長沙傳太息徒勞淚滿膺崇道
義諸王子弟

所云正誼不謀利明道不計功也下
以能服驕王言二語已該廣川生平

王

焜

字大生江南嘉定人長洲籍康熙丙
子舉人官丹徒教諭著有考槃集

短歌行

親交莫絕秉燭莫滅來日孔懷如何易別營營百
年萬慮難捐在樂滋憂當歌慨然人生如蠶食桑
于野桑少防飢桑多防瀉爾成自殉竟何為者我
欲終此曲揮淚不能長白頭莫照鏡照鏡悲流光
在樂滋憂憂中有樂樂中有憂孟子充虞路問章可詎也爾成自殉
猶有功於世人之飽利而死者并遠不如蠶桑繫勸世人不

贈蜀使

尊酒此時別猿聲他夜同江連白帝郭月照漢王
宮蜀棧孤軺外彭門積霧中使旌隨雁盡留夢繞
蠶叢

客有談海上已亥之變詩以紀之

國朝詩別裁集

卷十八

古

教忠堂

往事茫茫話劫灰屢經兵燹使人哀但誇南北憑
天險不信孫盧截海來白骨青燐愁向暮繭絲保
障究誰才自從廟筭添戎旅鐵甕吹笳萬馬回此言
鄭成

功入寇
之事

希邱二姜先生祠

掖垣抗疏觸天威拜杖淋漓血染衣遠戍孤臣終
守節罷官難弟竟無歸宣州藁葬依靈爽茂苑荒
祠隱翠微下馬行人奠榘醑千秋孤竹並光輝此
人

姜祠者但表給諫而行人關焉此
兼及行人之去官避難乃見周密

許

遂

字揚雲廣東番禺人康熙
丙子舉人官清河知縣

山月

不知誰抱鏡。挂在白雲岑。萬壑照成雪。梅花寒一林。羨人此遙夜。千里結愁心。解帶松下霜。華流素琴。

格高氣清如出屈翁山手向閣楊雲鶴獨賞此篇近見廣南選本亦然詩取可傳不在多也

李永祺

字鶴君浙江嘉善人康熙丙子解元

病起

峻嶒未怕骨如柴。排悶時時強散懷。對夜養生終是癖。伯倫醉死便須埋。枕邊喚夢勞黃鳥。陌上行遊讓玉騮。莫負陽春好煙景。且教辦取踏青鞋。

周士彬

字介文江南婁縣人康熙丙子副榜著有山舟詩

國朝詩別裁集

卷十八

五

教忠堂

蟲災艱食賦以遣意

力稼冀有秋。螟蟲害糜芑。非無負郭田。突煙寒不起。携鏡劖土芋。矻矻雲山裏。盈筐遂忘疲。持歸餉妻子。杜陵勞拾橡。柴桑欣採苢。身悴神常怡。先民安素履。嗒嗒林杪禽。飽甚聲歡喜。何人抱窮愁。戚戚成愚鄙。撫琴寫素懷。松月明牕几。天憐樂飢人。豐年行轉矣。

於艱食時傳出樂境胸中本有樂也

營巢燕

雙燕銜泥葺巢壘。飛去飛來掠煙水。巢成抱卵意苦辛。忍飢終日伏巢裏。哺養新雛四五子。衝風冒

兩尋魚蟻。燕雛羽弱飛難起。母燕呢喃翔復止。一朝相引向天飛。子去母歸誰顧視。獨有前林慈乳鳥。銜恩反哺情無已。

此等詩可以教孝

揚州

青樓歌舞勝杭蘇。花月神仙摠一途。騎鶴腰纏爭艷羨。無人解道董江都。

說揚州詩者多及陳隋遺事獨拈出董江都令人耳目一醒

嚴虞惲

字實成江南常熟人康熙丁丑賜進士第二人官至太僕少卿著有嚴太僕集。太僕六經皆有述作而讀詩質

疑二十卷尤有功詩學古今體詩略為寄興然亦不苟同於人

咸陽懷古

六王畢後霸圖空。三百離宮一炬中。八水淒清秋色早。九變截崑夕陽紅。車迴博浪沙中客。舟引蓬萊海上風。自料驪山萬年計。豈知遺恨在樵童。

國朝詩別裁集

卷十八

六

教忠堂

雄威盡奪神山難到妄想空存祖龍自思亦有黯然色沮啞然失笑者也遺恨樵童用牧羊兒失火之事

奉和東山對月有懷之作

十年一夢鬢垂絲。禪榻茶煙事最宜。正是空江明月夜。相逢尊酒落花時。傷心暮雨還朝雨。瞥眼桃枝更柳枝。身似荷珠原不著。從今學道未嫌遲。

對偶之跡神到時有之

秋宵讌集酒闌漫興得孃字

客裏經秋祇自傷。况逢明月倍淒涼。悲歌燕市尋

屠狗寥落江潭解佩纓天上已歸秦弄玉人間重
見杜韋娘酒闌曲罷渾無寐疑是維摩證道場

姜宸英

字西溟浙江慈谿人康熙丁丑賜進士第三人官翰林院編修著有葦間詩集○葦間根柢經史以古文名年將

老因大臣薦食七品俸與修明史然仍難於遇合也至入詞館時已七十餘矣已卯典北闕試因正主考李殿撰累及下獄旋殞其生天下共悲歎之

徐健庵編脩筵上觀洗象

長安六月三伏始主人門對御河水御河流水聲
潺潺玉泉奔赴城西灣是日都人看洗象立馬萬
騎車千輛易延蹴鞠羅岸旁吹角鳴鉦沸川上滿
堂賓客何從容棋局未了酒不空日中報道象奴

國朝詩別裁集

卷十八

七

教忠堂

出至尊朝罷明光宮魁形詭貌三十六一一騎

就深潭浴雲起乍疑龍蜿蜒湍迴更與人翻覆須

臾小吏前推排將軍拔營羣象回就中一象行躑

躑齒毛脫落顏推頰長者謂余豈解事此物經今

不知歲聞說先朝萬歷初貢車遠自扶南至中更

四帝時太平一朝闖賊殘神京忍死不食三品料

俯首淚下聲哀鳴滄桑變換忽塵夢勉強逐隊留

殘生茫茫舊事君莫說勸君且飲杯中物流寇破京師過象房

羣象哀鳴淚下此於唐之舞馬此日所存者其一也滄桑之變遷物類之忠愛全於後中傳出予在京時見象有齒毛脫落踴躍緩行者象奴謂是萬歷時貢物聞健庵為編修時又將八十年矣讀葦間集并記之

哭魏君子二首

鸞江哀輓一時聞惜別他年悵離羣天末無因能
致醉夜臺誰與共論文江山寂寂歸魂斷葭淒淒
淒淒去路分尚有蔡邕書籍在獨隨秋草伴孤墳
苦節誰云不可貞翠微山共首山清更無安道能
求死只有韓康解避名遠媿文章當紆緇不教官
爵累銘旌臨風一慟江天豁未覺前賢畏後生已未

惜花

一春強半是春愁淺白長紅付亂流剩有垂楊吹

國朝詩別裁集

卷十八

六

教忠堂

不斷絲絲綰恨上高樓

汪士鋐

字文升江南吳縣人康熙丁丑會元官右春坊中允著有秋泉居士集

陳滄洲太守出瘞鶴銘於江中以搨本見示

作歌記之

焦山山崖瘞鶴銘雷擊隊江江冥冥一旦水底出
至寶神物焜耀含精靈此碑書家最珍惜欲搨恐
犯蛟龍腥致令膺本遍天下刻畫嫺嫺母誇娉娉或
傳此是右軍跡逸少二字疑足徵或云弘景或顧
況未覩真跡憑圖經滄洲使君好古士搜奇抉怪
心無寧竭來江邊問遺碣太息墨寶存空亭時當

窮冬江水涸。巉巖洗刮平沙汀。或側或仆露奇字。
磊落散布如天星。命工昇石置江岸。殘筆剩畫稀
留形重依舊石之方位。安排字跡還儀型。屹如陰
崕立華屋。恍然峭壁開新砌。字體寬綽近古隸。鋒
稜雖利光晶熒。睇視山中宰相筆。齊梁風格我所
憑。何年埋沒忽露洩。水府倏忽仍邱陵。吾吳太守
素神異。驅使直可到六丁。狼貪虎噬且弗避。麾斥
水怪如螟蛉。世間寶物久必顯。雲日肯被煙塵暝。
扶傾固待巨人手。此舉便已宣驚霆。遠道寄我喜
創見。從今摹畫希精能。此石此銘不再得。毋使日

國朝詩別裁集

卷十八

九

教忠堂

夜椎搥無留停

狼貪虎噬謂鳴制軍也。借題發揮及之。○起應鶴
銘於江濱固格勤之盛舉也。但砌入祠壁時遭工
人搜括。皆歸除風神不存矣。暮
古者當以江濱水落時。獨本為長

插秧圖

車軋軋。水活活。誰家田翁勤種田。插秧田中量疎
密。呼童課僕運秧馬。俯首泥行股無骸。今日車水
滿。明日祝秧活。不知何日秀且穎。築場刈禾賦程
結。大兒讀書如養苗。勿忘勿助。不敢握。小兒讀書
心孔開。惟恐鹵莽與滅裂。主人有田復有兒。書味
酒香滿一室。呼童留客和田歌。田家之樂樂如何。

寫田家樂事。令人神往。但恐兒
子讀書不免漸失真朴奈何

徐發

字家侯。江南長洲人。康熙
丁丑進士官戶部主事

早春

新月如鉤掛碧空。六街遊眺興無窮。隔牆歌管娛
殘夜。出窖名花媚好風。玆惜飛鳴憐病鶴。消除矜
躁仗枯桐。盍簪招取同心友。把酒應多酌次公。

謂唐花也。三春花一時
並開。夏季花則不能矣

春分日和韻

一半春光付柳條。可憐天氣是今朝。尋芳每踏蒼
苔路。夢別重經紅板橋。零落梅花人共老。淒其燈
火酒全消。遙知鄉國清明近。水漲橫塘隱畫橈。

國朝詩別裁集

卷十八

三

教忠堂

陳長

字玉文。江南吳江人。康熙丁丑進士官桐廬知縣。著有雪
川詩集。○清如鏡淨如拭。意味稍薄。而真氣獨存。賢於鮑
鮑為博纖
桃為工者

臨終詩二首留別諸同志

辛卯中秋
後二日

兩曜無停機。委運固其理。修短良不齊。誰復能逃
此。俗士戀其生。涕泣對妻子。達士輕其生。鳶蟻均
一視。二者皆棄天。有識所深鄙。君子則不然。奉之
以終始。生有所以生。死有所以死。吾聞諸曾子。至
死而後已。
俗士貪生。人知其非。老莊達生。共推為高。矣此
見兩者均非一歸於存順沒寧。是吾儒正學
我有同心人。道義相友師。頻年喪逝多。存者復別
離。即今將去客。欲別無由辭。丈夫會有志。豈為兒

女私所恨在世日孤負歲與規臨風一長歎願為諸君期百里半九十一簣功莫虧鑒戒不在遠請君視此詩

前章自矢此章規友見一息尚存不可忘臨深履薄之功也說理不腐况得於臨終時足徵平日教身之功

發南陵

一路寒泉送客程離亭回首隔山城秋從黃葉聲中老人向青山缺處行幾片閒雲供畫本一林落日待詩成來時記得留題處尚有殘尊慰客情

挽姜西溟

晚入承明數未奇那知鑄錯不堪追文章舊價欣方慰辛苦初心悔已遲遺恨一時頭腹尾空傳三

國朝詩別裁集

卷十八

主

教忠堂

絕畫書詩生芻一束無從唁獨向西風淚暗垂

用管寧華歆事西溪被罪由於同年中一二人也挽詩特為表之猶見公道在人

夢中

東流無復水重回欲斷危腸暗自摧見燕引雛還隨淚聽鳩呼婦不勝哀春風隴上新寒食夜雨堂前舊鏡臺子母重泉相見否夢中還望寄聲來

後病喪明觸緒與悲今讀者亦增低傷嗣續之重

讀相如傳

移病文園臥歲餘同時真恨失相如所忠枉遣求遺藁不記當年諫獵書

相如可重特在諫獵一書詞賦其末也作者不肯埋沒古人

山行

山行風暖落花輕雨過田間野水鳴自笈微官如布穀年年三月勸春耕

宋聚業

字嘉升江南長洲人康熙丁丑進士官吏部文選司郎中著有南園詩集○南園以剛直觸忤年制軍致身亡家破

其人足重可知矣詩雖不多亦自矯矯

宿沅江驛樓時秋分夕

沅水三更月燕山萬里雲夢隨天共遠人與序俱分風景殊蠻落音書斷雁羣可堪秋節半蘭畹正清芬

題南陽旅肆

國朝詩別裁集

卷十八

主

教忠堂

真人白水生文對名士青山卧武侯水自奔騰趨漢口山猶層疊枕城頭時來一夕收銅馬事去經年運木牛歎息興亡千載上荒村野廟揔悠悠

水言之五六又承文對武侯官之格律一新

同呂侍御元素過新鄭侍御有妹隨壻在官

予兄弟五人天各一方感而賦此

憐余兄弟各西東一處離情五處同音問久疎雲樹外笑言暫接夢魂中根浮春水漂萍葉影亂秋風叫雁鴻今日停驂新鄭道羨君兄妹樂融融

弟兄分散而侍御兄妹相聚只於結處一點作法甚變

鄂爾泰

字毅庵奉天人康熙己卯舉人官至大學士諡文端。文端開藩吳中以古學進士今南邦教範集形如也掌翰院時亦以立品重學後進生平不欲以詩自鳴而意格自高故治騷選者轉未能或先

聽姜客彈琴

初春多佳日。旭影照高林。曉煙斂木末。暖意浮衣襟。檐前有嘉樹。枝上有鳴禽。道人太古士。幽旨寄瑤琴。元聲隨指下。和氣散輕陰。無須泛瀛海。已見成連心。聽者各有得。豈必求知音。

贈方望溪

六經治世非土宜。相期津逮闕垠涯。挾經之心不易得。詞林文苑徒紛爭。博物但解辨魑鼠。搜神或國朝詩別裁集 卷十八 三 教忠堂

卷十八

三

教忠堂

詫名騶牙心。井偏塞航斷港。銀海掉眩生狂花。此曹正坐讀書誤。遺棄根本搜枿芽。桐城望溪我老友。學崇中正防奇袤。說經鏗鏗究終始。尤於三禮咀其華。曲臺增刪繁就簡。正義恭訂遂扶麻。羣書穿穴尋聖奧。下簾每聽鼓三撾。方今重輪陛下聖。五緯順序曜帝車。致君堯舜誠有術。許身稷契非矜誇。天地人祀各適職。往諧秩宗帝女嘉。惟寅惟清恭朝夕。詔兼書局窮羅爬。吾衰舊聞苦荒落。妄冀邃密商量加。間送一難輒許可。瑣瑣乃報投木瓜。姚如上。源下閩洛青鏡恐蝕妖蝦蟆。豈

邀名譽嗣聖德。寧望荒遠登義娼。所貴經學適時

用。瞑坐曜若翻金鴉。委蛇退食時過我。劇談恒淪

頭。網茶脩閒依。然兩學士相視一笑。無喧譁張蒼

伏膝暨轅固。經儒往往往臻者。選朝廷會行乞言

禮。洗爵君且斟流霞。望溪說經簡而能富詩中稱揚無溢分語軒昂磊落音節極高

昭陵石馬歌恭和 御製元韻

行天維龍御飛霞。行地維馬周天涯。開張卓立須

駕馭。豈獨巡遊西海騰渥洼。千金市駿世希有。美

名徒挂消人口。自來房駟無虛生。六轡乘時應乾

九。聖朝啟運戰與農。秉耒調馬彎雕弓。文皇

國朝詩別裁集 卷十八 三 教忠堂

卷十八

三

教忠堂

雙馬特超絕。駒駉駉駉堪齊蹤。艱難馬上得天下。

累洽重熙集純嘏。至今斷石傍昭陵。始信人

間有神。馬雲臺煙閣銘功宗。策勛此馬將毋同。

在天之靈憑陟降。嘶隨列缺追豐隆。吾皇鼓車

方記里。萬仞塞垣銷辟墨。金龍長見羣如山。石馬

何由汗如水。留都展禮朝翰屏。鸞旗照影遼河

清。待翻樂府歌天馬。佇看馬負圖出龍祥徵。太宗文皇有

神馬三皆乘之破敵建功者後斷石像於昭陵御製作歌文端恭和

恭和 御製永定河元韻

無定河名古。南流自北京。恍疑天上落。不肯地中

行無事智方大窮源委可并禹謨原可繼永永慶

功成不肯地中行故名無安師焉行所無事之知以治之則無安者定矣末句點題通體俱醒

謁楊忠愍公祠

司馬分曹日批鱗再見時求仁原自主得死更何辭十罪彈文在千秋正氣垂祗今瞻廟貌頑懦有餘悲

九日海天閣

秋氣鬱佳哉秋鴻歸去來百年元是客萬里獨登臺黃葉寺前雨茱萸江上杯海天寥濶際何處是蓬萊

國朝詩別裁集卷十八

教忠堂

贈學使中丞法淵若

已教千莫息鋒銛轍遍江南衆所瞻除却詩篇何有癖獨於山水不能廉瘴煙蠻樹棠陰在絳帳春風畫戟兼今日相逢共尊酒形骸脫略兩無嫌

滇中田宿易隆詩示送行者

踏雪飛鴻任此身戰輟回首已前因從知三萬六千日半是東西南北人悵別羣僚紛涕泣遙歸一老念尊親平蠻坊底休煩思記取天涯若比鄰

對東西南北本老杜尋常七十而變化之後板對者不能解此

聞中述懷東同事諸君子

寂靜春闈春意深模糊老眼怯春陰四千四百有

奇卷二十二二人同此心屏絕丕休求正士別裁出

軋得元音三條燭燼前塵夢坐對奎堂思不禁

楊億事出軋宋楊劉體

將出都赴滇却寄吳中王子重吳漪堂夏曉

堂徐學人諸老友

尺書裁罷又重拈細字旁添手自緘此去滇陽真萬里夢魂不易到江南

經略北軍弔戰歿諸將佐

蟲沙猿鶴總堪哀持節籌邊塞上來聞道將

國朝詩別裁集卷十八

教忠堂

軍期馬革幾人真箇裹屍田

可憐無定河邊骨猶是春閨夢裏人爲從軍者言之此爲將帥

言之亦可悲也議開邊者尚敬而聽之

張遠字超然福建人康熙己卯解元著有無悶堂集超然旅寓常熟久困舉場發解時其年已老以老名士終賢於方

千身後成名矣詩格大段殊朗異於局束如隸下駒者

下建溪諸灘

無諸拓閩疆山川賈餘霸亂石關雷霆終古不可罷輕航一鳥疾砰湃千轉下前舟歛然沒初見各驚詫湏臾出白浪迴旋去如射生命寄柁師與石爭一鐫在險魂屢飛過後舌頻咋造物產湖海至此窮變化若匪衆盤渦閩溪高可瀉仙霞插霄漢

天險此其亞。所有縱橫徒。一丸每頻借。吾聞天下雄。以德不以詐。閩中如井底。未足供叱咤。安得常治平。絃歌出桑柘。極形諸灘之險。若可憑藉而歸於以德。不以詐。煌煌正論。足以不刊。予前觀羅制江潮迎潮者。逆流而上。遠望如舟。浪中忽然復出。三入三出。倏達海門。笑篇中前舟。然沒數語。真工於形容。

開籠行

秦景天自連江籠鷓鴣。寄曹秋岳先生。先生作開籠行。予嗣響焉。

鼇江之山削蒼玉。鼇江之水浮深綠。石榴花發春茫茫。鷓鴣無數啼山麓。一聲兩聲紛如泣。落日銜山聲漸急。其中有客。思江南。怪尔曾云行不得。羅國朝詩別裁集卷十八 壬 教忠堂

入籠中寄遠人。不傷其羽傷其神。深林叢草那可問。却看燕雀心酸辛。聰明文采古所戒。生人生物同至仁。開籠放入青霄去。還尔悠悠自在身。聰明文。采古所。以文采累也。鴻飛冥冥。安得不令人羨慕。

題黃山山人墨竹

結體欲密勢欲舒。節圓葉老如草書。吳興已往不可作。此君顧影空扶疎。黃山山人澹於菊。胸有千竿萬竿竹。翛然落筆電與雷。縱橫幻誕何奇哉。墨汁三升酒一斗。颯颯晴空風雨來。蟄蛇出蟄劍出匣。天矯老龍卸龍甲。共道一日不可無。頗恨古人

無我法。機材揮盡世莫知。撐腸拄肚徒尔為。伯時畫馬入馬腹。但恐山人變竹枝。筆下有鬼。起鵲落之勢。神肖東坡。

鵲巢為童子所破

十載風塵客。棲棲旅食難。以予搖落意。羨尔一枝安。力盡曉曉語。巢成响响歡。豈期輕薄子。偷眼已相看。

病起憐雙鵲。依依向我悲。巢傾寧問卵。身在竟安之。天地饒鷹隼。江湖足鼓鼙。羣棲隨飲啄。且莫怨羣兒。第二首放筆推開。見舉世危機。自是杜陵家數。

歲暮寄懷故園親友

國朝詩別裁集卷十八 壬 教忠堂

一年一萬一千里。馬足車輪舟艤舟。自笑此身渾似葉。不知於世復何求。磨牛處處循陳迹。籠鳥依依憶故丘。正是羊城梅放日。瘴雲霾雨獨登樓。何等起法。開實以後罕見此筆墨。

閩中雜感

弈葉承恩異姓王。龍從宮殿擬汾陽。三年鼙鼓驚天地。當日清簫引鳳皇。藍水一丸爭鼠穴。仙霞千騎失羊腸。蓮花峯下荒墳月。慚愧他家白馬郎。拍聯。天室言。

還至延平遙望先墓有作

登樓遙望墓門秋。辛苦經年尚劔州。豈有弟兄依
隴畝。祇憑風雨護松楸。來從豺虎行邊路。去逐鯨
鯢腹裏舟。四十無成還浪迹。雲山何處可回頭。

送沙子羽之日本

壽安山迫敞雲煙。邪馬臺高四面天。縹緲似遊星
漢外。依稀直到日輪邊。乘桴昔日傷尼父。蹈海今
誰是仲連。見說遺經在茲土。却將吾道問東偏。

求仙不返。後未焚書時。諸經去。故日本國至今猶存古本。尚書歐陽公令嚴不許傳中國。舉世何曾識古文。即相此也。

魏坤字為平。浙江嘉善人。康熙己卯舉人。著有倚晴閣集。○禹平係忠節公後人。少負才名。文滿宇內。而遇合獨難。詩體研摩宋人。各從所好。也所錄五章皆才情發越之作。

國朝詩別裁集

卷十八

无

教忠堂

寄居蟲

人生如瓜牛。長負軀殼累。何況外緣假。妄思得久
寄。茲物生海壖。乃具周身智。常共水族遊。愛此一
螺翠。延緣遂遷入。宛轉據其內。腥涎吐清波。微風
納涼吹。揚鬚遇釣師。觸急輒驚避。兩兩收霜鉗。虛
中得靜閱。晏然稱寓公。久亦漸忘偽。如以物附物。
是一即非二。而我辭鄉國。歲歲困旅次。結屋少定
蹤。對之發深喟。暇或雙蟲魚。為汝別種類。狀難狀。瑣

雅未歎息已之無家。隨所感觸。詩人性性有之。

登黃鶴樓

江聲已吞大別口。束之不住復東走。怒濤萬頃天
風號。沙岸日斜。鼉欲吼。一葉剪過煙波灣。登樓憑
欄十二欄。忽飛涼雨。濺衣濕。白浪高於黃鶴山。山
川滿眼來蕭索。吟髯互垂且孤酌。青蓮畢竟非仙
才。崔顥題詩不敢作。醉擬橫將鐵笛吹。歸向仙人
借黃鶴。何等自負

送少司馬楊以齋先生 予告終養歸里次

悔餘韻

行誼誰從末俗論。陳情今見袞衣人。喜當海宇銷
兵日。許乞林泉將母身。得失不須分出處。去留總

國朝詩別裁集

卷十八

三

教忠堂

是戀 君親馬蹄驚速行。何亟肯待河流泮。早春
慈仁寺有粥孤雁者。四明萬李野。購畜於庭。
作羈雁詩。邀予賦之。

不遑涼雲結陣飛。羈孤似尔欲何依。弥天矰繳雖
知避。滿地江湖却整違。空守殊鄉驚歲晚。難招舊
侶待春歸。臨風無限回翔意。獨立閒庭對落暉。

田橫島

蹈海誰能帝漢高。同時一死等鴻毛。只憐五百忠
魂散。不及鴟夷有怒濤。五百人同死。而精靈沒。沒後事也。熟題須尋出新意。庶免雷同。

沈天寶

字竹西。江南吳江人。康熙己卯舉人。

公無渡河歌

公無渡河。公竟渡河。渡河而死。悲洪波。渡河尚不可。何況溟海惡浪山。嗟峨黑雲壓天日無色。陰風慘澹百怪多。君何為而來此地。粵東行省老從事。王事有程不敢稽。疾驅海濱意難遲。珠崖孤懸絕島中。遙指百里舟航通。怪雲一縷起天末。舟人爲語噓長風。君詫狂言決長往。揚帆鼓柁馳空濛。中流颶母果爲祟。狂飈拉雜翻艤艣。一時官吏相抱死。百二十口無遺踪。嗚呼君非同姓屈原。願滅頂又非求仙徐福。來自滄瀛東。何爲竟學披髮狂。癡國朝詩別裁集 卷十八 三 教忠堂

汪

字東山。江南常熟人。康熙庚辰。賜進士第一人。官翰林院修撰。著有秋影樓詩。○殿撰於臨唱日馬上得句云。歸計未謀千載竹。浮生只辦十年官。公未假歸。未十年卒。知詩識之。早成矣。詩切穩於邵陵。然邵陵真而近。儻殿撰則骨秀天成。更諸

性生友
明莫易

新草

原上離離草。春來一雨生。寸心燒不死。萬里碧無情。油壁輕輕度。花驄款款行。六朝佳麗地。愁煞夕陽明。

秋砧

萬戶清颶動。疎砧特地哀。杵隨涼葉下。響帶早鴻來。長信秋偏早。漁陽獵未回。無衣應不少。刀尺漫相催。用意全在一結

梅花樓訪月溪上人

國朝詩別裁集

卷十八

三

教忠堂

撼屋西風起。白蘋紙窓木榻靜。無塵斜陽影裏看。歸鳥落葉聲中著。病身丈室只容清淨侶。禪門今見讀書人。慚予又作長安客。夢斷山塘二月春。予友機亭能讀儒書。喜優樹亭漫而所接皆俗。曾去讀第六篇。不棄有願。第月溪未知果無讀書也。

望岱

矯首原從萬仞論。千年漢時上公尊。崢嶸直上疑無路。呼吸通天尚有門。獨立巖巖壯氣象。滿前疊盡兒孫閒。雲巒巒山頭位。四海蒼生正望恩。此擬

備時望岱而作。隱然以第一人自命。結意益森。而蒼生原非忘世也。後假歸不出。旋至奄忽。蓋第時或有徵兆耶。

秋柳次韻

短長亭畔暗銷魂。無復絲絲映綠門。千縷冷風餘
倦態。滿梢清露尚啼痕。蕭蕭去馬斜陽路。點點歸
鴉落葉村。獨立寒潭倍惆悵。婆娑生意不堪論。頭聯
取韻

之神詠物詩須
得此事外遠致

寄庭仙

五年心事共誰論。惜別胥江日色昏。水底須眉終
有相。雪中指爪已無痕。秋風鱸膾江南味。春雨梅
花處士魂。畢竟家山貧亦好。知君亦厭孟嘗門。初看
似風

庭仙歸老實則全寫自己襟抱也玩
末句與然東山之不出已決於此

首夏同青門雪航以寧允恭种度讌集秋水

國朝詩別裁集

卷十八

五

教忠堂

閣即事限韻

憑高風物欲凌秋。門外平湖碧似油。暝色已歸鴉
背外。斜陽猶戀柳梢頭。踈疎遠岫屏間畫。點點輕
帆鏡裏鷗。不盡蕭條東澗水。至今嗚咽為誰流。

秦始皇

方丈瀛洲杳莫攀。金銀宮闕湧煙鬟。桃源自是人
間世。却遣童男問海山。總說求仙之妄
却道來自別

項羽

一炬咸陽火未殘。楚人真是沐猴冠。英雄豈學書
生筭也。作還鄉書錦看。書生見解
一筆掃盡

老聃

天寶中第為
玄元皇帝

仙李蟠根天上栽。玄元皇帝廟崔嵬。神仙不作兒
孫計。一任張巡慟哭來。巡慟哭玄元皇帝廟起兵而竟不
一救發唐代附會神仙之妄也

柳枝詞

一種風流得自持。水村天與好腰支。月殘風曉無
窮意。說與桃花揔不知。

田家樂

短籬矮屋板橋西。十畝桑陰接稻畦。滿眼兒孫滿
簷日。飯香時節午雞啼。田家至樂早朝時節
候雞啼者馬能識此

張廷玉

字衡臣江南桐城人康熙庚
辰進士官至大學士諡文和

國朝詩別裁集

卷十八

五

教忠堂

雜興

月虧方就盈。陽盡斯來復。靜觀天地機。迴旋似輪
軸。盛滿易為災。謙冲恒受福。所以賢哲流。秉心若
虛谷。名高氣益卑。位顯心弥肅。大智詢芻蕘。殊勛
謝輿服。常思重載車。不為再實木。以茲保初終。何
憂易傾覆。吾願讀書人。休同晏子僕。高而不危親切言之
此公生平持守處
我聞咎人言。苛政猛如虎。又誦魏風篇。碩鼠況貪
取。嗟哉牧民人。煌煌綰珪組。乃以父母稱。而為衆
所苦。騶虞有仁心。麟趾中規矩。藹然太和氣。千載
如可覩。君子慎所擇。休與毒獸伍。此為墨吏酷吏語也有
父母稱而不愧父母實

者吾類真
見其人

飄風不終朝。驟雨不終日。三復老子言。可知立身術。譬彼草木微。春華秋始實。氣候苟不完。累纍安可必。寄語功名人。進取休太疾。早榮亦早枯。易得還易失。默識乘除機。處滿須防溢。此戒進取之速。早發還先萎。古人所以賤春花

而責者
松也

題漁樂圖

秋江渺渺無津涯。江邊漁父船為家。往返何知路遠近。一帆明月依蘆花。清晨舉網西風裏。網得長魚滿船喜。兒能炊火婦烹鮮。鄰叟還貽新醞美。陸

國朝詩別裁集

卷十八

五

教忠堂

魯望張志和。朝朝詩思在煙波。吾曹不解工吟詠。醉唱羲皇網罟歌。羲皇網罟歌。不傳元次山補之。漁人醉唱猶請不解工吟詠耶。

山中暮歸

林端鴉陣橫。煙外樵歌起。疲驢緩緩行。斜陽在溪水。妙在添不
得一語

國朝詩別裁集卷十八

國朝詩別裁集卷十九

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

楊汝穀 字石湖江南懷寧人康熙庚辰進士官至左都御史○石湖公不動聲色為時名臣朝野以德人推之詩亦和平樂

易不愧雅音

雜詩

神龍蟄深淵杳冥人莫測玄豹隱南山澤膚甘不食造化本無端歸藏始生息氣盛物所尤名高德之賊卓哉先民言士必先器識

北行偶述

國朝詩別裁集

卷十九

一

教忠堂

皚皚村樹白曖曖朝陽昇瘦馬立猶僵西風警如箭飛塵染素衣嚴霜改顏面村酒濁如泔沙土和羹飯向北物價增去鄉身命賤回首故山遙但見南飛雁

舟中懷長孫超恒時新任藁城令

汝始分符去吾纔買棹歸縱然違祖膝猶喜近親關法立奸胥畏心清案牘稀此方經巨浸軫恤念民依

近來作吏者以奸胥為耳目法不立也案牘累積日紛心不清也頸聯二語可作官箴

聞錢彭源卒於蒼溪詩以哭之

燭暗窓昏夜黯然驚聞巴蜀訃音傳一官薄俸盡

叢外萬里全家鳥道邊但有清名堪壽世更無靈藥可延年傷心堂北孀親老哭向秋風暮雨天

陸

師字麟廣浙江歸安人康熙庚辰進士官至左都御史著有玉屏山樵吟○玉屏觀察人第知其長於制義不知其歷任

政績不啻古循吏也而充礦使一節以真苗難得米裕國課徒累官民奏請停止東土人至今感而祀之詩其餘事也然觀其自序云情取其真不務綺麗義歸于正專絕浮蕪可以見品格之尊矣

雜感

朝聽衙鼓過暮聽柅馬嘶夜長不成寐憂來無端倪老親遲暮景荒庭守蒿藜雪髯添幾莖麥飯進幾匙白雲天東南可望不可躋

入夏苦霖雨兩河歲少登吾邦岡阜多頗以豐稔

國朝詩別裁集

卷十九

二

教忠堂

稱皇天憐瘠土長官曾何能哀彼中澤鴻嗷嗷號寒冰子母各翻飛何鄉可依憑

此任河南新安縣時作

之官真州述懷

昨歸自東垣結廬屏山住書史尋夙好長日儘可度親亡焉用祿涕泗誓諸墓此意愧未堅又被微名誤綺羅紛五色鳴機自織素縱然違時趨努力守故步

物生號有萬心性冰炭異蟬蛭吸露華蜚螂甘穢膩若使易地謀卻走兩不啻擾擾岐路間東西各行意儒者重敬官市估乃競利

邗溝自隋唐昔稱繁庶地宴享窮珍羞吉凶踰典制巷有衣錦人家無終歲備權衡奢儉間張弛有治義採風美唐魏古人豈無意庶幾去其甚聊洒俗吏愧至今人第誇揚州富饒不知秦國樊家外貧困猶他處也權衡奢儉而欲去其大甚即此見良吏用心

爲士不學道所得皆支流爲民不服耕逐末非良謀彼都中聲利迷罔何當瘳一髮挽千鈞力薄知未周我舌敢辭敝我行敢告休力田與孝弟勗哉景前修

雜詠

獨坐空堂中時隱南郭几悠然萬慮消止水清見

國朝詩別裁集

卷十九

三

教忠堂

底無端一物交倏尔兩念起因兩遂生萬禁紆不可紀靜定動亦定烏用著些子鑑空而衡平君當會斯理周子云主靜立極不獨靜時當靜即萬感雜投時心中有不亂紛也詩中所云豈拘守聲律者所能

禱雨自劾

祝融秉權號令酷赤日黃埃助炎熇稗禾枯焦似東薪潤溪涸竭行成陸哀哉斯民瓶罍空婦嘆兒號盈白屋已走羣望薦牲璧未見天公鞭螫伏天降灾侵非偶然母乃感召由司牧一官衣食寄閭閻何忍鞭筆等犬獮本心未喪戒摧戕於民無思僅無毒黃昏縱謝四知金白日虛糜五斗粟我今

自分無寸長官方久矣宜褫逐安得陽雨時若民無飢掛冠高隱弁山麓此誠不負本心之言乾隆乙亥歲大荒丙子歲大疫官吏有戒摧戕不流毒者乎讀此詩爲之浩嘆而已

騎牛曲

牛背兒童自放歌頭頭注澗復踰坡問渠何法牛馴擾鞭撻無驚芻牧多牧民之道盡末一語

許迎年

字穀士江南江都人康熙庚辰進士官中書舍人著有槐墅詩鈔詩品如畫和楊柳初日芙蓉晚唐中最近溫岐情約勝也配徐淑則互相酬唱風格略同藝林比之秦嘉夫婦因並及之

新竹

乍與僧參玉版禪旋看解籜裊新煙斑龍驚蟄多

國朝詩別裁集

卷十九

四

教忠堂

爭地翠鳳修翎欲上天烏坐叢枝歌睨睨月搖虛幌影連娟此君相對殊瀟灑不厭秋聲攪夜眠

萊陽二姜先生祠

黃門高節著萊陽伯仲風裁在抗章請劍上方思斬佞荷戈南國竟投荒危言足破狐狸膽浩氣堪增史冊光海湧峰頭祠廟在谿毛特爲薦馨香風裁數字

平仄二音唐賢並用

和淋則園居病起作

一病經春瘦可憐幾時不到曲闌前花殘幽砌堆紅雪鶯坐垂楊破綠煙輕暝未成連日雨薄寒猶

怯晚春天方池新漲遊魚樂興寄濠梁秋水篇

楊守知 字次也浙江海鹽人康熙庚辰進士官翰林知府

啞嘛酒歌

楊花吹雪滿地鋪。杏花一片紅糝糊。榆錢簸風風力軟。芳林處處聞啼鵲。青旗斜漾茅屋底。天然好景誰臨摹。我留此地一事無。太平之世為羈孤。東鄰西舍相招呼。殷兄張丈與俱動。釀錢買醉黃公。壚麥缸。鷺黃新釀熟。味醇氣郁過醍醐。彭亨翠甌如鶉觚。細管尺五裁霜蘆。低頭吸同渴羌飲。一口欲盡。驚鷺湖。白波倒捲東海沸。渴虹下注西江。國朝詩別裁集 卷十九 五 教忠堂

枯碧筍不用彎象鼻。龍頭屢瀉蛟盤珠。須臾餅罄。罍亦恥。春意盎盎浮肌膚。劉伶大笑阮籍哭。直欲躍入壺公壺。吾皇聖德蠲逋租。吏胥不擾民歡娛。今年更覺酒味好。百錢一斗應須沽。盲娼醜似東家嫖。琵琶箏阮聲調粗。有時呼來彈一曲。和汝拊缶歌。烏鳥青天作幕地。為席醉倒不用旁人扶。樂哉邊氓生計足。白羊草乳驢將駒賣。刀買犢。勤耕鋤。女無遠嫁男。不奴舍。哺鼓腹忘帝力。歲歲里社如賜酺。安得龍眠白描手。畫作擊壤堯民圖。

風土詩傳出太平無事景象乃不徒作

徐昂發 字大臨江南崑山人長洲籍康熙庚辰進士官翰林院編修著有畏壘山人詩集。畏壘文酒自豪常傾四座所著駢體追倣六朝筆記亦見博洽倘能本此出政便為藝林完人。五言古從杜陵出近體得力樊南而能自出面目同時談藝名士無與儔者

下田雨歎

古者制田畝其要維溝防。崇方與廣網。秩秩懸憲章。厥田雖沮洳隄岸峻且強。水淫不能災。歉歲成豐穰。漢時賢守令此義尚肅將。奈何千載下。剥剝為循良。養人乃食人。田事豈所詳。遂使三尺雨下。隄波滄浪。嗚呼匠人職古法未渺茫。溝防廢不修。萬姓罹凶荒。一言俟采風吏責非天殃。國朝詩別裁集 卷十九 六 教忠堂

今廢久矣養人者但知食人誰能為下田計耶惜來風之使不行作詩者存其職而已

夏寒

天地張陰機。日夕風雨橫。雷霆瘖不吐。蕭條萬象靜。枕席霏霧宿。牕牖波濤泳。緼絮復故篋。綌衣盡除屏。涼入肌骨酸。氣中藏府病。乘時妖厲作。錢鏹無人競。借問此何時。指牛看斗柄。溫風不應候。其國少緩政。况復陰沴結。慄慄如冬孟。方今國用寬。陛下甚明聖。比歲膏澤降。凶札憫萬姓。奈何厥罰寒。憑陵當火正。毋乃羣有司。下意愒上令。大稔大痲餘。征求恣考榜。刑峻傷天和。斂急勸民命。國

家制廉祿豈曰飼諛佞愁雲塞八荒終夜心恹恹

母乃重有司下意慢上今自昔已然慷慨陳辭聲色俱厲少陵和春陵行次山示官吏作後此篇與欲希風

雁門關

昨升繫舟山試望雁門塞截業陣雲黑勢與玄岳配及茲赴谷口踟步入煙靄曲曲山根盤層層蒼壁對嵐光自摩蕩巖壑遞明晦古雪滋陰崖新泉下奔瀨後一線路迥出飛鳥背側登上空曲攀危凌地籟始知經陟高足底羣峰會玄冥操斗柄制此天北戒插漢立雄關蕃畿隔內外東掠鳳皇城西極葛藟海呼吸萬里通形勝兵家最信乃天國朝詩別裁集

卷十九

七

教忠堂

鐵嶺關

鐵嶺負青天岑岑聳嶺背峰連削鋒險路入傾崖晦兵家矜卻笠地勢雄守隘束馬貫層巒賈勇陟危塞山盤鳥道紆磴轉硤角對沓石隄仍倚飛泉散復匯鳴蟬響清越樹密晝陰曖力前忽斗下猛進眩反退折趾諒不辭我僕嗟已殆三關信雄傑乘鄣此亦最山形接北荒邊環通恒代緬昔豺虎鬬百戰爭要害設險殃萬民茫茫咎真宰

狀奇險嚴字字矜鍊

而得結意見在德不在險也

過彭蠡湖

水落晴沙高鶴鳴霜野冷我來越彭蠡及此秋光迴林岫遠參錯洲渚互陵亘魚龍氣不驕鵝鷄散游泳川塗翫迴轉歎疾孤帆影洪流既歸壑巨藪失溟滓乃知造化根終焉返虛靜沿源過連圻蒼然見西嶺曖曖斜陽中悠悠動漁艇異人不可求松門企清景

天下萬動歸根於靜不過借湖指出

漱玉亭

合沓巖崖窄風雨松顛聲雙瀑從西來飛出九疊國朝詩別裁集

卷十九

八

教忠堂

屏羣峰忽搖蕩右界銀河傾孤亭攬要妙恍惚光怪呈天清霹靂關日抱虹蜺生飛瀑濺積素上散為雲英奔漱澗壑間萬玉相鏗鈞違山已十里餘響騰空青惜哉古球石獨向山中鳴

坡公作以自得勝此作以矜鍊勝惟

不相襲故相通

鳳尾岡望海

側磴綠秋毫連巖眩明晦踉蹌逾積阻曠望霄宇大鳳翥振華尾下視九州隘我來躡其顛若陟靈羽背一身與雲輕迴出天地外巒嶺何隱軫草樹紛映曖彷彿魚龍沸萬里滄溟漚神山恍可接灝

氣吞南戒。颯沓風雨來。蕭蕭鳴衆竈。鞞轡重朝奔。
鏗鐃羣壑會。長嘯顧向途。邈然閱人代。一身與雲輕二句極狀憑高眺

遠下寫望海不必盡力形容別於觀海也若出時下才人手浪費筆墨矣

經廣武城

驅馬出廣武。杳渺長坂橫。衝風擊山鼓。白日收光晶。
羝羊銜髀散亂落。溝坑陰氣萬里結。青草不肯生。
四極失所制。關塞起龍爭。聖皇内外一介士。影長纓。
夜眠朝射獵。邊柝寢不驚。不見白登臺。西連蘇武城。
此非中州之廣武也。蘇羊四語寫盡古戰場氣色。後歸本聖朝見武備修飾得立言之體。

觀打魚戲爲鸕鷀歌

國朝詩別裁集

卷十九

九

教忠堂

鸕鷀鸕鷀巢高木。張口吐鱗連五六。睨睨碧眼玻
璃明。稜稜長喙鉤鉞曲。野人祿網橫覆車。鰕沙兩
翻不得舒。鹿角腥涎養馴熟。朱繩繫頸來捕魚。潮
波吞天一葉舞。野人指撝若部伍。鸕鷀穿浪疾如
風。水面迴篙掉飛觴。戲鯉游魴驚失次。拏髻磔尾
萬魚逝。翻身入水追亡逋。搗鼓船頭助聲勢。大魚
鱗脫紅肌摧。小魚半死盈艙堆。鸕鷀鼓翼鳴得意。
貪殘嗜殺神所猜。野人挾柁斜陽隊。論斗賣魚謀
一醉。鮮鱠遙看藿葉香。輕刀細剝春葱脆。鸕鷀鵲
鵲垂頭歛翅上橫木。一寸鱗髻不入腹。
入水出水連通。鵲鵲食殘之

力祇爲漁翁利而已。毫末入腹。鸕鷀亦何取耶。此詩妙在全不說破正意。

相見灣詞

自注在贛州南二十里章江中

人獸溪灣遲。我愛溪灣旋。三暮三朝見。百回相思
那及長相見。

揚州

木鷲沉虞錦。颯斜隋氏離宮接暮霞。辱井有魂悲
玉樹。仙都無夢餉金蛇。裙縵禹穴千年藟。鏡擁迷
樓萬朵花。莫向吳公臺上望。江南江北揔無家。
後從義山地
下若達陳後主二語而申言之一加點染遂若別開面目

淮陰侯釣臺

國朝詩別裁集

卷十九

十

教忠堂

木落荒原水氣昏。英雄漁釣跡猶存。蒹葭不售三
分策。漂母長留一飯恩。人歎老臣知國士。天哀女
子殺王孫。藏弓烹狗由來事。只合終身淮上村。
東
不售而漂母之飯常懷淮陰無反志。明矣。咏釣臺者甚多。此作獨爲完善。

城南二首次宋五嘉升韻

漢室曹瞞是獵梟。猗兒年少欲橫挑。刀圍玉帳觴
公瑾。花簇珠屏舞大喬。水上神書纔息鉢。牀頭明
鏡旋生妖。蟠龍門外牛羊墓。麴麥粘天似雪飄。
宋
王也。英氣勃勃。千載如生。

東風倚棹木蘭舫。舊事淮張剝野蒿。人弔夕陽花

作雨鳥啼初月水平。蒿江陵故老。憐蕭銑。隨首荒宮。記。隗。亡國有魂歸不得。驅狼衝海湧呼號。張士

集秀野草堂醉後作

飛揚意氣未磨礪。五岳峻嶒方寸中。草木尚生無患子。男兒那作可憐蟲。逢花若苦為愁飲。結柳逡巡歎學窮。至竟文章成底事。莫臨遼海哭秋風。子見

本革古今注謂此樹可以殺鬼關疫即苦提子也。企喻歌辭曰男兒可憐。出出門。橫死憂此。種對法全。學秋風。客春夢。夢之類。

賈太傅祠

國朝詩別裁集

卷十九

士

教忠堂

陳書痛比秦庭哭。作賦情同楚奏哀。已遣長沙憂不返。如何宣室召空回。身逢明主猶嗟命。天奪中年亦忌才。此日題詩還下拜。也如君弔屈原來。達明不用前人屢言之矣。天奪中年亦忌才。人主意中事而不及言也。一經屬對便成名作。

過白沙嶺寄同年張硯齋

積翠浮空不見峰。羣峯俱擁萬株松。怪來小驛重關路。忽與千巖萬壑逢。丹壁斜飛千尺練。白雲遙送一聲鐘。龍眠居士如相識。畫我山莊第幾重。

徐永宣

字學人。江南武進人。康熙庚辰進士。著有茶坪詩稿。○茶坪天爵自貴不就選。人詩全得力於東坡王。牆東耘劬極稱道之。謂其晚唐風韻各有會心也。

縹絲行

柳花村巷晴窓南。蠶神祀罷事春蠶。一箔三眠日卓午。食葉聲中作風雨。婦姑餉蠶不得閒。雙眉不暇描春山。戴勝飛鳴繭成早。縹車索索絲皓皓。賣絲抵稅輸縣官。入冬子婦仍號寒。

潤州

江山誰第一。最是潤州城。山上南朝寺。江頭北府兵。三春添黛色。萬古一濤聲。閱盡東西客。勞勞役利名。萬古濤聲。中間添入一字。見人事日變遷。而濤聲自終古也。下接結二語。天然無縫。

舟行即事用香山韻

國朝詩別裁集

卷十九

士

教忠堂

秋深酷愛水雲空。興到五湖東復東。船泊荻花全白處。酒沽楓葉半紅中。貴人翁仲蘼荒草。浮世賓鴻逐斷蓬。何似素心晨夕共。詩籤茗椀得相同。三寶

竹垞先生留宿楓橋慧慶寺夜話追悼陸文

孫自注。陸與先生同里善音。律流寓常州卒於興東。

朔風號怒紙窓前。憶舊僧房感逝川。鄉曲公憐楊狗監。天涯吾悼李龜年。雪深院落妻無絮。葉擁階除突少煙。此夜楓青燈影黑。鼓寒霜重不成眠。通羅

文孫故於竹垞從略第三語。傷竹垞之淪落。下俱言文孫之貧而沒也。結意黯然傷神。

宋建中靖國辛巳七月二十八日爲東坡先

生騎箕之辰先生乞居常州卒於孫氏寓

館其地去余家不數十武舊蹟猶存歲值

辛巳去先生六百年矣感今追昔邀同學

諸子於是日肇祀先生用眉山二字成詩

二章致敬恭思慕之意云

鍛羽難遷月下枝。文殊問疾倍支離。夢縈竹屋風

前樹。心繞觚稜雨後葵。已分孤臣傷骨鯁。可禁眾

女嫉蛾眉。憐才只有宣仁語。千載追尋五夜悲。東坡先生

生平轉軻惟宣仁太后能知其才并諒其忠愛宣仁殂落東坡連竄以至於死矣此詩特爲表出

國朝詩別裁集

卷十九

圭

教忠堂

白雲深處碧波環。詩識無端落此間。回首古橋衰

柳斷。傷心小院野花殷。魂歸月黑疑僮耳。鶻沒天

低憶故山。直接岷江溪水是。瓣香裊裊淚潺潺。六百

辛巳此意亦宜一見

秋日訪朱錫鬯先生

沈尤村僻絕塵寰。千个簷當水一灣。學道著書無

箇事。滿庭黃葉對秋山。先生清節一語寫景中傳出今讀者如或遇之此種微妙難爲外人道也

蔡 望 字甘泉江南江寧人康熙庚辰進士官縣知縣

蟬磯孫夫人廟

魂傷巴蜀雪消時。歲歲東風哭子規。近水芳春花

易落。沉沙終古石難移。悲銜白帝生。睽隔恨切蒼梧死。別離環珮不歸清夜。杳月明無主。照荒祠。如夢

而所遺不辰家國兩有遺恨視乃兄之降曹真可愧也漁洋斷句後應推是篇

送卓子任之大梁

中原天接大河長。駐馬夷門又夕陽。客路半生心

似雪。風人未老髻先霜。屠沽事業傳公子。詞賦聲

名重孝王。此去梁園千里外。不因懷古自悲涼。

陳沂震 字起雷江南吳江人康熙庚辰進士官給事中

雲安

水折山紆路欲窮。何曾破浪駕長風。高峰猿嘯重

國朝詩別裁集

卷十九

古

教忠堂

雲裏絕壑。舟行亂石中。宦迹羈愁川上下。詩翁遺

事灤西東。雲安麴米今何有。寂寞誰憐酒盞空。此川中作

今時詩下一首同

巴東

征人日夜逐征鴻。乍過川中入楚中。版籍已知邦

國異。人民仍覺語音同。五年三峽風波路。萬里孤

舟老病翁。誰信書生遇天幸。平安八口出巴東。

白雪樓

自古衣冠笑楚優。文章聲價付悠悠。人間豈解陽

春曲。此地猶存白雪樓。山色千尋常聳翠。泉源萬

斜自飛流乾坤清氣依然在更向何人筆底收

見後世有攻伐之無繼續之者連下首皆學使時詩

試院即事

畫戟森嚴晝漏遲凝香燕寢日斜時
聲寂滿箔春蠶正吐絲

途中

白雲如絮擁蒼山膚寸能弥六合間
出岫不曾行雨竟空還

行雨澤物者有幾人耶出岫後安然而還足矣

許湄字凌洲浙江嘉善人康熙庚辰進士官湖南石門知縣○此子座主竹君師考也勤郵荒政民受其賜石門至今頌

國朝詩別裁集

卷十九

圭

教忠堂

擬古

斑竹生楚岸檀欒映滄波天寒倚翠袖日暮愁湘娥
春雨抽新叢森森鬱中阿而何階前篠攢出如萬
莪托根一失所過者尋斧柯貞堅不自保咫尺嬰
駝羅嗟彼當門蘭芳馥將如何

哀君子之罹禍也通首比體

雙溪坪勘災

策蹇來投止荒廬繞棘叢看人惟野蕨撼壁有狂
風店鬼村村聚牂羊戶戶同救災長吏職無術起
哀鴻

寓灾荒景象如繪結意自道無術獨然仁者之言

費洪學

字與來江南吳江人康熙庚辰進士官博野知縣

登滕王閣

岩嵒傑構勢凌空憑眺山川氣象雄彭蠡潮聲轉
天外豫章山色落杯中才人逸唱秋煙渺帝子遺
墟夕照紅一閣堪憐幾興廢江頭為問釣魚翁

劉師恕

字秘書江南寶應人康熙庚辰進士官至直隸提督

護花

花開笑春風卻被風吹落自無堅貞性但怨風輕
薄賴有護花幡衆芳得所託恐此亦偶然莫便矜
灼灼

見東性貞貞不藉擁護也

卧龍岡武侯祠

國朝詩別裁集

卷十九

夫

教忠堂

祠堂舊是栖遲地門外曾停三顧車自信君臣並
魚水不教莘渭擅耕漁大星隋地終炎祚古柏參
天傍草廬魏殿吳宮俱泯滅荒岡猶峙劫灰餘

出而恨其痕

秦文超

字偉士湖南長沙人康熙壬午舉人著有涵村詩集

過漂母祠

清淮水漲岸添痕望裏長隄古廟存一飯偶然憐
餓者千金何必重王孫母能忘報真高誼漢不酬
功實寡恩我亦江湖垂釣客經過聊為薦芳蓀

黃任

字莘田福建永福人康熙壬午舉人官四會知縣

暑雨後坐月

雨洗月逾潔。氣寒光轉幽。螢不自夜風。樹已先秋。烹茗籟遙起。拂琴泉暗流。清宵形對影。身世兩虛舟。學漢李詩者偏得此清絕之。作從溫李入不從溫李出也。

讀楚辭作

無端哀怨入秋多。讀罷離騷喚奈何。明月竹枝湘浦夕。西風木落洞庭波。美人環珮惟蘭杜。公子衣裳在芰荷。千古靈均有高弟。江潭能唱大招歌。

題畫

桃花灼灼水潺潺。隔斷千山與萬山。生怕漁郎漏國朝詩別裁集卷十九 七 教忠堂消息不流一片到人間。

西湖雜書

珍重遊人入畫圖。亭臺繡錯似茵鋪。宋家萬里中原土。換得錢塘十頃湖。即胡澹菴所云小朝廷意高宗不復父誓隱然嘗下珠襦玉匣出昭陵。杜宇斜陽不可聽。千樹桃花萬條柳。六橋無地種冬青。感楊建其加發六陵事西湖詩流連光景者多此較有關係

彭城道中

天子依然歸故鄉。大風歌罷轉蒼茫。當時何不憐功狗。留取韓彭守四方。泗上亭長何詞以答

陳睿思

字臣九江南長洲人康熙壬午舉人。予前結詩南詩歸招進九入每詩成衆人屬履謂文莊公有德選中三朝

要典丁將軍故劍二篇皆課題也才命相妨中道復謝士林咸爲惋惜

贈張永夫

盧全家貧無長物。一婢一奴屋數間。先生之貧異於是。破竈頽隋寒無煙。途窮獸見俗眼白。餓死不食嗟來食。驕兒不襪脚凍皸。老妻無食面黧黑。一聞茅屋四壁空。雨淋日炙號長風。蟬蛸入戶蒼鼠立。夜寒僵卧牛衣中。屯蹶否塞貧且病。憂思感憤明其衷。險語突兀泣神鬼。奇氣磊落撐蒼穹。豪家婢僕何昌丰。睢眦俳笑老秃翁。白日晦昧吾道窮。此輩何足填心胸。喘月之牛負塗豕。紛紛輕薄應國朝詩別裁集卷十九 七 教忠堂如此君不見季次原憲留清名斯人今日常不死。極形其窮而以險語奇氣表其必傳永夫可慰於地下

閱三朝要典

明熹宗時朋黨盛。君子小人互爭競。小人道長君子消。宦官乘時盜國柄。委鬼茄花互連結。賜賂跳踉意氣橫。朝拜假父夕拜官。山鬼畫出白日暝。顧命元臣憤不平。羣賢交章以死諍。官中府中羽翼成。涕泣青蒲血空迸。深居九關啄天下。收縛清流納諸阱。狂瀾已將砥柱摧。疾風那怕秋草勁。紅丸挺擊連移宮。三案手翻亂廷平。去公然撰刻示天

下正者曰邪邪曰正吁嗟朝士蒙惡舉楊左諸臣
一網盡轉瞬烈帝登明堂黑白分明是非定小人
束手空怨嗟君子彈冠更相慶所憐姦慝暫退藏
天下紛紛終不靖譬如癰疽生腹心毒氣熾體亡
身命藥石雖能潰腐肉瞑眩不救膏盲病我思其
殃誰所致終之者魏始者鄭謀危太子心計深挾
狡矜兇口語佞光宗即位不永年太平天子生難
更後來邦國日殄瘁蛾賊縱橫徧梟獍要典雖焚
事已遲廟堂空見憂心恚九州龍戰血玄黃其先
履霜陰始疑後世人君其戒之莫使女子奄人與
國朝詩別裁集 卷十九 九 教忠堂

國政從三案始終備言之詩筆即史筆也此種七言古直欲進步五縣

觀丁將軍故劄

丁公小永孫子蔡崎嶇歷落非庸人與酣對客拔
劍舞飛電睽睽風軒軒坐客觀者喜且愕丁生材
武超人羣生云小子何足算公等未見先將軍將
軍自少性敢決翹關負米空千鈞生平武事略可
數鈎戟劍稍刀槍彈就中劍舞尤第一上馬下馬
皆如神白猿遁逃不敢進青龍髯髯纏其身余聞
自恨生已晚不得身與將軍親將軍更有遺事否
余爲傾耳君具陳生云昔時有草竊嘯聚海島如

雲屯醢人之骨食人肉元戎束手徒逡巡吾祖父
劍往殺賊髀髀帶血鼻棘門賊中豈少強健者直
前捕斬猶孤狹後來賊平受上賞皆由一劍成功
勛只今吾祖已沒世英風猛氣猶生存此劍時時
吐光怪匣裏龍嘯清宵聞同人拔鞘決眼覩殷紅
戰血痕疑新昔聞隴西世受射將軍之後應生君
君今好文不好武性嗜奇古師皇墳自言今者特
偶耳兒戲恐使他人嗔勸君只合繩祖武毋徒健
筆扛龍文古來武人畫麟閣文士老死荒江濱君
不見賤子學書不學劍途窮慟哭空酸辛只寫入先將軍一語

國朝詩別裁集 卷十九 壬 教忠堂

便已出衆以下聯控縱送無不如志末一語轉合文士之困窮不勝嘆咽○前人論七言古必時露奇警句乃不薄弱篇中髀髀帶血鼻棘門等句也得此通篇振起

王式丹

字方若江南寶應人康熙癸未賜進士第一人官翰林院修撰著有樓村集○樓村壬午鄉舉年已六旬明年會試殿試皆第一鄉舉時已定元矣後得吳楚琦卷改置第六其實吳卷遠不迫王知本朝三元應有待也歸里後以同年友累人藝林重其才因誌其過云

題徐昭法先生澗上草堂畫兼貽西照頭陀

頭陀姓戴名易字南枝越之遺民也寄跡
于僧賣字葬昭法先生於珍珠塢著虎邱
表忠補一篇載文靖公及澗上遺跡甚悉
又有釣臺詩五百首

鼎湖晝曉龍無所。席藁孤臣淚如雨。香草庵前魂
夜飛。臣報其君子。肖父一樹冬青半欲枯。枝上靈
禽自傳伍。鐵函荒井抱遺編。時有風流照毫楮。脩
然落墨做倪迂。窈窕空巖帶平楚。當年思肖畫蘭
花。只畫根莖不畫土。澗上襟情亦似之。自寫草堂
心。獨苦我今讀畫緬遺風。江南鬼哭玆珠塢。埋骨
憑將賣字人。更與流傳表忠補。好把嚴陵五百篇
留伴此圖共千古。文靖父子吳之王。端夷齊也。詩詳叙其死難
守節未并及戴南枝之為人。得史家附傳體。

蕭尺木凌歊臺圖

高堂素壁雲氣生。莽蒼一燈秋山明。蟲空截業勢
國朝詩別裁集 卷十九 主 教忠堂

千丈飛流樹頂如。聞聲借問此景從何得。凌歊臺
畔青嶂嶸。大江東去抱姑孰。天門竦立牛渚橫。崇
臺拔地接星絡。湘雲巴雪相逢迎。寄奴賣屨作天
子。目營八極憑江城。燕秦電掃自豪喜。三千歌舞
隨霓旌。至今英雄久灰滅。漠然山高而水清。鍾山
有客癖撫仿。坐揮墨瀋升斗傾。不爲永初繪巡幸。
卧遊自欲酬生平。橋頭策杖者誰子。幅巾瀟灑携
秋英。母乃義熙老處士。獨依松菊歌閒情。謝宅已
荒桓井廢。斷碑苔蝕留空名。何當堊立下幽聽。慈
姥夜憂琅玕鳴。我來讀畫三歎息。萬年之計徒屏

營。涼宵對此且痛飲。西風颯颯燈燐燐。

睢陽廟二首

曾披唐史傳遺烈。百戰孤城蹟不磨。犄角力堪殲
寇盜。殲身功已障山河。名先李郭懸青簡。血並南
雷染碧莎。此日楹間修一拜。陣雲邊月想悲歌。若非張許死守則睢陽早破而江淮力不支矣使李郭得成
恢復功者張許力也殲身功已障山河一語具有論史之識

繡幌煙沉鐵面寒。衝冠餘怒尚桓桓。戴天定不偕
阿犇。斫地還應滅賀蘭。自注鐵鑄賀蘭進明號犇
下爲觀者掩擊止存半軀萬古歲
時尊俎豆。九幽靈爽託筵筵。即今燈火傾城市。彩
繪旌旗徹夜看。

國朝詩別裁集 卷十九 主 教忠堂

于忠肅公墓

自拚熱血灑高穹。隻手扶天日月中。帝位安危操
上策。外藩影響戮孤忠。苔封石馬三春雨。煙暝巢
烏萬木風。相望鄂王精爽在。靈旗蕭颯暮山空。詩古
簡要土木尊門二語中俱
已寫盡見作者鍛鍊之功

南中書事

禹甸埴墳殊廣大。蠻方節鉞漫紛紜。欲披角鯉池
邊草。旋攬都鶯洞裏雲。孔僅算縉原始。既盧循入
海豈能軍。詔書一紙烽煙靜。重見侏儻拜聖君。

錢名世

字亮功江南武進人康熙癸未
人官翰林院侍講。因未見稿本故所錄略

春齋山行

孟春值陰雨。經旬閉柴荆。晨興理短策。試向前山行。始齋羣卉。圻稍暄。百鳥鳴。攀躋紆石磴。迢遞延。葱菁谷幽嵐正合。路轉湖偏明。松風有時歇。悠然聞水聲。即此愜吾慮。絲邈生遙情。

題延陵季子廟碑後

避位曾傳泰伯風。那言高義子臧同。史書未改仍公子。人物無憑只上中。地僻似村煙月白。廟閒如社野花紅。傷心窟室鉞交後。斷送亡王泣雨東。

子為上中人

國朝詩別裁集

卷十九

重

教忠堂

劉

字大山。江南江浦人。康熙癸未進士。官翰林院編修。著有

雜詩

大山詩集。○大山富學殖。篤友生。植因草南山集序文。錄

拋金似泥塗。不如富購書。有書堆數仞。不如讀盈寸。讀書雖可喜。何如躬踐履。積金不積書。守財一何鄙。書多弗能讀。賈肆浪奢侈。能讀弗能行。蠹枯成散紙。前人已道及此。暢言之。下半首即申前首首意。不添一閑語。是為創格。

雜感

凶器古有兵。高品古有名。兵凶不可驕。名美不可爭。赫赫鬼神心。惡殺兼惡盈。盈窮兵禍自斃。矜名身

自傾二者同一機。盈乃與殺并。惟寂與惟冥。所以

全厥生。種名之。敵與窮兵同禍。而以寂冥為全生之方。真至言也。後作

與名並說。讀末二句。知名乃主兵乃賓也。

哭家西谷侍御

我本江東產。君乃渭北人。二紀聚京國。情若同胞親。兩家有嬌兒。盈盈掌中珍。齒髮過半百。得嗣皆艱辛。憐言雙穉子。永好為弟昆。君魂遊泰岱。輜車返西秦。我兒泣呱呱。君兒淚沄沄。嬰孩離且痛。何況我與君。生別且不忍。何況死生分。後西谷有復而大山之詞。視西谷之

七倍慘矣。

國朝詩別裁集

卷十九

重

教忠堂

與履安夜話

空墀雪未消。寒酌人初醒。窮冬歲欲徂。不覺增酸耿。離逝十年心。淒清一燈影。泥途子在屯。羈繫余蒙青。日月懸高天。波瀾起皆井。良朋將豈無。古義夙所秉。破膽倚平生。掉臂咤俄頃。袖短展莫長。灰殘噓亦冷。非子誰慰懷。使我日延頸。惠來悔近名。老至憶幽并。宿諾焉可孤。相期問清潁。此作者懷惠後作。已悔近名之矣。

贈人

鄒陽休上書。縲紲非所恥。禍雖如風颺。義命有根

抵次公從長公講經狂狷底聞道在崇朝夕死亦可矣刑以懲小人懷之在君子七豔苟不隱何妨驚百里委運與思魯並行正相倚古人大家成皆自憂患始

病中雜詩

克魄晦乃光尺蠖屈乃伸衆順死之轄諸逆生之門聾者目善視瞽者耳善聞缺一得專一用志斯不分困尔以疾瘳加之以艱辛誰悟天地意無思乃殊恩

能如所言則無入不自得矣未俗但望天地之恩而不知無思之恩終身皆成感時也

輓徐泰初

國朝詩別裁集

卷十九

雲

教忠堂

病中決歸計預以書報家妻兒懷征人夜夜占燈花不望印懸肘不希金滿車妻顧見阿夫兒顧見阿耶骨肉苟得完長飢又何嗟寧知忽棄捐旅魂栖天涯

憶與汝偕遊爰自白門始駟驢來幽燕卧我空齋裏階前木葉聲秋雨打窓紙坐上無車公飲酒不歡喜當時意氣豪尔我俱壯齒彈指廿餘年蹉跎嗟我子余見子盛衰余亦將老矣惆悵平生心悲風飄然起

造物使子窮窮且至於死死且在蓬蓬何爲命如

此孱孱浮薄軀船木薄如紙潞水深復深蛟鼉弄牙齒一櫬波上輕歸去三千里蓬窓夜哭聲如在楓林裏

三章俱直白語而情至文生至今讀之猶覺悲風四起

天台萬年藤杖歌

金庭洞天高冥冥懸崖峭壁垂蒼藤風餐雪啣雨淋瀝孕藏夔魍遭雷霆九峯一萬八千丈兜絡石骨撐天青天台仙人揮玉斧斫斷一枝手中拄出洞入洞撥瘴雲上山下山鞭餒虎我昨五嶽恣遨遊扶持兩腳欺猿猱東坡鐵君已繡澀少陵桃竹難堅牢可憐形質墮然瘦經歷千年始成就五百國朝詩別裁集

卷十九

雲

教忠堂

采桑秦氏女

倭髻明珠網綺裘鈎將沃若葉紛紛千人坐上誇夫婦五馬車邊笑使君洛水但聞歌閉月巫山惟見賦行雲羅敷本是邯鄲女能遺桑中似汝墳

女可以化淫爲貞如此立言幾別於風雲月露

蔣廷錫

字揚孫江南常熟人康熙癸未進士官至大學士謚文肅著有青桐軒秋風片雲諸集文肅工繪花卉品與譚南田敵成進士後官中樞貴重之流傳世間者真本絕少馬扶職父子代作者即可亂真也少藏家於詩感時傷事放情縱酒一一

寄諸水曹青桐新詩皆未過時作也從此繼數文明
無猶大業諸篇未見錄本故所錄只在青桐新稿中

續古詩

松蘿良有托。葛蔓亦有依。工中一貧士。四海無所歸。日飲澗中水。朝採山上薇。天寒水結冰。年深薇漸稀。浩吟悲我行。君子其庶幾。遊魚躍池樂。苑馬騰壚肥。豈知鴻鵠志。不逐燕雀飛。

荳荒

西北多高田。種花亦種荳。夏至二十日。播植唯其候。刈草復治穢。深耕還淺耨。疎根欲其乾。糞土欲其厚。望莢成二七。不先亦不後。呂覽稱時之宜其莢二七為族誰知入

國朝詩別裁集

卷十九

壬

教忠堂

五月雨下大且驟。荳苗未盈寸。披靡倒若蹂。水浸及濕蒸。空敗不可救。縣連勢更甚。長草如長寇。岸水倏復盈。築岸旋已仆。浩歌南山詩。酌酒聊自酌。
出白傳手不過如此意取其辭取其達

柴荒

庭中多草萊。階下多松竹。朝取炊晨餐。夜拾煮夜粥。松竹易以盡。草萊生不足。朝持百錢去。暮還易一束。濕重不可燒。漉米不能熟。八口望曲突。嗷嗷歎枵腹。前月山中行。山木猶簇簇。今從山下過。遙望山尖秃。農民無以爨。焚卻水車軸。田事更無望。

拆屋入城。鬻鬻之富貴家。可以爛魚肉。九神似秦中吟為諸生時留心

數苦如此他日相棄宜出諸大臣上

題小顛墨竹

畫竹不如真竹真。枝葉易似難得神。風晴雨露皆有意。子瞻與可無其人。去歲闢地栽新竹。枝葉離披覆茅屋。竹梢枯勁竿清瘦。久久可以醫吾俗。昨夜雨過月上時。壁上映映青枝。張子對之無一語。淋漓潑墨發異思。淡煙輕霧筆底生。枝枝盡帶風雨聲。移向乾明寺中挂。壁石好撰張顛名。

表忠觀

國朝詩別裁集

卷十九

壬

教忠堂

流離五季徧干戈。草竊英雄幸遇多。一角國分唐土地。百年廟共宋山河。凌煙閣上功臣像。衣錦營中駟馬歌。為問販鹽為盜日。仲謀曾許較如何。
大其

送陶子師任昌化

匡門圖畫便悽然。況復窮荒在日邊。道險不知山水趣。法寬猶用宋元錢。自注高麗三處皆用古錢丁卯歲制督吳公請行錢法而古錢盡廢然瓊州海外至今未格也月明黃木灣頭驛。人語紅蕉花畔船。只有

一端廉吏計。木棉花發省裝綿。

看梅

橫列春山翠帳開。幾株相映白皚皚。輕煙未散月未上。放鶴亭邊雪欲來。格高

張自超字義歎江南高淳人康熙癸未進士。○義歎知已非用世人不就選調生平遠於經學詩亦從經學中出

詠懷

阮生何鄙固。往往泣途窮。途豈有窮時。毋乃太熱中。學道無獨識。舉足迷西東。太虛亦寥闊。顧弗容其躬。能貴不能賤。遂為物所攻。時論于儒者。謂貧為素風。搖落感荆蒂。飄漾如飛蓬。願為達觀者。與世開鴻濛。遂是有窮時。喚醒急歸人多。少貧賤能移之人。即富貴能淫之人也。達觀者尚未足以知之。

秋懷

國朝詩別裁集

卷十九

元

教忠堂

大道自坦夷。于中生荆棘。擴清有古人。所貴無遺力。堯舜至今存。孔孟教不熄。世運或遷移。日月亦食昃。邈非聖賢心。利猶天地德。霜風洗長林。羣木涵新色。蘇清吳端正以章明聖教堯舜至今存由孔孟之教不熄也。雖謂詩不足以載道耶。

桑

老桑古怪大成圓。秋風落葉著地飛。腹空皮裂輪拳曲。霜雪歷盡生意微。左邊柔條猶自好。解向東方弄晴暉。我生骨瘦常苦寒。繭絲賴汝成冬衣。願汝百年不戕賊。春日三眠蠶可食。半榮半枯生亦得。即作者自狀其生平

掃塵行

掃塵練日臘三七。細竹長竿風捲疾。歲歲荒村守敝廬。家家淨掃迎新吉。掃遍瓦椽及四圍。甌中之塵凝不飛。朝來坐曝茅簷下。垢面相逢仍苦飢。舊語也。加疑不飛三字便覺貧。況可掬即此想見鼻欬清風。

何焯

字地瞻江南長洲人康熙癸未特賜進士官翰林院庶吉士卒後賜侍講學士。○義門先生負正氣湯文正為其所勸。義門時為選貢生諸勳者門。罵罵人共高之。屢試不中。聖祖賜舉人連。○賜進士身後進爵。賜金。君恩厚矣。生平勤於讀書。自十三經注疏二十一史諸子雜書文選俱一一訂謬。鈎貫天下共想望之時。文選本其餘事也。今散亡零落盡矣。藝林得其一二奉若拱璧然。

金陵懷古

國朝詩別裁集

卷十九

辛

教忠堂

寥落寒雲蔽舊京。歌殘玉樹聽淒清。并無鐵鎖沉天塹。遽見金輿出石城。一馬尚能龍變化。千門誰使草縱橫。烏衣巷陌尋常在。可是夷吾浪得名。蘇如孫皓之防敵也。頭聯見井不能如晉元之偏安也。結意見王導備下新亭之淚。此則并無其人矣。

吳廷楨

字山翰江南長洲人康熙癸未特賜進士官翰林院學士著有南村詩。○南村以北籍被斥。聖祖南巡獻詩召試。御舟成江字韻絕句詩中上意復還舉人明年成進士。自是恩遇日隆。方欲大用之。而南村卒矣。詩稿未及見。此從江左十五子選中錄出。

試兒行為天標令子賦

璇源照夜凝冰壺。老蚌就掌生明珠。翠眉玉頰瞳點漆。人間又見徐卿雛。去年湯餅會眾客。鬱葱佳

氣方充間。走邀溫嶠辨英物。耳畔芳歸聞啼呼。今
來周時露頭角。矯矯自與羣兒殊。豪鷹前芳毛骨
異。敢以凡鳥題門樞。雲屏翠幙好遮護。抱持保姆
顏敷腴。圖史百物羅左右。滿堂坐展紅羅綸。排窓
穴。壁競覘。親戚笑問兒何須。徑前握管隨手抹。
似尋字畫。摹之無諸餘。玩好不挂眼。豈羨取印提
戈父。迺翁雅素耽詞翰。吮毫紙墨勤吟哦。兒生隋
地有同嗜。端能讀父盈車書。草牘方當等鼻情。臨
書且爲留官奴。幾人有兒得寧馨。萬金之產良非
誣。我歸責子坐歎息。提孩便已趨殊塗。朋來雖有
國朝詩別裁集 卷十九 三 教忠堂

以嫌爲用便
不覺其陳陳

石田畫廬山高

石田老人筆有神。匡廬面目爲寫真。聲確高峰駢
駝卧。蜿蜒懸瀑蛟龍蹲。更叱巨靈運神斧。削出坡
陀似懸乳。哀猿下飲難攀條。寒鳥歸飛愁隋羽。萬

古盤渦轉輪轂。三疊水簾珠萬斛。遊人揔向畫圖
看。依稀認得康王谷。何年乘遊支短筇。筇與芒屨
相過從。會當洗耳萬山頂。高揖五老看鐘峯。

觀潮

閭闔長風吹海立。馮夷怒挾天吳入。層層駕浪薄
秋旻。涼波如沸魚龍泣。海門匹練遙飛來。龜山赭
山青崔嵬。罔象橫衝兩崖束。巨靈直壁中流開。劃
然分奔吼餘怒。霆擊雷轟碎天鼓。日車傾吳義和
愁疾掩。陽烏避吞吐。倏忽奔騰萬馬奔。鴉夷蹴
踏來窈冥。雪山摧翻龍脊瘦。水柱迸裂蛟涎腥。俄
聞春岸喧雲碓。旋見跳波散珠珮。驚濤蕩滴天低
昂。亂石剉旬山破碎。潮頭一落百丈強。迎潮之子
凌蒼茫。千桅乍隱鷗起沒。一葉忽浮鳬拍張。目精
眩轉毛漉漉。我生江鄉惜未識。吁嗟向若邨然驚。
倒瀉長江盪胸臆。水犀強弩千雕翎。欲尋斷鏃揚
遺靈。釣臺西峙灘漲急。海天瀕洞孤煙青。此林廣陵
潮也一路

國朝詩別裁集

卷十九

三

教忠堂

掛山倒海而來。幅煙波無
際。蓋潮至富陽而怒平矣。

天妃廟

斷堰鎖崔嵬。奔流下石隈。勢吞淮甸盡。聲撼海門
開。水氣晴吹雨。天風夕送雷。扣舷驚險絕。誰是濟

川才

淮浦夏日雜感

濁浪南奔萬馬雄。清淮如線失春容。天連碧海盤
霜鷁。水拍金隄轉雪龍。四載禹功今未遠。一丸蟻
穴古難封。杞憂卻怕天饒笑。且與平治磊塊胸。

曉望華嶽

曙爽西來嶽勢尊。削成天外射初暎。寒松翠滴仙
人掌。晴雪光浮玉女盆。氣肅金晶橫地軸。路尋箭
筈倚雲根。懸知絕頂通呼吸。直欲排空謁帝閭。

函谷關

國朝詩別裁集

卷十九

重

教忠堂

九泥塞險恃崇墉。表裏山河百二重。城晚角聲通
晉塞。關寒樹色鎖秦封。驚心逋客聽雞度。矯首真
人跨犢逢。西去嶽蓮迎面起。雲開立馬許從容。

雄壁補題

見王季遠格

吳瞻淇

字漪堂。江南歙縣人。康熙癸未進士官翰林院庶吉士。○
瞻堂先生不以詩鳴。而天然溫厚。如其為人所養。醇也。

發富陽夜次嚴瀨

忽見桐江樹。回頭失富春。中天一片月。千古兩高
人。

自注嚴子陵祠
對謝皋羽墓

世亂宜晞髮。時平亦潔身。清風迎客棹。欲為滌征塵。
五六語分承皋羽子陵潔身每在危亂之邦時平
潔身前惟樂許復惟子陵也語不刻削而自切

三荅家兄

留滯周南客。相思春草餘。夢來乘夜月。詩好代家
書。父有千秋業。兒慙兩地居。何時耦耕罷。商略注
蟲魚。

章藻功

字章績。浙江錢塘
人。康熙癸未進士。

晚遊西湖

雲漏晴光一縷斜。紛紛歸逐七香車。山中影散樵
薪客。隄外帘收賣酒家。乍捲村煙橫遠岫。暗移簪
火點平沙。可容爛醉湖頭宿。夢轉三更玩物華。

一晚
字

國朝詩別裁集

卷十九

重

教忠堂

國朝詩別裁集卷十九

國朝詩別裁集卷二十

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

查慎行

字夏重浙江海鹽人康熙末進士官翰林院編修著有

後輩禮相見者也至是敬業居弟子列甚恭而東山仍事以前輩時論兩賢之生平敬慎篤實見重內廷同時班揚之列無一人疑忌之者。施注蘇詩行世久矣敬業補所未及無多駁正緣無力未及鐫行所為詩傳力於蘇意無弗申辭無弗達或以少臨藉議之然視外陳中乾製面目而失神理者固孰得而孰失也惟學之者勿更揚其波斯為善學者耳

秋感

渡淮橋成枳一變性終失不聞返故土枳又化為

橋人生百年中孰是保初質就衰水赴壑駐景戈

國朝詩別裁集

卷二十

教忠堂

挽日幾見白頭翁霜復如漆

見變善為惡不能復返為善即未有小人而仁者意

所以防失足也下又推廣言之。若果於避事仍可返善為善此又當活看

開口觀晉魚者

插河一綫才如溝戢戢魚聚針千頭其中巨者長

二寸領隊已足稱豪酋尔生亦覺太局促漂漚散

沫沉復浮不知世有海江濶長養何異蒙拘囚居

民活計乃在此勞不撤網逸不鈎竹竿綳晉密作

眼駕以一葉無蓬舟朝來暮去尋丈內細細粘取

銀花稠庖厨却緣瑣碎棄曝向風日乾初收微鯉

但供飼鯉用性命肯為纖毫留吾聞王政雖無澤

梁禁鯢鮪尚有洿池遊人窮微物必盡取此事隱

殘盡取末路一點知通體全注於此

洪武御碑歌

昇仙臺前白玉碑柱石擎攫龍之而鴻文載在御

製集初不假手詞臣為我來摩挲一再讀顛者蹤

跡大可疑憶昔元人失其鹿羣雄角逐爭驅馳濠

州布衣人未識芒碭雲氣常隨之金陵一朝定九

鼎六合不足煩鞭笞是時楚兵最剽悍不自量力

來交綏國家將興有先兆天遣來告貞元期明明

國朝詩別裁集

卷二十

教忠堂

天眼識王氣故以險怪驚愚蚩英君往往謀略秘

計大不許尋常窺亦如田單破燕騎神道設教尊

軍師不然茲事乃近詆小數何足誇權奇白旄一

麾江漢靖軍前長揖從此辭留侯自伴赤松去穀

城空立黃石祠天池之山高巍巍竹林仙取杳莫

追鶴歸倘記石華表世代已逐滄桑移百年雨露

在山澤惟有松柏參天枝

張三丰事本近詭譎明祖製碑文以表之即斷白地赤伏符等意也

篇中點破神道設教正論不磨

王文成紀功碑

明朝制科號得士吾鄉前輩尤絕倫于公王公後

先出。往往艱大投其身。朝廷坐收養士報。倉卒定變。皆儒臣。正德己卯夏六月。逆濠犯順江湖濱。公然舉兵。思向關三郡一開。生祿塵。皖口駸駸勢將下。留都岌岌恐震鄰。是時海宇正清晏。武備缺略久不振。公方持節撫南贛。似可觀變徐遭迍。同讐大義憤所切。守土敢限越與秦。出師必待九重詔。是謂以賊遺君。親飛書插羽聲罪討。攻所不備真如神。自從擣巢及執醜。通計時日纔兼旬。軍門戎首已面縛。天子韎韐方南巡。石頭城南獻馘。嚴待命行及明年春。周公東征尚跋蹙。形跡詎可拘。忠國朝詩別裁集 卷二十 三 教忠堂

純盈廷宵小古亦有。忌者愈衆節愈伸。初心祇期濟國事。豈必畫像圖麒麟。茲山勒銘蓋有故。深刻歲月題庚辰。紀功非夸乃紀實。書法道勁辭溫醇。首從伐叛叙始末。繼舉神武歸丹宸。天方嘉靖我邦國。誰其紀者臣守仁。隨征官屬例得列。惜哉名姓今俱湮。讀書臺傍一片石。百四十字磨崖新。逸事吾聞長老說。弘治一榜凡三人。後來立朝遠共事。數本前定非無因。胡發其姦孫殉難。公乃一手回千鈞。自注弘治五年吾浙鄉榜公與胡公世寧孫公鏜同舉其年場中見三巨人傳為異事及袁濠之變胡首發其姦孫以巡撫死難三人共此煌煌勛業本德性出遇世會開經綸質語事亦一奇也

百世可無惑。似此理學寧非真。後來輕薄好詆毀。撼樹不過欺愚民。如公表見猶未免。此外何以加冠巾。手磨碑碣發長嘯。白日皎皎懸秋旻。就前袁濠始末詳言之表出一榜三異人事屬前定非偶然也末以紛紛詆毀吐之此詩撼樹用以問執小儒之口

中秋夜洞庭湖對月

長風驅雲幾千里。雲氣蓬蓬天冒水。風收雲散波忽平。倒轉青天作湖底。初看落日沈波紅。素月欲升天歛容。舟人回首盡東望。吞吐故在馮夷宮。須臾忽自波心上。鏡面橫開十餘丈。月光射水水射天。一派空明互迴盪。此時驪龍潛已深。目眩不敢國朝詩別裁集 卷二十 四 教忠堂

高斯億為余畫竹以詩報之

畫竹原從草書出。眼中孰是張芝筆。高生善書久絕倫。餘技兼為竹寫真。自言亦用狂草法。頗覺游戲能通神。無諸城中少修竹。客舍連旬苦炎毒。賴君妙手補化工。為我一揮終十幅。幅終擲筆風雨來。野人疎爽心顏開。須臾雨止墨光濕。潤入紙背生蒼苔。老龍蛻骨瘦崛強。翠鳳掉尾紛毵毵。魄雄

氣大腕力壯。盡掃條蕩皆凡材。忽然幻作鐵鈎鎖。

自注江南李圭作竹自根至梢極小者一一鈎。勤成謂之鐵鈎鎖。自云惟柳公權有此筆法。世有誠懸應識我。

渭川千畝胸鬱蟠。放縱精微無不可。文湖州脈繼

者難。後來獨推王孟端。人間多畫風。中柳。自注東坡墨竹詩。那將春蚓筆。畫作風中柳。題文與可筆畫作風中柳。

墨竹詩。那將春蚓筆。畫作風中柳。題文與可筆畫作風中柳。玆重蕭郎十五竿。前後以筆畫作風中柳。開顏章法不懈。

謁南海神廟

姚侯送我游黃灣。澄江一道晴無瀾。黃昏到岸天

色變。徹夜震撼號驚湍。平明謁海神。雲氣解駁光

斑斕。殿中擊銅鼓。聲落海外迎潮還。巡簷繞廊看

古碣。手剔碧蘚青苔斑。或欹或仆或屹立。節角劇

國朝詩別裁集 卷二十 五 教忠堂

殺形模殘。煌煌御書碑。迫出唐宋元明間。浴日

孤亭表其右。七十二級直上窮躋攀。不知搏桑出

地幾千丈。頓覺萬象晃朗窮。豪端驪龍吐珠蛟歎

涎。陽烏擊水鼉移山。祝融分位當炎躔。紫霞紅浪

上下兩摩盪。中有萬點風檣竿。星流電掣到廟下

一一椎髻垂花鬋。吾皇膏澤被百蠻。遠人畢至

通者安。自從計臣握竿。變新法。鹽筴纖悉多歸官

廣川。大澤禁漁獵。網漏魚鼈羣生慳。問神受封今

幾代。蒿目豈不知時艱。國家大事必祭告。謂是

正直無欺謾。幽明肝鬲一氣旋。憂樂當與民相關

曷不草綠章。為民請命。恩宜頒。但使方隅獲沾

山海利。神亦坐享血食。無慙顏。計臣所利至於川澤無漁。可奈何之辭。

與顧梁汾舍人次閣學韓公韻

不是微之定牧之。紫微亭擅舍人辭。十年未就歸

田賦。衆口猶傳赴洛詩。往事相關碁已散。秋風纔

到髻先知。怪來東閣留賓地。難遣深情是酒卮。

拂水山莊

松圓為友河東婦。集裏多編倡和詩。生不並時憐

我晚死。無他恨惜公遲。崢嶸怪石苔封洞。曲折虛

國朝詩別裁集 卷二十 六 教忠堂

廊水瀉池。惆悵柳圍今合抱。攀條人去幾何時。惜其失身諷刺以和婉。出之得風人之旨矣。

汴梁雜詩

梁宋遺墟指汴京。紛紛代禪事何輕。也知光

義難為弟不及朱。三尚有兄將帥權。傾皆易姓英

雄時至適成名。千秋疑案陳橋驛。一著黃袍遂罷

兵。陳橋之變太宗實與其謀而主之者宋祖也。照光義而難兄之失自見矣。文人之筆嚴於鈇鉞信然。

秦郵道中即目

不知淫潦齧城根。但看泥沙記水痕。去郭幾家猶

傍柳。邊淮一帶已無村。長堤凍裂功難就。濁浪橫

侵勢易奔賤買河魚還廢箸此中多少未招魂形漂沒之多筆下疑有冤魂也聚

景州董子祠

西風殘照廣川城董相祠邊感慨生官秩稍增秦博士文章獨闢漢西京醇儒宜以科名重英主無如經術輕却笑武皇親制策牧羊牧豕盡公卿即爛羊頭竈下養之先聲也轉自崇經術者開之故奇牧豕猶傷經術此因牧羊而連及之

度仙霞關題天雨菴壁

虎嘯猿啼萬壑哀北風吹雨過山來人從井底盤旋上天向關門豁達開地險昔曾資劇賊時平誰國朝詩別裁集卷二十 七 教忠堂

黔陽雜詩

玉斧銅標界有無苴蘭城外亟儲胥田橫客已辭窮島樂毅功難敵謗書官濫羊頭爭獻鏡謀新鼠穴可乘車英雄穉子論誰是廣武登臨數有餘

送陸蓬叟之井陘

不道西遊爾許難萬峯高下渡桑乾亂鴉雪緊荒城暮叢雁天低斷角寒燕市莫尋當日伴并州且作故鄉看到時尺素煩馳寄及與梅花報歲闌

擬玉泉山大閱二十韻

地闢丹稜汴天開裂帛湖連岡環北極列曜拱中樞鞬驛銷氛氣風雲蓄睿謨不忘神武略獨握

帝王符吉日將差馬先期已祭驅桓桓齊步伐肅肅選車徒野曠金鉦轉沙平玉帳鋪一人躬跣

軫九校勇馳驅驚鶴知兵法龍蛇入陣圖雪光明組練寒律勁雕弧憶昨三犁候親征萬里逾行

間走英衛麾下拔孫吳捷伐聲靈在韜鈴將相俱詩人賡虎拜士氣動山呼振旅時方暇回鑒日

未晡殊威宣遐土同軌坦經涂典禮因時舉機槍埽跡無武功雖再續文德久覃敷用遏昭無外周

國朝詩別裁集卷二十 八 教忠堂

防戒不虞煌煌太平業磐石聳皇都叙明大閣下將萬里三犁振起

頻覺神霄傳道作長律解得此法自無平直之志

登蕪湖浮圖

落帽家山記幾巡弟兄南北各傷神茱萸明日重陽酒五處登高各一人自注時家次谷在蕪州州在燕德尹在黔惟船荒家居故云

曹操疑塚

分香賣履獨傷神歌吹聲中總帳陳到底不知埋骨地却教臺上望何人或云發盡七十二塚或云埋骨更在七十二塚之外奸雄心事未易窺測也此即望西陵語調笑之曹瞞應亦齒冷

題蔡方麓修撰早朝圖

集 158-481

水晶簾捲月如鉤。侍史妝成盡下樓。比似早朝還較早。不教君起看梳頭。

陳至言

字青崖浙江蕭山人康熙癸未進士官翰林院著有青崖集

感懷

白石何齒齒。清泉何浥浥。中有窮巷人。風塵寡顏色。驅馬發大河。碎琴金臺側。風塵肉眼多。慷慨竟何益。羽以翠得稱。玉以韞鮮識。誰曰託微波。終使形骸隔。修求匪吾道。在夷白。任運可逍遙。何須計通塞。以術干人何如守素矣白守素之實也碎琴長安者書蔡然自述

美人城南隅。婉孌發清揚。翳彼金玉姿。翠裾垂明璫。容與耀殊質。薌澤助晨妝。蛾眉衆謠詠。惟憂處空房。棄捐無是非。庭戶鮮輝光。衆口如浮雲。君心如曦陽。凋枝抽榮條。春來自芬芳。守素以俟時。毋為自摧傷。不疾浮雲之掩而望曦陽之照春至抽榮憂傷自息此為詩之心聲

國朝詩別裁集

卷二十

九

教忠堂

春遊同吳六應辰張四星陳金大以賓韓十

三渙文暨家魏公兄登摩烏山蘭若醉中

惹上人索賦

湖光如練山如拳。青天倒削波心蓮。何年飛下小蓬島。駢山不用秦王鞭。山前山後桃花路。不上湖船那能渡。滿船載得踏春人。荷帶荷錢春欲暮。茅

庵誰結山之阿。青竹江籬古薜蘿。徑穿曲磴飛紅雨。門對平湖捲白波。白波捲不開。紅雨飛不定。湖風忽起亂鴉啼。白雲流水瀉成鏡。座中韓生忽大叫。對花無酒花亦笑。阿菱十二能操舟。隔湖買得射洪到。射洪春酒醉百壺。壁上新詩值一掃。慈山山人知不知。人生行樂須及時。白注白香山歌童名阿菱

北平送友人南歸

哀角嚴城起悲秋。淚滿衣如何。遊子恨偏自送人歸。霜落孤鞍急。天高獨雁飛。賞心零落盡。朋舊日應稀。

國朝詩別裁集

卷二十

十

教忠堂

江上阻兵

聞道胥江口。黃巾未解兵。春沙晴洗馬。烽火夜連營。羽信驚帆影。鄉心亂角聲。請纓繫南越。無路痛書生。

白杜鵑花

蜀魄何因冷不飛。空山一片影霏微。那須帶血依芳樹。自可梳翎弄雪衣。細雨春波愁素女。輕風明月泣湘妃。江南寒食催花候。腸斷無聲莫喚歸。

詠白丁香花

幾樹瑤花小院東。分明素女倚簾櫳。冷香串串玲

瓏雪香送絲絲麗。穀風穩稱輕奩。勻粉後細添薄。

髻洗妝中。最憐千結朝來坼。十二闌干玉一叢。蘇詩

不微與實不著色相而杜鵑丁香自然分別於遺形取神處求之

岳端字無山安和親王子著有玉池生稿○紅蘭主人禮賢下士鄰枚之列時來座下嘗選郊島詩以示不棄寒瘦之意其志趣可知矣

春郊晚眺次韻

長堤一望夕暉斜。芳樹枝枝待暮鴉。西嶺生雲將作雨。東風無力不飛花。嬌鶯細囀留清晝。孤鶩徐

飛帶晚霞。野客獨扶藜杖遠。柳陰深處覓漁家。清楊

元人在陸照應宋子虛之間

國朝詩別裁集

卷二十

士

教忠堂

題閨秀朱柔則寄外沈用濟畫卷

柳下柴門傍水隈。天桃樹樹又花開。應憐夫婿無歸信。翻畫家山遠寄來。遠人不歸而國家山景以動之用意曲折即此可見幽閒貞靜之風

博爾都字問亭宗室鎮國將軍著有問亭詩稿

送友之粵東

相送粵東去。深憐客舍寒。秋風摧木葉。憶爾下南安。馬首五千里。猿聲十八灘。扶胥海口過。眼界倍

教寬。

雁

零露冷汀洲。歸鴻度小樓。秋心齊喚起。不止動邊

愁。意不必深而韻達自為唐音

喻成龍

字武功奉天人官至刑部侍郎著有塞上集○嘗有句云丈夫既抱軀豈能依骨肉又云立馬望黃河天青塞雲紫

少陵

聞笛

夢裏悠揚橫笛聲。高天露下共淒清。愁來江漢人

何處。望裏關山月倍明。萬里孤雲隨絕漠。十年羸

馬更長征。誰知一曲終宵怨。霜雪無端兩鬢生。

曹寅

字子清奉天人官江寧織造著有棟亭詩稿

歲暮遠為客

曉銓寒無光。驅馬別親故。殘月墮楓林。荒煙白山

國朝詩別裁集

卷二十

士

教忠堂

路十年遊子懷。惜此歲華暮。載詠無衣詩。何以蒙

霜露。起手十字寫盡離家之苦可與別賦並讀

讀洪昉思稗畦行卷感贈一首兼寄趙秋谷

官贊

惆悵江關白髮生。斷雲零雁各淒清。稱心歲月荒

唐過。垂老文章憂患成。禮法世難拘阮籍。窮愁天

欲厚虞卿。縱橫捭闔人間世。只此能消萬古情。

揆叙

字惟功奉天人官至都御史

鷹坊歌

西郊天濶沙茫茫。高槐古柳溪風涼。地偏寂寞少

人住。但作甌脫供鷹坊。中有海青最神俊。竦立毛
骨森昂藏。金眸玉爪異凡品。下視狡兔如跛牂。側
眼似覺天地窄。常思一舉摩空蒼。憶昔遼代最珍
貴。女直貢獻交相望。搜求無厭。旋致禍兩國。轉眼
悲興亡。至今黑水留異種。雕籠競致來遐方。五陵
年少頗好事。愛玩豈惜千金償。嗟汝生性特矯捷。
隼鷃未許隨肩行。長絛羈紲豈初意。歲月浸久成
馴良。關山秋暮盛羽獵。商飈倒捲塵沙狂。翻身向
空入霄漢。快若駿馬初脫韉。駕鶩潛飛。雖雉避雲
羅。萬里無遮防。老拳勁翮奮搏擊。風毛雨血齊飛
國朝詩別裁集 卷二十 圭 教忠堂

揚。天生羽族亦有命。飢雀叫噪悲空倉。林邊野鶴
骨立瘦。度腹僅得分餘糧。尔形離褻亦安用。終朝
肉食恒充腸。人間生計摠媿汝。翻笑溪獺銜魚忙。
侏儒方朔異。飢飽萬物榮。悴真何常。況今飛啄本
同類。強弱吞啖堪嗟傷。食鰕原不乏魚鮓。捕蟬亦
復驚螳螂。何當忘機效海客。驅逐猛鷲延奇祥。羣
飛衆動各適所。丹山鸞鳳常遊翔。桐花搖落期不
至。老鴉攫肉紛路旁。且隨韓嫣逐金彈。排風毛質
看騰驤。議論正大不及唐東江
作而筆力亦自矯健

鈕

琇字玉樵江南吳江人官邑宰著有臨野堂集。玉樵博雅
多聞著賦牘一書能舉見聞異詞者折衷之可以補正史

之闕詩亦
變風之遺

修塘謠

朝聞官兵至。暮下修塘檄。官塘不修誤軍機。官塘
脩時民罹厄。泥一斗。輒一箕。負之擔之向水涯。盡
是塘夫膏與脂。皇天不識塘夫苦。淫雨增波蓄塘
土。官吏督修猛於虎。杵聲薨薨築且堅。急索私例
時加鞭。泣言官人勿加鞭。囊中尚餘賣兒錢。未語其
動心也只恐官人聞之
轉增其怒尚嫌其少耳

秋雨歎和杜少陵韻

義和投鞭白日死。滿堂水衣蒼色鮮。灘聲潺湲入
國朝詩別裁集 卷二十 古 教忠堂

秋耳。更驚斛麥湏千錢。東風蕭蕭吹雨急。茅茨數
點波間立。菽沉禾爛不可收。舟居嫠婦中宵泣。
市人喧語何紛紛。防河府帖來如雲。三日河夫點
行急。慘澹骨肉湏更分。陰霾迷天白晝黑。荷插河
千不暫息。寄言家人已無食。賣兒街頭莫論值。
積陰六旬拍可數。城中十室九無堵。去年年豐時
亦和何事。今秋獨淫雨。雨狂聲撼草堂寒。行厨新
濕晨炊難。聞道長安久赤地。弘羊拜爵河流乾。視少
尤為
變聲

春草

不信繁華事已空。傷心南浦復濛濛。何年陵寢斜陽外。幾處亭臺暮靄中。歷亂影連流水碧。萋迷香襯落花紅。多情陌上雙蝴蝶。猶是飛飛失故叢。

題方石居贈忍公用吳媿庵先生韻

方庭修竹綠如圍。琴榻書牀識靜機。紫朶夜春供客飯。白雲秋製入山衣。落花逕曲呼童埽。斜日林空放鶴歸。最喜遠公寬酒戒。虎溪乘月叩禪扉。

感事

赭服南冠兩髻華。却携妻子繫天涯。春風客淚河橋柳。夜月鄉心驛路笳。慟哭范滂猶有母。飄零張

國朝詩別裁集

卷二十

五

教忠堂

儉已無家。只今知己多。豪俠空憶當時廣。柳車范滂

張儉必負才而破累者未貴以豪俠之不能脫人於難談何容易耶取其詩句之工可也

于養志

字涵一奉天人官四川巡撫著有讀易草西征集

不寐

秋風吹白帝。枕上落江聲。小苑煙光薄。疎簾月影清。三更羈客夢。萬里故鄉情。漸聽荒雞動。驅車按部行。起手杜陵家數

管

掄

字青村江南武進人官御史知州著有吹萬集

佳廬歌

平明迎日上廬嶽。春山滌翠清如濯。攀蘿直上三

萬級。側身蟠走如飛鶴。雲鱗鱗花冥冥。劃然巨靈劈千丈。瀉出萬派洪濤聲。耳目蕩漾不能主。恍如坐我於滄瀛。滄瀛風雨不可測。中有一人不相識。回頭笑指遊空濛。導余絳節雙玉童。呼吸帝座隨清風。俯視一一金芙蓉。白雲如綿滿空谷。乘此欲與天庭通。拍肩笑問洪厓生。口吹玉笛銀河傾。山中木葉蕭蕭響。下界疑為鸞鳳鳴。襃牋授蕭史。供飲白玉醴。長觥傾倒慎莫辭。醉眠石上呼不起。白猿蒼鳥莫相猜。前五百年曾住此。空靈縹緲之氣凝結而成自是君身有仙骨

蠻中作

國朝詩別裁集

卷二十

六

教忠堂

破驛悲風雨。暗春草堂無恙得吾真。從來聖世

要荒外。僑耳龍場自有人。自負不淺

陶孚尹

字與仙江南江陰人貢生官教諭

早春閒興

東郊雨後景逾新。蠟屐尋芳踏軟塵。橋畔杏花村店酒。水邊紅袖畫樓人。鵲鳴瓦壘頻穿幙。鸚鵡偷言巧弄春。陌上王孫何處去。青青草色送征輪。東坡詩

風流斯在

懷友

又見靈光劫後存。金陀遺事共誰論。年時記得同

遊處哀柳西風白下門自注前田余夏前

舟中

烏衣剪剪柳珍珍陌上誰家賦采藍我在木蘭船裏住夢魂依約到江南

水仙花

澧蘭沉芷若為鄰澹蕩疑生羅襪塵昨夜月明川上立不知解珮贈何人神開遠在欲離欲即之間

張養重

字虞山江南山陽人。張嘗有句云南樓楚雨三更遠春水吳江一夜生王漁洋尚書賞之初謂漁洋時即問此等好句生平有幾張退謂人曰生平快意句不意王公一見道出

自困溪歷延平抵建寧雜詠

國朝詩別裁集

卷二十

七

教忠堂

風吹博望槎白浪滾江沙纜走懸屋險舟穿亂石斜龍鍾垂澗竹躑躅映山花野泊無人境前林起暮鴉走懸屋險即所云百丈牽江上懸船也舟穿亂石斜即所云船落危灘無正行也經過險境吐語自然暗合

不寐數嚴更危屋戍火明聞鶯春淚滴防虎夜心驚枕落高灘響蓬懸密雨聲山川淒絕處魂斷紉州城

汀州道中

左顧朝陽右贛州新羅高據萬山頭番徭接地蟠關隘烽火連天起戍樓日夜鄉心皆北向古今汀水獨南流可憐滿眼崎嶇路惟有清猿伴客愁

陳學泗字若原江南長洲人諸生

望岳

聞道仙都白玉壇東來靈氣鬱巉岏天迴青眼三千里路上雲霄五十盤終古兒孫朝岱帝當年碑版肅祠官浮踪誤我登臨約蒼翠何時得飽看天孫列岳翠為屏共說天門走百靈滄海一杯高頂白齊州九點暮煙青芝童不信來塵壘羽蓋虛疑出杳冥安得身輕似黃鵠洗頭池畔摘寒星予登岱矣然以共說二字領起則實處皆虛未更顯出望字意

紀事

國朝詩別裁集

卷二十

大

教忠堂

臣浸東南力未蘇萬家飢餓不勝呼中丞欲請教倉粟司諫先陳鄭俠圖漫議補苴停轉運最憐剝肉賜全租春來縣吏敲門早試問三農一飽無吳地水灾柯黃門力請蠲賑得免丁徭之二漕米亦從折色。此康熙乙亥年事也減丁徭折漕米君恩高矣又嘗分省輪捐百姓有終年不入縣門者升遐之日深山窮谷如喪考妣視宋仁宗有同符云

袞龍新幸柏梁臺供奉傳呼走馬來共薦長卿能作賦可知漢武最憐才銀魚學士緋袍奪紫袖昭容繡牘裁多少兔園詞客老空依北斗望蓬萊自注喜詩賦高少司寇沈太史並以應制詩選賞

鸚鵡洲弔古

側身天地竟何之。記室才高數獨奇。憤到漁陽聊罵坐。狂來北海任呼兒。一杯已沒蛟龍窟。千古誰憐鸚鵡詞。欲采江離迷處所。暮煙洲渚水瀾瀾。

州已沒於江。余經其地。醺酒憑空弔之。無復芳草。莫矣五語。蓋紀其實。

沈受宏字台臣。江南太倉人。歲奇生。著有白溪集。○白溪先生孝友。誠懇。在名場五十年。老而不遇。而中心坦如所養。可知也。詩學。觀承。梅村。祭酒。拍投。故。吐辭。淵雅。無志。微。微。殺之音。

贈吳事衍

先生延陵老子孫。婁江科第推高門。名流冠蓋世。雖換豪士風流。今尚存。憶昔從兄宦錦水。芒鞋蘭足。荆棘裏。百口長悲。狗亂離。一身何幸還鄉里。草國朝詩別裁集卷二十 充 教忠堂

九龍灘

我從建溪走千里。膽落魂銷百灘水。舟人更說九龍灘。絕險諸灘安足齒。嗟予漂泊何為哉。今日親到龍灘來。恰聞昨日七舟下。兩舟却破尋尸骸。上灘猶比下灘好。人登崖岸且自保。長索條分衆挽。

舟。獨把操篙付三老。一灘水懸一丈高。奔雷捲雪春怒濤。舟尾向天。舟倒立。還防巨石。曾相遭。欲上不上。力再著。號呼互應。愁一錯。我傍山根。千行。

峻。增石罅。難移脚。九龍九龍路折盤。盡日勞勞上幾灘。最有墓龍勢尤險。過此相慶方平安。嗚呼上灘人。自苦下灘水。急誰能主。輕舟逐浪。轉如飛。縱有貴。獲勇何補。清流之人。水中生。

與洪流爭。商旅乘舟。漫僥倖。性命直比鴻毛輕。我意欲將山路闢。下屬安沙上鐵石。

却九龍不復行。往來免誤天涯客。

國朝詩別裁集卷二十 干 教忠堂

舟暮

不知所宿處。暮色正氤氳。路遠隨行賈。村稀傍戍軍。江清波浸月。山赤火燒雲。同客如鴻雁。天邊自作羣。

憶母

貧是儒家事。難安為老親。遙憐負米客。長作倚閭人。夜績孤燈暗。朝梳白髮新。生男亦何益。只是累艱辛。

渡海

其六代下俱平坦矣。中寫上灘數語。猶存史漢遺法。

一觀滄海失江河。振柁揚帆發浩歌。地到盡時天不斷。人能來處鳥難過。風如黑霧奔騰急。浪比銀山簸蕩多。却歎田橫心力苦。此中曾復弄兵戈。十四

字能盡力賦海兵及讀周賀島間知有國波外更無天更覺多少自在

許九日閩歸

萬里歸家白髮新。秋風重得飽鱸鱖。脫身戎馬憐今日。回首關山哭故人。跌宕七言才更健。蕭條八口業長貧。一杯同把松窓酒。坐看天邊戰伐塵。

衢州書事

尚書昔日駐旌旄。烽火危疆保障勞。已見降王歸國朝。詩別裁集

卷二十

主

教忠堂

斧鉞徒聞戰鬼逐。弓刀山圍四野寒雲沒。水拍孤城夜雨高。回首可憐離亂處。至今間井半蓬蒿。宋

寒事神氣完足絕似梅村

客曉

千里作遠客。五更思故鄉。寒鴉數聲起。窗外月如霜。如出李青蓮手此種神妙何必界限古今

武林雜感

寶石峯頭語塔鈴。夜深鬼火映沙汀。春山徧作祁連塚。芳草年年不肯青。

簾簾高城夜月明。軍中少婦憶南征。可憐七里灘

頭水流到錢塘是哭聲

示內

莫歎貧家卒歲難。北風曾過幾番寒。明年桃柳堂前樹。還汝春光滿眼看。如此處貧終身可恨怨尤視牛衣對泣者身分遠過

送毛亦史入都

三月鶯花紫陌春。曳裾何處逐風塵。毛生初作平原客。莫便輕他十九人。

蘇隄口號

六橋遙帶兩峯孤。煙水茫茫舊宋都。一向鄂王墳上拜。回頭不忍見西湖。賈高宗之溺於偏安不欲復讐也余舊有句云却憐一片臨安月同照龍沙五

國朝詩別裁集

卷二十

主

教忠堂

國城亦是此意

同錢太史泛舟東湖座有女郎湘煙戲題

酒綠燈青夜語中。家鄉同隔海雲東。傷心一種天涯客。卿是飛花我斷蓬。我未成名君未嫁感舊也此則暫時相遇而飛花斷蓬同傷漂泊於無關合處

生出開合一往情深

送春

客舍長安十丈塵。閉門終日苦吟身。一花一草何曾見。却道今朝是送春。極陳困題偏得此新色

陸

字亦岍浙江山陰人

白雲

白雲縷縷青山出。雲自忙時山自閒。唯有野人忙。
不了朝朝洗硯寫雲山。以忙寫閒如許。指辭純乎天籟。

方登嶧

字見宗江南桐城人官工部主事著述古堂詩○水曹以朋友負罪事連謫戍處極危苦之境而能種花賦詩以尋樂意所養定也迨奉詔赦歸已殂謝塞外矣以孫問亭官保貴贈如其官

秦女休行

自注女報讐也女秦人名休

一尺髻三尺刀。讐人頭在女腰。渭水深華山高血。風腥天冥冥。手提髑髏氣崢嶸。法吏執之付以理。女欲報讐先辦一死。後來又有龐娥親千古英雄在女子。兩女子能報父讐惟志堅而氣定也宋高宗輩能母燒死

盤中詩

國朝詩別裁集

卷二十

五

教忠堂

木刻鳩紙剪馬飛山頭走山下露貫珠。紉為襦雲裁衣。爛光輝是耶非孰辨之。六月桑吐蠶絲冬之蕙茁新枝爾所思非其時素者髮丹者淚心惻惻老已至骨肉殘風雨駛寸有長尺有短雙輪馳不可挽我所急天所緩擊瓦鼓聲烏烏白雲滿天歌且呼歌周四角旋中區。初言似者之不能為真次言過時者之歸於無用末言年命之速時不可挽而

一付之悲歌也中間隱分五解

老槍來

俄羅斯國即古大食善用火槍故又以其技名之相傳元世祖得其地立弟為可汗

鎮之至今國主猶元裔也邊界泥撲處城

與艾渾接水陸道皆通歲一至卜魁互市

人性好鬥至則弁兵監之作新樂府紀事

老槍來江邊滾滾飛塵埃七月維秋驚彼馬牛馬

牛澤澤易我布帛大車是將爰集於疆來莫入城

俟天子命以行天子曰都遠人適館餽以糈

高顧智目卷鬚鬚狐冠草履遊中衢觀者鼓掌相

軒渠歲以為期兮日月徂歸去歸去秦爾牛馬駒

言外有防其擾亂意

古詩

國朝詩別裁集

卷二十

五

教忠堂

勿倣步兵哭應比士龍笑有時笑亦哭不在音與貌鐘鼓可以哀長歌可以弔寸心無營求流泉淨泥淖味淡聲亦希淵然涵衆妙笑哭兩不關天半發清嘯。孫登之品自高於步兵士龍哭與笑俱胸中不能平也笑亦是哭無人見到

村北

野曠朝靄清峰高日半規遠風吹水氣澹林結幽姿策蹇訪故人村北路逶迤碧陰漾千畝涼露沁心脾刈麥走田父婦子相追隨老翁欣得食回頭顧其兒大兒束麥把小兒抱豆枝歌笑偕鄰叟飲濯清湍留連緩去路寓目心情怡田間有真樂

朝市知者誰

出西郊道過摩訶菴經前明官寺葬地

易代一杯土。累葬官宦餘。威剝碑。碣流毒在衣冠。樹接宮雲密。鐘敲佛火殘。東京喬固塚。鬼哭北邙寒。諫官悲忠直。仇殺殺詩不徒作。

望南信不到

不見兒書至。應知下筆難。有心慰衰老。無計說平安。關塞寒雲早。門庭落葉殘。倘逢南雁過。便當室家完。

霜遲樂

國朝詩別裁集

卷二十

五

教忠堂

七月不落霜。卜魁城邊麋子黃。八月霜不落。千夫下田揔歡樂。官田刈穀載滿車。官兵急公先完租。義帳牛車十日路。驅向城中易茶布。和茶煮穀布裁衣。卒歲不憂寒與飢。人人盡樂霜遲好。蕎麥沙田收更早。但願年年不出兵。官兵皆作農夫老。

七兄以詩慰病和荅

形骸百鍊後。心事五更中。苦海終無岸。愁城豈易攻。道危迷老馬。邊遠失歸鴻。誰謂青天濶。浮雲亦礙空。

紀事

爭看金甲健兒裝。玉輦雲移下鳳皇。名都尉魚麗開細柳。將軍猿臂射長楊。蜚弧露冷搖秋月。韎韐風高帶曉霜。大閱至尊非好武。良弓不為太平藏。

與毛會侯

耆英雅社舊登壇。四十歸來早罷官。赴召有誰讒賈誼。輸租今已累兒寬。休嫌華髮功名薄。畢竟青山歲月難。詩酒柴桑堪閉戶。文章千古不凋殘。宰強官應鴻博之召而又不遇故惋惜之而復歎其隱居之高立言之不朽見人之所重在此不在彼

蔣

楷字荆名江南長洲人

國朝詩別裁集

卷二十

五

教忠堂

河堤曲

走河堤。風淒淒。黃雲黯黯落日低。沙邊叢樹半枯死。荒村無人鴉亂啼。走河堤。風淒淒。走河曲。風簌簌。填柴作岸蘆作屋。西風一夜鉅野流。魚頭赤子千家哭。走河曲。風簌簌。似謠似諷。胚胎變風。

濮

宗字濬軒浙江桐鄉人

聞梁蘧玉已寓京口

容易相逢尚未逢。老年親故喜相從。已辭野店中山酒。望斷煙江北固峯。一夜夢遊千里月。五更霜落萬家鐘。莫言人遠天涯近。書到樓頭第幾封。中有

贈方望子入黃山修煉

詩成當代說方干。何事辭家久不還。夢裏湯泉非故國。眼前雲海是名山。花深古竈憑燒藥。月冷啼猿為守關。只是白頭慈母在。不教容易別人間。

非傷者事況有慈親在耶送之即以此得贈人以言之體

楊

賓

字可師浙江山陰人。考安城為友人累戍寧古塔可師赴闕訟寃得旨之柳條邊迎親驛作柳邊紀畧塞外人稱楊夫子書法不染宋元習氣詩體專主沉著身後散如雲煙矣惟於其門人處得塞外詩一冊故所錄皆辛苦愁慘之音

納木窩稽

跋涉過混同。所歷已奇峭。結束入窩稽。一望更深奧。陰霾不可開。白石安能照。古雪塞危途。哀湍喧國朝詩別裁集 卷二十 教忠堂 壞道更無人跡過。惟聞山鬼嘯。車驅苦艱澀。換馬欲前導。霜蹄偶一蹶。流血沾烏帽。魂魄已莫收。童僕徒慰勞。死亦分所當。生豈人所料。但苦歷窮荒。庭闈終未到。

至寧古塔二首

望望吉林峯。白雲繞其下。登頓及今朝。亦得依親舍。父母驟相逢。注視還相訝。別時髮覆眉。胡乃成老大。鄰舍爭慰勞。應接苦不暇。姓氏未及知。空言聊慰藉。日暮細挑鐙。恍若夢中夜。喜極乃更悲。不覺淚如瀉。

父母驟相逢二句與妻挈怪我在驚定還淚同一真至而父子至情則只過之姓氏未及知空言聊慰藉非身親

其地者不能道也此種詩豈在語言聲律之工

上書不得達。生男亦胡為。四十始省親。問心良可悲。戲綵媿老子。挽須同小兒。西山日已薄。鄉國歸何時。歎息謂季弟。爾獨無分離。承歡廿八載。此樂人誰知。

換車行

冰凍馬蹄行不止。歷盡千山復千水。邊門未出已難堪。況出邊門二千里。瀋陽城外換柴車。柴車換得無人使。坡陀木石相枝撐。谷口泥淖多呀坑。日日輾摧與輟折。翻雲覆雨如人情。人情翻覆烏可識。出門步步行荆棘。涕淚沾巾向北風。但見庭闈死亦得。

出威遠邊門

黃沙漠漠暗乾坤。威遠城頭欲斷魂。蘆管一聲催過客。柳條三尺認邊門。亂山雪積人煙絕。老樹風回虎豹蹲。從此征鞍隨獵馬。東行夜夜宿雲根。

王

戩

字孟穀湖廣漢陽人著有寒生閣詩集○王漁洋謂孟穀池陽山行長句過歐公廬山高遠甚而其詩却平直故不錄

錄及

秋日遊白茅寺次少陵韻

天空靈籟發。入耳心逾靜。何許微風過。月林搖客

影人生五濁世。為歡苦不永。爭如羖觸有瓶。墮井。及茲清夜遊。無辭燭共秉。佛香一院深。僧梵四山迴。身尚依迦葉。足真踐箕穎。禪燈照宵夢。妄念未能屏。金篴開倦眼。慧目眇東嶺。他時禮白雲。應上最高頂。

讀放翁集

南渡四傑俱驚才。醉心尤在渭南伯。江翻海立富篇章。躍馬鷹弓老梁益。一寸丹心常炯然。歸來垂釣鏡湖邊。却憐老死空家祭。不見王師北定年。詩其

表其忠義立言識輕重處

國朝詩別裁集

卷二十

元

教忠堂

顧希喆

字有典江南長洲人太學生。先生與惠研溪太史為汪純翁入室弟子五經紛綸有并大春之目詩其偶然作也

然吉光片羽彌用寶貴

姑蘇楊柳枝詞

行春橋下午風和。畫舫樓船次第過。一面青山三面水。不知何處柳陰多。

越國佳人舊有名。吳中嬌舞不勝情。柳腰合是芳魂化。長向胥臺一路生。原唱係純翁先生時和者甚多我同濟南秋柳然風神搖曳無二作

許潤

字儉農福建閩縣人。以子松信官江蘇布政使司。贈如其官

己巳六月拜別家慈之楚

荒雞斷續天將曙。遊子辭親寸心悸。霜髯携燈立

檻前。頻語加餐暗垂涕。舟子招招促行李。殘書數卷裹破被。解維咫尺是天涯。回首空聞人獨倚。可使解東野遊子吟後乃有嗣音

閩溪舟行即事

天設南閩多險阻。古今勞役幾時休。下灘疑泛銀河水。上瀨如牽陸地舟。響應風湍歌歎乃身藏雲木。叫輶輶筆床茶竈延緣好。準擬浮生託白鷗。

戊子春自嶺南奉老母挈家旋閩

行囊帶得嶺頭春。荔浦珠江過眼頻。半世拋為天外客。一家今是故鄉人。迴看東粵名山遠。好補南

國朝詩別裁集

卷二十

辛

教忠堂

人生樂事真一家全歸元天倫至樂也此種真詩讀者亦為色喜

舟泊劍津懷亡友劉復庵

分手齊安隔數春。何緣龍劍合延津。可堪風雨孤舟夜。白髮盈頭哭故人。哭故人一層白髮盈頭一層孤舟一層夜一層風雨一層合并寫來如聽猿鳴

映三

毛世楷

字古愚江南吳縣人官光祿寺典簿

武昌

百戰江山一水萍。武昌宮闕舊亭亭。枝梧蜀漢爭持角。控制東南欲建瓴。未定中原安枕席。底思建

業厭魚鯖只今鐵鎖銷沉後浪打寒潮入穴青自注

尚在○此合吳大帝後三嗣
主言之感寒之感渾括無遺

秋日感懷

秋夜焚香醮玉真秋河鑒鑒動星辰人間何處投
金瀨天上徒聞析木津同學少年悲杜甫美人遲
暮感靈均青天碧海吾無悔且泛南溪採白蘋歲暮

遇賦意也三四虛含五
六正寓暇得淺深次叙

楊

模

字子式浙江仁和人以孝聞生
平不惑二氏布衣中有卓識者

漢陽旅中送蔡子彙征遊湘潭

相送斜陽外相逢更幾時共來荆楚地還賦別離
國朝詩別裁集 卷二十 三 教忠堂

詩祖席杯堪把河橋柳挂絲洞庭他夜月千里繫
遐思

閏六月初七夜月

南訛莫認火西流顧兔高懸略似鉤四日魄生方
入夜七回絃上未成秋先期乞巧穿鍼線後月舒
光照女牛半露姮娥能却暑廣寒深處玉為樓字字
雅切

第四語疑
有鬼工

沈

暖

字田子江南
吳縣人廩生

荒亭

荒亭古墓南遠見車塵滅墓前雙石人送盡人離

別

九日

有酒賞重陽無煩白衣至恐驚鄰舍翁謂是催租
吏催租吏攪潘邠老不成詩者
也此云驚鄰舍翁用意又別

吳啓元

字青霞江南歙縣人○青霞不妄交人與傅雪堂友善雪
堂顯達位至大中丞青霞落落目中如無其人也後雪堂
以事戍遠左青霞不遠五千里走塞外慰問焉
客胸襟磊落視世之翻雲覆雨者為何如哉

山海關

地臨遼薊中分界天限華夷第一關直繞長城東
到海凌空高障北依山當年士馬何曾戰此日梯
航尚未閒聞道乘槎通絕域可能身入斗牛間沈確
悲壯
國朝詩別裁集 卷二十 三 教忠堂

此即慈恩傳
雪堂時作

廣寧望醫巫閭山雪弔漢管處士

巫閭山上雪漫漫何處峰頭著幼安木榻跪穿心
久定黃金鋤去眼誰看滄江水涸蛟龍徙大漠風
高驚鷺寒我亦子陵臺畔客綠蓑青笠一漁竿三四
弔切

安五六寫望雪神理渾
厚之中格律仍復深細

沈鍾彥

字美初江南長洲人 誥贈內閣學士兼禮部侍郎○後
學周準填諱○先君子晉成斷句詩館於畫師湯式九家
湯寫一花卉先君子輒題一詩年五十餘專工分隸書詩偶然作
矣身後稿為人竊去初刻 國朝詩時未能得也茲於江氏學使
冊子中得此三詩皆湯氏
館中作潛兒時所及見云

題畫

春林如畫。暮朝曦。燕立樓陰。濕不飛。柳外有樓簾。
半卷。掠花雙剪。莫忘歸。

罌粟花

炊煙時或斷貧家。曉起俄看五色霞。任爾侏儒誇
獨飽。籬頭已放米囊花。

金錢花

鄧氏銅山虛設想。沈郎榆莢許為鄰。清宵風露頻
頻擲。似向空庭卜遠人。花曉開夜落故有三四語

國朝詩別裁集卷二十

國朝詩別裁集

卷二十

三

教忠堂

國朝詩別裁集卷二十一

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

沈紹姬 字香巖浙江錢塘人○香巖蹟蹟准右垂老不歸浙中詩壇亦罕數其人者偶于清江干氏得手鈔一冊至采入之

其生平出處未遑詳悉

錢塘懷古

城上黃雲鎖戍樓。城頭古木叫鉤輈。地從江底分吳越。天向欄前掛女牛。尚有荒祠題伍員。曾無杯酒祀錢鏐。可憐人事今蕭索。花草依然發故邱。呈送之分

以江爲界用江底字句便不平此可識極字之法

國朝詩別裁集

卷二十一

教忠堂

寄懷查伊璜先輩

亭亭絕巖結蕭齋。高峙龍門百尺階。蘇晉堂前宜繡佛。馬融帳後有金釵。淒涼歌板憐君僻。磊落文章與世乖。愛我巴歌長擊節。汝南月旦魏齊諧。

杜鵑

年年啼徧欲殘春。午夜枝頭血滿唇。不盡羈魂悲蜀道。何來處士感天津。聲中似怨無家別。地下應憐再拜人。縱使欲歸歸便得。故宮何處更容身。中二

以對句見靈活

寄家人

歸來偕隱計猶虛。垂老他鄉歎索居。別久乍疑前劫事。路歧才得去年書。夢如柳絮飛無定。愁似芭蕉卷未舒。記得小園親手植。一欄紅藥近何如。有數

燕在栗新到家喜極無可措辭故指瓜苦栗新以志歲月也此寄家書千頭萬緒難於著語故憶一欄紅藥訊其榮悴也此種詩風人之遺

司馬懿故居

王業偏安蜀道難。奸雄寧獨數曹瞞。中原回首移神鼎。豎子成名建禪壇。城上風旛新塔宇。墓中巾幘舊衣冠。掀髯西指蠶叢路。丞相祠堂尚錦官。

題前監軍聞啟祥傳後

嚼齒穿齦死不辭。千秋名教得操持。門生誰續招魂賦。獄吏親聞絕命詩。總爲人門留正氣。不求馬革裹全屍。盛朝若舉褒忠典。應勅江江好建祠。

國朝詩別裁集 卷二十一

教忠堂

淮陰侯

鼎足才堪角兩雄。當年應悔滅重瞳。分羹父子恩猶薄。推食君臣誼豈終。獨有千金酬漂母。曾無一語感滕公。名成自古身當退。沒齒休論戰伐功。報一飯之

漂母而不報殺死之滕公英雄舉動不可解也漢祖不封紀信亦然此意無人道及

題韓蘄王湖上策蹇圖

南渡何人主廟謨。清涼居士老西湖。兩朝和議分棋墅。百戰雄心付酒壚。策蹇山前逢故吏。參禪花

底坐浮屠。只今猶恨丹青手。不畫麒麟閣上圖。

蚊

斗室何來豹脚蚊。殷如雷鼓聚如雲。無多一點英。
一生骭髀借蚊。題發出與自。脫昭與數。前癢同一。概當以博。

詠古

脫穎人成公子名。不然碌碌竟何稱。夷門虛已真。
知已莫繡平原繡信陵。

為報韓仇奮一推。副車雖誤亦雄哉。淮陰也是韓。
王後何用當時躡足來。從無人開此口欲。報韓者幾於繡。

張衍懿
字慶餘江。南太倉人。

國朝詩別裁集

卷二十一 三

教忠堂

進峽

峽自夷陵束。江從白帝懸。兩崖如劍立。百丈入雲。
牽石出疑無路。雲開別有天。往來頻陟險。千里正。

茫然。
三四即入天。猶石色注脚。

瞿唐峽

歷數西南險。瞿唐自古聞。水從天上落。路向石中。
分如馬驚秋漲。哀猿叫夕曛。乘流千里疾。回首萬。重雲。
此下瞿唐也。玩如馬字樣及回。首萬重雲句。峽之在上可知。

過馬伏波墓

漆水東流遶墓田。伏波埋土幾千年。西風但見吹。

殘鬣南海猶聞畏。站鳶豈有明珠來。咸里空留銅。
柱在炎天。功成未得雲臺畫。回首荒原一惘然。

功在南天二語。為伏波定論。

度梅嶺

拔起危峰萬仞雄。勢臨百粵控南中。人從丹壁千。
盤上路入青天。一箭通古碣。尚留唐相迹。荒祠誰。祀越王功。只今四海梯航日。早見征車度曉風。

孫中岳
字楓麓江。南桐城人。

大姪書金陵回即走西安悵然念之

纔解征鞍又遠行。相看意氣轉縱橫。故宮荒草埋。
國朝詩別裁集

卷二十一 四

教忠堂

金狄客路秋風動。石鯨詞筆已從梁苑禿。詩情又。
向灞橋生。隴頭流水聲幽咽。似我頻年送別情。

中有全力法本之初盛唐人。

王譽昌

字露濟江南常熟人。諸生。露濟有崇禎宮詞百首人共。稱之。然十七年中憂勤盡瘁之意未能傳出。故從舍稱。

舟泊武林城外因憶新安會稽之勝賦呈確

庵夫子志別

四月河橋綠耐濃。蓬窓歌詠自從容。人間草木餘。
春夢劫後湖山又晚鐘。學潮考亭開霧障。書探禹。穴破雲封。重期此後追隨處。知在煙蘿第幾峰。

六語會稽結呈確庵。亦如題安故之作。

過東郊故園追和家大人韻

昔年亭館築城闌。此日重遊自愴神。十畝僅傳三世業。一身已作兩朝人。門前碧草埋荒徑。樓上青山認舊鄰。記得趨庭分彩筆。也教題詠藥欄春。

鸚鵡詞

翻為多情損性靈。斷魂還認隴山青。何因得證摩尼塔。一卷籠中般若經。

謝志發

字雲遠江南長洲人著有一角山樓稿

春日送張梅莊之維揚

春郊烟景濃於酒。萬縷千絲隄畔柳。當杯惜別暫國朝詩別裁集 卷二十一 五 教忠堂

流連長條能綰離情否。掛帆暮靄指維揚。渡口分飛各一方。一葦不從張仲去。思隨飛絮繞雷塘。

過褚漁黃山居

數峰深曲徑。返樸遂栖遲。虛室雲為牖。成鄰鶴在枝。漱甘臨澗石。遯迹稱茅茨。客至青精飯。長饒共采芝。

頗見作意

過舊送別處

憶昔亭前柳。分携曾繫船。至今攀折處。猶是鎖愁烟。詩者二十言中一一注意舊字尤西堂先生定為歷卷無異辭

姜實節

字學在山東萊陽人流寓吳中。此實毅先生仲子也。好古畏榮布衣終老詩工七言斷句每於若不用力處遇之

繡谷堂中牡丹今歲惟開一枝楊子鶴馬扶

義徐采若暨目存上人各為作圖王石谷補一石余為題句

四人分寫一花枝。寫出傳看朵朵奇。恰似蘭亭摹搨本。淺深肥瘦各相宜。比擬恰好若但著意牡丹便是笨伯

白頭公鳥

霜鬢逢春可自由。老人端的為多愁。不知小鳥緣何事。也向花前白了頭。

鵬

天山白草路橫分。日暮悲笳不忍聞。想得玉關方國朝詩別裁集 卷二十一 六 教忠堂

轉戰。阜鵬風起欲盤雲。忽然變調

題黃鶴山樵聽雨樓卷

湖天過雨水冥冥。吹綠東風草一汀。絕似銅阬橋上望。遠山如髮向人青。

題簪花圖

六年前見傾城色。猶是雲英未嫁身。今日相逢重問姓。座中愁殺白頭人。此歌者張乙娘。照蔣繡谷屬楊子鶴圖之同時賦詩者多濃纖肥膩獨作者感哀之感盡傾一座外此目存上人亦復超然黃四娘家花滿溪。姓名因杜老傳也

吳祖修

字慎思江南吳江人貢生著有柳塘詩。柳塘為高才生友教遠近張損持陳起雷周漢節諸公皆門下士也詩尚才情議論不主趨

舍能成一家言者

古詩

兀坐一室中。澄觀若止水。羣動既已息。萬籟不到耳。方寸涵靈臺。光明疇與比。此中無將迎。安用起。碑礪蒙莊曠達人。亦未解斯旨。如何逃虛空。跏然足音喜。此古賢靜坐觀心之法。宜達觀者未喻。

少陵薄文章。謂非道所尊。不讀破萬卷。何由聞斯論。經史足驅使。今古堪胚渾。寐若萬象滅。燦若衆星繁。根柢有至理。刊落皆陳言。以此爲詩史。孰能窮其源。

侍家君渡江時有風濤之恐

國朝詩別裁集

卷二十一 七

教忠堂

日斜問渡漢陽門。雙槳中流浪欲翻。人世那能容李白。風波何必係章惇。驚心瀕灩途窮淚。剪紙難招定後魂。還是故鄉風景好。鱸魚蓴菜足江村。

書牧齋詩後

紅豆山莊拂岫青。客來猶見子雲亭。當年黨論推尊宿。近日騷壇尚典型。不死擬將成漢史。孤生忍獨守玄經。延登舊恨君休詫。目斷台階兩兩星。牧齋不死

一以明史自任。一以受溫體仁許。未得相位爲恨。佐命與朝恩展抱負也。此意爲柳塘指出。

書梅村詩後

夢回龍尾醒猶殘。重入春明興轉闌。宣去可能如

老鐵放歸。未便戴黃冠。悲歌自覺高官誤。讀史應知名士難。今日九泉逢故友。西臺涕淚幾時乾。自注父扶九送司成北上詩有若使帶鶴其常血西臺一曲故人惜之句。梅村爲盛名所累未能如鐵崖之放歸由未能如鐵崖之陳詩也。言下無窮悵惜。

讀司馬相如傳

綺靡文傳是子虛。曲終雅奏竟何如。後人嗤點凌雲賦。曾讀當時諫獵書。

讀王褒傳

金馬祠神事已遙。子淵才擅漢宣朝。非無聖主賢臣頌。只教宮人記洞簫。連上章俱用議論義山詠賈誼詩其初祖也高青邱詠史亦多此種

國朝詩別裁集

卷二十一 八

教忠堂

寄示趙書年陳起雷

千里歌驪竟不聞。尚思尊酒數論文。過門不入能無憾。未敢人前薄待君。千里遠別不聞於師故以詩責之然不即比之鄉愿言中猶有餘情

陳

炳字虎文江南長洲人。虎文居陽山之陽性狷介幾至三旬九食有餽以粟者苟非義不受與黃震生中堅友論詩文不合至拍案面赤過此仍歡好也工篆刻得顧苓正傳俗士求鐫名氏雖多金謝之不顧詩宗孟山人或少變化然塵埃盡滌亦如其性情之孤子焉

雜詩

斧柯不到處。惡木易成林。君子抱渴疾。偶然息其陰。端人貴潔已。寧使霜露侵。事往悔何及。喟焉傷我心。

漢上

楚國江山古。維舟望渺然。山盤青入蜀。江合白吞天。樊口上寒月。漢陽生暝煙。欲尋抱甕者。小別夕陽邊。此首如孟山人之詠洞庭湖獨為變調

尋馬山人不遇

一壑冷雲白。山家何處尋。忽逢采樵者。遙指梅花林。曲徑吠寒犬。短籬鳴野禽。柴門閉幽寂。獨立聽泉音。

文

按字賓曰江南長洲人著有十二研齋集。待詔五世孫能述祖德教士行詩品亦近清真

病中雜詩

國朝詩別裁集

卷二十一 九

教忠堂

十日髮不梳。五日面不顴。久病卧荒村。秋深積陰晦。體弱殊畏冷。破衲已可愛。晚晴秋更佳。山色遙如黛。我當拭几塵。推窓坐相對。吾愛陸渭南。一生常善病。謂非酒色來。雖病元氣正。雙眼澀如棘。指頤猶高詠。省事兼寡言。能使心無競。病亦不迎醫。書卷養性命。

冷士

字又嶠江
南丹徒人

寄劉令言

關河霜冷雁南遊。雲物淒涼屬暮秋。萬里飄蓬猶作客。三年戎馬更登樓。艱難阮籍窮途哭。憔悴江

淹去國愁。為報他山搖落盡。風塵惟有敝貂裘。

李必恒

字百藥江南高郵人邑原生。宋漫堂中丞選江左十五子詩。歷後十五人中殿換一人位。大宗伯者一人。大學士者一人。餘任官。詹入翰林者指不勝屈。而李文以諸生終。且耳聾。多病。年止中壽。何其厄也。然詩格之高。才力之大。可久者。應讓此人。事久論定。所得果孰多。孰少。耶。惜未見全稿。祇從選本中錄出。不無遺憾云。

詠史

方朔仕漢廷。事道非玩世。時時一諷諫。彼自敬其事。叩頭誅董偃。凜凜直臣義。豈得以諛諧目之曰遊戲。

文成甫伏誅。五利復親屬。爵祿尚可捐。何至棄骨肉。天子而神仙。人苦不知足。汲黯言誠戇。陛下內

國朝詩別裁集

卷二十一 十

教忠堂

多欲。千古英明之人。即千古大愚之人。一言道破。不覺啞然失笑。

悼亡詩

一室何啾啾。人語雜鬼哭。那得少踟躕。黃泉路迫促。飛來白項烏。啞啞上我屋。心知不吉祥。其時六月六。病婦晨起坐。清水自膏沐。再拜辭舅姑。雙足不能縮。灑泣眼無淚。酸苦只在腹。迴頭語小姑。語咽氣復盛。可憐我生兒。艱苦賴鞠育。勿以生死異。飢飽時在目。開我嫁時箱。布衣未堪鬻。指日秋風來。改作我兒服。

徽音久如何。日月忽已積。枯坐慘不歡。出門昧所

歷空房起晝陰。冷氣出枕席。窓多蛛結網。案盡鼠
行跡。亦有筐中麻。燈火手自績。亦有所對鏡。花鈿
恣狼藉。徘徊思言笑。彷彿面如靚。回頭遽欲語。撫
心一標擗。前夜夢見之。色慘體更瘠。恍惚絮語間。
問兒何所食。暫時魂魄聚。覺後泉壤隔。忘情媿太
上。莊生詎忍擊。漁洋悼亡詩風雅之中純乎富貴氣象此則元相
所云貧賤夫妻百事哀也越瑣屑越見真至即他

人讀之亦
爲感傷

謁浮山禹廟次昌黎石鼓韻作歌

粵若稽古帝舜。世光華復旦。卿雲歌滔天。獨恣河
伯怒。帝曰四岳。咨如何。九載靡績。羽山殛黃熊。碧

國朝詩別裁集

卷二十一

教忠堂

血膏霜戈。惟絲有子。子曰禹負罪飲泣。爭濯磨。行
山表木。歎五土。大地基置如星羅。首疏濟。漂定冀
域。導南條。水先岷。峨舟車繹絡紛。水陸橈權雜。沓
周陵阿。支祁夜鎖縛。奇相百靈炯炯誰敢訶。九河
既道九原滌。支分派析無舛訛。濁水綠字著神怪。
穴中金簡書蚪蚪。鼎塗百物禦魍魎。驅使蛟鱷馴
鼉鼉。蟬珠瑤琳貢銀鏤。鉛松篠簜浮青柯。土功荒
度錯昏晝。跋烏八載同擲梭。東漸西被朔南暨。手
胼足胝難委蛇。呱呌門內弗暇子。塗山洒泣同湘
娥。玄圭載錫幹厥蠱。黃龍呈瑞江之沱。烝民乃粒

玉帛會。萬國輻輳車書和。厥田惟上中下錯。總鉅

結粟開輸科。淮海惟揚古澤國。昏墊實維東南多。

舊傳浮山此作鎮。崩崩崩神鼇駝。或云一拳實

中繫。其下滾滾洪濤過。或云媧皇煉餘石。巨靈斧

劈同切磋。又云蛟龍性險怪。制以鎖鐵沉諸波。頂

露一丈其色黑。平砥如掌無偏頗。由來神物歷年

久。溯源那復知。其他楚俗紛紛競淫祀。蛇神牛鬼

爭妍媸。數椽冷落傍闌闌。空餘盛蹟誰摩挲。我來

再拜瞻黻冕。俯仰四矚生悲哦。壞廊風吹舞鴨脚。

廬牲有石誰刑鵝。山根斑駁苔蘚蝕。清泉朝汲唯

國朝詩別裁集

卷二十一

教忠堂

禪那吁嗟下士抱微尚。利濟無術心某軻。負薪沉
壁戴君相。會見注海行。江河緬思禹功績。明德分
陰用。惜毋蹉跎。用韻詩須胸有成竹以意爲主而以韻從之則無
趁韻之病矣看此篇敘事議論一氣呵成若自己

有韻者然中
有大力量在

鏡歌

從軍樂

牽馬出里門。扈蹕邊城去。西陲有遺孽。狡脫甚投
兇。誓滅此朝食。家室非所顧。附書與六親。不必念
苦辛。天子是主帥。拊循如家人。天子是主帥。
士氣爲之揚。天子是主帥。甲冑生輝光。早夜五

十里在道無兼程。軍中米粟多。到處泉流清。昔怨從軍苦。今歌從軍樂。功成受上賞。圖形在麟閣。歌成於

聖祖親征噶爾丹時一片鏗鏘漢魏音節

役者謳

輦粟陟礪山。石齟齬。豈不憚行。念我聖主念我聖主在軍中。親秣跣肝乃食。蚤夜不得休息。小人戢戢。敢告勞苦。驅駝千匹。牛萬頭。峙乃糗糧。負乃餼餘。粟累累。棄道周野。鳥爭啄聲。啾啾。起句至敢告勞苦用

七虞韻中夾入十三職中三句漢樂府皆有此體

歸化城

國朝詩別裁集

卷二十一 三

教忠堂

歸化城徠羣生。日入之部就我日出。主聞風者施施來。施施帝念之作室家。相地宜俾尔父母兄弟妻子無寒飢。出作入息以逮以嬉。駐者歌行者思歸。化城樂不可支。

破陣樂

礪車轟天白日燒。闕如彪虎軍聲鑒天威。所到心膽隳。霜刃未交敵。壘破塵漫漫。大風起鼓不絕。馬逸不能止。窮寇解甲降。巨懸抱鞍死。皇帝曰嘻武不可究。罪人斯得矧敢多。又旦日將軍來幕府上功簿。戡戡甲仗高於山。犂畜谷量不知數。天

子受賀軍門開。山呼萬歲聲如雷。

釋景俘

臨高原。漢北墟。其無人。但見風馳霆擊沙石的礫。爭飛奔。獵渠魁。喪厥元。自餘跂行喙息百一存。寡妻弱子俘軍門。皇帝德大益載遠。邇邇曰予不孥。戮爾多。賜繒帛美酒甘食與之。更始傳告衆人。赦女脅從貸女死。盍歸來乎。聖天子。樂府之妙全在音節短長錯綜變化使人不可測識此篇略備

大愷

奏愷樂歌彤弓。從鼉鼓鏗鯨鐘。酒再行。樂三終。羣

國朝詩別裁集

卷二十一 古

教忠堂

臣拜手上。帝功。帝不自功。謂女庸尔諸臣來大者公。小者侯。釐尔圭瓚。秬鬯一卣。維茲山川田土弗敢愛。分土三列爵。五及苗裔。永終譽。

月上

月上微風起。飄飄吹素林。草蟲浮夕響。木葉識秋心。涼氣湖中水。砧聲空外音。不知孤館客。此際感何深。

丑紀災詩序

郵自鼎革後。水患之大。淮爲最。考淮水發源于桐柏。釋名曰。淮。章也。章繞揚州北界。

國朝詩別裁集

卷二十一

教忠堂

東至於海。水經注曰。淮水徑義陽。東過鍾離縣北。夏邱縣南。又東至徐縣。又東盱眙縣。東至廣陵。淮浦縣會黃河而入海。此其故道也。前明廢海運。復會通河以漕東南之粟。乃修歸仁隄。大葺高堰。障全淮。使出清口。與河流會。藉淮制黃。從雲梯關入海。以故運道不梗。而淮水亦不至為害。鼎革以來。隄防廢壞。不修。順治十六年己亥。歸仁隄決。康熙元年壬寅。又決。洎自周橋開而淮水盡東注矣。淮水既東。清口之力遂弱。不足汰黃流之淤久之雲梯關故道。為積沙壅阻。于是黃水逆入清口。奔注洪澤湖。淮復挾黃為害。合二水悉停蓄。滙萃于高寶諸湖。而下流范公隄諸閘久廢。其入海諸港口又皆湮塞。其受無涯。其歸無所。二十年来。七邑乃為之壑矣。乙丑夏。淮黃交漲。郵城不沒者三版。予宅在城外。水深丈餘。坐卧小樓者匝月。洫洫乎抱為魚之恐。愁苦中輒賦一詩。得八首。非祇紀事實。以告哀。夫治其源。宜修歸仁固高堰。殺其

國朝詩別裁集

卷二十一

教忠堂

流宜開支河。濬海口。今河臣于沿隄一帶。設立減水諸壩。又令每歲增隄土三尺。噫。于保隄則得矣。如水患何。留心民瘼者。宜思所變計焉。一序中河臣之失與治河方畧如燭照數計而龜卜乃事外者知之而任事者惟守增土保隄故報杞人之憂何時可已耶何年湮息壤。千里發胎簪。洪澤陂難障。淮南害獨深。尾閭原地勢。降割豈天心。十萬生人命。經旬寔不黔。報道歸仁決。須臾涌浪高。羊頭何滾滾。釜底自滔滔。草木先秋萎。魚龍竟日號。不堪容膝地。霖雨又蕭騷。即以城為岸。驚濤直撼城。長湖無鳥過。六月已涼生。野哭何人急。訛言半夜驚。全家風浪裏。秉燭坐深更。泛宅知無計。危樓且共存。半間連榻竈。八口雜雞豚。嘔洩情懷惡。燔燒淚眼昏。皇天吾不怨。幸免作魚鼈。丙寅冬予所觸目見高阜所棲如驚鴨鬼魅者幾人不止如詩中所云癸酉乙亥秋更不堪矣藻荇牽高樹。荒村八九墟。人情爭網罟。劫運到詩書。大廈何當庇。他鄉好卜居。可憐空際雁。無處覓沮洳。

眼見汙邪盡。高原捲亦空。療飢思聖米。自注唐宣宗大
中六年高郵大
旱民于官河中
得異米號聖米禦溼覓山芎。不沒城三版。難租地一
弓。奇災經幾見。駭絕白頭翁。

司空奉 帝命。曷以拯災黎。上策惟通漕。反奇勛
在護隄。歸墟迷海口。沙路塞雲梯。財賦維揚地。何
堪竟作谿。河之爲患五六語盡之。疏通
海口治河者倘急宜籌及

五行多錯迕。誰與問京房。穀洛將無鬪。淮黃久失
常。禹功真不再。天變故難詳。激蕩悲風起。哀音徹
大荒。

方正學先生祠

國朝詩別裁集

卷二十一

教忠堂

烽煙一夕逼南畿。痛絕孤臣淚血揮。十族可堪同
蔓草。自注時賊建文諸
臣謂之瓜蔓抄九重亦自媿麻衣。金川燕子飛
還出。王壘龍孫去不歸。祠宇高皇幸鄰近。一坏鍾
阜共斜暉。

吳門徐昭法先生畫芝

壘圻輪囷態最工。披圖謾謾起清風。定知崖畔叢
三秀。不在祥符萬本中。

沈曾成

字韶九江南吳縣
人官知縣

聞吳中早

南國驚傳雲漢歌。空聞闕下頌嘉禾。粒餘鸚鵡三

秋少。草盡飛蝗。八月多。粟里已無田。種秫春陵難
遣吏催租。長河天上誰能挽。一瀉鄉關潤綠莎。

孫元衡

字湘南江南桐城人官
臺營都丞有赤嵌集

渡海

拔柁揚帆似發機。茫洋自顧此生微。亂山斷處天
應盡。一髮窮時鳥不飛。魚眼光邊波閃爍。龍涎影
外國依稀。壯遊奇絕平生冠。斯語東坡未必非。

蔣景祁

字京少江南武進人官
府同知著有東舍集

伏波廟

雲臺圖功臣。枌房獨未許。示公轉見私。遠嫌亦何
國朝詩別裁集

卷二十一

教忠堂

取龍蛇方鬪爭。幾先擇真主。回翔竟不歸。風雲會
軒舉。五溪阻且深。一鼓氣如虎。顧盼惜壯年。矍鑠
勇堪賈。薏苡蜚語騰。宮側起讒蠱。公匪一將榮。犀
貝何足數。松固乳臭子。無乃累建武。
靈祠立江滸。遺事徵故老。英風尚千古。慨然懷昔
賢。功名想銅柱。松固乳臭子無乃累建武
儒者之言不必意盡語竭

朱載震

字悔八湖廣潛江人選貢官
石泉知縣著有東浦詩鈔

建蘭

叢蘭生幽谷。莓莓徧林薄。不紉亦何傷。已勝當門
託輦至。踰關山。滋培珍八閤。掉頭忘閩海。傾心向

京洛輕颺畫回芳。清泉晚宜淪玉軫。一弄彈天際
如可作。此為王新城尚書題花木六詠之一也。新城謂王筠為沈約賦
郊居十詠約曰此詩指物呈形無假題署今之視昔殆為過之
詩意古淡無
迹不同漫許

雪中呈黃湄先生

鐘動明光接曙暉。雪花片片點朝衣。玉珂積素趨
仙仗。金勒凝寒出瑣闥。北極樓臺天上迥。西山雲
樹望中微。閉門有客還僵卧。歲暮羈愁未得歸。

陳于王字健夫順
天宛平人

遊文殊院歷天都峰逢採藥者

夜宿疑積雨。曉知松風鳴。日出霧霄消。紫氣羣峰
國朝詩別裁集

卷二十一 九

教忠堂

生。十月山葉綠。境僻草木榮。策杖穿蘿徑。宛轉隨
昏明。路滑懸溜滴。橋欹崩石橫。蒼茫眾岫接。絡繹
飛泉迎。矯矯霜髯叟。負鋤巖邊行。息肩趺盤石。細
說農皇經。謂我有夙緣。相顧若有情。令我坐其側。
翠筐厓上傾。雙朮赤白色。二苓龜蛇形。柏葉含貞
性。葎花至陽精。服食屏嗜欲。堪與元化并。金丹餌
軒轅。誤人始。容成言訖超然去。白雲空冥冥。起十字
山中夜

硃砂菴一名慈
光寺

古寺開巖腹。層層雲氣流。溪聲過竹院。山影落僧

樓。施食玄猿接。齋鐘遠客投。奇峰三十六。一一畫
中遊。

王丹林

字赤抒浙江錢塘人官中書舍人著有野航詩集。詩品
在牧之飛卿間羈留日下諸鉅公交口推重方欲薦揚明
廷而中道摧折詩之鐫刻
者亦少藝林至今想望之

銀塘曲

宜春小苑樓倚空。綠楊晴掃千絲風。湘簾翠卷暮
山色。斷霞散作魚尾紅。美人舊事平陽主。十五盈
盈學歌舞。羅襪還凌洛水波。錦衾祇夢巫山雨。團
扇承恩夏日長。晚衰閑掃追微涼。玻瓈一頃剪空
碧。白玉勾欄銀作塘。姊妹相憐復相妬。私語凭肩
國朝詩別裁集

卷二十一 十

教忠堂

一迴顧。文鴛雙宿乍驚飛。貼水荷盤瀉珠露。

白桃花次乾齋侍讀韻

相逢不信武陵村。合是孤峰舊托根。流水有情空
蘸影。春風無色最銷魂。開當玉洞難知路。吹落銀
牆不見痕。多恐賺他雙舞燕。誤猜梨院繞重門。無窮
刻痕

乾齋再賦白桃花重和

亞水仍宜曉漲時。似無姿處最多姿。融融和露逢
三月。皎皎臨風見一枝。縞袖未依秦隱士。藥宮休
遇漢偷兒。紅塵拂面何曾染。枉賦劉郎紫陌詩。

寒食

鳴鳩穀穀畫樓邊。欲雨還晴百五天。香簪亂堆梁
苑雪。綠榆小鑄沈郎錢。催花雨起無多日。銜紙鶯
飛又一年。賴得近時無火禁。茶床吹裊竹爐烟。

題桃葉渡江圖

細雨橫塘記昔過。畫圖開處奈愁何。桃花一簇紅
無主。春水三篙綠始波。解珮清狂餘髮髯。濺裙宿
約竟蹉跎。由來蘭漿無情物。錦瑟華年送已多。

悼亡妹

十年兄妹悵離居。惡問驚傳涕淚餘。急雪嚴吟簷
國朝詩別裁集 卷二十一 主 教忠堂

外絮大雷空寄袖。中書塞鴻影斷鄉關遠。墓草痕
生奠饋虛。寶瑟凝塵長簾冷。潘郎憔悴欲何如。昔人論詩

實事貴虛用死事實活用通鑑錄雪明述寄書實事死事也用
羅吟空寄四字則虛且活矣悲悼之語出以悃欵其情自深

顧嗣協字迂客江南長洲人官新會知縣○迂客詩才
不在今第秀野太史下未見稿本不及多收

雜興

駿馬能歷險。力田不如牛。堅車能載重。渡河不如
舟。舍長以就短。智者難為謀。生材貴適用。慎勿多
苛求。言用貴適乎其材也此種詩則雖莊
時有之解情綺靡之家未能辦此

出居庸關

巉巖形勢好躋攀。粉堞高樓一望閒。自有天威臨

絕塞。不因地險恃雄關。衝雲澗雪懸千丈。撲馬塵
沙失萬山。哀角悲笳聽漸近。何堪落日照征顏。

題宋宮贊葑州北征圖

刁斗聲中起塞氛。詞臣亦復張吾軍。王師神武原
無敵。儒將風流更不羣。鐵馬夜嘶千里月。雕旂秋
倦萬重雲。畫工自具凌烟手。圖出沙場紀舊勛。鐵馬
雕旂

一聯寫塞外景象有聲有色可匹令嚴
鐘鼓三更月野宿難聯萬塞煙之句

李寅字東崖江南吳江人
恩貢生崇祀鄉賢

書武侯傳

寤想宗臣握帝圖。盟心無地不艱虞。運移京國方
國朝詩別裁集 卷二十一 主 教忠堂

扶漢力竭西南更。托孤縱使河山分。鼎足忍教正
朔委當塗。可知空谷龍蟠日。莘野躬耕道自符。初決
案時

已知三分鼎足而既受重託志在死而後已三代下出
處之正惟卧龍一人也詩中無意不到如讀武侯傳

書鄴侯傳

衣白山人現宰官。每參帷幄繫危安。但清河朔風
塵易欲掃。宮庭枳棘難戰伐。有功身屢退。副儲無
恙魄猶寒。平生漫托神仙術。絕勝華陽早掛冠。平定
河朔

保全儲副功幾不在汾陽下託言神仙猶從赤松
子遊意也而舊唐書以鬼道少之真乃不識議論

王錫

字百朋浙江仁和人邑諸生著有腐竹堂集○作者古今
體詩俱有家數即入西泠諸子中亦為上驥而名不出里
巷子往來浙西歷訪辭人無道及百朋姓氏者偶於仁和崇侍柳
索頭得之錄入卷中因知名家而運淪者正有其人也為之慨然

法相寺

釋氏貴無生。不在形骸久。性真既已離。色相復何有。寺僧惑愚民。丹漆飾木偶。謂是肉身存。雙耳長齊口。斯言或信然。結習終多狃。四大不了空。六根反塵垢。何如任歸全。清淨還高厚。吾聞孔子云。死者欲速朽。破釋氏之說表出歸全。正理是為儒者立言。

題朱氏山莊

纔過合澗橋。便到雲林寺。泉石奇以秀。疑非人間地。不知萬木中。亭榭更幽邃。溪聲隔竹喧。松色當樓翠。鶴識嶺雲歸。僧乘蘿月至。嗒然吾喪吾。安問國朝詩別裁集。漢晉四語如晤對左司。

卷二十一 五

教忠堂

冬曉登韜光禪院後山望晴雪

天地氣嚴凝。出郭遊人少。踏雪登山巔。凌虛縱遠眺。萬戶炊烟遲。奇景湛清曉。竹折枝蒙密。松危勢天矯。足底多寒雲。眼前絕飛鳥。風驚碧落間。日出扶桑表。千重越岫明。一帶錢江小。百里紛皚皚。萬象爭皦皦。積素射晴霞。異光互迴繞。目眩下高峰。冥濛林壑杳。舉首望精藍。樓臺俱縹緲。

長平莊歌

懷宗御極臨中夏。薄海縱橫盡戎馬。旰食宵衣理

萬幾。勵精志在安宗社。刑于化久洽形闡。周后端莊擅母儀。樛木任教紫萼譚。關雎自合詠螽斯。龍飛三載生元主。悅設九重光繡戶。吉夢虺地信有徵。盈盈蕙質含芳杜。當年胄子本同懷。總角隨肩戲玉階。撲蝶催開文綺扇。簪花學戴火珠釵。天生慧性耽書卷。早沐殊榮封大縣。燕至高襟祀屢從。繭成副禕分親見。瓊筵酌醴水犀杯。玉几揮毫銅雀硯。春風秋月幾推移。忽是蛾眉三五時。梅額偏能標雅韻。桃天正好賦佳期。官家特勅大宗伯。更命司儀精選擇。選得良家才地高。周郎真是乘龍國朝詩別裁集。

卷二十一 五

教忠堂

客金錢已卜鳳凰鳴。銀漢將填烏鵲行。未及洞房傳蠟炬。可憐烽火照燕京。九門狐鼠方延敵。百萬豺狼頓入城。天子倉皇驚禁裏。后妃相繼君前死。藐孤暗遣出宮門。深望少康能雪恥。御劔親將貴主揮。莫教玉葉汚泥滓。已同小妹逝泉途。帝上煤山赴鼎湖。寶帶珠襦遺道路。五侯七貴喪妻孥。長平氣絕賊驚愕。戚里載歸徐進藥。臂血猶紅宛轉生。終悲骨肉俱零落。季羊原因人負全。孤身已分葬冰天。國亡不辱復不死。缺月何堪望。又圓邊將乞師秦殿哭。六軍南下共鳴弦。赤眉敗死黃巾滅。

忽觀 興朝定鼎年。明年上書願祝髮。罔極深恩

庶仰答 溫綸不許奉空王。令與周郎重會合。金

缸寶扇七香車。備物盈庭禮有加。館築平陽金作

榜。園開沁水綵為花。不從鶴市埋芳草。更上鳳樓

誓偕老。帝女觀刑屋社秋。羅裳無意薰龍腦。繁華

雖與舊時同。豈若身居柘館中。故國金人辭漢闕。

來朝玉馬裸周宮。穠李降嬪方一載。廣寒深處應

相待。鴛鴦分散不同池。隻影高空歸碧海。死後還

邀湛露恩。賜錢營葬廣寧門。石馬悲鳴風慘淡。

金蠶出沒雨黃昏。韋氏里中香漸散。荀侯巾上淚

國朝詩別裁集 卷二十一 壬 教忠堂

多痕。名標彤史垂終古。身入黃泉觀至尊。空隴年

年寒。食節白楊青草最銷魂。紀懷宗長公主始末也。隨事敘述婉轉悠揚而懷宗之憂勤公

主之貞壯亡國之悲涼 與朝之忠厚一一傳寫於可絃可誦之中。視梅村長律轉有餘韻。誰謂前有名作後人不必握管耶。公主名徽姬都尉姓周名世顯詳春明夢餘錄中

春江花月夜

春江兩岸百花深。皓月飛空雪滿林。為愛良宵清

似畫。獨來江畔試幽尋。東風送冷春衫薄。花月堪

憐難擲却孤月。何能夜夜圓。繁花易遣紛紛落。搔

首踟躕江水濱。月明忽遇弄珠人。紅粧笑入花叢

去。併作江南腸斷春。月轉江亭花影動。數聲嬌鳥

枝頭弄。侵曉分途踏月歸。連宵應作春江夢。題中五字安放

穩貼風神去原辭未遠

觀潮

風激滄溟立。驚濤拍翠巒。朝昏存大信。天地湧奇

觀。皎日雷頻作。秋江雪早寒。賈帆收欲盡。千里水

湍漫。三四籠蓋一切覺筆挺形似者但得其瑣屑耳

丁卯中秋

去歲中秋節。燈前病劇身。黃昏正風雨。白首獨酸

辛。此日全微命。高堂失老親。不如垂死處。尚見倚

閭人。兩中秋前後分寫仍是一氣。渾淪見今茲全軀而喪母不如前此垂死之身猶依母氏也。律詩之變至少陵已極。此又在少陵變之禮

國朝詩別裁集 卷二十一 壬 教忠堂

之外發乎至情格律不足以拘之也

冷泉亭

小憩空亭戀翠微。上方日暮客過稀。春秋閱盡水

長冷。風雨到來山欲飛。嶺半樹高猿每掛。林間雲

暝鶴知歸。炎天坐久寒生骨。思向僧家借衲衣。三語皆活矣極生動又極見成

李白

誰道謫仙狂。豪情托舉觴。目無高力士。心識郭汾

陽。青蓮大節已盡二十字中

詠雪

朔雪舞迴風華凝香閣晚繡幕尚生寒人在龍沙遠

俞 焄 字日錄浙江秀水人

灰七姑辭 自注未俗嘗以二月祀灰七姑即紫姑之遺也

紅繒張臂箕斜插海棠杏竈前昇來竈下請小婦
薦清茶中婦陳白餅大婦拜致辭燭花弄髮影種
杭種秫須多收養蠶新絲十倍抽不願生兒近王
侯但願蕃息滋羊牛小姑靈感識人意鬆箸重
書作字筭箕頻動小姑迴瓦爐香爐柏子灰穉男
收拾棗栗去門前簫鼓喧春雷 村落間盛事寫來最真

國朝詩別裁集

卷二十一 五

教忠堂

馬草行

滄洲烽火徹夜紅援師奉調來南中援師五千馬
萬匹所過軍營吹算策縣官索草候經臨硃票紛
紜遠近出家家并日辦馬槽辦豆更辦莖草刀草
船滿滿連百艘馬草積如山岳高援師驅馬江干
過餘草零星棄道左老農束取負擔歸然草煮豆
聊充餓吏胥首告盜官貨哀哉愚民家頓破 一經吏胥破家

者不知幾許長民者何由知之抑或知而不知

劉石齡

字介于江南長洲人著有秋容草堂集○國初孝子劉夢蕭於鼎革後艱苦省親父前沒遇母于見娘村蓋前定也介于為孝子之子讀有用書奔走四方韓文懿公重其人欲薦于朝未及薦而韓公卒矣詩涉漢關驛得力昌黎近體漫淫宋人因

未見全集故抵錄古體二章以志屋畧

登祝融峰頂宿上封寺

梯空躡晴霓振衣祝融頂俯視七十峰茫然隋烟
井湘流失灣深洞庭餘溟津目窮日月鄉袖拂天
漢影迴首蒼梧雲飄飄度前嶺太陽汲新泉石鼎
淪苦茗肺腑添清涼丹元溢光景麾斥隘八區幽
尋愜孤秉徘徊會仙橋晴崖發娟靚絕壁有行跡
仙路細如綆蚪松生古巖翠葉光炯炯靈秀天所
鍾應與茲山永倒景迴明霞大地總澄瑩歸來宿
上封一枕山雲冷 生平學韓此章又近謝公

國朝詩別裁集

卷二十一 五

教忠堂

恒山

寶符玄玉奠茲麓有神上下扶坤乾曲陽飛石就
裡祀虞舜不到恒山邊茲語荒怪誰所紀翠砥扇
翼空磨鐫磁甕兩岸盡絕壁南有細徑緣秋煙崖
回水立三百丈巨石怒落隨奔泉幾年于此壘雲
棧排空石竇鬼手穿餘材蠹蝕插山腹欲落藤蘿
相鈎牽平生未嘗識劒閣或謂蜀道險亦然削岩
萬仞試初步飛仙巖閣中霄懸虎風一噫土囊口
健牛飄墜輕鳥鶩渾渾雲霧起林際垂龍鱗尾方
蜿蜒紫芝翳翳隱幽峪黃榆颯颯飛晴天中有仙

人繫驢樹下根離析枝相連寒濤萬壑起松杪翠
雪散落山亭前夕陽晚霞足幽眺丹竈夜光然通
玄野人頗有濟勝具度越峻嶺如登仙俯視羣山
盡臣庶太白巨屨差隨肩茫茫一氣辨龍塞索駝
萬隊成蟻旋丈夫寧能死章句有名須勒狼胥巔
此心未遂身老大投足巖岫老安便徧遊五岳自
茲始俟昏嫁畢當何年天地奇境須得此驚人句寫之宛然如龍幾於不可控馭

黃中堅字震生江南吳縣人歲貢生著有蓄齋集。蓄齋以古文鳴詩其餘事然即此二章已見其情至文生不同釘鉅

聞陸既藩樞歸弔之

昨得傳來信靈輻返故居悲深翻作喜望切轉疑

國朝詩別裁集卷二十一 无 教忠堂

虛一棹風煙外孤魂憂患餘生還當此日歡笑定
何如傳來凶信故悲聞其樞歸翻喜及望而未至又恐消息之虛也十

題馬雲達像

故國蒼涼天地秋誰將肝膽託清流狂瀾已向東
南倒正氣偏於草莽留憤似安民悲刻石自注官為魏

只貌須眉古一片丹心未易求自注魏忠愍公子謙以誣畫工

沈 廉字補隅浙江嘉興人。補隅方壯入秦有去題百二關中

蜀遊一集沉鬱中復極縱橫頗得杜陵氣骨一時彭澤其量者

出連雲棧抵宿褒城

蜿蜒雲棧紫空迴劃然半壁秦天開煙巒高下勢
排宕興元形勝何雄哉放眼褒中樹如薺一片孤
城落井底紛紛飛鳥隨蒼煙落日無光沙泥泥我
馬逐隤不復驕解鞍止宿心搖搖孤雲兩角天一
握側身西望驚魂銷眼前險阻無時無區區百里
成坦途且復開襟澆濁酒放歌一醉花間壚前路
崎嶇君勿慮揚鞭更上青天去

江口行 并序

江口者岷江口也明末孽賊張獻忠據成
國朝詩別裁集卷二十一 辛 教忠堂

都三載誅求民物殆盡鼎革後獻孽運其
輜重赴楚巨舟數百號連檣銜尾東至嘉
州直抵江口先是有武舉楊展者豪勇冠
西川憤賊蹂躪練集鄉兵備賊至是截之
獻孽怒舉火悉焚其舟金物並沉於江獻
孽復集賊黨還成都會王師至盡殲滅
之西蜀既定頗有覬覦江中遺物者竭人
力取之終莫能得半溺於水到今七十年
矣嗚呼由此觀之彼獻賊之暴愚民之貪
皆歸烏有也乙未秋成都楊鳴岡孝廉述

其事爰作江口行以志慨云。

岷峨江。水清且深。黃金那識。行人心。岷峨之水清。且淺。黃金偏著。行人眼。爲問黃金何處來。客談往事真荒哉。獻賊當年蕩蜀土。生民甲第成飛灰。一朝東裝賊東走。連檣直下岷江口。岷江楊展豪勇者。痛憤呼天忍束手。義旗一舉羣飛揚。弓刀直掩日月光。一時天地爲震怒。橫江截殺勢莫當。旌旗徧野風颼颼。嘉州三日江不流。烟雲黯淡日無色。山川撼動蛟龍愁。孽賊此時無一可。突怒鼻端欲出火。狂呼一炬燎羣艘。黃金百萬歸洪濤。賊衆奔國朝詩別裁集 卷二十一 三 教忠堂

忙還錦水。王師殲盡鏡與梟。妖氛靖後七十載。可憐猶見民脂膏。江流滔滔走如駛。黃金曜日清見底。貪夫從此智力窮。無冬無夏驅人工。摸金半入江魚腹。十無一得空貪慾。馮夷冷眼笑人忙。孽賊猖狂有餘毒。不貪爲寶古所云。世人攘取徒紛紛。竊國竊鈞分大小。斬刈淪溺同亡身。我聞客言三太息。可備野史傳其真。君不見古來讓以天下。惟恐免世間。尚有洗耳沉淵人。獻賊之虐。愚民之貪。同歸於盡。中寫楊展義勇能以

鄉兵殺孽賊大是快人

自彝陵州發棹至黃牛峽

江月欲落晨雞鳴。客船未發官船行。曉風颼颼舟子喜。蒲帆吹出彝陵城。鼓聲坎坎日方吐。船頭漸聽灘聲怒。棹轉俄驚又一天。桃花雞犬回頭誤。入峽愈深山愈奇。半雲半雨崖傾欹。疾風捲水水欲立。紛紛紅綠相離披。盡日冥搜思縹緲。空裏無聲絕飛鳥。斜照西南一角天。數峰青入微雲表。初疑前山無路通。劃然一綫開鴻濛。乃歎偉哉神禹蹟。人力疏鑿天無功。危灘更轉勢欲壓。路斷雲根疑倒插。噴珠跳雪從空來。不知此是黃牛峽。我聞昔日有黃牛。助禹開導疏江流。至今風雲相隱見。愴國朝詩別裁集 卷二十一 三 教忠堂

恍如有神人遊。百丈高牽不可越。行人到此真愁絕。一舟簸蕩波濤中。却與魚龍爭出沒。吁嗟乎。黃牛峽水無時停。黃牛峽石無時平。人言雖險君勿怖。那得人間有平路。斜照西南二語先用虛寫危灘更轉以下乃用實寫岸崖湍激勢俱壯一轉轉說開去意

錦江觀漲

桃花落盡春水生。錦江忽作輶雷鳴。奔流欲轉草堂去。大聲撼動芙蓉城。兩岸迴旋如走馬。飛騰上下馳流星。浪花排空百丈立。銀河倒瀉天爲傾。一氣渾噩渺無盡。乾坤不覺如浮萍。憶昔長江破巨

浪風帆乘我空中行。身如滄海渺一粟。性命直與蛟龍爭。今日江城看春漲。披襟想像神猶王。安得呼起浣花翁。相與乘舟坐天上。

苦雨有感

蕭瑟三秋序。沉冥萬里天。吳儂愁送日。蜀國雨為年。時去名何與。詩窮老或傳。黃花應有恨。不肯放尊前。雨為年三字新絕響絕

入連雲棧

飛棧盤空鳥路分。煙嵐霧樹合氤氲。人緣蟻垤紛相引。風遞猿聲斷更聞。百道爭飛天外瀑。千峰亂插馬頭雲。身當絕境渾忘險。不覺頻穿虎豹羣。

劍門

亂山迴抱蜀天昏。雙劍為峰闢一門。怨鳥三春悲望帝。井蛙當日笑公孫。幽花怪木隨高下。冷霧荒雲自吐吞。千載漫多憑弔客。摩崖詩徧綠苔痕。自注石壁

多鐫前人題詠

翁 荃 字止園江南江寧人。止園究心三禮學與方望溪張炎歆諸先生說經碑不似詩人自命也。即詩中寄托亦復抱負不凡。讀其詩可以觀其旨趣矣。

讀武侯靖節合集

士生三代下。著書日紛紛。武侯與靖節。述作稱完

人三聘出草廬。治國兼治軍。滅賊志未遂。鞠躬竟忘身。彭澤歸去來。恥為二姓臣。甘守西山節。荆軻願空存。二公重志行。豈惟尚華文。隆中倘未出。悠然樂天真。榮桑苟任事。述祖抒忠純。易地則皆然。孟子曾有云。吾生千載後。展卷如相親。夢寐接古賢。心期共探論。還蘄志顏尹。望古情彌敦。三代下漢完人晉以靖節為完人顯晦不同志節一也篇中善於推論結意尤高

田家詩擬陶

窮經一生事。老至強荷鋤。先師鄒樊子。農圃謝不如。我胡忽改業。甘為小人徒。珪組豈不榮。日與傾國朝。詩別裁集 卷二十一 三 教忠堂

危俱黽勉食其力。一飽安有餘。魂夢無縈擾。日高起徐徐。牀頭清酒熟。聊以解辛劬。

自題壽域

牽堵波成傍。佛寮鐘魚香火伴。昏朝不知一盞花。前酒誰向劉伶墓上澆。

沈自東 字君山江南吳江人。諸生。君山少歲有客詩中稱木為非人。或謂之君山曰。詩云山有嘉卉。侯栗侯梅。然則詩亦非耶。眾服其英敏。

孫供奉

櫓檣憑魏闕。魑魅索乾綱。舉世皆披靡。孫君獨感

傷昔曾蒙絳服。今肯戴銀璫。殿上人爲獸牀。前弱敵強。奮身驚逆賊。斷首謝先皇。有醜蘇循輩。居然鷄鶩行。唐昭宗時有猴善隨班起居。因賜以緋袍名孫供奉。未溫篡位。亦欲其供奉起居。猴見溫跳躍奮擊。遂被殺。殿上人爲獸五

絕字警

卜

煥字彤文山東日照人諸生

愛菊

我非柴桑翁。素性亦愛菊。地不滿數弓。所栽備種族。泥沾洗餘滓。天暑障素幅。插援聊扶傾。除蠹恐滋毒。愛護同家兒。日夕勞顧復。花時繞畦看。相於淡無欲。遲暮亦何妨。霜餘慙幽獨。自翫菊花農。頭

國朝詩別裁集卷二十一 三

教忠堂

銜珍令僕花品人品並見不學陶自足陶趣

國朝詩別裁集卷二十二

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

康乃心 字孟謀陝西郃陽人康熙乙酉舉人。王新城尚書登慈恩寺塔見康孟謀題莊裏王墓詩於鈔云原廟衣冠此內藏野花成歲上陵香都郭鼓瑟應如舊贏得佳兒畢六王大加稱賞入都為衆公卿道之一時名滿筆下此新城欲揚其名詩恐未副實也茲特取送人作令一律而前輩愛才之意仍表而出之

送李虞臣任寶昌令

華嶽仙人地。函關柱史家。銅章分海國。驛路指天涯。衆望真如歲。官評匪種花。東南民力竭。撫字在桑麻。贈人以言得古人遺意

國朝詩別裁集 卷二十二 一 教忠堂

吳斯名 字琳巖浙江歸安人康熙乙酉舉人著有補闕詩鈔

憶舊遊

偶隨驕驥過幽州。蹴躡塵中賦倦遊。不慣掃門稱上客。祇堪長揖謝通侯。一年羈旅生離恨。千里風煙上敝裘。幸有故山茆屋在。蕭然長嘯海天秋。不合時宜

吳資生 字天培江南吳縣人康熙乙酉舉人官賓應教諭

就道錄別

西風吹我鬢。寒日照我冠。親朋各拏舟。送我蘆花灘。憐我年半百。得官仍酸寒。官卑祿自薄。首肯餘

空盤何時抒壯懷。雲際颺飛翰。欸言謝親朋。我心匪求安。雖無民社責。撫時每長歎。方今值災荒。蒼黎半凋殘。哀哀滿路哭。誰卹骨髓乾。活人慚未能。敢博妻孥歡。淡泊以明志。守我瓢與簞。居職無大小。要歸免瘵官。解纜從此辭。浩浩江天寬。無理民之責懷救民之心冷官中易得此人乎設為問答古樂府時有之

劉青藜 字太乙河南襄城人康熙丙戌進士官翰林院庶吉士著有高陽山人集。太史既通籍彌刻苦自勵乞假後補官旋卒故發言為詩多食齋腸苦之意

贈車同

瘞雲堅長空。荒郊風栗冽。敝裘毛已禿。疲驢骨欲折。問君何所之。語次氣哽咽。子婦往歸寧。一病遂永訣。淮西有書來。返襯資囊竭。況有小兒女。呱呱悵明朝別。車同全軌字也中河南解元王漁洋稱許之惜無從覓其詩稿

國朝詩別裁集 卷二十二 二 教忠堂

友朋何寥寥。人事兼聚散。一飯別君廬。時日不可算。子嗟喪頻仍。余苦病居半。酸辛勿重陳。倒篋煩

點竄。但愧嶺頭瀧。波瀾怯河漢。佳惡吾自知。洪爐休辭鍛。後會摠茫茫。莫負燈花燦。太乙車同皆愁苦之士故以喪與病對言後屬也詞意清真何從得寐寐

稗子行

稗子行

婦子紛紛携宮篋。齊向荒郊收稗子。晨出暮歸收
幾何。一斗纔春二升米。莫嫌此物太艱難。猶勝田
間把耒耜。今年五月月離畢。滄海倒翻瀉不止。拍
天巨浪浸層城。平原窪地可知矣。小麥濕蠹秋禾
空。辛苦何曾咽糠粃。天生稗子惠子遺。殘喘暫延
全仗此。只愁采掇會當盡。鴻雁嗷嗷飢欲死。

杜少陵墓

萬里清明節。回頭憶杜邱。可憐出巫峽。曾未到襄
陽。故國三千里。羈魂二十霜。蹉跎稷契志。終古恨
茫茫。此少陵墓故只就出巫峽沒未
茫茫陽言之末二語志其生平之大者

國朝詩別裁集

卷二十二

教忠堂

宿友人宅有贈

小巷城根僻。空庭月影寒。家貧偏好客。身健早休
官。綠剪霜畦短。黃分湖蟹團。他年雞黍約。爭敢忘
餘歡。家貧好客身健休官人生樂事世偏多富而
不能好客年老而猶戀一官者讀此得毋樂然

將赴都門

十載長安道。風塵髻欲皤。天寧哀志氣。人盡笑蹉
跎。日落汾邱壘。水膠乾勒河。又驅羸馬去。惆悵意
如何。

孟德疑塚

銅雀凋零鴛瓦殘。西陵遺塚徧河干。不知歌吹層

臺妓。冷魄還從何處看。蘇軾用心不
值詩人一哂

王

革

字秋史山東歷城人康熙丙戌進士著有二十四泉草堂
集○秋史所居近望水泉元于欽所編七十二泉之第二
十四也少歲多否少可人以狂士目之王漁洋田山薑二
公賞其詩並奇其人漁洋許其不以貧賤終後果如其言

南園

何處箴箴有敝廬。空存老樹與清渠。亂泉聲裏誰
通屐。黃葉林間自著書。草色又新秋去後。菊花爭
放鴈來初。菰畦舍北餘多少。取次呼童一荷鋤。三四
語至

漁洋劇賞之稱之於張南溟巡撫南
溟與定布衣交者也時尚未為諸生

春日述懷

泉頭十九年前住。試看垂楊大幾圍。猶是隻雞招
國朝詩別裁集

卷二十二

教忠堂

讀吳野人集

海上吟詩到白頭。菱花滿地一沙鷗。一生不出東
淘路。自有才名十五州。

弔張布衣

拜杖譙樓血肉飛。少年帕首奮重圍。惜君生後陳
同甫。獨使丹陽有布衣。布衣名秦運明末上書開府陳戰守之
策不用杖四十推隋城下幾死秋史另
有張布衣
傳載其事

吳士玉

字荆山江南吳縣人康熙丙戌進士
官至禮部尚書謚文恪著有吹劍集

王帶生歌奉和漫堂先生

先生原本云。楊鐵崖有七客者之寮。以貯所藏笛琴管胡琴古甕與研。並已爲七。六客各錫以嘉名。而硯舊實於文丞相。紫質玉紋。所謂玉帶生也。丞相殉國。硯歸謝臯羽。轉歸鐵崖。鐵崖作志。命門生張憲作玉帶生歌。余幸觀奇寶。亦贈以歌。

中丞好古攄幽情。示我寶研光晶瑩。紫衣通身腰橫白。云是景炎故物玉帶生。曾遊鐵門翻白雪。向陪臯羽號冬青。其先文山早結契。揮灑神筆凌霄霄。國朝詩別裁集 卷二十二 五 教忠堂

崢嶸銘錫貫珠四十四。至今的爍光日星。隼几摩挲追往事。感慨鬱律何能平。或云信國當年初射策。生也即隨顧盼趨承明。萬言一掃盡龜鑑。鐵肝石胆生風稜。轉瞬煙塵昏頌洞。生同顛。瘠哀零。丁丹心磨礪句不滅。正氣磅礴歌吞聲。天崩地塌壯士死。但聞西臺擊竹聲。悲鳴可憐宋社淪海水。片石迺有神靈憑。鼎遷者三載五百。貞質不毀堪嗟矜。英英紫玉暈痕透。有如白虹貫日昭精誠。仰止孔石。自注孔陋桑鐵笛管之族。非其朋。焦琴况出自奸相。自注琴爲賈蘇冀那混申掛磬。彼哉客寮並數七。嘈

雖非偶徒虛名。豈如我公位置肅。左圖右史箋遺

經。濡翰端可幹元化。作歌雅欲親典型。公歌突過

玉筍作。爲生寫真垂千古。萬言一掃四語見。現與文丞相一

觀忠義判別波瀾不窮。矣作七言古須得此法。生關切後將賈似道之琴作一反

稽曾筠。字松友。江南無錫人。康熙丙戌進士。官大學士。諡文敏。

五臺山

晉人一覽五臺勝。謂可不須五嶽遊。把詩令我神輒往。樸被欲發仍勾留。那知山靈有深眷。銜命太原償此願。見山已自開心顏。况復驅車到天半。摩霄跨漢何從龍。呼吸直與精靈通。疑是嫺皇此國朝詩別裁集 卷二十二 六 教忠堂

煉石化作五朵青芙蓉。聞說東臺特奇妙。拾級先登縱遐眺。夜半湧出硃砂丸。海外天雞猶未叫。山僧復導過西臺。舉頭正喜鴻濛開。陰晴涼暖變俄頃。颯然萬里邊風來。遙指南臺高幾許。蹈虛躡險如霞舉。上方歷歷見星辰。下界冥冥自風雨。欲往北臺更飄瞥。分明引入水晶窟。陰崖高疊萬古氷。幽澗長流千歲雪。中臺宛在山中央。云是文殊舊道場。馴虎何曾避行客。伏龍猶自依空王。飛泉宛轉當檐落。注入清池長不涸。鏡中大可印禪心。惟見一泓開澹漠。小憩剛逢梵課餘。妙香冉冉飄衣

裾到此能令衆綠息祇有夙好猶難除攝衣餘勇
更一鼓直上蓮花嶺頭坐兩九日月底生百道
煙霞腰下裹一峯萬狀難具論諸山環侍猶兒孫
置身合在最高頂俯瞰一氣渾無垠登高倘使心
不猛奇勝何由得全領從知萬事須造巔賴得茲
遊發深省竭來幸得公務閒閒情暫寄水石間幽
吟頗得清淨理遐賞適在清涼山卻爲王程難
久住搖鞭又入紅塵去回看一片出山雲不識爲
霖向何處明點五臺移形換步登高造巔悟及立行結
到出山之雲雨澤天下宰臣心事如見矣

寄天津范自牧觀察

國朝詩別裁集

卷二十二

七 教忠堂

有母常教獨倚閭顯揚無計愧何如南溟鶴唳歸
華表吳地冰霜逼歲除儻憶通門重啓事定教伏
闕上遺書忠魂已化萇弘碧雪涕君恩浩蕩初
哀贈公懷節母也閩詩
意應是未通籍時作

登披雲山眺海

披雲更上一層臺睥睨乾坤獨舉杯海勢欲浮台
宕去濤聲直撼斗牛迴三秋笳鼓當風競千里艤
艚蔽日來爲詔姦雄齊解甲聖朝懸爵待招徠

宮鴻歷

字友鹿江南泰州人康熙
丙戌進士官翰林院編修

李木庵先生鐔上觀李松嵐畫松歌

松嵐畫松誰與匹畢宏以來推勁敵數尺根株一
百盤慣將拗筆摹高格學士壁間畫五松高枝樛
結如蒼龍蒼龍夜挾雷雨至五松嶽立爭豪雄瘦
蛟蟠紙多稜節虎脊熊腰姿態絕老幹常捎三峽
雲新枝已屈千鈞鐵風條露葉故依然化工入手
天無權水墨經營極意匠晴煙不斷青蜨蜨噫嘻
艷藥濃花世所尚吾徒冷落知誰向無用霜皮四
十圍有時白髮三千丈願君寶此後凋心桃李春
風莫惆悵

長安午日

國朝詩別裁集

卷二十二

八 教忠堂

生事都如縛縶菰千纏萬裹滯長途高門敢望齊
丞相醒眼真憐屈大夫綵結靈符聊辟鬼盤堆昌
歎故愁吾南州五月鮐魚美未買煙蓑棹五湖長安
日意不止弔靈均也
虞虞雙關詩律劇細

俞兆晟

字介穎浙江海鹽人康熙丙戌進士官內閣學士公視
學江左時諸生進謁相按如先生弟子論文行外兼及詩
品畫理以二者皆公所長也
清風和氣至今猶想慕之

吳宮曲

館娃春深畫寂寂美人列坐彈瑤瑟自裁白紵六
銖衣回雪流風侍君側清歌珠串裊入雲梁塵不
動花繽紛繁絃急管停復作當筵催進泥金裙軍

聲殷殷來檣李。犀甲晶瑩照秋水。破楚門東鐵騎圍。君王夜醉扶不起。白紵歌殘事已非。洞庭漁唱雨霏霏。至今城上烏啼急。猶聽吳娘夜擣衣。

悠揚婉轉結處

一聲中有無限餘聲

蔣綱字有修廣西全州人康熙丙戌進士

舟次書感

蒲帆一幅掛秋槎。渺渺煙波去路賒。不及茂陵歸有。辟翻同杜老。別無家。橐中長物餘詩草。道上重陽負菊花。他日紫懷在何處。知予依斗望京華。

妙能活用

鄭任鑰

字魚門福建侯官人康熙丙戌進士官至湖北巡撫○江左多名學使公其一也生平不以詩重而詩亦可傳

國朝詩別裁集

卷二十二 九

教忠堂

春蠶詞

蠶月人家愛晴旭。紙筐分葉聲滿屋。三眠過後桑樹稀。稱來銀蠶繅為絲。山村日午緯車響。榆柳陰陰煙火遲。憶昔民間累苛派。新絲二月長先賣。近年兒女有完襦。急公更足償私債。艱難衣食在農桑。年年拜祭馬頭娘。不辭小婦閨中苦。願作山龍藻火裳。

他手每說飼蠶之苦此用翻案法見閩中女子忠愛有餘先生補衮之心言中流露矣

徐侯齋畫芝

采薇歸來日已移。寫將三秀寄遙思。秋風滿眼嗟零落。巖谷何人和紫芝。

見前民謝同志無人也如此纔是侯齋身分

喬崇烈

字無功江南寶應人康熙丙戌進士官翰林院庶吉士著有學齋集

悼亡

慘目復慘目。掩涕入汝房。攬鏡泣孤影。撫枕悲殘芳。嫁衣亦已敝。繡幕無時張。篋篋遺素帨。刀尺絨空箱。種種感故物。脉脉想容光。憶汝初歸時。盛飾拜姑嫜。緇銖今何有。毀棄坐我窮。往余客京師。心念第三郎。料知需玩弄。買來小銀鐺。封題託鴻羽。更著書數行。嗟我寄未到。此子先天殤。汝每持以泣。因之汝亦亡。那更復見此。能不摧肝腸。

木買銀鐺寄歸

一段愈瑣屑愈見情真

國朝詩別裁集

卷二十二 十

教忠堂

立秋日枕上

新涼滌殘暑。細雨作秋聲。笛簟初宜夜。鰥魚自愴情。草荒原上塚。夢斷驛前更。來日憐兒女。單衣補未成。

徐用錫

字壇長江南宿遷人康熙已丑進士官翰林院侍講

得何義門太史凶信

漢代諸經師。一一得傳授。君學謹派別。原本切講究。一目下十行。毫髮悉穿透。微言洞窹會。善發昔人覆。楮墨鑑古刻。滅燭能辨臭。偶逢謔浪虐。終得芳潤漱。愛憎不入時。針石起顛踣。大節尤過人。五

十終哀疾。門庭絕纖埃。廉介無苟就。所嫌直如弦。
險道屢顛仆。顛仆不肯回。仍糾俗紕繆。欲殺皆庸流。
吾敢同衆詬。他日念斯人。文林應俎豆。義門先生之以直受禍及受讒後仍不改其直道盡生平須眉畢見矣如此哀婉可云古道照人

關峽早行

柝響知關峽。東方尚未明。蛇紆危壁路。雷走大河聲。
星落寒燈見。沙崩疲馬驚。一夫須設險。塞下尚連營。三語錄在危字四語錄在走字

張麟書

字玉函江南華亭人康熙已丑進士官翰林院編修

早梅

國朝詩別裁集

卷二十二 士

教忠堂

夢寐難忘姑射姿。春山無伴每相思。誰將暖律翻三弄。卻遣芳魂逗一枝。淺瀨影疎人小立。曲簾香動鳥先知。賞心不待花如雪。好在寒氷未解時。

繆

沅字湘芷江南泰州人康熙已丑賜進士第三人官至刑部侍郎著有餘園詩鈔○司冠視學楚中延四方名流校閱所得人文極一時之盛楚人爲予稱道之詩舊入江左十五子選中予曾評點後披全稿見半屬朱墨改易所云老去漸於詩律耶

王孝子詩

丁徭日繁重。閭戶多逃亡。文安王氏子。飄泊辭故鄉。
棄我舊井甃。舍我舊耕桑。甘心雜匹耦。各自東西翔。
故鄉不能歸。涕泣淚如雨。一燈何熒熒。健

婦堵門戶。生兒在襁褓。日夜尚須乳。兒生未十期。兒志如成人。上堂見阿母。兒有平生親。兒生不知父。兒不如鮮民。阿母爲兒言。汝父久埃塵。上天與入地。欲見愁無因。孝子聞母言。含淚聲酸辛。

團團復團團。爲兒授家室。登堂見花燭。吞聲哭不得。兒生未識命。何以安枕席。誓辭連理枝。永遠事行役。再拜阿母旁。泣血浣顏色。出門何所之。惘惘別里門。長號感行路。天地爲之昏。日則望雲馳。夜則戴星奔。飛蓬冒天末。何處尋本根。行行大壑旁。僵卧荒祠外。精誠動木石。魂魄交冥昧。開門

國朝詩別裁集

卷二十二 士

教忠堂

揖老叟。夢中與神會。午食見指南。莎羹未粗糲。當歸乃隱語。不聞附子膾。迤邐入東南。山澤形神枯。黃沙蝕顏面。瘡痍生肌膚。果然帶山下。夢覺逢精廬。佛香飄院落。有客蒼髯鬚。詢知舊鄉里。驚喜立坐隅。尋聲猶識得。精神相感孚。父子抱持哭。淚落千僧徒。慇懃勸還鄉。緇林戒行李。入門見老妻。毀顏已暮齒。新婦潔盤餐。爲翁具甘旨。至行格天地。和氣浹鄉里。高曾遺矩矱。子孫遍朱紫。至今道旁人。齊歌王孝子。胎源於孔雀東南飛一章中聞夢與神會一段妙在若可解若不可解

房中詩

嬌兒衮師繞案長。文如翻水聲琅琅。夜堂篝火攤書讀。吹落燈花紅簌簌。小者玉頰好眉宇。手持梨栗能尔汝。中男依兄坐短檠。毛詩新讀一半生。山妻椎髻夜操作。手弄諸雛共笑樂。頻年踪跡隨天涯。賴汝黽勉能持家。不為楚相君勿哂。與君相偕鹿門隱。傳仲一家可云有道妻子皆得供與司冠非隱人而家庭之樂與傳仲同也語語用韻兩韻一轉格調得自嘉州

袁術

公路浦前白日昏。千重駭浪猶奔騰。袁曹昔時爭戰地。秋原尚作黃雲屯。兄弟閭閻事堪嘆。術也雖紹翻結瓚。謬算適足羞先公。強云圖識天所贊。里國朝詩別裁集

卷二十二 三

教忠堂

謠誰記當塗高。僭號不聞閭象諫。符命之說誠荒唐。當車有臂疑螳螂。江淮凍饑士卒死。宮中日夜為荒亡。蛾眉皓齒競害寵。馮家小女悲懸梁。滿山之敗所自致。江亭奔竄如亡羊。堆牀十斛僅麥屑。一勺入口無蜜漿。當時割據意何取。離離滿目悲禾黍。我來袁浦為弔古。老龍晝眠蛟夜舞。鯨波蝕盡戰場土。衆尊為帝而欲奔匈奴以自絕者劉虞也因當塗高識語而欲自稱為帝者袁術也漢末羣雄惟術為至愚且妄身死後妻妾不保亦惟術為至淪篇中綜本傳始終言之不漏不支自然中節

送顧嗣宗返吳門次留別韻

韓孟雲龍日夕依。故山猿鶴久相違。人如諸葛真

名士品。是江東大布衣。吳地煙嵐應入夢。楚天鷗鷺漸忘機。故兵日有尊鱸思。隱語當歸且緩歸。

訪汪鈍翁先生故居

山光塔影尚嶙峋。遺築正南野水濱。草沒垣衣何限感。乞花場上弔詩人。乞花場鈍翁先生所居

張大受

字日容江南嘉定人康熙己丑進士官翰林院檢討著有匠門詩文集。先生未第進士時即已陶成士類既入館選汲引尤衆後有負之者弗與校且若不知也吳中宏獎風流斷推匠門今沒世已久過其故居者猶想望餘風焉駢語韻語皆清新獨出拔其集如遇其人

魯肅廟

闊達謀吳策。幾微保漢心。才輸公瑾捷。道契武侯深。夏口帆初上。龜山廟至今。靈風吹赤舄。城北雨沉沉。肅始迎先主於長阪繼勸吳主召周瑜還與武侯共破曹操後又勸借荊州於劉則肅匪獨忠于吳兼能保漢也十字中包括無限史事三四申言之

卷二十二 丙

教忠堂

送顧祿百外孫

博識蟲魚聯閒吟。花草工長康三絕擅。東野一身窮老我。離思外慈親望眼中。榮名真不朽。雲樹隔江東。

慕廬先生還朝

交無洛蜀本。和衷雅量分。明司馬同常。以文章推後輩。久將政事托羣公。委蛇晏退裘應敝。狼藉髡

留酸莫空出。處古來雲變化。芳馨誰播史書中。韓公

答以斷句云。偏舟不怯寒。裝薄好語穿來一一。味吟到交無洛蜀句。千秋牙噴實音。孤以公中朝子。立不隨黨。同詩能得其素心也。三四亦惟斯語。

題大臨故宮詞後

舊頓荒涼鎖綠茵。寶釵雙燕只生塵。眉痕不照長門月。臂點曾銷永巷春。百首宮詞。王司馬一聲河滿。孟才人阿誰尚記華清恨。聽譜霓裳淚濕巾。此是

宮也。百首宮詞一聲河滿。點然神傷。王司馬司字可作去聲讀。

睢州謁湯公祠

過宋頻登夫子堂。傳經應比鄭公鄉。曾遊霽月光

國朝詩別裁集

卷二十二

主 教忠堂

風裏早歎浮雲白。日旁衆母至今歌子產。伏龍疇昔起南陽。音容似昨人千載。贏得吳民淚溢眶。此是

伏龍出處。國僑遺愛而不免浮雲之蔽。日君子歎息痛恨於方。正不容也。事久論定。曲直顯然。彼譖人者亦何益而焉此哉。

送沈子大赴江西

才子秋風淚點多。遠行霜曉唱驪歌。三年皮骨空人役。千載文章奈命何。紫氣豫章龍變化。青峰彭蠡雁經過。舊時慷慨南征賦。送客都門髮已皤。

答袁虎文

重遊梁宋訪心知。一揖尊前感贈詩。射虎舊誇從李廣。鬪雞今喜逐袁絲。文章白璧元無垢。意氣青

萍兩不疑。歸到江南最相憶。小園風雨對牀時。

呈竹垞先生四十韵

日月懸鴻筆。江湖伴釣翁。斯文如一髮。此老不三公。世溯韋賢相。生稱江夏童。異書都默識。疑義若披矇。瑚璉初待金。刀數正終蘭。成終竄谷玉。榮早飄蓬寄。興滄溟外。悲歌燕趙中。揮篋迴雪白。拍板落花紅。劒拔看天小。觴浮覺海空。但隨遊野豕。未卜漸達鴻。當代旁求說。盈朝並薦雄。對揚欽學邃。拔擢荷恩隆。太白官供奉。龍門史折衷。掄才弘鐵網。校藝試青銅。書卷裝歸橐。神仙近法宮。騎將國朝詩別裁集

卷二十二

主 教忠堂

天旣駿捧出。御書虹自出。此期調鼎無端怨失弓。

歸來操翰墨。吟笑脫樊籠。醞舫波還泛。書亭日久烘。聖經羅象緯。物理析魚蟲。注地酈元似。論詩蕭

統同。采飛神每助。斤運帝無功。鳳小能翔漢。蘭摧

莫叫宮。暮年餘痛哭。篤志益明聰。鹿引晨穿屐。龍

聽夕倚蓬門。生與請昇朝。士剌求通斯。畫珊瑚缺

豈。文金帛。充共知占蔚豹。仍望載非然。小子勞鑽

仰先生。發覆蒙逢人。憐抱璞。知已撫炊桐。再謁驚

湖曲。高談桂樹叢。森森開武庫。藹藹挹春風。世路

誰輕薄。耆儒只困窮。養心欣事簡。餬口幸年豐。月

里芝徒采春卿自可崇。人情留樸拙。天氣值和融。
三歲依月下。千秋歎道東。經營慚小技。彫斲冀良
工。廣樂陳鼗鼓。凡民警矚聳。升堂私有頌。陶冶及
纖洪。先叙門第。次叙學術。次叙榮遇。次叙被讒放歸。次叙鄰里天折。次叙成就後學。而以已之就正有道終馬隊仗工。整琢句清新。視杜陵較薄。元白較厚。長律中推高格矣。

題徐大臨湖鄉小景

鳥背嵐光過夕汀。碎萍魚咬水花腥。青山一角湖
三面。記是塘西乙未亭。七言絕句。唐人神韻勝宋人。以清新勝此。宋體中最高者。

山居

愛看支硎一角山。何妨身卧薜蘿間。峰頭片片秋
國朝詩別裁集 卷二十二 七 教忠堂
雲白。不礙虛亭鶴往還。

清流道中梅花

駐馬清流香氣吹。東風漸近落花時。可憐躑躅關
山路才見江南第一枝。

惠士奇

字仲鴻。江南吳縣人。康熙己丑進士。官至翰林院侍讀學士。著有半農人詩。半農少即為志趣史而於經學尤深。著易說春秋說禮說大學說等書。皆晚年論定者。視學廣南。以通經術為先務。空疎舊習為之一變。操行之潔。比於白圭。振厲風俗。南前此未嘗有也。身後祀於韓山。配食邑。韓子至今尸祝之。詩近唐人。以自然為宗。視研給先生家學。各有所得。

除夕寫懷

持門賴健婦。頗憶貧孟光。今夕復何夕。洗手調羹
湯。辛盤與樹酒。一一親排當。夜半理梳裹。燈前事

晨粧君姑尚未起。雞鳴候高堂。胸臆偕先後。雜珮
鳴珩璫。我亦夢到家。身侍阿母旁。烏啼忽驚覺。仍
在天一方。

夢回思往事。石闕空銜悲。緬惟遭喪日。事遠尚可
追。先君管遷謫。家細不得隨。二載密雲尹。溘然遂
長違。時余行未至。伯兄適南歸。飯舍未及視。安用
有子為。一棺尚寄旅。僻在城南陲。遙憶今夜奠。紙
錢風吹灰。吾聞古喪禮。未葬不釋縗。念此痛欲絕。
有如刺心錐。哀歌不成曲。我唱和者誰。二章發乎至性。不以辭句為工。

坐月酬鄭 見懷之作

國朝詩別裁集 卷二十二 七 教忠堂

明月上西軒。流光照積雪。開軒一長望。皎皎千里
潔。佳人怨遙夜。起坐彈金屑。為我操孤鸞。悵然感
離別。相思報瑤華。無使音塵絕。

牧童詞

溪水碧。溪上牧童青。筠笠烏犍斜。繫柳陰中藉草
卧。吹三孔笛。橫鞭還過飲牛亭。亭邊撲撲飛牛蚤。
雀兒鼓翅蝦蟆跳。陂塘水滿齊牛腰。歸來仍放青
山郭。遠樹仟仟煙漠漠。日暮聞歌不見人。隔林月
下敲牛角。連下三章。皆張王體中。最雅潔者。

簇簫詞

麥風細蠶眠地桑葉殘蠶上山蠶房漸覺侵微暑
乍暄還暖愁煞汝朝熱熏籠夜點燈竊脂驅雀貓
捕鼠一日茸茸粉絮結兩日堆堆白于雪三日團
團論斗盛小婦量來大婦稱繰出新絲付機杼織
成十樣花紋綾君不見繭稅年年充國課浴蠶娘
子常衣布

樵客行

春山暮山花吹滿樵人路平原淺草連天遠樵風
初起樵雲捲數聲樵唱出林間夜夜歸來擔頭滿
曉上陰崖逢月黑前溪虎去猶留迹昨宵山水漂
國朝詩別裁集卷二十二 亢 教忠堂
人家失卻澗邊磨斧石伐木當伐檀刈薪當刈蘭
刈蘭為佩檀為輻免使年年老空谷

田家行

二月青蟲初化蝶三月紅蠶欲斷葉桑榆門巷綠
陰成四月家家縲白雪屋邊豆苗垂宛宛雁齒叢
長雀梅短道中歷亂蝦蟆衣昨夜風來牛跡滿竹
雞啼罷楚鳩語十日田家九日雨平旦開門看天
色聲聲老扈催收麥日出腰鐮向隴頭桑間驚起
黃離留

送蔣樹存之官餘慶

憶昔識君年弱冠風流文酒長耽耽無事頻過交
翠堂觥籌往往行無算二月山塘柳色青玉簫金
管醉中聽可憐明月初三夜最憶春風第一亭沉
沉玉漏鳴街鼓寂寂春陰月停午燈前一曲柘枝
新小玉僂僂踏筵舞雲散花殘事已空秦淮水榭
又相逢三條共剪深更燭五夜同聽鎖院鐘數載
飄零不相見去年忽覩雲卿面待詔吾留金馬門
修書君上南薰殿只今天子急循良莫恨天涯
道路長烏撒白苗生似鹿畚丁溪子狼如羊邊氓
正欲煩君撫況有君家理縣譜九溪斜繞葛蠻司
國朝詩別裁集卷二十二 亢 教忠堂
十洞遙連金竹府不知握手在何年離別今朝倍
黯然待爾歸來尋舊約月明重泛虎邱船為離合聚
散情事可
入管絃○理縣譜係傳瑛父子
作今事見南史此應借用

送陳秋田先生之官長寧

善卷洞裏咀丹客玉液朝朝鍊精魄偶然作吏山
水邦衣裳猶帶雲霞色昔年曾到漳江濱布襪青
鞵萬里身邑里時逢烏蟄戶居民半是馬留人今
年仍往西南徼路遠健鷹飛不到劒閣回看北向
雲石門遙指南征道知君才似冠巴東莫歎生涯
類轉蓬登棧人行紅樹杪隔溪猿嘯白雲中平林

芳草萋萋綠從此連絲到西蜀月上我着一片秋
煙銷巴水三回曲瀘川渺渺夕陽低更在瀘川西
復西遙想訟庭春寂寂海棠花發杜鵑啼

張文獻公廟

海燕辭巢日何曾戀舊痕南州一麾去壯關幾人
存蕃將頻蒙寵胡雛竟負恩淒涼謫仙怨空向曲
中論自注劉琨錄玄宗幸蜀次驛谷下馬望長安嗚咽流涕謂高力士
曰吾用九齡之言不至此因上馬索長笛吹之有司旋錄成譜名
謫仙怨○即少陵所云受諫無今日臨危憶古人也公歸南州
而李林甫牛仙客用事矣北關尚得有人乎幾人存姚言之也

廣州十二月書懷

風物娛遊子孤懷強自寬鵲鳴知歲暮鸚鵡訴冬
國朝詩別裁集卷二十二 主 教忠堂

寒山上飛鳴好樊中飲啄安可憐珠樹鳥無地避
金丸自注酉陽雜俎鵲正月一飛至十二月十二起新唐
書林邑獻鸚鵡數新寒詔還之○寫飛鳥即自行懷抱

姑胥臺懷古

五道通諸郡三江繞故都白猿終霸越黑犬竟亡
吳人去空芳草春來長綠蕪蕭蕭楊柳岸愁殺夜
啼鳥黑犬及下章公孫
聖事俱見越紀書

好上三臺望還從九曲行可憐文種水猶抱伍胥
城風雨松陵暗煙波笠澤清公孫今在否寄寓久
無聲自注公孫聖曰我死當使後
世有聲響及吳亡三呼三應

題座主安溪相國紀伯父葆甫先生破賊詩

後

孤城鼓角四山聞刁斗聲中五夜分獨領數人探
虎穴何如一鵲入鴉羣青袍不改儒生服白馬偏
成上將勛萬丈峰頭餘故壘千秋猶說李摩雲李摩雲
之改

破摩雲山樹柵其上時人
呼為李摩雲見五代史

送徐亮直編修奉使琉球

海神擎日映波紅此去扶桑直向東鯨眼常明無
月夜鸞身能使不帆風天書捧到恩應渥唐怕
傳來語盡通自注唐怕
譯者之名想見中山迎使節踏歌齊擁

國朝詩別裁集

卷二十二

主

教忠堂

張

照字得天江南華亭人康熙己丑進士官至刑部尚書謚文
敏○文敏性純高明通釋氏教所作詩左瞻右顧皆禪語
也子未諳禪理仍取
主性情叶風雅者

觀海

境界真無兩聊為物外觀乾坤浮一氣今古浸雙
丸野鳥飛難過真仙望亦寒人間白少傅高詠海
漫漫乾坤十字本魏武東坡句意
銘而成詩可以鑒倒一切

蓬萊

蓬萊山下水橫波流入銀灣隔翠蛾天上星辰歡
會少壺中日月別離多鸞驚香夢紅蘭笑花帶愁
痕青鳥歌昨日子登傳教去一時齊羨下天河此即
傳亡

之作以李義山體行之不使人一覽而得

悼亡

邊關暑夕冷於秋。孤鵲驚飛別樹頭。此夜萬家明月裏。幾家思婦獨登樓。

秦道然

字維生江南無錫人康熙己丑進士官翰林院編修著有秦道然集南山人存稿。前明高忠憲歸李思二公詩理足於中不假修飾得陶公一脈東南先生亦然無理語有理趣別手白沙宜山清源彼求工詞句與說理入處者均不知其品之高也僅讀陶詩者欣

山居詩

山齋寂寂元鳥初來春風融融林花乍開共二三

子撫景銜杯從容詠歌吾師點哉自寫天機人力不與

國朝詩別裁集

卷二十二

教忠堂

靜坐吟

我愛山中坐白雲來無時垂天自靄靄歸山亦徐徐青松千歲姿天矯千霄枝舍此不棲鳥營營竟安之超然無懷世日夕心神怡

我愛水邊坐照我遺世情周流雖不居瑩澈全其真蒲蘆依渚碧杜若方春榮波間雙白鷗游泳不復驚高天雲影淨相對同涵清

夏日閒居

何以娛永日對景常忘言栖遲詎非計造物與我閒碧草長庭除珍禽息樹間微風生秋意雨氣在

遠山良友欣然來小酌俱陶然柴門月色裏相送溪橋邊

春日月坡初成

湖千月無際月坡先得之山人倚杖間坡上月到時逝者不可留明月常如茲田夫荷鋤歸漁舟亦來斯笑言隄柳畔誰云不相知仰觀天宇空不礙浮雲馳千川同一月耽寂亦成私撫景時有得古人吾所思千川同一月化機之大公也若寂守一川謂惟此川有月則私矣此吾儒與釋之別

湖上閒居友人適至

替人感離羣吾亦念吾友片帆湖上來扁舟繫隄柳呼童掃三徑欣欣競奔走清言味道腴慰別來久相期在千載聚散亦何有結契不同方合井亦非偶載歌伐木章真氣滿戶牖

發光靜坐

一涉山水趣所得常有餘况茲禪境寂更值三春初嵐光照几榻花氣盈庭除忽聆清磬音頓覺塵跡疎先聖言淵淵瞿曇說如如門庭別疑似當別靜與虛欲識道味腴莫厭山中居從釋教引入吾儒儒教虛不能生實也靜與虛判然即公與私判然

詠史

六籍委秦燄聖學棄榛蕪董子乃崛興遺經究始
終不沿縱橫流不將枝葉窮精心契先聖高文發
羣蒙譬如剝復間微陽生窮冬譬如百世系一線
傳其宗孟氏醇乎醇繼之則有公何為昌黎書乃
稱軻與雄昌黎亦指楊氏之病而軻稱之者謂
于辭章之學也此能明道脈之正

偶作

文章從何生其道本自然中天列象緯川岳蒸雲
煙風來水生波春至花自鮮人心何所有出之則
絳綿悟此無文意至文乃生焉嗟嗟夸毗子綺麗
徒爭妍

國朝詩別裁集

卷二十二 五

教忠堂

老境

天運日推遷人生有大分隆冬百蟲蟄分耳非為
困老年精力衰聰明安所聘冥心了無忤無忤乃
無悶

李

綬字巨來江西臨川人康熙己丑進士官至戶部尚書著有
穆堂初集○穆堂集吳問字於匠門而學問各有所得匠
門主溫雅穆堂主澗大也詩
品不加修飾亦復自見風標

夏至日榮澤渡黃河

日車方北至我馬獨南行廣武風猶壯黃河浪不
平澄清誰攬轡憑弔湯霈纓前路雄關近平清當年
駐重兵

秋山學圃為張韋齋明府題

莊舄經春祇越吟菜根滋味憶山林夕陽千樹鳥
聲寂涼月一庭花影深窳堵波原難作宅磨兜堅
已自題箴惟餘結習殘書在窺見羲皇以上心韋齋
第也識穆堂於未過時去官後
暫留江右佛寺穆堂作詩贈之

驛南舖不寐

草舍摧頽早戒更旅人靜夜倍淒清沉沉戍鼓樓
頭動宛宛參旗天半橫短檠一空雞絕唱敗槽百
齧馬多聲十年夢想公車路支枕連宵白髮生某驛
情事

身親其境
者能言之

國朝詩別裁集

卷二十二 五

教忠堂

方式濟

字沃園江南桐城人康熙己丑進士官中書舍人○中翰
隨考見宗水都居塞上服勤左右以慰宸寄著五經一得
書未成而卒詩格清真樂府尤矯然拔俗漳浦蔡文勤謂其秀
骨獨異清音自遠誠定評也後以子問亭官保貴贈如其官

遠行曲

結束語童僕雞鳴看天曙辭我鄉里親曳屨出門
去出門口無言寸心煎百慮請取囊中琴暫坐理
絃柱一彈示知音音新知者故人情戀鄉井冰霜
況歲暮此身值賤貧焉能樂完聚嶺高猿狖墜水
急蛟龍怒行行將何之白日沙飛路此即省親出門別
鄉里親交而作

鐵五送至蒲河賦別

勞骨不遑席脂車迫東馳晴日照大野去去從此

辭相送蒲河陰。感激潛酸嘶。戀景重須臾。念當生別離。我有數行淚。欲隨還自持。死化桑下蠶。吐君衣上絲。生同比翼鳥。夜夜長相思。生死如浮雲。素交山不移。

八月十七日霜

土牀入夜氣。骨冷火不溫。起視手種花。委仆墻籬根。早霜纔一夕。不緩須臾。恩窮邊無林。柯後凋誰與言。柔條愛戕伐。悼惜同蘭蓀。回憶故鄉暖。萬里傷征魂。窮邊十字見投荒集。述離抱後凋之節人誰知者可以悲其志矣。

護菊

國朝詩別裁集

卷二十二

教忠堂

盆菊瘦亦花。尺莖綴錢小。荒地苦栽培。強說顏色好。種從鄰園移。南階澆昏曉。八月蔽戶牖。扶護費探討。而胡傲霜姿。翻畏寒霜早。人實累此花。使汝隨邊草。人實累花。怨而不起。

掃地

抱帚倚戶立。寒風吹衣巾。凌晨汲土井。灑掃庭陔塵。掃塵不掃雪。留取寒意真。棄帚出門望。邊塵浩無垠。俯視穢草積。仰見黃雲昏。放廢敢晏安。勞力清心神。強鍊未死骨。涸水潛窮鱗。家破散如雨。一僕隨征輪。偶効胼胝力。頽頽謂辛勤。萬里親童奴。

傲情誰能嘆

采萱

曉起望術阡。萱花盈古道。采萱欲忘憂。佩之轉紛擾。豈有壯士懷。聽命寸莖草。勿謂百年短。計日不為少。憂更多於日。忽忽憂中老。蕙蔭化為茅。勿歎秋風早。人能自立雖處憂患不傷品節倘荃蕙化茅即日受和風亦何益之有哉。

蜀錦曲

蜀錦機長越羅短。繡出鴛鴦春水暖。姊妹綺年俱遣嫁。空閨寂處蘭膏鉅。女貞擇對師孟光。依然操作紉蘭纈。藏有天孫五色線。鮮明巧奪雲錦章。願

國朝詩別裁集

卷二十二

教忠堂

縫堯衣。與舜裳。借貞女縫紉傳出山甫補哀意忠愛之思藹然言下

城上烏

揚州城上烏。傍晚城樓歇。蔽日飛啞啞。天光乍明滅。揚州極盛推前朝。珠簾畫閣聞吹簫。香塵細碾朝復暮。平山迤邐連紅橋。一夜神兵渡淮水。礮聲震動無堅壘。血濺孤臣舊戰衣。降旗不見城頭起。雨濕沙青。鬼晝哭。至今豐草埋遺鏃。飢烏不識太平年。猶想城頭啄人肉。臣因神兵之速顯閭閻之忠血濺孤臣一聯真覺獲之有稜轅之見血

隴頭水

河水濁。江水清。妾似隴頭水。清濁自分明。昔為田

家女擇壻嫁邊吏。田夫入城不隔宿。邊吏年年在邊地。聞道梁州新破虜。燉煌已入中朝土。戍卒受賞官封侯。血裏冰霜凝繡斧。主將笑擁雙嬋娟。箏琶夜醉穹廬眠。橫塘水接隴頭去。送妾雙淚流君前。田夫入城不隔宿。俗語轉與古樂府近。

題遂安鄒廣文效忠圖

遂安城大如斗。賊兵來。縣官走。儒官罵賊賊縛肘。乘機遁出豺狼口。集眾擊賊挺在手。妖星一掃寧雞狗。賊伏莽去還來。城門火。栖烏哀。登陴矢石驅風雷。狂氛惡霧層層開。釋重圍。士民喜。歸我絳紗國朝詩別裁集卷二十二 无 教忠堂

送朱鹿田之任蜀中

天入萬峰橫。羊腸路屈盤。黃巾追往事。朱邑幸之官。復業民無幾。催科政待寬。從今行蜀道。歌唱不知難。音節詳明忘其為酬應之作

法塔哈門

自注奉天以北第二關過榆林百八十里

山口嚴扃月照營。等閒客過待雞鳴。此身已在重邊外。不怕陽關第四聲。

呂謙恒

字天益河南新安人康熙己丑進士官星光祿卿。光祿詩重錄兄元素司農詩古雅新安二呂星重於時

望嶽

首三峯近林端。萬壑封青天。迴落鴈赤日。抱蒼龍。玉女時吹笛。仙人此種松。罡風何處斷。忽聽九霄鐘。起二十字雄渾蒼勁華嚴已落我手。通體只是望不是登此作家本事

西鄉對月

纖月照闌干。愁心夜獨看。光流千嶂動。影入萬松寒。銀漢何清淺。金波自淼漫。臨風旋起舞。烏鵲過林端。

寧鄉道中

奔峭時相引。盤回勢屢遷。雪峰藏白日。雲谷束青天。路轉啼猿裏。人行飛鳥邊。懸車頻度險。回首失三泉。自注三泉地名。藏字東字極極錄之功

國朝詩別裁集卷二十二 三

教忠堂

望吳嶽呈王使君擬山

吳嶽高寒蔽蜀門。巡檐跂望肅神魂。地形近接關山脉。禮秩遙同太華尊。衆壑雲雷生白晝。中峰星宿落黃昏。凌風欲躡王喬鳥。玉粒丹砂信可捫。經緯錄而出故能字字奇警

送澤州相國予告歸里

元老承恩帝里回。奏書三上曰俞哉。丹心寧忍蒼生望。白髮方看綠野開。綸閣有章光日月。巖

城無地起樓臺。他時天語還存問。沁水遙瞻佳氣來。五福表其泰。疏光明賢於孔光。則草之端六語表其待躬潔白同於冠策公行已之清有官居焉。無地起樓臺。魏整呈策公語也。

登岱

煙嵐雪瀑見鴻濛。閭闔平分一氣中。身倚青蒼巖壑迥。目窮雲水海天空。雞鳴半夜騰朝日。鐘落層霄響澗風。七十二君勞想像。盤回輦路望龍從。

方觀

字近雲。江南江都人。康熙己丑進士。官陝西布政使。

定興縣謁楊忠愍祠

倔強楊負外。鄉閭尚有光。何須冠獬豸。直欲問豺狼。伏鎗差無補。當車肯自量。荒祠臨野水。肅拜奠

國朝詩別裁集

卷二十二 三

教忠堂

樹漿。忠愍本無言責而欲為國除奸。置死生於度外也。三四擲地有聲。

送正觀

三年不見故山秋。一枕西風萬里愁。已識關中遷大姓。誰知天際有歸舟。飄零節候驚黃葉。浩蕩煙波想白鷗。行到江南堪下淚。暮雲衰草滿汀洲。正觀送之。送其暫歸也。玩詩意自明。

七夕

佳時卧病更添愁。枕簟涼生覺早秋。蓋篋儘教塵網遍。三年不上曝衣樓。佳節悼亡倍難為懷。子作七夕辭亦有句云。只有生離無死別。果然天上勝人感也。

間同感也

子規啼

平羌江口江水清。我眉山頭山月明。江樓望月人未寢。腸斷子規啼一聲。

吳

字振西。江南太倉人。康熙己丑進士。著有樂園集。振西係梅村族孫。為諸生時。學使者試必第一。試讀傳梅與於無責。未嘗以詩鳴也。今搜覽遺集。不必刻求勝人。而古今體安和妥適。才人學人兩者兼之。梅村之流風遠矣。

西山探梅

虎山橋頭太湖曲。花為銀海山為玉。湖鄉歲判梅花租。花開便抵湖田熟。我來繫艇南溪邊。晴空無雨山無煙。只有白雲三十里。模糊隔斷山中天。荀輿側入似無路。矮籬窄徑相迴旋。粘衣不嫌花霧

國朝詩別裁集

卷二十二 三

教忠堂

重壓帽。更愛花枝偏前迎。後送迷遠近。豁眼倏上山之巔。熨斗巖邊路幽仄。長旂嶺外連西磧。十家五家無別種。千樹萬樹同一色。微分螺黛嶂橫青。遙奪琉璃波湧白。出林更上蓮花臺。枝枝玉葉當門開。一擲凡軀眾香國。十年面目慙塵埃。使君仙尉如可喚。芳魂古魄何悠哉。梅花不老青山在。姓名清絕留蒼崖。吳儂愛花乏花趣。但貪狂賞慳清句。寒花謝客似有言。好勸幽人為少駐。舉西山全勝言。於此山仙尉但傳鄧姓不詳其名。

洞庭山館呈司寇東海公二首

廿載鴻文典集賢。還鄉仍續石渠編。暫伸謝傳登山志。校勝溫公在。雖年嶽瀆遺經搜。禹穴金鑒舊記錄。吳船須知玉局閒居士。元是蓬瀛第一仙。仙健處司寇

去官後奉 詔開書局於洞庭東山準司馬相公修資治通鑑之例蓋異數也書係一統志故有嶽瀆遺經金鑒舊記云云

錦堂恩詔許歸休。妙選賓僚佐校讐。江左文章分史局。山中宰相起經樓。詩豪酒敵皆登座。野老溪僧亦伴遊。笑引韓門窮賈島。放吟同上碧峰頭。

新燕

歸飛已逼柳。珍珍盧女金堂到。自諳故國無心拋。海外春風有主憶。江南花融泥軟新相得。隼鷹國朝詩別裁集 卷二十二 三 教忠堂

猜舊不堪近識朝元消息否。珠簾零落幾回探。語語注意

新字卻又 溪然無迹

謁范文正公祠

慶歷推英傑。龍圖景大賢。少思天下任。老至四夷傳。薰德吳風外。徵文雒學前。人師真百世。社祀近千年。緬咎孤如縷。登朝直似絃。垂簾誠官閫。專柄斥樞銓。奮舌天心正。嚙膚黨議偏。賜環仍待制。筦鑰又從邊。地闊橫山壘。師承好水川。靈胸羅甲盾。蕃落靖戈鋌。卒踐三台重。終持十事堅。志伸恢舊典。遇短謝時權。育士開黌序。收宗設義阡。一庄風

自古五世澤猶延。祠額咸淳創。碑銘至正鐫。蒸嘗

飲格遠。棖桷墜塗鮮。舍菜羞蘋藻。繡經謁几筵。衣

冠標正大。鐘鼓震愚顛。長白書堂錄。天章館閣編。

萬言何慷慨。六籍本搜研。要識為梁棟。須從忍粥

饘。名高遷謫裏。憂極治平先。忠孝還詒子。精誠儼

在天。蘇湖開禮樂。自注公延胡安 定教授古學 夔禹咏詩篇。自注見慶 歷聖德詩

舊宅寒松偃。亭園老杏妍。披圖一回首。古色照蒼

然。不遺本傳而於被謫夏疎鎮靖西夏著意言之未歸到斷蓋劉粥先 天下憂見士當勵志窮居不求溫飽也篇法句法皆苦心營構而成

張景崧。字岳維江南吳縣人康熙己丑進士官樂亭知縣著有鐵 亭詩稿○鐵亭學詩於葉橫山先生稱入室弟子論詩以 鮮新明麗為主謂與其爲假王孟不如爲淺溫李以王孟可爲爲 溫李不易爲爲也嘗以詩呈王新城尚書新城比之韓門張籍人

國朝詩別裁集 卷二十二 三 教忠堂

服其 允

弄潮兒歌

錢塘江上弄潮兒。放船拉漿乘流漸。短布單衫不 蓋。鄰科頭跣足。暄朝曦。自言大父官藍田。堆金不 計萬與千。阿侯年少邯鄲俠。貂衣駿馬珊瑚鞭。兒 年七八掌上珠。逢人稱是千里駒。雙鬟左右列屏 障。不教風著千金軀。大僚特疏上天子。剋剝脂膏 飾羅綺。坐辭華屋入囹圄。一家夜哭長安市。當時 珠履客三千。至今漂泊誰堪倚。洪濤江上高於天。 性命換得青銅錢。豪華如電不可恃。東升紅日西

山巔豪華子弟讀之恐面熱內漸汗出而食不下咽也或恐子弟不能讀奈何○子孫性命換錢由祖父剋剝脂膏所致居官者盡一

之思

京口

身外茫無際。橫江老雁秋。芙蓉皆別思。風雨獨歸舟。斷岸隨煙合。奇巒破浪浮。自從南北限。萬古逐東流。

和途中即事韵限高字

愁起疲驢背。吟聲入楚騷。江湖紫別夢。風雨戀征袍。驛草秋先歇。邊雲晚更高。時平多設險。旅夜看龍韜。邊雲五字高譚

國朝詩別裁集

卷二十二 重

教忠堂

餞鴈

數聲哀怨客樓聞。九月相逢二月分。繒繳何多難避地。關山歷盡悵孤羣。離腸曲曲湘潭水。行色重重楚峽雲。此去豈無留別字。一行空際自成文。

晚渡平望湖同舟話舊

稻梁謀已拙。耕耘越水吳。山逐雁羣細。雨殘鐘荒驛。夢斜陽衰草。故人墳。空江鴉散遙衝霧。絕巘樵歸盡。躡雲吟得小詩留。靈篋也當麟閣記。殊勛晚唐神韵

○飯亭嘗戲咏甘蕉丞相有句云是長樂老焉知苦非讀書人終欠酸可云云巧因題戲小故不錄全詩

蔣仁錫字靜山順天大興人康熙己丑進士

唐諫議劉黃

隻手思扶皇運傾。春秋三傳論縱橫。生前不售劍

姦志。地下何慙諫議名。惡稔北司威正燭。冤銜南

國恨難平。自注黃為官者所惡貶柳州司戶參軍卒於貶所玉溪為寫招魂句。溫

浦書來愴客情。黃身後對策之言皆駭因贈諫議大夫故有地下何慙之句所謂他日請念者此也

王時憲字若千江南太倉人康熙己丑進士官翰林院庶吉士著有性影集。蕭山毛氏詩序極誇其擬十九首擬陶穀杜

擬元白蘇陸等作然其體而未傳其真也愚所取者轉在自出新意之篇

寄贈麓臺用杜戲題王宰畫山水圖歌韻

潑墨生寒雲。落筆成奇石。人間藏弄求之迫。天家亦欲觀真跡。遙知奉勅寫幽林。風雨驚飛殿國朝詩別裁集

卷二十二 美

教忠堂

廷辟舊傳家學。婁江東。丹青妙手神明通。興到筆健如游龍。嶽嶽給諫素鯁直。大有古之諍臣風。問問疾苦。莫可比。遠隔君門萬千里。應詔定。繪幽風圖。不徒皴染閒山水。題山水圖諷其繪畫幽風上陳問問疾苦得因事立言之體

舟中遣興

四十日來誰地主。二千里外客天涯。青山兩岸尋詩路。黃葉孤村賣酒家。鼓柁有聲過蟹舍。使帆無際失鷗沙。前途遙指蒼茫處。黃鵠磯邊正晚霞。

旅舍感懷

侯門縱可曳長裾。癩癖偏安水竹居。臺畔空傳收

駿骨。肆間敢望活枯魚。髯將如鶴頻看鏡。松欲成龍尚著書。百尺樓頭且高卧。陳登豪氣未全除。太史公

唐相國從父行成名時年已老矣玩五六語見其老而勤學

黎志遠字寧先福建長汀人康熙己丑進士官至京兆尹

禮執客鄂城用和巨來韵見貽事牽未報漢陽舟次次韵寄答

離羣劇調饑。晤言暫濡沫。方快鄂城遊。倏有瀟湘別。論文期摘瑕。求友惟攻闕。古風不可回。時頗笑迂闊。長江撼坤浮。舫窓敞天豁。晚月升虛無。夕霞爛披列。低昂漁子舟。參差渡人筏。顧我自夷猶。嘯國朝詩別裁集卷二十二 三 教忠堂

泊陳家灣觀山石奇秀遲客舟同登不至日

暝獨遊未窮其勝

殷殷紅樹村。漫漫白沙堰。深叢切秋禽。修竹翳長阪。奇境在幽遐。神工啟關鍵。泛灩鯨波搖。跳躍龍遊宛。玲瓏變繩墨。疊皺若違反。蘭舟不即來。臨淵奚繾綣。薄暮遲客心。蓬窓聊息偃。侵宵杖策行馬

得窮其閫。雲寒月色深。漁靜江光遠。嗟予事行役。徒爾登眺晚。玲瓏就一廣言合衆玲瓏言之則變繩墨矣粗心遊山者不知其妙

國朝詩別裁集卷二十二

國朝詩別裁集

卷二十二

三

教忠堂

國朝詩別裁集卷二十三

長洲沈德潛歸愚纂評 男 種松校字

江陰翁 照齊堂 長洲周 準欽萊同輯

王世琛 字寶傳江南長洲人康熙壬辰賜進士第一人官至侍讀學士

登樓

萬里辭吳會。經年滯越舟。兩行鄉國淚。獨上海山樓。颶母威難近。蠻雲瘴不收。炎荒非我土。何事愛南遊。

英州道中寄大兄

江岸草萋萋。愁懸落日低。天涯兩兄弟。客路各東西。眠食知何似。音書莫懶題。遙憐端水上。惟聽子規啼。

國朝詩別裁集

卷二十三

教忠堂

靈山峽

靈山峽

瘴鎖雙峰合。江穿一線通。崩崖飛颶母。落日嘯猿公。林暗蒼梧雨。波翻厓海風。朝朝啼杜宇。蕭瑟似巴東。連上二首穩順清明似極玄又玄風格

題畫三照

邊草初枯獵馬肥。甲光照日散金微。健兒羌笛三聲晚。射虎歸來雪滿衣。

沈樹本

字厚餘浙江歸安人康熙壬辰賜進士第二人官翰林院編修著有輪翁詩集○從來學蘇詩者祇得其隨手微

引波瀾不窮其獎往流於艱難此獨於用意正大處求之即質之元遺山必無滄海橫流之目

大水歎五首

戊子春徂夏。時若雨暘風。種苗行方徧。鋪田漸芄芄。農夫顧之喜。謂今歲其豐。如何欻違患。霖雨無終窮。西吳百萬畝。化作龜鼉宮。災殃其數然。詎敢怨蒼穹。所嗟民無食。何以及歲終。作詩維告哀。聲比寒號蟲。

溪水日夜長。莫辨蘆荻洲。橋面撐巨筏。門內維行舟。鄰家有破竈。來往紛游儵。望中見屋脊。簌蕩如浮漚。下田不可救。沉沒無一留。高田築版牘。全力保甌窶。頃臾仍潰決。一概成洪流。誰繪涪洞圖。為民陳鳳樓。帝堯方咨儆。應切懷襄憂。

國朝詩別裁集

卷二十三

教忠堂

米船隔江左。米價騰浙西。五斗踰千錢。長飢痛蒸黎。困空窶無煙。食盡糶與糴。秋成望更絕。四顧維荒畦。東家投水死。西家棄其妻。歸來仰屋歎。兒餓牽衣啼。兒慎勿再啼。今夜猶同栖。明當入城市。鬻汝如犬雞。回顧隨血淚。寸腸若刀割。徘徊出門看。曠野愁雲低。

去年旱魃虐。焦卷苗無根。今歲商羊舞。沉浸連千村。水旱適浹至。何策甦元元。吾聞上古時。備患有

本原三年則餘一倉廩常高屯。縱遇天災至。民力堪自存。救荒於既荒。所濟何足論。而況併無策。蒿目空憂煩。近日行社倉似救荒於未荒矣。然徒飽吏胥日滋民害。遇荒歲不發一粟殊不可解也。讀翁詩附記于此。

吾皇仁如天。湛恩垂渙汗。舊稅與新租。全蠲豈惟半。小民一歲間。縣門踪跡斷。奈何奉行若天語。敢輕玩公然肆。追呼不顧人。愁歎况此遭凶荒。豈能免逋竄。長歌春陵行。千載思浪湯。元結稱浪史亦稱湯史。春陵行不據澤是誰之咎歟。乾隆二十年水災之後。繼以蟲災風霜災。為禍更甚。使翁翁見之不如何痛哭也。

五顯嶺

國朝詩別裁集

卷二十三 三

教忠堂

高峰入閩奇。飛路盤空幻。硤角隱堂皇。壁面眩溪澗。洩雲生嵌竇。飄雨來轉盼。航航滑難行。攀緣苦未慣。進虞一步艱。隊有千丈患。戰兢腰脚疲。牽挽衣裳綻。前望怖啼猿。俯視羨歸雁。險疑過秦關。危或踰蜀棧。積陰何時開。疊嶂誰能鏟。人無戀舟車。我將老葭葦。

浴象行

瑤光之精照九真。奇獸天生好軀幹。貢入虞廷受封號。朝儀熟習無拘悞。神威礪琬過熊羆。異狀嶄峯陋猖狂。隨時淬濯順陽氣。勾引傾城關奇翫。故

人僦屋宣武門。邀我來觀王河畔。一笑登樓快倚欄。樓下千人萬人看。傳呼都尉出西城。拍點蠻奴踞南岸。羯鼓喧闐羣象來。錦鞍結隊紅雲爛。鼓聲初歇人語寂。並立沙汀卸羈絆。一人裸體騎一象。徐徐踏浪排魚貫。細刷四蹄及兩牙。洗淨塵汗一身遍。水面浮來自。在行淺潏盤渦纔沒骨。翻身一躍入波底。疑隨蛟宮香。難喚隔浦俄驚浪。拍天波心突。出銀濤亂蠻奴依舊跨肩頭。觀者魂搖共嗟歎。也似吳兒石作腸。潮頭出入全無憚。往來盤舞復幾回。揚沫飛涎繞雲漢。連蜷修鼻吼長風。老魚瘦蛟皆遠竄。浴罷依然上錦塘。赤鬬重裝日將旰。成羣歸鎖御房深。明日宮門須待旦。油壁花驄影漸稀。風吹十里香塵散。濛濛樓角翠浪流。西山掃黛橫。天半。狀象奴入水出水如見其人。結處濛濛樓角翠浪流。謂長鼻噴水濺及樓角也。姜西溟太史作感舊纏綿此篇敘事。詳盡各擅其勝。

國朝詩別裁集

卷二十三 四

教忠堂

磨盤山

回顧不見入山處。此身已似盤中住。百千旋折眼生花。三五迴環神失據。纔思左往復。右行正欲仰。登先俯注坡。平幸獲尋丈寬。徑仄只留分寸度。鞭絲帽影蟻緣窻。馬足車輪蛇繞樹。乍陰乍陽日向

背在前在後風來去山遠不踰三十里山高不越萬餘步從卯到酉歷未窮自壯至老陟嶺誤燕齊大賈有深愁并代健兒俱却顧人間不省行路難請過磨盤山上路起六語寫盡山行屈折已盡磨盤之義以下磨盤注坡直如行所無事

遊汴城宋宮故址

帝闕崔巍逼敵營乘輿倉卒赴青城力窮巷戰悲何巢計決親行誤范瓊此後難逢迴日馭有人空喚渡河聲杜家留守真雞狗草草南歸失四京徽欽始誤於不用李綱總誤於不用宗澤至用杜充為留守而國事萬不可支矣此種詩可作史讀

贈王載揚

國朝詩別裁集

卷二十三

教忠堂

唱遍楊枝又橘枝洞庭林屋有新詞誰知楓落吳江冷未是崔郎散卷詩載揚少工詩人無知者論翁見而賞之編告詩壇名遂著載揚吳江人故以楓

落吳江吟為比

李白填詞

花前承旨筆如飛三闕新詞萬古稀被酒不忘規諷意故將燕瘦比環肥從前作者但羨其才思之敏知遇之榮此能道其規諷微意所見者大

徐葆光

字亮直江南吳縣人康熙壬辰院編修○最見太史懷舊詩七章胎源於少陵八哀今已散佚矣茲從懷舊使琉球冊中錄出得其大槩

康熙戊戌六月朔奉 命冊封琉球述懷三

首

我生寡行役敦敦守書案少長太湖旁臨涯渺無岸竭來京國遊涉江已三歎濁流益奔駛疑向河亂今將事潞東寵命賁冗散皇靈矚九垓當險敢云憚銜綸出區夏郵籤浩難算八千闔越路未及溟程半涉川守忠信古人寧我謾茲遊縱目初奇絕平生冠

去家逾一紀有母嗟尸喪微名雖獲忝祿薄仍固窮侍養曰有季顧我如飄蓬玄髮恐日霜倚門望屢空七十古云稀茲秋欣已逢膝下闕親拜頌況徒為恭聞命蹶焉起問驛江之東我家官河壩國朝詩別裁集

卷二十三

教忠堂

水郵當此從省觀始一遂長跼獻泥封自注癸巳覃恩請封始實回王程幸非迫且復樂融融

家貧如屋敗棖桷強撐柱大者既就撓薄弱成何補瘦妻豈云健乃委持門戶二女皆獲歸絢緝良辛苦相見且歡喜謫怨茹不吐佳兒得嘉耦此日來歸祖新婦前致辭階前綵雙舞不覺愛憐生拭淚成句語水清石疊疊此事自前古到家不成歸離緒還縷縷首章奉命次章拜母三章辭家章法井然詞亦朴茂

自口外回至密雲道中車折軸遇雨

出山復入山顛頓不知幾瘦馬怯孱顏雨敲關石

齒脫險就夷曠泥行鈍亦喜中軸忽摧折輪轉不踰咫勞薪不能言事敗悔方始解輓就牛車落日照行李駛雨截山來壞雲翻墨起橋阻斷虹邊路辨掣電裏風吹祇凋單沾濕行未已將經滄海身平地已如此

楓嶺山行至梨嶺

風泉聒旅枕鏗鏘照客起雲木澆初陽蒙茸猶谷底笳鳴驚宿禽旌影照溪水虹橋接楓嶺閩程從此起仰見梨山巔霧行猶十里陰崖竹梢空寒碧光蕞蕞山僧延客坐孤亭翠微裏亭邊方竹枝乍國朝詩別裁集

卷二十三 七

教忠堂

持身有素
言下過之

上灘行

祇命走閩服崎嶇敢易安紙船託微命上灘復下灘上灘逆水怒求進尺寸難片石扼我嶮力費千篙攬下灘得水利雙楫如輕翰穿針與走馬自注皆灘師語一瀉百里寬順流雖云樂觸激無堅完灘師頭易白關捷摧心肝上水既失利小心事驚湍救隋愁

脫手引汲心膽寒金懸船挂壁溜急魚升竿步步自牽挽力盡終躋攀于此互乘除得失如循環上灘與下灘請君擇其間處順逆肆履逆同防恐肆者敗周防者安行路提身其義一也

顧嗣立

字俠君江南長洲人康熙壬辰進士官翰林院庶吉士著有秀楚詩集○秀野選元人詩集搜羅殆遍使百年文獻不致淪沒皆其功也素以文酒友朋為性命有名人遇吳下者惟恐不詰其宅至家道中落猶以不能酬贈為愧與前明舊舊甫之愛客正復相類今三十年餘此風歟絕矣詩品初做金元繼蘇昌黎後臻王孟章柳垂老以未能少趨李杜為憾蓋其詩得江山之助遊歷愈廣風格愈上桂林

讀元史

中原皇綱失宗社如山崩讀書遭兵燹滅沒無一存偉哉姚公茂絕學能相承軍中來江漢實許號

國朝詩別裁集

卷二十三

八

教忠堂

得朋讀書鳴琴下聖賢接寢興寶劍抉浮雲手扶日月升經學唱西北文物得未曾茫茫六合內獨讓斯人能姚公茂名樞實詩實點許衡也

周室憫黍離蜀臣悲杜宇吁嗟彼王孫甘心事仇虜死魏文丞相生慙謝皋羽書畫雖絕倫大節吾

不取賢哉曩齋翁高風邈千古遇弟輒生嗔到門

必見侮吾愛水仙圖寶為翰墨祖曩齋名孟堅字子固以梅竹水仙擅名

文章開魯姚元氣尚團結天歷置奎章作者首虞

揭金華接踵興儒林推四傑為學務根柢行文淨

冰雪古藻揚清光煌煌照碑碣一代制作手小儒

盡昨舌。同時惟歐陽。辨香乃祖烈。後來宋太史。猶承黃柳訣。斯文如江河。源遠流不竭。猗歟百年間。生才竟殊絕。

傳道脈屬清節人。道所重表。章前哲別於風雲月露之詞。

自錢唐江口至常山舟中雜詩

積雨濕江雲。林深白一片。春風忽吹開。青峰遞隱

見。晴旭散旅愁。鼓柁聊自遣。昨宿西安城。今到常

山縣。故人松桂林。葱蘢眼中見。

自注張常山天襄有讀書松桂林圖。

西北有浮雲。別來幾番變。阮籍醉不醒。司馬遊已倦。弭

節整淹留。孤踪媿深眷。

畫筆所不能到者以韻語補之。此化工也。起四語予嘗於舟行曉望時一遇目。

望郎回

自注在大安驛有石形如婦人携一婢子立山上名望郎回。

國朝詩別裁集卷二十三

九 教忠堂

望郎回。望郎回。朝朝望郎郎不回。孤兒三尺形單

影隻。冬愁風酸。夏愁日赤。南山雲連北山雨。一樣

人間兩樣土。望郎回。幾時來。東海會有西歸水。妾

作石人。甘爛死。

為男子作詩風其忠愛為婦人作詩風其貞烈此立言體也。杜陵得三百篇之遺作者猶得此意。

日觀峰

羣山向背東南缺。一聲雞鳴海波裂。黃雲下。墜黑

雲。浮金輪。三丈鮮如血。當時李白平明來。風掃六

合無纖埃。精神飛揚出天地。口吟奇句。招蓬萊。我

今黯黯失昏曉。雙石凌虛自悄悄。安得快劍開煙

雲。直指扶桑窮杳緬。

嘗於五更登天台華頂見浮雲卷盡海面俱紅頃刻金輪上升天地忽開萬象呈露。

前之赤海盡浮金光矣。讀黃雲十四字服其簡而能該。

萬安

城仄羣峰墜。江紆亂石通。灘聲從地北。瘴氣自天

東。采竹童垂筏。撈魚家置籠。灘師喜風利。撥棹入

黃公。

自注土人識水性者呼為灘師。黃公灘即惶恐灘。

賈傳故宅

治安策上衆。信信謫向長沙。卑濕濱生。遇漢文。猶

痛哭。放同屈子。竟亡身。洪鑪久已為銅炭。宣室何

勞問鬼神。絳灌不知才子貴。漫輕年少洛陽人。

宿遷西楚霸王故里

國朝詩別裁集卷二十三

十 教忠堂

拔山扛鼎力難支。有勇無謀敗固宜。王霸業。成破

釜。日英雄淚盡別。離時重瞳每小江。東土殘魄猶

依魯國祠。只有野花紛五色。春風省識帳中姬。

項王霸業。

成於救趙敗於垓下至垓下而氣已盡矣三四語已舉其概。

黃陵廟

翠帷玉佩問湘娥。夕張佳期憶九歌。寂寞荒祠叢

竹淚。西風吹作洞庭波。

杜

字紫綸江南無錫人康熙壬辰進士官翰林院庶吉士者有雲川閣集○雲川以詩受知於聖祖會試不第賜

進士入辭館士林榮之而雲川以養親歸不復出矣晚與道士榮建僧天鈞結九龍三迤社有廬山東林之風焉中歲嘗選唐詩叩

彈集行世皆中晚名作故平生得力亦在大歷以後云

隋隄曲

隋隄一帶官河口。不種桑。麻種楊柳。錦帆帝子數
巡遊。厭住東京樂奔走。將兵西域再征遼。呼韓稽
顙諸蕃朝。江都宮監伺顏色。翡翠玻璃恣雕飾。水
晶殿揭珠簾開。香風吹送飛仙來。凭肩笑語能幾
回。夢遊恍惚吳公臺。吳公臺下雷塘路。野土茫茫
亂煙樹。傷心為弔玉鈎斜。柳色黃昏不知處。柔肌今
儀按節

周處讀書臺

臺廢尚遺址。荒荒宿草中。在朝能獨立。致命見孤

國朝詩別裁集

卷二十三 士

教忠堂

忠始信讀書效。因高力戰功。斬蛟與射虎。未足號

英雄。見力戰致命緣讀書有得而斬蛟射
虎未足言也一氣鼓鑄結倍有力

黃金臺

伯業銷沉等切灰。黃金照耀獨名臺。兵連五國收
燕地。力借羣豪始郭隗。豈獨一時能雪恥。直令千
載感憐才。於今落風塵。客猶是紛紛向北來。隗
韻

平仄
俱收

戲馬臺

戲馬元來楚故鄉。鴻溝還記各分疆。儘教率土歸
劉氏。剩有斯臺與項王。一戰快心惟鉅鹿。三分失

策在咸陽如何。蓋世英雄氣。獨爲虞子泣數行。王
孟

蜀漢中使得還定三秦此項王最
失策也特爲拈出見論古之識

雨泊吳閶送春同顧梁汾先生作

吳宮花老淚臙脂。點點殘紅隋晚枝。自是東風無
著處。本來西子有歸時。錦帆冷落青簾舫。玉管閑
珊白苧詞。雙槳綠波留不住。半塘煙雨柳如絲。以西
子泣

湖北春光祖謝又恰關
合金閨送春天然敲折

次泰和韵送同年于元士入都因簡劉喻旃

楊若遊諸同館

春明分手兩經春。吳舫忻同夜語親。歌枕卻憐聽

國朝詩別裁集

卷二十三 士

教忠堂

雨細入山還喜試泉新。飽嘗世味初歸客。寒到征
衣又送人。爲語玉皇香案吏。秋風且莫憶鱸尊。不無
玉堂

天上
之感

花朝讌集

舊遊零落復新知。不放傷春到收之一笑。豈云無
覓處。百花多在未開時。金鈴小繫香仍淺。羯鼓高
催信較遲。共是軟紅塵裏客。薄寒消得酒盈卮。

羅浮蝶

海南飛夢渺無涯。小洞朱明自有家。仙種固應呼
鳳子。香魂只合伴梅花。別來風雨迷煙嶂。撲向樊

龍泣露華回首此身空羽化滿身狼籍萬洪砂第四

然名集雕琢
轉或失之

王圖炳字麟鳳江南華亭人康熙壬辰進士官至詹事府詹事著有懷香書屋詩

詠史

洙泗無煖席齊梁無停軌吾道大可為斯人詎可
避閉戶與纓冠出處須易地貞元有韓公讀書尚
其志唐士太披猖淫靡沿六季獨自抱遺經卓哉
不朽事觝排二氏言周情兼孔思鳳躍鈞韶鳴氣
象庶幾似當其未遇時皇皇出載贊佛骨尚欲燒
鯁魚尚欲制豈其百鍊剛繞指頓柔脆三上宰相
國朝詩別裁集卷二十三 圭 教忠堂

是

鸚鵡

文采擅江東隴山短夢通有時尋稻粒無計脫條
籠侵曉梳翎慣當窓學語工聰明真誤汝天際看
冥鴻

遊仙

青雀西飛繞集靈麻姑仙訣悟熊經玉杯日暖黃
雲動金掌風微白露零望氣方壺猶寂寞祈年太

乙尚丁寧君王欲乞長生術不道郎官是歲星

平原郡

年少驚人入洛名雲津龍躍是平生八王兵甲無
臣主兩晉文章有弟兄晚節不堪愁鶴唳舊交聞
已賦萼萸春蒲細柳平原路長使行人淚滿纓累世
子而甘受讎邦恩遇又廣濁亂之朝而不忍潛身遠害
宜其及於難也以李膺之歸作對而慨託其義於顯

白燕菴

蝦菜飄零范蠡船幅巾短杖自翛然柴桑歸及元
興日同谷歌成天寶年流水桃花何處問春風燕
子至今憐隔村隱隱精藍結知是當時已解禪海東
國朝詩別裁集卷二十三 圭 教忠堂

民終不罹于賦詩中獨高清
節略其文辭是機解高廉

渡江

雲自孤飛月自明蒲帆十幅翦江行君聽濁浪金
焦外洶盡英雄是此聲無限
悲壯

程夢星

字伍喬江南江都人康熙壬辰進士官翰林院庶吉士
太史好友朋喜著述注李義山詩成平山堂志名流過維
揚者每立編紵交厚字伍喬取南唐書伍喬居廬
山僧夢大星旁一星曰伍喬星也後易曰午橋

讀史

公孫舉賢良先棄後乃收歸然置第一晚封平津
侯陸贄舉韓愈亦以再舉售叶其論不貳過即以
前文投一君與一相取舍豈自由得失故有命際

會良悠悠

見遇合有命亦有時君相不能主也從前無人道及

老人峯歌

山煙作霧朝濛濛。糝糊煙外疑遠峯。風開日出始破笑。一峰背俯兼頭童。何年南極下霄漢。無事僵立空山中。諸峰兒孫並臚列。形體雖具難相同。平生儕輩恐無幾。匡廬五老齊高風。世人少壯幾時好。等閒倏作雞皮翁。何如此峰既老常不老。前古後今無始終。浮丘容成每來往。俯視塵世擾擾同雞蟲。

歸畫行

國朝詩別裁集

卷二十三 五

教忠堂

惲南田著色山水一冊。余向以古畫易自王。大翁林者。藏之十年。忽為誰何竊去。越二年。馬二橘堂招遊紅橋。因景象如畫冊。為述前事。馬云。購得之市肆。復以歸余。感其誼系之以詩。

百事過眼如雲煙。山林鐘鼎皆隨緣。一生愛畫入骨髓。得喪未免情縈牽。南田草衣趙昌筆。變格忽復窮山川。公孫大娘舞劍器。出自纖手尤輕妍。我初得之我好友。換馬但恨無嬋娟。牙籤付與那顏惜。一時好事人爭傳。歸來几案共晨夕。爐香茗椀

相周旋。從來懷寶動遭忌。鼠輩詎肯留青瑣。貫休客未捨蓮老長康。癡乃空桓玄。今年令節值首夏。馬君招我城西偏。葦間延緣逐漁釣。沽酒不惜青銅錢。晚潮過雨鴨頭綠。夕陽挂岫鰓脂鮮。撫景憶畫忽太息。南田故物來當前。馬君聞之叩始末。事有缺陷猶能全。為言前年適買得。歸我並不煩陳編。亡羊失馬情頓異。喜躍幾落紅橋船。秦庭忍棄連城璧。齊人竟返龜陰田。物情別後見更好。况復友誼同纏綿。丈夫一飯亦有報。我窮報德惟詩篇。緬懷寓意不留意。珊瑚鐵網終棄捐。宣和之譜空國朝詩別裁集

卷二十三 六

教忠堂

雲棲

靈山結想十年前。一路穿雲許問禪。人綠湏眉全是竹。晴喧風雨摠因泉。地高偏覺江聲近。峰遠猶將梵唄傳。吟盡夕陽歸較晚。清池應愛遠公蓮。

舒大成

字子展。五緯宛平人。康熙壬辰進士。官翰林院編修。

自城子山還宿白家灘贈主人

到山日亭午。雞鳴桃花村。灼灼原隰廣。謁謁桑麻繁。展眺興方永。即事情弥敦。盤餐古時俗。作息平

生言際夜轉清閒。明月來南軒。撫時寧不惜勞生。
焉可論。當須遂風願。與君采芳蓀。

山行

杳杳雲外鐘。原陸颯已晦。寧知沙際月。復與前峰對。
墟落有歸人。煙蘿聞犬吠。作者五言應得力于唐賢三昧。風味近劉春虛。不能用多能用。

少也。近人能用少者。惟吾友喬偉慕韓。

東靈臯先生

伐木廢千載。勞者方載歌。印湏良有繫。觀善匪在
他。大道無隱晦。斯文流江河。先民重邁征。所戒惟
蹉跎。春風迴歲律。芳色滋庭柯。喟然慚所欽。去日

國朝詩別裁集

卷二十三 七

教忠堂

何其多。古淡。

當時

玉筯嚴催金叵羅。當時歡會摠如何。燕辭華館無
迴信。葉落橫塘有去波。曉日軒窓閒夢少。晚涼庭
院別懷多。露桃花下三年客。腸斷秋來一曲歌。

林

信

字吉人。福建閩縣人。康熙壬辰進士。官中書舍人。著有懷學齋詩。

甘泉宮瓦歌

自注文曰。長生未央。

甘泉漢宮遺古瓦。何年棄擲荒隴下。泥沙埋沒風
雨剝。誰人物色求諸野。阿兄遊宦西入秦。嗜奇好
古搜沉淪。西京文字傳絕少。何意長生四字完形

神。周圍一尺有二寸。水清翡翠光鮮新。非篆非隸
含古意。不瑣不琢歸元淳。歐陽集古見未到。劉攽
博雅誰探真。二千餘年復寶重。轉憶飛廉太乙俱
成塵。當塗銅雀非儕偶。歷十四朝真可久。寶器逾
晦逾光明。肯讓漳河片瓦傳不朽。吉人兄同人遊秦得瓦。於田畔瓦礫中徑五寸。

強厚一寸。稍圓一尺二寸。吉人另有記寶器。逾晦逾光明。才人沉淪久而光顯者何獨不然。

遊武夷登一覽亭

吾聞武夷山。乃是昇真元化之洞天。中間溪流有
九曲。三十六峰峭折相排聯。我家去山七百里。適
然神往已十年。雖未扶藜臨澗谷。早有清夢來騰
國朝詩別裁集

卷二十三 六

教忠堂

騫今冬適經雙溪口。舟子西指思迴船。興高踴躍
決探勝。四日逕到仙宮前。凌晨登筏泝霜瀨。山容
面面堪沿緣。幔亭巍我聳雲際。玉女秀出清而妍。
虹橋千載駕陡削。接筍一線梯鈎連。嫣然花竹藏
別塢。小九曲內宜安禪。隱屏精舍昔講學。官且與
處羅羣賢。雍雍絃誦倡權曲。會心微妙超言詮。盤
遊六曲望不極。有亭天半憑空懸。虛無縹緲徑欲
斷。猿鳥絕跡惟雲煙。捨舟輕身陟危磴。聽徹水樂
鳴濺濺。仙船天路落不落。誰弄狡獪疑彭錢。險艱
歷盡到奇絕。天遊古觀山之巔。亭稱一覽小閭越。

扶背遠睇無涯邊。此時不知此身在何處。便思脫遺人世同飛仙。丹山碧水如此勝。恨不早拍洪崖肩。會當買山傍雲壑。盡載羣籍來摩編。山靈愛山亦愛我。定應招我棄官。賦就歸來篇。可作武夷有韻遊記讀不嫌其詳

黃師瑱字頌弘江南長洲人康熙壬辰進士官廣通知縣

題謝梅莊侍御軍中學易圖
河洛理數窺胸中。觥觥嶽嶽前賢風。折五鹿角敢言事。龍荒漠漠來從戎。陀羅海畔今和煦。二月柳條青亦吐。一編玩味最高峰。仰見天心在子午。姤之金柅復之初。靜吉動凶遇有餘。願君進退持以國朝詩別裁集卷二十三 九 教忠堂

正消息盈虛任卷舒。六十四卦而獨取姤于姤之初六見君子剛正而一陰始生靜正則吉往進則凶必舍時章與靜以中之虛可以回造化也時梅莊彈劾貴臣謫戍塞外故以進退持正相勸後仍以剛取戍塞學易而不能神明于易耶

班婕妤

翻因棄置久轉念寵恩偏。燈暗增成夜。花飛長信年。秋風有時歇。團扇豈常捐。獨惜羅衣色。塵生不再鮮。侍傳小丈夫不能作是語

湘中曲

風起黃陵廟下秋。斷猿聲裏繫孤舟。雲鬟霧鬢知何處。竹色娟娟月影流。

任蘭枝字香谷江南溧陽人康熙癸巳賜進士第二人官至禮部尚書著有見南詩集。公出使安南宣諭國王使王知生平大節詩亦典重有體

武侯祠

丞相祠堂汚陽許。檜柏森森鐵轡古。行人指點定軍山。月黑天陰聞戰鼓。三分炎祚鼎終存。萬馬中原氣已吞。五丈原頭將星落。此間終古藏忠魂。決瀕寒流向東去。霜郊豁見平蕪路。南通劔閣北褒斜。想見當年運籌處。我來下馬拜荒邱。三代而還第一流。綠竹戰餘瞻尚死。一門忠烈壯千秋。憑弔武侯雲動色忠魂如在未并傳出驛竹之戰一門死烈此前人未說到者應與王新城定軍山下作並傳

國朝詩別裁集卷二十三 十 教忠堂

大相嶺

肩輿歷峻坂。力盡得躋攀。冰雪明孤嶺。風雲暗百蠻。地應雄劔閣。天已近陽關。舊說南征相。兵戈駐此間。

宿劔關

斜日下荒原。驅車宿劔門。寒山風落石。殘夜虎窺村。斷續京華夢。淒清獨客魂。古來設險地。興敗共誰論。五言律多從杜出咏蜀中詩尤宜近杜

巴州

深院嚴扃盡日閑。一年花事已全刪。情同籠鳥難

舒翼行似枯僧正閉關。萬里煙波通峽水。連朝雲霧失塗山。故園遙在春江畔。那得扁舟縱往還。

楊繩武

字文叔江南吳縣人康熙癸巳進士官翰林院編修太史為忠文公孫秉志節通經術不以詩人鳴也

孝陵

鼎湖龍去上升天。弓劍埋藏四百年。金盃玉魚無恙在不須清淚滴銅仙。

豎儒瞻拜舊山陵。落日平蕪百感生。欲奏通天臺下表。只憐才謝沈初明。

吳襄

字七雲江南青陽人康熙癸巳進士官至禮部尚書謚文簡○文簡老年遇合位至六卿出處進退如鳳皇芝草賢愚共稱美瑞者詩品亦高不肯流入三唐以下

國朝詩別裁集

卷二十三

教忠堂

柏鄉雨花菴口占

雨花亭子上。坐飲趙州茶。古寺木初落。疎林日已斜。黃花應笑客。白髮未還家。老衲若南去。鄉山問九華。

九華

自注僧楚澤云將行脚南中○黃花一聯十字成句此文簡出使楚中過而留題也名流過者俱有和作總未及其自然予見而錄之

送徐激齋先輩奉使琉球

浩渺滄波隸九州。貢航不絕大琉球。嗣王冊命今三錫。

三錫

自注國朝冊封琉球今為第三次使者才名第一流龍節高擎天

北極星樓直泛海東頭。書生報國宣威德。敢詫乘風萬里遊。

秋吟

時送行詩案成卷軸劇多名作然頗揚得體無踰此章

落葉滿秋山。征人久不還。一聲何處雁。應向玉門關。

神完氣足語穩調高征戌離情自在言外

題黃山蒲團石

小心坡上得心安。鵲落猿飛路不難。百步雲梯誰撒手。九年空坐石蒲團。

唐建中

字赤子湖廣竟陵人康熙癸巳進士官翰林院編修

臨高臺

臨高望秋水。寒鏡出塵函。碧蘚淨孤渚。蒼雲陰半岳。風傳隔院笛。葉送下江帆。正有南來雁。離情孰寄緘。

國朝詩別裁集

卷二十三

教忠堂

張梁

字大木江南華亭人康熙癸巳進士官有清吟樓詩○張氏門風鼎盛聲華藉矣而清吟不樂仕進戶庭蕭寂如遊方外人喜鼓琴與到時弄一二曲晚還居青浦之珠溪無疾而逝人謂同樞家之解脫者

彈琴

偶坐藤蘿下。揮手弄素琴。我琴不悅耳。能作澹泊音。本非求人知。我自寫我心。鍾期既已亡。成連誰能尋。豈徒桑與濮。六代趨荒淫。時世有升降。性情無古今。撫茲枯桐枝。欲辨口若瘖。罷琴人寂然。明月窺疎陰。

古人五言如人心盡如此天下自和平能使江月白又令江水深七言如空山秋滿霜煙手寫琴理琴韻非琴聲也

作者此篇已得古人三昧

彈琴雜詩

孤桐獨爲奏。不假金石諧。微矣園客絲。能寫曠士懷。中散已云逝。千載罕見儕。奈何大雅音。委之優與俳。撫絃傳宵渺。希聲正復佳。豈難悅人耳。所恥在淫哇。聽者雖或疎。宮徵安可乖。

束髮好鼓琴。自謂甚易工。初得一聲。似曠若意。已通學之。既十年。茲理弥無窮。吾未忘。吾手焉。令諸有空。乳泉滴幽洞。箐木含遠風。至音非可求。只在天然中。諸有皆空。只在天然。滯于手不能空也。未向點明。

梅花三弄

梅花隨東風。淡淡入我絃。凍雲殘雪春乍破。一枝

國朝詩別裁集

卷二十三 五

教忠堂

兩枝籬落邊。喧秋野雀噪深竹。溪水無波照空綠。陽和暗覺指下來。遙峰潑翠嵐陰開。五色鳳子雙徘徊。小絃急。大絃緩。冷香拂袖東風軟。嫋嫋冰魂吹不斷。忽然孤鶴唳一聲。羅浮山遠春夢驚。霜天欲曉寒更清。平生茆屋心。松篁共蕭寂。山家閉戶悄無人。綠滿青苔落英積。瑤琴惜惜醉橫膝。一片孤月當窓白。梅花與琴潭融無迹

無名氏

明懷宗御容歌

帝豐頤隆準冠金兜鍪衣錦袍銀鎧天威

凜然藏於先朝指揮卓煥家癸未冬道經維揚過指揮從子尔堪得拜觀焉

甲申三月國大變賊騎橫行滿京甸百官狂走內豎降九門洞開人不戰烈皇平明起太息獨自擊鐘向前殿左右顧視無一人公主飲劍情割斷身殉社稷在煤山血詔留衣髮掩面後來渴葬向玄宮六十年間市朝換寧知遺像今尚存天人眉宇臣民見黃袍白鎧玉几陳端然帝座赫百神龍髯一尺怒欲拂似憤當日無忠臣况值萬方苦兵革鬱陶猶疑見顏色直是憂勤一片心縱有丹青畫

國朝詩別裁集

卷二十三 五

教忠堂

不得史相法可涕泣繪此圖軍前跪拜激頑夫翠華金根走姑孰弼戈鐵騎圍江都惜哉孤城卒難守空將報國心肝剖勅印親交賀摠戎應指揮卓煥捧御容真州欲往飛梁斷完節自赴波濤中指揮平生節自矢因奉御容不敢死至今從子藏寶函挂出天顏真尺咫憶昨路經思陵東松檜颯颯來陰風鼎湖龍馭去不返金盤誰薦櫻桃紅嗚呼國家養士三百載殺身成仁幾人在羨君忠孝聚一門永與此圖垂勿壞自注尔堪爲明戶部侍郎忠貞公敬十世孫龍髯一尺怒欲拂似憤當日無忠臣

十四字幾於模之有校未幅歸今一門忠孝與少陵贈曹將軍霸詩同一蒼涼激壯是爲神采

謝導王字前義江南江都人康熙癸巳副榜

吳中感興

兩月金閨住。聽殘白紵歌。山惟洞庭好。春是虎邱多。良覲故人遠。鄉心寒食過。舵樓閒倚望。渺渺奈愁何。三四已括吳中之勝春是虎邱多眼前語道來轉覺其新

枕上

簾幙微風入。輕寒枕簟侵。夢多通夜惡。病覺隔年深。簌簌燈花墜。寥寥戍鼓沉。寒蛩偏戀我。牀下和哀吟。前幾沒於早歲此即病中作也讀去哀音動人

顧陳垞字玉停江南大倉人康熙甲午舉人官行人。要東詩人雖各自成家大約宗仰梅村蔡酒王侍晚出欲自開町畦

國朝詩別裁集

卷二十三

教忠堂

兩能不離正軌亦後輩中矯矯者

饒敬亭上江西觀察分題得盆檜

一尺萬丈勢。鬱此昇仙姿。托根几案間。挾石出怒倪。黛枝雲蓋結。鐵幹霜痕披。聖植既劫火。舊觀具體微。風霆起春蟄。應有飛龍知。願為祖生楫。送君中流時。借題發義見得聖傳一脈正可乘時有為也後敬亭居官克副此語可云不負友朋矣敬亭字子大名起元

分擬鮑參軍白頭吟

持妾懷中月。照君絃上心。琴聲逐流水。月向波心尋。體雙珎合璧。心一利斷金。如何垂宿昔。貌昵情辰參。破鐸成帶缺。挫金置檀鍼。管為比目魚。今作

分飛禽。分飛日以遠。反目望轉深。言念結好初。忍垢共泥沉。錢刀焉足貴。信義乃可任。不見黔婁妻。相看雪盈簪。溫厚纏綿憶泥沉之共艱貴信義之足守怨而不怨可與谷風並讀

豹留皮

豹留皮。人留名。死無所留。不如無生。大丈夫得死所。光奕奕。照千古。王鐵槍。不識字。但好武。鄆州失鐵槍。出破強敵。期三日。妻子羈唐。勿復言。男兒誓不私家室。轅門置酒。出舟師。座客未散。連鎖摧亞子。膽落守殷竄。威名播耳。如春雷。青蠅營。貝錦成。保鑾潰。中都傾。吾槍可折。吾郝勝鐵。誰能向關難。

國朝詩別裁集

卷二十三

教忠堂

小兒屈惜哉。豹為鼠死。豹皮文獨存。鼠腐臭未已。彥章事朱溫固為不能擇主然既已事之則君臣之義不能亂也歐陽公刀為稱揚明儒又過為貶抑篇中於忠勇則顯言之於失身則微風之兩者兼而王鐵槍之論定矣

十阿父

為天子父。孰如其尊。阿父過難。為兒孫殺人於市。如屠犬豕。臯陶袖手。虞舜充耳。一父披猖。九父講張。願言築宮。奉以上皇。脂車秣馬。歸之汴京。後周太祖

后柴氏無子。以后兄守禮之子為子。是為世宗。守禮殺人於市。有司以聞。不問時王。傳注要王。彥超趙令坤等。同為將相。皆有父在洛陽。與守禮往來。惟意所為。洛人畏之。號十阿父。

古北口

地險雄關舊。秋臨獨客驚。馬頭懸漢月。山背絡秦城。
草帶烽煙色。蟬為朔吹聲。興圖正無外。大漠亦神京。
言無洋響

偕王樹先觀察渡錢塘舟中對奕

問渡攜棋局。忘言到夕曛。星辰兩手握。吳越一江分。
小劫壺中隱。餘音檣外聞。機心渾不用。仍可狎鷗羣。
吳越以江為界。人能言之。以手握星辰引。為對偶。兩語皆警。後矣。作律詩。須得此意。

瓜州曉渡

征鞍才卸客身輕。指點金焦雙眼明。宿雨漸收遙岸出。
海雲初落怒潮平。人歸春晚猶餘興。風入江國朝詩別裁集

卷二十三 壬

教忠堂

南亦有情。正值百花新釀足。一杯先為破愁城。
語久

寅鑑堂後燈筵即事

自注各以已字為韻

珠明玉艷簇芳庭。細膩風光鎖曲屏。歌板欲殘餘白雪。
月輪初上淡春星。坐忘賓主宵嫌短。思入鄉關酒易停。
不奈峭寒歸客枕。半垂紙帳一燈荧。

硯

端谿誰割紫雲腴。萬古文心向此摠。小點墨池成巨浪。
就中飛出北溟魚。
見大

九東元

字昭嗣江南長洲人康熙甲午舉人官樂至知縣。昭嗣年五十餘。响响嚕嚕依然童稚。及乎蒞官。民安政肅。去後

猶思賢者。洵不可測也。詩承西堂。清雨先生後。不入輕浮之習。是為唐音。

孤雁篇

玉關萬里秋風遠。南歸雁渡蘆洲晚。數行中斷忽分飛。
零落寒空誰作伴。可憐孤雁不勝情。常伴寒星夜夜鳴。
客舍淒涼魂欲斷。深閨輾轉夢難成。客舍深閨聽淒惻。
絕絃更有傷心客。十載同棲連理枝。一朝忽拆雙飛翼。
空館經秋冷。總惟黃昏微雨。畫簾垂。當時漫作求鳳引。
此日翻成別鶴悲。悲來常向西風慟。重續難溫誰與共。
一似孤鴻失侶飛。湘江不作鴛鴦夢。天上人間兩渺茫。
年年歲歲恨國朝詩別裁集

卷二十三 壬

教忠堂

難忘尺書肯寄重泉去。為道蕭郎正斷腸。
昭嗣三十餘。悼亡不娶。旁無姬侍。人高其清淨。不知其情。深也。篇中連綿不斷。如春蠶引絲。失偶人幾不能讀。

芙蓉映水曲

秋江漱灩開明鏡。湘女窺簾曉妝靚。遺佩飄香散作花。
一枝艷質臨江映。江水盈盈未易求。相思空望夕陽樓。
西風一夜生南浦。零落紅衣入暮愁。

牡丹

洛陽花譜幾番新。爛湯欣看穀雨辰。晚出遂超羣品上。
纔開便足十分春。倚欄妝重愁無力。繞幕香濃欲醉人。
千載沉香遺迹在。誰將絕調寫風神。
李山甫

苞仙魁火中出一片異香天上來羅隱公子醉歸燈下見美人朝插鏡
中看皆粘膩語而薛逢之買戲池館恐無地看到子孫能興家則又過
於衰頹矣領爾雅典切
古今人何必不相及耶

張弘敏 字訥夫江南丹徒人康熙
甲午舉人官孝感知縣

詠史

劍術莫論疎荆卿一何愚生劫萬乘主此事大難
圖惟彼虎狼秦變詐實多虞誑楚絕齊交終不致
商於焉能反侵地信義申匹夫急刺嬴政胸羣憤
亦少舒如何披督亢猶事久踟躕嗟哉報丹心空
與日月俱荆卿不止劍術之疎欲生劫以反侵地是以齊桓望虎狼
之秦其勢必不能也末不沒其報丹之心誓之之中實深
之惜

國朝詩別裁集

卷二十三 禿

教忠堂

放榜明日知落副車有作

瓊樓高迥絕躋攀大藥功成第八還行到半天仙
骨少罡風復遣落人間

吳廷華

字中林浙江仁和人康熙甲午舉人官福建海防同知著
有東壁詩鈔○東壁穿穴經學尤究心三禮所為詩微引
典實雖屬雅不足
不碍為方家也

沈孝子行

自注為民思觀察
子庠生學敏作

我友有子稱小鳳少歲六經熟磨礱忘身竟以死

孝傳千古人倫作梓棟孝子陳情救乃翁乃翁得

旨還天中

自注時寓居
河南輝縣

昨歲母殯值鄰火撲滅不覺
麻衣紅麻衣紅不可撻子死肯任母殯燬頭焦額

爛膚不完殯官獲全孝子死孝子曾補兩笙詩南

陔白華有新詞居身潔白守庭訓循陔乃厄南宮

離我聞客位之殯塗且殯擯至西序預火備此禮

廢隊千百年致令孝子蹈炎熾我友哭子幾喪明

邦人請旌留孝名登危臨深古所戒成仁取義非

過情讀書要在持大節至行煌煌如火烈旌廬令

典金石光精神不逐劫灰滅始而陳情救父繼恐火焚母棺
哀經撲火自焚其身固死于孝
者也得此詩表之孝子可以死然孝子於是乎不死○士夜禮掃拜見
枉律埋棺坎下也顏延之哀冊文戒涼在殯妙秋即啗注三日而殯三
月而

題杜文貞公小像

國朝詩別裁集

卷二十三 平

教忠堂

長樂坡前白識甫

自注飯顆山唐
據言作長樂坡

太瘦生緣作詩苦我

聞斯言不謂然是亦羣兒謗傷語三人各瘦公有

云諸弟豈盡能詩人唐書文苑傳可考喪亂飢餓

叢公身自公蒞官天寶季漁陽鼓輦勢何熾陷賊

歸來驚所親老瘦當知從此始乾坤瘡痍勞至尊

蒼茫家室空柴門三年奔走益潦倒一身皮骨嗟

空存我讀公詩見大略浩氣縱橫非束縛况聞下

筆如有神豪吟安得身如削披圖恍遇山澤癯聊

存詩案明其誣聞說李侯亦顛顛干首敏捷終何

如太白戲少陵語本出雜說不足憑也以三年奔走空皮骨句為証
如見少陵之瘦由於喪亂而旁喻曲引以破駭惑之語無微不到

徐陶璋 字瑞樹江南長洲人崑山籍康熙乙未賜進士第一人官翰林院修撰○殿撰中歲成詩流於性情溫厚之餘故

動皆

桐廬

輕帆漾微風到郭及亭午。晷影落清波。銜雲映吞吐。沙渚集漁舫。鷺鷥晒毛羽。參錯綴人家。臨水開牖戶。樓閣見層疊。罅隙松篁補。媿無荆關筆。好景渺難譜。微軀幸蕭散。得未羈簪組。心胸湛虛明。俯仰憶往古。近欲訪玄英。頰首拜杯土。遠攀漢客星。高風邈天宇。擬將謝浮名。煙波狎柔櫓。何時攜雙柑。春鶯聽花塢。上半寫景下半懷古心胸湛虛明二語作上下轉關篇法整肅乃尔

國朝詩別裁集

卷二十三 三

教忠堂

洪忠宣祠

不愁鼎鑊一心堅。辯折金廷氣凜然。舉目動驚風黯慘。攀髯空想淚潺湲。放還北地辭羈紲。淪謫南朝被棄捐。寂寞錢塘孤廟冷。千秋有恨聽啼鵲。地十五年金人鑿其忠放歸高宗亦謂其同於蘇武而秦檜惡其剛直後至安置英州檜之惡可擢髮數耶同時朱弁亦十七年放歸事與相類

凌如煥

字榆山江南上海人康熙乙未進士官至兵部侍郎

題隆中草廬

攝衣峴山巔。停舟鹿門浹。憑弔草廬人。抱鄰山之趾。燭照天下事。未嘗一挂齒。一朝感知遇。卧龍挾雲起。攘外遏強寇。安內輔孺子。伊呂良可追。管樂

詎足擬二表。泣鬼神。耿耿光青史。命畢五丈原。恨

流江漢水。當年有龐公。隴上秉良耜。足已外無求。

民物捐敝屣。惟公立談時。決策扶炎紀。閉戶不失

人救世。不枉已。緬懷三代下。誰許齊一揆。用行而

舍藏。庶乎子淵氏。忠武自比管樂少陵比以伊呂而此以于淵氏擬之行藏合宜所謂易地則皆然也尚論古人

正須獨放眼力

新灘搜灘歌

風瑟瑟。樹蕭蕭。搜灘水落新灘高。蜀道青天不可上。橫飛白練三千丈。居人歡喜旅人愁。千盤萬折過隴頭。

國朝詩別裁集

卷二十三 三

教忠堂

北雪消。南風作。新灘水平搜灘惡。中流伏石如蛟龍。紙船全賴鐵梢公。旅人色沮居人利。石米百錢取如寄。自注貨米船下灘經水者值取百錢一石○可作古語讀

余敏紳

字張佩福建建寧人康熙乙未進士

傳臚日作

初日曛曛刻漏傳。鴉班肅立靜鳴鞭。一聲臚唱纔過耳。五色雲高或在天。幸藉朴誠逢聖世。肯圖溫飽媿前賢。麤才未奏凌雲賦。也向螭頭惹御煙。讀唱日想到或有韓魏公其人心事光明磊落謂他人非於一已也朴誠自矢不圖溫飽可以規其為人

楊士凝

字笠舂江南武進人康熙丁酉舉人

饑民謠

村邨屋頭鴉亂飛。塵封爨火炊煙微。鄰人乞食縣門去。美殺鼠食官倉肥。江南今年星在留。青錢二百米一斗。詔令減價更賑荒。里老奉行開戶口。縣令踏勘初入村。萬戶盡望天家恩。饑民無錢吏胥怒。有名不上官家簿。斗米二百錢民已無食乾隆乙亥丙子又增二分之一矣勘災之弊自昔已然可勝歎

不如歸去

不如歸去。省我墳墓。十年萬里白頭親。腸斷縫衣無寄處。歸來五鼎列墓前。有泪不達重泉路。聲遠遊子親東

國朝詩別裁集

卷二十三 重

教忠堂

野遊子吟
尤不忍讀

吳江

丹楓颯颯下寒塘。財賦江東第一鄉。誰唱吳歌醒客睡。半湖殘月半船霜。

雨霖鈴曲

天子猶難活。婦人梨園枉唱雨霖鈴。萬層劍嶺千條峽。忍使官家掩淚聽。

潘其燦

字景瞻江南吳江人康熙丁酉舉人太史稼堂次子

春風和李玉洲韻

韶華可是隔年期。轉眼春風似舊時。遠客樓高愁

尤為著
題無跡

登河防口邊城

山海居庸千里長。前朝於此重邊防。藩籬屬國亡三衛。屏蔽中原恃一牆。保塞規模傳魏國。築臺形制說南塘。而今中外為家日。直北輿圖接大荒。

癸卯歲暮感懷

敝裘燕市又經寒。歲晚冰霜閉戶看。夢斷梅花鄉國遠。愁憑竹葉酒樽寬。郢歌白雪誰憐寡。蜀道青

國朝詩別裁集

卷二十三 重

教忠堂

天始信難寐。寤寐高卧處。碧霄依舊路漫漫。

翁志琦

字式金江南吳縣人康熙丁酉副榜。式金向曾屬草詩序因遠行未果今披覽遺稿多原本性靈之作采入選中略補未能應命之咎故人應亦諒我也

反班婕妤怨歌行

團扇復團扇。皎皎白於雪。永晝引清飈。良宵延素月。秋來置箱奩。尋常不輕發。薄俗區區故。新君子秉貞節。炎曦會有時。誰云恩義絕。元辭可以怨矣此更秉心貞正立言有則

外孫信兒至

七年依我住。晨夕不暫離。三月不相見。惓惓繫我思。歡呼入門來。一笑舒雙眉。登我所坐榻。弄我所

吟詩我吟三十載。苦心實在茲。名山傳絕業。回首當付誰。數篇乞記誦。授之復何私。他時曉人事。應識此言悲。見無人本相。因詩也。授之外孫。旋付別。則今詩壇傳有孫山姓氏。可慰九原。

答女口號

左家嬌女稟風慧。把卷問耶欲學吟。耶窮正緣苦吟誤。爾何學吟費苦心。不聞郝鍾禮法重。大義婦德何嘗在識字。正論不磨如李易。安轉受識字之累。

連夜夢歸故鄉醒後偶成

夢境原虛幻。情真幻亦真。身嘗為客苦。心戀在家貧。衣食憐嬌女。憂勞慰老親。不知閨閣夢。曾否見

國朝詩別裁集

卷二十三

教忠堂

歸人

白髮

朝來攬明鏡。白髮感蹉跎。畢竟無公道。愁人鬢畔多。

田氏紫荆里

田氏遺墟沒草萊。春風猶見紫荆開。願携當日連枝種。分與人間處處栽。

沈元滄

字麟洲。浙江仁和人。康熙乙酉。丁酉兩中副榜。以教習官。文島知縣。後以子廷芳貴。贈通議大夫。著有滋蘭詩稿。

家麟洲以諸生受。聖天子知。命入武英殿。纂修與諸詞臣。真異數也。之官後亦多善政。因親屬被罪。牽連及禍。人並免之。詩與查他山先生唱和。品與唐宋人之長。

外舅查聲山先生挽辭

夙有尊鱸志。秋風憶釣竿。地高投足險。恩重乞身難。詩酒塵邊廢。林泉畫裏看。自注。公關花縣。水竹以寓歸思。誦詩時歎。所以難於乞身也。晚年心事。館甥婉曲傳出。美每在碩人寬。

夜雨與友人感賦

江村歸去見閑田。屢遇堯湯水旱年。秋氣蕭條連井邑。煙光慘澹自山川。虛疑世有桃源路。共笑人憂把國天。多事劉琨空起舞。雞聲誤卻半宵眠。頻通。教人無術。撫時感歎。有心人每懷此念。而泄泄者。以杞人之憂笑之。此種情事。古今一轍。

雜詠

國朝詩別裁集

卷二十三

教忠堂

秘殿從容召對頻。廟堂氣象若為新。難逢沙汰江河手。合有招延羽翼人。種添樊侯知備預。憂蔡魯婦枉悲辛。今朝聽說朝陽鳳。一紙封章新進臣。

避世金門不厭深。華顛短褐歲侵尋。相逢北闕青雲客。誰和南山白石吟。數著能談天下事。千秋須識古人心。賈生已去王通逝。獨立蒼茫感不禁。

甲寅閏慶永嘉令馬公琬與溫處道陳公丹

亦同時殉難今春馬公子觀察君陳情

行在特錫恩。謚忠勤。敬賦一章以紀其盛。一官迢遞到巖疆。閩海烽煙正擾攘。此日陳稀終

其後同時南八自忠唐三年亂定開家祭兩字名
尊慰國殤廟社靈旗應儼在清魂千古戀桐鄉南八
意氣海南沛上兩詩豪沛上謂周孝廉古詩格不
同而意氣則同故並論之

又有雷萬春在此因馬公而然及陳公猶因南
而兼及雷也舉一人而中藏一人句法甚巧

過黃公灘自東坡改為惶恐文信國仍之後
相沿為故實矣

雨餘乘曉狎危欄來過黃公第一灘帆飽長風爭
馬駛溪添新漲抵江寬篙師欲作攤錢戲客子休
歌行路難天意似憐山水癖要令南海縱奇觀

白雲移雜詠之一

臨風雙髻影飄蕭手把殘編慰寂寥賢母自能知

國朝詩別裁集

卷二十三 毛

教忠堂

陸續直臣幸免祭皋陶謗深誰為珠犀雪路遠拚
將髀肉消聞道恢恢天網濶那囚鸞鳳放鴟梟自注
用後

漢陳執語。此被累
以後重至廣南而作

涿州

百雉重城勢不孤居然綰轂擁皇都風雲氣概樓
桑里土壤膏腴管亢圖事去英雄遺恨在時平草
澤棄才無獨憐老作西征客鞍馬勞勞走道途

題屈子詩外二首

匹馬三邊聽鼓鼙吳鉤笑拂月初低英雄末路憐
紅粉消得香東與墨西自注香東墨西二姬名。寓情紅粉乃
英家末路猶信陵飲醇酒近婦人也

笑他餘子競風騷未許陳梁聲價高一代才名無
意氣海南沛上兩詩豪沛上謂周孝廉古詩格不
同而意氣則同故並論之

國朝詩別裁集

卷二十三 毛

教忠堂

國朝詩別裁集卷二十三

國朝詩別裁集卷二十四

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

汪應銓 字杜林江南常熟人康熙戊戌賜進士第一人官翰林院修撰著有容安齋詩○暇撰才華錄與時艱難官後遊楚大吏聘修省志猶有彈劾之者紀清養難主於不鳴有以也六

題讀書樓

人生何謂富。山水繞吾廬。人生何謂貴。閉戶讀我書。君稱讀書樓。樓與山水俱。藏書數千卷。任君暇且漁。山水興動靜。讀書友軒虞。眺望連近遠。夢寐俱恬愉。此身置太古。此心遊太虛。回視塵世間。富國朝詩別裁集

卷二十四 一 教忠堂

貴吾土苴 山水讀書不能相兼讀書樓在山水間天下之樂無以加焉然知其樂者幾人沉溺於土苴者紛紛矣

清鎮縣七夕

水上浮萍沙上蓬。荊江畔晚涼中無雙。今夕羈孤客。第一春橋繫短篷。銀漢碧天斜。易曉蘆簾紙閣。悵應同。去年漾水漂流有。已望牽牛向碧空。

霧中花

名花籠霧認難真。道是還非夢裏身。彷彿漢家宮殿冷。隔帷遙見李夫人。

張廷璐 字寶臣江南桐城人康熙戊戌賜進士第二人官至禮部侍郎著有詠花軒詩○心跡者多志微惟願之音心平

者多順成和勳之響言為心聲不可強也約肅公不干進不務華以介自矢以誠感人視學汪蘇九年如和風著物萬類萌動既久士林德歌頌之宜發言為詩比於水之滌洞春之和益讀者心醉氣爽而不自知也注力不在五言故不備錄

岷山招遊雲龍山用東坡答呂梁仲屯田韻

黃樓嗟我古彭門。雲龍山下多煙村。暇日招遊恣登陟。壺榼不用燔雞豚。淮泗交流清浪駛。呂梁迅急黃河渾。曉巖似騰北海蜃。巨嶂如起南溟鵠。岡阜縈抱氣尤王。洪波襟帶勢欲吞。振衣絕頂俯平壤。川原環拱雲龍尊。古藤倒垂猿狖挂。怪石礫礫熊羆蹲。青疇千頃水方退。高壠往往留潮痕。禾根猶見集雁驚。屋外直欲浮蛟鼉。今年盛夏苦霖潦。

國朝詩別裁集 卷二十四 二 教忠堂

茅簷白雨如翻盆。水田坐看秋稅減。寒谷惟待春風溫。城中居人尚安枕。萬家鱗次炊煙昏。茲山高曠足眺覽。歸然放鶴亭孤存。石磴逶迤古苔滑。蒼枝詰曲老樹髡。黃茅岡頭指遺蹟。羣羊髣髴眠雲根。山人已往坡老逝。空嗟歲月如濤奔。殘碑窳冥野。煙燄虛廊蕭瑟寒。雲屯勝遊憑弔增慨歎。不辭斗酒傾匏樽。

送魏定野歸柏鄉

蕭齋把臂足清歡。聯句論文夜漏殘。楊柳旗亭偏送別。杏花村店尚餘寒。萊衣愛日春方永。謝草關

情夢未安。無計留君倍惆悵。心隨歸騎過邯鄲。

一聯似人人意中語然佳處正在自然一知連珠恐失天趣

賦得落日樓臺一笛風

餘霞散漫晚煙浮。長笛風前響欲流。幾點鴉歸遠
村樹。一聲人倚夕陽樓。梅花早向江城落。楊柳曾
傳絕塞愁。何似神仙騎鶴背。凌空吹徹萬山秋。

哭梁貢

秋風素旆聽虞歌。月落空山叫夜烏。堂上白頭翻
哭汝。邴前黃口已成孤。魂依姜被霜華冷。腸斷蘇
機血淚枯。寄語閨中髻髻婦。如哀還慰八旬姑。

國朝詩別裁集

卷二十四

三 教忠堂

而作也白頭無子黃口無父人生最不堪事末屬空閨望望抑哀慰姑望其節孝兩兼立言真至

恭和

御製秋蒐雜紀元韻

登陟岡巒勢磊砢。經過澗壑水滌洄。騎來天廐三
千駟。蹕破秋雲幾萬堆。林外琤戈隨豹尾。峰頭黃
纓傍龍媒。從知蒐獵關戎政。載筆還須付馬枚。

南歸

廿載勞人得。賜閑故園風景隔塵寰。紫迴馬鬣
雙溪水。層疊龍眠萬笏山。巾屐獨尋新蘚徑。煙雲
仍護舊柴關。林泉瀟灑無拘檢。大似開籠放白鵬。

此五章改政歸時所作

天池水擊有鯢鰲。蜩鴳榆枋自不勝。腰綬已拋三

尺紐。頭銜猶領一條冰。收將帆櫓乘查客。携去瓶

盂退院僧。日上松牕新睡覺。還疑帶月望觚稜。

於極閑處傳出

松風蘿月送餘年。暮靄朝風別有天。門為看山寧

用杜。車還駕鹿不須懸。烹茶泉比中冷水。荷鋤秧

分下潁田。老我得從耕牧者。蕭閑真覺主恩偏。

杜門聽車歸田後常語也一經翻用便覺生新

由來齒角未容煎。獨荷生成意已厭。奉席兒能謝

簪綬。扶筇婦尚理鹽壺。舍飴孩幼甘同剖。高枕林

國朝詩別裁集

卷二十四

四 教忠堂

廬夢亦恬慚。愧此生論取與天公。傷惠我傷廬

廬並能兼意化出極欣喜意轉似以谷出之妙不可言

舟泊無錫

九龍山色何媚嫵。坐見白雲生縷縷。空濛散作波
上煙。蓬窓一夜蕭蕭雨。

送楊升聞歸里

節近傳柑花映扉。山園且莫戀芳菲。遲君一葉樵
風便。流過春江燕子磯。

鄭

江字磯尺浙江錢塘人康熙戊戌進士官至翰林院侍講者終身敬禮之出使廣南時山人黃子雲適留其地為點宸數言出囊中金贈之俾還故鄉此風近日已罕見矣

西溪草堂圖

吾鄉山水窟。莫如西溪幽。延緣一徑通。落落清瑤流。夾岸無雜樹。底角枝相樛。霏微嵐翠間。香雪千林浮。有時略約橫。野竹寒修修。尋幽窈窕入。落英滿扁舟。花陰路疑盡。豁然見平疇。四山圍靜綠。土俗勤鋤耨。此中隱君子。母乃栗里儔。一茅粗剪葺。六枳紛環周。虛室靜生白。恍然物初遊。雁鶴唳天半。若與孤情酬。仙源在杳榆。余胡久淹留。西溪在北高峰背舟行凡十八里溪窄只容一舟梅林兩岸風翻落英沾人衣快錢唐幽絕境也嘗曾經其地與會未到難形語言讀此詩令人神往可當重遊矣

度疊嶺

國朝詩別裁集

卷二十四 五

教忠堂

新安僻一隅。崖谷莽相圍。寒雨度疊嶺。悄然徒御悲。匪悲道路險。疲氓寒無衣。祇役我之分。勞民母乃非。既不能重趼。復不奮翅飛。民勞豈得已。王程不可違。酬民以價直。幾為吏橐肥。詰問得其情。懲吏乃用威。疲氓感我意。繞座涕泗揮。民情大可見。豈顧威其腓。勞勞道路間。志在救朝飢。飢寒苟不恤。焉用長吏為。勤勞王事而不忍以數役人仁人之用心也詩之朴老近元道州

常山縣

風帆沙際落。嵐翠碧叢叢。一縣江聲裏。四山雲氣中。迎人幽鳥語。隨意野花紅。回首鄉心遠。沿流直

向東

殘柳

畫橋斜去水東流。落日西風澤國秋。樹下彩雲都散盡。夜來明月尚勾留。碧蹄馬老憐荒驛。白髮人閒倚酒樓。六代離宮鴉數點。滿天疎雨不勝愁。之神不粘不脫一結尤有遠韻

釣臺

高臺俯映暮江清。葉葉風帆盡日行。碧水幾時停過客。青山終古屬先生。可知遜世原持世。始信逃名是愛名。慚愧萍蓬無定迹。滄洲暫借濯塵纓。世謂東漢節義之風從羊裘翁開出也逃名是愛名工於若辭他手以釣臺為釣名淺而無味矣

國朝詩別裁集

卷二十四 六

教忠堂

飛來寺

澄江綠滌潔于苔。羣峭摩天一線開。吉貝花中聞梵唄。兜羅絲裏現樓臺。榕陰濃疊千重翠。松吹晴喧萬壑雷。瘦石玲瓏霞縹緲。卻疑巖岫亦飛來。

鄒升恒

字泰和江南無錫人康熙戊戌進士官至侍講學士著有借柳軒詩

分賦得采香徑送沈歸愚太史暫假歸里

吳宮花草今何處。巖畔猶餘采香路。當年越女顏如花。蓮舟蕩漾雙漿斜。後宮羅綺照野水。鶯鶯作隊隨溪沙。六千君子一朝起。臺上佳人委流水。相

逐鷗夷泛五湖。羞見荷花守紅死。千年遺跡想依稀。
稀過客唯應弔落暉。詩人家。傍采香徑。不采。穠香
采。紫芝。老入承明親。禁掖。暫辭。卸砌。還山澤。洗
硯池邊。訪舊踪。樵翁。溪友。還相識。自憐。軟土。滯年
年。何時。同泛。香溪船。不采穠香。采紫芝。為歸人。增長。聲價。然。思。實有。嫌其言也。是日。贈行者。共十有二人。

先生詩尤高雅錄此并識一時良會

丁香和韻

春空煙鎖綴星星。兩樹瓊枝占一庭。交網月穿珠
絡索。小鈴風動玉冬丁。傍簷結密人難拆。拂座香
多酒易醒。只恐天花散無迹。擬將湘管寫娉婷。義無

國朝詩別裁集 卷二十四 七

教忠堂

自是風流

宋

照 字謹涵江南長洲人康熙戊戌進士官翰林院庶吉士

霧松

風寒霧下成銀沙。徧糝林木垂髮髩。天公知我太
岑寂。先遣萬樹開梨花。梨花一望杳無際。應是碧
空慣遊戲。東方漸見升陽曦。還憐化作輕雲飛。冬月行德

州曾見此景因憶嘉州千樹萬樹梨花開句然未形諸詩也讀此數作者先得我心

白雲寺閣次壁間張使君韻

白雲小閣與雲平。開閣瑩然眼界清。飛鳥沒邊孤
塔見。亂山缺處夕陽明。僧投遠寺煙中去。筏下空

江鏡裏行。林外聲聲啼布穀。青郊應及試春耕。

王

恪

字愚字江南太倉人康熙戊戌進士官知縣著有長留詩集○愚字為家台臣先生女夫指授既正而筆力清剛一空時下纖纖之習觀詩集命名知其自信者素矣

樹山先生祠

風節容城仰。斜陽憑軾時。疏成十罪定。獄借二王
辭。大鳥前朝墓。披鱗異代祠。病中虛拜薦。欽挹起
餘思。樹山先生疏指萬之十罪千秋定案矣如此著筆筆有風霜

水宿

水宿風餐裏。栖栖過此生。米原無帖乞。碑信有雷
轟。中土多凋瘵。西陲尚甲兵。休從詹尹卜。歸去好
躬耕。

國朝詩別裁集 卷二十四 八

教忠堂

寄題陳橋驛

五代干戈苦戰爭。天心撥亂主潛生。營光久應焚
香祝。檢點曾傳得識驚。倉卒黃袍酌素志。綢繆金
匱負遺盟。最憐永棄幽燕地。當日師名是北征。黃袍

後杜太后云我兒素有大志則宋祖之不臣顯然矣金匱之盟負者太宗而宋祖主是議亦非中庸之道也結意燕雲永棄強名北征宋之積弱已明于此此種詩可當後世春秋之筆

送楊文村北上

自注從洗馬川中學幕歸即偕北上

萬里征塵拂袂初。驪歌促別意何如。已看蜀道非
難上。誰說長安不易居。作客仍依王儉幕。故交好

借惠施書。自注指仲鴻太史知君負米緣情切。早寄鄉音慰

倚閭。三四語工於點化

石鼓

當日岐陽獵火紅。大書深刻配車攻。奇文人嗜三蒼並。盈數天虧九鼎同。歌託韓蘇參史筆。辭超秦漢繫王風。重搜殘白成完璧。千古輝煌太學中。辛鼓流落

人間改作春曰故云九鼎同也後復搜得同置太學戟門

王懋竑。字子中江南寶應人康熙戊戌進士雍正中以教授改官翰林入上書房行走。太史精研理學身體力行一時

有朱子之目詩亦言其所得力不求工於詞也

書座右二章

國朝詩別裁集 卷二十四 九 教忠堂

長隄潰蟻穴。君子慎其微。生平操持力。不敵一念非。波浪浮天濶。澎湃決四圍。內省增歎息。已往安可追。

奔馬不可馭。盤石不可幹。是非反掌間。鉛刀貴一割。我心似寒灰。百念俱刊剗。願更塞其端。絕之在由栢。此言慎獨之功欲念乍萌絕之於微勿使其潛滋暗長也妙在親切不覺其傷

吳家駒。字晉綺江南吳江人康熙戊戌進士官至禮部侍郎

聖駕南苑大閱恭紀

鸞旂肅肅駐郊坰。輦道風和霽色明。四海無塵寧弛武。六軍有紀盡知兵。琯弓親試穿雲箭。繡罕

還巡夾日營。昨夜賜酺恩澤溥。馬騰士飽遍歡聲。

城南帳殿曉雲開。萬騎星羅拱日來。虎旅自諳司馬法。鵷班齊侍晾鷹臺。兩行列陣堅於壁。九進聞聲動若雷。變化方圓包地軸。君王元裕統天才。

楊忠愍公祠

忠愍千秋摠不亡。折姦那惜觸鋒鋌。不須蚬膽當三木。祇請龍顏質二王。讞上霜飛章急下。城中風慘鎖猶香。平生未了伊誰補。浩氣常餘百鍊剛。錦花傳中

語一歸自然

國朝詩別裁集 卷二十四 十 教忠堂

華希閔。字豫原江南無錫人康熙庚子舉人著有延緣閣集。豫原名節自負遠望張公嘗督撫互揭一案歸罪張清格公

避制府氣餒也豫原不平上書斥之與懼于法後聖祖直清格而罪制府豫原得以無事即此一節異于檮稜燔燬者矣

山居月夜

蒼翠落虛牖。坐對龍山峰。忽看峰際月。已挂溪頭松。月高淡星漢。倒影溪流中。境靜塵俗屏。人間眺聽空。民心欲忘我。如遊上皇風。此時何所有。雲外聞疎鐘。

萬邦榮。字西田河南襄城人康熙庚子舉人

偶感

世無名與宦。人心皆太古。世無輪與蹄。人皆守鄉

土造物鑿混沌驅人投網罟誰能翔天外超然黃鶴舉此即老氏之學欲返三代為太古也然亦自成名論詩格老幹千尋蓋受校案

成敗何足校英雄自有真據跡鼓脣舌千秋一酸辛不見屠狗輩乘時滅强秦卧龍思復漢肅志何曾申不以成敗論人是作豪傑語

致君復淳風杜老有夙志南山石可耕俟時合高寄胡為望吹噓千人欲涕泗區區愁餓死餓死乃常事叩門隨肥馬自反恐含媿上書光範門斯亦賢者累杜韓志在救時故急欲見知與後世之就利祿者異也然持此責備西田之安命俟時較然共見

鄭世元字彙來浙江餘姚人康熙庚子舉人著有耕餘集○耕餘詩無錫本浙中亦無道及名姓者茲從今嗣炳也太史處

國朝詩別裁集 卷二十四 士 教忠堂

借得朱書求新立異而胸次高朗卓犖可觀會稽詩人中罕此矯然者

感懷雜詩

貧賤非所憂薪水有餘歡毛義喜形色意詎榮一官用愧七尺軀無由潔晨餐斗粟不任春負米計彌艱大義在不辱守身重邱山安得力畊養十畝

樂閑閑以不辱身事親養於稼養矣此義知之者少

劉勰著雕龍懷之謁休文磬折車輻下有才懼無聞又聞鮑明遠奏詩義慶門韜知恐沉沒上書以求伸無稱雖可疾榮名胡因人榮名雖可寶此身亦宜珍街玉賢者羞自媒貞女嗔崇實賓自至奚

為喪我真因人成名屈辱甚焉此義知之者尤少泰山不自高因丘垤以形河海不自廣因滂澮以

名他山有礪石良璧逾晶瑩木槿爭朝榮松柏弥見貞何妨果有批維箕箒之精何妨苗有莠鐫趙

畊者明純用比體拉雜成文在詩為鶴鳴在文為枚乘上吳王書皆開先也作者工於用比最耐人思

出門別妻子

病身不得安行役赴南嶠五嶺天之末未知幾時到仰見秋鴻征嗷嗷背雲叫回首望鄉里魂夢使顛倒我恨不如月兩處能相照轆轤挂心頭轉輾向誰告不能如月兩照樂府中每有此種話頭

國朝詩別裁集 卷二十四 士 教忠堂

在家不知好出門使心悲嬌女繞我膝小兒挽我衣似亦解離別卻去還復來惟此不忍割令我殊依依昨日適南市思買繒綺歸綺要機中織蠶婦方縑絲將絲撚作線成衣知幾時我老待兒養塌焉摧心脾

勿用顧旅人我猶得自強融融榮衛間漸覺回三陽飢已思食粥渴已思飲漿前途雖然遠有弟相扶將只愁雁鴻少勿慮歲月長但看嶺梅發知我思故鄉明年五六月寄汝荔枝膏

觀音巖

粵山山山奇。茲茲益奇。絕嵌空有神功。壁立淬寒鐵。瞻時山精藏。靈秀真宰洩。赤日萬古陰。江霧晝常結。飛樓騎危駕。石隙透微穴。拾級如盤螺。堂皇忽開列。僧梵響出雲。鍾乳倒垂雪。南思羅浮佳。北與大庾別。目謀觀斯奇。殊使羈心悅。

鬱鬱詞二首

年荒有兄不顧其弟者。作此詞以感之。

鬱鬱紫荊枝。條紛紛。枝條雖分。其本則均。父母生子。惟我弟昆。弟昆分形。血氣一源。子手若創。子足不伸。子體不伸。子心煩冤。兄子不關。誰知子之飢。國朝詩別裁集 卷二十四 三 教忠堂

寒

相彼鳴雁。猶同其羣。胡今之人。不知有弟昆。我視之弟。親視之子。念我父母。今心熱而顛。此呼父母告之解。弟朴

聲跡莫矣。近井有不顧父母之。似寒者更當作何語以感之。

捉船行

客行在西吳。喧呼聞捉船。云奉憲司票。取數頃一千。烏程縣堂曉傳鼓。縣官排衙點船戶。東船西舫竊不行。里正如狼吏。如虎行人坐守居。人困百里官塘斷商賈。罟師漁父都含愁。城南城北水斷流。千艘萬櫓城中集。葦岸蘆港風悠悠。大船競輸錢。

差役幸暫免。小船無錢只一身。捉住支吾應供遣。自從名隸公家籍。日日河頭坐白日。太倉合米聊入腹。誰為囊殯顧家室。可憐有船何處撐。江干萬眾俱吞聲。捉船不行。日坐河干。可發一歎。復一笑也。子有民船運一篇。情事正復相類。

官賑謠

黃鬚大吏駿馬肥。朱旗前導來賑飢。飢民腹未飽。城中一月擾飢民。一簞粥吏胥兩石穀。我皇聖德仁蒼生。官吏甚勿張虛聲。中間四語。似兒童語。辭古今一轍。付之無可奈何而已。

檢先大人遺集

清氣迴天地。丹心在簡編。平生千古意。屬望後人。國朝詩別裁集 卷二十四 古 教忠堂

賢馬服深慚括。周南泣授遷。空嗟不能讀。三祝未終篇。歎已之徒讀父書。辭也。對以司馬談之周南授遷。自任何等服其隊仗之高。

看客舞刀

秋水飛雙腕。冰花散滿身。柔看繞肢體。纖不動埃塵。閃閃搖銀海。團團滾玉輪。聲馳驚白帝。光亂失青春。殺氣騰幽朔。寒芒泣鬼神。舞餘回紫袖。蕭颯滿蒼旻。

觀槍法

聞聲馳鐵騎。過影走金蛇。進退真神捷。盤旋任屈斜。毫光團白雪。風雨散梨花。一氣如相貫。全身撼

被遶陰陽回地紐。狐媚通天涯。髣髴陳安技。真堪

任虎牙。

上章舞刀此章舞槍無一語可以互易令
讀者如置身玉樹梨花之間是何神勇

厲

鴨字太濁浙江錢塘人康熙庚子舉人著有樊榭詩集。樊榭學問淹洽尤熟精而宋與實人無放蕩者而詩品清高
五言在劉晉虛常建之間今浙西蘇軾家學
以釘鉅鐸爲詩謝流冰失樊榭之真矣

永興寺二雪堂曉起看綠萼梅是馮具區先

生手種

幽人先鳥起。林磻正寂然。是時春空霽。山翠爭便
娟的的花間雨。澹澹花上煙。煙雨爲合離。花態亦
變遷。祭酒昔遊此。手種猶生前。傲兀根倚石。欹倒
枝暎泉。微馨委陳迹。高格同枯禪。儒官罷亦得。不

國朝詩別裁集

卷二十四 五

教忠堂

廢招隱篇。攀花久延佇。世已無其賢。

起句傳曉起之神
花態隨煙雨變遷
靜心遊覽人方領得此趣
具區手種梅只淡寫之

西溪巢泉上作

翫溪遂窮源。東峰屢向背。朝日上我衣。春泉淨可
愛。不知泉落處。潺潺竹籬內。喧聞兩疊瀉。靜見一
潭匯。松風颺纖碧。花影蓄深黛。名言猶有相。幻照
乃無悔。悠然巢居心。頗欲終年對。

曉起觀泉初陽上
衣寫得字字入神

春陰望西溪人家雲山梅竹互爲掩映

溪聲迤西流。寺橋扼其隘。分餘落麥田。綺秀渺方
野。行人越阡陌。春望怡我輩。皜皜遠梅林。映山青

曉暖下有漁樵塵。竹樹互襟帶。炊煙化山雲。雲起

半明晦。花原色不同。輞口境如在。悵矣懷閒居。悠

然悟天繪。

炊煙和山雲與合而爲一此云化山雲見
炊煙亦神靈物也筆有化機無施不可

西溪曉起

首春溪中寒。偃卧在巖穴。宵分天柱夢。覺來轉清
切。開門殘月在下。見數峰雪。雪際生白雲。宵映不
可說。登橋水市靜。尋徑冰泉裂。田翁尚無事。初陽
候林缺。懷新意似欣。理舊抱已結。何如巖樓人。難
竹飯松屑。

行田至荆山嶺下作

國朝詩別裁集

卷二十四 六

教忠堂

大山何連延。細岑若迴顧。中有微逕通。兩村隔松
霧。平疇開朝日。宿麥半疑返。雲根脈未洩。涓流但
微注。野人籬落小。鳴鷄隱雜樹。雖無汜勝書。農話
眷幽素。稍營下溪業。更羨上涸住。竹橋滑春霜。往
來定非誤。

狀村落
景如畫

理安寺

老禪伏虎處。遺跡在澗西。巖翠多冷光。竹禽無驚
啼。僧樓滿落葉。幽思窮板躋。穿林日隨規。泉咽風
淒淒。

寒聲欲滴野禽無聲非
以神來之筆不能傳焉

二月十七日重遊洞霄宮探大滌洞天

振衣浴罷體更輕。竹枝投石聲彭觥。空山昨夜龍
洗窟。雨過萬壑泉縱橫。山靈知我有默禱。故遣浮
雲散。縈繞一峯陰。見一峰晴。天柱中央翠於壩。元
同先生昔隱居。洞天長鎖琅函書。前遊日夕未曾
到。恨身不得乘飈車。穿盡幽篁履苔石。驚見谿舂
洞門坼。童子曾為搗藥禽。桃花解笑題詩客。此中
日月停。兩丸想象九夏尤清寒。微明秉炬觸暗壁。
古靈題字來尋看。玲瓏乳竇隔凡處。路接華陽不
歸去。有人問我洞中來。為說浮雲如柳絮。日月停兩
九謂洞室
陰森異境旋轉其光不
到也地體既有仙氣

國朝詩別裁集

卷二十四 七

教忠堂

過宋通問副使朱公少章墓

突兀殘碑立古阡。行人猶記紹興年。青衣已見君
王辱。白髮何期使節旋。老淚冰天他日恨。遺文曲
消至今傳。一杯築並花宮地。夕咀晨鐘更惘然。朱公
地值徽宗殞落哭以文云歎馬角之未生魂歸雪窖拳龍髯而莫逮淚
洒冰天一切御容御畫從五國城寄歸宋之蘇屬國也放歸時年已老
矣墓在九里松詩句
穩貼無一刺語閑字

方正瑗

字引除江南桐城人康熙庚子舉人官至漕商道著有連
理山人詩鈔○引除自高祖廷尉公以下世傳理學出政
當軍需絡繹時王開萬里轉餉十年猶能創建書院與
人講學詩其餘事也然皆古茂純正詩然成一家之言

述母訓

藐孤幸有托。一綫書種留。辛苦四十年。淚枯心未

休。從政居大夫國恩亦已優。秦中十五城。一箸兼
為籌萬命。倚生死馬可私殖。謀大本貴先立。清風
領諸侯。廉泉可以飲。腹滿地何求。喜兒赤子心。慮
兒骨不道。引索馭奔馬。一蹶難難收。勿逐驍騰飛。
信道從天遊。上以酬君恩。下以解親憂。通體皆母
訓辭述外

不贅
一語

度秦峪嶺至商州與王刺史

自注如玖
死平人

梯雲數千級。忽登秦峪頂。羣壑馬蹄下。商顏尚延
頸。風過虎氣腥。山荒草木警。民脂竭土祠。落日丹
青冷。射矢黃沙岡。鳴鉦藥子嶺。百里多陶煙。十人

國朝詩別裁集

卷二十四 六

教忠堂

九垂癭。下鞍問疾苦。農樵意自騁。刺史政不苛。安
居樂鄉井。夜黑月未上。燈火散林影。

關西書院落成示諸生

西岐聖人邦。治化隆終古。粵自漢唐來。功利雜尊
俎。今茲禮樂備。文明會當午。未免征戰餘。習俗尚
黷武。青袍少業儒。鐵衣多擒虜。豈知陝右地。原為
理學藪。叶讀書不講道。忠信便無主。笥中歲賜金。
買得百弓土。築屋跨山河。聊以蔽風雨。矜式祀二
賢。自注睢陽湯文正公城曲阜
孔公與舒皆前任潼關守道諸生聚三輔。學為聖人徒。方
圓就規矩。何人非顏曾。何鄉非鄒魯。殊塗而同歸。

狂狷各有取勿謂岐陽遙流風動鐘鼓以理通化則武

之風仍復還西岐舊俗也詩品雖重不腐不狃

嘉峪關登籌邊樓時寧遠查大將軍入覲

金鎖嚴關絕塞開旅人乘輿上樓臺天山雪影浮空去瀚海風聲捲地來攬轡平生微有志籌邊萬里魂無才遙聞戍鼓傳呼急內召將軍撥馬回

放羅浮蝶

八幅常開葉葉新金籠初放翅如輪神仙自合離塵網顏色由來誤美人莫向花邊迷舊影好從洞口覓前身蠻煙蠻雨還家路飛破江南一片春顏色因誤

國朝詩別裁集

卷二十四 尤

教忠堂

美人不知文采亦誤才士惜題詩寫於書中言外求之

古鏡

土花點點上青螺珠匣塵封委綠莎絕代應憐顏色少六宮曾識舊人多月沈碧海秋無影雲暗滄江水不波一照尚能愁鬼魅雙盤龍氣未消磨六宮語

於古字不取貌而取神彼死缺刻畫者劣得其形似而已

葉士寬

字映庭山東籍江南吳縣人康熙庚子舉人官至寧紹台道

司馬悔山即和司馬承禎山居洗心韻

山中雲霞古山外草樹腥出山猿鶴寂還山夢魂清流水斷復續空谷幽而明坐我石榻穩著我羅

衣輕眼中何所見太古苔痕青耳中何所聞絕頂波濤聲吾心既已洗誰博浮埃名無求安有悔遺身自忘情豈必三山去即此凌青冥有煙霞氣辰斧鑿痕無求安有悔見

有求必有悔也指示迷途令人深省

斷橋山用少陵白波渡韻

欲斷不斷橋萬丈臨圻岸有湫起乖龍破石入雲漢帝怒割左耳置之懸崖半老猿此迴踪山鳥隔林喚澗底雲濤翻陂上雪花湧奔湍往復迴噴沫迸且散我來臨深淵下視目光亂仙境無由登凡骨自悲歎刻畫斷橋至於律牧迴踪山禽不度安問行人作皮膚語者不解如此用筆

國朝詩別裁集

卷二十四 干

教忠堂

上黨

上黨天邊郡壺關控扼齊羣推九州險全壓太行低往恨經軀虎清時絕鼓輦後知秦趙鬪只在故城西

天下勁兵處嚴疆自古憑虹鱗卷飛旆獸角斷懸繩三輔真肩脊河東舊股肱至今唐使節猶得義

陽稱蒼茫渾厚胎源少陵

許廷鑑字子遜江南長洲人康熙庚子舉人官武平知縣著有竹素園詩○子遜少英敏長弓刀馬樂編歷四方友海內知名士居官有善政去官後人歌思之詩嚴於唐宋之限五律近李翰林七絕近杜樊川諸體中二體為尤工也高文良公章之對客每吟于選佳句而文良有作于選每與商略藝林兩賢之

湘帆圖

湘山蒼兮湘水流。波平一鏡子。輕煙浮。美人自抱
香草怨。鵲鳩啼出蒼梧秋。渺湘彼兮紛幾曲。帆轉
隨湘兮何處宿。遙山九面碧參差。暗水浮香流碧
玉。羌哨帆子何人涉。澧浦兮弔靈均。披圖笑爾日
孤往故鄉不憶秋。風事權濤洄子意超忽。睇峨眉
子在天未醉。來長嘯湘雲飛一笑。停帆弄江月。

妙在若
不用力

樓霞菴雙忠祠

暨陽城邊白日昏。悲歌為弔雙忠魂。仰瞻廟貌風
國朝詩別裁集 卷二十四 主 教忠堂

以爽守城遺事追前塵。是時江南傳檄定。國已無
君奉誰命。區區兩尉不順天。義激中心熱血迸。彈
丸小邑災荒餘。敢以螳臂而當車。屹然陳尉首倡
義。經營戰守心焚如。迎歸閭尉善謀斷。登壇指揮
臂墨變甲兵十萬。羅胸中部勒森嚴當一面。梯衝
火礮百計攻。捍禦隨機俱猝辦。寺僧販豎荷戟父
斷頭。掉尾能決戰。元戎溫言指吳蒼。降者名氏書
旂常。我亦荒朝四鎮一。於今可匹諸侯王。登陴慷
慨明人綱。我肯反面為豺狼。嚼鐵相持力已竭。援
盡何堪糧粒絕。紅光起處廢城忽崩。勢乃見頑民

節壯哉陳尉氣若雲。闔門舉火以自焚。閭尉受傷

戰益力。殺人如草猶紛紛。被繫刺傷血出漉。大呼
速斫深宵聞銜鬚而死。死得所。此城豈有降將軍
婦女不異田橫客。齊赴濤浪無生存。噫吁嗟乎。哀
哀高牙與蟒玉。臨難乞憐如蟻伏。若非赤手扶天
綱。空見頽波沉地軸。項亡漢祖封雍齒。齊破燕人
重王蠋。興朝表忠勵臣庶。精衛填海愚亦錄。古
菴改建雙忠祠。凜凜英魂往而復。此時回憶睢陽
城。千古英雄共尸祝。本邵子湘閩典史傳成詩守城事本近禁
陳尉名明選閩尉名應元時應元已陞任出城迎歸共守元或即劉良
佐應元被於柘霞寺中明選死於巷戰城陷時合城婦女沉於江潮中
國朝詩別裁集 卷二十四 主 教忠堂

無一辱者此乾坤正氣存於衰亂時也
紀事燕議論以行又妙在能用全力

采石

投竄歸來後。驚波弄月圓。江山無太白。寥落幾千
年。予亦騎鯨客。來乘牛渚船。登樓人不見。春水上
青天。

全是太白近代
徐昌綬亦有之

黯淡灘

驚灘來黯黯。淡行旅奈愁何。山鬼荒啼雨。江鼉怒蹴
波。舟從天上落。人似夢中過。歲歲勞于役。危途歷
已多。

白菊

正得西方氣。來開籬下花。素心常耐冷。晚節本無瑕。質傲清霜色。香含秋露華。白衣何處去。載酒問陶家。

晚節五字可傳品高處在絕去錢刻

中秋大風雨後看月有作

已分沉滄海。清光不上天。乍驚東壁曉。仰見一輪懸。萬里人同節。中秋影共憐。何能負良夜。譙賞又經年。

一氣直下不以對偶為長

和顧大嗣宗傷春之作兼送南歸

離亭微雪點征衣。惆悵天涯事已非。萍葉只隨潮信轉。楊花爭見雨中飛。夢迴遙夜驚明燭。人對殘國朝詩別裁集

卷二十四 五

教忠堂

春戀落暉。望遠思鄉兩無賴。故山空自寄當歸。

不偶

俱於傷春中見之

七夕雨中

不見西南玉鏡明。佳期迢遞隔層城。頻飛千里針樓夢。獸聽空堂夜雨聲。烏鵲橋成頭漸白。銀河天遠水空盈。但令此夕常相會。牛女何勞別恨生。

蕪城感舊

雷塘春盡草如煙。落拓江湖又一年。吟遍吹簫橋畔路。無人知有杜川。

風神絕世高文良辰賞心者

三千殿脚摠如花。斷粉零香散暮霞。唯有離宮舊

明月。夜深還上玉鈎斜。

題畫菊

芳菲過眼已成空。寂寞籬邊見幾叢。顏色祇從霜後好。不知人世有春風。

晚節自佳不受春風煦育也覺老杜實責應須致身早向猶為淡淡

重過東園別墅感舊作

午橋莊閉少追遊。樹色波光帶雨愁。今日羊曇頭白盡。尚零哀淚過西州。

此處要東王氏而作與趙嘏過汾陽舊宅一首同一風神

七夕有感

離多倍覺故情歡。卻望針樓欲上難。記得星橋逢兩度。玉釵人共凭闌干。

自注去秋閏七夕。情深矣以神韵位之覺其情愈深當求之語言之外

國朝詩別裁集

卷二十四 五

教忠堂

初八夜見月

鵲橋昨夜玉駟回。雲散香銷盡可哀。窈窕空房正腸斷。清光一片為誰來。

田同之

字彥威山東德州人康熙庚子舉人官國子監助教。彥威為山薑之孫而篤信謹守乃在新城王公有攻新城學術者與彥威拚命與爭論詩一篇其宗旨也不直趙秋谷官贊故大替疾呼論之

與畹村編修論詩因屬其選裁 本朝風雅

以挽顏波

畹村寸心貯千古。說詩沁入詩人脾。殷殷雅意惜同調。停橈三日長河湄。把臂依然忘我醜。我心寫于前致詞。風雅頌騷歷今古。英靈秀氣各含吐。八

代三唐兩宋間。但有正變無門戶。底事有明三百
年。分疆別界如秦楚。劉高並革元代風。旋尊臺閣
歸膚庸。李何邊徐盛弘正。炳如星日懸天中。詎料
公安竟陵起。一則為魔一為俚。魔俚相承溺濁流。
賴有黃門追正始。正始未復虞山來。不分雅鄭分
朋儕。黨同伐異恣顛倒。七子前後遭擠排。瑤琴寶
瑟置不齒。賞心箏笛琵琶耳。石湖為矩。劒南規五
尺之童。輕正始我。朝定鼎代右文。賓龍繡虎來
紛紛。或如開寶稱大手。或如元祐張奇軍。名家大
家各位置。壇坫巍巍誇並峙。爭藝山東一辦香。遠
國朝詩別裁集

卷二十四 五

教忠堂

近文人無異議。山薑花謝蘆尾傾。野狐怪鳥齊爭
鳴。泛泛東流視安德。信信眾口噪新城。黃鐘毀棄
瓦缶重。長夜漫漫竟如夢。陳相便爾嫉陳良。師有
屈子。弟無宋。扶輪大雅非君誰。屈直先自海邦訟
顧君。挽弓射訓狐。置身千仞宜高呼。別裁偽體君
之分。勿使此事終模糊。嗚呼。勿使此事終模糊。
後及本朝牧齋是實明言之諸城
是主轉隱言之使覽者自得其意

趙北口感舊

燕南趙北路迢迢。往事何堪問柳條。只此公車風
雪裏。十年三過十三橋。

黃之雋 字石牧江南華亭人康熙辛丑進士官翰林院編修著有
唐堂集。雲間詩自陳黃門振興後俱能不入歧途累累
經貫至。盧文子後又曰就哀憤歎所宗法矣唐室學殖富有而心
思才力又足以驅策之故能自開生面仍復不失正軌謂之詩學
中興可也

雜詩

絲布皆可服。本自機上分。布作縞素色。絲成羅綺
春。載染紅紫艷。花色爭鮮新。紫綺裁窮袴。紅羅製
舞裙。細腰同結束。密與支體親。回顧衣桁間。縞袂
積埃塵。羅綺雖見愛。私褻不可陳。布素雖見棄。拂
拭有餘芬。
言衣米炫於一時不如太質之可久
也此六義中比體不用說明正意

卓文君寄遠

國朝詩別裁集

卷二十四 五

教忠堂

靈禽有良匹。邕邕叶和鳴。奈何拚飛去。忽然棄平
生。鳳鳥不變音。君子不變心。故人恩愛重。夙昔念
同衾。明月在天上。流水在地下。秦蜀路非遙。人心
自相阻。春風桃李花。綠葉對青枝。願為歲寒友。偕
老何不宜。
原辭白頭吟。閨中頗有英爽之氣。此云鳳鳥不變音。君
子不變心。即謂君子之恒久不已。可也。有韵之言不妨斷
章取義。

種王瓜籬豆諸蔬

昔逮養親日。灌園佐擊鮮。親亡事奔走。忽忽二十
年。倦遊返衡門。老圃聊息肩。修我灌園業。情事恍
如前。汲水諒非水。清淚同涓涓。此蔬親不遠。此圃

親所傳終作抱甕身。五鼎未列筵瓜瓠。如有知為我根蔓牽。勢則蔽蒼野。根則入黃泉。以告我父母。貧賤子。可憐。瓜瓠莫結子。有子亦徒然。老圃親之所遺。因遺圃蔬而自傷。早賦并流。熟而親不及。特皆淚痕血點。凝結而成者也。子亦有地一區。係先君子向時藝花者。因貧售人。今欲贖歸。藝植而親不及見矣。讀此詩為之泣然。

水碓

轉輪在水稻在屋。糠粃如塵米如玉。誰其為之機。與軸坎臼在地。杵在水橫貫輪心。輪運瀑以溪之水。代人足列杵五六杵。齒齒一杵。入臼一杵。起圓輪。迫杵水迫輪。急急晨昏春不止。溪女鬢插山花。

國朝詩別裁集

卷二十四 毛

教忠堂

紅列坐白旁。如課功。從容揜袖簸揚畢。勞逸不與吾鄉同。我來如聽一部之水樂。輪音為商杵音角。細寫難狀之情。正與瑣屑處見筆力。此古文敘事手也。熟精左史者能之。

海嘯歌

壬子七月十八九。羽檄紛馳報郡守。上海南匯兩邑人。一旦其魚幾萬口。郡守告子往勘災。華婁兩宰同去。來目慘不忍齒。頰述蘆簾掩箇心神哀。餘則入海不可問。田廬蕩蕩無塵埃。崇明寶山同此難。靖江江陰亦罹患。他邑已發催餉符。老夫讀符添浩歎。嗚呼禍非由海降。自天靈佑百姓胡為然。

山左產麟昭聖瑞。吾鄉遭水紀堯年。

登報恩寺塔絕頂

到眼無埃壙。蒼茫入素秋。萬家斜照外。千古大江流。金碧翔霄表。虬龍墜石頭。長安稱雁塔。此亦舊皇州。三四語登塔時所見略同。而於長千寺塔尤切。以帝王之州。長江環抱也。十字樓之有聲。

漂母祠

少年欺帶劔。老母念垂竿。恩怨一時有。波濤千古寒。封侯金自易。乞食飯應難。最是窮途感。英雄淚不乾。

武昌懷古

國朝詩別裁集

卷二十四 毛

教忠堂

碧眼孫郎此建都。憑陵中國控全吳。危磯冒堞猶黃鵠。長鎖連江豈赤烏。霸業久隨流水去。客愁唯對楚山孤。太平城郭周遭在。戰壘荒荒隱綠蕪。乃太康元年事。計無所出。聊以禦晉。若赤烏時將相有人。必不為此下策也。孫皓之失言。下顯然。

鄱陽湖水大發。自木樨灣瑞洪至趙家匯田。

廬浸沒舟過感賦

換眼湖光接杳冥。此中波岸記曾經。浪花自拍無人屋。樹杪皆繁有蒂萍。想到避災聞痛哭。誰為守土告朝廷。鳬鷖不解行人感。梅雨蘋風戲一汀。

只是波濤入室。樹木粘萍耳。今云無人屋。有蒂萍。加一拍字。紫字便覺新警異常。

題李草亭畫寒江送別圖

長江風定水無波。歲晚天寒客又過。一度送行傳一畫。人生那厭別離多。從離然銷魂中傳出異樣風塵熟處生新不落習經

儲大文

字六雅江南宜興人康熙辛丑會元官翰林院庶吉士著有存研樓詩

秋江詞

瑤草涓。瑣樹杪。海客居。何縹緲。泛長江。楚天曉。木蘭舟外煙波繞。江上景。山嶸我。仙人樓。迴輕雲。過美人。簾卷。秋色多。鴛鴦隊。隊忽驚散。西風遙送采蓮歌。采蓮歌。怨遲暮。芙蓉花。隊江露。意言無盡下不能更添一語

謝道承

字又紹福建晉安人康熙辛丑進士官至內閣學士著有小蘭陔詩集。開學高行屢聞於家先標敬亭後於今似

國朝詩別裁集

卷二十四 元

教忠堂

敬庵得其遺集讀之仁孝之思時時流溢洵為德人之言也敬係子成辰所取士官比部亦敦本行

冬筍

蒼巖鬱寒姿。先雷蓄孤勁。硤崖凍壑中。氣盛萌欲迸。譬諸君子心。虛直含至性。胚胎何堅貞。節目自苞孕。長饒雪外攜。劇取雪沒脛。清幽蘭比德。潔白玉同瑩。品格遠膏腴。烹飪戒飽飮。莫嫌滋味薄。能使襟懷淨。試看山林人。蕭然祛俗病。不須故實自然雅切從物性中傳出

君子德性理足於中隨所感觸所云惟其有之是以似之者也

承展昏省侍太夫人必詰問史事或對稍延

訶責隨之今不復聞矣

兒來前。自堯經。今凡幾年。兒彊記。自堯經。今凡幾

帝。兒時應對稍逡巡。母顏變色。旋恚嗔。陳隨孫志

學人責。稽古胡不如婦人。吁嗟乎。母言在耳。兒顏

猶泚安。得我母常嗔。兒常泚於今。勸學無聞矣。

歸山後家園蕭瑟甘旨缺供太夫人見憐每

食減嗇。乙卯十月為二子璈璈析箸愴然

几筵永志餘痛

切肉作羹。母呼進菜。侍側勸餐。母七不再。懶能報

本鳥返哺。夕膳晨羞。闕供具。母曰。汝貧。母以我故

加豆盈觴。匪行我素。俄焉空庭。感風樹為豐。為嗇。

國朝詩別裁集

卷二十四 辛

教忠堂

摠不御。吁嗟乎。兒無母。哺哺於兒。撫茲。梧。樞。雙淚

上章憶母氏之勤學此章憶母氏之慈愛字字從至性垂流出去三百篇未遠每一披讀令人欲泣兩感同也

一枝山房見新月

牆角光仍隱。檐牙淡欲流。葛衣涼似水。板屋靜于

秋。山鬼弔鐙暝。林鴉繞樹幽。關河同一照。悵悵此

淹留

送友南歸口占

親老偏為客。家貧卻在官。百端俄頃集。豈獨別離

難

陸奎勳

字聚侯浙江平湖人康熙辛丑進士官翰林院檢討著有陸奎勳詩學。陸堂穿六五經皆有述作今人中并大春也

詩獨風流明麗廣平賦
梅花不礙心似鐵洵然

江南曲擬梁昭明

江南草長鶯亂飛。柳花如雪黏人衣。龍頭畫舫送
將歸。送將歸。兩持楫。姊妹桃根姊妹桃葉。詩至梁陳已開詞
人小令之漸不始

於李太白溫飛卿
也此故得其神似

移居

地偏仍在市。具少不須車。將隱文馬用。雖貧樂有
餘。故交三徑月。歷劫半牀書。錯擬臨江宅。空教庾
信居。不須車比少於車更貧
矣古人語須如此活用

湖上念金心齋

國朝詩別裁集

卷二十四 五

教忠堂

鈿車輕轆碾芳塵。湖上重遊隔幾旬。柳絮忽粘空
外雨。犁雲不斷夢中春。渚藏冶綠渾迷路。佩結幽
香別贈人。寧料湘潭憔悴客。仍逢婁女詈申申。

柯煜

字南懷浙江嘉善人康熙辛丑進士官宜都知縣著有石
庵雜鳴○石庵困頓場屋老而始遇一官顛顛以病乞身
至為舉鴻博而石庵則已沒矣詩私淑牧齋親炙鈍翁論
者謂得兩家之長子謂不襲兩家之貌斯為善學兩家者

古詩

小智欲求道。得失常相因。如鏡不瑩背。如燭不耀
晨。鏡燭豈不朗。操舍還由人。蕩蕩至人出。羲陽徹
八坤。浮雲絕蔽虧。萬古光華新。小智自用不能燭理所見
者偏也惟性體虛明不矜
私知則物無不照矣說理詩
以此與出之遂不流入于腐

摠摠六合間。萬物各有我。臆見苟未除。名理動相
左。譬彼迎嘉賓。重門反深鎖。石胸生虛明。灼然勝
觀火。我見未除何由入道萬
物一體唯聖者能之

述懷

仕宦已三世。我豈石隱流。高堂漸斑白。誠懷捧檄
謀。三釜計不就。五畝遄歸休。長跪謝阿母。阿母屢
點頭。折腰非爾願。飲水非吾憂。是母
是子

屋上三重茅。已為風捲去。天教屋漏痕。供我學書
具。肯同桀黠奴。三窟竄狡兔。煙塵罨琴樽。荒穢塞

畦圃。一笑姑置之。拂拭書中蠹。先祖有風雨絕句下二語
云天公助我臨池興

國朝詩別裁集

卷二十四 五

教忠堂

新添屋漏痕心思所到先後印合古人往往有之必以漢漢水田飛白
驚二語謂王摩詰李嘉祐白殊輕薄也況王在李前豈前人反襲後
耶人語

勸農

雨足秧針滿。翠色迎衣裾。牛背一鴉立。夕陽人力
鋤。萬物自閒暇。三農日勤渠。豐樂今伊始。勉旃事
苗畬。往見石田翁畫鵝立牛背今為石庵詩寫
出詩中有畫畫中有詩豈獨厚語然耶

題潯陽送客圖為宋蘭揮檢討賦

梁園才子瀛洲仙。幕府讀書方少年。潯陽樓高試
騁望。雕闌一曲橫江天。登臨懷古意繚邈。生綃染
出琵琶篇。當時白傅佐江郡。曠懷日習東林禪。無

端送客成邂逅京都音樂聞江邊青衫紅袖兩悽惻千秋歌曲爭流傳只今丹粉絢本事水雲彷彿鳴香絃貞元朝士感淪落善才弟子餘嬋娟霓裳六么疑可識檀槽手撫神宛然古來悲歡事何限豈必同病纔相憐高歌妙繪恣揮灑動盪胸臆開心田乃知賢豪襟韻各有記非同非異非言詮奇章贊皇兼將相豈若香山佳句爭流連還君此畫情悄悄幽齋燈地耿不眠疎簾剩有玲瓏月曾照西江詩酒筵

贈沈曾瞻

國朝詩別裁集

卷二十四 重

教忠堂

男兒踪跡誤浮沉把臂相於快入林客館因依同鴈序霜天酬唱作龍吟一燈分照還家夢千里誰明抱璞心請念退之論駑驥莫將高價索黃金

蔣恭棐

字維翰江南長洲人康熙辛丑進士官翰林院編修

景州董子故里

嫺秦廢學校坑儒并焚書師吏辜誦說六經歸榛蕪漢興雖天授創業由征誅典禮命叔孫縣叢誠區區百年生董子私淑洙泗徒下帷絕窺園精心究典謨從容對三策致君期唐虞武皇內多欲遇之以虛拘詎能崇正學詔令相江都後復相膠西

驕主重諂諛誠正能感通兩地無齟齬邪臣懷妬嫉去交腰公孫弘謫計何從據春秋詳災異衆口訾其迂弟

子昧師說針妄謂論大愚獲辜得免死誠口全其軀所幸聖道明邪正分殊途以待後來者迭起胥

匡扶有宋五子興直溯姬孔初日月懸中天蒙翳

消雲衢何人啟念徑廣川實先馳而胡昌黎伯吐

辭取敷腴屈原司馬遷子雲與相如論道遺董子

所見猶偏隅我過景州里祠宇叢粉榆稽拜瞻儀

容和粹緬真儒王道復誰陳攬轡空踟躕暴秦以後明則董子實有守先待後功也後半透發此旨有聲有光

國朝詩別裁集

卷二十四 重

教忠堂

馬維翰

字雲麟浙江海鹽人康熙辛丑進士官至四川東道署有墨麟詩卷○意不肯庸語不肯弱莽莽蒼蒼筆揮霍

雖未神來已梯階險壘麟學社可云備補而走矣

蚤發併浦

寒威凜冬季木落風淒緊束裝適京國夜漏短無

準父母送臨河肫復辭難罄首言慎起居次言遠

馳騁得既勿滿盈失亦戒孤憤努力崇正軌繼塵

發深警長年動蘭橈瞻顧兩未忍俯首別淚滋回

汀更引領細雨權橫塘廬舍去隱隱銘心寶訓言

守身日三省

初出門詩矢志便已正大後時出政自能不辱其親

九折坂

自注用杜詩木皮嶺韻

盤盤出鳥道。杳杳行人村。斗起叩嶸山。仄隘逾劒門。天險邇開鑿。未可常理論。陰陽分向背。旦夕殊寒暄。連山走雲氣。倏忽同追奔。一峰獨秀出。頗似嶽勢尊。其下九折坂。剗絕割厚坤。况復急雨薄。萬壑當晝昏。回輿與叱馭。北轍視南轅。所志各有託。忠孝惟其根。踟躕兩不決。心緒蠶絲繁。峭壁落井底。一髮青。天痕。人生鮮百歲。只有名常存。勒銘匪易事。或用酬驚魂。奇險句似得力老杜發秦州詩以下諸咏皆然

廬定橋自注用杜詩石橋關韻

落日嵐氣陰。斜照峰頭赤。廬河捲雪來。激盪河邊

國朝詩別裁集 卷二十四 五 教忠堂

石。底定定何時。盤馬對絕壁。鐵索繫兩岸。縛橋渡行客。人影漾驚波。行空無轍跡。前灘勢未平。後浪聲轉迫。孽龍蟠深淵。長蛇赴大澤。驚魂定無時。王事敢求適。

大喇嘛寺歌

我無摩泥照濁水。偶參上乘心清涼。惠師羅什亦已化。今之行脚惟衣糧。西爐自昔西番地。舊無板屋皆礪房。不生草樹山壁立。茫茫沙磧無稻梁。恭惟先皇赫威命。版圖始入開封疆。至今萬里烏斯藏。亦來重譯瞻冠裳。奈仍夙昔錮不解。俱言此

類生空桑空。諸所有有。有彼法。如何佛寺。猶雕梁。絳以垣牆一百丈。梵以文石周四方。橫窓側闥面面。開檐竿略綽。當門張其上。層樓綰金碧。下畫神鬼東西廂。寺僧少長凡幾衆。不語前立紛成行。偏袒右肩事膜拜。雙瞳轉反黥有光。宰生割剥了不怖。呼號其側神揚揚。六時梵唄若功課。渴飲酪乳飢牛。羊宵分聚徒大合。樂互吹骨角聲低昂。即論釋典尚清淨。此寧有意登慈航。或云流傳術頗異。播弄造化如尋常。安禪毒龍致時雨。誦咒青女停飛霜。此豈實具定慧力。竟能詭術回穹蒼。咄尔世人

國朝詩別裁集 卷二十四 五 教忠堂

迷不悟。福田利益繁中腸。乾坤高厚妙運用。豈待尺寸量短長。聖人深意在柔遠。順育萬類通要荒。因勢利導。牖蒙昧欲使寒谷回春陽。昭昭大道揭日月異教。豈足紊紀綱。矯首夷風倘一變。飲食男女真天堂。或云流傳術頗異以下六語遠方長服其教聖朝各納之用以柔順遠人非傳信異說也才歸到聖人之教

如經天日月儒者正論曠若發蒙

梅花

疎枝雀啁轉春溫。正試東風第一番。每自凝神當遠驛。為誰孤立向荒村。晴雲曳宕春無限。午夜分明月有痕。索解此中渾未易。目成脉脈在忘言。脫俗

南行漫興

沈黎南下路迢迢。仰面青天欲射鵰。何處標名銅作柱。早時轉餉鐵為橋。王師久駐將無倦。荒服多虞或未驕。正值原田望霖雨。每占箕畢起中宵。

必倦也。或末驕防其驕也。

遠書底用問邊鴻。得失因緣塞上翁。敢惜金縢當此日。正期鎖鑰仗羣公。夫人堡有和番計。丞相碑傳縱虜功。可信降酋無巨測。湯教部曲卧雕弓。

之謀忠武侯之智而謂降虜貼服或備廢弛恐生意外之變旁臣心事昭然欲揭

沈懋華

字芝蘭浙江歸安人康熙辛丑進士官翰林院侍御。侍御詩意主蘊含不欲說盡唐宋之分斷斷如也晚歸佛

國朝詩別裁集

卷二十四

五

教忠堂

泰和道中

行子易時序。但嗟江路難。孤帆轉天際。遙出青林端。山影落空翠。濤聲生夜寒。鄉書猶未達。雲海正漫漫。

渡江

路盡鳥飛外。微茫一葉舟。月斜江岸曉。潮落海門秋。山色南朝寺。鐘聲北固樓。寄奴城外草。隱隱入邊愁。

秋夜東湖玩月

此詩吾友許武平極稱道之謂其調高意遠直接唐人

洞庭木脫渺愁余。倚櫂寒流挹望舒。笛裏關山清夜怨。鏡中樓閣美人居。天高風轉依枝鵲。川靜波騰縱壑魚。直是乘槎度銀漢。都看白露下前除。

魯曾煜

字啓人浙江會稽人康熙辛丑進士官翰林院庶吉士

商婦篇記汝陽事

問妾何人婦。商家執巾綖。枯楊生其稊。亦自稱連理。前年販洞庭。今歲羅吳市。妾嘗處空閨。獨宿鮮娣姒。妾貌若之榮。妾心水之止。東隣何少年。自矜冠玉美。妮詞致黃金。新聲挑綠綺。為妾謝少年。越國朝詩別裁集

卷二十四

美 教忠堂

禮禽行耳。庭前雪皚皚。江上石齒齒。石堅不可勝。雪淨不可滓。付命朱絲繩。妄念君休矣。

李

字含奇直隸盧龍人康熙辛丑進士官翰林院庶吉士。太史館選未幾旋卒。無有知其能詩者。讀其遺集。鬱伊易感。憤懣難懷。情至文生。咀吟不歇。何吾吳之多詩人也。彼山澤之士。沉淪而不章者。可勝歎哉。

雜感

爛漫年華爛漫愁。春光春水兩悠悠。卷施有葉心先斷。杜宇無聲血已流。歎逝陸機同閱世。思家王粲獨登樓。此鄉信美非吾土。冷落胥江一釣舟。

下章傷逝斷腸人遠傷心事多年之永不永已兆于此

生別吞聲已不禁。頻為死別更推心。棋窗寂寞虛山墅。清宴依稀憶竹林。自注：對李兩季子。遠攜留墓劍。聞墓草已蒼。女。須空冷。搗衣砧。自注：同。三年伏枕雙垂淚。腸斷清猿向曉吟。

送友歸鑑湖即赴辰陽幕

易別還如商與參。醉歌燕市恨分襟。旅遊舊雨聯今雨。歸客越吟還楚吟。潮落嚴灘殘雪盡。春生湘浦紫蘭深。相思一夜江花發。千里月明同此心。楚吟。領下又分承格法極細。

甘曰懋字實夫四川大邑人康熙辛丑進士

國朝詩別裁集

卷二十四 禿

教忠堂

華頂道院見三十六峰老農吳青霞題詩壁

間寄贈

袖拂剛風倚天闕。忽見龍蛇氣蓬勃。君從三十六峰來。獨上蓮花攬明月。自是君身有仙骨。放歌長向煙霞窟。回頭卻笑韓退之。痛哭蒼龍嶺上時。

王 恕

字中安四川安岳人康熙辛丑進士官至福建巡撫著有樓山集鈔

牧牛詞

童兒長成何所求。農家職守惟牧牛。春風著物百草長。驅牛嚙草來沙洲。童知牛性不擇草。遇丰茸處俱堪留。乘閒好弄三孔笛。綠楊影裏聲悠悠。天

上日車休輾轉。少待吾牛飽其腹。牛得飽兮安吾心。牛不飽兮媿吾牧。不施鞭朴牛馴擾。順牛之性無機巧。牛蹄不于牛尾搖。背上閒閒立。春鳥高下陂陀任所之。牛日肥兮牛不知。嗚呼司牧盡如此。人間那受飢寒死。通體說牧牛牧民之道已曲折盡正意一點自足。牛肥必使牛知此小補術也不使之知。

上下兩忘氣象

過十八灘

補天剝塊截江流。今古驚濤咽暮秋。萬石稜稜爭出水。千崖疊疊曲行舟。猿啼頻下孤臣淚。日落重增旅客愁。惶恐灘頭征雁斷。幾人回首望神州。

國朝詩別裁集

卷二十四 罕

教忠堂

邵 泰

字時東直隸大興縣江南吳縣人康熙辛丑進士官翰林院編修

壬子正月重赴金陵志館偶誦陶詩遙遙從

羈役一心處兩端句憮然有感

春風從何來。所過不留跡。人與物同春。欣欣各自得。而我獨何為。當春轉蕭瑟。親老不能待。飢驅此行役。縱非出山泉。仰媿入林翮。一心信兩端。繹思有餘戚。緬昔負米賢。歡焉供子職。太史以母氏年高居官未久即請終養陳之養

詩中暫赴志館感然於中仁孝之思可風矣

儲雄文字沱雲江南宜興人康熙辛丑進士

有訪

未遇幽人又獨還。貪看落日立溪灣。隔溪幾處炊煙動。遮斷寒林數疊山。

訪朝陽道院

竹逕陰陰磬韻流。行來便覺此生浮。道人所得惟貪懶。滿地松花散不收。

兩斷句氣韻欲流如讀有聲之畫

國朝詩別裁集

卷二十四 罕

教忠堂

國朝詩別裁集卷二十四

國朝詩別裁集卷二十五

長洲沈德潛歸愚集評 男 種松校字

江陰翁 照齊堂 長洲周 準欽萊同輯

蔣 深 字制存江南長洲人官山西朔州知州著有續金詩鈔。續谷以集修書畫譜得官居官有政聲詩亦時露警句名

場中文

蠅

趨熱性能慣貪饕死亦輕未容隨驥尾先欲亂雞鳴把劍何堪逐無屏護點成秋風蕭颯後憐爾竟

何管 新趨熱客也語極典切得少陵寒食火遺意

過落花村寄姚水部梓嵐

國朝詩別裁集 卷二十五 一 教忠堂

蒲村西十里隔水澹斜陽花落在何處人行覺路香雞栖煙簪密鴉曳暮雲長想見湄潭老探幽至

句忙 村名鐵橋矣三四語傳出村行者之韻而水部之韻亦於言外見之

軍旅

書生事軍旅奉檄楚江遊人度危灘月猿啼獨夜舟遙聞刁斗靜猶喜甲兵收不作從征詠登樓客已愁

曉行

聞雞莫歎客途窮拂曙星河倚劍雄馬上續完那國夢笛中吹起戍樓風雲開泰岱天門白人渡津

開海日紅湛露未晞秋信到蘆煙深處數聲鴻

陳煥頓

麻陽船口號

逆流好用船頭力下水偏將船尾行一葉不妨危地過此心平處水皆平 此心不平坦道皆危地也以平心處世東坡之憂南無不自得矣此作者

閱歷有得之言

魏荔彤 字念庭直隸柏鄉人官觀察使著有懷舫集○觀察為文嚴毅矣祇存平時記憶二章見歸小可想像雲中龍也

題沈歸愚萬峰獨立圖

峯峯卓立斷躋攀筇屐逍遙鳥道間試問此翁登

國朝詩別裁集 卷二十五 二 教忠堂

眺後何人更上萬重山 向更有七律贈言末云他年旌節臨香土便合掃門迎故人後余奉使之楚適

經其地而觀察下世久矣為之慨然

馬陵道

戰壘千秋沙草平更無殘戟礙春耕荒城夜半喧雷雨還似當年萬弩聲 天然映合

王 濤 字衡山江南含山人拔貢生官兗州府同知著有青覽閣集

贈唐魏公

轅駒苦局促寒蟬多羞縮市兒眼如豆羣疑偏滿腹欲吐還復茹囁嚅私相屬多君挺英姿天馬脫羈束雄辯驚四筵高談折五鹿聞者舌盡擣言出

人人服。豈惟言服人。石畫如刻竹。一官聊攝間。舌

敝穎亦禿。願垂竹帛名。志不在食肉。會當攜巨觴。

對君洗塵俗。同登光嶽樓。齊魯歸洞曠。岱峯雲濤。

胸東海。日初浴。俯仰天地觀。好縱千秋目。讀此詩知衡山志在

濟時不隨刀筆。僅徒也。屈於下僚。有願未遂。惜哉。

李蓮字少豪。湖廣荊門人。

石城

晉代衣冠空薜蘿。石城埤堦尚我我。鎮雄江漢山。

增險藩。撒孫吳水。不波混一方。知臣力。瘁憂危。孰

料女戎多。廢興堪下千秋淚。若問浮名心已磨。章

國朝詩別裁集卷二十五 三 教忠堂

賈后之禍。起羊祜所謂平吳之後。當勞聖慮者也。鄂陵之役。晉已勝。楚范文子謂外寧必有內憂。即是此意。

計默字希深。江南吳江人。此南草先生子也。遠遊四方。名滿

于汪堯峯集中錄此附存。三章可以想見其餘。

和汪鈍翁姑蘇楊柳枝詞

紅橋綺陌柳陰濃。歷亂飛花類轉蓬。怪殺前山女。

貞。樹態禁二十四番風。見柔靡不如堅貞也。然以神韻行之。與寫題者迥別。

去年折勝復依依。贏得江頭紫燕飛。委屬東風與

將護一枝留待葉砧歸。

湯準字舜平。河南睢州人。○舜平為文正公季子。幼承家學。以

律天守道。自期詩不求工。而陶冶性靈。自足天趣。詩以人重。人不足以詩重也。作序者以孟山人林處士擬之。恐非其倫。

詠史

唐代羗戎盛再驍。韓公謀略信無雙。年來西域勞

兵革。額築三城署受降。集受降城自是樂戎長策。即先王守在四夷之意。

臨漪園

閒園隨意采芳蓀。興到常攜酒一尊。却笑平泉太

多事。苦將木石戒兒孫。遠人之言。

桃源

紫桑便是義皇世。智慧相忘息衆喧。欲使此心無

魏晉。寰中處處是桃源。靖節含意未申。此申言之。

徐善建字孝標。浙江嘉善人。○此陸清獻公高弟也。究心周易及宋五子著述。教人讀小學。義諸書。謂先識體段方可入

國朝詩別裁集卷二十五 四 教忠堂

精微處學者多師事之。

觀鳥哺兒有感

抱兒嬉樹下。新綠遮庭戶。忽聞啁啾聲。仰見春鳥

乳。不辨誰雄雌。四翼共辛苦。一出掠春蟲。一居禦

鷹虎。出憂居力單。居憂出遭累。瘁羽豈暇梳。嬌音

不遑吐。黃口快得食。那知翁與姆。感此撫童雛。何

如此禽羽上。念父母思淚下。如注雨。性情淺者只感觸已之哺兒。今上念

父母哺已之恩。故然猶然可以教孝。

王汝驥字雲衛。江南金壇人。由選貢生官通江知縣。○雲衛文制

詩人以文名。掩也有嗜。癖母來吳中。酒後背編余詩。呈數十章。人多笑而怪之。詩稿未錄。其詩時屢訪不得。祇存其稿。時少勝二

章比之吉
光片羽焉

雞頭關

征馬鳴蕭蕭。澗水流潺潺。水鳴何嗚咽。馬鳴多哀
酸。借問客何之。言上雞頭關。關門開一綫。羊腸裹
青天。上有千仞壁。下有百丈淵。驚風吹落石。洪流
盪奔湍。危途無返轡。微生寄征鞍。靡靡遵木末。遙
遙造雲端。故鄉杳何許。天路安可攀。側聽隴頭吟。
感我涕洟瀾。

黃牛峽

三峽天下奇。黃牛險尤絕。奔騰萬里流。磔豎兩崖
國朝詩別裁集 卷二十五 五 教忠堂

裂舟從罅隙。行身在古石。穴驚濤殷怒。雷觸石歎
晴雪。纜牽如蟻進。橈退如一瞥。舟師喚奈何。長篙
屢撐折。哀猿數聲叫。客子雙袖血。到此英雄人。自
顧同螻蟻。生涯抵投荒。輕身計何拙。載詠小旻詩。
撫心媿前哲。連上章能造險語彷彿老杜入蜀諸詩

陳奕禧

字謙六浙江海鹽人官石阡太守○石阡以
字學鳴詩亦清穩王新城尚書嘗稱賞之

望中條山有懷吳天章玉溪隱居

雪晴初日照歷歷。中條峯下有幽人宅。長鄰洞壑
深松門。閒倚杖。潭水坐清心。靜聽風泉落。冷然彈
玉琴。

虞帝陵

陵寢古鳴條。平岡入望遙。自注陵在鳴條岡之東處殿庭二女侍。冠
珮五臣朝。府事開神禹。文思協帝堯。饗堂合樂處。
彷彿奏前韶。

郭元鈺

字子宮江南江都人官中書舍人○于宮亦江左十五
子中之一嘗輯金源詩無挂漏者可補元遺山之缺略

荅邵子湘

芙蓉湖上邵髯翁。高行鴻文眼界空。京雒聲華懷
漫刺。江湖踪跡趁歸鴻。南豐不讓劉中壘。杜甫平
交嚴鄭公。老却少微星下客。夢魂肯踏軟塵紅。五言

湘之文六語
高子湘之品

國朝詩別裁集

卷二十五 六 教忠堂

顧文淵

字文寧江南常熟人著有海粟集○蔣文肅題其集中云
不作廊廟歌云是騷人詞寫出肝膽語顧得已知不知得
其詩可知矣其人亦可知矣

余錦泉席上聽眾姬琵琶

有酒易傾。不夜之圓月。有金難鑄。不謝之名花。秦
川公子發大笑。偏與花月爭豪華。左秦箏。右琵琶。
九枝蠟燭光如霞。青蛾皓齒兩行列。袖拂紅牙低
按節。初調絙朱絲。峽口春冰裂。再彈捍撥齊。鈴聲
雨淋咽。江妃漢女玦。環鳴相和。箏琶同撒。撥。錢驚
雙鳳凰。飛上梧桐岡。啁啾屏盡百鳥喧。離離和鳴
向朝陽。逡巡換宮商。倏忽移角徵。朔風應手捲。驚

沙白草茫茫。雁聲死。飲恨羈臣。擊劍歌裏。創戰士。
聞笳起。淒斷故園心。授破離人耳。停絃兩兩寂無。
聲。纖纖憐殺春葱指。天孫織錦作纏頭。五色綵雲。
遺彼美。花殘月落不忍歸。捲下珠簾隔千里。起結神似太白

中間移宮換羽頓挫激昂使讀者目眩神移樂於應接不暇

十八灘

荒荒異縣經萬安。毒霧散影分林巒。暮愁雨宿朝。
風餐前途遙數十八灘。一灘一險俱心寒。

青螺層層如抱擁。石插旋渦各森聳。寒流百道噴。
石孔七千里外宋孤臣。落日灘頭說惶恐。宋孤臣拍東坡

國朝詩別裁集

卷二十五 七

教忠堂

暮帆齊落喧鳴鏡。村人堵立林塘坳。利箭在箠弦。
在消不知何山逐獐鹿。亘天野火燒黃茅。

危磯千丈蔽天宇。長年日晚忽停櫓。月逆行雲吞。
復吐。虎張啼過斷人聲。叢莽中間伏強弩。

煙中振舵水倒衝。千篙爭力怖殺儂。森森石齒排。
劍鋒人言險灘最天柱。水底白日蟠蛟龍。五章又以少陵短章

嚴啓煜

字玖林浙江歸安人官永康訓導。玖林嘗言昌黎昌合雖非詩之極至然針砭庸熟邪清之功直乃比於武事又言二昌乃吾死友今披其集皆和平中正無詭屈奇詭之習豈善學者不求形似耶

榆皮行

井廬無煙野無草。萬戶嗷嗷缺一飽。村南村北抱。

成羣去剥榆皮行。又早何人括盡榆莢錢。枯幹只。
剩榆皮堅。榆皮可食。少官稅。悔不種地。成榆田。枝。
頭聚雀泣相語。新長嫩芽君莫取。雀乎雀乎慎勿。
爭我輩。舍榆方掘鼠。乾隆乙亥大荒吳中榆皮剥盡掘山泥以食民多死者以此云掘鼠正復相類

留別吳門諸子

夕陽衰柳繫歸橈。離思孤隨雁影飄。豈類穆生忘。
設醴。自傷伍相久吹簫。遊雲變滅元無定。盤谷寬。
閒實見招。祇惜舊時諸伴侶。春燈花下隔陰瓢。

背花寧待管絃終。歸臥雲林半畝宮。世外漁樵有。
真趣。山間雞犬盡淳風。采松袖染秋嵐碧。擣藥窗。

國朝詩別裁集

卷二十五 八

教忠堂

留夜火。紅他日。皋橋明月裏。故人應共念梁鴻。

汪文桂

字南士江西南新安人

秋日曹秋嶽先生過飲桐溪草堂別後有作

謝公屐齒款雙扉。點筆翻書對夕暉。徑仄秋花迎。
客座。夜深涼月戀人衣。驚心蕉鹿追宵夢。款語滄。
桑坐石磯。曉柝更催歸棹發。望中帆影思依依。情

有

秋日同季弟歸里和韻

秋深才得返鄉間。弱弟偕行賦遂初。衣上辛勤慈。
母線。篋中珍重故人書。白雲紅樹堪移棹。萬壑千。

峯擬結廬。到日松楸親拜掃。山田猶待把犁鋤。

汪文柏

字季青浙江桐鄉人官指揮使著有桐廬雜錄。竹垞朱先生序其詩謂匪僅開宋元之交與直達唐人之室而彌其纖不無溫美然謂時有佳句比之孟山人之微雲漢河漢疎雨滴梧桐斯為得之

盛湖

矮屋環湫市。回流界疊塍。夜燈千疋練。秋雨半湖菱。

擊榜吳娃捷。評珠賈客能。辛勤終歲力。猶未足

催徵

十字非親詣其地不知其妙即景成詩毫無故實應得於有意無意中

登煙雨樓

十度憑欄九度晴。今朝煙雨一舟橫。雁飛難辨空中

中字。櫓過惟聞暗裏聲。軟浪成花侵寺壁。冷雲如

國朝詩別裁集

卷二十五 九

教忠堂

墨擁軒楹。舉觴放眼唫長句。始信高樓不負名。

暗裏聲自是佳句然施之此題補見其佳

費錫琮

字厚齋四川新繁人著有白雀樓詩。厚齋為高人此度長子克傳家學五言亦有大江流漢水孤艇接殘春之慨

新城王尚書惜未見其詩

黃河

靈脈來天上。渾流晝夜奔。縱橫穿套口。屈折下龍

門。地入榮陰斷。山臨華嶽尊。何須逢漢使。便擬溯

崑崙。

一氣鼓盪力過氣雄

登北固山

絕嶺橫江岸。登樓望渺然。潮來徐福島。山出寄奴

泉境界分吳楚。波濤混海天。千秋征戰地。今喜靖烽煙。

費錫璜

字澹齋四川新繁人。此度次子。熟古。蘇詩中蒼蒼莽莽時有古音。然亦不無粗率處。淘汰之取其古而近雅者。適異時流。

兒語

鵝鷹搏雞。雞有母護。離親出門。心寒行路。是古語

食魚去乙。食李去核。治國去賊。

送劉得柔入秦

紫騮卸玉羈。故人來齊安。昂藏河朔氣。兩髯蕭蕭

寒。為言三載別。岐路各漫漫。燕秦二千里。浮雲會

國朝詩別裁集

卷二十五 十

教忠堂

江干雪堂寂寞秋。傾蓋暫盤桓。片言瀉黃河。隨風

生波瀾。虵虺橫江湖。噬螫太無端。湛盧不在握。徒

手空。長歎明日東西別。征車不可攀。

湖上

碧澄千頃豁青立。一峯孤只似懸秋鏡。人如坐玉

壺。煙光隨地盡水色。到天無肯與漁翁醉。鄰舟近

可呼。

水色到天無言。遠水接天含而為一。不見水也。此工於鍊句。

海村雜詩

海樓秋易夕。水寺晝長昏。穀貴難成市。時荒早閉門。蛇龍各自媚。禮樂不言尊。寄問西村叟。方飢劇

草根離成市不言草寫
荒年景象如見

出塞

一度盧龍塞。傷心景物殊。秋風嘶老馬。落日聚飢
鳥。嶺上寒雲合。閨中明月孤。還聞遣博望。雨雪在
長途。

少年行

臂上角弓強。腰間劒似霜。舊從李都尉。新拜漢中
郎。愛馬黃金埒。調鷹白玉床。平原秋草淺。射獵出
長楊。

汴城晚望

國朝詩別裁集

卷二十五 上

教忠堂

落木蕭蕭汴水清。雲沙何處雁飛聲。河蟠雍豫千
支合。地拓中原萬里平。累代廢興難屈指。百年未
黍獨闢情。夢華空有遺民記。不是宣和舊帝京。

變歌

東門楊柳枝。早晚遭攀折。今日是相逢。明日是離
別。六朝
小詩

相逢

岐路不相識。一言傾寸心。贈君腰下劒。不在直千
金。以千金直重則義氣減
矣此善翻前人句意

吳姬勸酒

吳姬十五髮鬢髮。玉腕蒲桃勸客酣。但過黃河風
色冷。更無春酒似江南。如聞勸酒之聲而渡河
以北之風塵言外可想

陳玉齊字在之江南常熟
人著有情味集

秦皇

離宮環極起。周廬萬里滄波候。大魚入海雲迷徐
福島。封山雨濕李斯書。華陰道上逢沉璧。陽武沙
中失副車。王翦用兵真老許。尚留三戶未驅除。

徐

蘭字芬若江南常熟人。流寓北通州。以終著有出塞詩。芬
若亦字芝仙。長白描人物詩無一語不奇。吾友徐龍友見
之幾於下拜。奇人
見奇詩尤契合云

雨阻黑河

國朝詩別裁集

卷二十五 上

教忠堂

天地有此河。墨流獨浼浼。黃河曾為聖人清。濁浪
咆哮獨不改。迢遙西上勢蜿蜒。兩旗疆界相鈎連。
自注土默
兩都統分地受降城頭坐飛將。牧馬不敢爭河邊。上有
共工觸破未補之漏天。下有鮫人痛哭不測之深
淵。陽春有脚走不到。那得兩岸生人煙。但見奇花
塞洲渚。色如人面形如拳。花裏見魚不見水。一網
可以盈一船。飢兒阻雨不須哭。朝魚暮魚食尚足。
雷電光中住過春。脚底莓苔點然綠。天晴曝衣上
古原。白骨堆邊檢金鏃。境奇詩亦與之俱奇。芬若又有大松山
詩起云一峯飛入雲雲故推之出一峯
飛出雲雲故推之入奇。警前人
未道因通體用韻夾雜故去之

燐火

土雨空濛著衣濕。燐火如螢飛熠燿。須臾散作星。
滿天空際。如聞衆聲泣。有火獨明。必鬼雄衆鬼吐。
燄無其紅。約束羣燐共明滅。無乃昔日為元戎。別
有火光黑比漆。埋伏山坳語啾啾。鬼馬一嘶風亂
旋。千百燈從暗中出。電聲閃閃兩軍接。狐兔草中
皆震懾。一派刀聲不見刀。髑髏隨地輕於葉。血過
千年色尚新。那知白骨化煙塵。新鬼日添故鬼冷。
無復寒衣送遠人。寫燐火之忽聚忽散。鬼雄鬼馬之光怪離奇。紙
上幾於有形。聲矣。後又寫羣鬼之接戰。更幻更
奇。吳道子善畫
鬼亦未到此

國朝詩別裁集

卷二十五 五

教忠堂

歸化城雜詠

祁連呼吸與天通。不與人間節候同。後騎解衣風
柳下。前軍隨指雪花中。髮離漢地根先白。淚過秦
山色變紅。騎伍漫勞歌況瘁。侯王猶自佩凋弓。奇人
抱無

語凡

塞下曲

萬騎從天下。邊人拭目看。長城無限窟。飲馬一時
乾。

關山月

城頭一片秦時月。每到更深照黑河。馬上萬人齊

仰首不知鄉思是誰多。

出關

憑山俯海古邊州。旆影風翻見戍樓。馬後桃花馬
前雪。出關爭得不回頭。眼前語便是奇絕。語幾於萬口流
傳。此唐人邊塞詩未嘗寫到者

沈用濟

字方舟。浙江錢塘人。國子生。著有方舟集。方舟足跡半
天下。至廣南與屈翁山梁藥亭交。詩乃大進。遊邊塞。留
右北平。久詩皆悲越聲。一時名流莫不與抗行。然所成詩一句一
字皆之。同人。有譏彈輒改定。可。由完善無憾。漏也。向見重紅蘭主
人。筆下名大著。余留京邸時。知方舟為詩人者。
寥寥矣。不知向後有餘傳其人否耶。感慨係之。

燕山

我行經燕山。憑弔古戰場。當時銳頭兒。誓死事戎
行。功業未得成。金鏃遺山岡。阜鵬如車輪。飛來立

國朝詩別裁集

卷二十五 五

教忠堂

人旁。黃雲蔽四野。風沙浩茫茫。驅馬行出關。悲歌
慨以慷。身著短後衣。劍佩百鍊鋼。扼吭度飛狐。仰
面看天狼。生富為冠軍。死當為國殤。慨當以慷。阜鵬十
字讀。者如置身邊

問塞

妾受命辭

妾受命兮少孤。師氏教以詩書。阿母愛子。早有。家
託君子。以賤軀。一乘華軒。兮歸德門。曳綺縠。兮羅
金尊。上事公姥。兮無間言。俯蓄五子。兮今有孫。解二
何以奉君。朝餐銅盤。或炙。或燔。何以奉君。禦寒裁
絳。越布。吳紉。解三鼠穿墻。兮狼入室。唇乾口燥。子不

可與說無褐無衣兮。迫冬日。四晨雞呼喔天雨霜。
明星煌煌出洞房。為君秣馬遊四方。五丈夫氣磊
落朗如日照臨。渴莫飲盜泉水。倦莫憇惡木陰。六
出門常苦遠。在家常苦貧。女子當門戶。百難萃其
身。七思我君子兮。蔚為國華富。貴勿喜。貧勿
嗟。履仁服德兮。名乃紛葩。八解。此代其配朱夫人立言也。
先言奉公姓無諸。難次言持門戶。
次言遺家難次言送遠。人未勉以修德行。得雄雞不
枝不求何用不滅之意。立意音節在東西二京之間。

黃河大風行

黃河之水自天落。我舟來向黃河泊。遙看雲氣如
飛龍。知有東南大風作。大風一起天茫茫。排山倒
國朝詩別裁集
卷二十五 五 教忠堂
海不可當。浪花捲起高十丈。虛擬沉牛截狂象。危
檣大艣撼不停。霎時飄散同流星。高岸倒震鼙鼓
裂。怒濤亂捲蛟涎腥。暝來打蓬聲。膈膊半為雨點
半水電。夕陽欲下風更狂。吹落孤帆天一角。一舟
重有萬鈞力。颺入泥沙脫不得。一舟觸石摧鵲尾。
窺見青天在船底。水面一舟飛鳥輕。無枝可棲心
目驚。其餘溜急難鼓柁。客船十個碎。兩個同泊尚
餘四五船。船船相觸繩相聯。長年當風立。至曉我
輩安。得高枕眠。近見青齊成水府。况聞中州少安
堵。皇天降灾良有因。汝曹定觸河神怒。不爾風濤

何太苦。男兒勿恃膽氣粗。要知蹈險非良圖。新河
安穩路徑直。汝何不趨趨畏途。豈惟黃河為畏途。
波瀾平地無時無。詩亦有雲垂海立之勢。近七子中
李獻吉結意忽然換境。感觸者深。

大同道中

千嶺朝陰嶽。三城控大同。雲形隨列嶂。山響應瑯
弓。馬踏黃河雪。鷹呼白草風。飛狐那用塞。天險古
來通。一路邊塞之詩。俱沉雄峭拔。不在李杜地下。○沙
乾奔渴馬風急下。飢鷹亦邊塞中詩。附錄於此。

太行山

山作潼關險。艱哉勢獨雄。千盤拔河內。一折走遼
東。大壑雲雷伏。陰崖日月通。巍巍天下脊。元氣結
國朝詩別裁集
卷二十五 六 教忠堂
鴻濛

登八達嶺

策馬出居庸。盤迴上碧峯。坐窺京邑盡。行繞塞垣
重。夕照沉千帳。寒聲折萬松。回瞻陵寢地。雲氣摠
成龍。

行經將軍猛虎諸灘

高高灘十丈。直下響成雷。舟擲波心去。人穿石窟
來。虹蜺雙瀑挂。菡萏小岑開。濁酒酬三老。傾危仗
汝才。擲字穿字千
挂百鍊而得

潼關二首

重開踞天險。三輔重神京。繡嶺遙尊嶽。黃河曲抱城。一夫今保障。羣盜昔縱橫。星隕何年事。徒傷父老情。自注謂孫督師傳庭

窺關如在井。立馬一峯高。竟失山河險。徒誇汗血勞。沙蟲迷白日。陵谷徙洪濤。翻使黃巾笑。橫行遇汝曹。黃巾笑謂不能力戰。疊進降表諸人也。孫督師周寧武外有一人忠勇者乎。

登建陵

鼓櫂辭西粵。開帆趁北風。水聲飛弩下。山勢鬬雞雄。兩歇秦關外。秋深蜀道中。稻粱謀故拙。吾愧信天翁。前所錄在虛柳字穿字是也。此所錄在寶飛字是也。

國朝詩別裁集

卷二十五 七

教忠堂

昭平道中

灘勢奔騰下。舟行次第高。瀑流爭一石。人力盡千篙。壁峭奔雷雨。林深聚羽毛。江鄉歸未得。夢寐亦風濤。此所錄詩眼又在爭字盡字。加搖鍊功則無草率之患。

從彭蠡轉九江泊小孤山下

不信滔滔者。洪荒直至今。高帆轉湖口。片石奠江心。鷹匝亭臺迥。龍蟠窟宅深。迎神歌一曲。絃響下青禽。

花田

埋玉傳南漢。花田今尚存。雪中香不散。煙外月無痕。

痕芳草尋詩路。青旗賣酒村。漫將蝴蝶數。一一美人魂。前一路詩皆英雄氣。此首又兒女情。見英雄兒女原不必分也。雪中謂花開如雪。非真指雪言。

登泰山絕頂

丹梯飛磴接天門。杖底風雷萬壑奔。四嶽共推青帝長。一峯還占丈人尊。漢家雲氣封中出。秦代松陰石上存。俯仰不知天下小。蓬萊宮闕射朝暉。無字

望西嶽

五千仞削勢崔巍。西鎮坤維玉作臺。海日夜從金掌出。蓮花春向石盆開。宮臨白帝三峯立。城繞黃

國朝詩別裁集

卷二十五 大

教忠堂

河九折來欲跨。茅龍問酒母芝田。堪種之仙才。亦勝元美作。酒母酒家姬也。仙人子先與之騎龍上華山。亦成仙。呼為酒母。見列仙傳。

思陵懷

錦屏山色隔城來。渴奠千秋事可哀。一劍剖將公主愛。九門報道寺人開。淒涼血詔留衣衽。寂寞桐棺付草萊。太息烏號幾人抱。紅牆日落首重迴。禮時言之真覺一字一憤。十三陵詩以此首為最。德陵三四云。宣寺九州祠宇通。幾書三案士林空。意宗失德盡二語。中國附錄於此。九邊詩最有名。然方懷朔詩。似更英快。故舍此取彼。

湘江道中

越客歸舟向洞庭。心隨一雁入空冥。煙開沅水雙

流合帆轉衡山。九面青靄返江楓。哀楚些。曲終瑤瑟怨湘靈。振衣已出塵埃外。漁父何因笑獨醒。

由麗江抵北流

頻年鞍馬歷荒陬。唐代羈縻是此州。猺洞千蟠攀嶺怯。鬼門一綫入天愁。朝昏吹角呼林鹿。婦女張弓射野牛。却望伏波銅柱在。飛鳶跼跼海西頭。

筆下有陰險愁慘之氣

天下大師墓

曾聞遁跡入禪關。身似浮雲到處閒。解道龍蛇潛草野。何年弓劍傍橋山。緇衣那有中官識。御馬誰

國朝詩別裁集

卷二十五 九

教忠堂

迎老佛還。一自櫻桃無薦地。肯留封樹在人間。

解道曰那有曰誰迎曰肯留見建文之歸皆致身錄德亡隨筆等書造作之辭其實未嘗有迎歸事也實錄稱帝聞宮自焚中使出其屍於火七日乃葬是明明死於火矣至天下大師墓朱竹垞謂房山僧塔或題司徒司空或題帝師國師金元舊制皆然後人附會為建文墓也此詩故作疑詞使人言下自得

海幢寺觀大水西下

鬱水西來萬壑奔。倒翻燐影盪雲根。中間一束高腰峽。直放驚濤出海門。

題謝皆人詩後

紅桂飄香月露清。玉完天上奏瑤笙。白頭弟子秋風裏。來聽霓裳第一聲。

筍溝早發

北風獵獵水茫茫。多謝吳門鼓柁娘。鐵鹿長橋四千里。送人夫婦早還鄉。

吐辭之妙

懼歌

風江潮動月茫茫。懊藹聲中夜未央。南北東西盡蓮葉。不知魚戲在何方。

毛張健

字今培江南太倉人貢生官訓導

寄衣曲

去年寄衣秋月明。絡緯索索窗前鳴。今年寄衣風

國朝詩別裁集

卷二十五 十

教忠堂

復雨。不識何時到邊土。邊城八月多早寒。清霜觸體愁衣單。千絲萬縷妾手製。中有珠淚焉能乾。不願功成垂竹帛。但願全軀返鄉國。

如舊報中春出新粒也

少年行

千金寶刀紅玉弮。繡鞍蹴踏長楸下。揚鞭不避執金吾。橫過禁園矜善射。自云生長金張門。意氣雄豪那可論。小時便食天家粟。曾向長楊奉至尊。隴西老將七十戰。絕域到身空浩歎。羨君不識兜與蓋。祿中骨相當封侯。

以飛將軍之到身絕域纔出少年之寵榮即所云生年十二有重封也寒那頗轉達

馬子知之

賈客樂

布帆滿幅高百尺。知是賈人遠行役。賈人生小樂。風波不戀家中好。田宅瞿唐濫潁平地過。此行金錢十倍多。更促前程向江口。淮南米貴今如何。春閨少婦空房宿。聽嚴烏啼淚盈掬。原詞極形賈客之樂。此於賈客深利中形出關

房之苦末二語提於換韻換意中翻新

毛

序

字東球江南太倉人著有靜娛集

偕同人散步

殘紅委煙水。潭深淥更淨。臨流弄清泚。鬚眉淡相

國朝詩別裁集

卷二十五 主

教忠堂

映冷然洗我心。迴絕非人境。儵魚從容游。鷗鳥度明鏡。物我兩俱忘。不減濠梁興。回首林邱間。閒房一聲磬。心和氣平物我皆得其不着力處正不易到

風輪羽扇歌

鶴翎皎潔修而豐。製成團扇虛含風。參差六翮形蒙茸。貫以鐵軸輪輻同。下首鬱屈如彎弓。風胡何年鑄芙蓉。質理蒼黑非鉛銅。劍首一穴貫軸中。復有無絃焦尾桐。踞坐掣曳呼侍童。輓轡引綆機旋空。柔櫓呶軋中徵宮。高堂颯然起蓬蓬。動如橐籥。籥出不窮四。坐森爽。心神融。病夫憚暑常怔忡。燭龍

候之

輓翼敬五

執友驚淪逝。霑袍涕泣然。卑飛辭捷徑。少別即重泉。燈暗匡衡壁。塵淹子敬壇。如君瑚璉器。何可使無年。

天意原難問。龍蛇厄運過。青衫仍落魄。白髮竟如何。講誦生徒散。鼓殘著述多。黃墟感存歿。回首邈山河。

國朝詩別裁集

卷二十五 主

教忠堂

陳培脉

字樹滋江南長洲人國學生○樹滋篤於友誼壯歲與諸才士角逐名場然眾人升雲路去而樹滋終老諸生無幾微見色也詩宗法盛唐晚進

新城尚書之門所結益進

相逢行贈宋六木天

一年相逢在輦下。秋雨槐花對僧舍。同時獻策不見收。劇飲淋漓共悲咤。一年相逢在濟南。擁鑪未盡深宵談。烏啼曉霜催別緒。送君道上鞭羸驂。一年相逢在淮口。我挂征帆方疾走。君時追送騎馬來。隔岸遙遙但揮手。淮口一去歲一更。斷蓬落葉愁飄零。詎意今宵燈火裏。相逢又在曹邱城。人生聚散本難定。暗中有物持其柄。一年一度一相逢。

如我與君良足慶。歡遊莫道在異鄉。寒梅著花春酒香。日日看花共飲酒。從今且得無參商。只叙聚散自見交情

登婆羅坪

絕壁迢迢上。忘危勝可探。百盤窮大壑。千仞度層嵐。采藥逢毛女。藏書問老聃。白雲如可臥。一枕學圖南。

南越王墓

天下亡秦日。乘時據粵中。自娛聊竊帝。大長竟稱雄。炎海風濤壯。孤墳草木空。千年餘霸氣。常繞尉佗宮。一筆寫就不加追琢吐之彈九脫手

國朝詩別裁集

卷二十五 五

教忠

登慈恩寺浮圖

飄然天半御風輕。身在浮圖絕頂行。三輔山河掌上盡。五陵雲樹望中平。細氲香界從朝暮。高下桑田幾變更。故事尚傳唐進士。曲江宴罷共題名。五陵三輔收之指掌問何等胸次章八元登此塔至云危梯暗踏如穿洞絕頂初舉似出籠幾不成語當時元白感稱之何耶

蓬萊閣觀海和觀察宋公

傑閣峻嶒倚杳冥。憑高望遠極東溟。龍宮潮湧千重白。蜃市煙消萬點青。鞭石荒唐懷霸主。浮槎恍惚遇仙靈。蓬萊咫尺非難到。便欲携筇叩紫扃。

徐州懷古

恒山

紛紛楚漢當年事。憑弔西風向戰場。隆準至今尊帝號。重瞳終古怨天亡。呂梁濤落蛟龍走。芒碭雲深虎豹藏。王氣彭門消歇盡。孤城一望水茫茫。

上應天樞象北辰。衆山環拱碧嶙峋。雲霞隱見金銀闕。昏旦盤旋日月輪。呼吸蒼冥通一氣。逍遙紫嶠會羣真。陽終陰始扶元化。朔漠長留太古春。氤氲霧靄擁危巒。象肖靈蛇勢鬱盤。望去神光凌斗極。飛來秀色落桑乾。龍潭雲出千崑雨。虎口風生萬壑寒。我欲摩崖登絕頂。扶搖何處覓青鸞。恒山詩罕有佳者作者以全副本領赴之遂覺神力俱王

國朝詩別裁集

卷二十五 五

教忠堂

陳留弔蔡中郎二十四韻

道出陳留郡。車停潁水濱。不勝懷古意。為弔鼓琴人。王粲稱前輩。張衡記後身。軼才真曠世。偉貌迥殊倫。淹貫鴻都學。輝皇清廟珍。手時良策蘊。應詔直言陳。鷹鳳偏垂翅。驪龍漫觸鱗。幽囚北寺獄。遠徙朔方塵。禍稔天心酷。憂深國步屯。妖氛纏黑氣。賊寇起黃巾。炎祚傾危日。梟雄剝亂辰。徵車憐迫促。解綬悔逡巡。殄滅嗟元惡。彌縫賴大臣。臍臍誠已晚。動色亦何因。過細寧難有。寬奇竟莫伸。踉蹌

付廷尉涕泣遍朝紳已矣儒宗失悲哉史筆淪無
兒延嗣續有女歷艱辛忠孝名終在風流蹟未泯
篆書垂一代碑版照千春尚論追芳軌遐思托德
鄰茫茫尋故里寂寂委荒榛事往浮雲散文傳炳
日新虎賁猶得似想像為傷神董車既誅中郎在王允坐
上言之而歎有動於色是
其所短餘如諫三五法諫市賈諫為宜陵孝子諫天降災異條列七事
皆原本經術有裨政治者即董卓初微時因不能逃避始就既就本學
次歲親而王允恐其作史訕之必欲死之母乃已甚乎
詩中逐層排比得失蓋陳工力悉數頗得少陵家數

張錫祚

字永夫江南吳縣人○永夫野居南園後遺木漬之下沙
三句九食經年臥病居半以藥石為養殯也詩初以生新
為宗盤硬語後一歸平澹在韋左司柳州之間年五十餘窮
餓以卒其墓巖山麓碑曰詩人張永夫墓好事者每携酒酌之

編籙

國朝詩別裁集

卷二十五 五

教忠堂

林壑有真趣塵俗難相通清晨飯藜藿荷鋤春風
中薜荔剝鄰園杞菊采榛蕪枯朽既芟除柯條盡
青葱日入返茆檐羅植清溪東屏藩宛天成束縛
隨人工放誕世所棄舒散豈爾容已造自然

重九後溪南采杞菊

佳節修復過寒商激林杪霜清杜若洲花發蒹葭
島空庭無嘉卉何以慰幽抱緣源路轉迥穿林人
漸少朱實披榛叢黃花掇香草尋異心無厭適已
物逾好即此俗慮遺逍遙可忘老

贈澗上僧

竹庭殘雪淨林壑寒流清經聲靜夜闌水月生空
明道人了觀化心止神流行空齋一相對澹然離
俗情色香臭味俱淨此種
詩雖不敵品評其佳

訪沈石田故居

抗心希古賢閒情緬高士孤舟渡平湖日落遵枉
渚遙遙入荒村徘徊覓遺址人語散鳬鷺草長眠
鹿豕何處有衡門田中問孫子

田家詩

磽确土無膏人棄為原陸釋子云西來挂笠結茆
屋學空易為悅機熟遂眾欲姬老苦力田薄言往
種福日出聽談經暮歸悔碌碌惟我喜飲酒醉鄉
數往復酒醒春鳩鳴踏月起浸穀所願穀抽芽生
理良已足學空兩言見空幻易於動人也然福田之虛
無執如力田之實獲乎飲酒浸穀乃見本分

卷二十五 五

教忠堂

雨夜懷雲長老

寂寥湛深夜青燈照空宇花發嶺頭梅人聽窗間
雨情虛遺衆緣境清望真侶釋子卧雲居幽襟共
誰語

晨詣南園采蕨

閒居窮篇翰理生愧無術隔屋聽鳴雞啟扉看曙
色逶迤板橋西俯仰清溪側薄物世所遺采掇欣

有得悠然盈傾筐。延詠忘朝食。

題美人歲朝圖

和氣散林泉。江梅香滿屋。佳人愛新節。朝光畫眉綠。素琴靜清聲。脩然倚脩竹。不須粉繪如見美人覺周防諸人祇傳形似

月蝕詩

庚辰七月夜十五。清光圓圓燭天宇。斜明刮露侵窗扉。蟄蟲亥豕眼分數。俄驚蟾蜍入絳津。姮娥孀獨含悲辛。氣嬌力怯不相敵。四分五分挂半輪。九分十分明光息。斗牛氣亂渾如墨。望舒鑣轡頓金樞。棟傾舟覆迷南北。吾聞皇天無私泰。階平二紀國朝詩別裁集

卷二十五 壬

教忠堂

寒食日龍友于旦招集歸愚書屋感舊述懷

用昌黎寒食出遊韻

一百五日倏復來。羣陰盡剝陽氣盛。惠風出谷雲霧開。霽色花光共輝映。病夫寂寞臥蓬蒿。囊空莫與繁華競。忽逢朋輩遣長鬚。招我城南共遊詠。林塘歷盡入溪灣。到門始覺日影正。滿堂豪翰筆不停。猛氣紛紜鼓已更。曹鄴淺陋真小邦。曷敢與抗

惟稟命憶昔橫山有遺老。海內獨司騷雅柄。良辰燕賞集嘉賓。泉流風發交相慶。當時豈有文雅飛。

但期不失門人敬。詩壇十載淪荒蕪。墓門草塞音容覓。荒郊茆屋畫閉門。得句欣欣謂子聖。那堪畏友今盈前。陳劉應徐四座併鉢心。劇目豈人工。文章窮渺出天性。洪濤初過澄波鮮。平坡未盡奇峯橫。諸公才調皆挾天。如予只合還荒迸。奈何並轡得聯鑣。好醜妍媸同。一鏡雕蟲小技不足豪。正變源流那能政。由來天物忌刻削。萬事終須蓄餘勁。日斜投筆酌深杯。束手高齋聽號令。中一段感舊述懷悼橫山先生已亡

國朝詩別裁集

卷二十五 壬

教忠堂

無人主持風雅也一氣卷舒略無痕迹○連上一章皆三十歲時作

冬夜懷天寧臺長老

野塘無暮杙燈暗識深更。溪盡斷人語。月明聞櫓聲。薄帷塵夢冷。趺坐道心生。遙憶安禪客。龍眠萬慮清。

謁韋刺史祠

平生輕吏舍。祠宇傍官牆。誰載花林酒。來分畫戟香。道心棲野寺。詩思冷秋塘。日暮瞻遺像。斜陽正滿堂。

牡丹

深院東風入。開簾香氣清。名花愁未摘。獨立殿殘春。格貴誰求價。庭空欲避人。玉臺今寂寞。對爾覺傷神。此因牡丹而悼亡也。五六語獨見清新。

杏花

零落江梅恨別離。小樓人靜倦吟詩。孤村花發春當路。十日雨晴紅滿枝。谷口耕夫歌斷後。壇邊漁父棹回時。南軒老樹誰相賞。日暮淒涼傍酒旗。教忠堂

文君酒半里紅歌宋玉場自是凡筆此則清遠過之論品格不論風藻也

遣愁

老屋歌斜掛薜蘿。柴門寂寂斷經過。擁堦梧葉落國朝詩別裁集卷二十五 完 教忠堂

無數帶雨黃花開正多。三易龍蛇輕動蟄。二南鐘鼓自平和。素心人遠誰同調。絺綌淒風獨放歌。動蟄則海

各生焉平和則吟蟄汎馬二語已見易詩大白

邵曾訓字楚園江南無錫人諸生。楚園書法力追晉人邑中人。士多宗之。自王虛舟吏部移居無錫人皆舍邵宗王矣。輕道藝重人爵不勝慨然。

蠶婦吟

姑采塙下桑。婦采陌上桑。桑葉昨嫩今日老。天氣今晴昨日好。一解嗟蠶無糧。婦詛枯桑。鄰桑沃若蠶早熟。四月新絲上杼柚。種桑亦愛枝葉多。空抱本根奈爾何。二解守候蠶眠不思卧。麥秋寒覺夜難過。

蠶荒舅姑怒。蠶熟新婦苦。三解今年四月少晴時。蠶病家家不出絲。新絲價長舊絲上。舊絲未贖新絲當。四解有絲不上身。有絲不賣人。縣官徵比已赦租。家主只恐無。無膚五解古意古聲

落花詩和韻

三章得義山之一體者

王孫何事不重遊。零落樓華略似秋。燕蹴恰逢沾舞袖。風扶猶欲上歌樓。今生約已東皇判。未了緣從夕照留。色相由來摠無著。有生只合住丹邱。第四

國朝詩別裁集

卷二十五 三

教忠堂

得無情者有情今生約未了因天然對偶合之感舊二章知借題以託興也表回吟誦無礙奈何

感舊

玉洞桃花也自紅。擬將爛漫答春風。豈知狂客歸來晚。零落青山碧澗中。

習靜長翻般若經。每依月觀與風亭。自從環珮無消息。蒼馬丁冬不忍聽。

殷譽慶

字彥來江南江都人。王漁洋嘗稱殷彥來之才憐其居抑未遇余未與相識覓其稿不易得矣於友人處得近體

玉山亭

萬頃澄光倚翠屏。磯頭縹緲峙孤亭。窗收吳楚千

帆白座。揖金焦。兩點青。高岸浪。交遙似沒。危崖木
落倒堪聽。扁舟待渡。依江滸。疑有魚龍積氣腥。

暨陽懷古

此地勾吳戰壘開。尚餘重鎮楚江隈。城邊斥堠連
天遠。海上魚龍捲浪來。黃歇塚荒迷蔓草。延陵碑
古蝕蒼苔。西風入夜鳴哀角。并和砧聲徹曉催。

李嶠端

字蒼存。江南盱眙人。著有焚餘稿。○王漁洋稱蒼存詩
文從衡有奇氣。江淮間才士今讀其集。工麗之作居多。

寒日登寶積山與客談宋南渡事懷古有作

自注宋與金和於此
山納藏帶固以得名

愁雲萬疊鎖層峯。石徑猶疑戰馬蹤。南渡衣冠慙

國朝詩別裁集

卷二十五 圭

教忠堂

小國北人臣妾視。高宗金繒不惜拋流水。社稷何

曾復故封。登眺枉為韓岳恨。夕陽寒寺一聲鐘。

芳樂苑故址

王氣江東勢漸傾。紛紛土木壯臺城。苑從趙鬼歌
中起。花向潘妃步底生。蔓草久依馳道長。清塵無
復屬車行。山僧莫更談遺址。落日秋風只雁聲。

鬼之言起芳樂苑鑿金為蓮花貼地。今潘妃行其上曰步步生蓮花也。
三四屬對已盡芳樂之概。下就故址言之。落句與前寶積山一結相似。
唐人詩丁卯亦每有此病。

仲春漫興

午困常貪睡不醒。殘書架上任零星。年饑未敢呼

庚癸命賤何煩問。丙丁疎幕婢留飛。燕路小窗童
挂護。花鈴春來頗說山遊好。愛惜芒屨懶踏青。

不洛
小家

張元昇

字時升。江南江陰人。布衣著有半園詩。○半園早歲壯遊
中年後隱居荒江之濱。不與人接。吾友王子韓起時為余
誦其佳句。然欲一見其人。無由也。既讀其遺詩。韓起所誦之句俱
不入選中。意者自嫌工巧未歸高格耶。余嘗寄詩贈之中云。潮回
疑鉅岸。雲動欲移山。穴並壘。休
鑿門。同乘里關傾側之者素矣。

坐友人東軒對月

今夕不為樂。明月竊笑之。故人有好懷。招我坐軒

墀。涼風颯然至。葛巾吹欲欹。金樽泛清醕。滿酌不

容辭。蕭條人間世。昔人渺難期。作者詩學杜陵一
起又知似太白

國朝詩別裁集

卷二十五 圭

教忠堂

舟中

一身嗟浪迹。九月更浮舟。宿鷺依蘋岸。寒花逐亂

流。江雲昏對雨。市火細明樓。漂泊孤帆暝。悠悠動

旅愁。氣味近杜
不在形貌

眼復明呈諸舊遊

不信多愁眼。還堪照古今。皇天終不棄孤客。亦何

心。身世且新哭。山川續舊吟。但能從我好。窮餓自

鳴琴。亦笑兀
亦歌機

贈別雲間高日采

兀傲嗟予舊。清狂識汝新。蒼天憐骨格。老眼拔風

塵倚紉寒燈夜題詩異國身從來結性懶相對獨

情親沉鬱蒼涼上章言會合下章言送別詩中章法

乍見真堪樂將歸却可憐亂山孤客影斜日欲離

天別淚江亭上鄉心馬首前淒涼分手處後會在

何年

度隴雜詠

寂寞經荒縣蕭條只幾家邊雲迷古堞嶂月冷清

砧小市都無米居民不解茶破檐門不設愁殺曉

風斜

高秋

國朝詩別裁集

卷二十五 重

教忠堂

寂寞高秋晚微霜下古城西風吹鬢老落葉入詩

清天地孤鴻影關山畫角聲只思歸去好閒卧聽

春鶯落葉入詩清五字苦吟而得

過雁

遠渡湘江水來悲海國秋幾重黃葉路萬里曉霜

愁片影迷寒月孤聲落暮樓西風正蕭瑟對汝淚

堪流

曹叔方以久客夜吟題請予賦詩自注科方楚人時值兵亂流寓

陰江

清漏迢迢夜正闌寂寥孤館劒光寒半天霜墮杵

聲急一院月明人影單海國燕鴻秋思苦湘山烽

晚秋感懷

霜濃日瘦半溪陰一片西風百感侵窮海天高寒

髻影空山木落老秋心年荒貧病堅辭鶴竈冷淒

涼泣問琴却歎吟殘重岑寂更誰載酒過花林五語言無

糧放鶴六語言無柴

夏

弘字任遠江南揚州人殷彥采寄亡友夏任遠詩於漁洋也見分甘餘話中附記於此

秋夜讀九歌

國朝詩別裁集

卷二十五 重

教忠堂

娟娟涼月生虛壁酒罷攤書讀九歌興託美人情

最切思深公子怨何多湘皇淚雨滋鼓竹山鬼悲

風帶女蘿一夜寒砧催木葉洞庭今已起微波末點秋夜

仍開映

春寒

門掩蒼苔一徑中鞦韆閒在曲闌東梨花落地半

窗雨柳絮入簾三日風闌草懶舒紅袖冷啼鶯無

奈畫屏空江南二月韶光賤孤負枝頭蛺蝶鼓搖之

風神無限

孔東塘博士招同人集傍花村

傍花村裏花如雪。撲席浮觴二月時。莫向伶人爭畫壁。雙鬟都唱使君詩。死事活用

廖字人也廣東曲江人諸生

飲酒

萬古此一時。天地為我宅。紛紛各有求。何時免憂戚。我心清且閒。順逆等朝夕。微酣意自佳。興至境多適。悠悠欲忘言。仰睇寒空碧。是飲酒起法

劉祖啟字顯之廣東東莞人貢生

喜鍾鼎是至

草色滿階除。君來獨慰予。人當離亂後。交在死生國。朝詩別裁集。卷二十五 圭 教忠堂

餘冒雨沽村酒。衝泥得野蔬。共談身世事。款款月來初。

王文潛

字清淮廣東南海人布衣。清淮流寓吳中諸拓不偶詩成隨手散去他人能之亦不知為已作也客死同人葬於虎邱之半塘詩一首從友人冊子中錄出

丙申歲春留別松蘿

驛路梅開春正芳。歸心偶動問輕航。經年半醉湖

田上。自注松蘿隱居湖田何日重携虎阜旁。烟水夢魂千里月。

乾坤吟嘯一頭霜。同懷莫訝輕離別。難遣羅浮業

盡荒。留別後仍未得歸卒功於旅寓亦可悲其窮矣

黃河激字葵之廣東南海人著有葵村詩

歸燕

昔別依窮海。今來逐暖風。細微無物役。飄泊有人同。正喜銜花語。仍勞葺壘工。遙憐楚江外。棲止盡林中。寫歸燕而已之去未無定亦在其中詠物詩須如此作

送胡長史從軍鬱林

野燒明虛帳。秋聲落戰旗。可能聞笛夜。相忘在家時。阮瑀工書劄。陳琳解賦詩。知君年少日。曾慕帝王師。

嬌女

嬌女如新月。微光欲照人。眼邊頻顧汝。掌上更無國。朝詩別裁集。卷二十五 圭 教忠堂

玼紺髮剪齊額。紅衫裁過春。歲華看漸老。歡喜入佳辰。比嬌女以新月不類而類情至者知之

邊馬

暴露風霜早。長嘶傍塞門。殺無文梓柳。身有僕姑痕。暮齒愁相棄。成功不與論。殊方來汗血。玉輦日承恩。三四典雅結意深遠明皇用舊將代漢將言外可思

南海神祠

神莫南溟靖海妖。開門風浪極天遙。凌虛臺榭觀初日。排仗魚龍候早潮。祝版御名皇帝署。祠官儀品太常標。地靈不共桑田變。賸有唐碑歷數朝。

翁

誥字元將江南吳縣人上舍生

題金亦陶運甕圖

清談坐嘯晉祚圻五馬南奔避劉石長沙勵志向
中原朝暮州齋運百甕樗蒲戲具牧奴事生既無
聞死何益高論猶堪振懦夫光陰分寸誰珍惜金
君名字慕古人昂藏磊落自寫真雞羣獨立千里
鶴形貌不與尋常論八州富貴非所羨名山大業
當精勤君不見棄官歸去彭澤令祖孫高躅千秋
敬撫松采菊良可師運甕君偏希士行吁嗟乎少
年掣電頃臾過努力不早奈老何及時矻矻休蹉

國朝詩別裁集

卷二十五

教忠堂

亦陶之考為孝童先生能抱淵明之節者亦陶不師淵明而師淵明之
祖意各有取也然亦陶非用世人故云八州富貴非所羨而勉以能惜

分陰用
意微至

郁揚勲字欽諧江南吳江人諸生

憩徐氏北園池上

秋雨晚初霽欲送千里目攬茲一峯翠秀色澹秋
菊奇石疊崩崖歸雲臥巖腹登頓歷易盡穿林下
平麓靄靄謝公園閒門枕山足清暉拂衣袖歷亂
森喬木溪堂雜菱荇沙嶼散鳬鵲圍基曾幾時已
動西州歎因悲平津邸世事變涼燠三詠華屋詩
徘徊倚條竹司寇公北園余及見其盛衰作者此詩應在初零落時
故有世事變涼燠之感今則發為義塚矣曲池之平華

屋之傾古今一轍可勝慨然。此詩稿本所無四十年前
友人遊徐氏荒園從壁間錄出愛其開遠含蘊轉存足篇

吳之驊字鳴夏江南歙縣人諸生。此友生吳太史瑾舍祖也詩
稿甚富理合鄭寄偶然散失祇存記憶二章比於吉光片

羽惜之益
珍重之

登金山塔

踏盡層梯到半空洪流一柱鎮蛟宮羲城近走簷
楹際江海平分拍顧中帝子鳳笙吹縹緲仙人桂
館啓鴻濛三山採藥堪長往我欲歸乘萬里風賦此
過於求奇每流荒幻若此氣足
神完無一閒筆浪墨洵推高唱

出寧羗馬上漫成

亂鴉散盡曉煙濃馬首青橫劍外峰斥堠東連秦

國朝詩別裁集

卷二十五

教忠堂

鎖鑰雍梁西界漢提封天邊鳥道秋無際雲裏猿
聲樹萬重極目黎城何處是西風寂寂下高春

先著

字遷夫四川瀘州人遷於金陵著有之谿先生集。遷夫
自云先世瀘州或云託言蜀地并託言姓先猶明代之孫
一元不知果素人否也詩
有生趣不必以正聲繩之

述懷

勞生百年內患有人之形一身歸虛無萬念偏營
營雖有賢智人惟與憂患并不能棄人紀焉得辭
天刑絕類廢羣生造化難為情已矣何所逃安之
以無爭老氏之學歸到不能棄人紀安
之以無爭仍是孔門一脈矣

堰北水

堰北水一日高一尺十日一丈強。秋來淫雨多。千里萬里洪流長。報水汎人善汨水。入水不愁沉水底。順流一日五百里。自注裏皮移泗水西日五百里脩堤築堰年復年。安得水勢倒行還上天。決口乍塞。塞口決。明年再請司農錢。

病起截句之一

移植甘蕉為綠陰。經年長大已成林。天寒霜落休輕剪。恐有秋來未死心。自寫逆民身分

贈海雲子

相逢炎月亦蕭森。來處家鄉是古斟。自注壽光即古斟國與論

國朝詩別裁集卷二十五 堯 教忠堂

山川幾人物。仕秦王。猛亦何心。自注景略縣人。符堅得王猛與同昭烈孔明魚水

之合然責其不仕晉而仕秦自是正論

邵陵字湘南江南常熟人著有青門集。青門詩以流易為工不出眼前景口頭語自能奕奕動人然一時宗其說者每流入打油釘鉸一爪去風雅遠矣所存一章殊有生趣

江天寺

半空蜃氣結樓臺。漚裏須彌亦壯哉。狠石未能超海去。怒濤直欲上山來。雲堂暮鼓齋時動。煙渚秋帆雨後迴。試向江天亭外望。似萍身世實堪哀。能造奇語

而不入粗浮

國朝詩別裁集卷二十五

國朝詩別裁集卷二十六

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

李 松字靜山江南無錫人布衣著有芥軒詩集。芥軒天真未滿視天下無不善人人有機穢者對芥軒亦無所施生平在春風和謫中也居魯湖之浣香園妻子奴婢蕭然自得晚歲盲於目詩成每令童孫書之

沈莊樗古隸歌

銀光橫陳瀉寒玉。力排龍虎斷鼉足。兵甲銷磨古戰場。折戟沉沙遺鏽鏃。是誰作此古隸書。莊樗先生出凡俗。先生耆年髯蕭騷。手撫碑版情偏豪。蒼崖古廟及破冢。每過其處常周遭。一點一畫無假借。國朝詩別裁集 卷二十六 一 教忠堂

借心摹手追不輕下。青霄紛紛亂栗雨。魍魎呼號鬼神詫。秦有程邈漢蔡邕。鍾繇梁鵠稱神工。有唐鼎足韓擇李。潮魚擅數子推元宗。封碑碑直初顧苓與鄭。簾大江以南稱兩雄。苓也謹嚴筆屈鐵。簾也流宕徒橫從。先生奮起更超越。網羅今古無遺蹤。贈予長箋并短幅。大如盆盎細如粟。玉軸牙籤座上陳。周鼎商彝眩人目。海陽程旭吾及門。善寫丹青頗得名。一見法書狂叫絕。臨摹面壁搜香冥。苦心經營忘晝夜。形枯神瘁戕其生。嗚呼造物毓才稟。元氣君之精力雄。健誰能爭。此芥軒贈先大夫作中開品評

恰如分毫結意從橫恣肆不得以尋常方幅繩之

贈戴南枝

熱血難消白髮新。滄桑閱歷幾番塵。獨書甲子依彭澤。老向乾坤哭富春。畫裏無人元隱士。井中有史宋遺民。一竿何處堪垂釣。流水桃花護舊津。中二以陶淵明謝安羽葆雲林所南連引四人而不見堆垛筆妙故也南枝山陰人備書藝錄法高士讀此詩可以想其為人

宴溪亭翫牡丹感舊歌者

去年清宴此花前。一串歌珠粒粒圓。今日花前追往事。空留白髮照嬋娟。

周龍藻 字漢奇江南吳江人。漢奇為忠毅公後學使奇試士輒冠其書名者大江南北間以歲貢士終藝林惋惜之詩稿

國朝詩別裁集 卷二十六 二 教忠堂

甚夥所錄惟樂府三卷諸體俱未遇目故所收亦止在三卷中

大牆上蒿行

牆上蒿。自誇託根高。根高苦不固。萎落隨風飄。牆上蒿。自喜擢秀早。秀早苦不長。離披抱霜凋。蒿生蒿死曾足計。但恨踞盤難得地。明堂選柱少成材。等閒齊把蕭繁棄。伏波慕良臣。肯逐井蛙住。亞父好奇策。終被重瞳誤。丈夫未遇魚水知。且辦隆中高臥處。眼前富貴輕秋毫。搏扶豈必假羽毛。紛紛依傍何其勞。君不見牆上蒿。見居高位而不能有為不如棲隱蓬蒿待時而出也元辭含意未申此以議論傾吐之

結襪子

豪門積黃金。欲以求士死。君看士有心。豈在飾珠履。慷慨夷門翁。死生一言耳。言簡意足

隴頭水

隴坂遙遙九折長。驅車欲渡心蒼茫。忽聞有水喧道傍。人言此水聲聲別。盡是征夫眼中血。萬古千秋共鳴咽。鳴咽聲流未已。輓轡聲行不止。夜半吹寒笳。邊風四面起。悲莫悲隴頭水。

後怨歌行

藕絲斷不再連。銅鏡破不再圓。即看金屋人如舊。國朝詩別裁集

卷二十六 三

教忠堂

昨日恩情今日捐。情多情少安足計。只道色衰恩始替。驚心最是落花風。偏在溫存旖旎中。妾恨不為珠娘樓。窈娘井。骨碎君前猶耿耿。求凰曲化白頭吟。撥盡紅爐灰已冷。當初離鄉來滿望。登玉階。玉階非不登。轉瞬沉草萊。乃知苦樂真相倚。纔隔衾裯。同萬里。升沉反覆變須臾。縱有容華難久恃。雨落不上天。水覆難再收。只道得色衰愛弛。此即從溫存旖旎中見已。伏絲斷鏡破之根。比青蓮意翻進一層。令人思梁孟之合以德不以色者為可久也。

妾薄命

秋月淒清秋露下。燈花落盡銀河瀉。舉頭悵望女

牛星。翻羨嫦娥長不嫁。

周在延。字龍客河南祥符人。樸園侍郎幼子。

送吳冠五至歷城

白雲縹緲唱驪歌。朔雁迎帆渡大河。自昔吳公天下少。至今名士濟南多。探奇莫負勞山約。觀禮應先闕里過。齊魯當年故友在。煩君問訊近如何。送冠

五美其治之第一也。四語至歷城嘉其地之多賢也。詩能典切便不膚浮。

許世孝。字念皇江南常熟人。副使瑤之子。

二月半

平分花事是今晨。半入深春半早春。楊柳不堪藏國朝詩別裁集

卷二十六 四

教忠堂

燕子。淡黃愁殺翠樓人。

錢良擇。字玉友江南常熟人。著有撫雲集。玉友隨大吏出使海外。又同朝貴使塞外。絕域為詩感激豪宕。不主故常。而所選唐詩又競競規格如出。二人議論不可一律拘也。

觀小妓娟娟舞劍作

蛾眉有英雄。晚妝脂粉薄。短髻白衣裳。窄袖錦纏縛。背人緊湘裙。端捧蓮花鐸。請為當筵舞。佐此良宵樂。取筆漬硯池。授客使分捉。舞急各蘸灑。客漫應曰諾。小立竚無言。左右試展拓。微卓蠻舞尖。撒手忽然作。初如雙玉龍。盤空鬬拏攫。漸如曳匹練。旋繞紛交錯。湏臾不見人。一片寒光燦。直上驚猿

騰橫來輕燕掠胆落迂儒愁傾心壯士作羸童縮
而遜姦人戰欲瘡墨灑密雨叢筆敗硯池涸罷舞
視其身點墨不能著媽然泥人懷腰肢瘦如削見時
文式九舞劍謂矢不能入衆以鳴鏑試之連斷三矢此態墨灑之不能
著點同一神伎也自初舞及罷舞如見其人妙在是美人不是壯夫此
作者極用意處

關山道中

于役方知行路難兼程莽過重關鳥隨落葉下
枯樹人帶夕陽穿亂山廢未江淮愁木酪荷父秦
楚盼刀環李鷹豈有封侯骨甘棄蓴鱸去不還

寄內

國朝詩別裁集 卷二十六 五 教忠堂

六分春色四分過夢斷家山近若何九陌鶯花情
緒少十年夫婦別離多無方賢俊皆簪筆有道乾
坤漸止戈只有恨人歸未得鏡奩閒殺舊青螺三四
語天

然入妙情到最
真不煩錢琢

得劍村寄懷詩次韵答之

亦知信美非我土誰說狂夫不憶家昨夜客窓風
雪裏夢歸山館種梅花憶家成夢夢歸種梅於不著緊要
處寫情語淺情深得古風人之旨

姚飛熊字非漁廣
東順州人

哭亡婦龔鴉人

長御瑤琴撫七絲誰知絃斷即今時文園早死應

無憾尚得文君作誄辭以先死為無憾情何深也然為大作誄
昔先有柳下季妻此偶及文君云尔
當年曾共弔朝雲折得花熏蛺蝶裘不信明春寒
食節為君伐石誌新墳

曾魚

曾舉溪頭鳳尾名魚多瓦盆貯酒試高歌不愁今夜
仍風雨借得鄰船一領蓑

古 易字之人貴州
都勻人貢生

秋夜聞歌

雲停碧落桂飄香竹肉齊聲起後堂壯士尊前驚
變徵美人帳下怨清商繞梁何處傳新譜撒笛誰

國朝詩別裁集 卷二十六 六 教忠堂

家傍短牆流落江南老詞客還思天上詠霓裳

顧 彩字天石江
南無錫人

梅花驛

馬跡車塵暗陌頭遙看古驛入南州渡河芳草王
孫去過嶺梅花使者愁五夜泊船江店火萬山吹
角戍人樓可憐絲管長亭別欲折垂楊不自由

陸 蓀字念爾江南長洲人著有湖村詩念爾天才高曠謂詩
學主性靈以人工集之猶太虛中著浮雲也此言恐開廢
餘中菌毒死倘使之永年加以學力所詣可限量耶

白雲洞

我遊白雲洞身在白雲裏落葉和松風時聞響山

雨石床不可留。清寒逼衣屢。隔塢暮鐘聲。雲留我歸矣。從柳州小記中悟出

遊鄧尉山

停橈費家湖。山翠圍幾重。捨舟事筇屨。漸入香林中。鄧山峙湖濱。峰勢高龍嵒。三萬六千頃。湖派浸長空。花外見晴雪。花裏聞香風。朝煙而夕月。冷冷沁心胸。小憇上竹閣。恍然覩支公。跌坐鳴蒲牢。嗒如吼蒼龍。清音應虛谷。餘響入深松。憶昨西谿宿。醒時聞此鐘。

山行

國朝詩別裁集

卷二十六 七

教忠堂

去祖塋數武。循小徑入。泉聲淙淙。潺可聽。梓籬半掩。蘿屋一椽。有僧居之。樵者置束薪於門。僧鑰扉以去。松風吹衣。蒼苔濕屨。獨行久之。了無人跡。一序清絕似唐人小文字

獨行披荒叢。信步得異境。山色淨杉柳。泉聲寒藻荇。恍疑石屋中。疎磬煙蘿暝。欲問無人家。夕陽照孤影。

次和荃谷寒夜獨坐之作

抱鄰虛堂上。燈前顧影雙。霜林風葉盡。山月正當窗。庭訝翻巢鳥。村疑吠客厖。有懷淞水畔。一葦釣

寒江不著一字盡得風流

過石樓贈山僧不羣

萬峰臺下碧山岑。疎竹圍窓白日陰。僧古已無煙火氣。樹枯饒有雪霜心。洒空松吹飛寒雨。捲壑風泉響夜琴。不是樵人偶相識。那知尊宿在祇林。

王天驥

字千里江南長洲人諸生後家於江寧。千里自命才人作盡燒之身後無子老年作亦無存者茲錄其郵寄二章

孤坐齋

嵐靄日夕蒸。簾櫳氣陰晦。此中得孤坐。可以絕世累。竹翠寒不凋。山光靜相對。高在意外

國朝詩別裁集

卷二十六 八

教忠堂

自笑

自笑塵中老倦遊。繩樞圭竇對林丘。隱之嫁女真牽犬。康伯逢人莫駕牛。縱使無錢休賣賦。但能有酒不言愁。年來心事知何戀。紅蓼青蘋碧水流。

陳鍊

字道泰江南武進人諸生著有西林詩鈔

野望書懷

霜晨閒踏舊魚磯。地僻應憐屐齒稀。何處水雲孤雁叫。滿天風雪一僧歸。杜陵廣廈蓬茅是。白傅長裘犢鼻非。豈獨袁安正僵卧。千村隨在足寒飢。

許懷抱的語中可以想見生平

朱

經字恭庭江南寶應人諸生著有燕堂詩鈔

寡言

隴山多飛鳥。翱翔適其生。鸚鵡誇能言。樊籠苦拘
縈。鐘鼓懸太常。考伐聲鏗鏘。不叩而自鳴。羣謂之
妖聲。吉人以行重。踈人以舌輕。緬懷磨兜堅。守口
心怍怍。

責已

勿謂寸陰短。既過難再獲。勿謂一絲微。既緝難再
白。赴善登崇山。寡過掃塵積。一日省一愆。三月未
盈百。責人不肯恕。責已每自匿。願言砥廉隅。此身
國朝詩別裁集 卷二十六 九 教忠堂

敢虛擲

惜日

江河日流。注難挽。東逝波。羲和日奔馳。難回魯陽
戈。終日但飽食。冉冉歲月過。此後悔失時。荒耄無
如何。浮游水上萍。奄忽霜餘莎。勉旃復勉旃。慎無
悲蹉跎。以上三章各章讀之幾欲通身汗下○嘗論詩貴理趣不貴理
語然所謂理語者如明代白沙楓山諸公每以語錄成詩不無
泛腐若切已箴規可以省身治心者又當別論
蓋有覺德行基命有容雅頌中不廢斯言也

徐

恪字昔民江南江陰人貢生

桃葉曲

春雨木蘭舟。春風桃葉渡。嬌鶯自在啼。雙槳橫塘

去。橫塘繞山斜。一徑采山花。門前舊湖水。還對莫

愁家。三月桃李飛。四月薜蘿歌。五月南風來。谿頭
長蓮葉。蓮長過人頭。折來寄西洲。西洲望不見。煙
雨空江樓。樓前雨如絲。樓上煙凝黛。日暮瑣窓寒。
風吹雙縷帶。雙帶結同心。江深情更深。相思不相
見。獨自理瑤琴。瑤琴復何許。憶得橫塘語。郎從蓮
葉翻。儂比蓮心苦。千里下關山。不將書報還。夢中
金錯剪。擊碎雙鴛環。殷勤再三道。西風寒料峭。只
恨柳絲輕。莫遣桃花笑。昨夜佇回車。葱朧聞井鴉。
那知風雨隔。望斷長風沙。全學西洲曲神行
于纏聯紫鎖之間

國朝詩別裁集

卷二十六 十

教忠堂

謁方景二公祠墓

蒼松吼靈雨。白日搖孤光。宗臣儼像設。肅拜趨祠
堂。成王周公辨大義。聲雷破精誠。動星象。袍笏飛
秋霜。當時棄朽骨。匿跡埋山岡。後來公是非。何曾
恕。文皇年號削建文。瓜蔓屠忠良。一死明大義。萬
古扶綱常。鍾山石馬蹲。孝陵寢殿荒。雲旂肅奔虜。
千載遙相望。成王周公一聯指方公精誠星象一聯指景公下台言
之是非長存不恕文皇人心所以不死也此種詩乃不
作佳

張

劭

字博山浙江嘉興人

華山

青柯坪上即蓮華千尺珠簾雲半遮南跨長空橋
一綫西探毛女洞三花仙人樹裏鞭銀鹿方士巖
中煉赤砂陡覺天風吹兩腋扶搖如御碧雲車

顧紹敏

字嗣宗江南長洲人廩生著有陶齋詩鈔○嗣宗屢試南
北闈終於不遇晚而著書自娛亦足悲其志矣詩自中唐
以下兩宋金源元明無不合咀采擷索而成家平昔論
詩以情韵為上風骨次之故稿中詩品亦恰如其議論

修禊六章

丙戌上巳集王氏歸田園因做蘭亭四言

集右軍叙字同集者秀水朱檢討竹垞先
生商邱宋公子微峰崑山徐參議自強主

人蘭圃父子

國朝詩別裁集

卷二十六 土

教忠堂

幽蘭在室修竹在林俯視流水于山之陰靜觀萬
化情與會臨永懷昔者有感斯今

言暢蘭抱時和羣集豈無絲竹樂此永日林映幽
湍春生虛室娛情山水興懷作述

欣此和宇感懷昔賢至人無妄其樂也天風詠臨
觴相與晤言斯文有作可以永年

有水既清有山既崇修林映日蘭帶隨風娛此暮
春天宇和同大人觀物萬化無終

有懷長水其流激清天誕大老惠此後生暢詠絃
絲列坐林亭觀文察幽靜言永聽

左帶長林右臨清曲有亭有舍有蘭有竹有文有
絃可以誤目崇情朗抱暢然自足

唱茲偏於集字中得之神來之候非
關人力作者亦不知其然而然也

觀物觀我感時樂天即
準諸永和諸公並推高

牧牛詞

秧鍼短短湖水白場頭打麥聲拍拍絲楊影裏繫
烏犍雙角彎環卧溪碧晚來驅向東阡行躡角上
牛鞭兩聲短童腰遂唱歌去草深撲撲飛牛蟲但
願我牛養黃犢更築牛宮伴牛宿年豐不用多苦
辛龍上一犁春雨足

澹泊居花下招同惠仲儒鄭季雅沈歸愚徐
國朝詩別裁集

卷二十六 土

教忠堂

龍友王斗文小飲作歌即送季雅入都

清明雨過春濛濛情懷索莫如寒蛩西河有淚久
嗚咽夜半夢驚驚惺忪古香荒土劇新塚一杯清
醕澆蒿蓬書齋魚尾鎖寂寞蛛絲罥席垂簾櫳誰
知造物每多事也復亂發花叢叢鼠姑兩本色欲
絕開軒一笑驚春紅家人怪我少歡緒依然羅幕
張輕風竹萌如玉鱸如雪好友招集開醅濃索郎
快觀碧椀凍花光酒色相瞳矐清平三調久稱絕
元與一賦誰爭雄諸公才思並清俊妍雅合度吹
笙鏞所疑雲龍本一氣愈何軒達郊何窮飲停鄭

子語刺促。忽尔言別。辭江東。榆錢散打綠陰暗。黃沙撲面飛蓬鬆。去年作客太無賴。秋南春北。隨飛鴻。何如束腹卧窮巷。書細讀。聽長松。鄭子掉頭意。不尔令。我愁別。悲忡忡。一路平平。叙去主意在送鄭入都。見出不如處。果能薄身厚志。窮居亦足自樂也。贈人以言。猶見古道交意。得此一段。遂覺通體皆活。時主人夢子起手從此叙入。

桐廬道中

三日錢塘路。春遊逐釣輪。水生蔽子瀨。花發謝公村。沙鳥隨潮集。煙螺帶雨昏。不聞越女唱。誰遣客中尊。三四何等見成。

汨羅怨

國朝詩別裁集 卷二十六 古 教忠堂

天意難重問。王孫不可留。未能捐楚珮。只自托湘流。有美傷謠詠。無情怨塞修。夫君終不悟。芳草寄離憂。

菖蒲潭訪艸山上人不遇

莓苔銅井綠。西下菖蒲潭。芳草迷行屐。梅花覆小菴。白雲疑度澗。香氣欲浮嵐。不遇文殊老。牽門上竹籃。

秋夜聞笛有懷

雨過秋堂夢不成。旅人獨坐夜淒清。竹梢露下鶴初警。牆角月明蛩有聲。舊恨每從燈底得。閒情只

向笛邊生。誰憐一掬窮途淚。獨有陳留阮步兵。山南作求

秋日感懷

霜染林皋木葉催。蕙葳秋水隔重隈。美人有怨收團扇。狂士歌呼托酒杯。映日芙蓉依淺沼。撩寒楊柳下荒臺。子山詞賦傷搖落。秋老江南亦可哀。

夢醒孤窓細雨斜。賸將薄病對黃花。心情略似窺籠鳥。歲月渾如赴壑蛇。楚國有人憐息婦。蜀箋無信報秦嘉。天涯知己誰相問。好負羊裘上釣槎。鳥爲

平仄兩收

國朝詩別裁集 卷二十六 古 教忠堂

秋來無事不傷神。風物從教又一新。沙鴈隔雲將別浦。寒蛩覆葉漸依人。中郎應自憐焦尾。巧匠何堪笑斲輪。只有閒情忘未得。柴門還對舊松筠。三詠

中便帶比興。當合言中言外求之。○寒蛩一語。狀寒士依人。見王祭馬周未遇時。俱不能免。爲之慨然。

贈山陽程爽林

無端意氣漫崢嶸。知己天涯涕欲傾。駿骨可能招樂毅。狗屠從此識荆卿。論交不忘期終始。有道真堪託死生。與尔蒼茫同弔古。黃金臺畔暮雲平。爽林

好義能赴友朋之難。有遺真堪託死生。一語足以見其涯略。

渡江

驛路長亭復短亭。柳花漠漠畫冥冥。人歸冀北衣原素。山到江南眼更青。雨過夕陽看度鳥。風來遠浦數揚舠。開尊且酌高郵酒。不共靈均歎獨醒。

聞不遇渡江而歸也。三語反用素衣化為緇句妙於點化四語倍形南還之樂。觀當山境者始知其工。

秋柳和亮直韻

江南何處迥添愁。眉葉腰枝逼杪秋。一帶殘黃鴉數點。斷腸正在水西頭。

西風一夜報新霜。衰柳寒煙澹夕陽。愁煞青衫白司馬。永豐西角泣秋光。

徐夔

字龍友。江南長洲人。廩生。著有西堂集。龍友負才高俊。讀書一二遍終身不忘也。與子結詩。時專學昌黎。芒角。

國朝詩別裁集

卷二十六 五

教忠堂

四路之廣南學幕後醉心義山。謂以男女會合喻君臣事。使傳風。聖宗旨格律又入一變。美年五十。殁於廣南。龍歸廣南詩散失。茲所收者皆向年別集論文時作。讀其詩猶見其尊酒浩氣。胸襟也。○注義山詩與朱長孺注互有異同。與惠定宇棟注王漁洋精華錄已經行世。

移居贈永夫

吾友永夫古狷者。不義予之弗受也。十年卧病時掩關戶外。紛紛看野馬。當年側身五塢山。予亦結廬山之下。已畦先生盛生徒。損斥偽體親風雅。時予年纔十六七。不克升堂聽誠夏。韓門磊落多奇才。鏐鐵銀鏤盡鑪冶。永夫之詩比昌谷。永夫之窮過東野。先生曰。吁。子來前有粟可分。館可假。朱門。

時亦饋梁肉。掉頭不應。如聾啞龍地道。厄先生殂。侯芭有淚。時傾瀉。幾年漂泊東西游。到處逢人皆竊罵。尔我重訂雲龍交。歲惟作噩月當且。新知落

落無幾人。略如陶謝結白社。解溪沈子筆最奇。手掣神光乞紺鬚。詩田吳郎多態度。婀娜欲弄河間

姹。永夫出語必驚人。鏤脇穿心慎揮洒。自節以下皆無譏。兒子紛紛鄙紈袴。一日對我頻縞眉。鄰家

老婦顏如赭。惟鵲有巢鳩。居之依舊淹留無片瓦。入門家徒四壁立。短衣往往不掩踝。孺子黑瘦弟

凍皴。新詩盈帙欣可把。近來又復學古澹。刻玉作

國朝詩別裁集 卷二十六 六 教忠堂

鈎改作鏐。囑我試作移居詩。萬壑冰壺雜土苴。永夫永夫叙君生平。有如此嗚呼。吾意其誰寫。

此章尤神似寄玉川先生作蓋永夫之怪奇寒餓原與玉川類也。此種筆墨吾黨中恐無第二手。

苦熱

衆星夜出如張羅。更深月黑天無河。梧桐無聲竹森立。毒霧著體心煩苛。吾吳自昔稱澤國。襟帶江海。中盤渦。時當朱明司夏政。綠楊匝地清風過。晚涼理榜入浦溆。鳬鴈飛起穿菱荷。竭來炎官執柄令。赫赫火織高嵒我。煖地雄虺醺人骨。磨牙螫尾餘公。膺蟻慕龜固同類。洒灰不禁其如何。日輪。

當午。照下土。操鞭弭節。非義和雷師。無權阿香死。
造化誰爲司。天戈舊時靈。雨不復作。坐見舉國來。
奔波。吾聞堯時十日。出草木焦。卷同蓬科。彎弓射。
烏。隨羽翼。此事荒遠。疑傳譌。天心仁愛古所著。茅。
茨土簋知無佗。方今泰階四時序。陽侯何事收滂。
沱。中田無雲日杲杲。春可無麥秋無禾。珠簾冰簟。
正愁絕。何況賤子。嬰沉疴。安得白雨洒。秋令擊壤。
一和陶唐歌。炎官執柄以下。淫肆言之。軒然起大波。不使人一覽易盡。

蔡將軍歌序

將軍諱人龍。吳縣人。明天啟壬戌進士。授

國朝詩別裁集

卷二十六

教忠堂

潯州守備。平猛力戰。死于至中。率死士入。
賊巢。獲父屍。執劇賊歸。徭人散走。潯州平。
詔贈遊擊將軍。

潯江萬重山。門戶爭一峽。賊兵巢其中。出沒後孫。
捷將軍。慷慨真人雄。南入百粵西擒戎。有子驍勇。
如奉。科前身。應是周盤龍。均房山。斷無鈎梯三軍。
前行路欲迷。大星昨夜墮。如火黃雲間。聞天爲低。
豺狼轉多路。轉惡將軍勇氣十倍作。左右盤空。擣。
寶刀。頭顱滿地。馳風颭。深林密箐。伐鼓急。戰馬悲。
鳴。軍吏泣。仰天拔劍。振臂呼血。灑蒼穹。據鞍立長。

君年少忠勇。俱義激諸軍。馳百夫。背負髑髏血。糢。
糊深入賊巢。執其俘。咸陽一炬。狐兔盡。大藤險惡。
今坦途。男兒要自獲死所。慘澹陰風。足千古。卞壺。
握爪誰其儔。溫序銜鬚。此可數。軍前將士。手口瘡。
隴上歌。成血淚。枯矢窮兵。盡無時。無如公父子真。
丈夫。嗚呼。如公父子真丈夫。平潯州者。將軍子至中。入手先。伏有子驍勇如奉科。二語下深。

觀秦丞相李斯鄒嶧山碑

碑在鄒縣治之右。宋元祐間。縣令張重摹。
上石。無識其字者。予爲書一通付胥吏。

國朝詩別裁集

卷二十六

教忠堂

魚膏燈滅。銀雁飛。荒陵火入。化寶衣。輶涼骨。臭已。
千載。何況金石埋。煙霏嶧山之碑。野火燎。棗木傳。
刻形摹肥。誰爲伐石。矗立此。大書深刻。高巍巍。細。
觀似同騎省本。相斯刀筆存依稀。我來下馬坐其。
側。以指畫肚。窮是非。蛟鼉斫斷口。難讀。無異石鼓。
驅駢駢。訟庭清寂了無事。二三老吏閒倚扉。見我。
口誦竊相語。授以紙筆。立周圍。爲書一通。導之讀。
得所。未見驚且歎。當年祖龍踞周鼎。剪除六國如。
驅羶。井田封建蕩滅盡。剗削仁義爲不機。相斯佐。
之更新法。謐深督責。唯刑威。東行郡縣上鄒嶧。鐫。

劉崖石昭日暉丞相臣斯臣去疾咸昧死請無從違其辭直欲邁三五讒詔面諛紫亂緋嗚呼夏殷周禮至此極千古覆轍堪悲諒方今廟堂慎旌別登崇俊良絕脂韋淫朋比德豈宜有盡不去此玷翠微請刻幽風之七月使彼長吏朝夕知民依嘉相手書本不足貴况又宋代翻刻耶欲剽除之而更立風七月之詩光明正大昭如日星

登北極閣

傑閣高空近玉京凭欄一望起秋聲龍蟠虎踞興王地白石清江過客情豈有占星周內史更無餘絕魯諸生由來陵谷隨時異滿目寒雲下古城閣前

國朝詩別裁集

卷二十六 元

教忠堂

觀星處下為國子監
倫堂故五六語及之

聞笛有憶

江月光盈江水深江干忽聽老龍吟誰將清夜桓伊笛吹入山陽向秀心回樂峰頭胡地管洞庭波上楚人砧天涯一種秋聲急雪滿江南孤客簪格高

頸聯乃推開旁機結意一
并收拾粘滯者不辭此法

大雲菴訪子美舊址

白石巖扉挂薜蘿法雲深處鬱嵯峨春風喬木鳥初下夜月空庭人自過賓客縱能齊擯斥文章終不廢江河鷺鷥飛上石枰去猶聽滄浪水上歌言王

筆能借飲酒細事一網打盡正人而于美文章不能使之不傳也若閒閒寫景便是尋常筆墨

江東

青蓋曾傳入洛陽石文天冊更荒唐金椎有日沉江底木柿何年下建康已見樓船來蜀國豈容帝座設南方江東世業飄零盡愁殺平原著辨亡通首

秦淮雜詩

半山堂屋草萋迷介甫聲華認舊蹊欲紀元豐天子聖天津橋上杜鵑啼哲宗元豐紀年係宣仁太后秉政其時君子滿朝自宣仁崩政元紹聖羣小以紹述為辭而貶斥正士批擯金人至於南渡矣所紹述者王安石之新正也詩中意在顯微之開此種用筆最近唐人

國朝詩別裁集

卷二十六 元

教忠堂

鄭

字季雅江南長洲人○季雅少年詩以日羅桃花米五升秋聲只在豆花棚得名猶徐昌穀文章江左家玉煙月揚州樹樹花也後一變奇古駁駁升大雅之堂朱竹垞先生極推賞之有吳人狂鄭生獨猶吳人詩靡鄭生獨剛之語蔣文肅亦奇其才然不欲因此求進其品亦有可觀

月夜宿院中小閣

暝色起平坡鐘聲滿山戶一禽忽驚聒涼月已復吐窓櫺色如水松葉紛可數松下坐白猿鬚髯極清古松月夜窗虛渾然月夜景也徘徊諦視則松葉紛可數矣古今人各有其妙

送族弟瀛洲之官安縣七十韻

朝廷設令長蓋為司牧計遠近豈異倫小大無二例要令瘠土民俱受撫字惠盤錯如朝歌虞詡乃

徑詣王遵經九折叱馭不留滯。奈何仕宦者擇地
須佳麗。未論縣緊赤首欲繫租稅。其次問關征。再
喜有郵遞。意在搜羨餘。那肯顧一切。必得鄰近邦。
方免怨迢遞。苟遇脫鄉輒自長拂戾。豈知遠方
人。同是版籍隸。既已身許國。安可避勞勩。二者在
今時。錮習亦陋弊。疇能力矯之。因以風當世。子本
媚學徒。經術固根柢。探囊取甲科。志氣莽精銳。區
區百里秩。不足當睥睨。要登千仞峰。聊從一邱隴。
今年始牽絲。僻在秦隴際。瀕去忽量移。重得巴江
蒞。計程香五千。封疆挾畛畷。旁觀見尔尔。動色為
國朝詩別裁集

卷二十六 主

教忠堂

恠恠子獨貌怡然。西望便振袂。曰惟古蜀都。陸海
富刀幣。汶州在北面。劔閣門戶閉。浮山嶂喋噪。黑
水波溶溶。陰壑集猿狖。廣澤潛蛟鱓。虎落帶梭桐。
人家暎筍筍。芋田收每倍。種布美莫媿。自從崇禎
末。豺獍肆狂噬。遂令周餘民。斬刈猶草薶。今雖漸
生聚。彌望尚凋敝。所賴賢長官。煦嫗流愷悌。頗聞
近年來。為政復猛厲。曠土乍耕獲。賦有日增勢。譬
之篤疾。後大虛損。榮衛參未。未暇投反。進野葛劑。
予去慎針石。蒼生命所繫。今人席未暖。往往即思
替入貨。乞銓除章紱。郎曹綴不思。尔拜爵慟哭幾

家斃。勸子勿欲速精神壯年歲。況此號邊方。銓司
有新制。循資易騰遄。誰敢踰次第。笑彼事臺憲。趨
承竭智慧。璀璨黃金盤。磊落堆火齊。偃僂納階前。
惟恐目不睇。子寧負生平。冰操應砥礪。當今四門
闢。賢否難障礙。果能飲水清。自尔動。天帝我與
子同宗。吳越分支系。昔侍寒村翁。授經托深契。羣
從惟子賢。與我交早締。論心十載前。遊跡滿燕薊。
今春又對床。直至鳴蟬嘒。非但外形骸。居然老兄
弟。是以傾肺肝。知能恕狂囂。衣襟涼露濕。征路浮
雲翳。褒斜懸棧險。桔柏共流迹。前旌煙外飄。後騎

國朝詩別裁集 卷二十六 主

教忠堂

林梢繼聲聲。杜宇啼物色。淒沙內。弔古女郎祠。握
筆多清製。此邦稱漏天。從來少晴霽。地濕嵐氣重。
加飯宜子細。我方狀風塵。擬泛太湖棹。將從綠毛
仙。金庭守杉桂。未敢散萍蓬。何時聚鄂棣。僧廬近
青門。臨別還小憇。杯行莫辭醉。酒盡當再貰。
其郵通校。素餘此初得官時也。補大吏備貢獻已而斃。民命富家室乞
遷除此既之官後也。篇中窮形盡相言之。若從何處看。得此無人能耶
中望瀛洲。願清為流。惜悌。此遠方民得古人易勉之意。○寒村翁金
進士。穀似名居。敬紛。繪古學詩。見重於漁洋王公。惜身後散佚無存者

援龍松歌

管聞散花塢中片石峰。破石孕出千丈之奇松。今
觀非松又非石。但見虬枝夭矯向空立。得非寶子

明汶陽放釣來相迎。又疑軒轅帝。拔髯飛騰在雲際。上有鐵幹五鬣長。絕似爪角森森張。下有溜雨霜皮在。鱗甲斑斑色五彩。我欲繫之雙赤緇。雲霧晦冥恐遁逃。凜冽千年遺積雪。慘澹六月聞寒濤。吁嗟乎。秦封大夫寧勝此。何為偃蹇深山裏。一朝絕壑雷雨起。看尔東行入海水。松在黃山之始信峯。即所云帝松也。今為鄰郡人盜其信然耶。

夜光木歌

我聞拘弥之國有變畫之草。豈知興州直北灤河東。更見夜光之木生蓬葆。野人劇得盤曲形。皮膜剝盡肌瓏玲。黃昏扃戶置床側。煜燐幽燄騰寒廳。初疑唐居士剪紙貼壁弄奇詭。又疑佛圖澄敗絮塞孔照耀同明燈。髣髴贊社湖中見。神蚌吐珠映水面。得非放螢苑裏遊。冷氣射骨涼颼颼。短檠牆角真可棄。攤卷還能辨細字。騷童刀削玉瑣碎。燐火熒熒忽滿地。吁嗟尔木上稟太陰精。燭龍之所不棲。羲和之所不及。乃是萬古積雪千年老冰凝。結成是以白日韜晦宵暗。晶明若非周王八駿張騫槎。誰復遇之震且驚。尔胡不學天祿杖劉向閣中伴。書幌尔胡不學牛渚犀。驅逐鬼怪清鯨鯢。徒

國朝詩別裁集 卷二十六 五

教忠堂

然潛伏窮荒外。叢棘柔藤森翳薈。嗚呼。世間萬物得地方榮。滋豈獨尔木歎息不逢時。為師奇。恐凡夜中不燃後不燭盡也。結意氣全抱材不遇者同然。慨息。

題殉節錄

錄善人國初任將樂令山賊大賊戰死

洛陽相君忠孝家。公生浙西乃再見國初閩嶠烽未息。仗劍從軍氣掣電。飛書磨盾動大帥。懷印騎驢治山縣。誰知賊眾捲波來。獨據孤城請挑戰。嗚呼死綬古來有。定鼎之際多觀變。公乎挺戈誓殺賊。不顧妻兒况親串。陣前從死十數人。碧血淋漓濕刀箭。至今廟食延平津。南八將軍同醞奠。死者國朝詩別裁集 卷二十六 五 教忠堂

寒蟬

哀柳古池陰。寒蟬咽復吟。近魚風裏葉。遠帶月中砧。但覺露堪飲。忽驚秋已深。白頭潘騎省。為尔不勝簪。句句有寒蟬。同之然詠蟬。

題陳南麓都諫匡山讀書圖

昔領豫章節。曾看五老峰。今宵直。鸞掖猶夢青芙蓉。邱壑詩中見雲煙。畫裏逢。潯陽數千里。展卷勝携筇。

青蓮讀書谷康樂緒經臺松下軒窓坐巖間卷帙
開玄猿汲澗去白鹿銜花來如聽銀河落砑句萬
壑雷

劉震

字東郊江南長洲人○東郊一布衣傾動公侯匪獨才分
之高由胸襟潔白不為名利動也詩英氣逼人如天谷出
匣晚歲感於斯人者之說謂詩必不循繩尺衆人共駭乃佳自
後隕然放筆迥如二手矣予所錄者俱中年作一存吾友之真

送羅萬峰

佳會不可常客子心鬱陶他時縱復遇何以永今
朝嚴風西北來轅馬鳴蕭蕭積雪滿天涯倦鳥思
故巢黯然離別情泣涕上河橋

國朝詩別裁集

卷二十六 五

教忠堂

駐人生感意氣念子美無度長安冠蓋場心獨切
孺慕揮手塵埃中面目喜如故
皎皎霜前月寒菊滿徑芳光華相照耀芳馨襲衣
裳奈何一為別山川阻且長蓬根在我足車輪在
我腸衷情苟不渝千載永相望

易水歌

田光一死今古難荆軻入秦髮衝冠倉黃當日繞
柱走踞坐笑語神猶完殘忍慘刻賈人子以信服
物非齊桓奈何輕欲學曹沫可憐易水千秋寒高
漸離腫其目人擊劒我擊筑報仇更比漆身苦兩

人後先得死所血隨易水流不止荆高至今猶未
死君不見鮑魚之臭不可聞戍卒一叫驢山焚生劫

劒術之疎荆軻固不能辭而能奪祖龍之魄與高
漸離俱凜凜有生氣也讀至末兩真覺一字一快

畫鷹

李君知我善苦吟圖畫示我開胸襟芳春爛漫忽
如掃悄然動我三秋心陰森一樹龍夭矯尺寸行
間千尺杳千尺高柯立驚鳥筆洗秋空天色老霜
翎如劒自無敵集者欲飛飛者擊庭中花木雀倒
窺過眼一飛如箭激男兒意氣敵萬人安能刺促
老此身一起無力以下霜風滿紙所謂
寫此神駿安充君眼中物也

國朝詩別裁集

卷二十六 五

教忠堂

嶧山湖余紫巖太守同作

扁舟北來太行左柱頰微吟效梁父岱宗千里蔽
浮雲湖波彷彿商羊舞冥鴻亦似畏驚濤天半羣
呼聲正苦春前隄岸今湖心尚有禾苗礙柔櫓主
人詩情最高遠指點蒼茫作懷古秦皇李斯安在
哉嶧山碑斷蒼煙埋君看湖水垂秋漲猶帶咸陽
暴氣來前年極形湖漲後弔古
屢直欲誅凶暴其既死

固關道中

崎嶇天路仄徑絕險摩空直此盤迴上何難霄漢
通陰晴山向背苦樂轍西東百二秦關接重重控

禹功起四語如生鐵鑄成大歷後罕遇此等筆力

甘寧廟

百騎功成後將軍廟貌存春秋還血食風雨正黃昏墓木神鴉拱江聲戰馬奔東吳多俊傑何地有招魂

祖龍

六國邱墟九宇恢更張周典見雄才駕臨東土崇臺構宮壑南山複道開祇見韓隨山鬼至那聞藥自海船來阿房轉瞬繁華歇却與詩書共劫灰詩書終不磨滅阿房一炬蕩為空灰矣作者並論猶為悲語

國朝詩別裁集

卷二十六 毛

教忠堂

望岱

玉檢金泥歷代傳振衣千仞是何年風吹一片青冥色萬朵芙蓉落馬前

峴山

當塗典午事紛紜西蜀山川付暮雲我到峴山無淚灑秋風曾拜臥龍墳無人敢開此口作者公正可以想見

余

京字文圻江南丹徒人布衣著有江千詩鈔子游焦山見山間有文圻石刻詩頗有警句詢之寺僧僧曰此市人也其詩欲令往見文圻曰往役義也以詩為燕雁非禮也卒不往魏公益重之詩格意俱高尤長近體既老從遊日衆然得其一體無能為替人者

畢孝子寧古塔負祖父骨歸里

混同江畔沙草黃陰雲晝翳天無光羈囚廿載老為鬼往往夜哭思家鄉虬山孝子痛父戍賁志窮荒願身赴蕙蘭憔悴悲春暉蚤向秋風委霜露鐵嶺遼河五十秋旅魂漠漠傷淹留雞竿明詔下鰲禁忽許枯骸還山邱孝子遺孤年已壯帝闕奔號請歸葬西曹求檄頒故遲躑躅京華家破喪萬里窮多事遠征饕風密雪踰長城呵冰鬚髮曉每凍聞角區脫宵常驚幽泉負骨旋鄉里馬鬣齊封堂斧似兩世精誠事竟成不愧一門雙孝子其大詩亦足以傳之

國朝詩別裁集

卷二十六 毛

教忠堂

七夕妙高臺坐月

今夕天風爽吹余到十洲瑤臺孤島夜銀漢半輪秋潮響龍移窟江明鵲起樓憑欄星斗近指點說牽牛

白沙王翁百歲

住世憑何術遙遙到百年數君強壯日還在亂離前地老千頭橘囊存萬歷錢兒孫滿阡陌都種白沙田此種詩品可入中興間氣集中

中秋月蝕

秋半蟾光徹底清妖蟊殘夜驀然生匣開塵土蒙

金鏡盤弄泥九汙水晶自滿定知多外侮處高原
忌大分明廣寒宮闕愁昏黑斟酌姮娥秉燭行五語有滿

招損謙受益六語有義旋蔽明辨鑒塞臆意
收昌黎玉川奇肆之作於八句中是何等本事

秋杪薄暮登北固木末樓即事

雁背遙翻落照來樓登木末客徘徊江山曠劫爭
棋局燈火光陰促酒杯萬井人煙秋慘淡百年戎
馬地蒿萊西風歸路吹殘醉雲掩高城畫角哀起句得勢

以下便
如劍竹

八月十三夜焦山坐月同學菴釋巨濤

月出雙峰斂暮嵐臨流久坐借僧菴澄清銀漢露
國朝詩別裁集卷二十六 无 教忠堂

涓滴浩蕩碧波帆兩三龍戲夜珠藏海底雁隨秋
氣落江南惠休有句通禪味金粟香中好共參

十四夜焦山水晶菴看月

薄暝疎鐘隔樹聞海風收盡嶺頭雲住山夢好經
三宿看月光圓到九分天決銀河涵水氣江平水
穀織波紋僧窓不用呼燈火老眼能書白練褰

暮春同吳門沈歸愚登蒜山憩清寧道院

老去攀躋興尚存蹢躅陪客躡雲根天晴煙樹分
瓜步春漲波濤拓海門野馬細縕頻過眼沙蟲變
滅幾招魂亂藤荒草山前路鐵騎曾經十萬屯盧循率十

萬象畢蒜山劉俗以長刀
所破之末句用其事

藉草峰巔片刻留曠觀身世歎蜉蝣殘年歲月雙
筇杖吾黨乾坤一釣舟夜雨苔痕山徑滑夕陽松
影石壇幽勞生多病惟謀藥丹鼎猶存五粒不

雲房杯酒坐閒身白首相知感慨新廡下梁鴻誰
共語樓頭王粲尚依人青山有夢常為客黃鳥無
言自送春歸舫吳門櫻笋熟柳花風起石湖濱無字

文所自謂樓頭王粲謂予也時
予授經魏觀察署中故有是語

焦山山門外坐月

臨江席地坐黃昏入夜微吟冷客魂皓月出雲旋
國朝詩別裁集卷二十六 平 教忠堂

隋水青山隔岸正當門金蛇攪浪光難定巨象乘
潮勢欲奔萬里碧天滄海濶何人騎鶴上崑崙自注對岸

為象山○焦山坐月諸
作精華流露首首可傳

秋杪登清寧道院與漪亭學菴同賦

扶杖登高愴客魂西風黃葉滿前村林間佳菊能
留客江上名山揔到門飯罷楸枰消白晝酒闌鐘

鼓報黃昏暫離城郭無多路便覺漁樵地位尊江上名山

總到門金焦北固五洲皆在檻前也結為布衣增價翁山詩往往有之
○五日泛舟丁卯橋領聯云小橋疎柳唐人宅落日寒潮楚客魂真名
句也因通體未
稍故附錄于此

秦應陽

字含真江南長洲
人官六安州教諭

飛蛾

飛蛾性趨炎。見火不見我。憤然自投擲。以我昇炎火。動靜自有常。躁急適賈禍。明發天宇空。飛躍無不可。惟趨炎故跡急。茫茫六字見我者有。幾人哉一結。天字海闊無適不可。

徐翔鵬字雲客雲南昆明人

普安道中

暮色蕭條歲欲闌。長途猶自赴征鞍。橫穿峻嶺幾千丈。直下危峰數十盤。古樹夕陽鴉影瘦。亂山殘雪馬蹄寒。風塵滿眼愁無奈。始歎當年蜀道難。

葉肇梓字季良江南和州人

國朝詩別裁集

卷二十六 主

教忠堂

橫江詞

人道橫江惡。儂道橫江好。不是浪如山。郎船去已早。翻太白意詞轉似太白

牧牛詞

黑牯力衰行每遲。白犢奔突飲清池。東岡西隴隨力去。牛飢只向草多處。深山牧牛歲月長。繫牛小樹今枯桑。牛食牛眠適牛意。閒來敲石作兒戲。太平牧牛有餘樂。不用將書挂牛角。漢書挂角借以干楊素非真讀書也。韻去自好。

集歸去來辭字為詩追次坡公韻

涉世知無策。還鄉路可尋。孤行聊自善。萬感復何

心雲岫遙扶杖。風泉遠入琴東。泉清絕徑容易得登臨。

富貴求焉得。耘耔樂有期。歸與無不可行矣。欲何之。獨酌向庭菊。孤懷寄賦詩。息交聊自遠。疇復是心知。

不悟今時是。安知昨日非。泉飛還入壑。雲化復成衣。引酒寄情遠。撫琴得趣微。晨窓觀去鳥。日盡自歸飛。無隼字近與坡公相近

汪紹焯字鐵南浙江秀水人歲貢生

項王

國朝詩別裁集

卷二十六 主

教忠堂

騅馬虞兮可奈何。漢軍四面楚人歌。烏江恥學鴻門遜。亭長無勞勸渡河。鴻門之遜為避禍也。推孝惠魯元隨地乞分太公一杯羹。無復人理矣。此詩抑

倒沛公能為項王吐氣

劉伯倫

生死窮通付醪醑。婦言雖好不須聽。利名役役真成醉。只有先生是獨醒。當堂典午間誰非中酒者以獨醒許伯倫喚醒醉夢人不少

邵錫榮字景桓浙江錢塘人

舞劍篇與陸方義

我嘗高詠古人古劍篇。我欲起舞追飛仙。古來劍解七十二。惜哉後世無人傳。陸生陸生尔且前。我

今試舞雙龍。泉長兵短接。須精練。雌雄燭。燦落銀
霞。萬人力敵。莫可當。頃刻風雲看百變。忽徐忽疾。
疑旋蛟。忽連忽斷。驚飛雁。聳躍星流。身不見。雨打
梨花團。雪片陸生。此時觀之。驚絕神。且願執鞭追
後塵。慎勿輕攜此劍。渡江海。只恐雙飛出。匣歸延
津。

錢錦城 字鏡先江南常熟人牧齋宗伯孫

席上詠物分得橘

丹實離離間碧林。千頭聲價重南金。踰淮若改平
生質。孤負當年作頌心。言賢良之質不可變易也乃祖能守此兩言便為東林完人矣

國朝詩別裁集 卷二十六 聖 教忠堂

安期 字亦生江南無錫人

流螢詞

熠熠流光漾水煙。池亭雨歇晚涼天。西風吹墜紅
蕖裏。照見鴛鴦自在眠。池塘中每有此景卻無人寫到

許心宸 字丹臣江南長洲人竹隱太守子

松陵道中

寒雨灑孤城。秋聲滿葦薄。烏啼楓樹間。江空聞葉
落。

戴鑑 字水揆江南嘉定人

孫若望謝珙縣歸過訪話舊有感

劍閣連雲入夢勞。十年重見意蕭條。破巢似我空
三匝。愁髻看君有二毛。不負家風存舊笏。存笏齊松坪讀書處
得歸宦海息驚濤。通門老友無多在。往事閒追首
漫搔。

歲晚入都途中雜詠

迢迢古道客栖栖。風捲黃沙落日低。豈是此身同
代馬。年年只向北風嘶。極見成語道來自佳

王肇 字建初江南太倉人著有鶴齋集。建初隱於市賣餅易食暇則以詩自娛無求於人王冰菴太守折節定交詩成每商之建初建初時有可否藝林兩賢之

丹陽月夜

國朝詩別裁集 卷二十六 聖 教忠堂

辭家未云邁。愁思如春長。誰能見明月。而不念故
鄉舟子揜蓬臥。露下凝清霜。出我甕中酒。斟酌此
清光。忽聞高樓笛。一曲何悠揚。飛音過水來。繚繞
清川旁。彷彿折柳曲。使我中情傷。明發又移棹。回
首天蒼茫。誰能見明月而不念故鄉千古有情入語通體自然不煩些子著力

王琛 字來珍江南太倉人。來珍隱於鶴志。與建初同遇獻歲三旬九食無餓餒容。冰菴太守重其品。亦與課詩時

閒居

佳興在春日。暄風吹散廬。山妻具粗飯。稚子擷野
蔬。歡然適口腹。儉歲如積儲。淡泊氣乃充。無求養

我愚小庭何所有。花竹交扶疎。閒中送余目。歸雲與鳥俱。此生苟自適。焉知歲月徂。淡泊氣乃充。非虛假之氣也。隆中人是當之。

作者亦能言之

蕭趙琰

字幾三。江南宜興人。諸生。按三抱才不遇。年復不永。遠近惋惜。所有詩無幾。皆近食齋腸亦苦。強歌聲無權者言。

為心聲信然

桂之樹

桂之樹托根君之墀。大火當昏鬱鬱離。離桂之樹結葉葉交枝。枝中有丹心。君不知。君不知。含情直待秋風吹。秋風吹君知之。即張曲江丹橘一章。意有節古使人不覺。

溪橋候月

國朝詩別裁集

卷二十六 五

教忠堂

候月荆溪口。初涼橋上生。星長秋在水。河漢夜無聲。農火歸殘巷。漁家話淺更。興來忘所待。人影欲同行。星長十字在賈長江集中亦為佳句。

過淨梵寺弔周瑜城

松濤聽不盡。鐵馬去何之。只有僧歸寺。更無人守陣。亂鶯公瑾曲。遠岫小喬眉。多少徘徊意。春風解纜時。五六語偶然。合不覺其纖。

汪天與

字蒼字江南。歙縣人。官刑部郎中。有沐青樓詩。

西海門

鳥道直穿雲。不暇盤旋上。有時鄰代足。手捫那容。

杖目眩怯回頭。坐穩時一放。精神猶惚恍。心胸為滌蕩。力竭到峰巔。平行神忽王。亟趨西海門。路轉光明藏。千峰劃然開。紫翠呈萬狀。夕陽在東麓。倒射芙蓉障。誰為問巨靈。仙窟何年創。石林置碧霄。玉屏列丹嶂。雲巒一萬重。三神山在望。何須躡仙蹤。且快茲遊壯。子登蓮花峰有句云。四體失所。目眩心忡。即篇中。有時鄰代足。手捫那容。杖二句意也。未經歷者不知此語之真。

穿鰲魚洞度蓮花溝上文殊頂

巨鼇潛海中。何年此遷播。古洞恒陰森。屏息不敢唾。偃僂穿脅出。延緣捫脊過。眼明一松橫。根穿石。

國朝詩別裁集

卷二十六 五

教忠堂

辟破風雲看飛騰。江海幾掀簸。逕度蓮花溝。心胆寒無那。懸崖如泛虛。股栗神已懦。每涉懼不測。佇足欲相賀。降若探龍淵。陟如轉蟻磨。九地升九霄。始達獅子座。蓮花入雲開。蓮蕊日以大。迎送松依然。澗底龍猶卧。至此筋力疲。藉草一少坐。歷歷憶生平。久慣經坎坷。此間覺平夷。無須咎摧挫。步雲梯而上。則足股栗壯夫亦憊。即所云九地升九霄。始達獅子座也。結意翻開有無窮身世之感。

題雪莊和尚小照

雪莊開士居雲舫。三十餘年不下山。何事塵緣消未盡。尚留面目在人間。雪莊入都見重朝貴。幾為塵緣所縛。故作詩以風之。

吳瞻泰

字東巖江南歙縣人諸生。東巖為大司成麟潭先生長子少留心經術思為世用。入省闈十五終不過乃遊遊齊魯燕冀及江漢吳楚間越交詩品日高然以詩人名非其志也。所著有彙注陶詩杜詩提要刪補選注等書。

過虎村上芙蓉嶺

山深異氣候四月正流澌。冰有夏蟲識花無春鳥。

知村寒煙不起徑險杖難支。一線開天實芙蓉更

擅奇。

猶是即今河時水開日正是長安花落時意一經鍾鍊更覺適警

宿松谷菴聽瀑

向晚投松谷青蒼夾洞門。沙流侵客屐筍迸出雲

根凍雀千林靜飛濤萬壑奔。一宵疑驟雨起坐見

朝曦

國朝詩別裁集

卷二十六 七

教忠堂

自題蓮花峰頂試泉圖

萬仞青蓮上梯雲為試泉誰將一勺水引上九層

天氣帶流霞色香無下界煙茶經曾品未興發自

吾先

起步與王右丞萬壑樹參天一章同一起法

送洪去蕪入黃山度歲

怪爾衝寒入杳冥一節萬里破空青。雷奔石底晴

看雨人在空中。夜摘星喜就溫泉除宿垢懶將仙

萸問山靈鼎湖龍去留丹竈元日朝參紫玉屏。宰中摘星

登黃山時真有此景度歲只末一點自高

汪

衡

字禹吹江南吳縣人諸生。此純翁先生長子負才早幼二弟但誇門閥難免柳子鐵爐步之謂矣讀禹吹詩不勝

清門寒

七夕

明河漾金波令節雙星渡那堪一歲愁盡向經宵

訴東方色熒熒離情復如故猶勝遠道人空閨泣

朝暮

漁燈

月落空江露氣浮。蘆花深處宿漁舟。寒燈映水繁

星亂夜半潮迴帶影流

計元坊

字維嚴江南吳江人。維嚴為南草先生之孫希深同學之子。維嚴自好詩有源流雍正甲辰訪予於封溪老屋不值而返寄詩三章已臻古淡今雖散佚每一追憶如夢如夢不勝惘惘也

國朝詩別裁集

卷二十六 七

教忠堂

勵志詩

青青園中林並望成嘉樹。或者干雲霄或者苦顛

仆豈真托根殊亦異灌溉故人力不滋培棟梁安

得具而何蚩蚩氓榮落委天數。見大有為者貴以經術培其本根也通首比體

士人之奇才動輒咎貧賤豈處貧賤中抱負遂難

見曲逆方宰肉一鄉已稱善諸葛當躬耕三分定

佐漢內反無足憑氣餒徒炫亂不見玉韞山與石

自有辨。貧賤中正可樹立根其激有志氣人不淺

鴆毒惟晏安古人戒自適所以陶士行運甓日累

百破賊石頭下精勤由素積奈何卑棲士嗜懶如

有辭志為氣之帥。志銳氣自役。願師聞難人無蹤。

嵇阮迹

南朝八達流弊。是士品足壞。國家標出陶侃。劉琨。最有宜識。

述興

人方危苦時。薄施輒感德。自昔奸雄輩。持此羅上客。蔡邕依董卓。有才而無識。受恩施殺身。士貴能挺特。所以孟夫子。鋪設戒樂克。見因不失親。不可輕受人惠。

徐志巖

字象求。浙江德清人。歷任開封。北河郡丞。著有抑齋詩稿。

諸子會課

劉勰論文心。陸機作文賦。何如對聖賢。孔樂顏可鑄。誰云制義作。苟且敷章句。精理挾天人。宋儒可國朝詩別裁集

卷二十六 元

教忠堂

沿沂春風吹衡門。草堂開藝圃。素筆集生徒。齊侍先生屢授簡。復拈題。一一申毫素。周情與孔思。靜中許良悟。或疾如湧泉。或遲若窘步。中正期徐臻。狙詐願屏除。去述古有餘歡。面規良足懼。佇聞正始音。雲山有韶韻。和平之音不流於腐。近日割裂盛行。中正少而狙詐多矣。作者獨能防弊於未然。

濛濛

灘捲千堆雪。山藏一線天。當秋茅瘴合。亭午旭光偏。怪鳥啼深樹。孤猿嘯冷煙。平生仗忠信。不怯下龍船。

謁張文獻祠

曲江風度遠流徽。姚宋同心日並暉。金鑑果能陳黼座。玉環何事繫羅衣。貶官荆楚緣持正。遣祭邱墳為見機。自注。早議安祿山有反。相請誅之。上不從。古廟肅瞻松柏下。藹然遺象見依俛。唐五行志。術士徐遐周詩曰。若逢山下鬼。環上繫羅衣。即馬嵬之讖也。三四見信用。曲江必無六軍不發之禍。

聞鷓鴣

遊子天涯生計非。遙山如黛日相依。忽聽格磔鉤輈語。觸撥歸心淚滿衣。

汪

字麗天。浙江歸安人。候補貢外郎。

秦淮秋柳

內橋南去水平蕪。處處秋煙似畫圖。惆悵千絲殘國朝詩別裁集

卷二十六 早

教忠堂

照裏不堪重問舊樓烏

拂地西風起白門。幾枝寒碧襯煙痕。不知何處吹橫笛。漠漠江南烏夜村。純以韻勝

許

字軍宜。江南吳縣人。

靜夜吟

霜林月逾白。滿徑橫落蔕。萬籟摠無聲。大地此時靜。心迹兩寂寞。塵雜不須屏。簷前星已稀。池畔鶴初警。獨往亦獨回。自顧形神影。清絕

荅友問

友人問我山居樂。第一讀書松竹林。世上萬緣都

不到時時証入聖賢心。能得此樂三公不易

錢萬期。字人岳江南陽湖人貢生著有一房山詩鈔

贈友園居。時主人六十

風物翛然在竹林。顛毛未許曉霜侵。已忘勝負還看弈。為薄才華欲廢吟。說劍碎琴年少氣。種松愛菊歲寒心。公孫薦達非吾事。自注公孫弘六十召對賢良方正策肯使紅塵點素襟。

徙宅還同鳥易柯。閒園望裏足煙蘿。青藤白袷時還往。張丈殷兄共嘯歌。野狖窺人來漸熟。山雲濕徑埽偏多。期君采藥銅官路。曳杖携筐入礪阿。寫室人之

國朝詩別裁集

卷二十六 里

教忠堂

近道而作者性情亦與之俱見

國朝詩別裁集卷二十六

國朝詩別裁集卷二十七

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

金志章

字繪自浙江錢塘人雍正癸卯舉人官口北道著有江聲草堂詩集乾隆壬申不戒於火詩俱灰燼友朋搜羅散佚舊集貽之稿十之二三也然竟情感氣勃物賦墨可以想其生平

因樹亭觀唐明皇磨崖碑

明皇昔日侈東封千乘萬騎紛雲從。超然意象小秦漢七十二代思兼容。金泥玉檢著符瑞。江茅鄩忝昭虔供。禮成大祀頌聲作。鴻文典誥鏗鐘鐺。天章神筆縱揮灑。鸞鳳泊翔遊。龍磨崖深刻紀歲

國朝詩別裁集

卷二十七

一

教忠堂

月萬古照耀天門東。是時國家正全盛。地大物阜民和豐。廟堂宴安漸鴆毒。玉魚繡祿酣深宮。侈心一開蠹隨入。九廟俄頃飛灰紅。淋鈴蜀道馳萬里。百神不救塵埃蒙。徒存茲碑峙截業。雨蝕鮮剥雲煙中。牧兒野火燒不得。至今椎榻傳遺蹤。吳郎嗜古得此本。世守什襲裝池工。高齋招我共銷夏。披襟展玩清宵同。規連珠樹矩折玉。墨彩騰上光熊熊。手摹口誦極贊賞。忽憶往事心神忡。中興反正頌神武。亦有巨刻磨龍嵒。盛衰治亂互倚伏。鑒戒實可垂無窮。殷憂啟運滿致覆。此理自古關昭聾。

開天已遠代幾易。猶留寶刻珎書叢。摩挲掩卷三嘆息。人君莫漫誇豐功。為汰侈滿盈鑒成後以涪溪中興頌碑作觀即孟子生於憂患死於安樂意也

末一語是畫龍點睛手

鈴山行

鈴山四繞青谿研。袁江一綫盤脩蛇。東西峽口兩

洪束。東為昌山洪西為鍾山洪縣城中裏如蓮花。此邦何人昔最著

豪貴屈指推嚴家。早年登第競名譽。追逐何李矜

浮華。歸來築室此山頂。圖史枕肱旁人誇。青詞晚

歲博金鉉。萬事橫決如搏沙。文章不掩孔雀毒。膝

下豺帛兼妻嬖。讀書不識忠孝字。廿年辛苦何為

國朝詩別裁集

卷二十七

二

教忠堂

耶立身一敗媿鄉里。至今齒冷千秋譴。清江六月燒晚霞。長橋終古綠城斜。薰天之勢竟安在。徒令弔古興咨嗟。文章不掩孔雀毒姦佞之人雖有才華莫能蓋也讀書不識忠孝字今閱者悚然

岔道射帟行為李守戎作

北風捲地塵沙黃。杲杲塞日無晶光。山城犖确少行跡。猛帟畫出蹲南岡。雙睛睽睽射驚電。聳尻豎尾如竿槍。咆哮踞地地欲裂。百獸走匿山魃藏。血人於口爪牙利。家家閉戶羣蒼黃。隴西飛將勇莫當。家世猿臂能挽強。鬚髯蝟磔氣勃發。直視班子如跛羊。長弓大箭走相搏。瞋目叱咤聲雷破。洞胸

貫脇猛竟殪。氣燄安在。傑然僵。樵蘇從此少患害。
行李來往仍穰穰。我時驅車出北口。逢君迎謁趨
道傍。為余津津談且喜。英風爽颯神飛揚。頃臾健
兒昇虎至。餘威尚覺生。風霜羨君除。暴直健者當
路豈復憂豺狼。嗚呼當路豈復憂豺狼。死席餘威尚生風霜則生時之

兇惡可知矣。十四字猛氣逼人。未并望除去當道豺狼。嘆出之所見尤大。

白溝河弔二忠祠

張公紳夜文公天祥

白溝河上夕陽時。下馬荒原弔古祠。北渡中宵悲
扼吭。南冠孤憤漫題詩。鬼謀曹社家同破。龍去崖
山事不支。太息殘碑焚野火。六陵荒草共淒其。二忠

國朝詩別裁集

卷二十七 三

教忠堂

語切典切

黑峪

盤盤鳥道上青雲。峻坂危坡路不平。入險橫穿豺
虎窟。凌虛俯瞰鶚鵬羣。三關形勝憑高盡。二水波
濤出塞聞。極目長城回望處。河邊飲馬漢家軍。

二十四磯

驚濤如雪濺長空。峭石峻嶒訝鬼工。二十四磯帆
側過。不知身坐浪花中。

鷓鴣塘

客情鄉思摠淒迷。睡起蓬窓日欲西。忽聽一聲行

不得鷓鴣塘外鷓鴣啼。天籟

姚湘字行表。江南桐城人。雍正

郭林宗墓

知人薦士緬遺踪。此日經過馬鬣封。一木勢難支
大厦。六屯禍不及潛龍。登仙祇合同元禮。表墓寧
須藉蔡邕。更有申屠共標格。高風樹屋獨名備。桓靈

朝局黨人之標榜。喪身林宗之不為危言。嚴論得以免禍。三四語盡之。未引申屠。端見因樹為屋。同於傭人者。為更高也。詩須如此。作方不浮泛。

梅

任尔冰條濕粉痕。何須紙帳護春溫。紅亭遠隔人
千里。翠羽初飛月一村。留得寒香清到骨。莫聽羌
國朝詩別裁集 卷二十七 四 教忠堂

遂暗銷魂。幾年孤負西園約。凍合孤山獨掩門。與趙村同妙

更挂月

荊州道中

女婁砧響杳冥冥。楚些吟成不忍聽。行過渚官神
黯澹。猿啼夜半在空舲。

沈青崖

字良思。浙江秀水人。雍正癸卯舉人。官至開歸道。○家良思以監司任軍儲有倚撫之者。繫獄數年。上知其冤。釋之。仍官監司。以議論正直為大吏彈劾。復去。官始終以不善論曲被禍者。也在獄時著有五經明辨錄。綱目尚論編。多前人未發及正前人缺略者。

錢博士登俊贈西域地圖

客從軍中來。遺我盈丈紙。展卷列丹青。大荒靡涯

溪嶺我于闐山。蛇蟠伊麗水。輪臺及陽關。如在掌
上指。漢唐殊名稱。回夷互遷徙。服畔靡有常。古來
多戰壘。白骨沉沙窩。金刀折澗底。寒暄異中華。幅
幘空萬里。有壤不可耕。得民不可使。唐虞聲教訖。
西被流沙止。聚米雖良謀。形勢何足恃。素壁張斯
圖。聊識大玄趾。老成經國之言

邵錦潮

字賜芳直隸宛平籍吳縣人雍正癸卯舉人

蕪鼓

秋色浮江上。煙波共渺然。蒼茫迷遠渚。寥落向遙
天。折葉驚寒雁。飛花點釣船。伊人不可即。悵望水
國朝詩別裁集 卷二十七 五 教忠堂

喜晚香辭幕府歸出示新詩留飲

千尺流泉百尺松。白雲丹嶂自從容。偶同麋鹿遊
城市。終覺鷄鵲厭。鼓鐘句就煙霞頻出手。醉餘魂
壘肆填胸。明朝便蠟尋山屐。到處隨君躡舊蹤。一筆揮酒絕去雕飾此境正未易到

閨人贈遠

舟。日夕上高樓。雲山一望秋。悠悠渡頭水。空送往來

曹庭樞

字古謙浙江嘉善人雍正癸卯副榜。古謙應博學鴻辭詔入都日課一賦一時同人欽手推試後放歸復入

都病功此就向所錄者存之

張鴻勳惠讀看雲吟稿作長歌奉東即送其南還

病夫高枕掩關卧。晨罷櫛沐惟枯坐。有客投我詩一編。急起把讀積懣破。砰訇振作鐘鏞聲。錯落啖成珠玉唾。十年人海奔壘堞。詩筆不留點塵汙。吁嗟乎。山鬼笑。笑人文。不靈素衣化緇衫。猶青小住為佳歸。亦得揚舠南拍垂。虹亭送君行。飲君酒。顧此身後名。期在勿速朽。臺閣諸公自衮衮。富貴豈同金石壽。但令作述高等身。何必黃金印懸肘。君歸國朝詩別裁集 卷二十七 六 教忠堂

林屋勤著書肯學丈人山隱居

龍威丈人山隱居西入包山竊為書言其不自著述也於隨手生波中諷以立言自命工於措詞

春雨和錢嶼沙編脩韻

兩兩溪邊水鳥呼。漸看檐際濕模糊。憑欄花重紅疑滴。隔座山橫翠欲無。吟苦縱愁春冷淡。病多偏穩睡工夫。卷簾自愛虛無景。未要瀟湘入畫圖。

陳祖范

字亦韓江南常熟人雍正癸卯會試中式乾隆壬申舉經學官國子司業著有見復詩草見後按春官未殿試歸著書及教垂三十年大臣以經學薦授少司成居家受官生平以天爵自重者也詩無意求工自餘道氣不得以詞人之詩目之

恒雨

春末夏之首。恒雨連數旬。吾土異高低。高者下種

勻。溝車掛梁。婦子紡以紉。但俟水勢減。耘耔及
良辰。低者淪江湖。波濤浩無垠。雞犬悉上屋。舉家
寄河唇。相去數十里。彼此殊越秦。苦樂宜均被。譬
如人一身。半體雖獨活。偏枯為不仁。所以君子心
溥遍。無涯鄰。憂喜不以已。四海熙陽春。物我同體已見此詩

感秋

人生弦上筈。流光迅於矢。春鳥暢歡情。秋蟲感哀
耳。萬籟乘時鳴。一心異悲喜。中宵不成寐。轉輾攬
衣起。今人未嘗生。古人未嘗死。欲求不死方。從師
悔晚矣。讀宋四語令人內慚面赤覺可愈頭風可愈痼疾只是語句奇險耳

國朝詩別裁集

卷二十七

七

教忠堂

夢述

自從別家來。十夕九夢親。父念子行役。不因存殤
分。存為倚門望。隔形不隔神。歿為空中魂。魂依遊
子身。危高山之巔。慄深水之漚。悲哉同行子。生獨
為鮮民。白雲處處多。天涯見無因。可補陟岵焚我之缺

與星旋釋

爾我各異趣。青山為之媒。尔心與山靜。我心對山
開。山意不將迎。能通彼我懷。書聲雜梵唄。瓶鉢偕
尊罍。大道固無礙。何從起嫌猜。推窓月皎皎。梅花
點蒼苔。結得淡然

答任翼聖計偕留別

往還多面朋。孰是心所同。鄉薦忝伯仲。時論推雲
龍。一友教四方。一匿影蒿蓬。相見苦不易。終歲欣
相從。得窺所學富。飽聞議論雄。冥搜力沉著。集益
心虛冲。烏能石攻玉。媿用筵撞鐘。聖籍久黯默。遲
子發羣蒙。斯行匪干祿。要展經術功。析理戒穿鑿。
守道無窮通。釣鼈不釣魚。君家有任公。析理十字作者一生得力

詠史

吾慕江州陳。宗族七百人。每食設廣席。長幼列坐
俱。恂恂和氣感畜犬。百犬共牢食。必均。為問此何
國朝詩別裁集

卷二十七

八

教忠堂

時豺虎磨牙噬生民。君如奕碁國傳舍。天下不復
知尊親。世上自亂家。自理閉門別。有無邊春

送西京訓導宣城

老為千里別。何以遣離情。道在官無小。風清官易
成。議叅秦博士。詩繼謝宣城。遙識青衿子。趨風江
畔迎。

寄沈歸愚

把酒論文記往年。隱侯格律敢隨肩。官中久識元
才子。明主終收孟浩然。鶴怨猿驚懷故地。馬遲枚
疾闕新篇。嗤予守兔清江曲。燕樹參差悵各天。詩簡奇

亦寓規箴良友
贈言何時敢忘

繆曰芭字式子江南吳縣人雍正
癸卯進士官翰林院編修

書杜少陵詩後

稷契成虛願詩篇軼衆群吐辭皆信史每飯不忘
君汗馬懷諸將龍池望五雲千秋惟白也可與共

論文平穩寫去已
盡老杜生平

秋柳

搖落西風裏垂條浪不生本非攀折候猶有別離
情涼露成清滴寒鴉噪晚聲吾生饒短髮愁對淡

煙橫前半正寫後半虛
寫處處有遠神

國朝詩別裁集

卷二十七

九

教忠堂

潘

果字師仲江南無錫人雍正
癸卯進士官辰州同知

觀星臺

太虛茫茫星吐精仰觀何托觀羣星三垣高居列
宿拱七曜以次升天庭觀星之臺自此築古器森
立交崢嶸吐吞日月孕精氣異采煥發堅光凝夏
官歷歷親示我法象粗得知其名渾天最古位居
右西洋測景開皇清自注銅象八十三座皆古物
惟此象爲我朝新鑄居中日躔月
次分秒忽相風高尺晴空橫憶從虞后在玉衡子
來繼詠靈臺成狂秦亂紀失遺法漢更七帝銅儀
興自注制自
宣帝時遞相精桼迄元代人巧上與天工并直

收萬象入指掌豈比露盤承六莖緣何末造不能
守往來再徙歸燕京昔聞王孫論九鼎雖小亦重
大或輕鑄金象物尊尚尔况爲於穆圖真形何以
守之德是憑惟皇得一符清寧用意全在末段必
如此詩不徒作

螺磯孫夫人廟

江神踏浪朝靈宮靈宮夫人下幽穹女官攢甲擁
前後寶刀爛若銀芙蓉阿兄席視霸南國王顏小
妹饒家風天教帝子作之偶明珠斗帳藏真龍赤
壁戰後老瞞懼不敢南下馳艤艫如何昏姻失前
好忍教與國連兵戎臣服魏廷亦豚犬仲謀那足
國朝詩別裁集

卷二十七

十

教忠堂

稱英雄蜀帝復讎獅亭敗永安遺詔蒼黃中夫人
有家歸不得九嶷夢斷尋無踪螺磯自沉靈魄在
于今遺廟留江東廟中傳芭女巫舞報賽神鼓聲
繁繁江流有盡恨無盡疑有淚竹斑斑紅仲謀降曹
真不可解
兩國連兵不獨蜀之遺恨失吞吳也借題發出見權有愧于其妹一起
如見夫人英武一結想見夫人抱恨玩其音節得樂府迎神曲之遺

項王廟

威望居然滕沛公拍揮一誤霸圖空縱留子弟八
千在早失開河百二雄遺廟可堪隣泗上英靈只
合返江東所嗟銳氣真無敵不出淮陰數語中項王
失策

在王漢王於巴蜀漢中使得還定三秦
則大勢全在漢矣詩中指出具有卓見

桓宣武墓

笑尔何心蓄不臣。餒魂終此伴青燐。生初枉自呼英物。身後教誰歎可人。自注溫遇王敦墓。無嘆曰可人可人。江北柳園空長大。洛陽鐘簾竟沉淪。縱然未死膺殊錫。地下如何見太真。

尹會一

字元亨。直隸博陵人。雍正癸卯進士。官至吏部侍郎。著有健餘詩草。

居庸關

莽莽關山起暮愁。亂雲層疊隱危樓。雕弧控滿清宵月。畫角吹殘紫塞秋。旅夢無端空索寞。歸心何事更夷猶。燕南碧草還飛蝶。已見桑乾帶雪流。月與雕弧。

國朝詩別裁集

卷二十七 士

教忠堂

相關秋與角聲相聞此詩律細處

陶正中

字田見江南無錫人。雍正癸卯進士。官翰林院編修。外轉至山西布政使。

讀史

商君修耕戰立約於徙木。賞信罰隨彰。卒以震巴蜀。梟雄負異能。斷制貴專獨。民可與樂成。創始每弗欲。君子重違眾。持衡妙善俗。握機良所用。意乃各屬不見楮衣冠。終焉致巷哭。子產商君同是變革舊政而用心各別一是斷

喪國脈一是莊莊風俗也同中見異於公私義利判之

徐以升

字階五。浙江德清人。雍正癸卯進士。官翰林院編修。轉御史。外轉至廣東按察使。著有南陔堂集。

炙硯

文思忽飛揚。水凝硯一方。炙餘資石炭。化慶受玄霜。調燮交離坎。中和適燠涼。不須呵彩筆。抒藻有輝光。調燮中和由於家人之反身。小中見大。詠物詩須如此作。

關山月

大旗霞捲夕陽殘。旋見邊城湧玉盤。鼓角無聲霜氣肅。山河流影鏡光寒。白頭漢將占星立。紅淚胡姬倚馬看。淨掃煙塵天闕迥。清輝多處識長安。神似李北

地以長安月作結。頌揚天朝前人未到。

金鳳綸

字江南嘉慶人。雍正甲辰舉人。

冰花

自注元人有題無詩作此補之

國朝詩別裁集

卷二十七 士

教忠堂

犁星沒後水藏漪。澤畔鱗鱗見異姿。凝艷不教青帝主。闌華休遣夏蟲知。凌波神女。蹇還薄作雪。天工剪並奇。莫訝清英易消歇。楊家山已付流澌。律也

字之穩也。人巧盡天工。出應從偶然得之。

王峻

字次山。江南常熟人。雍正甲辰進士。官翰林院編修。轉御史。著有良齋詩集。○良齋素行儒。彈都御史某視趙用賢之彈張江陵奪情。則又過之。詩亦英爽。如其為人。惟於王新城詩時加詆譏。趙秋谷諸公聞之。應云將伯助予也。然即此亦是不好處。

禹州道中

茫茫四野寒蕭騷。朔風動地聲怒號。車帷卷破馬蹢躅。夕陽慘澹橫平皋。行人瑟縮帽簷側。手脚凍

冷面如墨。晚來投店。滿衣塵。童僕相看。不相識。

題戴巨川庶子畫馬

自題曰
稱德圖

先生畫馬如畫牛。不著鞍韉不絡頭。超遙肯與駑駘伍。放曠還同麋鹿遊。先生相馬如相士。德合剛柔比君子。神閑氣靜在平時。電激飈馳日千里。拈毫十日又五日。慘澹經營能事畢。恍疑貌出古纖纖。直壓開元卅萬匹。君不見黃金之勒錦障泥。多少款段當風嘶。安得壯士馳駿足。層冰蹴裂交河西。
少陵題畫馬云當時四十萬匹馬張公款其材盡下最稱傑句此云恍疑貌出古纖纖直壓開元卅萬匹英氣直欲追逐少陵

謁岳忠武廟

國朝詩別裁集 卷二十七 三 教忠堂

強弓手挽雅歌嫺。未許韓劉伯仲間。誰使朱仙回玉帳。轉愁雪窖有刀環。長城自壞天難問。半壁偏安主厚顏。遺廟近鄰嵇紹墓。靈旗風靜古碑閒。
此湯陰岳廟也當時三字微成國由秦檜之害而小朝廷之不欲復讎其罪更大轉愁雪窖有刀環七字直誅高宗之心

李重華

字實君江南吳江人雍正甲辰進士官翰林院編修著有王洲詩集○王洲天賦俊才復得匠門指授生平遊歷入巴蜀客山左留秦閭經三楚登臨憑弔發而為詩嶽嶽歷落俱得江山之助宜足繼匠門而興起也詩話二卷或引而不發或金針度人可希風

擬魏武帝紀行

元戎肅徒旅。行行越潼關。秦原莽牢落。空舍無炊煙。殺氣一以盛。骸骨為邱山。遺黎各瘡痍。竄伏何

險。難念我皇漢。京宮殿皆頽垣。大盜覩神器。流毒徒構患。迫主以播遷。剽掠于市閭。群謀踵而起。梗塞弥宇間。吟我破斧詩。悲傷難具言。
曹氏一門多才而蒼堅尤在孟德篇

中風骨
似之

道古

子長憤著書。論或憑胸臆。殷勤表素王。已足稱神識。時方貴黃老。經術尚薄蝕。卓然仰高山。先路導其惑。駢羅七十子。附聖為羽翼。遂使絃誦堂。崇祀威軌則。我嗟衛道人。曾未預配食。盲左既酌功。腐遷何媿色。
漢代表章聖道廣川以後有太史遷世家列傳羽翼之功不可沒也配食廟廷前人未開此口

國朝詩別裁集 卷二十七 古 教忠堂

劍閣

我行閱雄關。天劍殆無敵。迢遙來一髮。突兀遏重壁。望望嵯峨間。豁罅不盈尺。到關穿雪竇。窺戶睇月隙。我我二山中。萬丈一磐石。都無客土附。而摠精鐵積。其間鬱叢菁。其底亂深射。鳥兔失飛走。蛟螭避堂宅。入門循地隧。雙峽亘而窄。左作長鯨掀。右類巨鼉擲。雷轟泯斧鑿。雲蔚隨縷脉。迴風驟長驅。雪氣砭領脊。洪荒想胚胎。元氣更併迫。倘非仙掌排。亦屬應龍劃。五丁力不逮。渠能萬靈役。殘山通仄狹。留險藉控搃。誰知徒長奸。據竊逞荷戟。炎

漢固殊類。偏安我惋惜。子陽先覆轍。王孟後接迹。
稱帝旋洞胸。降王通銜臂。何況獻賊流。蝮蝎恣毒
螫。張牙縱狂噬。擢髮終寸磔。伊管凋敝初。人煙莽
蕭瑟。生息今百年。墜開連萬陌。文翁兼詰戎。武鄉
兼教澤。遼絕若番藏。倏瞬達重譯。而此枕席安。踈
渙誰擁隔。地利分險夷。皇圖觀順逆。磨崖奮如椽。
申命誠梁益。前極形劄門之險。後屢述竊據之暇。見有德則可守。恃
力則速亡也。末歸美。本朝見文教武功遠及番藏而
梁益內地安如磐石矣。地利分險夷五字
收上半篇。皇圖觀順逆五字收下半篇。

望太白

太白羣山外。岩岩淡莫分。遙知千歲雪。正雜萬峯

國朝詩別裁集

卷二十七 五

教忠堂

雲。鳥道蹤應絕。龍湫吼若聞。帝臺三百里。香氣接
氤氲。

雞頭關

雞頭千仞峻。白道細如絲。怒水盤根迅。雄關立壁
危。北來天去握。南望漢為池。咫尺褒城驛。連錢蹠

蹠漢為池對天去
握是為活對

五丁峽

絕壑靈竒盡鬼工。停眸便識五丁通。雙崖翠影侵
天合。萬竅雲根入地空。杜宇魂生迷鳥道。蜀山地
拔剩龍宮。金牛縱被秦人誤。開闢何曾讓禹功。
萬竅
雲根

入地空他人費作賦才
雖千百言亦寫不到

紉閣

宋王狂言亦快哉。果然長劒削天開。泉聲獨引雷
車落。峯影雙扶日駟回。壯士枉窮排嶂力。大文終
重勒銘才。中原龍席無消歇。日見關門駟馬來。

過居庸

太行東驚正迴環。界截煙雲是此間。九土橫分雄
地軸。三邊總會扼天關。羽書報捷風雷迅。戊卒承
平虎豹閒。此去漢南皆枕席。馬蹄思踏賀蘭山。

登蓬萊閣

國朝詩別裁集

卷二十七 六

教忠堂

檻底滄溟浸太空。凌乘如到蕊珠宮。波間萬怪時
噓氣。天外三山日御風。術士妄尋馬得遇。詩翁偶
禱竟能通。良宵會約羣仙醉。待看重輪徹地紅。
市可見四語寫神山難到也。下聯分承海市神山却用
顛倒承之。化板為活。術士拍文成五利詩翁指東坡

書周遇吉傳

為擾潼關突薊邱。大同搏戰鬼神愁。辭家戰士無
旋踵。報國將軍有斷頭。致死已摧狂孽勢。迎降真
恨賊臣謀。十三陵末餘杯土。千古忠魂哭未休。
賊兵傷幾過半。李自成謂自此至京尚有險要。四關倘盡如寧武。我軍休
矣。方欲退兵休息。而大同姜瓖宣府王承慶降表相次。至賊遂直破京師
詩中三四表周將軍五六恨二賊
臣也如許發揮不啻披閱史傳

與張支百研江話詩隨筆

李杜橫馳翰墨場如椽韓筆頗相當數篇琴操尤
高躅束哲何因便補亡束哲補亡前人議其去雅音甚遠此借以觀昌黎琴操之高如拘幽一辨真能

道止敬心事補亡六章中殊未有也此種論詩具有確見

俞 芬字碩卿補建甯人雍正甲辰進士官長寧知縣○碩卿居官清正以失上官音落職到家後杜門自守築堂曰迂溪猶

柳子自愚而并愚其溪也

迂溪草堂初成

何妨環堵即為宮適趣依稀栗里同不速到門惟
夜月無私惠我有春風是非難染溪邊石得失奚

開塞上翁閉戶領來清淨福却忘身在萬山中三四有風

國朝詩別裁集

卷二十七 七

教忠堂

浴錄歸之趣

呂守曾字松坪河南新城人雍正甲辰進士官山西布政使

烏江懷古

荒壘蕭蕭觸目驚烏江東注恨難平千金急購英
雄首八載空勞子弟兵古渡蒼茫通利口亂山合
沓隔彭城烏啼似識興亡意猶自淒涼學楚聲

望嵩山

三十六峯如髻髮行人來往舒心顏白雲蓬蓬忽
然合都在虛無縹緲間高格倘漁洋見之必許其把臂入林

張鵬翀字天扉江南嘉定人雍正丁未進士官至詹事府詹事著南華詩集○南華天才敏捷賦雁字詩日未午成七言

律三十章廣和御製頃刻數篇上張英賞資之有經進詩上時轉次其韻比太白之君為調羹東坡之金蓮燭還歸院過光崇也後更鳴鶴成詩捷于擘鋒然風格亦少城矣工畫捷同子詩生平事事洒落人自為漆園散仙竊自喜中道阻謝九重沈惜數才人之不易得也卷味甚富茲錄進呈法戒詩十餘篇近體略及

經史法戒詩

夏造哀兮殷道興得賢臣兮作股肱股肱辛勤親
五就故主荒淫終莫救歲苦旱兮殫憂心躬為犧
兮祀桑林苞苴女謁備自責禱辭未畢傾甘霖至
誠感神信如此天道祇如人道通一夫失所真宰
愁莫令君門懸萬里此法保民自責至誠格天也

成康既遠王道微昭既南征子穆又西馳騁八駿

國朝詩別裁集

卷二十七 六

教忠堂

於萬里觴王母之瑤池事雖荒而難信子徵祈招
之風詩神仙不可期遠略難為續至尊居九重王
度式金玉此戒肆心荒遠也

春秋見至隱履霜防忽微人主不早慮因之致顛
危前有讒不見後有賊不知晉獻惑嬖妾優施教
驪姬分明置堇毒乃謂愛我為卒至兩敗傷智謀
亦何施覆轍示深鑑足為後事師此戒信說人重內寵也

天王柄下移征伐強侯出伯業亦寢衰陪臣勢無
匹強私家弱公室三桓六卿互分析豈無衣六與
七不如子衣安且吉壞法亂紀自王朝史書特繼

春秋筆

此戒政柄下移也周釐王封武公為晉君威烈王封魏斯趙籍韓度為諸侯此王朝法亂紀之甚者故表而章之

國有謀臣鄰寢讐貪人敗類乘僥倖秦穆悔過著

聖經瞞瞞黃髮實邦榮入朝見嫉入宮妬殃及黎

民終弗寤善善不用笑郭公仁賢雖在國虛空

之悔過任賢戒郭公之善善不用也兼法與戒言之

漢高大度膺神器弘遠規模傳世世恭儉尤稱文

帝賢身衣浣濯為民先年年禱祀祈民福鄭重農

功珍五穀但令閭閻常富足國家何用儲金王

重民食也

神仙有無何恍惚黃帝廣成但傳說秦皇漢武慕

國朝詩別裁集

卷二十七

九

教忠堂

長生方士怪迂始百出安期盧敖去不來文成五

利徒喧呶神君未下鬼先集世上烏有神仙哉蓬

萊可望不可即但願人人足衣食昇平樂過華胥

此戒求仙也

六經燼後羅殘缺博士儒生集羣說欲施仁義法

唐虞及事神仙亟征伐天馬徠時海內虛窮兵黷

武竟何如當年辛下輪臺詔後世猶傳封禪書

也

近小人遠君子桓靈之衰只繇此跋扈總誅任宦

官一時鈎黨盡摧殘俊厨顧及空標榜白馬清流

釀禍端士氣衰國運否人才與國相終始千古興

亡鑒青史

此戒親佞遠賢錫正人珍邦國也

治安共說梁天監南北通和救塗炭金甌無缺侈

心生白馬青絲輕納叛薄心腸激成變果致紛紜

滋反間捨身同泰會無遮血食牲牲改爲麤貪嗔

至竟未能除荷荷空悲淨居殿

此戒佞佛無益祇速禍也

閱武堂前種楊柳至尊屠肉潘妃酒祇愛蓮花步

步生曾知國步艱難否百年南北擅風流誰信無

愁果有愁纔見荒宮餘辱并又看芳苑起迷樓阿

麼詎惜好頭顱瓊花只戀湏臾景解道真仙也自

國朝詩別裁集

卷二十七

十

教忠堂

迷不知狂魄何年醒

此戒色荒也齊陳隋一轍故合言之

臨淄英武摧羣凶美政開元繼太宗臺閣名臣判

州郡人情和洽多年豐歷年既多心漸侈國事無

端寄楊李長安一騎荔支紅萬姓那知作瘡痍漁

陽鼙鼓太無情入蜀青驄苦行誰將夜雨淋鈴

曲更作朝元奏樂聲

此戒奢荒以後任姦邪寵女謁也

宋家累葉垂遺澤求治賢君方側席天津橋上聽

啼鵲亂將興任安石相公新法執持堅祖制詎

難胥變易忠良屏黜奸邪升朝局如碁互廢興千

古知人誠不易那論福建誤金陵

此戒變祖法用言利臣也倣西涯樂府而畧

變音仰白成一格共五
十三章茲存其尤者

有所思行

落花紛紛如雪積。明月皎皎如霜鋪。攬衣步月躡
花影。悄然孤館空庭隅。沉思欲寐不能寐。明月燭
牀花滿被。客遊花月故園心。廬山高。高。湘水深。遠。
書欲寄。空。沉。吟。虛寫所思
意言不盡

長沙

碧湘門外渺寒波。欲采芙蓉奈晚何。今夜黃陵廟
前月。茜裙誰唱竹枝歌。神似何
信陽

曹

鑾字玉如廣西全州
人雍正丁未進士

國朝詩別裁集

卷二十七

王

教忠堂

苦水舖

今名甜
水舖

苦水舖神仙過。留箇布古斷頭掉尾。今無人。五尺
之童。穩行路。載重貨。輕身過。苦水舖為甜水舖。斷頭
掉尾

四字寫盡從前得意
竟可作古詩讀

劉青芝

字華微河南襄城人雍正
丁未進士官翰林院檢討

寄李侍御

驄馬乘來四載餘。京華處處避旂旄。聞聖主
求言。詔未見。諸臣諫獵書。豈是陽城方簡默。不勞
永對代躊躇。老生局外多私計。勿使吾曹望或虛。

古道照人昌黎處後復見矣
李侍御能如元宗希文與否

吳履泰

字如原福建晉江人雍正庚戌進士官翰林院侍讀學士
○成師立言致行一歸誠實切實見時聞以持已立朝之
道曰端本原無私心而已即此訓言終身行
之不盡者也請韻語二章可以想見其為人

讀書一章示諸童子

讀書無源委。有如斷港流。濡潤涸蹄間。不能溉田
疇。驕陽涸原澤。能有點滴不。苟能探其要。河漢當
清秋。倒注屈千里。中有萬斛舟。六籍開其源。羣史
決其流。精華吸百氏。下逮騷人儔。元元復本本。千
載窮冥搜。以此負文雄。氣盛言畢浮。奈何末學徒。
顛倒不自尤。童艸髮未燃。猥以詞賦投。謠音復舛
韻。敲殼聲啾啾。小年資弄舌。學語成呶。問以經
國朝詩別裁集

卷二十七

王

教忠堂

鐵

八繭稱佳種。三眠貴早成。豈因能補衮。不自愛餘
生。縈裏真何益。纏綿適見烹。縹絲悲老婦。索索紡
車鳴。事君致身於織小題
傳出得杜陵之遺矣

曹一士

字諤廷江南上海人雍正庚戌進士官兵科給事中。諤
培元氣有利國家者藝林吐氣賴有斯人
奏疏可覆按也詩亦不肯隨俗時露奇警

擬古

曠野張異樂。如在洞庭旁。元氣裹六極。太音弥八荒。不顧世上耳。安能主故常。聽者感且駛。充耳神茫茫。焉得萬里風。吹送來帝鄉。一奏四時理。再奏百族康。未遇時自命何等宜。立朝風節敢不不凡。

詠古

桃李艷春日。松柏黯無光。貞心結千古。誓不隨衆芳。風雲一朝變。天地為蒼蒼。有明盛壇坫。七子互騰驤。牛耳執王李。才高氣愈揚。仰視高秦漢。俯窺藐宋唐。拍麾籍湜輩。匍匐邾莒行。震川老舉子。茅

國朝詩別裁集

卷二十七

重

教忠堂

屋荒江旁。言招故生徒。講學稱先王。勢燄固不敵。名聲詎相當。云何百世下。中天吐寒芒。古今幾作者。身晦道乃昌。桃祔有定論。翁赫安可常。見名位不可恃而實。
學積行久而弥光也道存身晦者可以自堅

鸚鵡

飄零綠羽向秋陰。風雨時能惠好音。老去詩篇多錯落。閒來佛語費沉吟。十年廡下高人跡。萬里秦山故國心。惆悵雲霄空有志。病軀擬共息長林。顯聯傳出

高人踪跡高人心事從來詠鸚鵡者未見及此

聽彈塞上鴻

龍沙漠漠草荒荒。嘹唳冰絃落雁王。作陣陰山呼伴侶。離羣葱嶺入微茫。欲彈閨閣刀鐮淚。可寄關山錦字行。聽到一聲邊月白。受降城上有新霜。

王繩曾

字武沂江南金匱人雍正庚戌進士官江寧教授

深秋塞外懷于根楚中却寄

征雁嘹唳橫高秋。楚天極望雲悠悠。君非落帆鸚鵡洲。定應載酒黃鶴樓。樓前江水盪胸臆。天外橫嶽明雙眸。憶昨薊門雪。數里阻道周。聞子忽南行。尚恍心神愁。短歌遺我告我別。讀之涕泗交橫流。何事燃靈犀。深淵照潛蚪。何用鑄古鼎。翹翹窮雕

國朝詩別裁集

卷二十七

重

教忠堂

搜鳳凰。翔子足千仞。好憑百鳥鳴。喧啾直道而行。揔乖隅。惟有江山風月囊中收。策杖重尋蘇李蹟。高吟懷古遙相酬。以我鷦棲林。又如魚中釣。霜寒百草折。古塞沙昏牧馬嘶。荒邱洞庭始波木葉脫。子境有此淒涼。不如何同心侶。睽阻生離憂。仲宣苦依人。長卿亦倦遊。冀駿途窮長坂蹶。湘瑟聲杳空江浮。平生志氣向誰盡。黃金擲北將何求。終當與子返歸轍。五湖眺覽携筇高上龍峯頭。仰天相視一長嘯。萬壑欲動風颼颼。楚中塞外忽分忽合凌空感後半如捕蛟地

馬樸臣

字相如江南桐城人雍正壬子舉人官中書舍人。相如以友朋為性命有過從者必酌以酒明日斷炊弗顧也歿

於京師發無以爲給聞馬於市始得蓋棺友人作爲馬行以弔之

漁

自把長竿後。生涯逐水涯。尺鱗堪易酒。一葉便爲家。曬網炊煙起。停舟月影斜。不爭魚得失。只愛傍

桃花。世上有此漁人耶。我欲隨之問津。

七夕

何關人事說年年。此夕銀河分外妍。閑對半灣無主月。癡看一片有情天。別離隔歲仙難免。飄泊經

秋客可憐。忙煞隣家小兒女。喁喁乞巧不成眠。中七夕別離之感。隱然言外。

國朝詩別裁集

卷二十七

教忠堂

秦淮水閣醉題

一杯清酌獨婆娑。笑倚朱欄對碧波。月影分明三李白。水光蕩漾百東坡。愁來天外雁飛遠。秋到人間客占多。我自胸中有憂樂。阿誰吹笛夜深歌。三李李白東坡此種對偶何減元

遺山秋風客春夢婆娑句

張映斗字子浙江烏程人雍正癸丑進士官翰林院編修

咸陽

河山百二西南抱。終南山色開堂奧。西周豐鎬陷戎塵。秦得咸陽廓新造。當時一劍掃六雄。焚棄圖書絕蒐討。鞭笞四海震匈奴。皇功帝德弥穹昊。傳

世從茲億萬年。國祚何煩子孫保。沙邱一夕鮑魚

腥。東海神仙竟杳渺。中原逐鹿莽狐蛇。孺子堪憐出軹道。咸陽宮殿久榛蕪。豈待今時跡如掃。千秋鑑示興亡仁義後。來爲國寶。準之常理有暴雲天下而帝王萬世者乎國祚何煩

子孫保蓋深揶揄之也末二語本賈生意而正言之

沈榮簡字振之浙江歸安人雍正乙卯舉人

五日集孫阮亭孝廉深竹映書堂分韻

楚些哀歌送遠聲。虛堂列坐午筵清。竹深那許紅塵到。暑薄纔宜白袷輕。畫鷁旌旗悲正則。長隄花

木憶。端明西冷兩度逢。重五對酒依依隔歲情。自注

國朝詩別裁集

卷二十七

教忠堂

五日亦集飲孫齊○書堂在西湖故有長隄花木憶端明句

張一鳴字鳳舉江南長洲人雍正乙卯舉人著有樂園詩鈔○風舉受知張清恪公清恪被誣與貽不測鳳舉踰險尾行士林重之生平好義多類此所著條上張撫飭吏議十則箋注杜樊川集若干卷詩其餘事云

過詩人家永夫墓

天意篤之子。使之長賤貧賤貧滿世間。若個稱詩

人。詩人葬空山。杯土亦有神。山鬼穿幽篁。入夜常

相親。千秋此巖阿。永永栖吟魂。采菊爲君薦。聊此

同清芬。惟長賤貧故得成詩人是天之正所以爲之也然賤貧滿世間而一人獨稱詩人此又永夫之不負天別於滿世間之賤貧者也立意既高筆復

窮折不使人一覽易盡

長安秋日

薄雲天際浮。旅況不勝愁。空累猪肝餉。誰將馬骨收。歸家惟付夢。作客最憎秋。十載長安道。栖栖感舊遊。

登金山

萬頃驚濤孤岫懸。登臨身世兩茫然。飛樓倒瞰真無地。危磴高盤別有天。白下朱方頻戰伐。吳頭楚尾揔雲煙。晚來擬放江心棹。欲試中泠第一泉。

江心石。碑。剛月夜起。沫始可沉。銅瓶汲之。○是登金山詩。移不得。大孤小孤等處。

歸鴉

稻梁計拙海田荒。薄暮哀鳴去路長。欲覓一枝何處所。滿天風雪漫回翔。

國朝詩別裁集

卷二十七

毛

教忠堂

慶所滿天風雪漫回翔

作者留滯長安。欲歸無計。比擬歸鴉。直覺百端交集。

高不騫

字桂客。江南華亭人。官翰林院待詔。

雨餘渡澄照塔院

湖雨過前汀。行舟出杳冥。山舍九朵白。塔簷一痕青。風慢蒼茫捲。晴鐘次第聽。城陽歸路遠。不上水心亭。

王時翔

字皋謨。江南太倉人。以諸生薦舉官至成都太守。著有小山詩鈔。小山初為晉江令。前令尚擊節。人皆股栗。小山曰。吾亦子敢以盜賊視乎。自是歷任守此心。外嚴內寬。歸仁厚。所謂經術飭吏治者也。詩能從情性中出。往往清絕。

于忠肅公墓

北狩倉皇日。孫申為鄭謀。憂疑鸛鵒識。冤起鷺鷥驚。

謳社稷功千載。湖山土一抔。嗟哉徐石葦。青史祇遺羞。

工而能切

贈金東塘

五字隨州擅。君家許問津。自逢彈古調。不敢薄今人。楓影寒孤榻。鐘聲淨六塵。隱居無德耀。酬唱共忘貧。

過戴高士南枝舊寓

短簿祠前路。遺民寄旅魂。誰憐髣髴髮。未葬白雲村。

南枝嘗備書塾。徐侯翁先生而已。之遺棺未葬。宜小山感慨係之。

國朝詩別裁集

卷二十七

毛

教忠堂

寄范聲佩進士都門

我占湖濱一釣竿。相思有夢到長安。美人何處碧雲合。欲贈芙蓉江水寒。

賽音布

字九如。遼陽人。

贈吳四師牧

少小負奇氣。長為邊塞遊。合圍秋射虎。聚讌夜椎牛。幾奪匈奴幟。曾分天漢憂。即今年七十。不肯解吳鉤。

杜曉峯出塞

龍庭余舊到。送子淚沾衣。風定樹猶怒。日高霜正

飛甍陰山鬼過叫月野駝歸常使神魂感還家夢
邊楚詩每多提作九如身歷其境故於贈送人山塞尤能傳出其真之若軍中之家勢欲與崔同則若嘉州此坪

劉廷璣字玉衡遼陽人官至江南淮徐道亦有其詩鈔

折楊柳歌辭

含泪送君行送君到南浦楊柳最無情不知離別苦
折取煙中枝千絲與萬絲人從此時去却向何時歸
有言未盡中心曲長條難繫斑驢足望中不見遠行人
河橋搖曳傷心綠詩亦以搖曳取神

晚投村莊

白草荒煙澹蒼山古道斜雁將天作路雀以樹為家
國朝詩別裁集卷二十七 无 教忠堂

桑麻頗能造句家日暮樵歌返秋成社鼓過村民性淳朴留客話

班竹嶺早發

雞鳴催客起帶夢走江鄉竹似嫌人俗山應笑我忙
兩溪分燕尾一徑轉羊腸不是勤民事何緣破曉霜

題韓王故里

釣魚城下餓王孫一旦登壇九命尊進飯不忘猶報德
解衣常念肯孤恩仰天若挈陳豨臂相背應聽蒯徹言
隆準也同烏喙忌功臣千古共銜冤明隆之

不反即於本傳中釋之此余州衣森二作較勝

蔣錫震字雲潛江南宜興人著有清溪集偶存○與潛少時同口此

喜探奇嘗獨經重山下開上有孫瞻固碑目已沒步山樹觀之夜半抵家其好奇可知矣詩亦有奇氣惜不多見

梅花

竹屋圍深雪林間無路通暗香留不住多事是春風

冬夜宿野人家床無幃幕屋破而多風取積草障之乃戲曰此汝家草屏風也索句遂題

不藉蘆條自作烏避風應笑肉為屏似渠雅製誰國朝詩別裁集卷二十七 辛 教忠堂

宜稱合號乾坤一草亭使俗事能雅便是能手

毛錫繁字繁弱江南吳江人國學生

沈石田秋林讀書圖

讀書秋樹根我愛杜陵句風流白石翁灑翰有同趣
高齋傍疎林落葉紛無數天空景物澄幽人獨寐寤
臨窓手一編遊目屏繁慮由淺漸入深得新詎忘故
所樂難強名終身無饜飫據梧吟高風時與黃炎晤
由淺漸入深二句示人讀書自得之妙結二語回顧秋林

施璠字每餘江南宣城人○此惠山先生弟也詩不宗惠山恐於雷同此即其志趣不凡處

留別聶象鉉時象鉉亦將行

風雨篝燈一載情。送君翻笑別君行。湯將老淚沾雙袖。已被狂名誤半生。杜甫秋吟多感慨。坡公春夢太分明。前途亦有謀生策。負郭閒田莫廢耕。

顧

易字中乎江南崑山人貢生○中乎遇窮名達身薄志厚性情兼陶故律陶諸詠風格天然自在流出忘其為陶也外有譜陶一卷補本傳之缺略讀陶一卷表生平之篤好並行于時

律陶

伊余何為者。誤落塵網中。飲酒不得足。賦詩頗能工。百年會有役。一世皆尚同。多謝綺與用。願言躡輕風。

養真衡茅下。甘以辭華軒。但道桑麻長。而無車馬喧。厭聞世上語。寧效俗中言。高舉尋吾契。青松在東園。

國朝詩別裁集

卷二十七

三

教忠堂

三四語與戴無忝集陶相同神到之候自然遇之予向亦集此二語揭之蓬門未嘗見二君詩也

步止華門裏。遙遙望白雲。幾人得其趣。即事多所欣。虛室絕塵想。閒居離世紛。苗生滿阡陌。轉欲志長勤。

冷風送餘暑。閒雨紛微微。萬物各有託。一觴聊可揮。安知物為貴。但使願無違。盥濯息簷下。固窮夙所歸。

露淒暄風息。白日掩荆扉。衆鳥欣有託。孤雲獨無依。四時自成歲。百卉具已腓。凍餒固纏已。茫然沾

我衣

清涼素秋節。叢雁鳴雲霄。量力守故轍。高酣發新謠。敝廬何必廣。濁酒且自陶。誠願遊崑華。速招王子喬。

錢中樞

字秋水江南常熟人

嘉定州

地勢九峯合。人煙四望稠。江流清見底。木葉翠無秋。漁戶獵為網。山家竹作樓。亦知漢嘉守。真個勝封侯。

翠無秋言地氣暖不凋傷也用東坡詩意

登白雲寺途中即景

國朝詩別裁集

卷二十七

三

教忠堂

日日泥途困客程。穿巖還仗篋兜輕。人間險阻窮今日。眼底山川冠此生。黃蝶趁花紛夢影。飛泉落石走雷聲。白雲已別吾心在。松柏森森逗晚晴。

吳承泰

字謙三浙江烏程人

山行東周鍊師

蒼峯落日寒萬壑。秋聲起白日逐雲歸。行人猶未已。

只二十字可抵一篇山中晚行遊記

錢之青

字鳳文浙江烏程人太學生

風阻岳州

帆拍瀟湘去。其如風雨何。秋聲岳陽樹。寒色洞庭

波款乃漁歌起微茫雁影過昔賢臨望處觸緒感

懷多極自在苦索恐轉不能得

張安紘字琴父浙江烏程人

送燕

節屆秋分社事忙送君前路入蒼茫年年不作無家別半在他鄉半故鄉言外感已之無家

徐洪鈞

字雙南江南宜興人諸生。雙南喜鈔書經史子籍詩賦聯語會於心者必手錄出遊必載箱篋以行年六十右體患拘攣疾仍用左手書弗輟也詩意以沉著為主品炎本朝人詩共五十餘章多手札者

和昌黎秋懷詩

萬靈均有知露零鶴自警修士多感秋日短志弥

國朝詩別裁集

卷二十七

重

教忠堂

永學道已苦遲精進詎嫌猛尋源有深淺脩短視我綆耳目淨浮華寧謚差可幸會心正非遙煩使煩慮屏下一分功力得一分道趣百倍千倍所得因之所謂修短視我綆也

書懷

讀書貴神解無事守章句混茫萬古心每於故紙寓憶昔就傳時端受鹵莽誤年來發深省頗領此中趣中夜每獨坐耿耿燈火聚到眼初茫然思力未能赴朗吟一再過百趣或流露迴環三復餘延緣得津路此時萬籟寂炯炯一心注若距且若迎迤尔忽來悟頃今千載人精魄宛相遇掩書起推

牕皎月挂高樹秦會之讀書快讀則無味森人能道著讀書趣也篇中寓其入工夫語語心得一結超然妙在結出

外題

過梁溪

東風作意送歸艤舟子吳歌盡短腔一枕夢回天已曙九龍峯影落蓬窓

繆

字虞舉江南華亭人歲貢生

出門

四日猶新嬌出門何草草離別有千名此別古來少蕭聲絕不歡麝氣偏可惱本是吉時辰翻為惡懷抱羞澀紅燭枝髮髻顏色好焉能識心性尚未

國朝詩別裁集

卷二十七

重

教忠堂

辨手爪墻下花娟娟籬邊竹裊裊春光豈別時况走燕京道念子嫁已遲恐我歸復老杜詩暮婚晨告別為出師也太平無事四日出門母乃太匆忙子妾身未分明何以拜姑嫜是新婦不識堂上焉能識心性尚未辨手爪是遊子不識新婦各極其妙

舟次

絲雨暮殘春春江一問津潮生柔櫓逸風轉片帆伸芳草疑無路垂楊若有人暫依煙渚宿未必白鷗馴

蔣

溥

字碧存江南吳縣人。舊存不事生產窮居山郭於吳門族屬猶北阮南阮之分也然能守於陵之節讀書自好至今過其故居疑有清風拂人

桐花歌

山牕三見桐著花。先生三載茲為家。老樹不知壽
幾許。窮村偃蹇無精華。剗心竟作蟻鄉里。抱花頻
有蜂乾死。先生得母類。二蟲眼前生。趣還餘幾
陰瑟瑟。搖微風。桐花垂垂香滿空。墜檐一枝早開
謝。花朶歷落庭階中。踈簾一幅瀟湘雨。老鶯作歌
雖燕舞。朝暉散影何娟娟。山牕寂然人正眠。純乎天
趣自稱

先生宋人
每有之

朱奕恂

字恭季江南長洲人廩生。恭季二十餘歲誅懷詩落句
云男兒意氣原無改。向窮途笑向天。抑塞磊落乃尔後
學日進行日醇遠近稱長者四十後不復吟詩
謂於道未尊者也茲所錄四章皆壯歲時作

擬古出塞

國朝詩別裁集

卷二十七

五

教忠堂

東裝赴青海。醉裏別鄉關。少婦識雄心。不復問刀
環。笑彼馬。伏波猶戀裏。屍還埋身青塚側。陰雲黯
天山。極形義勇
翻盡白塞

荷珠

小雨林塘淨碧羅。田田分得夜光多。江姝唾逐天
風落。仙掌晴分曙月過。幸未贈來愁結佩。若為采
去誤凌波。蕩舟耶女休相妬。樂府虛裁一斛歌。刻畫
已極

却似未嘗就重者此詩品也往時詩社小作
衆人傳寫今稿中散失矣于以舊所託稿存之

秋日雜感

短劓長歌二十年。不羈天地總翛然。監河賒許供

江水營室虛償貸。聘錢婦索短絙枯井畔。兒煨半
竿敗鑪邊。日高顏巷西風急。傲骨嶙峋萬仞巔。
五人墓

花市東頭俠骨香。斷碑和雨立寒塘。屠沽能碧千
年血。松檜猶飛六月霜。翠石夜通金甌氣。荒江晴
貫斗牛芒。片帆落處牽清藻。幾伴歸鴉弔夕陽。不消
浮響

自無

王景琦

字韓起江南江陰人貢生。韓起名節自負康熙中學使
巡像韓起見之勃然奮書像歸胥役訴之學使學使怒拘韓起至
韓起曰生恐累公得罪名教故奉聖像歸山舉正為公也且不獨
為公為天下萬世道統計天下有聖人拜異教者乎學使詰于義
婉言謝韓起裂去佛像拜而焚之即此一事知其正直矣錄韓起

國朝詩別裁集

卷二十七

五

教忠堂

詠淳化里

澆薄已成俗。淳風世所難。兒童知禮讓。父老重衣
冠。耕稼惟同井。催科不用官。鄉邦能化此。便作上
皇看。朴老得
力於杜

同錢青在夜飲賦此贈別

青銓酒數巡。寒夜獨相親。以我無家客。逢君失路
人。吟魂清遠道。堅骨鍊長貧。又逐征鴻去。輕車少
住輪。唐人
風度

侯銓

字東衡江南嘉定人廩生。秉衡太常諱震賜曾孫國學
諱岐曾之孫修齡長身狀及忠義貌貌嶷嶷從嘉定寓居

虞山與陳見復汪西京諸君結詩社于亦與之交友明有闕失必直
言規不失先世風秉衡沒同學中直諱者少矣錄其詩因追憶其
風標如此

南屏晚鐘

聲喧百八起西泠。敲徹斜陽近翠屏。閑逐野雲停。
半壑遠隨孤棹落前汀。六橋金粉人初散。十里鶯
花夢乍醒。斷續聽來何處好。碧煙明月冷泉亭。
妙在語

是曉鐘粗心
人不解辨此

清明日作

自注時期
試報罷

連日陰寒乍放晴。愁邊不覺是清明。漫從榆柳分
新火。枉向鶯花憶上京。得失已空蕉鹿夢。浮沈聊

國朝詩別裁集

卷二十七

三

教忠堂

結鷺鷥盟宵來。盼斷松楸路有淚。無言對短檠。

蹉跎身世苦無驚。開遍來禽興轉慵。璞玉無言寧
自炫。蛾眉已老為誰容。餘光猶鑿鄰家壁。浪迹休

嫌廡下春。安得故園營十畝。一犁煙雨傍吳淞。
故園

又傷懷落此
感舊情見手詞

送西京再至京師次西澗翁韻

才得言歸又欲行。黃梅雨過片帆輕。家庭兩月團
圓話。客路三千去住情。梁穩香泥憐燕子。花飛柳
陌怨鶯聲。匆匆便作臨河別。離緒無端觸處生。
作客

額聯
道盡

不寐

露滴寒蛩咽。風高枕簟涼。歸心憑短夢。一夜幾還鄉。

題桃花扇傳奇

青蓋黃旗事可羞。鍾山王氣水東流。滄桑眼底傷

心淚。付與詞場麴部頭。
賦此題者甚多未免過於頌肩
著筆滄桑不粘兒女故為雅音

黥胎井畔事如何。扇底桃花濺血多。長板橋頭尋

舊跡。零香斷粉滿青莎。

葉舒珪

字景鴻江南吳江人歲貢生著有分千詩鈔已哇先生
筆從皆能詩學山景鴻尤表表者今景鴻集已采而學山

詩無從訪求
甚惋惜之

國朝詩別裁集

卷二十七

三

教忠堂

孟夏同沈公倚昆季暨家弟姪輩泛舟登斗

燒閣讌集劇談寓都門事帶月而還集杜

三十六韻

我哀易傷感。甘憶昔少壯日。別脫略小時輩。壯人

裏可超越。惆悵年半百。立平生心已折。地愁寂

意不愜。賴有杯中物。但遇新少年。水老矣逢

迎拙。通家雅沈氏。早通交契密。同姓古所

敦。嗣宗諸子姪。痛飲情相親。入門高興發

招邀屢有期。交會未斷絕。今夏草木長

甘酸齊結實。四月熟黃梅。薰風行應律。

雲溪花澹澹溪山隱居霽潭鯉發發隱居景從陪羣公在差

池上舟楫渡白沙灘淺正相依陸王一邱藏曲折起早隨喜

給孤園望遠野寺江天豁寺遊樓角凌風迴東樓仰穿龍

蛇窟登慈恩寺塔築居仙縹緲詩陳得非元圃裂奉先劉澤國

繞回旋秋白原野轉蕭瑟門恣意同遠步西村力稀經

樹歇九月進舟泛迴溪泛水深波浪濶白展席俯長

流李公斑白居上列後出勅厨倍常羞鄭興嘉蔬既不

香芹碧澗羹時郭經齒冷於雪楊葉嗜酒益踈放故鄭

劇談憐野逸寄李斜暉轉樹腰絕涼風起天末白餘

酣漱晚汀軍中蕭蕭覺素髮義行時復問京華上軒冕

國朝詩別裁集 卷二十七 无 教忠堂

羅天關贈奉常南宮吾故人別唐時來知宦達寄高文章

實致身贈鮮于聲華當健筆故李嗟余竟輟軻懷江湖

漂短褐寄雲泥相望懸書不才甘朽質室歌長擊

樽破屏回首肝肺熱鐵慷慨有餘悲水歡樂曾條

忽七此會共能幾遠舊遊易磨滅贈同人惜解携

臨岐意頗切送李遲遲歸路賒寄江城帶素月聽楊

讀杜白二集

子美千間厦香山萬里裘迴珠翅晉士熟醉但身

謀拈出二公大節知人論世不當如是耶

索得學山兄遺稿

忘年羣從絕追攀入夢遺容想像間禿筆累累猶

作家可堪埋骨欠青山

南北馳驅客路長依人空辦嫁衣忙阿連自為文

章豈特傷心舊雁行首篇悲其未葬次篇表其文

司馬相如

挑得琴心正倦遊壚邊尚典鸛鵲裘長門解為他

人賦却惹閨中怨白頭

索人題照

鍼孔流光露電身靈臺本合淨根塵君能索我形

國朝詩別裁集 卷二十七 早 教忠堂

骸外翻覺廬山面目真此不取形而取神也七言斷句都能翻

宋 樂字玉才江南常熟人廬生王才少年多才以嘔血卒陳

送別

別路風光早江南芳草天人心似春色千里逐君

船

滿湘曲

楓落早鴻過洞庭無限波相望終不見只是白雲

多意不必深風神絕世

蒼揚州喬子

病餘纏縛似春蠶。詩酒風情亦尚堪。日落離心滿
揚子。知君江北望江南。近劉賓客

蘇臺柳枝詞

十里珠簾映碧流。絲絲金線拂船頭。閨門過去盤
門路。一樹垂楊一畫樓。又有句云不如飛絮隨流水化作浮萍箇箇圓上言思婦之感別離也失記全

文附錄於此

鄭玉珩

字荆璞江南江都人著有止心樓詩。荆璞大父為名侍御時中先生文章諫草著於時荆璞述祖勵行詩特餘事也采取二章矯矯拔俗知留心此藝者久

銅雀臺

露下金鳬冷。風來玉座清。美人掩瑤瑟。獨對月華

國朝詩別裁集

卷二十七 五

教忠堂

明橫槊。虛豪氣。分香感。故情。西陵松柏響。猶似管

絃聲。微調高於痛斥是為詩品

渡江

鐵甕城高落日沉。秋濤滾滾起層陰。天教設險分
南北。水識朝宗自古今。風急江狹吹白浪。月明烏
鵲繞空林。千年銷盡英雄氣。留與吾儕擊楫吟。

國朝詩別裁集卷二十八

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

萬夔輔 字伯安江南宜興人貢生著有歸餘集○先生孤介正直為宵人排陷繫獄久而得白然孤介之性終不改也韻語不尚風格一歸真摯于倫常日用三教意焉今嗣星鍾太史以詩為絕家學也星鍾為畫山儲太史丈夫畫山為余詳述之

孤鴈

淒絕雲邊雁高飛忽斷行一聲哀夜月孤影怯秋霜汾水蘼葭冷衡陽道路長客中愁見汝憶弟淚沾裳少陵詠物不取形而取意此篇得其宗法

中秋獄中作寄老妻

國朝詩別裁集 卷二十八 一 教忠堂

此生此月獄中看分照繫人不算圓泣憶牛衣心並瘁坐當木榻膝俱穿自注獄中只一明夷曾卜周文易惜誓還吟屈子篇生我恩深慚未報夜深長跪禮金仙自注廿二為先慈忌日○於極難中不忘明夷惜誓視夢繞雲山心似塵魂飛湯火命如鷄者較有定守

故明魯王廢宮

當年賜履盡銀潢禽父山川此啟疆矢到十傳知肅慎宮留千尺識靈光無端白馬屯河朔曾見青衣泣路旁甲帳已空遺楔在自注有仁孝坊尚存冷煙殘照過莓牆懷古詩許渾劉渚不免落套此篇勝人在處處切實

九日

尋詩繞遍一籬花落葉聲中日易斜憶得高堂臨別語授衣時節望還家

邱 迴 字翼室江南山陽人貢生○先生冲和謙抑接重雅以禮及讀書發論不受前人束縛有友人贈以詩中云小心友天下大論貫古今藝林傳述謂是當此二語

烏鰂行

烏鰂吐沫如玄雲妄冀屏蔽藏其身漁師卻認雲生處以網投之百無誤遠害焉知適見招紛紜小智空心勞鯉魚一舉渺無極浩蕩江湖隨所遭如任天也

岳忠武王墓

國朝詩別裁集 卷二十八 二 教忠堂

明聖湖頭宋將瑩神州戮力想精誠關張義勇原無敵李郭功名竟未成沙漠何期歸故主權姦乃敢壞長城孤忠遺恨千秋在大樹悲風日夜鳴自注不填可移易

喬崇脩 字介夫江南寶應人貢生官銅陵縣教諭著有樂玩齋集○介夫為石林先生克家子不許門閥自尊良貴以為榮祇就廣大族復歸里生平志趣可知矣不欲以詩人自鳴沒世後搜遺稿數篇亦足想其大概

挽方石川

風雨晝如晦嚶鳴何所求含悽念君子逝矣不復留緬想結誼初把臂在邦藩俯仰三十載於義誠不偷君昔官京師良讌間從遊豈伊文酒會中心

結綢繆。迨君入西川。視學三歲周。自茲音塵隔。合
并嗟無由。白日不停晷。江河馳急流。君時尚無恙。
遠念心悠悠。去春奉王事。按節向越州。便道過
白田。訊我暫維舟。論舊語未畢。薦櫛擬見收。余曰。
老矣。夫田園方退休。五月楊梅熟。連林叫鉤輈。放
我湖上棹。酌酒與君酬。汝南高月旦。歎余竟白頭。
咄嗟事如昨。百年君已邁。昨往視君疾。撫榻心獨
憂。勿藥望有喜。詎意遂弗瘳。路人且愴惻。况我重
交遊。因哀遂成賦。泣獻君知不。平叙交遊哀感自見於
山陰中集內每有此種

寄楊千木僉事

國朝詩別裁集

卷二十八 三

教忠堂

二年投老淞江東。強健寧甘萬事慵。四海交遊重
文舉。半生毫氣邁元龍。嵇山瑤草春應長。鏡水寒
波綠未濃。此際由來可乘興。扁舟雪夜許相從。

喬

肅

字敬哉江南寶
應人歲貢生

八月十五夜侍母宴時大人客上黨大兄客
夔州即事書情次蘇長公中秋見月寄子
由韻

積陰一掃冰輪高。洞澈直欲明秋毫。北堂清敞宴
初設。棲禽夜驚松間濤。肩隨弟妹率稚子。恪立庭
除歡救水。進觴再拜悄無言。孤雲帶雁西風起。流

光迅速奔雙丸。父年半百霜毛蟠。書來自言日健
飯。太行西去秋多寒。憶從燕薊遊梁汴。歲歲秋風
客程變。征車何日毀雙輪。課子前經開庭院。伯兄
面。鮮赤甲山寶棄。不怨志益堅。劬閣每從雲際上。
陣圖時向江邊看。宵深氣肅月更好。露湛金罍泣
階草。天涯此夕知何如。庭桂香濃秋未老。閒居色
養豈辭貧。願得門無離別人。酒有既徹啟明出。寒
芒獨照無眠客。如題安放
喜懼交并

過留雲堂書姪邃墨蹟後

國朝詩別裁集

卷二十八 四

教忠堂

筆陣走蛟虬。縱橫孰汝儔。兩行清淚落。一曲廣陵
休。薄俗無青眼。斯人未白頭。空教竹林下。掩卷獨
淹留。

葉永年

字硯孫江南上海人貢生官
翰林訓導著有玉壺詩稿

虎邱山樓即目

闔閭城南桑滿枝。闔閭城西柳絲絲。一百五日雨
過候。二十四番春盡時。花安真嫌曾入夢。月明山
鬼亦題詩。何妨索取銀瓶酒。一醉前山短薄祠。不必
奇聲

風格
自高

燕

芹泥重葺舊巢新。記取半年及社辰。入幕不驚揮

塵客巡簷如喚卷。無人驚。驚樓外春如海。玳瑁梁間月似銀。開向主家談故事。昭陽臺榭已凝塵。

一聯妙仍是不即不離李樊南時用此法

方還字贊翔廣東番禺人貢生著有靈洲詩集。其期為九谷先生長子所學一本庭訓移家於吳倡詩教書實客四方

詩人來吳者每登方氏廣歌堂賦詩飲稱一時之盛知廣南屈深陳三家外別有方氏派衍云

舊邊詩九首

鐵嶺迢迢接錦川。關城三面繞烽煙。春深秣馬蒲河北。秋老連營木葉前。滄海舊聞通運船。金州誰解議屯田。諸軍自失橫江險。白草黃沙暗朔天。

右遼東

國朝詩別裁集 卷二十八 五 教忠堂

北平雄鎮翼幽燕。千里朔河朔漠連。司馬高臺聞夜吹。盧龍古塞入秋煙。開疆競說分三衛。籌國何因棄外邊。歎息寧封南徙後。遂令烽火達甘泉。

為外邊水樂中寧王內徙而創始重內邊此失宗之大者詩中暢言之

右薊州

萬全八驛接神京。上谷千年漢將營。地險旌旗藏殺氣。山盤鼓角壯軍聲。邊歌竟日來紅石。鐵騎中宵度赤城。誰識興寧殘廢後。漠南無計援開平。

土木之變又棄與和則開平亦不能守

右宣府

馬頭北去是雲中。極目川原處處通。繞鎮衛城分十五。沿邊都閫轄西東。自注明初設山西行都司額垣正接葫蘆。海名月曠野長吹鵬鶚。名風聞道頻年還調戍。諸臣何策建奇功。

右大同

三關平列勢逶迤。日落連城鼓角多。帳外深煙迷眾堡。營前孤月墜長河。赤山寒谷驚烽燧。青塚秋原入駱駝。誰使總戎移逸地。偏頭空曠牧人過。

中撫臣請移總兵于寧武而偏頭一帶地皆空虛

右山西

國朝詩別裁集 卷二十八 六 教忠堂

榆林四望黃沙際。千里連墩絕塞天。夾道陳兵橫套口。長城環塹繞延川。徙邊御史籌無缺。自注舊治閭都御史余子俊建議移鎮榆林內地遂安折色司農計苟全。自注弘治中改延慶等府本鎮之稅為折色軍用始此地從來多勇敢。莫教枵腹事鳴弦。

右榆林

鎮城西倚賀蘭開。滿目沙飛筆筆哀。水合黃河朝走馬。雲迷紅寺夜登臺。膏腴昔日稱蕃庶。蹂踐連年盡草萊。欲識金城舊方略。濬渠即是靖邊才。

西築為邊牆室為溝渠修復秦漢故跡邊城外國溝渠內深以資灌溉全陝之利也

右寧夏

秋入平原動鼓鼙。弓鳴風勁塞雲低。漢家營壘沿山後。秦郡川原盡隴西。徵調頻年憂戍士。逃亡何計復蒸黎。徘徊險阻誰為守。花馬池邊落日迷。調臨鞏西鳳兵防守對糧在本軍額內支給每前人策矣詩中見及之

右固原

風急荒原落雁聲。西河霜氣逼嚴城。金笳幾處秋垂障。鐵馬連羣夜點兵。充國留屯沙際沒。嫖姚遺壘月中明。古來無限安邊策。密待勞苦戰爭。人集廣歌堂賦舊邊詩時家方舟劉東郊李客山孫丕文及子諸人俱在武成一二首多者四五首莫朔日繞亭午已成全詩又皆接切時勢同人蒙照選中國全錄之

國朝詩別裁集

卷二十八 七

教忠堂

右甘肅

鎮海樓

獨立危城城上樓。層層遙接大荒秋。三條江色來千里。四面山光盡十洲。東海雞鳴紅日擁。南溟鵬徙白雲流。試觀百粵聲名盛。離火文明貫斗牛。

少年行

不解陰符與六韜。似知名姓五陵豪。此身未識為誰用。慷慨長歌看寶刀。傳出燕政判軀心事視不通名姓粗豪甚及繫馬高樓垂柳邊皆皮膚語耳

方

朝字東華廣東番禺人國學生著有句湖集東華幼歲失子詩讀漢魏盛唐宋元以下書均未嘗目故著述無時下一點習氣喜結賓客與乃兄樊期同二方之名遠近交推之而弟名尤著

集中元長五古故所收諸體從略

中宿峽

滄海雲際來。一瀉開地軸。欽岑雙屏轉。坱軋森草木。仰窺流光短。益覺日晷速。乃知東南天。於此亦不足。鮫宮倚禪房。魚梁飲麋鹿。帝子去杳然。清光映江曲。維舟探遺蹤。雲旗想幽谷。起步從元東南天亦不見此景此意無人道過

出峽

煙橫山根青。日落水面赤。孤村牛羊下。出峽景已夕。網罟歸澄潭。麋鹿戀幽石。蒼然前林遠。江天月流碧。山水信足佳。其如在于役。

國朝詩別裁集

卷二十八 八

教忠堂

由臨川北道抵餘干山行五首

雞鳴發征夫。驅馬萬壑黑。仰觀參星橫。俯怯厓石昞。烽迴溪流轉。林密寒光逼。空山鳥吟悲。百里無人跡。安知叢莽中。不有猛獸匿。驚風吹客衣。佇立增太息。

寒泉瀉崇阿。絕壁開古道。暮投漁樵煙。朝拂谿澗藻。征雲遶微風。相隨越林表。出門聞雁聲。客舍非春草。江湖風波輕。夢寐間。關杳蒼茫問前途。下視見飛鳥。

炎暉焦林木。客子朝雨汗。側見垂蘿靜。四嶺雲氣

斷幽崖響淙潺竹泉遠分漚行行度谷口黯淡驚
雷電馬頭風雲興澗底蛟龍見蒼黃顧僮僕中道
已失散

出郭落月輝涉澗山日晝客行路紆迴我影忽左
右懸猿嘯風枝飛鳥來煙竇回瞻寒潭口瀟灑石
泉溜東臯苗尚青溪南稻多秀神明何施爲物情
自爲候

山行宿常遲白日忽已墜美人在天末明霞情誰
佩揔角事遠遊風簪臨東岱中懷念舊止極目炎
雲外奈何來豫章咫尺庾關在明朝乃迴車轉欲

國朝詩別裁集

卷二十八 九

教忠堂

向吳會老莊告退山水方滋昔人以品謝公者請移贈斯人以品地風
格略近前賢也末章已近庾嶺未近南嶺懷德有故國之思焉

開先寺觀瀑布

客尋瀑布來恰到雲歸處層巒聳萬疊懸雷空中
注白晝瀉銀潢中天昭太素逝者無終窮千秋等
朝暮古寺枕寒淵蒼煙噴長霧蛟龍卜靈窟形神
洽幽趣洗心視聽外無言發清悟可參予在川上章不止
清言起悟視東坡作境

界又
開矣

三峽澗

宿昔夢龍門茲晨越三峽湍雷翻水花林風隊霜
葉行人與飛鳥邂逅忽相接寺門蒼煙削松臺紫

雲疊我欲窮源泉於茲將遠涉所恐觸潛虵俯視
爲氣懾

碧落洞

日暮棹秋水煙花滿江曲翠壁何嵯峨幽巖鑿山
麓我來縱遊觀天風振樛木其外不可攀其內可
以屋洞底上迴磴茲山乃空腹石閣兩三層蒼蓮
根地軸香煙老苔蘚佛床女蘿綠老僧擊晚磬窈
冥共雲宿會稽乳山鑿山空腹人力既盡轉
近天工洞底十字今我如遇舊遊

力田

躬耕習農時豈敢稱高蹈侯門不可干聊以從吾
國朝詩別裁集

卷二十八 十

教忠堂

好方春理耒耜隨時調水潦布衣足掩形茅檐頻
洒掃日暮耕者還斗酒相歡勞四運有常功吾生
復何校

倉庚鳴桑林喚我荷鋤子雨澤一以降耕作從茲
始黃犢分我勞葛條繫我屐行行石梁畔澗道多
新水草花紛芳菲山光無表裏乘閒偶流眄木末
春雲起胎原陶公起四語
已到自然地位

春日自鄧尉移櫂支硎山中信宿

川原既逶迤我遊亦無定甫別湖上峰旋躡雲中
磴臨淵想修鱗過寺聞清磬漁樵相引接水石交

絲豆野風吹春服。低回發清興。林端斂斜陽。浦上輕雲暝。

月下自寒山還至蓮花峰下

西閣寒日沒。策杖尋松徑。歸鳥半在巢。山家煙火靜。清月流素輝。幽篁生虛聽。依然向來路。雲影飛無定。欲逐樵人踪。盡識山中勝。行行見柴門。寒潭似清鏡。

大江吟

大江曲。山樹秋。天寒日暮。野鳥啁啾。中流激蕩風。瀏瀏北兼漢。汙東下揚州。滄波浩瀚誰能收。江上國朝詩別裁集卷二十八上 教忠堂

何所有。芙蓉壯渚。葭菼中洲。江中何所有。鯨魚鼓浪。天吳嬉遊。峨嵋雪消。春水漲。瞿唐巴峽。猿啼幽。奔濤瞬息千里。瀉雷霆。憚赫日月愁。思欲一濟無方。舟美人旌旆。雲外浮乍去。乍來不我求。青鳥欲語。意夷猶。天路險阻。懷靈修。白日西馳。不我留。長歌從倚。增離憂。未段細雲路之正長款塞修之未遇正則遺音耐人吟編

藐姑山

角青天。缺孤峰。補白雲。洞深泉自出。山險路難分。日月愁。關鎖風雷。亂見聞。但令栖隱去。何必遇神君。風雷亂見聞深山中疑鬼疑神真寫得出于遊良常山有風雷生絕壁句然自視覺平近矣

落

偶尔逢時雨。延生過井欄。託根多在石。為性不知寒。古洞封長滿。陰崖濕未乾。是誰留屐印。幽處久盤桓。水沉濕水不知濕也火就燥火不知燥也唯其性生也性本寒故不知寒五字可以見道

江夜有懷

風力捲雲霾。孤舟傍翠崖。江星動。魚脊山。果落猿懷。旅夢灘聲斷。鄉心驛路乖。不知蓮社客。誰最念天涯。江星二語字字生新而山果落猿懷尤極自然却又無人寫到或謂近賈長江意詩覺過之

清溪

清溪知幾曲。深處有樓臺。樹杪江帆去。門前潮水來。溫風丹荔熟。明月素馨開。童稚歌連袂。橋南浴始回。

國朝詩別裁集卷二十八上

教忠堂

峽口

峽口波濤壯。居人不滿村。衆山風落木。深洞月歸猿。水并星河瀉。雲兼石鉅翻。千秋追帝子。如可夢精魂。

聽撫洞庭秋思曲

曾放扁舟沂楚天。清猿淚竹思淒然。廿年夢裏湘山月。今夜分明在七絃。只末句寫聽曲作法最工

屈

復字悔前陝西蒲城人著有弱水集○悔翁以布衣遊公侯間不屈志節固有守士也詩雖未純亦時露奇氣惟過

自許許好為大言而一二標榜之人至欲以一悔前錄到古今持家於是學者毛舉而靡而苛責之悔前無完膚矣余所來數章皆鉅刃不煩人宜快心者

魯隱公莒裘

莒裘未營友愛殺身為我殺人者即為殺我人鍾

巫之祭徒紛紛羽父之惡寫來可畏

力士椎

力士誤椎人共惜搜之無跡疑鬼伯天地且震動日月亦變色祖龍不死安可得輟涼車已先禡魄

鄧通錢

黃頭郎君忽有錢王侯公卿皆比肩爾錢來何路

國朝詩別裁集

卷二十八 圭

教忠堂

乃敢凌豪賢古無不崩之銅山日中有錢人所羨日夕餓死人誰憐舉一鄧通警世之多錢自雄者

王母廟

七日龍鸞未可憑終南遺廟白雲層階前古柏寒無葉門外瑤池積有冰秦地山河留落日漢家宮闕見孤燈如今應是蟠桃熟寂寞何人薦茂陵見東仙之

無益茂陵有知應亦啞然失笑○七言律海翁有書中乾蝴蝶詩水中雁字詩皆二十餘章此種最足減損詩品愚故獨取此篇

偶然作

百金買駿馬千金買美人萬金買高爵何處買青

春欲欲裝鐘但恐買駿馬買美人買高爵者俱不聞耳

黃梁夢盧生祠

夢作公侯醒作仙人間願欲那能全從知秦漢真天子不及盧生一餉眠從來作者謠言盧生之癡心此更翻得有味

題漢樂府後

李陵蘇武少陵師直掩曹家橫槊時更有房中傳樂府漢京開國勝男兒唐山夫人樂府更在李延年司馬相如之先特為拈出

題元遺山論詩後

鴛鴦繡出一生心野史亭中帶淚吟今古寧無煉石手補天原不用金針所見者大

徐

琨

字崇長江南無錫人著有香樹齋詩○香樹以詩受知聖祖修書內廷常追隨屬車躬尾間故其詩多近唐人

國朝詩別裁集

卷二十八 齒

教忠堂

制應

大獵

聖主親臨講武臺風沙漠漠陣圖開四山旗似晴霞捲萬馬蹄如驟雨來壯士踴鷹森勇氣將軍射虎老邊才雅歌沮洳誇從侍樂勝軍前奏凱回

程

鳴字友聲江西南歙縣人

論畫答王耕南

杜陵贈畫師五日畫一水意在落墨先苦心究終始前賢論惜墨其意端在此第云墨如金祇取減省耳王洽米襄陽煙雲常滿紙

學古希古心。不學古人面。荆關境在胸。揮灑付柔翰。規矩雖具。陳神明。取能變試看。造化鑪新機異。昏旦而胡丹青家刻舟以求劍。為晚輩古人者更進一解

顧我錡

字湘南。江南吳江人。廩生。○郭文端任江蘇藩使時。古學試士得五十三人。湘南為冠。後舉博學鴻詞。文端奏請若為湘南說也。及詔下而湘南歿矣。豐於才。奇於命。文端歎息。跡標。

釣突泉

泰山之水環山來。

陰崖汨汨逝不迴。

自注源發于岱麓之陰。至渴馬崖始伏。

陵然一落不復見。渴馬立壁空崔嵬。濟南城西天下絕。珍珠金線交橫發。伏流到此修復通。平地跳出三白龍。初疑風雨至。萬籟翻空波撼地。繼若驪

國朝詩別裁集

卷二十八 五

教忠堂

宮傾珠璣瑟瑟騰光晶。雷奔箭激不可以逼視。天矯勢欲升天行。其旁有高樓縹緲如仙靈。流丹百

仞映涯淡飛沫萬點噴簷楹。揮手倚樓坐對此。可以傾醪醺。吾聞匡廬瀑天紳倒挂雙峰麓。又聞太

華頂綠淨紅酣池萬頃。未若茲水虛可驚。倒行逆出相喧爭。乘風我欲破空去。轉恐平地洪濤生。寫倒出數

語雖奇天矯有勢有聲。今讀若如置身其間。

海山亭觀落日歌

羲和鞭日聲隆隆。朱輪丹轂雙碾空。空窮猝入大瀛海。迴光倒燭深潭龍。海水忽湧沸銀濤。如屋相

撞春欲吞。不吞吐不吐。但見萬里鎔紅銅。陽侯驚詫海若笑。幻出萬象真無窮。天矯一金蛇。獨卧洪波中。連蜷裊窈千。萬丈小蛇蜿蜒來。相從熠然變火光。傾瀉玻璃宮。浮光照曜際窮髮。餘光溢出難為容。飄飄海山亭。結構當海衝。我來露頂坐其上。放眼頓覺開心胸。霞收景滅忽不見。皎皎玉鏡升天東。正寫落照旁寫餘光。真能狀難狀之象。

九日登縹緲峰

太湖湖水平如油。南臨吳興北常州。雲濤湧洞千萬頃。天遣峭石支中流。奇峰羅列七十二。意象岸

國朝詩別裁集

卷二十八 六

教忠堂

粵窮雕鏤青螺勢。絲延支聯脈綴相沉浮。就中一峯起。天半孤撐礫卓無朋仇。有如端拱坐清殿。奔

走萬國朝羣。侯置身峰巔。斷塵土。縹緲雲煙裊孤柱。微波一曲辨荆溪。頑石數拳窺顧渚。未知大地

竟安窮。但覺長空浩無主。孤舟遠泛若停橈。斷雁低飛如鍛羽。是時秋空方次寥。丹楓黃葉山之樾。

彭澤把盞正采菊。中山搖筆還題糕。我負無物作重九。憑仗兩腳升青霄。拍揮雲物作几案。呼叱喘

嶂同兒曹。吳山簫鼓真一笑。苦向平地誇登高。峰為七十

二峯最高俯見荆溪道場山等處。然自下而上無亭臺樹木有登無頓。不易這極也。作者浩氣孤行豪情直上不負登高之目。未言吳山簫鼓。

平地登高
真堪一笑

龔

字羽階江南常熟人布衣○羽階寒士也王念慈西湖南人其詩時遺以稟後西潤亦感窘迫無周師羽階者其某歲除為人草書序後所酬值雖不六天言人賦全始之并刻遺集至今無有羽階姓名者

却寄

江東才人才厲銳之子拔戟樹一隊用師可進不可退攻無堅城當者碎扁舟曾夢浮吳淞雲帆高挂拂九峰割鮮三泖鱸腮紅入門大笑四壁空東頭老屋陸士龍

二月望日西澗僉憲招飲

杏花滿地春狼藉。懶隨鸞膠豎不得。玉蘭楊柳鎖

國朝詩別裁集

卷二十八 七

教忠堂

東風絕世芳華更誰惜。低頭客館歎無聊。悶過春光五十朝。黃岡先生老好事。高齋置酒歡相招。酒徒嗜酒慙戶小。飲未三升迷白皂。許髯汪叟但長吟。醒眼相看應絕倒。遇酒不飲負主人。遇春不醉還負春。酒徒平生願無負。明朝卻叩誰家門。負主人猶可負

春真可惜矣未同杜老旅食京華心事妙在不識

春日次韓耕雲韻

萬里休論野鶴心。東來聊復寫幽襟。山中故舊蒼松老。柳外人家畫閣深。渺渺溪煙新雨後。離離春草舊城陰。風波滿眼驚頭白。破屋青鐙一帳吟。

朱鼎鉉

字楚植浙江海鹽人貢生著有豐岩詩鈔○豐岩性孝友書成孝經補注私游陸清獻公嘗成理學淵源錄不欲以詩名也而詩亦近唐賢風格朱竹垞先生於後輩中每推獎之

擬西北有高樓

高樓矗層雲。清夜焚蘭熏。素幃先受月。悄然照羅裙。借問月中人。顧我何慇懃。相憐必同病。各自愛清芬。月即不自語。我意轉自殷。中心如皎月。清光常為君。天邊見月光。千里憶離羣。

雨後放舟

小壑連白雨。輕橈泛綠溪。春寒花信晚。水漲野橋低。漠漠煙中柳。膠膠午後雞。亂雲飛不盡。又過夕陽西。

國朝詩別裁集

卷二十八 六

教忠堂

昔人以柳塘春水湧花嬌夕陽遲為中唐神來之筆此故得其氣味

秋齋雜興

觸景皆堪適。惟秋更灑然。白雲飄似絮。空水碧於天。漸覺輕綃爽。渾忘小扇捐。誰憐憑弔客。猶有續騷篇。三四語實是秋雲水是秋水移三時不得

倪濂

字公介浙江仁和人

客中除夕次結蒼韻

駒影難留住。驚看歲又更。星河低遠樹。霜柝急高城。旅食鄉心切。浮踪世累輕。寧知寒漏下。春已逐愁生。

聞角

銀漢澹遙空。邊聲四野同。高城吹早月。孤枕動秋風。地白驅原鹿。雲黃斷塞鴻。今宵鄉思遠。砧杵萬家中。

雪霽古直結蒼過宿旅齋同賦

貧巷荒齋寂。荆扉晝掩時。冷吟依宿火。軟語把深卮。雪淨鴉歸晚。泥融馬到遲。夜寒眠不穩。燒燭共論詩。三詠平易近人無鉅紅梅摘之迹

王蒼壁字攻玉江南崑山人園學生

詠古

國朝詩別裁集 卷二十八 亢 教忠堂

致身非不榮。而貴辨出處。始進不以正。功業何足語。孔明人中龍。君臣實心膂。三分定制益。一德並伊呂。當其未遇時。夷然視圭組。鹿門拜龐公。南陽詠梁父。向非昭烈賢。三顧猶未許。君子慎自藏。守身如處女。當與荀文若對看

童謠

賑飢民。吏胥飽。飢民泣。吏胥惱。吏胥勿惱。爾當喜。官府明朝。朝糶官米。恐官府分多吏胥分少不容不惱也

周遠字少遠江南吳縣人

京師九日城南黑窰傲登高

愁思天涯九日晴。憑高開望夕陽明。天清萬丈秋潭影。風急三關落木聲。雙闕參差連御苑。亂山合沓入邊城。懸軍絕幕思飛將。聞道河西已戢兵。明後

中最近

高炳字詩文江南金壇人諸生。○雲閣王丈不肯輕許人而於詩文獨下東野之拜。今讀其遺集每負奇氣寧瑕無庸近故是徐文長一輩人

天生橋自注在萬縣

兩崖臨絕澗。微徑垂一縷。中間橫巨石。足可容百堵。鑿空非人力。枝撐自太古。奔泉噴雪下。轟若雷霆怒。長天慘白日。六月失炎暑。平生輕波濤。三峽未足數。中流揮羽扇。嘯咏狎飛騰。迨茲翻凜然。頓覺毛髮豎。勇怯亦何常。擇地自可賈。因思昆陽捷。千載稱光武。卻笑李將軍。徒誇射猛虎。見人無勇怯氣盛則陰處皆夷

國朝詩別裁集 卷二十八 平 教忠堂

也寫境地中有議論在

渝州重逢芮文彬賦詩道別

君家瀨水灣。我住錢溪側。兩家南北對。洮湖朝夕往。來不相識。今年四月朔。我正在荊州。隔牕忽聽故鄉語。招手同上江陵樓。江陵城邊酒如乳。笑脫青衫典春醕。為君一飲盡百觴。挂帆西去適渺茫。此去亦何期。風波夢裏思。恨我何早發。思君行太

遲昨到渝州。屢回首。一見行人。君在口。聞君尚住巴。江東不意君來。我翻後相逢一笑。酒重傾樽前。且聽風雨聲。何時歸去復攜手。明日拂衣還獨行。
初不相識。既成相知。先發渝州。到偏在後。敘事中有無限波瀾。

讀昌谷集

帝闕飄飄邀何許。麗眉書客天人語。興來倒吸海底乾。八荒并入秋毫端。瑶姬仙史不能讀。留向人間問空谷。風吟雨怨幾多年。南山石爛真可憐。不須嗚咽隴頭水。隴西長吉今未死。
讀昌谷集便學昌谷

朱厚章

字以載。江南崑山人。寓居嘉定。原生者有。多師集。○以載長身鶴立。言論侃侃。嘗於座間見旁列二人。各搥紙墨。以

國朝詩別裁集

卷二十八 主

教忠堂

載口授一成。四六序一。改友人長律而已。又嚴孝子傳有所得。使二人參錯書之。序長律俱工。已所錄無謬字。五官並用人也。徵博學鴻詞病卒。門下士金君昂午刻其集。行心喪禮卿邦並重之。

拜方正學祠

秋氣漂毛髮。祠門弔落暉。何人加白帽。大節在麻衣。草亂疑瓜蔓。庭空絕燕飛。景公遺廟近。化鶴並來歸。

寄荅王千里

留滯通侯邸。真成客裏家。高門賀燕雀。華髮吐煙霞。逸士方三拜。才人溫八叉。知君懷故里。邱隴有梨花。
千里客徹侯張氏廿年不歸。作詩風之猶古道交也。

題青溪集

黃柳花飛撲醉巾。六朝滾滾馬頭塵。也知李嶠真才子。可但江淹是恨人。澹粉輕煙疑在眼。珠簾甲帳最傷神。倩誰譜入參差玉。訴與無情古月輪。

九日登東城寄南華

蒼煙影裏獨憑高。瑟瑟寒生薜荔袍。我願滿頭常插菊。天生左手爲持螯。雲隨暮鳥歸村樹。風捲秋鐘撼海濤。佳節一杯桑落酒。故人何處鬪詩豪。

歲暮雜詩

吳氓彈力辦租庸。霖潦深秋駭老農。信有櫓巢師

國朝詩別裁集

卷二十八 主

教忠堂

鳥雀盡拋糲。穉豢魚龍漫空水。氣難爲雪。照野陽威未化。松間道中丞能入告。便令寒谷轉春容。
雍正七年連雨至。明春始晴。禾稼不堪。問吳鎮聯寫景。紀實中丞入告而曰。問道詩人。婉婉之詞。

秦淮絕句

風花無力撲簾波。佳節偏從客裏過。聽說兒童挑薺菜。青青只有故宮多。

觀柳河東初訪半野堂小像

靡蕪脉脉柳疎疎。想見文君放誕初。誰識秋風搖落後。獨將一死報尚書。
詞婉意微。當於言外領取。○靡蕪河東君小字。

蔣夢蘭

字香山。江南金壇人。吳縣諸生。

鵲鳩啼

晚來鵲鳩鳴不已。鳩婦含愁農婦喜。饁餉纔歸又
出門仰望烏雲何處起。鵲鳩鵲鳩願爾鳴明朝可
免車河水兒夫肌肉日炙焦。鵲鳩婦休傷雨濡尾。

方貞觀

字履安江南桐城人○康熙癸巳歲履安以負罪者累
詔歸歸籍賴正癸卯奉旨復歸江南十年中別母妻
素非能行動焉繫極人世之困窮然境窮
而詩乃工矣卷中所采多流離抑鬱時作

平陵公子歌

家世平陵東曲住。生長輕肥恥紉袴。夷門曾訪鼓
刀人。趙州一拜平原墓。殺身不惜為知己。鄉閭但
道酒人耳。北上邊城望大荒。南尋禹穴西衡湘。萬
國朝詩別裁集

卷二十八 圭

教忠堂

里陰相天下士。眼中彼彼止如是一笑歸來更讀
書。十年折節為名儒。當時心慕要離勇。今笑荆軻
徒匹夫。氣矜之勇不如義理之勇
為大勇也妙在寫來不腐

敬袍

故友綈袍意。今經幾歲寒。補多微覺重。老瘦漸嫌
寬。色已隨年盡。縣因屢洗殘。更新吾豈敢。還作贈
時看。

送渤海公回吳門

傾蓋即成故。因之離恨生。談空不得力。此別若為
情。渚白煙無際。江流月有聲。遙知松偃處。童子下

山迎

渤海公應是吳僧江流月
有聲有窮其句成名者

出宗陽

回首故山盡。前途直北長。萍蓬自茲去。鄉國永相
望。短草寒煙白。孤村落日黃。生逢擊壤世。不得守
耕桑。

抵家

行衣乍脫喜還悲。仍似桑乾入夢時。親老幸邀天
與健。家傾翻痛婦能持。山田白露登新穀。籬落黃
花發故枝。歡捧一尊為母壽。阿奴不道有歸期。此詩
非

故歸抵家是許抵家省親仍
韓旗籍也喜處正是悲處

國朝詩別裁集

卷二十八 圭

教忠堂

題侯家鵲鳩

誰將越鳥到京華。一入侯門閉籠篋。道是珍奇翻
累汝。可能流浪便為家。魂依苦竹嶺頭月。夢落黃
陵廟裏花。未免輸他秦吉了。卻安飲啄在天涯。

謝芳連

字皆人江南宜興人國學生著有香祖詩○皆人工經篇品
地在邑香臭味之外新月在天殘雪在地可以想為其詩

月夜汲中冷泉

新月泉上出。江華照衣冷。扁舟蕩秋槳。汲取波中
影。昨與山僧期。煮月翻瓦鼎。

孟夏山中晚坐

孟夏變物候。景仄風光稀。石林湛雨氣。山月連陽

暉鳥語遍幽澗。人聲隔翠微。彈琴遲漁者。衣上落英飛。

溪村早起即事同邵八丈子湘

早起杏花白。飯牛人出門。野田多傍水。深柳自爲村。比屋盡耕稼。服疇皆弟昆。爨煙猶未散。林鳥亂朝暾。妙在絕不用力。惟不用力人不易到。

宿山園

小雨松逕寒。人歸夜深火。宿鳥栖未安。驚飛落山果。軻川外又開一境。

密雪望行人

國朝詩別裁集

卷二十八 五

教忠堂

人行大寒吠。密雪迷村影。欲扣酒家扉。山橋一蓑冷。山橋五字入畫。

題李百藥三十六湖草堂

釣罷歸來解釣筒。題詩燈火夜深紅。湖村犬吠人眠盡。商女棹歌煙月中。

吳

詞 字砥亭江南太倉人貢生

登州蓬萊閣

山連漢武侯神處。閣在田橫舊砦東。五島亂浮雲氣裏。雙城渾住水聲中。遙灘夕漲生空綠。古廟殘陽曳斷虹。便欲剡舟從此去。七條絃上響天風。

孫宏 字量如江南桐城人國學生

過倪雲林祠

玉山池館已荒煙。清閼祠堂尚儼然。破產放情多難日。無家投老太平年。碧梧修竹騷人節。遠岫平林水墨仙。應與所南同俎豆。遺民心事畫中傳。山水不畫人所南畫蘭不著土兩公宜並祀一堂。三語指元時四語指易代時下年人品畫品俱見。

黃侍中祠

金川萬騎蹴煙塵。叩馬難將大義陳。妻女一時同殉節。君臣千古有完人。魂歸羅刹江聲壯。碑照秦淮血影新。咫尺孝陵松柏路。夜深風雨走青燐。

國朝詩別裁集

卷二十八 五

教忠堂

葉錦

字子美江南上海人諸生

渡泖

孤舟迎夕照。入望摠蒼茫。月上潮三尺。天空雁一行。暮山隨意遠。客思與波長。拍點苕城近。村煙滿野塘。

曉渡

隔岸疎鐘動。平林宿鳥飛。夜潮隨月落。小艇帶煙歸。

熊良鞏

字彌士江南潛山人諸生

客邸思歸

靜聽木葉下西風。燈影昏昏照病容。滴碎愁心秋夜雨。敲殘客夢寺樓鐘。衡陽雁斷三千里。巫峽猿啼十二峰。我久欲歸歸未得。雲山疊疊水重重。本盛

格風

康

瑄字雅六陝西涇陽人歲貢生

擬將進酒

嬌絲脆竹陳高堂。明燈煌煌出洞房。美人羅袖怨清商。一曲哀歌君斷腸。博山香鑪金絡索。上有仙人駕鸞鶴。同心歡樂壽萬年。不用三山覓仙藥。何如小槽滴瀝琥珀濃。澆胸頓使金壘空。醉鄉乃在國朝詩別裁集。卷二十八 壬 教忠堂
太古世後輩。堯禹輕羲農。酒中之樂人不省。勸君飲酒君自領。

孫陽顧

字泰卿浙江人

登塔

半空身忽住。飛鳥共經過。江海掌中攬。煙雲足下多。四圍叢苑樹。一氣接銀河。欲向高天問。無言對我何。章八元登塔詩當時盛稱其同僚道此作交過前人全在雅俗之別

吳學濂

字曠洲江南休寧人浙江仁和人籍諸生著有香雪堂詩

送梅藕長令浙東

廿年卧對敬亭雲。名士如君始是真。太白樂章驚

賀監微之辭。句誦宮人素衣不受緇。塵化墨綬偏膺白髮新。山水永嘉堪眺覽。謝公遺跡未湮淪。

楊樹山公祠

祠宇重新古驛旁。姓名猶覺滿城香。五姦已褫權臣魄。一疏堪爭烈日光。謝卻蚍蜉真有膽。撐將鐵骨不隨楊。階前請鑄分宜像。斫地行人共激昂。兩城香不

隨楊皆樹山朝審詩中事也末用岳墓鑄秦檜像事

程

烈字儼昭江南桐城人

浮山

縹緲接瀛洲。孤筇海上遊。山從波底出。入在鏡中

國朝詩別裁集

卷二十八 壬

教忠堂

浮古樹風疑雨。陰巖夏亦秋。茫茫杳無際。隱約指丹邱。

朱國漢

字為章福建綏安人布衣。為章隱於賣嘗遊金山有貴人苦吟未就為章得句云煙霞滅沒三山外。江海蒼茫一

氣中貴人大賞之對曰偶記他人句也其厚自晦藏如此

張中丞祠

繡帳煙沉鐵面灰。中丞生氣尚巍巍。孤城百戰鼠雀盡。長笛一聲天地哀。當日江淮資保障。至今號令肅風雷。賀蘭未滅英雄死。滾滾波流恨不回。臨陽有軍

中開苗詩對鼠雀恰稱

文丞相祠

丞相荒祠白日寒。直教一死寸心安。屋山激烈原
非易。柴市從容更較難。窮海有人埋碧血。普天無
地著黃冠。西臺慟哭悲風起。剩水殘山忍再看。無二
海語

晉天無地著
黃冠句尤警

岳武穆墓

森森宰木戰英風。葛嶺高墳夕照中。白馬怒濤人
共恨。黃龍痛飲事皆空。風波詔獄成三字。朔漠羈
魂哭兩宮。從此君王無遠略。杭州可與汴州同。

劉正誼

字或謀浙江山陰人
著有宛委山人詩集

自笑

國朝詩別裁集

卷二十八 元

教忠堂

自笑情何僻。謀生竟未能。鬻田買古硯。貸米給詩
僧。花月耽成癖。禽魚狎似朋。室人交謫我。婦語不
湏謦。想見雅人風
趣僻士襟懷

訪毛西河太史留贈

充棟書成自不刊。頻年握槩暑兼寒。魯魚舛後多
釐正。秦火焚來盡補殘。畫舫兩湖明月共。籃輿十
里好山看。感施餘論沾荒帙。白葦黃茅足改觀。三四
是西

河身分末二句應是
西河作序詩以報之

曹煜曾

字麓萬江南上海人貢生著有道腴堂詩
曹文詩得董蒼舒指授故其品特高

水仙花

江湍漱雲牙。夜濯宓妃魄。一洗羅襪塵。踏霜曉無
迹。水肌歸葯房。清芬襲巾舄。脈脈昇素心。踈梅影
橫。清氣逼人

曹炳曾

字為章江南上海人諸生著有放言居詩○曹氏
昆弟人比之劉孝綽三昆弟名詩品亦復相當

九日送人北歸

折取茱萸當柳條。送君明日上蘭橈。望鄉惜別分
南北。并作離魂一夕銷。望鄉指所送之客惜別
指送客之人兩層都到

曹煥曾

字春浦江南上海人
貢生著有長嘯軒詩

病中雨夜

鑪煙濃欲篆。夜色淡生陰。病骨秋花瘦。愁懷暮雨
深。疎燈孤榻影。衰草亂蟲吟。無限關心事。朦朧夢
裏尋。工於琢句外此如殘歲斜陽促輕寒落葉知酒
力緣愁薄詩情到枕工語不必奇耐人吟咀

國朝詩別裁集

卷二十八 辛

教忠堂

陳履平

字勉夫河南
南商邱人

花下獨酌

花枝姪姪搖春風。紛紛蜂蝶爭繁叢。我來提壺飲
花下。閒愁如雪皆消融。融枝頭黃鳥聲更好。似惜春
光怨春老。少年樂事那復得。只今空憶長安道。故
人無術廿載中。歸來兩鬢已成翁。故交如花漸凋
落。欲話衷曲誰人同。且拚爛醉花陰卧。明日呼童
掃落紅。

秦時昌

字枚江
南震澤人

方竹

舉世尚圓通。尔形獨合矩。不同睢園種。亦殊嶠谷侶。直方坤之德。鍾秀天特與。雖驚世人眼。實爲君子許。稜稜霜氣凝。矯矯峻節舉。宿土移數竿。歲久森園墅。堅竹豎爲杖。登臨藉撐拄。母令柔媚人一朝削。圓女。見君子當終守矩矱勿慕圓通改節未路也前牛自矢結意自規

朱肇璜

字待賓福建寧人歲貢生著有權亭詩鈔。閩中詩林往得其形似。本朝詩人起而非之變爲清削清削固佳然綠此遠遜唐部典籍之非則又偏矣朱待賓昆季詩偶一論之

寒夜讀書

國朝詩別裁集

卷二十八 三

教忠堂

朔風號紙窓。霜氣肅檐瓦。耿耿一燈明。虛室意蕭灑。簡編隨意讀。尋味我心寫。淡泊得膏腴。浮付土苴上下觀。古今一一歸爐冶。此時天氣寒。淪茗代杯筯。披幃盼高空。星河淡欲瀉。鄰雞凍不鳴。應知和者寡。

朱霞

字天錦福建寧人歲貢生著有曲蘆詩鈔

書屋新成示兒子琪瑛猶子珏璠

矯矯松林下。山齋喜落成。積書須善讀。隙土可深耕。習禮束筋骨。安絃養性情。更期三益友。開徑每相迎。

汪沅

字右湘江南歙縣人。右湘少居歙之潛口砂泉丹嶂拱列戶庭有園遠當林壑勝處年少即以詩見重於老翁敬與之會無弗列也二十九辭世梅長序其遺詩此唐之李昌谷明之徐昌穀不勝歎惋云

謝臯羽西臺

何事西臺上。空山慟哭聲。風雲皆變色。天地竟無情。竹石敲新裂。江流恨不平。客星祠咫尺。萬古共激清。

讀南渡野史作

過江名士競從龍。佐命先邀五等封。閭外新開都護府。師中羣噪大司農。文章江令嫺歌譜。遊宴長星勸酒鍾。忽訝雙眉愁不展。佳伶稀選未央供。元光弘光

國朝詩別裁集

卷二十八 三

教忠堂

忽驚鬱不樂臣下問意先帝嘗未復流寇未殄滅耶答曰無佳懷伶耳

龍盤虎踞石頭城。跋扈親麾漢水兵。相國臨戎防北伐。將軍卷甲急南征。華林但問蝦蟆語。葛嶺惟聞蟋蟀聲。燕子春燈韜略在。不須司馬更連營。左良王遣兵漢水以掃清君側爲名而馬阮不防大兵北下遣黃得功急集左兵此詩意也時給事羅象觀疏有春燈謎燕子笑即枕上陰符袖中黃

周璚

字黃在雲南大姚人官翰林院孔目

柳絮曲

點點覺春深。飛飛恨不禁。露沾疑妾淚。風散比郎心。曉月隋堤畔。殘陽灞水陰。年年飄蕩處。腸斷白

頭吟

沈廷揚

字天將江南吳縣人諸生

送友人屯田塞上

經國千年計。憑君此日行。官非漢司馬。人是趙營平。時雨兼兵洗。邊春帶雪耕。竚看成沃壤。勝築受降城。

劉宗霈

字蔚園江南興化人

看菜花

乍逢紅雨點。迴塘又見平畦。千頃黃色比散金。無異種香連繡壤。不分疆已。娛老眼。消春晝。旋引歸。

國朝詩別裁集

卷二十八 五

教忠堂

心立夕陽

自注于家以燕麥兔葵無感觸不須佳句憶

劉郎

通體俱著題未免近板得頭聯空寫上下六語皆活矣李義山時有之○張翰青條若提挈黃花如散金指春日黃花也唐代以黃花句

王衡

字聖由江南吳縣人

過仙霞嶺

昔聞仙霞名。今上仙霞嶺。攀陟人力窮。賁育敢言猛。危峰插高空。奇壑俯深井。險絕猿鳥蹤。陰障義娥影。歷盡廿八盤。始躡最高頂。史浩昔開鑿。閩越通兩境。而胡跋扈藩。恃險抗朝請。妖氛應遠寇。中原頗傳警。妄意蟠蛟龍。終類跳蛙黷。天兵一以

加鈇鉞膏首領。嚴疆詎可恃。天道宜深省。承平今

百年。嶺畔烽煙靜。商旅日登陟。往來道無梗。盛德

漸要荒。誰敢作不靖。為語守土臣。設險謹藩屏。

之險隘次寫逆藩之跋扈次寫王師之蕩平而終歸於設險守國并

井整整不愧方家○漢書注春秋曰朝冬朝曰請請去聲在敵對中近

多作造請之請入梗

沈源

字維久浙江歸安人○蘊久工於製筆立行不苟猶蕭中素之隱於木工也詩亦靜細士大夫不以藝人目之

擊柝嚴城淒復清。聽來一一觸離情。天街夜靜霜

初落。繡閣燈寒夢未成。宵恨短長隨曉箭。韻移高

下逐風聲。座中有客支孤枕。歸思驚催白髮生。

國朝詩別裁集

卷二十八 五

教忠堂

神取

趙開曉

字開夏浙江歸安人諸生

踏雪

踏雪訪山樵。山樵踏雪去。一路草屨痕。尋入松深

處。

神合唐人松下問童子一絕

贈友

不向人間留姓名。草衣木食氣崢嶸。山深虎出俚聲急。夜半長歌空手行。

周振采

字白民江南山陽人選拔貢生○白民制義止於天半朱霞雲中白鶴典江南試者每以不得白民為憾然終於不

遇天也詩不多作亦矯矯拔俗

晚甘園芍藥盛開尊江招飲

君留燕。吾適魯。去年花時各羈旅。鞭梢兩地恰歸來。一時花下同賓主。殿春朵朵翻瓊英。白頭相對千花明。有酒但作長鯨飲。有句肯學寒螿鳴。物情共艷三公爵。魏國聲名兆花萼。我與君家共息機。無須離別恨分飛。朱朱白白皆堪賞。不羨揚州金帶圍。

老將

百戰沙場功未酬。偏裨年少早封侯。敵人俯首驚無恙。法吏吹毛對若讐。老馬躡雲偏伏櫪。蒼鷹羈

國朝詩別裁集

卷二十八 奎

教忠堂

鏃欲騰。轉請看。猿臂終強健。射虎南山氣尚遒。此白

寫照也三語暗用郭令公見同鄉事四語暗用大將軍魯貴李廣對漢事

孫

璜 字時邵江南長洲人諸生

江千月夜

雪夜江千月倍清。推蓬遙望正三更。天連玉嶠千山白。水漾金波萬里明。旅况每依甘露寺。名心遙繫石頭城。沙寒洲冷漁燈滅。倦聽鄰舟摘阮聲。

二月省試余與孫都同泊江干同賦是題余詩廢棄久矣披讀孫詩恍如塵夢

王應奎

字東鑑江南常熟人諸生著有柳南詩鈔

箬包船紀事

有船銳其首。以箬包裹之。名為箬包船。聚泊疑茅茨。浮家無定所。忽湖忽江湄。居貨挾土產。擅技漁卜醫。中有無良者。行乞同殘黎。詎料豺狼心。所志竊童兒。神咒與餅餌。給兒兒輒迷。牽引至船中。毒手恣所為。或為瞶其目。或為攔其肢。或屈曲其體。如蓬條戚施。形骸幾變盡。父母居然疑。清晨負之出。索錢號九逵。夕仍負以入。傾倒囊中資。數倘有不充。攢刺加鞭笞。苟延此殘喘。性命危如絲。有時更肆惡。視彼軀幹肥。入之人鮓甕。飽噉若餽糜。吸兒腦與髓。嚼兒肝與脾。從此筋骨強。便堪耐刀錐。

國朝詩別裁集

卷二十八 姜

教忠堂

更聞藏秘器。賣以療疴羸。一七為神膏。索值恒不訾。淫人祈長生。食之甘如飴。又聞湖海濱。茫洋有神祠。神曰抽筋姆。此輩所皈依。重午暨中秋。廟門舉靈旗。羣船竟祭賽。以兒為牲犧。祭罷飲福酒。狼籍豁與馳。年來迭敗露。官長胥周知。勿問所從來。立斃陳其屍。謂足抵兒命。此外無窮治。不究其本根。徒然剪旁枝。官長法深刻。胡獨偏仁慈。其毒仍滋蔓。其故難尋窺。誰為采風者。聽我歌此詩。此皆一

曹惡敗露後被殘肢體女子詳述于公堂詳述于父母者也獨是官長祇聽所獲者命不窮根株此意作者不詳各亦不詳

湯懋統

字建三江南樂縣人官運江知縣見名懋建官刑部即詩品清高今家居著述弟兄均擅清名此屠業所僅見者

歲暮得家書

冉冉殘歲。迢迢隔故廬。一燈遊子夢。雙淚老親書。敢怨功名薄。深慙叔水疎。卻思諸弟妹。繞膝意何如。情真語不竭。琢而自工。

除夕

殘臘辭人逐漏頻。寒壇堪笑獨吟身。僅支鶴俸能供歲。輕擲魚竿自取貧。柏酒竟疎婪尾醺。梅花虛擬故園春。遙思伯氏京華久。一樣燈前憶老親。
故衣

檢點衣衫敝篋存。十年相與歷寒溫。香塵慣惹春國朝詩別裁集 卷二十八 三 教忠堂

風陌寒杵多。敲落月村。贈友未堪酬。縞帶思親每為染啼痕。貧居賴酒消岑寂。曾典青錢向市門。四語不即前人所謂取詩之魂也。六話者題中傳出孝思尤為難事。

金衡

字平仲。江南吳縣人。隱居洞庭東山。以詩自娛。不求聞達。徐壇長先生愛其詩。每摘佳句賞之。

自律

托迹從嘉遜。居心合守謙。政漁憑典籍。餐飯仗壘鹽。蟹觸母相鬪。熊魚未可兼。古人吾尚友。高枕到羲炎。

過友人別館

竹靜江喧稱隱居。席門久矣斷軒車。寒香入座花

開半清影穿窓。月上餘倚枕相忘。人化蝶臨流安見我非魚。耦耕夙約行當踐。有伴巢由合荷鋤。

趙虹

字飲谷。江南嘉定人。布衣。

戊午七月自大梁東歸感喟成詩。用以自贈。飄零淮楚。踰河朔。轉徙幽州。更大梁。迢遞關河。雙去鴈。古今岐路幾亡羊。時無燕趙悲歌士。坐有邯鄲挾瑟倡。但得翠娥深勸酒。不辭酩酊罄清觴。問訊滄浪舊釣磯。樵兄漁弟共相依。眼看西北高樓遠。心逐東南孔雀飛。園吏好尋濠上樂。丈人已息漢陰機。浚郊不用弓旌辟。自署中吳老布衣。此飲谷後作年七十餘。未除芒屨。宜壯盛時。能以高談雄辯。屈服眾人。寄籍昆山。國學生。

國朝詩別裁集

卷二十八 三

教忠堂

秋霖

君不見千村白水溝。膝合陰雨兼旬雲百匝。禾沉水底不得收。腐爛只堪飽鴛鴨。書生空有恤民心。無路排雲叫閭闔。

閻陳二公祠

閻諱應元。河間人。故江陰典史。遷英德簿。未去任。大兵圍城。與新任典史陳明選誓死守城。百戰不屈。三閱月。城陷。同被戮。

兩家百口俱盡今祠在江陰樓鶴寺

奉職同時尉海濱微官誓死各捐身原知苦戰違

天意甘守危城識大倫南國比肩雙烈士自注宋史忠義傳元伯顏

攻常州知州姚書與通判陳照華義兵戰城破皆死之睢陽合節兩忠臣百年論定還

祠廟魏爾軍前納款人即青門閻典史傳生氣勃勃昌黎書張巡傳後復見此篇真奇文也作者澤括

成詩精力圖聚亦為傑作

王泌字齊鄧江南元和人諸生

越女祠

一曲菱歌韻碧欄耶溪歸櫂日將殘情多自易含

惆悵不為秋深怨路寒哀愁起疊人極低徊掩抑之致

國朝詩別裁集

卷二十八 无

教忠堂

周焯字月東直隸天津人布衣

五十

人壽罕百年五十倏焉至至道了無聞容髯日凋

瘁檀老質易朽松蒼色弥翠令德不克崇年高反

滋累當及未衰時晚節早自勵衛武公年九十餘猶作賓範抑戒以自警恐年高反

為累也此種詩吾輩亦當時時讀之

陳倫字遜其江南無錫人諸生

張循王墓

六丁不下驅天驕宮車碾雪夜渡遼白頭烏啄大

家屋衣錦王孫路傍哭一馬化龍浮渡江臨安王

氣於斯卜烽火江淮草木殘中原血戰腥風寒揮

戈誰洗靖康恥屈指英雄岳與韓區區子英奚為

者片紙疊書背人寫風波萬里壞長城三字翻稱

廷尉平北人歌舞南人泣賀蘭鐵騎仍縱橫兩官

魄冷冰天月配饗反旌諂諂骨麒麟墓道枕蒼煙

御墨淋漓灑碑碣墓門高揭對晴湖松枯深深叫

訓狐金陵城外蒼茫處醜繆堂封千載汗張俊承秦檜意鐵鍊

張憲至自為獄辭以成岳忠武之獄蓋姦惡之甚者也高宗賜葬自製碑文遺命身後以復配享是誠何心詩中合全局言之後以檜之鐵冢作結天然相對情無有人乎其墓者

朱蔚字霞山浙江桐鄉人

國朝詩別裁集

卷二十八 早

教忠堂

送王仲山副使重往秦中

匣中寶劍夜有聲蕭蕭班馬門前鳴天明未明出

門去春風吹度平涼城平涼城北將軍樹舊是使

君停騎處十年摧抑今復來歲月蒼茫感行路丈

夫志願樂長征入海真能掣大鯨自憐苦被儒冠

誤不得從君萬里行

沈炯字曉揚江南吳江人諸生

過惶恐灘

疊疊青山勢鬱盤片帆遙近賴江瀾危灘共指名

惶恐古縣空聞號萬安自注縣屬吉安府離在縣南三里許風撼巔崖崩

巨石雷喧礧壑走驚湍勞人略與孤臣似不獨東坡泣路難自注東坡有地名惶恐泣孤臣句○惶恐萬安天然反對舉本名黃公東坡有慨于中故云

書懷

七度長江向石頭依然蹤跡半沉浮草玄字字翻成白刻棘年年未類猴老我也曾磨鐵硯古人先已敝貂裘從茲萬里堪乘興浩蕩難馴似野鷗

李天根

原名大本字天根江南無錫人○吾友芥軒子也生平不妄言不疾行理自守人有假其名具呈當事者知之曰汗我名矣違易之以字余仍之恐違其志也

題聽松山人兩蕉書屋圖

江南六月時方旱田中甲坼乾以燠赤日當空無國朝詩別裁集

卷二十八 里

教忠堂

寸雲四野農夫坐愁歎聽松山人意奇特腕底大有迴天力潑墨寫作雨蕉圖滿紙淋漓雲墨色山童攜圖到茅舍座客爭看盡驚訝入手如聞風雨聲開絨似見波濤瀉吾聞古人畫月但畫雲渲染巧妙妙入神今君畫雨不著紙雨聲卻在芭蕉裏何須懷素手植千萬株却疑潏川急雨直如矢卷圖烈日忽遮藏天半萋萋野雲起自注是晚果大雨

程簡

字尊一江南長洲人

送春

九十韶光轉眼空怪他青帝去匆匆都將思婦勞

人意付與啼紅怨綠中有恨催歸惟杜宇無情相送是東風仙山若果春長在早覓丹砂訪葛洪不藥

送春習氣結意喚醒癡人求仙者應與然自失

庭梅遲開詩以志慨

開遍南枝又北枝小庭蓓蕾未逢時嚴寒剝後冰心固翠羽飛回芳信遲豈為十年高不字劇憐終歲苦相思主人事事居人後因使幽花亦緩期

冬夜讀書

讀書有味聊忘老自注放翁句此意誰云只放翁今古英雄當末路消磨歲月短藥中有老驥伏櫪之意

國朝詩別裁集

卷二十八 里

教忠堂

朱家瑞

字平津江南吳縣人

曉行

曉雞纔唱趣登車拂被霜寒似月華還喜夢魂清不減臥遊山閣詠梅花

石年

字能高江南元和人隱於市

江上

春山春水碧迢迢病起扶筇過野橋幾日不尋江上夢東風吹長杜蘅苗以韻勝人佳處在語言之外

蔡書升

字廷彦江南長洲人官成縣知縣改通政司經歷

橫塘道中時清明日

東鄰愁冷食。穉子叩柴門。舊俗分薪火。三家共一村。草深眠鹿子。莊老出雞孫。細雨看荒塚。梨花開

正繁。橫塘西名三家村天然偏對

于龍字遠陽人官河工同知

友人出示河津龍門圖

河山莽蒼上。合迴抱夏王宮。地拔雙峰表。天開一罅中。風雲雄氣象。筆墨闢鴻蒙。千古文章在。如逢太史公。

源從天上落。一氣撼乾坤。高峽千尋險。渾流萬里奔。晉秦平可攬。星斗仰堪捫。胸次涵中夏。澄清事

國朝詩別裁集卷二十八 聖 教忠堂

討論力大於身無一轉句弱字

國朝詩別裁集卷二十九

長洲沈德潛歸愚纂評 男 種松校字

江陰翁 照露堂 長洲周 準欽萊同輯

沈榮雋 字謙之浙江歸安人乾隆丙辰舉人○謙之少湛李義山詩集李成律至二十章中遺自悔欲歸成唐然病中示子

桃花二章仍是玉溪生體也
王漢原本杜陵須人善學耳

書懷

丈夫無雄雌時運有通塞一身隔青雲兩手滿荆棘馬周困長安行路愁偏側卓見非常何火色人

誰識 古今英雄人齊欲下
流舉馬周以例其餘

桃花

國朝詩別裁集

卷二十九 一

教忠堂

柳暗花城夢不通誰家姊妹倚東風憑伊幾點清明雨催出新粧試小紅 自注玉溪生詩桃
葉桃根雙姊妹

三千紅袖總無媒蕊亂雲盤綠水隈金屋有恩誰保得故應怕向未央開 詠桃亦詠美人而臣下
承君之恩言外可思

枕上聞笛

孤燈黯黯月明明院冷樓寒夢不成離恨已無腸可斷誰家猶送斷腸聲

陳份

字古村廣東順德人乾隆丙辰舉人

捉搦歌

瓜皮艇子長二丈小姑十撐九不上何如泊岸候

潮長免打江心逆流槩

露舫祠迎神曲

秋雨兮冥冥廟門兮水汀葦葉兮簌簌荻花兮青青若有人兮美女珮明璫兮飾翠羽桂棟兮蔥嶂莫之兮椒醕嗟行露兮無家萎玉顏兮如花甘捐生兮江許與白璧兮無瑕 粘者者固近於腐而但工寫景
恐又失之太離不離不腐此作

之得

錢之青

字恭李江南震澤人乾隆丙辰舉人官寧武知縣陞保德州牧旋歸里著有數峰詩鈔○恭李少歲孤露苦心力學
官寧武時為前明將軍周遇吉請祀典勤政郵民不媚上官別於
時下所稱能貧者歸里後杜門謹守周郵親族常以詩文自娛遠
近交
重之

國朝詩別裁集

卷二十九 二

教忠堂

鮮民悲罔極也

鮮民不如死我生遭不造父兮生不見母兮喪何早笑笑失所依鞠育賴祖考涕泣授詩書嘻笑索梨棗弱冠未成人吾祖復終老困頓里閭間奔走長安道薄宦逾中年牧民耐機巧恐貽父母羞中心石皓皓所傷笑獨身反哺媿禽鳥雖有牲牢祭何如茹水好雖有錫命榮拱木已枯槁茫茫夜臺靈漠漠故壠草哀哉罔極恩長號呼彼昊 發乎至性
不藉修飾
得風人
之道

歸里後親朋枉過有作

吾家聚族居比鄰。皆親友。念我遠道歸。胥來問安否。回首出門初。變遷幾八九。門庭半更新。舊存惟榆柳。尊長既凋零。輩行俱老醜。遠歸非不適。離別苦太久。追往更撫今。恐作窮獨叟。重感丈人情。為我治斗酒。

連下一章脫胎杜老羌邛之作而情事各別杜傷亂離此感盛衰也

斗酒不復却。丈人前致辭。消長各有數。聚散亦有時。陳迹已往矣。良會喜在茲。爾我不相見。誰為把酒卮。況今逢令節。日永薰風吹。丹華耀榴火。圓葉滋荷池。子其愛景光。爛醉毋推辭。聞言散幽懷。醉鄉同赴之。去年當此日。觸熱方驅馳。

國朝詩別裁集

卷二十九 三

教忠堂

宿村家

入夜投村路。家家列炬迎。長官無善政。父老自多情。敢謝盤中黍。相期壠上耕。夜闌聞笑語。今歲喜豐盈。

三四不負心諾今之長民者誰肯言之

歸途作

客久餘蓬髮。歸途負薜蘿。兒童皆晉語。舟子自吳歌。茆屋秋風破。原田荒草多。所欣安夢寐。依舊碩人過。

中秋夜述懷

去年醉月曲江頭。綠酒紅牙記勝遊。今夜中秋形

對影故人還。復上南樓。

張若需

字樹彤江南桐城人乾隆丁巳進士官左春坊左贊善著有見吾軒詩。官贊善約僑公。今同孝友篤實一承前人詩筆各標面目而性情溫厚異而仍同人比之蘇軾有子

生日太夫人自乍浦寄衣適至

侵晨遠人至。寒衣寄江城。珍重一開緘。光采生敝簾。老親念幼子。稱體新裁成。書云禦爾寒。著以湖綿輕。寒燠隔異地。猶屋慈母情。憶茲初成時。長短勞經營。襟袖密密縫。十指鍼線繁。健婦把刀尺。指點熨貼平。感激母意厚。顧我非童嬰。二十要自立。儉素敦家聲。五陵自輕肥。溫飽無令名。今茲茹冰。國朝詩別裁集

卷二十九 四

教忠堂

望鑒巫閭山

海門日出扶桑紅。朔天萬里霜烟空。馬前了了列巨嶂。隱然氣色雄關東。北鎮之山名最古。望秩遠稽堯典中。路遐逕僻到者少。林荒虎豹依榛叢。鞭痕天泐暴秦跡。煉餘尚緬蜎皇工。空巖雪霽落飛瀑。寒光簸蕩銀河風。六山環抱互掩映。絕頂下瞰馮夷宮。我欲從之叫虞舜。蒼梧宵霧雲蓬蓬。茲山閱歷萬萬古。劒首一呖歸鴻濛。後王德薄乃尚鬼。

鑿山起殿開硿礧。火龍金簡煩傳遽。千年火鑠香
鑪銅。禱祈穰穰走岷庶。廟祝僣倻神爲聾。又疑茲
山怪名字。侏儻頗類夷。與戎勛華不爲易。華語後
來累譯無由通。職方紀載缺訓詁。郭生祗解箋魚
蟲。遠陽壤地界蒙古。近拱三輔尊土中。內安外攘
託保障。功德遠配岱華嵩。以茲廟食庶不忝。不然
峻極慙穹窿。寒風刺面緊格格。馬蹄動地聲隆隆。
揚鞭大笑入關去。他日來掛天山弓。叫虞舜以下絕筆揮灑精神全在後半

徐州河決淤湯百餘里舟行迷渡俟僕馬不至宿王莊逆旅

國朝詩別裁集 卷二十九 五 教忠堂

古渡茫茫野水屯。客來無路辨前村。孤舟飄泊朝
乘漲。後騎蒼黃夜叩門。陸地風濤遊子淚。凶年雞
黍主人恩。天涯骨肉寒燈共。濁酒中宵慰旅魂。自注時家

兄澄字廷翔羽同行

陳思王墓

鄴水東流勢二分。空餘感激誦遺文。五官嬪代羞
當璧。七子論才合冠軍。白馬詩篇悲逐客。驚鴻詞
賦比湘君。魚山縹緲留清梵。何處春蕪沒故墳。洛神賦猶

屈子之詠湘君後人以爲感甄非也作者故有持議

五日潤州

第一江流盡畫橈。虛傳競渡踏風潮。五絲誰續康
寅命。雙槳人過丁卯橋。令節只今成寐寐。懷沙終
古恨迢迢。何如滿泛菖蒲酒。快對金焦破沈寥。三語

四語潤州天然典切○金山競渡極盛康熙某年沈沒幾舟後遂禁止詩中云虛傳云舜舜蓋爲此也

包彬 字文在江南江陰人乾隆戊午舉人

遊弘濟寺

秋江靜無煙。山影恍圖畫。晨登燕子磯。塵鞅一時
却。徑轉直復曲。奇峰若相逐。岡巒中斷餘。兩崖仍
可跨。迸石樹無皮。疑是白龍化。花宮隱深雲。香風
逗林罅。娑羅落高陰。傍戶枝柯亞。洞穴豁堂皇。禪

國朝詩別裁集 卷二十九 六 教忠堂

房半相借。上有銜花鳥。下有投巖麝。綠絳陟高閣。
山川拓眼界。江明匹練橫。天際波濤瀉。此境足勾
留。儔侶催返駕。徘徊石磴旁。歸雲擁足下。只秋江靜無烟五字近六

錢塘詠古

宋祚將移訝鬪星。君臣跡似浪中萍。黃龍出海朝
廷小。白雁橫江戰血腥。南國無家歸燕子。西臺有
淚哭冬青。諸陵麥飯今誰薦。風雨蘭亭夜火熒。此詩宋亡

事國

金陵感懷

萬峰青拜故宮前。王氣收時總黯然。西下戈鋌飛
畫鷁。北來笳鼓賦啼鵲。春風渡。灤桃花。扇夜月。歌
殘燕子箋。彈盡淒涼天。寶曲江南愁。殺李龜年。此詩前明南渡事。桃花扇。燕。子箋。天然點綴。

次韻荅薛景仙

帶水難同李郭舟。鷓鴣枝上總勾留。新詩似錦惟
緘恨。春夢如雲半結愁。馬剪焦毛嘶紫陌。鶴盤瘦
影叫滄洲。天空地濶容疎放。祇有吾曹氣味投。

倪承茂

字稼成。江南吳縣人。乾隆戊午舉人。著有頤塘詩稿。頤塘得名。最阜成名。甚遲。藝苑方重望之。而倪焉辭世。子矣。之以詩末。云。比似方干。差足慰生前。舉已題名。慰之實悲之也。素長於詞。而詩亦工。謫安貼不落宋人以後。

國朝詩別裁集

卷二十九 七

教忠堂

苦寒行

燕山九月即飛雪。玄冬寒氣更栗烈。河西水膠午
不開。山頭凍雀眼流血。荒城日暮少人行。茅簷幾
處炊烟絕。雲黯風饕日色黃。槎枒老樹重陰結。朱
門貴客狐白裘。擁爐酌酒羅珍羞。誰憐路有凍死
骨。旬日委棄無人收。况聞淮南罹水患。十家八九
趨他縣。窮途無食給饔飧。那有兼衣禦霜霰。昔年
杜老憂民艱。願得廣厦千萬間。而今寒士流離轉
溝瀆。雖有萬間知不足。杜陵心事未一轉更深一層。

九日道中

一年兩度涉淮黃。擾擾緇塵染素裳。衰柳共憐殘
髻短。閒雲應笑客程忙。南歸無分吟風月。北去先
愁飽雪霜。孤負故園叢菊好。不知今日是重陽。

錢塘懷古

五代興亡一夢中。射潮江濤想英雄。錦衣木石沾
恩幸。鐵券山河誓始終。鳳舞龍飛形勝在。帝符玉
節霸圖空。花開陌上年年好。無復行人指故宮。此詞詠吳越王。

趙王

陶善圻

字樹聲。江南元和人。乾隆戊午副榜。

元日書懷

國朝詩別裁集

卷二十九 八

教忠堂

獻歲啟荆扉。歡言起病癯。空齋潔琴樽。閒居望親
愛。日出鳥聲和風暄。草心快行將整籃輿。探梅白
雲外。氣體高潔。快字抵過。欣欣向榮。及甲折等字。

鈕汝騏

字稼仙。浙江烏程人。乾隆己未進士。官翰林院編修。著有南雅堂詩。

題黃夫人寄升庵詩後

猜忌君臣際。自注升庵諫議。遭禍後。世宗猶有餘憾。每問楊慎。云。何侍臣以老病對。乃稍解升庵之逐。伴狂以免。乖
離夫婦間。百年悲死別。兩地夢生還。市上簪花髻
閨中損玉顏。至今傳錦字。流唱滿南蠻。此千秋恨事也。四十字中委曲。

道盡。原本萬里夢生還。句法劇佳。但蜀中距滇初非萬里。故易二字。

辰龍關

自注吳逆作亂時。沅辰道梗。王師由此入黔滇。

飛將急前鋒。危關實要衝。虛聲經亥。承間遁。出辰。龍自注王師聲言由五溪入黔故賊將不備此關亥家溪名

皇威清萬里。徽外樂耕農。王師入黔漢意西崖少幸渾言之此暢言之

舒瞻。字雲亭連陽人乾隆己未進士歷任浙江知縣雲亭親交衛霍在京師屏居委巷如寒素然既出仕而浙東西顧其廬明傳其風雅古所云文學飾吏治者也詩品在元白之間近情處適不易及

別竹田

莫向風前折柳枝。柔條原不綰相思。人生難得惟知己。天下傷心是別離。半載篝燈同聽雨。何年把酒更論詩。西冷夜夜添新夢。多在烟江月上時。古之傷心人耶請竟慨嘆奈何

國朝詩別裁集

卷二十九 九

教忠堂

留別當湖諸人士

萍絮何須問舊因。離筵開處對殘春。誰言琴鶴非家具。自喜溪山似故人。北道應牽歸客夢。東風偏上苦吟身。歸舟莫笑輕如葉。千卷殘書已不貧。不忘溪山近日仕途中能有人

偶占

芳草青青送馬蹄。垂楊深處畫樓西。流鶯自惜春將去。銜住飛花不忍啼。於無情中寫出情來

為朱蘊千題杏花春雨圖

淺深春色幾枝含。翠影紅香半欲酣。簾外輕陰人

未起。賣花聲裏夢江南。夢江南本易韻事夢於賣花聲中又添韻事一重矣入唐人絕句中亦稱中

為董浦太史悼亡

工愁善病最憐君。夢裏啼鵲不忍聞。彷彿舊時蘇玉局。自將詩句哭朝雲。

陳景鐘。字八山浙江錢塘人乾隆辛酉舉人

繅絲曲

三春雨足桑葉肥。家家飼蠶晝掩扉。三眠三起近小滿。桑甚垂垂葉已稀。盼得紅蠶齊上箔。更喜同功繭不薄。大婦收拾繅絲車。小婦安排湯滿鑊。銀絲抽繹比清霜。虛室堆床生白光。啞啞軋軋聲不絕。綠陰低處新絲香。小姑回頭笑問嫂。轉眼相看織成縞。茜紅鴨綠染隨心。長剪腰裙短裁襖。嫂云小姑爾未知阿哥正苦賣絲遲。明朝抱入城中去。已值官糧徵比時。亦足備采風者

國朝詩別裁集

卷二十九 十

教忠堂

張進

字翼庭江南吳縣人乾隆壬戌進士官翰林院庶吉士著有綠野園詩○于與徐子龍友諸人結詩南詩課翼庭與馬許其清不染塵俗貢入都後規撫臺閣體不復唱渭城矣今所錄者皆結詩課時作

由空谷至中峰

出谷山路轉松深。餘落暉隔林。聞語響始知人采薇。歸鳥引前路。礪花點客衣。倚筇憩梵宇。鐘鳴自掩扉。華鴻山學章左司可云循牆而走作者似欲過之

雪中憶家園池上草堂

客居常苦寒。况復積深雪。夜明山鳥驚。清響寒柯折。遙知池上園。虛白人蹤絕。

五人墓

意氣偶然激。成名竟殺身。空山餘落日。古木出青燐。地近要離墓。雲連胥水濱。匹夫能就義。嗟尔附炎人。

夢

恰是五人分量結。意指顧素。魏廣微一輩見。縹緲中人。不如市中也。四十字字字老成。

雉朝飛

國朝詩別裁集

卷二十九 上

教忠堂

雉朝飛。其羽灼灼。雌前趙子。後躍于田于薄。是飲是啄。我弗如尔。行樂尔樂。我哀朝行。出遊日暮。獨歸獨歸。兮心悲。羣嗷嗷兮夜飢。我無術兮。哺兒先我死者知之。

借樂府題悼亡詞。古情摯於安仁子刑外又關一門戶。

哀歌行

誼者勿誼。歌者勿歌。嗚呼我哀。我哀奈何。父知兒寒。母知兒飢。我無父母。飢寒誰知。親在憶親。親沒戀墳。魂斷難復。草荒更新。夜坐秉燭。兄右弟左。同爲孤兒。哀哉生我。抱女置膝。忍涕中悲。兒亦無母。我懷痛之。燭短夜寒。予心之酸。男兒低頭。顧影自

憐。夢我之詩。皆直白語。而千古哀痛。以此爲至。此作復相似。然前哀父母。後哀無母之女。與幼女之母。人倫缺陷。一身當之日夕。繁懷宜年命之不永也。

西澗赴山將往雲罩憩天香禪刹

天雞叫海日。晴翠濃諸峰。丹崖媚朝霧。了了青芙蓉。尋溪背初旭。入谷聞驚風。半嶺生飛烟。忽沒巖邊松。仰睇辨蓮宇。稍見僧樓紅。流雲布羣壑。清梵生虛空。石徑去不極。前路誰能窮。鉤索得懸解。妙寄饒歸宗。跣趺憩蓮社。歎息懷支公。

西澗一路。予曾早發。讀此如置身其間。

由天香行藥西盤初入山口

巖秀澄孤懷。趣塗意先往。理策遵迴蹊。空林得樵響。幽棕眷岑寂。矧茲秋日爽。霜徑稍曲盤。虛翠忽晃朗。漸歷紆巒深。未識迴塗廣。孤暉隨趣濃。懸磴披烟上。杳藹接諸天。振衣發遐想。王裴不可作。邱壑誰心賞。何時飯名僧。松檐稅塵鞅。

卷二十九 上

教忠堂

朝往香山

夢覺鐘魚清。寒裳月在棟。盥濯辭精廬。山僧出林送。苔衣潤芒屨。昨宵知露重。亂泉聽乍失。溪澗澀餘凍。石骨生清涼。逼人寒欲中。日出照幽谷。山鳥發新啼。微風蕩空翠。流雲散巖洞。永懷煨芋者。隔岫聞清誦。

曰清曰新曰生曰真。四者兼之。此種詩可以滌人塵俗。發端尤警。

夜過青浦

理棹投暮烟。餘暉黯遙嶽。輕舸尋歸流。空波肆怡
衍。野風送香氣。浩露滴微泣。重疊林景昏。微茫峰
色淺。遠火辨孤城。隔岸聞亂犬。稍別林墟移。漸覩
雉堞轉。華月澹始照。流雲蔚初展。一與清景俱。乍
喜塵踪遣。悵悵懷前蹤。餘風動深緬。

臨江樓

亦知非故土。扶杖且登樓。落日萬古色。長江千里
秋。浮雲蔽楚望。朔氣老邊州。無限關心事。憑欄起
暮愁。

國朝詩別裁集

卷二十九 三

教忠堂

孫貽武

字紹衣浙江歸安人乾隆乙丑進士

吳越王

鳳舞龍飛地。脉優挺生人。傑說婆留。潮迴龕赭。三
千弩地擁金湯。十四州承寵樹。皆披錦繡。稱藩臣
自息戈矛。櫛風沐雨。辛勤甚。圓木驚眠老未休。

其不計朱溫也
婉諷賢於直斥

吳

字青然江南全椒人乾隆乙丑進士官刑部主事。青然
舉鴻博不遇放歸後官西曹決大獄能不同大吏意衆論
守官

詠懷

曲徑非不捷。由之轉窮途。欲速嗟無成。蹇步愧亨

衢徘徊望觚稜。我思營以紆致身。有本末朱蒂難
苟圖。寢梯性不適。那敢輕賤軀。夢應忘覆蕉。伺兔
笑守株。得失良偶然。豈必巧有餘。立身居官
可云不苟

晚次彭城

薄暮荒城首重迴。雲煙茫碣客愁開。三齊驛路連
天闊。萬里河流動地來。戲馬臺前寒日落。斬蛇溝
外野風哀。狗屠獄掾皆黃土。感歎當年楚漢才。

蔡寅斗

字方三江南江陰人乾隆丁卯舉人官國子助教。方三
工古今文及駢體韻語開四方有才子必遠道走訪與之
交蓋以文章友生為性命者也壬申恩科會試自經
於縣舍中不解其故人謂之過崇文人之厄一至此耶

坦坦碣

國朝詩別裁集

卷二十九 古

教忠堂

平橋跨曲池。池清波渺渺。沙汕聚閒鷗。塔影沉寒
水。澄碧映琴書。浮光上斐几。日晚坐虛亭。悵然懷
彼美。自注徐高士介白。此明瑟園景之一與予
同遊賦之注中徐介白明未遺老隱居于此

遊盤山

漁陽千里鬱龍嵒。第一名山壓薊東。白練粘天飛
絕頂。自注水經注徐無山山上水可
高二十餘里即今之盤山也蒼龍裂石挂遙空。松茫
名松茫

茫雲氣長城入。漠漠風烟古塞通。何日相隨石門
叟。掉頭還與問鴻濛。

雄奇形勝自天開。遙拱神京冠八垓。地勢直從滄
海盡。山形還向太行迴。煙雲深處迷盤谷。風雨聲

中嘯劍臺聞道 宸章燭霄漢磨崖百丈破莓苔

鎮興縣盤山形勢有海涵地負之狀此盤谷非李應福息之地上有李將軍舞劍臺謂李靖也

輓徐澄齋太史

倦飛孤鶴下烟霄。劫外靈光見後凋。海舶雲旗歸萬里。經筵雪髯侍三朝。老餘秃管論刪述。病卜青山卧寂寥。誰爲元亨重載酒。滿江楓葉盪寒潮。

三語謂出使琉球四語謂三朝講官

林明倫

字穆安廣東始興人乾隆戊辰進士官翰林院編修記名御史出爲衡州太守。穆安留心正學嚴義利之介方保舉御史時有勸其謁掌院者各曰御史以求而得何以自立耶後守衡深已卹民因謁上臺稍遲疑其微以才力不及勅之落職衡人哭而送之

國朝詩別裁集

卷二十九 五

教忠堂

弔五人墓

西市繁霜日。南隴貫索中。歌詩憂板蕩。占象歎屯蒙。國柄歸旁落。刑餘蔽主聰。衣冠嬰赤族。屠狗叫蒼穹。竟觸貂璫怒。誰憐骨鯁忠。捐生片語易。仗義五人同道直。心寧悔名存。死不空招魂。隄水上葬骨。武邱東墓草。侵階綠山鵲。帶血紅。要離三尺土。千古共英風。

張

字蘇九江南長洲人布衣。蘇九窮居郊外世鄉半饑素交二三人外車騎造訪之弗接也論詩必溯源唐人以前有與爭辨者至面亦不顧致目爲詩癡爲詩愚乃大喜身後詩稿爲松林存社中共賦一篇

移木芙蓉植後園

吟罷楚客辭。逍遙向園圃。緬彼拒霜花。一枝移帶雨。我生同弱植。終當委草莽。况茲搖落辰。孤芳誰塞取。淺土托根荄。松菊聊爲侶。

借題自寓品地如見

張

錢字少弋江南華亭人布衣

月夜黃姑灘露坐簡山中一二知己

明河淨無波。憩息愛幽境。良遊值杪秋。佳趣心各領。頽陽匿餘暉。微月揚清景。草中僧獨歸。烟際鐘初靜。霜林颯有聲。風壑悄多警。悵與賞心違。長謠一延頸。

僧歸二語寓山寺曉景如畫

閩中九日寄吳中諸兄弟

國朝詩別裁集

卷二十九 六

教忠堂

海天萬里獨登臺。佳節空嗟白髮催。愁絕雁聲從北至。蒼然秋色自西來。霜清烏石巖烟豁。潮落金崎越艇回。遙憶故園兄弟在。幾人同把菊花杯。

金義植

字立斯江南吳縣人諸生。太白於右軍書目以清真清則不雜真則不偽也惟詩亦然立斯之詩清而真矣與其配倡酬於楓江之瀨晚歲耳聾不聞世事尤得安分自適之趣焉

高函三夜話

五載一相見。江邊落木風。那堪多難日。正在別離中。世事茫無定。吾生固有窮。夜吟須盡醉。秋雨一燈紅。

懷高武康侍御軍臺

身。訝新。振甲冠。爲舊觸邪。一言陳白簡。萬里度黃沙。食祿應持論。授荒肯顧家。後戎堪報國。垂老莫長嗟。起二語侍御及從軍皆見下表其正直勉以報國得古人立言之體

懷三弟

東粵携家遠。南荒作尉難。五旬雙白髮。萬里一微官。城郭新教築。衙齋未得安。遙憐蠻海畔。辛苦百憂攢。自注陸豐係新分邑。詩品之高總不外一真字本乎性情則真

江上

江上不來雙鯉魚。隄邊空過七香車。結交無力緣金盡。泛宅何之且陸居。紫塞月明千帳外。綠窓人國朝詩別裁集

卷二十九 七

教忠堂

靜卅年餘。此時聊得閒中趣。仲蔚蓬蒿亦自如。五句對第

一句猶詩之彼采蕭兮也六句對第二句猶詩之出其東門也無力結交無地泛宅惟領閑居之趣可已

尤

怡字在京江南長洲人布衣。昔皮襲美寓臨頓里陸魯望

迂村亦至自甫里相與賦詩恰符皮陸也在京就韓伯休術欲晦姓名詩亦不求人知而重其詩者謂得唐賢三昧遠近無異詞云

雜感

春至陽氣動。輕雷殷方鼓。晴川泛朝光。草樹沐新雨。農人負耒出。操作及童豎。有生寧不勞。俯仰各有取。曰余本拙嬾。逝將事農圃。所急在治生。豈伊慕高古。貧賤惜筋力。憂傷亦何補。陶公心事正於不諱治生傳出明月流素影。照我室中帷。清光缺復滿。佳人難再

期寶鏡不復開。玉琴生網絲。翩翩雙黃鳥。巢我庭樹枝。雄銜原上草。雌啄澤間泥。辛苦被流沴。一旦傷其雌。身死亦何言。悲此巢中兒。此首悼亡

驚馬策蹇足。馳望崑崙止。自非千里姿。焉得追騏驎。斥鷃翔數仞。黃鵠四海遊。豈不願高舉。羽翼非所儔。慎爾失。故步躑躅乃貽羞。天分固有定。躁進非良謀。此詩陸進

山居雜興

晨起草木溼。林霏散清曙。始知東峰雲。夜作澗上雨。光風葉上泛。新泉草下注。羣鳥林際鳴。遊魚水國朝詩別裁集

卷二十九 七

教忠堂

面聚萬物各有分。勞生轉多慕。倖中成虛名。多爲來者誤。君看區中緣。擾擾曷有數。

劉東郊歸自關中述華山之遊爲作詩紀之

劉君新從華陰歸。爲我口述華山遊。華山巖嶮五千仞。金精白氣西作秋。初向雲臺辨雲樹。已是希夷棲隱處。足捷如騎酒家龍。眼明未厭公超霧徑迴。路絕飛鳥還。青鋒杳藹凌雲端。停策仰望坐歎息。安得羽翼臨風翻。垂垂鐵綆一千丈。烈日長風久摩盪。半足入鐔。出鐔間雙手。綠雲上雲上蒼龍。當我來。兀鼻露半背。我欲踏之勢恐隊。不知天際

去之幾。俯視人間已無地。此時賈勇氣轉健。矯首
三峰忽當面。峰頂玄鶴鳴向人。雲中玉女遙相見。
仰天長嘯天宇空。浩浩萬里來罡風。幸不吹隨塵
埃中。五陵北原青未已。黃河無聲流向東。平生浪
跡長遊行。太華峰頭足蕭散。以茲頓遣胸中憂。却
使雲泉今尚倦。吾聞此語心茫然。天池仙掌紛眼
前。忽憶十年意不樂。魂夢却隨東峰巔。何時拄杖
凌紫烟。仙人金液非我意。試看峰頭玉井蓮。
然語語是友生所述別於紀
遊結意微開求仙正見高曠

寶劍

國朝詩別裁集

卷二十九 亢

教忠堂

寶劍芙蓉鐔。韜光匣裏橫。星辰秋忽動。風雨夜還
驚。邊郡今多事。故人方遠征。徘徊欲相贈。不獨爲
平生。
一氣鼓鑄精力尤在後半神
到候自然遇之人工不與

秋晚登樓

澹雲含雨過城頭。獨自凭闌豁遠眸。萬木秋聲來
大壑。亂山寒色上危樓。登臨不爲依人感。搖落應
添攬鏡愁。聞道菊花堪泛酒。共誰來此一消憂。

館娃宮

峰頂曾聞置別宮。艷歌嬌舞欲無窮。美人一去碧
雲冷。行客獨來山殿空。香徑落花春度曲。古廊依

樹夜鳴風。登臨漫爲勾吳感。舊館荒臺處處同。

白秋海棠

誰將清淚洒幽墀。散作瑤華別有姿。最是玉人腸
斷後。淡粧無語背人時。
只瑤華二字點白餘皆
以神韻傳寫悠然自遠

江聲
字飛清江
南常黎人

病起即事

日暖風恬春正酣。閒聽歸燕語喃喃。形同陌上三
眠柳。心似筐中八繭蠶。洛下有書憑犬附。牀頭無
易任雞談。拋荒殘卷塵凝榻。裘褐蕭然擁一龕。

柳絮次陶菴韻

國朝詩別裁集

卷二十九 干

教忠堂

茫茫如夢復如塵。時逐遊絲送暮春。連臂踏歌招
不得。就中愁殺倚樓人。
連臂踏歌用楊白花
事語句傳出達神

喬湜
字睦州江南寶
應人歲貢生

芭蕉

綠雲當窓翻清音。滿廊無風雨送秋。寒中心不言。
苦。
古意亦
復古音

周天藻
字揆之江
南吳江人

題劍南詩後

歸老雲門著句多。往年豪氣未消磨。杜陵集裏收
京詠。垂老懸懸望兩河。
萬六千餘首中標出北定
中原之志才是放翁知己

病中遣興

量減三蕉衆所知興來時復一中之此生頗似靈
均醒也和淵明止酒詩淵明之醉與靈均之醒同
一心事詩中頗能見及

孫謨字定封江
南上元人

遼東

遼陽形勝接幽燕關塞中分勢極天渤海東流環
一面渾河西去盡三邊何年互市來良馬此日屯
畔有廢田欲問開平舊功業野狐山北徧荒煙

陳燦霖字雨巖江南
長洲人諸生

詠橘

國朝詩別裁集

卷二十九 主

教忠堂

洞庭朱實飽經霜信手拈來滿座香有袖願教兄
弟合自注淮南子槐榆與
橘柚合而為兄弟成林休慮子孫忙厥邑錫貢來
天府作誦留名重楚湘但得貞心能不改縱令移
植亦何妨兄弟合子孫忙如王合子底
遇著蓋也結意翻得獨高

古怨

獨卧繡牕靜月明宿鳥啼不嫌驚妾夢羨汝是雙
棲妙在不
怨之怨

陸文銘

字書巖江南吳縣人諸生。書巖甘於食貧舅氏為荆山
吳文恪公居六卿之貴無一語干貴品可知矣詩亦憂憂

獨異通
如其品

擬古

雜詩

明月在濁流不改月色清孤松盤曲徑不改松性
貞君子遇險巖此心恒蕩平此見德性既貞不隨
物變也詩中興體

天地不生成古今有何事茫茫萬劫中生民多所
嗜黃金變為土盜跖亦柳季造物起爭端無怪人
趨利有酒且斟酌萬事付一醉莊生之旨見造物亦
為多事何獨聖人

利器行

干將之刃篠簳箭斬騎貫革如飛電不逢揮劍發
機人鋒銛未許傷縞練鉛刀蓬矢各逞奇光芒駭
目莫敢携風胡去今養由逝吾安歸兮長相思不達
真誠

國朝詩別裁集

卷二十九 主

教忠堂

利鈍混淆
感慨無盡

日入行

崑崙山摧若木枯虞淵泛濫沉金烏羲和沉酒不
肯醒后羿奮臂開雕弧八龍骨朽呼不起石馬嘶
烟寒月裏玉桃潰裂飽青鸞方朔偷兒今日死茫
茫元氣千古浮劫灰飛盡天地愁回頭長叫廣成
子黃帝何為土一杯全學
昌谷

李

字雲和江
南句容人

烏栖曲

花影參差覆轆轤空房淚滴一燈孤無端金井梧

桐月。偏照雙栖白項鳥。

馬長海

字滙川。遼陽人。著有雷溪草堂詩。滙川遺集。縷帶意氣。自豪。嘗遇之琛亭。都校席間。時琛亭防秋。滙川脫魚腸劍。贈之。悲感。感慨。即生平之詩。可知矣。

移居滄洲蔡玉躬閣學以詩送行次韻奉酬

仕宦亦人情。沉淪隨其志。徒深山水懷。喜無兒女累。期為塵外遊。今鼓滄浪柁。我我黃閣老。瀟灑饒逸志。送我河之干。贈言有餘味。非不惜離別。孤懷喜能逐滄洲海。一隅可訪安期輩。為問天地根。果否生。天地長。跪謝微言。我將從此逝。

再贈西山隱者

國朝詩別裁集

卷二十九

五 教忠堂

山路逶迤入杳冥。十年重訪枕烟庭。問名指眼看蓬髻。留客呼兒挈酒瓶。雲似客閑朝出岫。鶴如人立夜聽經。先生不與寰中事。長嘯一聲天地青。

讀陶詩

處士胸中別有春。田園寄託寫天真。義熙尚有闕心事。豈便羲皇以上人。公親見陶公。心事亦有句云。至今南村詩。可續西山歌。子詩明言滙川。蓋實人尋思。

金

字絲五。江南吳縣人。官宣城訓導。著有學亭詩稿。題亭不為繞指柔也。晚年研究易理。不復成詩。

自三山至牛渚連山盤屈舟出其下

晴日山照耀。林巒現金碧。何年浮屠宮。峙此奇險石。鐘磬不可聞。天風蕩虛壁。輕舟出其下。牽攬不

得力。巉巖更陰森。使我毛髮磔。驚濤噴晴雪。盤屈增險阨。上視飛鳥絕。下瞰鼉鼉逼。寒江靜魚梁。細路隱樵迹。我欲逐孤猿。濟勝理輕策。高妙躡雲關。力扶義御側。風水趁前途。回首空歎息。熟老杜發秦州神氣。有此

舟曉

寒潮月稍落。漁浦烟初起。蒼茫鐘出林。蕭瑟雁飛。須臾沉霧迷。不辨天與水。使我神恍惚。置身雲海裏。日出影漸開。遙山樹如薺。翠微半出沒。滄波亦流綺。指顧遠帆生。一一勢千里。清景曠無垠。吾心淡如此。起繪舟曉。今讀者如置身其間。霧不生於平日而生於平日。且以後日高則散矣。老於道塗者始知。

國朝詩別裁集

卷二十九

五 教忠堂

采石磯

揚帆泝江濤。江闊沿登嶂。詰屈百里間。一一奇鬼狀。篙師太鹵莽。撥石輕奔放。崢嶸屢縈迴。采石屹相向。天風黯慘來。險絕不可仰。昔聞忠武王。揮戈實開創。於此奮神威。力騰千仞上。真宰有驅除。中原氣自壯。至今三百年。談者神猶旺。龍席一失險。洪波空蕩漾。鬱鬱松柏枝。鍾山日相望。

村居答杜中諸子

紫桑有處士。襄陽有遺老。盡室入蓬蒿。終年顏色
好。人生苦不足。吾道無求飽。願得同心人。浩歌藉
芳草。人蓬蒿而顏色轉好。人情已難況加以盡
室終年乎。惟梁鴻王霸夫婦足以語此。

送劉東郊

木落嶺猿愁。江帆開素秋。寸心千里遠。孤劍一身
留。聞海天垂盡。仙山雲半浮。安期方待子。且抱古
琴遊。律詩嚴聲起手起手得力下
迎刃而解。緊餘感唐者能之。

寄芝仙西征幕府

枚生長托乘。王粲始從軍。會有平戎策。能開西極
國。朝詩別裁集。卷二十九 五 教忠堂

雲令嚴。千雪帳。檣士萬羊羣。指日應降虜。鏡鼓奏
凱聞。

周

京字少穆。浙江錢唐人也。少穆足迹遠到。欲結契宇內英傑。
蓋自此無四方之志矣。詩體和
平中正。不為鏡對難深之語。

武功縣望太白山

百里武功縣。明當太白山。雪從何代積。春到幾時
還。清霄迥晴昊。高寒指翠巒。軍行休鼓角。風色正
愁顏。

褒斜谷

閣道橫空去。連峰疊嶂開。地隨秦塞盡。山自漢中

來。行蟻緣旋磨。黏蜎上古臺。當年轉戰處。弥望滿
萬萊。自注。黃牛嶺為吳康。御戰金兵
處。十字包括秦漢力大於身。

代州

青巒萬壑鎖巖疆。舊繞樓煩古戰場。冷磧雨收秋
草綠。大荒日落塞雲黃。滹沱河去包并冀。白注山
橫下狄羌。惟有年年關外雁。不妨迢遞到衡陽。

燕來

煙雨疎疎覆綠苔。海棠時節燕重來。不辭故國三
千里。還認雕梁十二回。荒草誰家深院落。繁花何
處好池臺。却憐舊館曾相識。為把湘簾手自開。
國朝詩別裁集。卷二十九 五 教忠堂

楊花

南陌風光劇可憐。楊花撩亂撲鞦韆。一年春事拋
流水。半醉心情付別筵。冉冉慣尋芳草岸。濛濛欲
下夕陽天。殘紅同盡無消息。又化浮萍上釣船。三四
一聯維形取神。晚唐時有此格。同友人湖上有句
云。野鷗導我有閑意。新柳笑人成老夫。風趣可挹。

二十六日曉過德州河

即次停驂客夢殘。又携淺夢上征鞍。小人有母憶
嘗食。遊子離家空復還。沙月渡頭斜欲落。野風林
外曉生寒。廿年明發天涯淚。到此真成行路難。

方肇夔

字引諸。江南
江都人。諸生。

客中送春

記得離家是首春。與春相伴走風塵。而今杜宇頻
頻喚半餞春歸。半勸人。感春歸而已不能歸也語近情遠得
司空表聖俯拾即是觸手成春之方

桃花塢弔唐六如墓

先生胸次海天寬。只愛桃花不愛官。荒土一杯魂
魄在。滿溪紅雨落春寒。唐墓在橫塘桃花塢讀書處也誤認者
多此從桃花着筆而六如襟抱如或見

繆宗儼字敬思江
南吳縣人

虎山橋玩月

山白月當空。平波乍摩瑩。入雲淡欲無。蕩水光難
國朝詩別裁集

卷二十九 主

教忠堂

定長松倚層崖。風吹韻笙磬。橋下漁舟歸。櫂歌入
清聽。夜深羣動息。一嘯衆山應。清絕

洪嘉植字去蕪江
南歙縣人

蕪州禹廟

羅州之臺蕪水東。江聲千古環卑宮。盤龍山高風
落石。乾明巖斷雲迴空。地平天成豈蒼水九州四
載疑玄熊。朝宗於海自江漢。巍巍散冕思神功。以古詩行

律體胎原少陵
東坡亦嘗為之

鄧尉看梅

停舟策杖屢攀躋。石路初消雪後泥。竹徑參差逢

野寺人家一半住。花溪寒生夜磬行。來遠天壓春
山望處迷。萬樹香風偏渡水。莫釐雲斷兩峰西。

朱瑄字樞臣江
南吳縣人

鍾山拜孝陵并瞻遺像

蔣山山下弔松楸。瞻拜遺容識冕旒。鳳目龍瞳存
尺幅。珠襦玉匣自千秋。林間片壤依元子。石畔荒
原附列侯。更望孤栖埂邊路。離離禾黍滿平疇。端重
有體

依元子謂懿文太子附
列侯謂中山諸王侯也

祖龍引

徐市樓船竟不還。祖龍旋已葬驪山。瓊田倘致長
國朝詩別裁集

卷二十九 主

教忠堂

生草眼見諸侯盡。入關嘲笑求仙祖龍
有知亦應齒冷

漢宮詞

閭苑瑤池路邈然。延靈高築近羣仙。豈知待詔金
門客。偷隨塵寰十八年。連上一章神
似義山斷句

周杭字祖望江南
吳江人諸生

題倚劍牧馬圖

百金買一劍。千金買一馬。十年磨劍不得試。驅馬
歸來牧巖下。憶昔錦衣狐白裘。身挾兩龍萬里遊。
尔時意氣輕王侯。吁嗟丈夫有命那可說。紫髯如
虬悲白髮。雄心難待馬生角。袖手應憐劍虛拔。君

不見古來窮達變化猶飄雲南山尚有射虎手無
人知是李將軍劍與馬或合成分結出飛將軍射虎大有英氣

俞玉局字及心江南無錫人諸生

題劍南詩稿

年垂九十恨誰知腸斷偏安恢復遲高孝光寧身
備歷榮河溫洛見無期夢中拜手還都疏死後關
心家祭詩個是詩壇老方外壯猶彈壓幾偏裨寫放

心素氣俱見若第揚其詩便爲凡手○榮河溫洛中原所失地也對高孝光寧四朝流走不滯

石文字貞石浙江上虞人

同丁敬身訪張文應華有贈

國朝詩別裁集卷二十九 无 教忠堂

靜看林景過茅茨徑曲村深步履遲南北舍分新
竹色兩三客對夕陽時鄰多野老同耽隱貧有閨
人共課詩長日閉門殊自得屢空意味許誰知敬身

應華食貧並有得於屢空意味者貞石臭味相同自應莫逆於心相視而笑

顧嘉譽字米章江南吳縣人布衣

雪獅歌

封姨玉戲江天白萬里瓊瑤厚盈尺平林鵬鵠偃
不飛大澤虵龍卧難蟄街頭跳擲嬉兒童竹帚掃
雪衝寒風爬羅隨手試搏弄物態一一無雷同蠻
奴心孔偏狡獪裘出狻猊露奇怪爪牙忽作之而

形拉虎吞貔宛然在蹲伏恍遇滄州城貢獻疑通

安息界頤彰落落張巨口仰天欲作河東吼四圍

腰鼓聲喧闐燈火熒煌照左右入山那可搏戲狸

當路直堪走獬狗寒威消歇陽氣回朝來倏忽扶

桑開猙獰跋扈轉瞬耳流漸消却銀皚皚君不見

冰山萬丈高崔嵬壓倒泰岱輕徂徠一朝失勢竟

安在區區雪獅何有哉吁嗟乎區區雪獅何有哉

冰山難恃其本意也借雪獅發揮縱筆所之不受束縛山人亦縱橫乃尔

翁格字去非江南吳縣人諸生

暮春

國朝詩別裁集卷二十九 辛 教忠堂

莫怨春歸早花餘幾點紅留將根蒂在歲歲有東

風安分侯時

陸蒼培字學起江南長洲人廩生

詠懷

燕市相逢處吟壇與酒壚雲山萬里別天地一身

孤元叟聊稱漫儀曹自號愚從茲懶求友耕釣是

吾徒五六承一身孤言之言自此無意求友矣學起見責於蒼下諸公故有是云

聞雁

夢斷空堂家萬里酒醒秋夜漏三更他鄉風雨此
時急獨聽南飛雁數聲

殷再巡字二南江南常熟人。二南受知於趙秋谷曾為點定其詩

漢武帝

雲旗不動射蛟回。宴坐承華月滿臺。花發碧桃方朝過。窓開青鳥阿環來。靈壇夜靜光三燭。仙掌風微露一杯。萬里貳師歸絕幕。只盤天馬賦龍媒。

華龍翔

字正光江南無錫人諸生。予未識正光杜雲川太史為予言同人賦詩正光詩成眾俱歎手邑中才人也後華生漢鐵校子遺稿尋味之果如雲川之言

感遇

夏夏高岡梧。孤幹修以直。疎陰不自庇。蟲蟻爭蠹蝕。鏗然遭斧斤。謂是中琴瑟。朱絃微黃金。綺囊護國朝詩別裁集

卷二十九 圭

教忠堂

丹漆知音世所希。俗耳聰若室。何似摧為薪。猶足供鼎食。

言知而不知不知不知也此作者有激云然

翠聲閣

雲壑架書巢。庭戶滿空翠。空翠本非色。尋聲復何在。淵明無絃琴。音在絃指外。獨坐泯見聞。悠然自來會。

古云空翠難名翠中有聲只可意會不可注解

恭壽先生于黃山深谷得杖一枝雙莖盤曲

節目輪囷首尾仍合併為一極離奇瑰異

之觀為作短歌

恭壽之杖一而兩夏后雙龍落吾掌恭壽之杖兩

而一。駟蛭相合幾忘匹。驪珠百六節可數追琢丁

丁缺鬼斧八年刊。木徧神州遺却黃山筴神禹或

言軒轅丹竈多遺薪。自注黃山有黃帝祠。同浮邱公鍊丹處。燼餘裂石蟠靈

根雙樞競茁不相讓。欲劈未劈成輪囷。或言扶桑

相糾老東溟孫枝迸出仍駢穎。九鳥長喙日夜啄

節目。蚘虬隋殘梗。我来欲把不敢觸。恐是生蛟遭

縛束。先生興至時捉之。不藉雲駟駕雙鶴。世途夔

峽從崎嶇扶携直過三山曲。都從一枝雙莖著意離奇詰屈排蕩縱橫格才人之能事

示仲孫應和時將北上

牖下嗟吾老。天涯憶汝單。因人知不易。行路敢辭

國朝詩別裁集

卷二十九 圭

教忠堂

難有舌囊宜括。無魚銖莫彈饑。驅為客早。惜別恨

千端

劉瞻榕字子根江南無錫人諸生

春日田家

草廬負高阜。柴扉面清池。村居本安閑。況值春風

時。春風果何心。如與邱園私。一夕逢好雨。千頃新

綠滋。朝來荷鋤出。對此情自怡。時運無或愆。力田

復何疑。倉庚先已覺。飛鳴桑樹枝。春風之私正言其公語妙從杜詩中出

送須覲子還晉陵

啄粟野田黃口雀。盡日揮之苦難却。脩然老鶴迥

出羣連軒矯翼誰能馴春風樓前梅花白看花君
作西洲客細雨冥冥梅子肥鷓鴣聲裏送將歸何
須咎君言別早客舍雖佳歸更好一帆明日向東
去正是鄒夫人心憶處起四語與觀子之歸得六義之一

馮嗣京

字留士浙江桐鄉人貢生官長興縣學訓導

上韓慕廬學士

門分洛蜀路多岐中立如公總不移進退每關天
下事襟期獨有聖明知後堂長蓄公田釀外國
爭求賀雨詩莫漫抒辭頌功德即論風雅亦吾師

一起四語與門先生時合時文公中立不倚故詩家以此為贈言

國朝詩別裁集

卷二十九

教忠堂

宋匡業

字島來江南長洲人貢生以子宗元貴詩贈中憲大夫生平謙退謹約無疾言遠色遠近稱善人性愛梅詠梅詩成帳茲取其尤高潔者

庭梅

屋角冷雲破橫空挺一枝瘦應同鶴立清似畏人
知寫影惟憑月傳神不在詩空山流水外脉脉寄
相思以清畏人知品梅極見成語從前無人道及

梅花

不染紛華別有神亂山深處吐清新曠如魏晉之
間士高比羲皇以上人獨立風前惟索笑能超世
外自歸真孤芳合與幽蘭配補入離騷一種春傳梅之品

宋人蹊徑一掃而空之

陸淹

字嘉三江南長洲人欽取入都未授官卒

秋懷

葉染深秋變早楓輕雲如黛月如弓閒情稍豫非
關酒倦骨支離不耐風魚悔尾賴思溟北豕誇頭
白笑遼東分明袖手看殘弈一角爭差劫未終

江宏文

字書城江南嘉定人欽取入都放歸卒

感懷和周鐵門韻兼呈汝南公

九重宮闕隔雲霓昔夢曾依浴殿西青瑣幾人猶
索米玄都千樹莫留題孤鴻出塞驚衰草旅燕尋

國朝詩別裁集

卷二十九

教忠堂

巢識舊栖遙憶東山橋下路秋風起處暮烟迷
單衣短褐話當初潦倒空悲歲月虛擊鼓誰云丞
相怒掃門自與舍人疎陸沉漸覺風波老生死還
依骨肉居三十三年多夢夢此生猶在黑甜餘江君能書學巢大字未弱冠以詩受九重知命入武英殿纂錄將侍官矣綠放浪被劾歸縣尉至擢掄署辱之人人之厄無逾于此今閱感懷二章抑塞之中自饒磊落勿以遇之窮而輕之

陳葉筠

字廷望江南崑山人諸生。廷望論詩斷唐宋之分有近石湖劄南者必排斥時共目為怪人陳子樹滋獨推重之惜中道頹謝遺稿散佚采錄三章比之一鱗半爪也

張睢陽廟

喪亂逢天寶江淮障一身死甘為厲鬼生豈負人

倫。卞壺拳還握。長弘血尚新。靈旗風捲處。猶似掃

黃塵。屬鬼人倫即用張中丞語神完氣足居然唐音

湏陽峽

一徑入峽口。盤盤往復回。烟橫兩岸合。水劃萬峰開。命託長年手。魂驚亂石堆。前途望不極。何處越王臺。

寄許子遜

不見南來雙鯉魚。風塵落拓感何如。偶過燕市悲歌地。曾上長沙痛哭書。芳草天涯分曉夢。暮雲江樹惜離居。春深何處堪憑弔。為我携尊酌望諸。

國朝詩別裁集

卷二十九 五

教忠堂

張

琯字紫維江南北太倉人

弔鸚鵡

雕籠悲越鳥。飲啄豈無情。本為多言誤。翻憐一死輕。聰明應再世。文采畢今生。猶記南窗下。春風自喚名。語語是弔

張嵩齡字東嶼江南太倉人諸生

流鶯詞

日暮聽流鶯。流鶯啼不住。上苑春來又幾時。深閨夢醒驚何處。初聞彷彿在東牆。又見隨風出綠楊。曉曉枝頭明似剪。綿蠻樹底巧如簧。豪門爭擁顏

如玉斗酒黃柑共相逐。宛轉疑吹秦女簫。悠揚勝

度吳娘曲。獨有高樓粉黛人。年年夫婿怨飄零。鴛

鴦獨宿銀屏冷。倚徧闌干不忍聽。綿態柔情初唐風調

南昌秋夜

秋氣頻侵袂。空宵獨掩扉。愁來心易醉。客久夢難歸。燈燄牀頭短。蟲聲戶外微。起看烏鵲影。三匝向南飛。比夢裏還家不當歸更深一層

程之鵠字羽宸江南歙縣人著有練江詩鈔。練江遊踪裝幀六多登臨憑弔之作同郡曹進士震亭與之倡和震亭多才不輕許可獨折服練江則練江之詩可知矣子笙友管庭寄遺集乞存因錄之

國朝詩別裁集

卷二十九 五

教忠堂

蘆花被

不並青綾一樣看。祇從江上借秋寒。覆時應共鷗羣夢。卷處渾疑雲影殘。中夜月侵如有失。半醒霜凜覺無完。可知雪滿江南路。借與袁安卧更安。三四正寫五六虛寫結意蘊藹中春出新粒也

五六虛寫結意蘊藹中春出新粒也

曉過平望

半夜帆開遇好風。平明平望一湖通。人家水氣涵虛白。野樹霜華染淺紅。舵尾魚蝦吳市早。船頭歌唱越吟工。前途烟雨樓邊過。身入空濛晝畫中。五六恰是過鶯脰湖詩移易他處不得

過鶯脰湖詩移易他處不得

黃山

黃山三十六芙蓉。浴罷湯泉曳短筇。仙樂名疑聞

緱嶺鶴鉢盂。名峯欲羨鼎湖龍。迷漫雲氣皆成海。穿

穴峰頭半是松。始信到來仍不信。天工理外若爲

容。自注黃山有始信峯又有說也不信扁鵲。予嘗遊黃山始知此詩布

置之總始信猶云到此始知也不信猶言天地間無此幻境也兩層作

抵金陵

曉風策策柳參參。帆影遙天破蔚藍。一片傷心金

粉地。落花時節到江南。六朝舊地已足傷心況落花時節平全在神韻動人

席

鎬。字渭南江南常駿人著有西墅詩鈔

國朝詩別裁集

卷二十九

三

教忠堂

表弟吳習之贈閩蘭數種今蘭盛開而習之

下世已復逾年追感成詠

幽蘭問何自。云是故人賚。故人今云亡。香草依然

在。回憶十年來。周旋見情態。信宿婁江程。不阻水

如帶。芳菲表同臭。辱贈展相愛。一從入洛遊。空教

懸榻待。子本中林秀。揚揚遠埃壙。俯視世俗文。無

譏等自鄙。鑿枘兩相違。誰歟加盼睐。人事既鉏蘭

天意復掬艾。可憐身後事。一一散餘縵。即此是故

物同心。如晤對。年年及花期。思君一長嘸。習之不遇而歿將鉏

蘭猶艾點染倍覺觸物傷感

除夕感懷亡弟湘北

去年當此夕。步屨過子廬。候門肅以入。列坐情怡

愉。是時羣從集。燈火熒前除。兒童繞我戲。捋髭牽

衣裾。流光如轉燭。景物與時俱。痛子竟長往。浮雲

變須臾。弟兄我七人。強半歸丘墟。存者與子三。何

堪返黃墟。在原愛。由性撫時感。如初百年洵難料。

一歲行看徂。強壯子已矣。我衰當何如。直白說去情事最真

周孝學

字穉仍江南吳江人諸生

登穹窿絕頂望震澤同蔣香山作

吳中富名山。穹窿獨稱長。鬱律聳晴空。憑眺快無

國朝詩別裁集

卷二十九

三

教忠堂

兩茲來值秋霽。疎翠攬盈掌。行行躋笠峰。孱顏俯

羣衆。天平遙揭笏。卑猶成覆盎。雲從嶺下飛。飛鳥

不能上。西南臨具區。風濤相震盪。烟消螺髻浮。日

落新鏡晃。混合天水色。分拆吳越壤。呼吸凌青冥。

嘯歌脫塵鞅。何當尋赤松。相與出世網。

書牧齋集後

銅駝榛棘話酸辛。東礪盤旋剩舊身。碑碣大書楊

左傳。前朝公論藉斯人。明季年牧齋爲黨魁楊左諸公志傳皆其特筆也表之不沒其實

歸老空門結淨因。落花時復餞離人。出魔入佛超

然處。欲溱朝衫一斗塵。此言其末路心事見託佛而逃悔恨無及也不加貶斥婉約可思

李

果

字客山江南長洲人布衣著有石閣集。滄洲陳公龜骨京口時客山投詩造謠公遂與定交後大理李公因其謹

慎欲任以鹽英力却之及李公被罪諸任事者皆懼既客山超然人服其識詩格蒼老一洗肥膩有一二字未安屢改不倦晚年文譽益發過吳門者爭識其面義以魯靈光目之

示兩兒

初冬可讀書。披帷對月影。困窮亦何常。天意默示警。所期在遠大。忘此清夜永。經義纂孟荀。如汲得修綆。搗辭芟繆悠。百家足馳騁。蘊輝珠處淵。含英金在礦。世人競目睫。欲語還如哽。但求寡悔尤。焉用名炳炳。

馬援屢聞過。柳玭重行已。吾家舊遺經。先德盛積。國朝詩別裁集 卷二十九 三 教忠堂

累。龜勉無異營。頗識剝復理。中歲偶行遊。致汝業漸弛。我無一頃田。經籍足耘耔。義理苟能通。出處有根柢。暨藥與貨殖。困窮亦可倚。吾生少失學。垂老方知悔。展轉力就衰。炳燭思曉起。努力愛景光。汝曹從此始。首勉以窮經次期以述祖少年子弟共宜佩服斯言

王將軍劒歌

神物鑄成干將手。三尺蒼龍半夜吼。七星吐燄燭銀潢。魑魅潛藏白猿走。將軍匹馬來疏勒。手握寒光邊塞黑。贈將海內有心人。風吹一片無情色。半行籀文不可認。血花點點荆卿恨。平生慷慨思報

恩。尊前睚眦何須問。

哭沈方舟三首

去冬送汝江上行。今年哭汝隔淮城。念汝寥落走四海。白頭客死難為情。豈無當路可投足。苦心自許無人告。中夜悲歌恒刺促。黃河風高波濤惡。雨雪嚴冬古寺泊。來船去馬不敢行。鶯鶯哀叫魚龍躍。鄉國迢遙渺何處。西隔金陵東浙渚。魂招不來奈何許。

平生筆力足拒石。西河藥亭爭避席。故老詩成海嶽篇。諸陵絕塞吟霜白。卅載同袍魂夢勞。相思落國朝詩別裁集 卷二十九 早 教忠堂

月臨江皋雁飛何處求其曹。連下三韻其聲急直哀挽詩正宜如此

懷陳處士陽山

老卧天池嶺。寒松骨共蒼。人如陳仲子。詩是孟襄陽。有女尸蘋藻。無兒受縹緲。風流今已矣。忍更過書堂。三語狀其孤介四語表其清疎

泛艇木瀆

晨光初泛艇。流水枕清酣。風定晴湖渺。雲生遠岫含。梨花明月寺。芳草牧牛庵。多景靈巖近。乘春取次探。明月寺牧牛庵木瀆之佛刹也加以梨花芳草遂成名句

晚菊

迎冬方吐艷。籬下竟誰看。豈敢傷遲暮。何妨歷歲寒。孤懷原淡泊。獨立未凋殘。遲尔風前落。騷人佐夕餐。可當作者寫懷

從弟至

奔走憐吾弟。歸來感慨多。風塵遭白眼。冰雪渡黃河。幾作無家客。空爲擊楫歌。嗟余亦寥落。相對奈愁何。

失喜還疑夢。燈前認未真。流離二十載。慘澹一孤身。思子心如割。傷親淚滿巾。春秋虛祭掃。風木恨難伸。

國朝詩別裁集

卷二十九 聖

教忠堂

關山月

重關峻嶺鬱嵯峨。月色偏臨絕塞多。萬里寒生玄菟郡。三秋光射白狼河。黃榆風急傳吹角。玉帳沙明照枕戈。最是空閨音信斷。中宵愁聽隴頭歌。

范文正公祠

石筍排空山骨清。范公祠廟儼崢嶸。獨從天下關憂樂。尚想胸中富甲兵。晚穗迎霜遺斷隴。寒烏啼日傍丹楹。先皇銀榜龍章在。紅樹階前交映明。

自注康熙四十四年。聖祖題濟時良相四字。榜其祠祠前。有楓樹三十株。憂樂甲兵。人入意中。語其嘉其安故之工。

韓

其字其武江南吳縣人。貢生著有補鄂集。

趙忠毅公鐵如意歌

妖墓障日天地閉。代州戍卒性蘊桂。手中剛鐵尺二長。得共朱雲劍。爭利額圖星斗背。弓彎羅紋細。感銀花斑。銘詞奇崛篆文古。彷彿鑄鼎昭神姦。百餘年來親手澤。古今義憤通呼吸。想當邊城起舞時。魑魅潛形鬼神泣。千秋正氣座右存。物因人重。珎瑤琨。拍揮欲落崔魏膽。把玩許招揚左魂。嗚呼明社久已屋。一器森芒奪人目。風前還弔宋遺民。擊將如意西臺哭。後半寫趙忠毅寫鐵如意合并不分。結出西臺痛哭義士忠臣天然作對。

五人墓

國朝詩別裁集

卷二十九 聖

教忠堂

英風颯颯繞迴塘。舊冢累累俠骨香。一擊自同椎博浪。百身何異痛三良。頭顱敢爲忠臣惜。販負能增黨籍光。變例春秋墓前碣。先人特筆凜嚴霜。自注初運案既定吳人共毀逆祠。即其地葬五人遺骸。先大父年未及冠。以書名吳下。吳因之先生致書曹大父曰。異事必得異人題碣。乃稱大父承命大書五人之墓四字。勒石墓前。噫。閣部大臣屈都閣寺。稱子稱孫。人道滅矣。書曰。人子之也。所以愧天下之不爲人者也。博浪一擊。奪祖龍之魄。五人一擊。魏闔不復遺。幾騎矣。市人雖微。亦復有功。正士詩中不沒其實。

題趙承旨畫蘭

花花葉葉帶春風。自出王孫揮洒工。猶有遺民作心史也。將餘墨寫幽叢。將畫蘭不著土者。反觀人品判然。

高日新

字健明江南長洲人諸生。

詠阮步兵

長嘯哭途窮。風流懷阮公。胸真多塊壘。時定少英雄。白眼看相者。外黃壚酣飲中。步兵堪吏隱。誰與測冥鴻。

馬

時無英雄非拍高皇時謂魏晉間無人也玩上句胸多塊壘其意自見
位字思山陝西武功人官刑部員外郎。思山貴公子喜與寒士接老蒼遇之謂如飛鳥依人人自憐之也詩品追摹李奉禮時與神合年方壯。豈天上又成白玉樓又須作記耶

湘中絃

水宮仙子湘江妃。芙蓉裳兮菱荷衣。張翠蓋子搖雲旗。月光蕩漾煙霏霏。采芳洲之蘅杜。弄明珠於澧浦。老鼉擊鼓羣蛟舞。洞庭波子秋風若有人子國朝詩別裁集 卷二十九 聖 教忠堂

中秋夜

清風掃雲去無迹。碧空高掛銀蟾光。鼎焚雞舌向天拜。風臣欲乞長生方。彩霞縹緲現金闕。鸞簫鳳吹音琅琅。結璘授我兩丸藥。乃是兔擣千年之玄霜。調以華池漱神漿。金波透入丹田涼。吳剛斧聲聽不見。桂花壓露凝秋香。

鸚鵡

吳音好鳥來隴西。翠衿紅觜架上栖。金屋花深隔嬌女。紗窓如烟傳笑語。銀絲繫脰不得飛。人前飲

啄矜毛衣。園中歌舞曉携出。高掛綠楊迷一色。富家買尔巧舌聲。那聞布穀催春耕。

詠懷

蘭為王者香。芬馥清風裏。從來巖穴姿。不競繁華美。龜以告猶亡。翟以炫采死。不善保厥初。受惠每如此。莘野彼何人。三聘乃一起。如何志士。軀輕用狗知已。

國朝詩別裁集 卷二十九 聖 教忠堂

空明余懷本貞素。對之神益澄。寧靜自致遠。何為營浮名。

國朝詩別裁集卷三十

長洲沈德潛歸愚纂評 男 種松校字

江陰翁 照齋堂 長洲周 準欽萊同輯

允 禧 紫瑣主人 宗室左宗正封慎郡王著有花間堂詩鈔。王勣政之暇禮賢下士盡宗元人詩宗唐人品近河間東

平而多能將藝又 聞平所未聞也

灌花

階砌羅羣芳。死然如藻績。照日相鮮新。臨風各向背。盱眙忘憂子。淡焉此靜對。榮謝寄流轉。采色看迭代。體茲造化心。澤物恐不逮。園丁汲井欄。時時自灌漑。題難灌花意在產及庶物胸次正大於觸物處行寫之

國朝詩別裁集

卷三十

一 教忠堂

樵歌

不聞人聲。但聞斧聲。寂寂巖響。荅丁丁飛鳥驚。得柴換酒。醉歸踏月。山歌清。友木石。無哀榮。白雲流水自朝暮。萬山漠漠煙光青。起手八字寫盡空山伐木神理

月夜臺上聽友人彈琴

高臺夜色深。月下聞清琴。能使座中客。俱生塵。外心石泉瀉寒碧。霜竹折孤音。曲罷長天靜。忘言一整襟。只寫琴理不形容琴聲與常建江上琴興同一清絕

村夜

旅舍燈猶在。村人語漸稀。山無寒月靜。葉帶暗霜

飛廐馬。嚙槽檉。鄰雞唱。翠微煙。霞惹殘夢。幽思滿柴扉。

圓明園 召看煙火恭紀

銀漢星橋不動塵。斜飛火鳳入勾陳。一聲雷起地中蟄。萬樹花開天上春。太乙高樓燈似畫。未央前殿月移輪。君王行樂新年盛。先使恩光遍近臣。

雙徑

客去自掩關。林深鳥聲靜。徘徊夕陽中。秋煙澹孤影。秋煙五字如出賈長江手

邦均野寺

國朝詩別裁集

卷三十

二

教忠堂

僧罷夕陽鐘。客懷正孤絕。山鳥下空林。自啄茅簷雪。五言絕唐人以古淡勝此又以清瘦見長

七夕

銀河脈脈渡雲輶。未擬穿針倚畫屏。獨向閒階風露下。夜深無語拜雙星。

弘 瞻 字思敬 宗室官奉恩輔國公

值宿聞烏夜啼

值宿霜寒夜。蟾光瓦欲流。啞啞聽鳥語。歷歷數更籌。已傍龍樓穩。能銷弩矢憂。雞竿應有兆。計日下皇州。樂府解題聞烏夜啼明當有教指宋元嘉時事也末一句本此

德普字修菴 宗室官 宗人府左宗正

中秋無月

誰道秋雲薄。中宵掩桂輪。姮娥開鏡懶。愁殺倚樓人。於無情處寫情 得唐人三昧

恒仁

字月山 覺羅鎮國公子。乾隆甲子歲月山以韻語來學。授以唐詩正聲。造詣日進。吐屬皆山水清音。北方之詩人。也。丙寅冬予請假歸里。送至江干。明年還朝。月山已沒矣。詩卷零落存此二章。志其大概。

玉泉禪院

道人種松罷。傍水開禪關。春風吹不到。白雲相與閒。偶尋林外約。引我過前山。倚杖看奇石。徘徊殊未還。孟山人 風格

國朝詩別裁集

卷三十 三

教忠堂

南西門外即目

澄潭初月影微微。雨過涼生透葛衣。十里亂蟬風兩岸。鶉花香送釣船歸。

高述明

字東瞻 奉天人 東軒相國兄官至涼州總兵

塞外

雲暗難分騎。沙深欲陷車。炎風初解凍。夏草漸萌芽。義勇心能一。尊嚴令不譁。樓蘭猶未斬。那敢顧身家。

人日塞外馬上口占

馬蹄猶得蹋黃塵。馬上猶吟塞外春。只謂此生常

近鬼。豈知今日又逢人。綵花剪細風光舊。沙海雲開氣象新。便擬題詩寄良友。草堂何處轉傷神。寫人 日切

定塞外便能 作驚人語

高斌

字東軒 奉天人 官至大學士。東軒相公研窮易理。居已廉靜。待人以誠。與之交者必使之得其意而去。所謂休休有容者也。詩多說理而不腐。別於白沙定山一派。

次韻奉和西林先生

忠信良非易。好學古所難。緬維顏夫子。得善斯拳拳。固守幾於化。深造居乃安。哲人亦已遠。勉矣士希賢。讀書必自期。責已何敢寬。西林有美人。悵望青雲端。

國朝詩別裁集

卷三十 四

教忠堂

塞爾赫

字曉亭 宗室官兵部侍郎。曉亭遇能詩人。雖樵夫牧豎必屈已下之。固以詩為性命者也。辨唐宋之分如瀟瀟然。身後詩為夫已氏所編。不免以中駟為上駟矣。知詩者惜之。有佳句云。一水明殘照。孤村入暮煙。宋朝南渡君稱姓。周室東遷帝是侯。忘其全篇附錄於此。

荆卿墓

身入虎狼國。心空百二州。壯懷生死外。易水古今流。白日淡將夕。行人去不留。墓傍誰擊筑。寂寞野花秋。有如此筆方許 作荆卿墓詩

白芍藥

珠簾入夜捲瓊鉤。謝女懷香倚玉樓。風暖月明嬌欲睡。依稀殘夢在揚州。與無情有恨何人見。月晚風清欲隨時同一取題之神。

康弘勳字仲山洪西涇陽人官參議道

榆林道中

已過臯狼鎮行行秋色中曉霜明佩劍殘月上雕弓草帶三邊雪雕盤萬里風客心似紅日常傍海雲東

鮑

鈐字冠亭奉天人官海塘通判冠亭好客有負之者重來待之如初曰我愛其才也風趣近吳園於太守雖沉溺下僚藝林重之

鴈門太守行

不見鴈門高安知太守驕鴈門高雁不可度太守驕新不如故堂堂復堂堂漢家重循良幾人考上

國朝詩別裁集

卷三十

五

教忠堂

上承恩奏明光幾人考下下貶竄之他邦五馬煌煌二千石河間姪女同朝夕徒手相將拜路塵清寒逼人太守噴冠亭兩為邑宰受太守辱故有此詩

范忠貞公祠

自注公贈太子少保兵部尚書祠君亦由浙閩制府歷陞大司馬

當年閩海見傳烽犀兕空多棄甲重大節並推顏魯國孤忠直繼段司農碑題峴首留殘碣世握兵符踵舊封應與睢陽同廟食堂堂授命盡從容無一

來歷便是好詩

李

錯字鐵君奉天人若有身青山人集。旁青係勳臣後當得大官乃借其配隱於盤山有武侯緒風既老歲至京師然

一二日即歸人罕見其面詩古與峭削自關門徑高者胎源杜陵次亦近孟東野

江南

江水是弱水久已沉羽毛江水是江水我豈無輕舫中流雙鴛鴦咬波影凌亂鴛鴦且莫飛我有好鍼線繡在合歡被與汝日相見古意

當來日大難

駕青驪驂駁牛西上臯蘭山直入崑崙邱求西王母不可得歸來還作人間遊人間偏仄來日幾何但見北邙之山如楊如麻累累坡塚皆誰何昨日對酒當歌只末二語見歡樂之境不可常也若從歡樂說到喪亡便直而少味

項王祠

國朝詩別裁集

卷三十

六

教忠堂

白蛇斷烏騶窮海內莫敵隆準公百二小兒歌沛中霸氣汨沒三戶空眼中成敗勢即判大王叱咤終英雄楚雲沉沉壓祠宮千秋伏臘猶鼓鐘鼉龍叫嘯寶劍血草木慘澹雲旗風乾坤失意丈夫淚大江日落寒濤東落句妙於寫景含却無限蒼茫即路負王易水結法

聞歸雁感賦

畢竟家何處而云北是歸高城殘照下萬里一行飛風急母相亂沙寒定有依畸人方失序緣汝淚沾衣竟似出杜陵人手所云四十字字字皆君子也龍事全在起結

新秋雨中塞曉亭侍郎招飲署齋即席分賦

飛鳥無心惜羽翰。游魚隨處狎波瀾。於人豈敢行藏異。好我何妨禮數寬。頭白親知稀握手。酒深風雨一憑闌。年光向晚貪高會。已醉遶東管幼安。

陳景元

字石閭。奉天人。布衣。石閭甘老布衣。取言名利交與惟李。身青幾輩不妄交也。雷剛憲賞一視學。浙中成懷五布衣。詩石閭居一即石閭。可知矣。詩亦清矯不凡。

詠懷

高閣臨清池。明月當天心。萬有坐消歇。可以鳴幽琴。上絃來別鶴。下絃起龍吟。夜靜天地清。拍中出正音。不惜操縵苦。持此感人深。夜靜十字寫。琴理最高。

嚴陵釣臺

國朝詩別裁集

卷三十

七

教忠堂

釣臺臨絕壁。巒壑抱幽深。一片桐江月。千秋出世心。獨尋高士蹟。忘卻客星沉。予亦懷微尚。徘徊聽瀨音。不著議論嚴陵之品自見。王貞父作後應推此篇。

古北雜詩

昔者楊無敵。英名代朔聞。我來北平右。人指令公墳。尚勇兒童拜。酬神酒肉分。邊庭重死節。不祀李將軍。可以教忠。

山夜

登眺忘疲茶。歸來約四更。人依山鬼宿。星代月華明。入窳無昏旦。觀心一死生。野溪流不斷。風定夜

聲清

程嗣立

字風水。江南安東人。貢生。○風水長古歌詩雜文。惜無稿可資。蔡子方山廬偶見此篇。因米錄之。

送邊秀才入成都

臥龍丞相錦江水。躍馬公孫白帝城。往事雲煙多變滅。羨君意氣自縱橫。向西形勢參天出。稽古名流愛蜀行。如此丹崖青嶂裏。不妨終日有猿聲。

高岑

字峴亭。河南商邱人。官豐城知縣。○峴亭為宋商邱縣宰。外孫故詩有淵源。歸田後學力尤進。

秋日書懷

江城木葉已翻飛。深巷蕭蕭獨掩扉。北鴈應知書有淚。西風不管客無衣。他鄉歲月秋難遣。故國親朋日漸稀。坐盡殘陽燈火上。滿天雲影望依依。

國朝詩別裁集

卷三十

八

教忠堂

暮春送別

飛花萬點撲征衣。南浦依依怨落暉。腸斷離亭煙柳色。留君不住共春歸。送別送春。一語中兼到。

姚世鈺

字玉裁。浙江歸安人。諸生。

吳興太守行

唐公多美政。第一數停徵。能令一葉蔭。遮徧湖州城。湖州本水國。旱潦頗相撓。上入奏報。皇帝蒙嗟矜。救災議留漕。賑廩開常平。奈何春夏交。雨點天瓢傾。二麥悉爛死。原蠶又無成。縣吏夜催租。

打門雞狗驚不食三日矣。失限罪所丁。民實畏官府。民豈甘敲榜。可憐飢饉迫始覺。性命輕。是時三伏熱。觸暑如遭烹。冠羸縣門集。縣官醉方醒。平頭搖羽扇。輕風來清冷。翠瓜切片玉。朱李沉寒氷。巍我坐堂皇。鞭雷車硃硨。扑扶驚。無膚老耄難逃刑。何來朱書符。傳自太守廳。吏胥俱感額。顏狀失猙獰。逝將焚如死。豈意脫然生。退衙遣歸農。閭里歡逢迎。忍飢幸少安。兩月寬作程。鉏禾分辛苦。補敗期秋成。何以報太守。請歌吳興行。不願公三公。不願公九卿。願得長借公。流澤若溪清。百姓樂復樂。國朝詩別裁集 卷三十 九 教忠堂

受福惟王明。寫縣官之草率民命如見其形如聞其聲

將至揚州與家人病中別

暮齒千行淚。新年百病身。自然憔悴盡。何待別離頻。藥裹關心勸。衣裘倩手紉。平安早相報。江上有春鱗。

哭女

十歲言詩有性靈。木蘭愛說替耶征。黃泉不是黃河水。聞否耶孃喚女聲。即他木蘭詩中神情觸手生哀高於微之哭子諸作貧家生小儉梳妝。竹筍練裙少盛衰。繡得羅襦幾回著。送終猶是嫁衣裳。

傳業方今羨蔡邕。慰情那更比陶公。明知此恨古人少。哭女偏當無子翁。哭女可哀無子哭女倍難為懷矣向中無寫兩層

姚世鈞字炳衡浙江歸安人諸生

饒州舟次獨酌醉後放歌

東風吹我來饒州。因循又作兩日留。乍晴乍雨天氣換。一杯聊復消牢愁。寓形宇內一瞬耳。雙丸轂轉如浮漚。春來秋去陋鷓鴣。朝生暮死嗤蜉蝣。我今頭顱欹老大。蹉跎壯志無一酬。尋章摘句守矩矱。庾辭謎語工雕搜。有時隨俗恣諧謔。浩歌一歌商聲謳。賈生淚忍但暗下。班超筆在仍空投。芸牕國朝詩別裁集 卷三十 十 教忠堂

俛首歷幾稔。幽憂之疾無從瘳。鶯花三月辭故國。飄然來作南楚遊。衝風踏浪無不可。三千里路望阻修。蒲帆十幅釣臺轉。輕舸一葉錢塘浮。饒州自古稱上郡。土地則廣人民稠。鄱陽潁洞恰繞郭。瑞芝峭削纔當樓。茲遊信宿敢易視。湖山暫向筆底收。遠涉思入女兒港。近眺擬泛琵琶洲。左挈偏提右不落。狂呼驚動東西舟。遙汀魚跳刀潑刺。垂楊風捲絲颿颿。水天下上黑如漆。嚴城俄報三更籌。醒無人勸醉莫管。兩行銀燭開雙眸。丈夫意氣貴卓犖。安用狹隘趨時流。周身會須羅千騎。當車只

合擁八驂七尺之軀三十古不取相印終封侯吟
成自笑還自泣金尊重舉澆詩喉身行萬里從此
始浩蕩莫讓波間鷗如湖之海湧如風之飄忽抱才如此而年命不永何哉

邵

岷字百峰江南元和人諸生○百峰少歲作詩曰于異說總以險怪為主後為劉君東郭女夫日漸月摩一歸于正至三十餘居然作手矣能者固不可測不信然耶聞其七言律詩最工而遺稿散軼歎息弭詳

長歌留別江漢諸同學

吾為若楚歌若為吾楚舞劉邦項籍天下雄一聽
楚聲淚如雨楚聲慷慨聞千載屈宋風流至今在
山鬼蘿衣舊有情江妃玉佩長相待我生足跡徧
九州發軔便為荆楚遊沱潛漢沔縱沿沔豐蘭沅
國朝詩別裁集 卷三十 土 教忠堂

並供采求廿年四上晴川閣過眼江山遂成昨野
客依然水上萍故人半化雲中鶴此度淹留時最
久武昌三見青青柳一時牧伯多禮賢慚愧人前
呼老友男兒有才供作使萬丈光芒終已矣正平
文采世無倫卻被曹瞞視作螳昨歲鶴書下江左
州司催促馳駢賊浪遊那有上天梯罡風吹向塵
埃隨豈無知己荆南公自注襄陽劉使君公亮疾呼不管眾耳聾
天門迢遙帝座遠浮雲况自迷蒼穹郢中白雪
和者寡我胡為是栖栖者江上有山笑未休枝頭
杜宇聲將啞幾番彈缺歌歸去泥沙易著因風絮

朝來青鳥促朝天主人難留客不住去住因人劇
可哀老馬更踏黃金臺未知郭隗更誰是登臨且
放心顏開半生踪跡昭上畔酒社詩盟滿江漢別
淚應添逝水流離情忍向當歌斷斷續歌聲短復
長沙邊朔雁去行行憑將此日臨岐曲遙繼靈均
哀郢章此百峰鴻博被薦忽遭斥逐既之江漢復上金臺因作此歌也跌宕悲涼卷舒無迹飄風驟雨驚鴻落飛雪何從落可以

贈移

趙忠愍公得謚詩

滇南侍御人中傑氣如虹霓耿不滅壯猷早著剪
荏苒正色俄看冠朝列維時明祚丁未造劫火燒
國朝詩別裁集 卷三十 土 教忠堂

天百川竭弄兵劇賊覆神州食肉謀夫營蟻穴可
憐國事無可為但見乾坤日流血閹人夜半開九
門百萬黃巾擁丹闕君王披髮殉山河宰執全軀
効臣妾大臣命重小臣輕勁草何知疾風烈一呼
巷戰千人靡身首分餘立如鐵但教心與赤日懸
肯惜身隨天柱折腐肉馨香何處歸愍忠寺畔埋
冰雪風雨猶聞嘯國殤滄桑未許磨殘碣易名鉅
典隆 聖代特采嘉言表奇節百年幽泐一朝顯
六詔山川增皦潔丈夫七尺即泰山取義成仁在
勇決不尔芳名何卓絕君不見同時多少偷生人

一念踐跼成瓦裂通侍御名讓雲南人當流賊破京師時卷戰而殲其賊志寺側章皇帝旌表其景文以下

諸忠臣因無人奏請偶然遺之乾隆中補遺忠愍此詩深潔有生氣今讀若如見其銜臂受刃時

過鹿角岔

橫空斷壁疑削成。上有一罅通人行。左旋右折盤空曲。鋒稜戟戟欲來觸。蒼藤古木相結纏。白日不到陰崖前。征馬哀鳴僕夫瘁。果然蜀道如登天。憶昔搖鞭過劒閣。逸氣飛騰小川嶽。那知垂老瘴江遊。萬里羈魂銷鹿角。

送友出塞

離笛作邊聲。憐君萬里行。雪埋光祿塞。雲起赫連城。地入龍沙闊。身將馬革輕。封侯原素志。去矣莫沾纓。

卷三十

圭

教忠堂

秋戍

寒信回窮漠。懸軍尚朔方。殘旗孤壘月。哀角五更霜。榆葉飄金甲。邊風裂箭瘡。黃花猶未解。七尺委沙場。語語捶鍊而出。連則聲響錄則字通。

將之成都

萬里魚鳧國。青春別恨長。行行穿鳥道。寸寸斷猿腸。人以風塵賤。詩兼鬢髮蒼。謀生宜道路。從此問蠻荒。

謝淞洲字海濱江南長洲人布衣。嘗游畫師元人得四家意趣精於鑒古。世宗皇上出內府所藏命其鑒別一一不與。世宗善之詩學以天趣為貴不加鍊琢猶畫中之元人也

支公禪院

鳥道伏鳴雷。古寺轉高木。白雲淡無人。清風在修竹。愛此山翠光。欲滴幽人屋。野客聞鶴鳴。山僧報茶熟。願逐支公侶。常傍泉聲宿。

田家雜興

深村大迎吠。曙色行者稀。歸人自城市。負荷返柴扉。耒耜頗整理。蓑笠亦庶幾。朝來撥春隴。泉脉流微微。菖蒲亦已生。屋角梨花飛。物候有如此。東作國朝詩別裁集

卷三十

酉

教忠堂

慎無違

曉色起隴畝。荷耜還西林。悠悠清溪水。自識沮溺心。林際半新月。村靜聞遠音。何人柴門下。慷慨隆中吟。未知千載事。好風開我襟。忽持一尊酒。蒼然白雲深。五言古三章俱歸自然無時下儉氣

寒夜

含淚別鄉人。翻然作遊子。枕上聽猿啼。家鄉五千里。

吳定璋

字友望江南吳縣人太學生。友篋成七十二峯足徵錄表章具區文獻吾黨有心之士也詩不分唐宋以新穎為歸時有名論與翁君琇山稱東山二家

漂母祠

乞食亦偶然。一飯何足道。針砭英雄人。為德不望報。王孫師其意。矜伐駢寧召。我來淮陰里。懷古一憑弔。賢母風渺然。荒祠歎歌倒。惟見淮水清。東風長浩浩。持必報漂母之心。望漢高所以蹈鐘室之禍也。以不望報為針砭英雄何等卓識。

見雁

北雁亦無情。叫月自南去。欲將一行書。托汝遙空寄。遠影沒橫雲。悵望銀河曙。言短韻長

讀文信國題顏魯公祠詩碑

丞相徵兵汗馬馳。魯公祠下特題詩。不圖一旅勤國朝。詩別裁集

卷三十

五

教忠堂

玉地同此空。卷冒刃時慷慨悲歌存正氣。淋漓碧血滿桓碑。兩賢心事真千古。落日西風戈欲麾。生枯俱下

之筆信國魯公一齊並見

補衣圖

杏花紅鎖玉樓人。拭拂山龍日正春。願得聖朝無闕事。不煩纖手號鉞神。

黃子雲

字士龍江南崑山人。布衣者有野鴻詩稿。野鴻天賦俊才。少歲詩無一語平庸。無一字輕浮。真堪鑒。元白中年後成詩。的上下卷龍標。太白昌黎東坡。概為麾斥以下。更不足言。而已詩類放前後。如出二手。矣。茲所錄者皆舊稿中作于珍重之惜之。

舟行望南韶諸山

出關青不斷。天地日偏窄。連峰塞東南。顯晦錯朝夕。峭摩層穹心。窟壓厚坤脉。辟面劈洪荒。瘴色向人射。義陽迴六轡。照見靈斧迹。輪囷長鯨鬣。嵌空老龍脊。血埋霓影紅。蘚蝕銅花碧。女皇補天後。狼藉五色石。哀壑慘光晶。沈湮元雲積。乳竇濺瀑絲。一泓耿幽白。中峰石扇開。直下雷聲割。枯杉皮復甦。卧柏腹全坼。落日風冷冷。山鬼攝人魄。下土徑絕蹤。邀與入境隔。我行踰千里。正壑興轉劇。逝將凌紫煙。逍遙鍊金液。此意恐未然。一身有驅迫。扁舟轉瞬過。回首已夙昔。

國朝詩別裁集

卷三十

五

教忠堂

卧鐘

臺城越西隅。蕭颯秋巖清。金鏞卧不起。嵒危如長鯨。歲久厚地裂。半與泥沙平。下壓黃泉脉。上騰白虎精。虛中廣百圍。出入縱橫行。不知何代物。漫滅無其名。碧埋鬼血鮮。紅蝕土花榮。日月光摩盪。風雷力支撐。對之不敢叩。肅肅棲神明。正始久歇絕。甘同秋草并。大寶關天意。顯晦非人爭。朝廷奏蕭韶。世自求其聲。借臥鐘以寫奇才不遇也。沈鬱整肅。得力少陵。鐘係永樂二年姚廣孝監鑄。一鑄京師。一鑄金陵。

詩中云不知何代物未之審視耳

畫鷹

自注元阿爾釋繪

軒軒摩空翮。忽入堂楹內。四壁黯光晶。蕭瑟若野
外。委形是何年。畫師阿爾輝。苟非大匠手。筆力何
超邁。至今天。風入如聞解。鏃帶金眸左。右動燁燁
練光碎。亦知邊秋至。毛骨癢生疥。燕雀聲啾啾。懼
其轉晴快。聳身欲著人。座客悄懷退。猛氣莽崢嶸。
颯與雲霄會。恭惟丹山鳥。大聖自仁愛。絲邈煙霧
際。不乏梟獍輩。何由厲霜颯。搏擊清草昧。顧盼粉
墨姿。陡覺雄心在。歛翮難飛騰。中懷空抑憶。此章如
竟出少

陵手矣。至今天風入以
下數言鋒發神氣俱到

蔣子空水刀歌

國朝詩別裁集

卷三十

七

教忠堂

金颯颯。颯霜天。高高堂。白月明。秋毫錦袖掣開寶
刀露。蔣侯直立欄前操。此物來自海西國。影落洪
波斷。鼉極不知何代降。元精使我白帝生。顏色迴
看天地莽崢嶸。晶光所向無留行。五陵俠客久錯
莫。牀頭夜吼聲鏗鏘。銅花拂拭蒼鱗碎。將軍戰血
餘腥在。鋒鏑摧崩鼓角前。精靈踴躍風雷外。此時
起舞。月光寒。雪龍掉尾凌空翻。泰山欲倒海水立。
二十八宿皆離垣。玉關殺氣連穹昊。安得西走咸
陽道。天生神物豈沉淪。歎息風前我將老。梁藥亭曰
本刀歌中
起舞以下四語惟偉生動正復不讓前人

山中守歲歌

山扉淒淒煙日暮。瞥眼新年年復故。還欣齒髮未
盡凋。頗覺村園亦成趣。粘戶重書鬱壘符。插簷高
折久青樹。茆堂灑掃豁心顏。博山一縷沉香煙。厨
門之東出新婦。手捧魚膾盈盤餐。大兒隨行主家
祭。稚女移燈封井泉。中天空光若電掃。知是鄰家
共迎竈。僮呼如願未移時。山妻亦媚西南輿。繞室
鑪添松火溫。一枝梅破冰瓶笑。黃昏促席飲屠蘇。
上座居然屬老夫。我家瓦盆盡陳列。與酣小大相
歌呼。遭逢苟非堯舜世。腐儒安得歡妻孥。來朝

國朝詩別裁集

卷三十

六

教忠堂

天子朝元初。誰補幽風守歲圖。

度仙霞嶺

鳥道紆迴上。猿聲縹緲聞。峰盤三百級。身入萬重
雲。天地閩中險。陰晴嶺半分。出關盡蠻語。端合作
參軍。

大洋

不覺舟如葉。隨風入宦冥。潮來天宇白。日照海門
青。孤嶼遙相認。危檣覺有靈。中流撫身世。萬里一
浮萍。時徐徵齋太史奉命冊封琉球野鴻隨
行故有大洋望海諸篇境奇詩安得不奇

那壩望海

大塊更無外鴻濛混兩間。龍行何處雨。蜃現別洲山。一氣涵諸夏。層波走百蠻。茫茫萬餘里。仍向此中還。一氣涵諸夏五字中包括九有

孟廟

歌馬餘殘照。循牆謁閼宮。冠裳王者並。俎豆聖人同。戰國風趨下。斯文日再中。低徊撫松柏。惆悵仰龜蒙。不粘著孟子七篇及孟荀世家却一字不可移易自是作家手段

毛氏園觀牡丹

十畝芳菲宅。名花最後看。乍疑春欲醉。可愛露難乾。倚日自矜寵。迴風不受寒。藥闌頻徙倚。吟望夕陽殘。脫去習語方許作牡丹詩

陽殘。脫去習語方許作牡丹詩

題太白樓

文章睥睨世無敵。湖海飄零氣轉適。六代詩壇餘此席。一江春色獨登樓。為君天特開青嶂。題壁人今亦白頭。猶有浣花祠屋在。懷鉛直欲錦城遊。全在對偶

欲側處見長題太白樓卻有自己在一結即乃所願則學孔子意

翁

字朗夫江南江陰人太學生著有賜書堂詩文集。朗夫體格高。二相國先後以鴻博經學薦。皆不遇。與于相約為耦耕伴。侶結廬有日矣。乃倏焉阻謝。友生為位以哭。多失聲者。少年詩專工佳句。後漸臻老境。識力俱高。有虞伯生老吏斷獄之目。

詠史

周衰政不綱。征伐強侯擅。霸業復凌夷。私門勢強悍。三桓七穆興。魯衛勢衰憊。六卿專晉權。揚水為之先。爭強互相吞。三晉六國半。俱酒為家人。倒置履與弁。如何周威烈。封侯遂其願。壞法自天朝。史筆昭獨斷。司馬續春秋。豈獨重辭翰。分封三晉壞法亂紀自王朝始此同

馬溫公資治通鑑託始于威烈王二十三年也。俱酒晉侯于趙襄子廢為家人

秦趙會澠池。相如稱勇智。秦人詐不行。趙亦嚴兵備。瑟缶互相擊。計實同兒戲。何不講戰守。乃以人

國試沛公。赴鴻門。累卵危不啻。項莊劍已拔。亞父玦屢示。如廁間道歸。偶值猛虎睡。輕兵躡其後。金

國朝詩別裁集

卷三十

干

教忠堂

魚那能避。不見楚懷王。留秦死秦地。見說雖倖成不

以楚懷王入武關客死於秦作証義尤顯然

嬴秦失其鹿。羣雄互吞鬻。沛公能任人。左右有三

傑。炎威既施。張西楚遂灰滅。一朝飛鳥盡。良弓自

摧折。功人既囚繫。功狗馬望活。而胡豐沛遊。歌風

起。激越韓彭。並蒞臨。猛士懼流。血誰顧。守四方保

身。自明哲。韓彭蒞臨後而思猛士守四方誰顧為韓彭續耶漢祖歌風乃無聊之詞非有悔心也命斬樊噲更在歌風之後

武皇重經術。發策策賢良。廣川抱碩學。天人語周

詳。賈茂董更醇。治道通陰陽。而胡命世材。出俾相

驕王。守正端軌則。推誠化披猖。留滯終外藩。稍異

投沅湘曲學阿世人。升之在廟廊。漢業不復興。格心誰周防。葉公空好龍。見龍乃張皇。策賢良欲得正人輔翼也而柄用者

偏在曲學阿世之公孫欲望漢業之辭豈可得乎

文成五利封。尚主亦不惜。謂世無神仙。仙在喬。尺文成五利誅駢首如羊豕。謂世有神。仙所言皆妄耳。金銀宮闕間。可望不可到。清心守環中。無為領衆妙。而況至人徒。修短非可校。不朽超形骸。千秋光遠耀。清心守環中老氏要旨神仙之說不足惑之也末見顏子早夭千秋不死議論更高一層

孔光譖王嘉。浸潤致之死。馬融排李固。承順權臣指。兩人擅聲華。素推經術士。忽焉好惡乖。交口肆

國朝詩別裁集

卷三十

主

教忠堂

詆毀失已違本心。媚人求貴仕。平生讀何書。適佐貪且鄙。一念入奇邪。百世人不齒。顧爾顧脩名。慎勿汙青史。心術不正多讀書無益也孔光馬融雖為鑑戒後王半山亦以經學誤國豈經學果誤國耶

送歸愚沈少宗伯 予告歸里

片帆潞河來。相值在沛水。知公 予告歸南雲。指

故里。敬讀 御賜詩。千丈榮光起。載賡洵一德。眷

注情無已。遭逢艱虞唐。進退善終始。公歸有程期。

我老失準軌。離筵布南池。自注杜老詠詩處鳴蟬綠陰裏。無

計更挽留。去去波如駛。但願南風狂。維解舟仍艤。

憶筓初識公。其歲當壬午。兩地合雲龍。僑札通縞

紵。吳門與暨陽。來往互賓主。矻矻商古今。硜硜訂出處。龍躍終升天。雲散難作雨。遙遙兩地分。間隔寒與暑。雲龍今復合。情深逾簪者。叶齒增易驚惕

道進無違拒。相期同偕陰。晚節師侃禹。

送公歸去來。悠悠返荷屋。作社赴雞豚。約伴同樵

牧。弭擢香水溪。采芝硯山麓。誰識袞冕儔。依然抱

黃犢。道充輕祿位。天定歸淳朴。我將還故林。老去

愛雲木。三十三山間。結廬卧空谷。公能復來過。江

皋路應熟。念舊話前程。草堂夜同宿。無世俗酬應氣以道相與確堅晚節

國朝詩別裁集

卷三十

主

教忠堂

蓑衣

記得寒江外。曾披上釣舟。煙波雙髻老。風雨一身

秋。戴笠偏相稱。垂竿亦自幽。嚴陵如愛此。應不著

羊裘。佳句。帆影云殘月半痕。壓曉夕陽一片洞庭秋。與友人尋山云友如作畫。須求淡山似。論文不喜平。皆解新可采。

將之北河留別

織就文禽作對飛。一篝燈火久相依。耦耕當日言

猶在。佐讀終年計。轉非。但使我能拋犢袴。肯教君

更泣牛衣。料應不學蘇家婦。金盡歸來也。下機。此稿仲天

歸同其清節。蕭之風。前一結表斯配之賢。

贈沈侍御樹園

展卷光騰五朵霞。摠由忠愛發精華。詩宗杜老能憂國。文泝昌黎屬大家。午夜疎燈焚諫草。春風小驛見常花。自注白傳有常花驛見楊八題夢兄弟詩時雖兄構莊晤鄧平縣中懸知兄弟聯吟處。添得新詩護碧紗。

梅花塢坐月

靜坐月明中。孤吟破清冷。隔溪老鶴來。踏碎梅花影。選中五言斷句俱近唐人

錢源來

字清許浙江嘉善人諸生

少陵草堂

飄泊干戈後。爲堂傍水涯。三巴五畝宅。千古一詩家。

國朝詩別裁集

卷三十

五

教忠堂

家無復臨江樹。猶存覆地花。危樓當北斗。想像望京華。即於草堂上表其忠愛何等自然

馬曰琯

字秋玉江南江都人著有嘯公集○維揚肥城地也嶺谷四部略備與天一閣傳是樓諸家若相等也喜賓客四方有文行者每加禮焉結詩文杜韓江雅集諸刻可續王新城紅橋修禊風

其地者每想見其為人

冬夜宿南莊

空江欲雪雲冥冥。天低月暗吟寒廳。獨雁時聞四窗白。雙眼未合孤燈青。敗蘆叢篠環沙尾。幾樹橫斜映清泚。未春先已發幽香。歲晚籬邊見水葢。城南小築掩柴荆。裊裊茶煙客思清。夜犬無聲人語

寂。枯基坐隱已三更。短童首觸屏風卧。檐外一聲驚。雀。隋。蕭。騷。水。閣。紙。衾。單。有。夢。不。愁。花。底。澆。

春江漁父詞同半查作

五湖三泖煙波宅。燕子來時春水碧。莼絲采罷行絲牽。隔岸桃花紅欲滴。蓑笠由來是水仙。鸕鶚鷺鷥伴閒眠。青山倒影低昂見。潮落潮生不計年。篷窗沽酒空濛裏。一聲漁笛滄浪起。綸竿收得寂無人。明月煙江照千里。餘韵徐歌悠然自遠

過澗上草堂徐昭法先生故居

先生居澗上。生死世相忘。剩有三間屋。而無一辦

國朝詩別裁集

卷三十

五

教忠堂

香。冰霜堪久耐。薇蕨共誰嘗。留得潺潺水。終年護草堂。玩六語以夷齊與之聖世遺民清風常在

楊濟

字瞻衡江南崑山人諸生○瞻衡處困窮有客欲招之北往已卜期矣緣其配病癯不能往一二年夫婦並寒餓死

文人之厄此爲尤甚

落葉

秋聲一夜撼林柯。極目江潭悽愴多。北雁已辭邊塞月。西風初起洞庭波。飄零愁結蘭成賦。搖落深悲宋玉歌。忽憶故交征棹遠。翻飛如葉度關河。邊雁比擬搖之曳之視肥賦者有生死之別

韓忠武王墓

古碑萃律倚荒丘。宋室存亡仗運籌。十萬敵兵來假道。八千驍騎截中流。為慙南國輸金辱。聊向西湖縱酒遊。埋骨青山遺恨在。寒風落日戰松楸。忠武

京口之戰不可移入朱仙鎮順昌和尚原等處洵推能手

李進字亦吾江南華亭人諸生著有西枝詩稿

暮秋訪何雪芳城東讀書樓醉後題壁

城上高樓俯碧波。樓頭小住病維摩。蕭蕭樹半溪冷。偃蹇青山兩岸多。抱鄰目中無管。寧乞心句裏有。陰何與君且酌。飽樽酒。明月一友歌。五語

抱負六語表其詩格對仗工整

國朝詩別裁集

卷三十

五

教忠堂

追悼友萍次立甫韻

門巷蕭條冷若冰。城南一過恨填膺。誅文作自先生婦。遺稿歸於後死朋。自注余近輯其詩文絕壑窮巖開面目。

唐風宋格辨淄澠。那堪池水都成墨。博得生平硯癖稱。

過春山字湘雲江南長洲人諸生

過吳竹嶼園居

雨後遙山色如洗。蘿逕無人暝煙起。露滴荷衣生暮寒。抱琴獨宿秋聲裏。為君一鼓滄浪吟。萬壑千巖流水深。何處夜猿啼不斷。西風蕭颯引離心。

題石湖煙雨圖

林風吹雨川光暝。遠岸鷓鴣點秋影。小樓人宿水聲中。一枕溪雲孤夢冷。我本滄洲舊散仙。蘋花零落五湖船。如何對此不歸去。七十二峰空暮煙。兩詩

盛氣比之白少寒流清徹見底

周永銓

字昇遠浙江錢塘人蘇州籍諸生著有東園詩鈔○昇遠實以仰窺漢京友生中不易才也五十餘不肯見人惟家方舟與余過之談諧不倦予通籍歸里後并不能一見矣時或讓其為辭遂其為壽余益重其為人

西崦舟夜

疎星綴林端。殘月懸峰缺。環嶺抱迴谿。巖燈遠明滅。身落五湖濱。孤舟夢松雪。

國朝詩別裁集

卷三十

五

教忠堂

義卒行

有客為余述杭州某姓卒。代兄戍滇事。余高其義。作義平行以紀之。時康熙五十八年春二月。

慘慘堂前紫荊飛。飛原上脊令。桓山之鳥欲去而哀鳴。苦哉遠征人。陟山望親還望兄。嗟嗟行役萬古情。解彼少年者。色何黯然娶婦未三月。昨來黃紙到官行。將出戍南滇。歸告阿母阿母叫天新婦口。禁目眵。俵俵不能前。二小前致辭母兄且勿解。

悲阿母生我二人。兄今有嫂。未有兒。何得遠去存。
沒。未可知。弟當代。兄役門戶。兄自主之。三解阿母兄
嫂聞言淚下。如縷縻。大兄前致謝。此事甚非宜。感
君區區懷我。心已再思。熟知此別異苦。樂何乃反。
累吾弟為切切相勸止。但言兄嫂勿復疑。四解翻然
出門去。意氣何慨慷。別我先人墓。辦我行子裘。佩
刀三尺餘。挽弓三石強。弓刀及戎服。羅列東西廂。
親戚走相送。酌酒歌同裳。五解晨興拜堂上。骨肉相
悲切。臨行囑兄嫂。欲語復鳴咽。但得兄嫂一心善。
事阿母。常喜悅。萬里羈人慰愁絕。六解收淚就長道。
國朝詩別裁集 卷三十 毛 教忠堂

鮮溪吟贈歸愚子

鮮溪溪水清且漣。鮮溪水與吳淞連。吳淞片帆挂
雲樹。直到鮮溪屋邊住。君家在溪側。我家在江邊。
溪光江色兩瀟灑。往往相思垂釣船。自從我卜城
東宅。送君翻作朱方客。君去幾開溪畔花。君歸還
臥溪邊石。我來訪君溪上行。溪水迎人如有情。門

見與木蘭翁耶
事可以並傳

關山別思重。白日結愁雲。至情感蒼穹。之子識大
義。行當早立功。歸報皇帝陛下。無煩遠顧蠻中。
揚名史冊垂無窮。七解義卒為兄嫂言兄答義卒言義卒復答
兄嫂言敘述如面語而卒之義勇孝友一齊俱

前問字多俊英。堂上論文皆老成。高齋學士定誰
屬。被褐先生方自名。只今五十頭未白。閉戶著書
聲。籍籍生徒自重沈。雲禎時俗那知王彥伯。愧我
與子稱莫逆。漢落相看感今昔。空憐早歲誤儒冠。
徒爾窮年抱遺冊。君不見鱗鱗門外水。繞村田居
蠶室好。稱尊與君一詠滄浪曲。世事悠悠何足論。
此余五十時贈言也徘徊曲
折一往情深佳處全在音節

關山月

一片關山接塞天。愁看白月迫臨邊。寒侵古戍秦
城遠。暈逐連營漢陣圓。少婦樓頭驚鏡合。將軍帳
國朝詩別裁集 卷三十 毛 教忠堂

京口聞雁

楚雨迷紅樹。吳霜老白蘋。一聲京口雁。愁殺渡江
人。二十字抵人千百言
唐人後稀見此種

擬唐人邊庭四時怨

望斷陽和到雪山。故園花月夢刀鐮。漢家雨露提
封外。春色遙應度玉關。胡王之漢黃河遠
上篇意何等濃厚
草生邊地夏初回。暑雨刀耕白漠開。愁殺赤亭飛
鳥斷。行人何事火山來。
昨夜西風入戍樓。前軍移帳急防秋。陰山獵火龍

沙月同照征夫出塞愁

萬堡雲迷朔氣凝雪深馬足失超騰渾脫駝終歲
見邊防之宜急也視廬

防飛渡况復黃河十月冰

見邊防之宜急也視廬

擣衣曲
一夕涼生秦女機砧聲不待雁南飛誰知萬里黃
雲成已有新霜上鐵衣

德能自出新意

周

準

字欽萊浙江錢塘人長洲籍諸生著有迂村湯稿○迂村以迂自信亦以迂自安年二十餘或稱其迂或謂其迂

漢等處與盡而返不謂一人後開佳山水必往遊既老之京師一為如遊南漢時昔有人問高僧曰京師許多僧曰只兩個人一為名一為利迂村超然名利外是京師有三個人也與余同輯本朝詩皆蓋棺論定者臨終含笑謂所親曰我幸甚我詩可入別裁集中矣詩宗法唐代以前五言古七言絕尤善

國朝詩別裁集

卷三十

无

教忠堂

宿靈隱寺梵香閣曉起眺望

晚從冷泉遊遂止招提境入門聞清鐘孤閣夜方
永傾耳聽泉聲聲喧意弥靜朝來小雨過宿霧散
高嶺憑窗見層峰澗壑殊清迥不知曉雲過但覺
衣裳冷清飈動林薄初日照山影行當訪韜光直
上松雲頂

聲喧意弥靜深於山水者得之此聲噪林逾靜較有味

賦得古別離送鄭子

勁羽乏羣棲轉蓬靡暫息伊人貧困士能無去鄉
國辭鄉阻長川旅迹殊可憐昨別俄六載斯遊定
幾年遊蹤渺無畔淮水連河岸迴瞻雲樹深忽忽

興長歎雲外指京畿秋風冷客衣可堪聞塞雁正
值向南飛

結語淡淡離情於言外遇之

發朱砂菴逕觀音巖登石人峰

言探黝山奇早別朱砂石升厓得險境指示深悚
惕熟遊尚色變何况遠來客凌空四無倚投趾不
容隙壁削緣藤行崖傾藉人掖所憑勇往志不隨
艱苦易幽巖既已經危峰自不隔振衣造其巔奇
勝在咫尺俯身入煙蘿欲詣仙人宅

即遊山可悟求道康樂引其緒此更

顯

緣天都峰趾度雲巢洞上升仙梯遂憩文殊

國朝詩別裁集

卷三十

三

教忠堂

院

天都信岩堯特立若翠屏取逕過其趾俯仰皆與
境松石俱象形巖巒類盤纒將陟目屢眩恐隊心
更警行經陰洞中恍惚陷深井須臾從井出冉冉
首露頂瞬盼多創違不類人世景境斷緣梯升氣
逼毛骨冷意堅斯有獲出險真自幸向晚憩禪扉
一燈照孤影

寫巢雲洞四語深入險出殊足駭人

壯士行

請為壯士行用識壯士情壯士重恩輕死生主人
臨岐陳設飲宴悲歌聲徹客容盡變酒闌日落雲

天高遠聞淒風起於曠野猛虎嘯於林皋風鳴虎嘯揚鞭去去報讎不回首

如見白衣冠祖送時情事

明妃曲

中原消息斷胡地風沙寒經年不逢春悽惻摧心肝君王遣妾和戎虜萬里辭家心獨苦早知塞外不勝愁那怪將軍怕邊土君不見百戰生降李少卿羈留絕域一身輕丈夫失路尚如此賤妾含悲空復情

備責李少卿而指詞微婉得風人之旨

懷舊

自失驚湖叟詩盟三載寒已知生死斷猶作別離國朝詩別裁集

卷三十

三

教忠堂

看老去悲正井情來望逝湍還聞淮水畔禪宇託空棺

此懷家方舟作

行經拂水山莊

扁舟汎汎越南沙倚杖愁臨澗路斜孝穆荒齋猶竹石揔持故宅尚鶯花名高那許遺纓緩情重難教棄室家太息百年同逝水淒涼還爲惜才華

此題者

不免過於發露作者統約出之不知微言諷諭過於顯斥也此詩品高下之分

晨自松陵歸渡太湖即事

迴望垂虹隔杳冥湖波浩渺快揚舠半篙日氣霧中白萬點浪花煙外青隱隱榜歌來雁泚淒淒漁

笛出雲汀還憐心切鄉閭近未暇攜筇訪洞庭

戌婦吟

淒淒賤妾閉蘭堂渺渺征人戍朔方漫擬龍城罷行役空憐燕閣闌年芳分弓營畔沙如雪挂鏡臺前月似霜絕域荷戈音信杳幾回清淚濕流黃

語報新年之作

題秦餘女史所畫楚辭圖

繞堂煙浪洞庭深芳杜幽蘭遍水潯北渚已傳湘女恨南征更識楚臣雲中桂擢聲疑咽天際瑤臺影乍沉寫盡離騷無限意竹枝歌罷又猿吟

國朝詩別裁集

卷三十

三

教忠堂

江上曲

空江潮落水茫茫南楚征途萬里長爲是曾經分手地不聽離曲亦神傷

塞下曲

持籌絕域感蹉跎沙塞年年湧枕戈翻羨蘇卿歸國早白頭終向茂陵過

子卿歸於昭帝時孝武殂落五年矣詩意見子卿猶得生還也用筆甚曲

蝴蝶詞

萬花谷裏逐芳塵自愛翩躚粉澤新多少繁華任留戀不知祇是夢中身

邯鄲一夢以二語該之世人日在夢中而稍不覺寤何也

漢川

漢川城郭枕江隄。黯黯煙波日乍低。我欲停橈訪神女。暮山無際楚雲西。

盛

錦

字庭堅江南吳縣人諸生著有青樓詩鈔○青樓詩從大歷下入手後層累而上風格漸高至入蜀詩得江山之助沈雄頓挫直欲上摩王漁洋之壘以仰窺少陵蓋漁洋詩以蜀道集為最勝也遊京師王公以下多折節下之不耐冗雜歸丙子歲發是歲周子迂村朱子木為汪子山樵相次歿吳下詩壇黯然無色矣予歸田後時與青樓商榷尤深人琴之感云

履霜操

自注盛有撫琴渡相傳尹伯奇彈履霜操履霜遂疑是作

霜皚皚子瀘之許。兒弗履兮。畏我父母。兒身載寒兮。兒心載苦。兒心子父心。兒身子母身。寒兮苦兮。實傷我親。兒罪子莫逭。親心子可轉。俟日出而回光兮。履霜亦暖。與臣罪當誅天王聖明同一憐惻可以教孝

國朝詩別裁集

卷三十

重

教忠堂

十二碁

羣峰束奔流。虎牙怒相向。對峙十二碁。羅列鐘鼓狀。顛崖矗層霄。旁竇穿激浪。映泉落九天。洶洶翻海藏。撐舟出井底。篙師氣先喪。衆工捷如獮。百丈緣壁。上木末。縱飛騰。山凹迭升降。一鼓更作氣。千篙力。誰讓造化何神奇。設此待霸王。頗聞白帝子。於此拒漢將。鐵鎖貫浮梁。金戈森衛仗。蕭銑復何人。屯兵倚疊嶂。羣雄雷掃空。故壘猶在望。平生歷險難。未若茲遊壯。萬里投蠻荒。一身隨煙瘴。風餐案傾歌。水宿魂震盪。搜奇命轉輕。得句神益旺。詎

畏前途。修瞿塘。險如象。峽高綿邈百丈上下不能相顧故以鼓為節杜詩所謂百丈牽江上瀾船打鼓

發船何處郎也經其地者能親切言之

空舸峽

出峽復入峽。兩崖插青冥。中流逐狂飈。奔騰萬馬聲。下灘梭一擲。觸石危橋傾。逆挽勞百夫。十步九倒行。力盡聽所止。刺篙就迴汀。愛此民居壯。凌空駕軒楹。宿雲出洞戶。古木撐巖屏。驚猿或挂樹。怪鳥時一鳴。捫蘿上絕壁。山風動冠纓。呼童拾錦石。信手扳雜英。興幽忘涉險。觸目多怡情。前途苦逼仄。絕境難久停。過午巖日晦。磊落見數星。屋黑畏國朝詩別裁集

卷三十

重

教忠堂

過灘

其險中間忽入拾錦石板雜英一段猶杜老北征難入或紅如丹砂或黑如點漆也骨肉綽斷而夢亦不接是遠遊人嘔心語

重峽間百灘。一灘度一厄。江渦衆壑趨。厓口亂石積。大石疊龜鼉。小石攢劒戟。中流若沸川。翻倒蛟龍窟。牽舟逼下流。凜若阻兵革。長篙拄峰腰。遠纜走山脊。鳴金策衆工。銳進不盈尺。一絲中迸斷。百里供一擲。觸石無完艘。沈淵有驚魄。是時雨初霽。沙石多滑澤。亡命爭上厓。匍匐落冠舄。婦孺互扶

携雞犬任狼籍。暫脫魚腹災。波濤亦祗席。轉思斷
鼇初四極。奠磐石。豈其禹力衰。此境終未闢。吾尤
罪巨靈。何惜隻手擘。天宰真夢夢。人事日偏窄。波
靜有潛鱗。林深多歛翮。寄語營利徒。勿作遠行客。
一絲進斷百里一擲前入入蜀詩未嘗寫到波
濤亦祗席倒觀出魚腹之險真十成用力語

峽夜

噉噉猿啼夜。淒淒鶴唳空。斷厓開四壁。深井落孤
蓬。樹漏懸明月。湍驚無定風。萬重雲水隔。歸夢亦
途窮。深井五
字驚絕

虎牙灘

國朝詩別裁集 卷三十 重 教忠堂
楚蜀分爭地。雄關扼怒濤。灘聲牛峽轉。山勢虎牙
高。巖樹丹青雜。舟檣上下勞。新詩橫槩賦。旅興一時豪。

曉發

曉發東安道。輕霜淨馬蹄。亂鴉僧閣外。殘月女墻
西。春冷花猶斂。沙平路欲迷。東臯待時雨。取次把
鋤犁。曉行如繪與錦聲才店月
人迹板橋霜可以並傳

老將

白髮枕戈眠。黃沙帶甲穿。風雲經百戰。筋力盡三
邊。舊識飛狐路。高談射虎年。閒笳心未死。尚想勒

燕然。詩家老境可
入極玄集中

登白帝城

萬仞墻臨灩澦堆。子陽伯業劃江開。白鹽峰對城
頭出。巫峽帆從地底來。雲起化龍迷故井。風生躍
馬有高臺。漢家陵闕同灰滅。淚盡寒猿日夕哀。
從從高處入峽也巫峽帆
從地底來從峽升高處也

白帝城謁昭烈武侯廟

永安宮殿峽江頭。一體君臣祀武侯。天祖式臨傳
詔夜。風雲色變出師秋。鳴鑾久絕空山道。籌筆猶
懸古驛樓。瞻尚死忠。謀死孝。千秋配食重。詒謀
類聯

國朝詩別裁集

卷三十

重

教忠堂

分寫君臣結以君臣之後人言英氣凜凜尚死
忠魂死無周繼死孝魂死後主此種詩那得不傳

蜀道寫懷

辭家動作經年別。去國真成萬里遊。淚眼已枯猿
嘯夜。鄉書空望雁來秋。蠶叢路險連雲棧。鹿角灘
驚上峽舟。心折江陵灌園叟。黃柑千樹比封侯。
直書胸臆
人力不與

舟抵瀘州

錦江直下古城壕。地入炎荒近不毛。萬里親朋勞
夢寐。十旬餐宿托風濤。征蠻羅甸軍聲遠。諭蜀文
園典策高。掃盡瘴煙開郡閣。岷峨天半落揮毫。

任城使院晤翁齊堂有贈

並馬長安憶舊遊。逢君意氣振高秋。酒徒半散荆
卿市。詞壘孤懸李白樓。握手星辰搖短劍。離心風
雨送扁舟。明年醉我南池上。須典千金紫綺裘。

題杜文貞公南池新祠

自注沈某園侍御建
肖公像配以許圭海

浣花遊跡寄南池。洗馬鳴蟬感晉時。過主名高三
禮賦。懷人心折八哀詩。鑄同賈島應呼佛。繡比平
原合買絲。玉貌仰瞻如舊識。憶曾親拜草堂祠。自注
丁巳

余入蜀至漢西
曾拜公祠下

白蓮

國朝詩別裁集

卷三十

壬

教忠堂

玉井分栽到野塘。冰綃翠袖迥生涼。半江殘月欲
無影。一岸冷雲何處香。真相尚留開士社。紅衣盡
洗美人粧。水仙操罷扁舟去。誰與凌波解珮璫。青樓
中年

作也須辨達神速韻耐人吟咀
所謂不著一字盡得風流者耶

別兄弟

未斟別酒已傷神。四海終輸同氣親。此去白雲天
萬里。望歸無復倚閭人。

別家人

伏雌烹罷勸加餐。秉燭喃喃語夜闌。點檢篋中裘
葛具。預知別後寄衣難。作六千里別不得不預料寄衣
之難詩之動人全在一真字

入蜀懷沈湘臯

雙溪對掩古溪邊。婦汲兒春各可憐。浩浩乾坤兩
萍葉。計程我更遠三千。時湘臯客江漢
故云更遠三千

汪

俊

字顯三江南長洲人官鹽泉知縣著有山樵詩○聖祖
第三次南巡山樵獻詩命入書局纂修議叙得官然

敬朴宣富非所長也醴泉罷歸久之幾無立錫地獨能以詩消遣
苦中得甘而其詩亦不自愛惜隨手散去身後得其草紙九東大
半溫茶鄉語刪存五章
甘近元和長慶詩人者

蘆花

尔本無情者。緣何亦白頭。丹楓同瑟瑟。野水並悠
悠。霜冷下宵雁。月明來釣舟。相逢秋雪裏。老我不
勝愁。

國朝詩別裁集

卷三十

壬

教忠堂

哭少宗伯春暉姊丈

老去身家不兩存。俄看霜後萎芳蓀。燕巢華屋垂
新淚。馬鬣空山感舊恩。豈意十年重一面。卻來千
里與招魂。萬籬雖附潘楊末。未敢同聲哭寢門。春暉
宗伯

為其先人營葬故有第四語山
樵入京春暉投沒故有第六語

誰知小別竟千年。夢幻韶華逐逝川。我尚拖泥兼
帶水。君非成佛定生天。從前似歷華嚴劫。向後休
參文字禪。昨自黃公壚下過。一聲鄰笛欲潸然。

袁墓

香雲漠漠雪飄飄。積翠層嵐近可招。猶記玉堂春

夜夢短篷斜繫虎山橋因近素墓而追憶往昔之夢遊也修書在武英殿故不碑云玉堂

元宵憶家

大地冰輪原普照。故園想亦共清光。別離人度團圓夜。白髮紅顏各斷腸。與獨眠人起合歡床同意眷念家人不比尋常浮艷

朱受新

字念祖江南吳縣人諸生著有木齋詩稿○詩體以七言絕句為最難四句中開闢動盪語近情遙不鏤琢不點染而言中言外神遠韻流方為盡善宋元人有奇巧往往失之木齋詩作頗近唐人惜無旗亭畫壁能賞黃河遠上者

詠蟬

抱葉隱深林。乘時嘒嘒吟。如何忘遠舉。飲露已清心。木齋為諸生不應鄉試抒寫懷抱已見此詩

獨處怨

國朝詩別裁集

卷三十

五

教忠堂

月中自顧娉婷影。鏡裏誰憐憔悴容。永夜製衣金剪冷。秋風萬里度盧龍。

流螢詞

暗飛幾點隔簾櫳。影亂繁星度遠空。莫入班姬金閣裏。恐隨團扇落秋風。與猶帶朝陽日影未對看便知其工

吳宮詞

夜擁笙歌百尺臺。太湖月落宴還開。君王自愛傾城色。卻忘人從敵國來。眼前語卻無人道破

春鶯曲

千門春靜落紅香。宛轉鶯聲隱綠楊。任尔樓頭啼

曉雨。美人夢已到漁陽。亦與啼時驚夢不得到遺西對看善於翻用古人

明河曲

清秋瀉影畫樓前。一水盈盈耿碧天。若果此中風浪靜。女牛何事別經年。

白秋海棠

清秋湛露浥瓊芳。素影風搖玉砌旁。夜靜看花人獨立。水晶簾外月如霜。寫花并寫出看花美人與尤于在京作可云筆落同音矣

樓

錡字于湘浙江錢塘人

春日歸泊閭門

年年踪跡感漂蓬。冷落柴門煙雨中。燕子歸來迷國朝詩別裁集

卷三十

四

教忠堂

舊壘桃花何處笑。春風于湖寓吳中幾無家矣自維揚歸感而賦詩未幾病歿倘所謂憂能傷人者耶

王大椿

字八十江南常熟人諸生○八千為畫師石谷曾孫勵志欲從學見復望其大叩大鳴也中正端嚴體和平原書法

上陳見復先生

讀書不求名。位高飲酒不盡千鍾醪。得心每在澹與泊。此中至樂誠陶陶。先生閉戶穴墳典。卅年門徑鼓蓬蒿。三公令僕斷夢寐。淡如雲影輕鴻毛。忽傳下詔責郡邑。水南水北紛喧囂。公卿合辭拜

手薦。漢廷經術千秋遭。申轅年已億筋力。蒲輪難涉風塵勞。上陳著述達黼座。至尊下遣官胥

沙風塵勞。上陳著述達黼座。至尊下遣官胥

鈔周情孔思。審中正辨。別白黑窮。釐毫少司。成臧重太學。帝命取式風之澆。先生受官不受祿。几席講學仍衡茅。走也仰鑽希萬一。有似蟻垤窺嵯峨。韓門近在許。僂入欲挾精髓棄粕糟。寸莛鉅杵叩。俱應試聽鑽。鑽天半鳴蒲牢。

李

勉字肅村江南懷寧人諸生

上已憶白下

清明恰是握蘭辰。遙卜秦淮景物新。楊柳晚風深巷酒。桃花春水隔簾人。橋邊車過香生路。樓外船歸月滿津。憔悴不堪來舊館。相逢誰為浣沙塵。秦淮原景

國朝詩別裁集

卷三十 望

教忠堂

宛然画出今人追憶舊遊

題雅雨師借書圖

旋假旋歸未得閒。十行俱下片時間。百城深入便便腹。直抵荊州借不還。思巧

過廢園

誰家亭院自成春。窗有莓苔案有塵。偏是關心鄰舍犬。隔牆猶吠折花人。以鄰犬之吠人傳出芳園之廢如畫家之用烘靚也

潘廷璦

字雅奏江南吳江人諸生

徐俟齋祠

羊腸嶺畔幽棲處。一水當門瀉作渠。薇蕨西山心

自印藻蘋南澗。莫還虛相忘。桑海逃名後。不接賢豪俟命餘。自注湯文正撫吳日兩訪之俟齋避之秦餘山此日行人罕。憑弔煙雲惟護逸民廬。潘次耕太史受業於俟齋先生次耕子文虎文虎子雅秦沒祠恐復廢讀其詩有望於潘氏之興也

國朝詩別裁集

卷三十

望

教忠堂

國朝詩別裁集卷三十一

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

徐 燦 字明深浙江杭州人
大學士陳之遴室

送方太夫人西還

舊遊京國久相親三載同淹紫塞塵玉佩忽携春

色至蘭燈重映歲華新多經坎壈增交誼遂判雲

龍斷夙因料得魚軒回首處沙場猶有未歸人此相

罪盡室誠謫塞外方太夫人歸憐已之未
能歸也極悲慘中不失和平氣象是為正聲

方維儀 字仲賢江南桐城人大理卿大鎮女姚孫
祭室夫亡無子請大歸守志以苦節聞

國朝詩別裁集

卷三十一

教忠堂

死別離

昔聞生別離不聞死別離無論生與死我獨身當

之北風吹枯桑日夜為我悲上視滄浪天下無黃

口兒人生不如死父母泣相持黃鳥各東西秋草

亦參差子生何所為予死何所為白日有如此我

心當自知

旅夜聞寇

蟋蟀吟秋戶涼風起暮山哀年逢世亂故國幾時

還盜賊侵南甸軍書下北關生民塗炭盡積血染

刀鐔少陵
風格

紀映淮 字阿男江南江寧人詩人映
鍾妹杜某室以苦節旌門

秦淮竹枝詞

栖鴉流水點秋光愛此蕭疎樹幾行不與行人綰

離別賦成謝女雪飛香王漁洋秦淮竹枝有栖鴉流水空蕭瑟
不見題詩紀阿男益賞其風神也紀詠

桃葉渡中云波搖秦代月
枝帶晉時春亦稱佳句

錢鳳綸 字雲儀浙
江錢塘人

哭伯兄

在昔皇天傾覆卵無完理兄不即殉身感奮良有

以摩挲雙七首一夕再三起千鈞重一發恐復憂

天只荏苒歲月間隱痛入骨髓未堪警人胸抱疾

國朝詩別裁集

卷三十一

教忠堂

忽焉死尸牀目不瞑不繼非人子尚有娥親在李

壽汝莫喜因兄報讐之志未遂而死已以身任之字裏行間讀去
鍾鍾有聲使人增孝思增義氣也第未知異日報讐與否

畢

字韜文江南歙縣人崑山王聖開室○著父守節與流
賊戰死屍為賊擄衆議請兵復讐著謂請兵則曠日賊且

知備即於是夜率精銳入賊營賊正飲酒驚駭著手刃其渠衆潰
以兵追之多自相踐踏死者與父屍還葬於金陵時二十歲女子

也復來吳中為崑山王聖開室蒙布荆釵無往時義勇氣矣白首
相莊以沒聞毛太史大可集載沈列女雲英為父報讐殺賊事與

相類豈世亂時天故生奇女子不一人耶抑所傳聞異辭耶○韜
文詩稿向見於家來遠兄處序中有云梨花槍萬人無敵鐵胎弓

五石能開又云入軍營而殺賊虎穴深探奪父尸以還山龍潭安
葬又云室中椎髻何殊鴉仲之妻龐上携鉏可並龐公之偶時異

其人鈔錄五言古七言絕二章來遠兄沒畢
詩倫索不得矣存此舊錄聊以見其生平

紀事 吾父矢報國戰死於薊邱父馬為賊乘父屍為賊

收父讐不能報。有愧秦女休。乘賊不及防。夜進千
貌。猶殺賊。血漉漉。手握讐人頭。賊衆自相殺。屍橫
滿阮溝。父體與觀歸。薄葬荒山陬。相期智勇士。慨
焉賦同讐。蛾賊一掃清。國家固金甌。機智義勇忠孝
於一詩中見之

村居

席門閒傍水之涯。夫婿安貧不作家。明日斷炊何
暇問。且携鴉觜種梅花。視前詩如
出二人

章有湘

字玉篴江南華亭
人進士孫中麟室

曉思

窗外雞初唱。花間露未乾。欲臨明鏡照。猶怯翠眉
國朝詩別裁集 卷三十一 三 教忠堂

寒宿鳥翻林樹。歸鴻振羽翰。不知鄉國信。何日報
平安。

錢敬淑

字師令江南江
寧人談允謙室

泊浦子口

殘年泊歸櫂。問酒郭西亭。雪圃芹芽白。江醪竹葉
青。夕陽新別路。衰草古離情。隔岸寒山色。含悽望
舊京。

吳琪

字慈仙江南長洲人管
勳室後纂居飯依空門

送別

雪意滿芳洲。蒼山引去舟。霜風醒客夢。笳月起邊

愁。萬里從軍急。孤身倚劍遊。家園落日裏。莫上最
高樓。

春晴晚眺

積雨經旬鶴未過。小樓閒眺費吟哦。簾開燕子歸
來晚。門掩梨花落處多。新水小橋通蕙畹。亂山古
寺入煙蘿。雲開樹杪看浮棹。畫出春帆送綠波。秀
娟

吳綃

字素公江南長洲人常熟進士許璠室○馮定遠文集
有與高陽夫人論古詩樂府源流即謂素公也定遠所
持論少可多否而推許夫
人則夫人之詩格可知矣

嘯臺

魏晉已如夢。荒臺今獨存。龍蛇正交鬪。鸞鳳自高
國朝詩別裁集 卷三十一 四 教忠堂

騫避俗。惟長嘯。逢人常不言。始知真隱意。何必入

桃源

入手高朗沉
鬱感唐風概

七夕

星光歷歷漢悠悠。悵望雙星獨倚樓。莫謂人間多
別恨。便疑天上有離愁。梁清謫去誰相伴。子晉歸
來合共遊。惟有月娥應最妬。一輪風露不勝秋。

楊柳枝詞

宮柳初開一抹眉。武昌城下乍逢時。春來樹樹煙
條綠。欲認何枝是舊枝。

寒食東風已滿城。小枝纖弱拂啼鶯。東君不惜離

人苦又向前年折處生

詠古

公子翩翩信絕倫。擬將豪舉却狂秦。不知賓客成何事。枉向樓頭斬美人。信陵之得毛薛可云得士若三千中十人皆碌碌也而斬美人以謝之耶平

原之徒豪舉即於此見之

侯懷風字若英江南嘉定人通政諱嗣曾女

感昔

黃河流水響潺潺。當日腥風戰血殷。大地盡拋金鎖甲。長星亂落玉門關。居延蔓草繁枯骨。太液芙蓉失舊顏。成敗百年流電疾。蒼梧遺恨不堪攀。此感昔

國朝詩別裁集

卷三十一 五

教忠堂

夫國時事降將倒戈虎臣戰沒而君王因之殉社稷矣忠臣之女宜有是詩

吳氏江南桐城人。未詳名字出處然以女子能組織史事殊為難得於詩觀中錄之

詠史

六貴同朝激虎彪。橫江勒馬下秦州。銀鎗酒市春雙鬢。玉屨蓮臺月半鉤。趙鬼西京諳漢賦。阿兄東閣壓通侯。誰知講武旄頭入。芳樂笳聲碧麝秋。弘案曰六貴同朝諒將作矣東晉雙侍之徒有趙鬼者能讀西京賦曰柏梁既災建章是營乃大起芳樂等苑梅蟲兒齊主呼為阿兄

右南齊

同泰一人歸佛地。壽陽千騎渡江波。盟成自取金甌缺。疏絕空陳雞子多。五月誰勤君父難。七官先

反。弟兄戈。江淮廢後襄陽促。秋草臺城放索駝。王正

德引侯景以千兵渡江金甌無缺武帝自矜語圍臺城時疏茹皆絕邵臨王綸上雞子百枚太清三年五月武帝殂武陵王自稱帝曰七官文士豈能匡濟湘東王緯行七效云

右南梁

倪仁吉浙江義烏人。仁吉工寫山水嘗種方竹於庭以自況也有同志者斫一竿與之

題宮意圖

調入蒼梧斑竹枝。瀟湘渺渺水雲思。聽來記得華清夜。疎雨梧桐獨坐時。

方琬字宛玉福建莆田人諸生林樹聲室

戊子避亂舟中寄弟

國朝詩別裁集 卷三十一 六

教忠堂

野樹鳴蟬咽未休。蓼花蘋葉晚來秋。千戈滿眼驚殘夢。風雨傷心逐去舟。喪亂相依吾弟在。艱危無奈老親憂。更憐宿草青青塚。寒食新煙望裏愁。

范姝字洛仙江南如皋人諸生李廷公室

聞蟋蟀有感

秋聲聽不得。況爾發哀吟。遊子他鄉淚。空閨此夜心。已憐衰閣靜。還慮塞垣深。蕭瑟西風緊。行看霜雪侵。此聞蟋蟀而憐遠行也起十字便已高絕

熊湄字碧滄江南長洲人許嗣石室

寄遠

幾回聞雁憶連然。天末遙將錦字傳。萬里飄流羈遠客。十年迢遞阻迴船。浮雲目斷蒼山外。落月魂消洱海邊。何日刀鐮遂初約。免教暗卜擲金錢。

榮靜儀

字季嫻浙江錢塘人沈漢嘉室有煥香室詩鈔。本手性情之貞發乎學術之正韻語時常箴銘不可於風雲月露中求也。今于方舟錄承母教已詳二十五卷中。

與冢婦朱柔則

深閨白日靜。薰香垂羅幃。病起罷膏沐。淡若明河秋。自汝入家門。操作苦不休。蘋藻既鮮潔。牖戶還綢繆。丈夫志四方。錢刀非所求。惜哉時未遇。林下聊優游。相對理琴瑟。逸響隨風流。潛龍慎勿用。牝

國朝詩別裁集

卷三十一 七

教忠堂

雞乃貽羞。寄言閨中子。柔順其無憂。

以提躬勵子以淑慎勉婦閨中居

然儒者

子用濟有遠行詩以貽之

吾子廉吏孫。讀書昧生理。三十未成名。徒然還鄉里。外侮旋復來。內憂方未已。忽然遠行役。披衣中夜起。明星光在天河流。正瀾瀾行雲有返期。遊子靡所止。攬涕下高堂。長途從此始。

野雀從南來。翩翩思擇木。感此主人賢。飛鳴集其屋。才地非獨優。處卑願亦足。矧有嘉樹林。朝昏託栖宿。鷹鷂過莫窺。尉羅無由觸。哀彼黃鳥詩。長謠

念邦族

詩中比體勉其因不失親隨遇自安也

勗用濟

君不見侯家夜夜朱筵開。殘杯冷炙誰憐才。長安三上不得意。蓬頭顰面仍歸來。嗚呼世情日千變。駕車食肉人爭羨。讀書彈琴聊自娛。古來拍士能貧賤。立身一敗萬事瓦裂皆由不能貧賤之故貧賤中正可磨鍊人品也能貧賤他日即能富貴矣學者宜三復斯言

長信宮

玉臺妝罷無人見。傷心空自悲團扇。秋草偏生長信宮。春風只在昭陽殿。殿裏君王酒半醺。嬌歌雅舞爭紛紛。三千錦帳飄香麝。十二長裘散綵雲。衆

國朝詩別裁集

卷三十一 八

教忠堂

中別有人如玉。新妝艷艷嬌紅燭。不許寒烏帶月啼。恐驚春燕銜花宿。誰憐長夜夢難成。忽度流鶯似有情。片月高高掛天漢。千秋應照妾心明。

秋分日憶子用濟

遇節思吾子。吟詩對夕曛。無將明日去。秋向此時分。逆旅空彈鋏。生涯只賣文。歸帆宜早掛。莫待雪紛紛。

送顧啟姬北上

一片桃花水。盈盈送客舟。春來萬楊柳。葉葉是離愁。顧我窮途者。逢君意氣投。煙虹時染翰。風月幾

登樓只合薰香坐。誰堪鼓柁遊燕臺。一回首雲白

古杭州。

王

慧字蘭韞江南太倉人學使王長源女冰庵太守妹常熟諸生朱方來室。蘭韞一門風雅得所承受故其詩清疎朗潔其品最上王漁洋祇賞其一縷柳花飛不定和風搭在繡牀前猶以尋常閨閣待之也

山陰道中三首

出郭忘遠近。十里清陰中。川陸互回沒。延緣遂無窮。岡巒去殊勢。竹樹交成叢。安知蒙密處。下有溪流通。石橋路可尋。一轉迷西東。煙空人不見。寂寂山花紅。

行行轉深迥。所得益幽奇。萬壑與千崑。今來始見

國朝詩別裁集

卷三十一 九

教忠堂

之紛紛紅復碧。相引呈異姿。心目所應接。人各領其私。煙縷出叢薄。山家住茅茨。人世杳然隔。何殊太古時。

人各領其私正以私見公從少陵欣欣物自私化出

溪流繞巉巖。一葦去不息。沙潄清且淺。水底見竹色。文石無歲年。山根浸歷歷。谷鳥鳴轉幽。溯洄安所極。水花愛明淨。絕境杳難即。可有浣紗人。一笑似相識。

冷泉亭

泉聲檐檻外。林壑杳然深。人世熱何處。我來清到心。松林藏日色。潭底卧峯陰。一自樂天記。山光寒

至今

移居苗里舊宅

新塘一水繞街東。舊是柴桑五畝宮。松菊尚存思祖德。蓬蒿不剪見家風。花深雞犬疎籬外。潮落魚蝦小市中。却愛堂前雙燕子。還尋故壘入簾櫳。

因足之

秋夜夢同先慈賦詩得天上桃花之句覺後太華峰頭見上真。霞衣綽約是前身。海中若木何嘗夜。天上桃花不計春。瞬息去來原是幻。片時歡笑亦相親。鐘聲已碎昆明劫。好向毘伽問後因。

國朝詩別裁集

卷三十一 十

教忠堂

不周錄刻而成

鄰女幼歸儒家。因壻無藉淪於塞下。聞而有

感

曾向鄰居共絳紗。裁雲詠絮門芳華。香沾繡帙同分線。春暖妝臺互送花。漫說羅敷原有壻。可憐蔡琰竟無家。於今辨髮垂雙耳。紫塞斜陽泣暮笳。

寫米蘊精服其筆墨之工

芝塘候潮因憶亡女

水淺舟膠日半斜。扣舷閒望似天涯。煙深竹塢鳩呼雨。潮落蘆根蟹聚沙。愁緒縈纏同蔓草。年華衰

謝感殘花劇憐弱女常同泊相對蓬窗數晚鴉

禹陵

明德彌蒼昊神功邁大庭懷襄方盡力胼胝極勞
形草木開蒙昧龍蛇滌穢腥鑄金九土貢誌怪八
方經蒼水先呈簡防風後至刑相傳弓劍棄此地
隧泉局三古遺祠廟千秋共薦馨壁牲前代典碑
版列朝銘深殿後羣后空山走百靈舊聞雲罕駐
今見翠華停心法傳河洛天章煥日星殊恩沾
後裔異數出明廷肅穆瞻新像登臨泊小舲城垣
辭鏤琢戶牖炯丹青莫資藏書穴徒看窻石亭蘿
國朝詩別裁集卷三十一 士 教忠堂

長隄竄跡松老鶴修翎眾水環襟帶諸峯列幘屏
橋山同故事寂寞對秋垌一起五韻包括神禹生平通體皆肅有少陵調先主廟風格不意於

徐氏山東新城人耿侍御鳴世室都御史庭柏母

寄子詩

家內平安報爾知田園歲入有餘資絲毫不用南
中物好作去聲清官答聖時見王漁洋詩話中

張氏山東德州人麗水知縣田緒宗室刑部侍郎受母封太恭人著有茹荼集

示兒

一部楞嚴戶畫局木魚竹杖倚圍屏老人自覺修

齋好不為兒曹講佛經不講佛經講孝經可也宜田氏後有令人

龐

眈字小宛江南吳江人詩人吳鉞室○鉞字聞璋嘗以詩扇贈先大夫係其夫人瑣窗斷句余兒時即喜誦之今錄于此每一吟咀猶憶角非見賓時也

瑣窗雜事

夫婿長貧老歲華生憎名字滿天涯席門却有閒
車馬自拔金釵付酒家夫婿身分即從留賓傳出而已之賢淑亦從此可見
春雨春寒過落梅連宵不禁晚風催閒園收拾殘
花片供得兒曹鱗面來

范淑鍾字秀林江南休寧人

送夫子之鳩江

國朝詩別裁集卷三十一 士 教忠堂

征鞍落葉打離披忍淚臨風餞一卮夕照漸低人
漸遠斷鴻聲裏立多時

吳永和字文璧江南武進人董玉簪室

虞姬

大王真英雄姬亦奇女子惜哉太史公不紀美人
死虞姬之死史筆無暇及此然一經拈出真見心思

贈外子玉蒼北上

挾策長安去誰憐行路難恐傷遊子意別淚不輕
彈

丁瑜字靜嫻浙江長興人進士城眉錫室著有皆綠軒詩

家居

木石風花結四鄰。寂寥門巷久無人。昔年燕子今重到。始信交情爾獨真。

張令儀 字柔嘉。江南桐城人。姚湘門室。著有蕤窓詩集。此文端公長女也。工古文。不專韻語。端本。殖學。比於韋逞母之授經。

西顙

大火既流。涼風薦爽。四時代謝。成功者往。是刈是穫。東作乃登。馨香玉粒。神享其丞。率我婦子。中夜鳴機。涼霜戒晨。勿使無衣。

玄冥

國朝詩別裁集

卷三十一 圭

教忠堂

北戶乃瑾。凝陰沍寒。雨儀混一。雨雪湯湯。何以禦窮。修其旨蓄。草木既胎。蟄蟲咸伏。無視無聽。以還純朴。百爾君子。宜謹嗜慾。於天時為開藏於人心為守中得漢人氣息而又別存理趣

不寐

天將降陰雨。病骨必先痛。轉輾不能寐。常至霜鐘動。老覺近年增。愁自三生種。萬慮積此時。疾苦非所重。逝者日以久。憂來誰與共。一歲又將除。五窮復難送。翻羨長眠人。不醒釣天夢。此稱未亡後詩得白太傅神理

五畝園舊蓄二鶴。忽殞其一。孤侶哀鳴。都忘飲啄。詩以弔之。

西風一夜返芝田。仙蛻儀形尚宛然。舊過蒼苔猶有迹。重來華表是何年。獨臨池畔悲孤影。喚入秋空泣暮煙。何處惹人情最切。嚴霜落葉五更天。自弔五六語分寫孤侶哀鳴字字悽惻

病中口占

珍重餘生劫後身。却憐孤負一分春。殷勤好與東風約。留取餘花待病人。

徐昭華 字昭華。浙江會稽人。諸暨縣知事。室○昭華為毛西河太史學詩女弟。詩附毛集中。以傳毛極推揚之。然綽約有餘粉之習。

舟泊垂虹橋重繙吳江閨秀詩有感

國朝詩別裁集

卷三十一 西

教忠堂

吳江之水春泱泱。水邊曾蘸青螺香。我尋黛影不得見。對此綠波空斷腸。殘星點點障輕霧。左妹金閨在何處。雉堞連牆有蔽虧。漁舟蕩槳空來去。菱花菰葉滿江浮。畫燭銀缸徹夜遊。曲渚流霞漾金綫。碧天清露灑瓊樓。一時吟詠出花下。百尺天孫錦雲絙。相隔風光知幾春。教人宛轉懷長夜。十幅蒲帆五兩風。長橋猶跨舊城東。美人不在橋邊住。野作春天一段紅。

送虞英嫂歸諸暨

落盡紅衣蓮子多。相看綠水木蘭過。曉風不解吹

愁去偏送佳人到芋蘿

孫

淑 字靜谷江南常熟人諸生許灝室孝廉進益母著有詩集四卷○集中有達哉行作於九十歲時述孫許兩家門戶之盛衰一已終身之閱歷皆樂天安命語也共五百餘言一時達近傳誦

五日弔古

田文五日生。屈原五日亡。吉凶同此日。理固難推。
詳原與國休戚。一死分所當。漁父袒自鼓。詹尹龜
宜藏抱石投湘流。心與日月光。文從狡免計。高枕
樂未央。後合魏秦趙。伐齊何披猖。身死薛隨滅。高
戶仍不祥。文生雞狗雄。原死荃蕙芳。世人何夢夢。
悲屈羨孟嘗。我心獨不然。臨風慨以慷。撫時懷往
國朝詩別裁集 卷三十一 五 教忠堂

金

氏 字法筵江南吳縣人吳江沈六書室

偶然作

灼灼庭前花。春風鬥紅紫。隨榮復隨謝。盛衰偶然
爾。草木豈無情。誰能一生死。我思更如何。欲種菩
提子。

彭

氏 河南鄧州人廣西布政諱而述女李鴻室

華山

三峯翠嶺插青冥。高處平捫井鬼星。池上蓮花開
日月。磯邊石鼓動雷霆。藥籃何日逢毛女。仙掌於

今憶巨靈願駕鹿。軒過霧市丹爐石。桐檢遺經

周志蕙

字解蘇浙江錢塘人諸生陳仲衡室

柳

歲歲逢春春可憐。爭禁三起又三眠。絲絲愁緒隨
風亂。濯濯丰姿著雨妍。古渡欲牽遊子棹。離亭留
贈旅人鞭。一聲長笛河橋晚。回首蒼茫幾樹煙。

王

煒 字功史江南太倉人陳緯度室

鄉思

不禁鄉思倚危樓。山色空濛海氣浮。風雨別來花
半老。音書隔絕雁驚秋。林間野鶴呼幽夢。天際浮
國朝詩別裁集 卷三十一 六 教忠堂

王

瑤湘 字瑤湘廣東南海人詩人王隼女李孝先室

獨夜

殘燈明滅裏。遙夜夢醒時。起立庭前樹。孤懷明月
知。

擬送別

孤舟暮歸去。別路江南樹。煙外有鐘聲。故人在何
處。

朱

柔則 字道珠浙江錢塘人詩人沈用濟室○方舟為紅蘭主人客道珠遙寄故鄉山水圖主人作詩有應橋夫婿無歸信

翻畫家山遠寄米之句方舟旋歸當時傳為佳話

寄遠曲

恨少垂楊柳。殷勤繫玉鞍。夕陽鴉背暖。春雪馬蹄寒。入世逢迎拙。依人去住難。癡兒啼向我。昨夜夢長安。

獵獵風初勁。沉沉雨未闌。因憐兒被薄。轉憶客衣單。栖燕將雛苦。征鴻失侶寒。居家與行路。同是一艱難。

聞說燕臺路。生涯亦可憐。恥彈門下鉄。誰乞廣文錢。久客非長策。歸耕有薄田。一棺痛慈母。急為卜牛眠。諷遊子以行路之難。彈鉄之耻。猶姑氏季嫺以能貧賤親正人勸子也。末章望其莫親急歸遊子不容不歸矣。性情既摯。詩安得不工。

國朝詩別裁集

卷三十一 七

教忠堂

送外之大梁

前時失意悔遊燕。此去中州枉自憐。飄泊君同蘇季苦。標持吾媿孟光賢。計程已隔三千里。念別誰堪四五年。自注方舟云此行以五年為期莫向離亭歌折柳。恐催客淚落離筵。

河渚觀梅約顧女春山

春山方舟妾

相期河渚玩春華。一棹迎風路未賒。樓外有梅三百樹。美人不到不開花。約看花而云不到不開。望其早到也不妨可知。詎止工於措語。

方舟廬先姑墓感賦

寢苦枕塊空山裏。却望松楸淚泣然。縱使慈烏能

反哺。可能飛得到重泉。

馬士騏 字韞雪。四川晉城人。張應垣室。

齊雲樓

凭欄天際盪心胸。一片雲飛接岱宗。縹緲層檐疑結蜃。等閒高卧笑元龍。自傳家學三千衆。誰數仙居十二重。為問芙蓉樓上客。何如東海表齊封。

張學典 字古政。山西太原人。

感亡姊舊居

繡網蛛絲鏡滿塵。閒花狼藉不知春。添愁怕見梁間燕。猶是呢喃覓主人。

國朝詩別裁集

卷三十一 大

教忠堂

張凌仙 字學為。江南吳縣人。沈某室。以苦節聞。

雜詠

家住青山側。青山斷塵迹。浮世幾興亡。依舊青山色。

明鏡如滿月。朝朝弄妝靚。一自棄塵埃。不照孤鸞影。

夙昔愛鳴琴。流泉指下生。子期今已沒。誰聽斷腸聲。

歲暮感懷

燈前課子誦芸編。百事縈心逼歲闌。泉路十年音

信斷空山風雪。一。家寒。四斷句中俱有水霜之色。

顧

英 字若憲江南長洲人常山知縣張之頊室之孫人蕭然四餘詩房羅屋間時聞誦詩讀書聲遠近稱女學士

初夏送夫子北上

杜鵑喚春歸。和風吹芳芷。何堪對斯景。把酒送吾子。分手即天涯。惜此須臾。晷別緒如繭絲。柔情似潭水。離懷寄孤鴻。相思託雙鯉。征途勉加餐。努力拾青紫。上慰高堂親。下酬賢伯氏。君行既雅醇。君才復俊美。但保金石心。豪門勿投趾。桃李易凋殘。松柏豈朝萎。行矣勿悲嗟。風雲自此始。不校不求何用不成勉夫以持身處世之正也保金石心斷豪門述守此兩言可云有所不為矣此種詩猶存雄雉遺意

國朝詩別裁集

卷三十一

教忠堂

周淑媛

字又洲江南泰州人

元日哭先大人

一夜思親淚。天明又復收。恐傷慈母意。暗向枕邊流。仁孝之言自在流出

張

縈 字采于江南長洲人吳士安室

戲為外子撥悶

失意休教苦自煎。為君把卷論前賢。兒頑應笑同王霸。婢鈍何須學鄭玄。滌器當壚情更洽。操春舉索志猶堅。久藏賴有牀頭醞。莫負梧桐月正圓。奴愛才如

蕭穎士婢知書似鄭康成向推綢繆佳句得其意而翻用之以高隱重不以才藻鳴也家風敦朴於茲可見

沈樹榮

字素嘉江南吳江人葉舒頤室

送別

落葉楓林兩岸秋。曾於南浦動離愁。祇今一片江頭月。不照歸舟照去舟。

瑯琊女子

浙江桐鄉人

和汪鈍翁姑蘇楊柳枝詞

柳條風靜雨初收。更罷羅衣嬾上樓。花下欲將新月拜。一鉤却到綠梢頭。

葉

榜江南崑山人許心泉室

孤雁

國朝詩別裁集

卷三十一

教忠堂

一聲淒切度河梁。不訴離羣也斷腸。寂歷寒沙眠鍛羽。空明霜月照分行。無心避患銜蘆荻。肯戀餘生逐稻粱。聞道邊庭尚征戍。孤鳴幸勿到遼陽。

侯承恩

江南嘉定人

丁酉三月莫親吳郡貞山之麓淚餘賦此

買得吳山土。一堆思親日夕寸腸催。粗安窰室封新鬢。可卜神明穩夜臺。滿目松杉滋涕淚。無情猿鳥亦悲哀。祖先邱隴遙相望。累葉忠魂揔不灰。

薛

瑣字素儀江南長洲人山人李松巖室

寒食

一樣鶯花二月天。錫簫聲裏與蕭然。三旬九食吾

家事。不獨今朝是禁煙。想見清士家風

張氏湖北潛江人

絕句

病廢機絲老廢蠶。牙籤帙帙興猶耽。唐詩漢賦都

收捲。日向明窗誦二南。葉辭藻而重脩齊。閩中端本之學。

倪瑞璿江南宿遷人。徐起泰繼室。○柔順供職婦德也。獨能發潛。關此詩。森斥佞巾幗中。易有其人耶。每一披讀。慷慨起歌。

過凌城廟謁古戴二公忠義塚

古諱達可。戴諱國柱。同以忠勇見知於可

法史公。自注時史公摠督。漕運巡撫淮揚。懷宗十四年。流寇袁

國朝詩別裁集卷三十一 主 教忠堂

時中寇睢。古時駐宿。邀戴往擊。戰於凌城。

廟。衆寡不敵。俱死焉。史公隨遣使致祭。命

於所瘞地。刻石立忠義塚。嗚呼。二公真烈

丈夫哉。丁酉秋。予同母氏往過。拜其墓。深

惜其事之未傳於史也。因為詩以俟輶軒

之採

秋風鳴高空。亂峯下斜照。老樹枝交天。蒼黃覆古

廟。入門捫殘碑。太息拜遺貌。憶昔明運衰。羣盜起

聚。嘯。勦。撫。兩。失。策。蜂。蟻。變。虎。豹。所。過。無。堅。城。蒼。生

任。凌。暴。二。公。真。人。豪。忠。貞。出。天。造。金。鐵。冶。成。心。冰

霜厲寒操賊鋒一朝來。矢石躬親冒官小。擔捐軀

力薄那自料。慷慨互爭先。從容共談笑。燃炮擊賊

人。天地為震悼。賊用魘魅法。自注命標。人拜炮及震。蟻聚蜂屯。到。

衆寡勢不當。頭斷臂猶掉。成仁併取義。日月爭光

耀。碧血灑平蕪。賊馬不敢蹈。至今曠野中。白日常

見燒。如何八十年。薦紳少憑弔。姓氏已稀傳。父老

猶相告。蘭臺事纂脩。幽微須闡耀。誰為秉筆人。搜

求不遺與。勦撫兩失策。二語盡熊文燦揚嗣昌諸人。之罪。古戴二公明史失載。此詩可補闕略。

四弟懇予易其名字。予取文王世子語為更

名曰克昕。字徵子。因詩以勗

國朝詩別裁集卷三十一 主 教忠堂

人生重賢豪。不在名字美。難以易相方。自注唐進士黃。居難為詩。慕白。

樂天故名。居。難。字。樂。地。赤。將。白。自。比。自。注。李。亦。自。比。李。白。豈。遂。足。追。配。效。顰。空。

復爾。四弟性明慧。翩翩致可喜。世業下相城。生來

故家子。先人早棄世。淪落來居此。家毀不謀歸。僑

寓貧如洗。晝夜復和九。提携賴母氏。就傳勤誦讀。

弱冠終軍齒。挺然才氣雄。籍甚聲華起。爾字與爾

名。呼之有年矣。忽然厭舊稱。十呼嬾一唯。向我索

更之。我特不敢諉。文取世子篇。義載大戴禮。宋郊

變宋庠。飲香從此始。名氏新改初。譬若居新徙。努

力事葺修。棟梁庶不圯。莫若江南橋。踰淮化為枳。

酌雅稟經類名
思義詩不徒作

戲贈山人李老自注山人有足疾為余舅氏灌園

李山人年已翁。可憐白髮顏猶紅。矮屋是爾宮。
青藜杖。是爾童。烟霞滿懷邱壑卧。夜呼骨痛朝呼
鐵戚施。舉步行逡巡。天意厚汝汝莫嗔。汝不見孫
臆成名無一足。符堅快意得半人。

樊大舅客金陵有詩弔方正學先生墓予次

其韻

金川門入北平軍。叔父周公逐嗣君。碧血一區埋
十族。青山千古護孤墳。祠依忠烈緣同志。自注關先生祠與景

國朝詩別裁集 卷三十一 重 教忠堂

弔斜曛弔正學詩所見影矣詞嚴義正氣足神完無出斯篇之右

閱明史馬士英傳自注阮大鍼附

王師問罪近江濱。宰相中書醉未聞。復社怨深謀
汲汲。揚州表到血紛紛。金塘舊險崇朝棄。郿塢多
藏一炬焚。賣國仍將身自賣。姦雄兩字惜稱君。貴陽二賊臣祇修復社之怨報魏閣之離王師南下閣部告急掩耳不聞視賈似道之不救樊城尤為人頭畜鳴也宛之殺身亡家遺臭終古未當之于姦而不予以雄具有卓識

金陵懷古

石頭天險壯層城。虎踞龍蟠舊有名。峙鼎三分吳

大帝渡江五馬晉。東京高臺鳳去荒煙滿。廢苑螢
飛茂草生。往事不堪頻想像。夕陽西下看潮平。

憶母

河廣難杭莫我過。未知安否近如何。暗中時滴思
親淚。只恐思兒淚更多。因憶母而轉出母之憶女其情倍深

袁九孃字君洪江南通州人

秋日樓居

高樓一騁望。秋林何冥冥。金飈颯然來。拂拂吹軒
楹。嚴霜凋蕙草。竹根莎雞鳴。落日淒以黃。照此朱
槿榮。房櫳鬱窈窕。芳樹紛葱菁。低枝觸錦瑟。冷然

國朝詩別裁集 卷三十一 重 教忠堂

激清聲。境寂意自愜。慮淡心寡營。因悟靜者遠。而
多遺世情。

林以寧字亞清浙江錢塘人錢石臣室

憶父禹都

曉登百尺樓。遙望中條山。天際有白雲。日夕自往
還。去來何寥邈。引領難追攀。誰云生女好。少長違
親顏。豈不眷庭闈。安能事間關。問寢久疎濶。視膳
良以艱。回步循南陔。躑躅涕洟瀾。

陳珮字懷玉江南天長人江賓舍室

瘦菊為小婢作

瘦菊依階砌。簷深承露難。莫言根蒂弱。翻足奈秋寒。

爰程夫人

忽駕青鸞返碧虛。瓊花吹折痛何如。修文應是才人盡。徵到姮娥舊侍書。

蔡琰

字季玉。遼陽人。嫁遠將。平城。蔡女。高文良公。其倬繼室。詰封一品夫人。著有續真軒小草。○夫人無書不讀。諸於政治。文良奏疏。移檄等項。每與商酌。定稿。閨中良友也。詩集無可覓於選本中。錄取四章。皆擲地有聲者。

辰龍關

一徑登危獨惘然。重關寂寂鎖寒煙。遺民老剝頭間雪。戰地秋閒郭外田。聞道萬人隨匹馬。曾經六國朝詩別裁集。卷三十一 壬 教忠堂

開鎖嶺

山從絕域勢遙分。天限西南自昔聞。烽靜戍樓狐上屋。風喧古木鶴驚羣。橫盤石磴危通馬。深鎖雄關冷護雲。叱馭昇平猶覺險。揮戈誰憶舊將軍。

江西坡

西嶺千重簇劍鉞。曾麾萬騎薦羊腸。鬼燈明滅團青血。野塚荒涼嘯白楊。夢斷層霄空漠漠。事隨流水去茫茫。只今剩有殘兵卒。拍點空山說戰場。

九峯寺

蘿壁松門一徑深。題名猶記舊鋪金。苔生塵鼎無香火。經蝕僧厨有蠹蟬。赤手屠鯨千載事。白頭歸佛一生心。征南部曲今誰是。剩有枯禪守故林。

平吳逆後。隨獲。諸答歸空門。以終四章。皆懷滇南征戰地悲歌。感慨其原出於少陵。諸將詠懷古蹟等篇。

方京

字彩林。廣南番禺人。進士。諱殷。元女。廣文金。蟬室子。祖靜。詰封恭人。○恭人承家教。古詩宗漢魏。近體宗盛唐。

蘿上露

蘿上露日出晞。朝槿花日暮萎。微物轉瞬間。人生諒如斯。彭祖帝堯民。亦復同所歸。服食求神仙。成竟何時守。道以待終令。名庶可垂。命奄忽以挽王公。國朝詩別裁集。卷三十一 壬 教忠堂

貴人此陳求仙之謬。而以守道令名為不朽。粹然儒者之言。

送孟調大姪南還

相對疑夢寐。言別百愁生。孤飛易為感。使我心魂驚。聚散人生常。此別難為情。爾我本一樹。相期共枯榮。爾今折枝條。芽肆何時萌。沾潤我本懷。老髦願難行。爾今返吳中。閉門守硯硯。勉哉崇令德。努力以揚名。取法不在遠。祖父有遺型。周親我老矣。垂涕重丁寧。

古意。古音。昂之以正。

示長媳楊珊珊

十年為婦夢。我餘疏水家。風樂自如宛。似舉場勤。

苦士粧成惟對古人書。姑近儒者婦近書生聞中樂事備於一家矣

孔傳蓮浙江桐鄉人贈翰林院編脩宜川丞馮錦鑑室

寄夫子宜川

斯立只哦松君今意氣雄官為七品佐身落萬山中羽檄馳荒徼徵求感大東莫嫌勞瘁劇黽勉救疲癯此通家生侍御馮浩母也於羽書旁午財粟彈亡之日望夫子盡瘁救時是何等胸次

吳雯華字雲素江南吳江人貢生葉舒瑞室

秋日村居

自愛投閒縱所之江村林壑漫棲遲本無喜愠抽身早須信英雄種菜宜逸興耽於黃菊候幽情訴國朝詩別裁集卷三十一 壬 教忠堂

與白鷗知綠楊影裏三間屋羨殺漁人理釣絲

沈蕙玉字晚亭江南吳江人貢生倪升江室著有聊一軒詩存。黃四歲可補班氏女識情年命不永而升江續學旋亦淪亡許閨時為秋歎者久之

自箴

天生蒸民有覺其性陰陽肇判含元達順琴瑟載咏蘋蘩攸司夙夜用敬猶懼或虧無曰深閨莫余云覲淑慝在躬指視暗室維栳與蘭植於中田我思君子淑慎塞淵此以慎獨自箴

先民有言言不出閫牝雞之晨厥家用損節以應佩琴以和神詞苟或費寧默而存勿尚爾舌寸心

是弛既悔而追不脛千里嗟嗟愚盲慎其德音鸚

鵲多言祇名文禽此以謹言自箴

紆纈在笥煥乎有爛淒其以風滋我永歎維織與絀為坊厥心舍業而嬉淫慝相尋野有絡緯振迅其翼爾安用嫵微羽所疾雖有孔翠不如春蠶之子纂組不如布縑此以勤勞自箴

冀妻如賓孟光舉案夫豈矯情嫵情斯遠啼眉折腰邦國之妖彼昏罔知反以用驕幽閒貞靜日配君子載色載笑若佐之史敬而能和穆如清風修身準此維以令終此以和敬自箴

國朝詩別裁集卷三十一 壬 教忠堂

同聲歌

少小屬閨闈感君意纏綿聘以明月珠迎以黃金羈結縞自今夕誓好永百年采蘭涉秋水薦藻奉華筵合歡裁作被朱絲搯作絃雖無蘭蕙姿向日呈芳妍一身皆君有寸心私自憐何用答嘉惠持以充豆蓬在天莫為雲雨落難上天在地莫為影日暮愁棄捐婉孌保素志跬步稱比肩於同聲中寫同眠所謂有道妻子皆得供樂於升江夫婦見之

楊珊珊字環聲浙江山陰人布衣楊賓女觀察金祖靜室

鄉思樓

旅寓金閨五十秋。親年多半老。依劉嗟子。未識鄉關路。廿載空登鄉思樓。淺淺語自

姚世鑑字金心浙江歸安人王豫室

春感

東風庭院林鶯語。斜日簾櫳海燕飛。九十春光今已半。行人到此也應歸。

卧病

卧病逾時歲又新。衡門兩版絕器塵。垂簾怕放東風入。春到貧家不當春。

姚益敬字元吉浙江歸安人董暨室

國朝詩別裁集 卷三十一 无

教忠堂

力疾作書寄外因題紙尾

尺素題初罷。輕羅淚未乾。離愁不堪寄。聊復報平安。

周淑履

山東萊陽人高陸林室。婦為相國曾孫女。幼工詩。于歸後。夫婿如師友。然林早歿。家盡落。母家亦落。貧無依藉。織紵以生。教三子讀書。成名。下士遠近以女師尊之。

述懷

軋軋機杼聲。漠漠空天雪。操作入中宵。十指皆皴裂。積絲匹難成。不忍中道絕。著此縞素裳。怡然矢

同穴

積絲十字為學如是立節亦如是

孤兒髻。翫年欲令就外傳。大者陶性情。次亦理章

句。寧云致通顯。不敢墮故步。爾父有殘書。慰母在寒素。

冬日送別表妹

蕭蕭風雪逼人寒。欲整行裝忍淚看。珍重送君無別語。高堂代我問平安。

吳巽字道嫻浙江嘉興人鄭聯室

冬日村居讀靖節先生日月依辰至句遂演

成一律

日月依辰至。村居歲欲殘。補衣朝旭暖。織素夜燈寒。節分於陵苦。貧偕孺仲安。囊空忘羞澁。不用一

國朝詩別裁集 卷三十一 辛

教忠堂

錢看

奉懷兩大人自注幼弟已亡

復抱西河痛。遙知淚不乾。可憐雙白髮。誰與勸加餐。

癸丑秋陳妾得舉一子時壻年四旬矣誌喜

窮薄還憑世澤存。朝來孤矢喜懸門。翻嗟姑舅先朝露。未得生前一弄孫。誌喜中轉復增悲微特不妬彌見孝思此婦德之純者

聞雁

一字橫排筆柱來。聲聲似撥楚絃哀。願為羽翼偕飛去。總遇高峯誓不回。

綠牡丹和韻

平臺冉冉黛初勻。不逐鄰園麗麗春。金谷荒涼成往事。風前猶想墜樓人。商卿宋公任江左時錄綠牡丹二律和者幾於盈千然皆刻畫景狀餘韻無存也此妙在不即不離

錢紉惠

江南吳縣人太史諱中諧女武平令許廷錄室○竹素以詩鳴吳中今之曹靈光也所配亦高風格趨步唐音

新安江行

乘潮渡漁浦。省嶂夾江濱。下瞰綠波影。能令纖芥分。筏移疑入鏡。碓落自春雲。聽盡潺湲水。灘高易夕曛。佳句

度梨關

國朝詩別裁集

卷三十一

主 教忠堂

迢遞踰梨嶺。肩輿勝駑駘。雄關限閩越。幽境極東南。地暖常多雨。雲開忽作嵐。鄉間望不極。聊復上嵒龕。

毛秀惠

字山輝江南太倉人諸生王棟室○存素娛情畫理不慕榮祿閨中人亦同素心讀其詩想見其幽居之樂

庫水謠

綠楊深沉塘水淺。輕輓車聲滿疆畝。倒挽河流上隴飛。渴鳥銜尾迴環轉。今夏旱久農心勞。西風刮地黃塵高。原田迸裂龜兆坼。引水灌之如沃焦。男婦足繭更流血。鞭牛日夜牛蹄脫。田中黃秧料難活。村村盡呼力已竭。其聲促恰稱此題讀雲漢詩可悟

漁父圖

竹竿裊裊微風裏。失魚不憂得不喜。收綸放艇出蘆花。白鷺橫空忽飛起。江皋落日江水平。水清無復見魚行。仙源有路渺何處。雲水蒼茫無限情。

錢塘懷古

京洛煙塵棄不收。西湖臺閣作金甌。流連秋色還春色。歌詠杭州勝汴州。自願苟安增幣帛。誰抒孤憤報仇讐。樓霞嶺畔將軍墓。只有南枝記舊邱。父豐不報戊午議序極言之閩閩中亦見及此

乙卯秋外赴金陵省試不售詩以慰之

國朝詩別裁集

卷三十一

主 教忠堂

新粧競埽學輕盈。俗艷由來易目成。誰識天寒倚脩竹。亭亭日暮最孤清。

寒女頻年織錦機。深閨寂寂掩重扉。却憐鳩鳥為媒者。空向秋風理嫁衣。

重陽風雨滯幽齋。失意人難作遣懷。籬菊已花還覓醉。便須沽酒拔金釵。慰天不遇喜無唯殺之音

許飛雲

字天衣江南吳縣人諸生王又溟室

新月

遠望雲山暮靄浮。初生纖魄挂南樓。樹頭宿鳥驚弓影。水面遊魚怯釣鉤。淡淡畫眉微有恨。深深學

拜便含愁廣寒風動銀河淺羅襪新裁夜出遊此步

所謂著題體也中二聯寫景寫情新字於末句借點布置極工

許孟昭字景班江南元和人許廷鑣女

寒夜曲

金剪生寒夜漏長玉人纖手嬾縫裳素娥偏耐秋

光冷來照鴛鴦瓦上霜有義山絕句神味

許楚畹江南元和人許廷鑣孫女

寒夜曲

沉沉夜永漏聲添倚戶蕭條對彩蟾青女不知幽

院冷還吹霜氣入重檐

國朝詩別裁集

卷三十一 重

教忠堂

陳奇芳字蘭佩江南吳縣人舉人時教五堂

秋風

乍覺商飈動園林色漸非井梧吹欲墮梁燕送將

歸延爽開羅幕迎涼捲紵衣漢宮藏扇者安命掩

金扉

梅影

東風吹夢入煙村月地雲階印淺痕竹外橫斜空

色相水邊隱約認香魂一枝欲寄人難折三匝無

依雀自喧顧我清癯憐共瘦瑣窓徙倚向黃昏此步

影是

周巽字順吉浙江山陰人仁和諸生沈心室著有須臾閣小集

秋夜聞笛

今夕是何夕忽聽蒼龍吟成連之海上千載有遺

音窺牖月如水隔牆風滿林漏深吹忽斷不盡故

鄉心通體高格明人中近徐昌谷

題海昌女史李是庵水墨牡丹

元輿賦裏識芳姿玉篆牌懸第幾枝想見深閨多

逸韻含毫不用買胭脂

汪瑤字雲上江南新安人未昂室

寒山自注趙凡夫棲隱處

國朝詩別裁集

卷三十一 重

教忠堂

飛雨過羣嶺藍輿陟翠微幽徑入松際輕風吹人

衣高士有遺跡想見疏鑿時老屋就深樹寒泉瀉

平池墓梅雙虬龍屈鐵盤高枝緬懷碩人軸偕隱

賦樂飢已辭梁棟材自遠太廟犧一門擅文藻淵

雅良可師自注凡夫及子靈均工古篆配陸卿子工詩子婦文徽玉寫花鳥予亦慕高隱願

采商山芝鹿門期可逐懷古生遐思予偕隱人而已亦願偕隱志趣可知

吳若華浙江嘉興人藩司吳嗣爵女居恬波室○若華制藝極工小題鑠刻近陸萬人王漁洋稱士女商院人能工制舉文

此其替人矣

新磨古鏡

古鏡朦朧減舊清一朝磨洗倍晶瑩雲開夜月秋

毫見雨過菱花色相明。閱世興亡疑有眼。辨人好醜。撫無聲。玉臺粧罷時時拂。莫使浮塵又暗生。五語自矜其名也對偶較勝

留別淮陰道署

三載依依玉鏡前。舊梳粧處最相憐。不知今後紅窗裏。又是何人點翠鈿。

秋風

滿耳蕭騷夢不成。殘雲涼月夜淒清。等閒吹落長林葉。雜入千家擣練聲。

宋凌雲

字逸仙江南長洲人李博室。昔銓部宋南園先生嘗向余言孫女弱齡即喜誦吾子詩粧臺側時手一編也今將

國朝詩別裁集

卷三十一

重

教忠堂

四十年其言如昨而逸仙已歸泉壤矣俯仰三世可勝慨然

偶成

天外魚書絕。征人豈念家。可憐小兒女。夜夜看燈花。

憶父

吳樹燕雲斷尺書。迢迢兩地恨何如。夢魂不憚長安遠。幾度乘風問起居。

欲歸未得恨空囊。兒女相思淚數行。苦憶寢門雙白髻。朝朝扶杖倚閭望。

許

權

字宜娛江西江州人進士崔謨室

夢天

招我以神仙之窟。鳳麟之墟。乘我以青鸞之輦。赤龍之車。手摩日與月。浩蕩經天衢。回首人世真渺茫。齊州九點煙青蒼。我欲乘風任翱翔。忽聞空中飄鼓吹。綽約佳人御雲氣。似曾相識碧落間。共赴瑤池為仙吏。瑤池日敞宴初開。星娥月姊雙雙來。相携千年乍熟蟠桃實。勸飲百巡不醉流霞杯。頃覺心清體骨輕。夢回漏箭報三更。煙霞已散空庭寂。靜聽梧桐淅瀝聲。類同長吉而詩格却仿青蓮夢意於末路點明題即換境作結令讀者不能測識

七夕

國朝詩別裁集

卷三十一

美

教忠堂

七月七之夕。家家望女牛。神仙不可見。涼風何颼颼。我疑天孫之巧轉。近拙東西隔斷難飛越。一年一度一分離。千古銀河響幽咽。不須乞巧向天孫。若賜巧來愁欲絕。君不見東家力田婦。耕鋤常相隨。旦暮共苦樂。白首不分離。又不見西鄰有才女。夫壻上玉堂。終年不相見。悵望悲河梁。玉露無聲夜清悄。盤中盼斷蛛絲遶。不知巧思落誰家。只恐巧多人易老。寄語人間癡女兒。寧為其拙母。為巧

尹瓊華

字秉貞江南吳縣人下培基室。秉貞淑慎敦孝行年二十三歿培基以有子不再娶重婦德也

題姜貞女畫

自注綸周女名桂字芳華

空閨工六法。取勢入微茫。野渡漲秋水。遠山明夕陽。古心無麗藻。淡墨有冰霜。不點雙飛鳥。圖中斷

韻頌三四語正寫盡餘俱從守真著筆不同泛泛

韓韞玉

江南長洲人宗伯文懿公幼女西寧知縣顧渭熊室○前輩韓東籍太史述幼妹少讀羣書兼工詞翰年三十時著述已富病歿前盡取焚之不欲以文承見也惜

熊從書快中檢得十餘首比於吉光片羽云

詠鶴

丹頂玄裳白羽輕。芝田舊日得仙名。生來雲水原天性。望裏蓬壺是去程。代遠每過千歲壽。露寒常向九皋鳴。不隨衛國乘軒隊。穩臥松巔夢太清。

楊克恭

字德基江南揚州人少傳敏壯公孫女德清徐志巖室封宜人

國朝詩別裁集

卷三十一

教忠堂

讀唐書李白傳

汾陽微日無人識。獨有青蓮賞最真。再造唐家緣救免。可知卓見出詩人。太白識郭汾陽於行伍中為脫其罪後白陷永王璘事汾陽欲解職以贖其罪

新唐書載之蘇子瞻言之後人翻駁謂無其事者吹毛索瘢殊可不必

金

字德人江南吳縣人中暑汪曾裕室夫亡以節孝稱

題管夫人畫竹

墨妙由來數仲姬。閨房靜對寫風枝。王孫若解凌霜節。合署鷗波老畫師。題仲姬畫却後竹上

汪

字權弟浙江烏程人諸生徐以坤室

從苕返德清

秋思入寒砧。帆飛度遠林。溪分前路合。桑密晚煙深。白髮慈闈夢。青年昧旦心。孤城遙在望。鳥外見雲岑。

懷舍弟都中

上苑棲枝後。春風又一年。雁行悲斷續。雲路戒騰騫。母老憑余侍。門衰仗汝賢。家庭為政好。早放潞

河船。昔人問前輩居官之法曰玉階露滑須緩緩行即戒騰騫意也

袁

機字素文浙江仁和人太史子才之妹幼許字如皋高氏子死我守之卒適高氏高氏既欲娶妻以償博者不得已始歸以火燒灼之姑救之毆母折齒既欲娶妻以償博者不得已始歸母家長齋素衣孝養母氏高氏子死哀泣盡哀血淚盡越一年亦死女子中苦行無逾此也檢舊詩得手編列女傳三卷詩一卷

國朝詩別裁集

卷三十一

教忠堂

有鳳

有鳳荒山老。桐花不復春。死還憐弱女。生已作陳人。鐙影三更夢。曇花頃刻身。何如蜩與鷺。鳴噪得天真。

聞雁

秋深霜氣重。孤雁最先鳴。響入空閨靜。心憐永夜清。自從成隻影。同是感離情。誰許並高節。寒林有女貞。應自歸母家後作自憐隻影靜正守貞言外絕無怨尤可以哀其志矣

國朝詩別裁集卷三十一

國朝詩別裁集卷三十二

長洲沈德潛歸愚纂評 男 種松校字

江陰翁 照霽堂 長洲周 準欽萊同輯

戒顯 字梅堂太倉人以下僧詩○玩登黃鶴樓詩應是道民而為僧者無詩稿於卷軸中得之

登黃鶴樓

誰知地老天荒後。猶得重登黃鶴樓。浮世已隨塵劫換。空江仍入大荒流。楚王宮殿銅駝卧。唐代仙真鐵笛秋。極目蒼茫渺何處。一瓢高挂亂雲頭。

岳吞雲夢之概其此胸次手筆不啻推顧題詩在上頭也通體俱振得起

止昂 字銘堂浙江仁和人著有同凡草○銘堂徐姓名繼恩國變後為僧嘗云人非金石立見消亡不若逃形全真自遊方外詩二

國朝詩別裁集

卷三十二

教忠堂

卷王新城尚書目為湯惠休吊道猷之流

田家

田家無他望。所望在平畦。但恐終歲力。不得遂其私。何哉造物者。亦得厚我施。夜來微雨過。使我菜麥滋。登邱一以眺。秀色遠參差。此時桃與李。豈乏好容姿。顧子朴野性。獨與此相宜。及時務耕作。那敢貪天時。

近陶公性情不在而貌

戲酬友人惠日鑄茶

幾日春遊徧若耶。入城布衲滿煙霞。正愁仙福難消受。又喫人間御貢茶。

月下由御教場下投淨慈宿朗公房

御教場中月直時。下山全不道歸遲。三松影落半湖水。一路沿鐘到淨慈。

南潛 字月巖浙江烏程人○月巖薑姓說名本貢生中歲出家吳之雪巖寺詩思路手筆俱不凡然多偏歎欠完善茲錄其近情者

招魂曲

夢魂夜逐青桐葉。飛落秋園作蝴蝶。一星鬼火入筵青。法王院榜招魂帖。靈幡剪紗錢剪紙。月黑松搖古鬢鬣。高僧咒開枉死城。精靈隱隱啼秋怯。嘯聲認得故人魂。猶帶生前舊豪俠。

鬼氣近昌谷

宮人入道和唐人

國朝詩別裁集

卷三十二

教忠堂

聽斷昭陽鼓吹聲。道家衣向御前更。已拋團扇三秋怨。卻勝琵琶萬里行。留錦祗謀衰秘笈。買絲還擬繡飛瓊。天家異日齋香使。白髮宮奴記舊名。

和韋

聽雨

梧桐滴瀝客心驚。秋雨能吹白髮生。孤館燈昏惟對影。屢譙鼓溼不知更。前宵松月疑塵夢。明日泥塗聽屐聲。尋著漏痕當屋角。夜深百匝繞書行。

實訥 字可南江南吳縣人○詩從黃子若木嚴鈔得無稿本也氣清語削淋漓盡俗見我吳前此大有詩僧

石公山

湖上山忽起。突兀孤雲中。洪濤日相擊。飛雪灑晴

空懸崖疑欲墮。惟異由天工。雨晴蒼翠濕。水落根玲瓏。時有好事者。閒來窮鴻濛。

蝦蟆嶺

君不見蝦蟆嶺。崔嵬橫截日無影。特立太湖煙水中。飛鳥何曾至。絕頂崩崖挂倒樹。日久生莓苔。飛瀑灑石聲。磴道鳴殷雷。百步幾盤曲。去矣如復回。蝦蟆嶺。何年開。日見行人天上来。

傷范東生

苔水清湖水渾。東西相望愁人魂。君今長別故山去。春光寄。寄梅花村。湛園月下池光冷。冷浸芙蓉國。朝詩別裁集。卷三十二。三。教忠堂。夜正永。於今何處問風騷。空向草堂弔清影。

江樓望月

江村猶不夜。月已到高樓。碧瓦光相射。虛檐影自流。山山皆在水。樹樹盡成秋。天迥空無著。西風一釣舟。起與殘夜水明樓同妙山山皆在水寫得殘夜山水出

爛溪訪周公美不值

晚風吹亂葦。簌簌鳴荒疇。山月白如曉。溪雲涼似秋。蟬聲在高樹。水氣生空舟。問主不相見。門前閒片鷗。

夜同疑父宿元朗齋頭有懷秋潭

簾外絲絲雨。因風亦易晴。孤燈照清話。一鉢了浮生。野鳥不依樹。閒雲偶入城。懸知溪上意。流水是經聲。生新之句時近賈長江

荅董然明

木落水容淡。寥寥獨鳥還。小樓明月上。照見隔溪山。貽我句何逸。想君心倍閒。前期倘不棄。掃石梅花間。所選八首中五首寫月得月之神并傳月下人性情前身豈謝希夷耶

月夜過元弘山房

忽動幽人思。昏黃過草堂。江明初月上。地白已凝霜。相見更何事。歲寒心不忘。石牀終夕語。松隙又晨光。國朝詩別裁集。卷三十二。四。教忠堂。

顯謨

字言成江南吳縣人

山房同端白遲蘭公不至

林中掩荆扉。白日忽已暝。松風陰壑生。漸瀝寒秋聽。相對澹忘言。詩成禪侶定。期子不我來。寄寄孤雲逕。

東陸長卿

為別亦何易。山山盡是秋。曾期過一夜。不見到孤舟。風勁葉離樹。月寒人在樓。所思湖水闊。清夢得同遊。

海遐年介江
南宜興人

送友之吳門

東風吹柳拭煙輕折贈柔條空復情一望吳山千萬疊知君只在此中行

同授字翰芝江南吳縣人著有樂譜詩○翰芝文中翰啓美之子文肅公猶子也海桑後逃于樺所爲詩皆人倫日用盛衰興廢之感墨名備行

鼎湖篇贈尹紫芝內翰

丁丑戊寅間先公受知於烈皇帝遵旨改撰琴譜宣定五音正聲被諸郊祀上自製五建皇極百僚師師諸曲命先公付尹紫芝內翰

國朝詩別裁集

卷三十二 五

教忠堂

芝內翰。韻譜鈎剔時司其事者。內監琴張張奉命出宮嬪諸貞娥等。禮內翰爲師。指授琴學。頒賜紫花御書。酒果繾葛之屬。極一時寵遇。迨闖賊肆逆。烈皇帝殉社稷。諸善琴者。偕投內池。內翰恐御製新譜失傳。忍死抱琴而逃。南歸謁先公於香草垞。言亡國時事甚悉。從此三十九年不復聞音耗矣。癸亥秋余在寒溪。內翰忽來相見。如夢寐。意欲雜染事余學佛。余傷之爲賦。鼎湖篇以贈。

國朝詩別裁集

卷三十二 六

教忠堂

鼎湖龍去秋溪溟。驚風吹雨秋山青。白頭中翰淚凝霰。叫霜斷雁棲寒汀。烈皇御宇十七載。身在深宮心四海。一朝地老與天荒。城郭依稀人事改。當年刪定南薰曲。內殿填詞徵召侶。琴張好學直乾清。先公屢賜金蓮燭。雅樂推君獨擅場。望春樓下拜君王。高山一奏天顏喜。奉勅新翻舊典章。昭儀傳諭何諄切。予賚先頒女兒葛。上林避暑撫絲桐。溫語貞娥遵秘訣。流泉石上坐相邀。薇省風清玉珮搖。神武門前輕執戟。永和宮裏薄吹簫。如意初殤淚沾臆。自注皇五子悼靈王那堪又報河南失。鈿蟬零落葬田妃。池水蒼茫尚凝碧。寒食花飛不見春。冬青塚樹斫爲薪。煤山一片淒涼月。猶照疆場血化磷。世間萬境須臾夢。老臣剩有西臺慟。四十年来寄食難。何人再聽高山弄。鑑湖南去雲門外。古寺松篁景晻靄。維舟無意忽相逢。恍惚夢魂同晤對。夕陽影裏話前朝。天壽諸陵王氣消。留得閒身師白足。滿頭白髮影飄蕭。吳梅村祭酒詩道勝朝亡國事。要切切可被管絃。今讀者慨然傷懷。此篇竟似出梅村手。梅村道本身事。翰芝道先人事。其感一也。神來尤在後半。

過五經嶺

絕壑松杉合。懸巖冒雨登。雲中人種麥。天際我攀

藤路盡峰能轉巢危石欲崩寒煙滿蘿屋應有未歸僧阻風登采石磯云去帆疑駛走棹浪駭江飛亦能作奇語

雪霽後曉行過龍舒

衝寒初放棹侵曉度溪灣殘月霜中角長江雪後山鐸清知塔近波宜識鷗閒載筆頻年夢蕭湘一衲還

吳翼生歸自塞上話舊

七載風霜雪滿鞵曾騎款段獨行邊之官恰值初裁俸作吏惟知不愛錢薄宦暫歸仍是客殘僧久別已忘年地爐芋火深宵共破院相依有夙緣清室如話

國朝詩別裁集

卷三十二 七

教忠堂

吳洪雅之清味自見吳後為繁宰

大燈字同岑浙江秀水人○下五僧詩皆得自選本中

遊毛公壇

千古仙壇在丹書孰更聞藤蘿春覆雪洞壑晚連雲藥竈花間出人家谷口分何時移草閣向此卧斜曛

秋夜宿八峰山房

黃花籬下亂蛩鳴古寺秋高嶺月明夜半石牀清睡去不知枕上落泉聲

大瓠字節在江南宣城人

許墅留贈周玉鳧儀部

瓢笠飄然特訊君連朝風雨惜離羣青楊花覆山橋路白石溪連竹屋雲卻恠鴟鵂嘲鳳德敢將驥裏應龍文荒涼一逕空延佇回首江關已夕曛時值部罷

官家居故有五六語

函可字祖心廣東南海人

丁亥春將歸羅浮留別黃仙裳

春盡雨聲裏揚帆趁曉晴路經三笑寺歸向五羊城末世石交重餘生瓦鉢輕悲涼無限意江月為誰明

國朝詩別裁集

卷三十二 八

教忠堂

本源字元菴浙江湖州人

過王鵠菴舊居却寄郡城

菰城摩詰在久不住崑阿白日攜筇到青山送客多林空一片月澗落萬重波知我無如子秋深幾度過

大寧字石湖浙江錢塘人

寄胡柏菴

時有渡江夢孤懷歷歲深澹雲歸鳥意春樹野人心岸艸青連屋山花紅滿林好知千古事明日幾回尋

成駕

字跡剛廣東番禺人著有成陝堂詩集。上人姓方氏本名諸生九谷先生弟也中年削髮不解其故然既為僧所著述皆古歌詩雜文無語錄頌等項。本朝僧人解出其右者擬之於古其惟像秘演之儔歟。

祝髮呈本師

男兒愛身及膚髮平生一毛不敢撻蹉跎四十一回春負此遺骸等株橛蒙師為我操慧刀頭上不與留纖毫一朝四大輕鴻毛昔日縫掖今方袍縫掖翁方袍子本來面目應相似鏡中見影不見形莫道昨非今乃是請辭大眾入山去山月松風供穩睡

莫道昨非今乃是見為儒未必非為僧未必是也知其未必是而為之此何故耶

屈翁山歸自金陵予將入瀧水賦贈

國朝詩別裁集

卷三十二 九

教忠堂

君不見至人有身無四大乘風穩踞溟鵬背下覽九州如歷塊朝發越裳莫燕代君不見至人善行不任足馳驅直入螭牛角縱橫游說蠻與觸三軍解甲輿脫輻斯人人耳無大奇致虛守靜如伏雌中間真宰微乎微神出鬼沒不可知去年盡室吳江去江邊欲與鷗夷住高堂有母生喜懼自剗扁舟出煙霧歸來重理漉酒巾黃花彩服參差新炙雞秉燭招比鄰黑貂貫過墻頭春興來起舞醉無力舉觴徧告座中客此身有母難許國自作散儒深可惜深可惜未忍聞長歌短曲聊和君明朝我

向瀧西隱世事悠悠勿復云

角韵叶。鬱鬱律律欲滅欲沒如相馬者慮索之牝牡驥黃之

外

羅浮采藥歌

朱明老仙能辟穀日飯胡麻茹黃獨輕身直上鐵橋行路破飛雲雲在足四百峰頭種紫芝千尋澗底菖蒲綠藥名藥品皆離奇神農本州那得知相逢一一為予說予心半信還半疑老仙大笑導予去指點深山最深處隨取隨有卻隨無殺人活人不知數傾筐不盈盈更歸歸時忘卻來時路

緣陽欲仙

秋鐘

國朝詩別裁集

卷三十二 十

教忠堂

寂寞秋原寺霜鐘韵最幽數聲生殿角一夜白人頭晶晶月當枕蕭蕭風滿樓何能此時節還起景陽愁

鏡

愛尔本無我虛明識故人滯形還偶影顧笑復憐顰虛室自生白太虛誰寫真所嗟承弁髦一見一回新

惟太空所以無物不照寫鏡寫心是一是二

問天

我有千古恨高高將聽卑亦知曾補後不似未分時得氣清何少流光照或私可能空闊外容我管

中窺既補後天雖以人矣所以清中有

問影

不辨誰賓主。何因有往還。憐君時一顧。笑我未能閒。世態膠難合。前塵跡可刪。終當事韜晦。相待掩重關。

登大科峰頂

愛山登陟不辭勞。直上欽岑振敝袍。老去始知行腳穩。年來惟恐置身高。青天有路隨孤鶴。滄海無根仗六鰲。閑倚西峰發清嘯。下方誰識是吾曹。必作此語耶

國朝詩別裁集

卷三十二 士

教忠堂

讀宋史偶筆

從來吾道本虛公。維蜀何因有異同。端禮門前書姓氏。原來都在黨人中。洛蜀同異。撫在黨籍碑中。一以見相爭之多事。一以見程蘇之均不碍為君子。

也此種詩可當史論

大成字竺菴湖南醴陵人

山居

一株兩株老松青。松下結個小茅亭。三日五日來一次。肩荷榔栗手持經。讀經讀到山月出。聽松聽罷天落星。適然拋卷松間卧。夢與松根乞茯苓。有生格備一

海岳字中州江南鎮江人

訪友不值

尋君復不見。窈窕出林間。落葉溪邊路。浮雲海外山。午煙桑柘隱。秋色戶庭閒。愛爾幽棲好。歸來亦閉關。

天定字雙溪湖北武昌人

涵師峨嵋遊歸因贈

峨嵋西去似登天。見說親行到頂邊。古木千年都化石。衲衣六月揔衰棉。陰風晝灑巖端雪。急雨宵聞洞口泉。袖得圖歸誇示我。芒鞋踏破意忻然。音語

國朝詩別裁集

卷三十二 士

教忠堂

真境故人黃尊古住峨嵋半載為予言之

大健字蒲菴江南和州人

登鍾山

鍾山常在望。惆悵有誰登。躡履過靈谷。披雲拜孝陵。荒途迷亂草。深澗咽寒冰。香火餘官監。悲涼向野僧。

僧殘字石溪湖南湘潭人

古意

瘞琴峨嵋巔。知音何寥寥。埋骨易水旁。俠士魂難招。物性不可違。豈必漆與膠。嘗恨士不遇。白首空

蕭騷齊已能作雄壯語如拔劍斲地

超遠字心靜雲南人○心靜出家西江之廬山南邨宋公廵撫西江與謝接唱和後移節江蘇心靜復來吳中又有唱和詩時人以印比之

竹港

數家煙樹裏竹港最佳名茅屋經秋補山田隔歲
畊殘陽歸牧笛零露咽蟲聲更遇村翁說生平未
入城

鐵鑲橋

萬山誰劃斷一水界東西地曠風逾急天低雲易
迷半空橫鐵索千尺跨虹霓我欲橋邊宿江猿休
國朝詩別裁集 卷三十二 圭 教忠堂

曉音

字確菴 著有高齋堂詩集○確菴主華山方丈
聖祖御製有欲遊華山未往七絕確庵和至百首進呈大約以
多爲貴者茲錄錄清
真一章重性情也

過東寺晤天逸兄別來已二十六年白頭相
對慨然有作

吳天楚地兩茫茫尺素難憑雁寄將隔絕五千餘
道路俄經二十六星霜祇疑相對還成夢敢定重
逢在此方顧我青年悲失恃羨君白髮奉高堂身注

母年逾九十

性休

字尺木前朝宗
室後未詳省縣

漁父圖

東西南北任遨遊萬里長江一葉舟夢裏不知身
是客醒來大地忽新秋從漁父詩
語采人

德元

字鈞園江南長洲
人著有來鶴齋詩

玄墓看梅

謝卻蘭橈信杖藜千峰盤磴入花畦晴雲度影迷
三逕暗水流香冷一溪僧寺多藏深樹裏人家半
在夕陽西登臨更上朝元閣滿壁苔痕沒舊題
石墻茆屋老梅叢仄徑危崖處處通半嶺人煙香
雪裏下方雞犬白雲中溪邊楊柳萌新綠谷口櫻
國朝詩別裁集 卷三十二 古 教忠堂

通岸

字智海
廣東人

采石謁李祠題義嶺亭

江南雨過羣峰青沙邊蘭漿時一停青蓮居士不
可見千秋空有峨嵋亭峨嵋山月還依舊昔年曾
照盃中酒爲問騎鯨飛上天不知更落人間否

古英

字碩承
廣東人

山行

出門無定所一路喬松陰流水道人意青山太古
心偶然乘興往不覺入雲深獨立發長嘯蕭蕭風

滿林

智朴字拙菴江南徐州人○拙菴主荊州之盤山作山志與新城商邱諸公往還其詩不多見

盤山

蒼松亂插連雲石。石上苔痕虎行跡。拄杖來從飛鳥邊。下視蒼茫遠煙碧。

宗渭字紺池江南華亭人○紺池少學詩於宋嘉慶觀察中年獲遊西堂尤倚詩之門得所傳授嘗謂門弟子曰詩貴有擇理勿入

徑語弘秀集雖唐人詩實詩中野

橫塘夜泊

偶為看山出。孤舟向暝停。野梅涵水白。漁火逗煙青。寒嶼融殘雪。春潭浴亂星。何人吹鐵笛。清響破

國朝詩別裁集

卷三十二

主 教忠堂

空冥春潭五字每於夜泊時遇之

懷余廣霞處士

才氣真飛將。東南臂量分。長饒皋廡月。短褐孝陵雲。金盞還交客。詩成最讓君。深秋煙水闊。何處倚

斜曛

次韻酬九米

風急樹蕭蕭。思君夢易銷。鳥啼黃葉寺。僧語夕陽橋。得句霜鐘度。安禪佛火燒。十年詩律苦。珍重貯山瓢。

錢塘觀潮

落日海門下。錢塘潮正來。半江堆響雪。兩岸起驚雷。傾刻銀山合。奔騰白馬迴。夫差遺恨處。終乏霸王才。

纖簾先生書齋晚望時顧伊人屬和

隱几澹無慮。日斜偶啟關。鳥聲寒過竹。樹色靜疑山。世藉六經重。天留一老閒。落霞江岸遠。如爲映蒼顏。

浦城下水

隔宵戒語過清晨。細雨枯蓬出劍津。舟子下灘常關水。估人遇險只呼神。空門無我休言命。逝者如

國朝詩別裁集

卷三十二

主 教忠堂

斯任此身。兩岸烏啼行不得。徧山紅染杜鵑新。

重過海印菴

三年重向虎谿遊。石路依然碧水流。鳥背斜陽微帶雨。寺門衰柳漸迎秋。弟兄誼重難爲別。師友情深竟莫酬。歎息此身閒未得。天涯明日又孤舟。

斜陽在鳥背一層樓帶雨又一層七字中寫出三層渾然無迹

中秋同鹿洲圯授天行紫英業師坐月

銀河澈灩碧雲鮮。徒倚柴門月正圓。影瀉蒼松清帶露。光搖秋水澹無煙。鐘殘自愛添衣坐。香燼何妨後客眠。皎潔一年惟此夜。莫教容易負嬋娟。

早起

宿雨散涼色。竹林煙未醒。流鶯三四語。啼破半窓青。

願光 字心月

送陳少菴之楚謁所知

粵國千山外。言揚楚水舲。送君出江口。黃葉滿津亭。樹色寒雲夢。秋聲落洞庭。故人一相見。吟眺九疑青。

溥皖 字蘭谷 廣西人

劍閣

國朝詩別裁集

卷三十二 七

教忠堂

險絕惟雙劍。迢遙一線通。水分巴字峽。山接漢王宮。梯石來天上。穿雲入地中。無知憐李特。湯欲守蠶叢。五六極形其險結意見竊據必敗猶少陵叙公孫述割據後云恐此復偶然臨風嘿惆悵也

虎邱訪賣花老人

緩携柳栗訪山家。一路斜陽五色霞。不是閒園是花園。可留餘地種桑麻。此正論也勿謂方外人作穀風景語

元龍

字牧堂江南華亭人。○牧堂與化李氏祖父遷華亭名家子也。聖祖南巡獻詩。命賦山色有無中稱。旨賜紫初成詩取捷晚歲自悔苦吟存。詩家多故所收從畧。

秋胡行

養蠶勝養兒。養蠶猶吐絲。養兒防親老。而乃離庭。

聞君憐采桑婦。不念桑榆人。桑榆景苦短。桑婦時悲辛。還君相贈金。請君斷諸妄。君意在桑間。妾情非濮上。攀條謝郎君。倚門人久望。顏延年此題詩詳叙列女傳敘畢而止秋胡之不孝自見此渾括大意明責其不能養親而秋胡之不孝亦見顏詩妙在詳此詩又妙在簡

乞食

林間纔定起。洗鉢出門行。童子亦知善。設齋非愛名。說經酌飯價。回施合凡情。果腹便歸去。寒山萬木平。

楚琛 字青雲江 南松江人

西湖感舊

國朝詩別裁集

卷三十二 六

教忠堂

支筇兩過采蘭辰。十錦塘邊已暮春。飄絮露為苔面雪。落紅踏作馬蹄塵。當年白社驚誰在。此日青山似故人。遙望南屏峰頂路。綠蘿庵畔絕無鄰。

大寧 字石湖江 南桐城人

雜韻

峯頂屋三間。松邊石一片。早晚雲飛來。只有樵夫見。

元璟 字備山浙江平湖人。借山以詩受。聖祖知居京師久後放歸丙午歲與子遇於天宮佛寺名流咸在時炎月借山禪程指

子曰此即長洲沈生耶既出詩筆相質為點出賦詞與處心服別時整衣送半里外知非一例傲岸者也惠天教學士不輕許人向人每稱借山即詩品可知矣

題屈翁山詩集

三閭有苗裔。流落海南濱。奇服紉香草。狂歌託美人。杜鵑心事苦。斑竹淚痕新。欲與重華語。青辭何處陳。

三忠祠

自注陸秀夫張世傑文天祥

播越無全業。艱危不顧身。厓山傾一旅。柴市接三仁。棋到殘難算。金從鍊後真。崇祠安海角。歲歲薦香蘋。

一覽樓

未放九峰舟。先登一覽樓。天清鶴孤唳。地盡海東流。佛土由來淨。神仙不易求。松風和梵籟。滌蕩客中愁。

國朝詩別裁集 卷三十二 亢

教忠堂

十月朔入會稽山平陽寺參寒泉老人

雙眼平生隘八垓。江東法社半蒿萊。波光清泛耶溪曲。山色奇爭委宛開。鐘自萬松陰裏出。人隨一雁影邊來。須知水乳相投合。絀石磨甌挽不回。

蛟門

十丈帆張五兩風。笑談間已出蛟宮。兩拳石束波爭立。一隙門開天忽東。雲壓鼉頭蓬島黑。日翻魚眼柁樓紅。平生夷險經曾慣。要吐胸襟浩蕩中。

海詩同一襟懷乃偏出自學佛人知不以標寂自縛者也

答徐文虎

偉長詩骨玉森森。顧我城南祇樹林。入夢幾人飛白鳳。登臺終古弔黃金。塵中歲月愁將老。霞外心期話自深。若得把茅靈谷近。瘦梅花底共清吟。

斥堠

五里與十里。一雙復一隻。送盡往來人。轉似無情客。

盧溝橋

日色纔分萬衆驚。黃塵漠漠馬蹄驕。題詩笑問桑乾水。曾有閑人過此橋。

國朝詩別裁集 卷三十二 干

教忠堂

馬家山

山脚山腰盡白雲。晴香蒸處畫氤氳。天公領略詩人意。不遣花開到十分。

過楊鐵崖故里

玉削羣峰抱一村。甘泉如乳出雲根。負薪伐木扶犁叟。多是楊家十葉孫。

大汕

字石濤浙江嘉興人

此詩漁洋采入詩話

訪梅谷和尚不值宿南澗寺有懷

入門不見鼓瑤琴。冷落蒼蘿滿地陰。古樹寒雲孤

客夢空潭。明月故人心。後飛絕壁。窺孫確。鶴立高枝。憶道林。一夜泉聲來枕上。不知何處更追尋。

九日前一夕泊韶州逢陸嚴京

十年重泛曲江舟。客路逢君感舊遊。壯志不因談劍得。餘生當為著書留。天涯細雨黃花夕。野岸疎燈白露秋。明發孤帆仍遠別。南天淒絕旅鴻愁。

吳江訪顧茂倫不值因寄

松陵寂寂草芊芊。雲掩茆堂一逕偏。隔岸桃花開野渡。到門春水纜魚船。黃冠冠應避秦時客。白眼空懷晉代賢。久立還思問童子。笛聲吹散五湖煙。

國朝詩別裁集

卷三十二 主

教忠堂

人神佳三

睿字目存江南吳縣人。目存工畫山水花卉人物俱師法古人。南宗北宗兼善。富路薦入京師。旋以疾告歸。方外中淡於榮利者無詩稿茲從畫卷中采入。

題簪花圖

莫摘穠香壓髻鵝。懶將時勢鬪鉛華。他年得入維摩室。不許簪花許散花。

圖寫張憶媛簪花卷中題咏。吳及百人獨此首甚超。

然修字桐舉江南長洲人。桐舉詩筆清倩。蔡大將軍延之京口。欲其漸次主講席也。年三十餘。幼攻詩稿不傳錄其勒石金山一首。

金山

蒼茫落日下。藤蘿身在荆關畫裏過。飛去斷雲雙

白鳥浴殘寒。浪一青螺。蘄王有廟。踈煙冷。郭璞無墳。亂石多。千古寂寥俱莫問。且聽江月送漁歌。

岑霽

字樾亭江南長洲人。著有柏堂詩。上人將母。柏堂盡于適。書讀儒書。教友生。誼益隱於禪者也。詩品清激。無塵遠近名流爭欲識其面。樾亭殆吳中無詩儔矣。

貫華閣晚眺

輕颺起長林。踈鐘應崑谷。一逕度修篁。高閣散遠目。江平颿去遲。樹暗雲歸速。春江淡容與。寒花正芬馥。物情愛和煦。人意耽幽獨。悠然酌山泉。夕陽下喬木。

柏堂對月和周昇逸

國朝詩別裁集

卷三十二 主

教忠堂

柏堂今夜月。雲物不能侵。對此碧空淨。聞君白雪吟。入簾明鶴髮。繞樹見禽心。坐覺清言久。踈鐘報隔林。

韜光寺

磴道盤紆上化城。松篁影裏亂泉鳴。徑堆黃葉行偏滑。鐘過白雲聲更清。帶雨秋潮歸海靜。盤空山勢到江平。道人尚有燒丹處。認得當年舊鼎鐺。

仙鍊丹處

西山道中

扶攜筇竹上空亭。夾路長松不斷青。千尺澗泉飛

洞壑百盤螺髻入高冥。人行亂葉雲迷屐。雁下寒
蘆雪滿汀。空谷誰能繼遺逸。移文應辱草堂靈。詩思

清人

自龍泉關過嶺宿白雲寺

萬丈雄關到始諳。空中斗插五浮嵐。白雲僧下山
頭寺。黑雨龍飛石上潭。冰雪百層寒代北。波光一
線認江南。閒身隨處堪投宿。直上諸天是蔚藍。

尋澗上先生故居

先民隱迹付寒煙。策杖相過一愴然。谷鳥飛鳴竹
林外。山花開落草堂前。鑿坏而過名難晦。采蕨為
糧世共賢。一曲山泉上沙出。何人溉灌種瓜田。是遠

國朝詩別裁集

卷三十二 五

教忠堂

遺老伯夷郭平一
身兼之詩品清絕

露筋祠

沙草淒淒迷煙樹。昏荒祠窈窕託貞魂。靈旗高捲秋
風晚。惟有清淮照墓門。賦此題者多粘貼近廟王漁洋以爲景別行一路爲避俗也作者同一寫景而

意言之外仍表其幽貞故自耐人尋味

蘋花

翠葉金花雜杜蘅。湘湖千里最知名。秋風颯颯過
南浦。鄉思無端一夕生。

德亮

字雷林江南長洲人。此吾友樹滋陳上舍弟也出家後蒙教未除能面斤人過人以正理責之亦拜而受時不多作出語必

欲勝人

龍泉關

絕域龍泉限。橫關鳥道開。塞雲昏客路。虎氣伏山
隈。風土猶三晉。人煙自五臺。當年頻設險。因憶出

羣材。沉雄無蔬荀氣

孤花

一點出塵綠。春情仍自深。香微憐土薄。開晚少人
尋。雨漬猶堪賞。風吹略不禁。翛然苔石畔。誰爲表

孤心。極寫孤字形神俱有

佛陽字旭雲江南京都人

國朝詩別裁集

卷三十二 五

教忠堂

月夜過雷塘道中

誰唱吳歌古渡頭。一聲清怨過迷樓。淒涼滿地蘆
花月。撩亂連天鴻雁秋。寒樹著霜猶是綺。廢塘埋
玉尚名鈎。道人不知繁華感。午夜行吟別有愁。

德暉字潛谷江南京人

探梅

老戀繩牀懶出村。偶携筇杖破苔痕。到來晴雪迷
巖谷。卧入寒雲冷夢魂。目既成餘唯。有笑心當醉
處欲忘言。一瓢此際真堪挂。擬剪茅茨覆華門。王漁

蒼雪僧十日花開湖上路半春家在雪中山句采入詩話中潛谷因入寒雲吟夢魂名爲正復不讓五六尤覺麗潔潔白

超源

字運峰浙江錢塘人。道學見知於世。宋皇上召入內廷。勅主吳中怡賢講寺一時尊宿也。而其詩學主孟學。釋典。

妙化出之疎有
空山冰雪氣象

題畫

溪口有亭。巖邊有屋。不見人歸。空留雲宿。向度勝公
負有句云

石屋不見人惟留白雲
住不意遺事先得我心

夢故友程風衣

春雨何浙浙。春雲更沉沉。程君已隔世。宵夢來相尋。自言身朽心不朽。象外風月皆吾友。從前膠擾海天空。祇是泉臺無美酒。斜陽煙柳門前溪。欲別不別重牽衣。寄語淮陰小兒女。我今野鶴同翻飛。

國朝詩別裁集

卷三十二

教忠堂

友人枉過開化寺

青眼多情客。携朋問暮秋。人同山共瘦。時與水俱流。黃葉迷村路。清風滿寺樓。荒涼郊外景。肯向錦囊收。

題畫

春浦風生柳岸斜。好山何處著人家。白雲遮斷橋西路。不許漁郎問落花。漁郎問落花韻事也。今
云不許問尤見其韻

妙復字天鈞江南無錫人有石林吟藁○天鈞與榮
道士洞泉杜太史雲川結詩社稱九龍三逸

兩鶴

昔年兩白鶴。巢我青松林。夜寒時警露。衆壑流清

音一鶴戀故栖。子焉守雲岑。一鶴忽遐舉。天路探

幽深。神山境恍惚。浩浩誰能尋。驚飈吹未息。素羽

愁難任。故林遙待汝。貞此巖阿心。作招隱
詩讀

訪山中禪友

曉愛山氣清。晚愛山煙蒼。日夕常在山。遂與山相

忘。相忘忽相憶。憶我山中客。松扉輕叩聲。或恐驚

棲翼

律然字素風江南常熟人著有息影齋詩○素風於詩友三五人外
不慕貴遊不儲錢資坐石經堂幾六十年人品高故詩亦不落
禪門俗調體也柏太史鍾高許以
務如清風靜若止水人共信之

落梅

國朝詩別裁集

卷三十二

教忠堂

和風和雨點苔紋。漠漠殘香靜裏聞。林下積來全似雪。嶺頭飛去半爲雲。不須橫管吹江郭。最惜空枝冷夕曛。回首孤山山下路。霜禽粉蝶任紛紛。

西齋小葺初成西澗露滑雨先生見過贈詩

次韻

緇廬不厭如蝸小。喜是軒窓兩面開。種竹葉沾新雨露。移松根帶舊莓苔。偏多白髮携筇過。儘放青山入座來。點檢階除忙未了。幽花野草按時栽。佳句

悼鶴次蔣迪甫太史韻

病久胎禽剩瘦形。朝來羽化竟冥冥。孤情望斷林

間影禿筆書殘石上銘苔徑忽空新印跡松巢忍見舊遺翎高人從此添離索哀怨還如失一丁

元祚

字木文湖廣雲夢人西洞庭山寺住持著有鶴舟詩草

從安節密草昆仲乞寫鶴舟圖

我家住近黃鶴樓門對青青鸚鵡洲一朝巢破防傾卵獨鶴扁舟任遠遊飄零奄忽三十載幾見桑田變滄海細柳新蒲失舊觀堆有青山常不改去年覽古鳳凰臺臺上白雲難掃開鳳皇黃鶴遙相望彼此茫茫招不來浮生一夢真草草秋月春花人易老早知飄瓦本無情何事從前愁不了水田

國朝詩別裁集

卷三十二 毛

教忠堂

茆屋莫愁村別有遺風古道存採薇烹蕨從先志頭白相逢兩弟兄生性煙霞入骨髓人爵之榮糠粃耳胸中同有造化鑪寫出真山與真水夙世辭人兼畫師何須粉本求成規意在筆先纔落筆全湧元氣何淋漓我生愛畫世無對逢人索畫如索債憑君合寫鶴舟圖渺渺胎仙水雲外

胸中雖早盡畫紙墨不得以枯

之

獨樹堂散懷

得失吾何有榮枯事盡刪神常遊物外名恐落人間流水一聲磬夕陽數點山閒身倚枯樹竹看鳥

飛還

棕竹新添杖扶來步步安渾如得老友從此共盤桓天地孤身在冰霜白髮寒一編寫情性只可自家看

寄高澹游

賣盡青山說買山高年正好學偷閒洞庭儘有梅花屋何不携家住此間

澹游工六法故有起句

明印

字九方江南常熟人吳中怡賢寺住持

秋日過王岡齡山齋次韵賦答

良辰赴幽期名園散清步黃菊未辭秋霜鴻正橫

國朝詩別裁集

卷三十二 天

教忠堂

曙道遙玩泉石參差數藥樹主人出卷軸精力所凝注六法韻俱流五字神或助把翫媿不如愛極翻成妬

我見猶憐何况老奴妬極翻成愛也此對面言之係佳人一係釋子不禁樂然

陟級已梯空登茲江畔樓取適那在高聊足恣冥搜虛簷仰晴穹疎檻臨平疇西山送遙青風前上簾鉤起以淡為賞情以忘轉投寒城送暝鐘一笑還淹留

九

採字玉田江南長洲人著有澹雲集以下道流○玉田以道街擅名後主康親王邸與諸大老唱酬煙霞之氣漸少矣

我取蕪城一章係未之目下時所作

蕪城懷古



7W 21101000825245

零落楊花帝業消。龍舟東下泛春潮。長堤帆影三
千女。明月簫聲廿四橋。金井寒泉無綆汲。玉鈎香
土有魂招。遊人莫笑江都夢。贏得風流勝六朝。

俞

桐

字秋亭江南長洲人○秋亭以病入道隱于畫
餘事成詩取自然不求工也適秋谷每賞之

漁父

身為漁父志不在魚。投竿直釣悠悠。江湖釣不必
得。得不求沽。煙霞為餐。天地為廬。弗顧獨醒。頽然
一壺。忘我忘天。浩歌可夫。視漁父答孫綏
歌所見尤高

舟行

遙望炊煙處。橋陰斷玉環。淡霞明到水。叢樹遠疑
國朝詩別裁集 卷三十二 元 敬忠堂

山寂寞。三春過。夷猶百里間。晚來隨意泊。鷗鳥共

溪灣。三四眼前語雖饒者轉或失之○紺池僧樹色
靜題山妙在靜字此叢樹遠疑山妙在叢字

應 還 日 期
